






RB 123,590a

**Library  
of the  
University of Toronto**



**STILLMAN DRAKE**





Digitized by the Internet Archive  
in 2014







H. John Falk M.A.

Coll: Nov: Kon:

The Portrait of Hewelius and the Frontispiece are the work of his friend, my ancestor, Jerem. Falk, who was born in 1620 and died Feb. 7. 1677 & is buried in the St Petri Church, Danzig (4<sup>th</sup> Monument at the Altar).

The Observatory engraved opposite pp. 98 & 103 is still on the roof of the house of my family in Pfetterstadt, Danzig, & the beams, windows, table, and various marks remain as shown here.







HEVELII  
SELENOGRAPHIA.  
PHIA.



REVELL

STENOGRAPHY

PHIA.






Contemplare Virum, qui coeli sidera primus  
 Quae vidit, sculpsit, mentis manūque valens.  
 Hacenus ut nemo: quod testaretur, ALPHONSE,  
 Si in vivis es; tu GALILEE quoque.  
 Expreffit calo, Galckii celeberrima dextra,  
 HECCEJVM, patriā nobile sidus Eumi.  
 Johannes Mochingerus. f. Joem. Galck sculpsit.

Helmiel à Iwenlucen pinxit.









*Tollite in sublimis oculos vestros, et videte quis creaverit ista*  
*Eps. 40.*



IOHANNIS HEVELII,  
SELENOGRAPHIA.  
*cive,*  
LUNÆ DESCRIPTIO;  
*tam macularum*  
*quàm motuum diversorum,*  
*aliarumq; omnium vicissitudinum,*  
*phasiumq; Lunarium,*  
*telescopii opè,*  
*deprehensorum,*  
*delineatione accuratâ,*  
*atq; locupletè,*  
*rerum Coelestium,*  
*auctario exornata:*  
*prodit,*  
GEDANI.  
*Anno, à Christo nato, 1647.*  
*Autoris sumtibus,*  
*Typis Hünfeldianis.*




ALHAZEN



RATIONE.

GALILAEUS



SENSU.







# JOHANNIS HEVELII SELENOGRAPHIA:

SIVE,

## Lunæ Descriptio;

ATQUE

ACCURATA, TAM MACULARUM  
EJUS, QUAM MOTUUM DIVERSORUM,  
ALIARUMQUE OMNIUM VICISSITUDINUM,  
PHASIUMQUE, TELESCOPII OPE DEPREHEN-  
SARUM, DELINEATIO.

In quâ simul cæterorum omnium Pla-  
netarum nativa facies, variæque observationes,  
præsertim autem Macularum Solarium, atque Jovialium, Tubospicillo  
acquisitæ, figuris accuratissimè æri incisis, sub aspectum ponuntur : nec  
non quamplurimæ Astronomicæ, Opticæ, Physicæque quæstio-  
nes proponuntur atque resolvuntur.

ADDITA EST, LENTES EXPOLIENDI NOVA RA-  
TIO; UT ET TELESCOPIA DIVERSA CONSTRUENDI, ET EX-  
periendi, horumq<sup>3</sup> adminiculo, varias observationes Cœlestes, inprimis quidem Ecli-  
psium, cum Solarium, tum Lunarium, exquisitè instituendi, itemq<sup>3</sup> diametros stellarum veras, viâ  
infallibili, determinandi methodus : eoq<sup>3</sup>, quicquid præterea circa ejusmodi  
observationes animadverti debet, perspicuè  
explicatur.

CUM GRATIA ET PRIVILEGIO S. R. M.

GEDANI

edita,

ANNO ÆRÆ CHRISTIANÆ, 1647.

Autoris sumtibus, Typis Hünfeldianis.



THE UNIVERSITY OF CHICAGO

LIBRARY OF THE UNIVERSITY OF CHICAGO

1900

1900

1900

1900

1900

1900

1900

1900

1900

1900

1900

1900



IN  
DEI O.M.  
Rerum omnium Parentis,  
GLORIAM,  
Cœlesti affulgente ope,  
elucubratas has operas,  
SELENOGRAPHICAS,  
REGIÆ URBI,  
GEDANO,  
Charitates omnes comple-  
ctenti  
PATRIÆ,  
cum majorum semper-in-  
crementorum voto, honoris  
& amoris debiti causâ,  
D. D. D.  
Johannes Hevelius.



DELOM

Return omnibus Patent

GEORGE

Gold's telephone op

the electric

Standard

REGIA URBI

GEDANO

Charles Lewis Comp

Gen

PATRIE

and together in

the

the

the

Johannes Hechler



# Ad Lectorem.

**C**UM INCOMPARABILI PACE, quam DEI Optimi Maximi nobis largitus est favor singularis, & SERENISSIMI AC POTENTISSIMI PRINCIPIS ULADISLAI IV. DOMINI AC REGIS nostri longè CLEMENTISSIMI, immortalī laude dignissimum erga subditorum suorum felicitatem studium conservavit, hoc loco fruamur; utiq̃ue ad nos omnes hoc quàm maximè spectare sum arbitratus semper, ut Numini supremo ea propter & infinitas agamus gratias, & simus submississimè supplices, quò, cum S. REGIAE nostræ MAJESTATIS perpetuaturâ famâ prosperri-  
mâ, nobis liceat diu esse sic beatis. Quemadmodum item, sine dubio, partium eò est nostrarum, quiete istâ otioq̃; cœlitus concessio ita uti, ne ignobili torpore tempus ad omnia commodum transigamus; verum ad pacis potiùs, pariter utilissimos, pariter laudatissimos fructus, ut quimus, universi ac singuli incumbamus promovendos: quò publicè constet, nos tantum Cœli beneficium, quo regiones pleræquæ Christianæ, hætenus multos annos, miserabiliter caruerunt, agnoscere, & eo, quo par est, animo colere. Quod quanquam intimis meis medullis hæreret infixum; non ausus sum tamen mihi ( me omne, quod æquum esse novi, metienti modulo ) persuadere, quòd eum in finem



possem plus aliquid efficere, quàm è grege paterfamilias quidam, & civis frugi, aut vix paulò magis quàm privatus. Cæterùm, in coelestis fornicis contemplatione asfiduo (ad quod studii genus semper valde propensum esse animum meum sensi, à teneris eò, cum impetu divino abreptum, tum corporis animique parentum, optimâ recordatione semper mihi prosequendorum, bene consultâ, fidelique operâ inclinatum) & observationes jam pridem coeptas accumulanti, in mentem ejus rei venit, bono, ut planè nullus dubito, inspirante genio, vix vulgarem fore operam, Uranoscopis certè & valde utilem & haud ingratham, si Planetarum nondum satis cognitæ figuras, visu meo, quàm possem maximè, venarer, & oculis menteque paulò accuratiùs perceptas in chartâ spectandas orbi sisterem; quò etiam omnes ad corporum coelestium adspectum, hortatu, ne dicam imperio, impulsu divino, magis magisque asseverant. Lunam verò vel cum primis attendendam esse duxi, quòd ea minùs videretur observata, quàm oportuit; &, quòd ejus, quæ hactenus quidem credita est incerta, varietate rectè compertâ, futurum esse pro certo statuerim, ut inde mille sint mesuri utilitates Astronomi, Geographi, Hydrographi, Nautæ, homines omnes: si videlicet vera Macularum Lunarium, cum magnitudo, tum distantia atque proportio, ut & corporis totius Lunaris gressus fixi, ac ejusdem in vultu vicissitu-



tudines examus sim notentur, & notata, quasi in tabulâ, sint in promptu. Quam cogitationem meam, quibusdam proditam, stimulare præsertim rerum Mathematicarum peritiores, vel sanè cupidiore aliqui; quorum singularis virtus & mutuus amor meritisimò fertur à me in oculis. Ut autem sic animos mihi esse additos sum expertus, ardore id conandi nimium quantum in pectore intus crescente: ita parùm abfuit, quin accinctus operi (quod cum die intelligebam multò maximam molestiam afferre) cessissem oneri. Tuborum aliquis, quo carere hîc non licet, primò quærebatur, atque is non in foro obvius & rerum promercialium tabernis, sed exquisitus, quem corpora coelestia admitterent, & non eluderent. Hunc verò ubi & unde nancisci deberem, non inveniebam. Animadvertēbam deinde, hoc laboris aggresso suscipiendam esse fabulâ decantati Endymionis personam, & ferè dormiendum esse diu, noctu autem maximam partem vigilandum; quod citra virium corporis haud exiguam attenuationem fieri posset, nec citra rerum multarum dispendium. Hinc autem multò etiam major oriebatur formido, quòd tale quid somniare non liceret, fore, ut laborum socium essem reperturus, quò visa chartæ traderentur; sed uni soliquè mihi & per noctem contemplandicuram & diurnam annotandi esse perferendam, hoc est, oculos de nocte & manus de die in perpetuis



occupationibus detinenda. Quanquam hæc omnia nihil erant ad id, cùm se menti offerebat, quanta sit futura difficultas tam rari, imò inausi operis, ad aliquem, sive mihi tantùm, sive aliis, placitum exitum perducendi. Verùm enim vero tandem me obfirmavi, non tam illud animo volvens: tentanda est via, quàm me quoquē possem tollere humo; quàm hoc, quid non faciendum ad DEI gloriam, quicum facere, si velit, possumus omnia? Ipsius igitur suppliciter imploratâ ope, rem aggressus sum alacriter. De Tubo spicillis verò primò omnium acquirendis prima fuit cura. Sed quæ ære non poterant comparari, parabantur manibus nostris & sudore. Ita opificem me agere prius oportuit, quàm Coeli spicem. Absquē his enim scalis, domos in superas scandere negatum fuisset. Quas cùm effabricassem ex voto, imò supra votum, vel exspectationem (nam quî ego mihi hoc polliceri potuissem, me rem, quod dicitur, acu hîc tacturum?) in eo totus fui, ut Coelo oculos applicarem bene armatos, & in Planetarum omnium, ac potissimùm Lunæ, regiones intimiùs cognoscendas, quasi explorator aliquis, penetrarem. Fata & facta viam invenêre. Saturnus ille ab omni tempore admodum latens, est observatus: animadversi Jovis stipatores & quasi circumcelliones, ipsiusquē Jovis maculosus vultus: Mars, cum genuinâ suâ formâ, &, quâ lucem incrementis decrementisque annotatus: Solis Regia,

ut



ut luce foecundi parentis, ita & maculis & faculis variis, lustrata: Veneris Mercuriique phases conspectae: & deprehensae stellae aliquot fixae, haecenus invisae & inexploratae. In Lunae autem consideratione, cui potissimum vacare in animum induxeram, hoc opere pretium ratus, morabar & perseverabam omni studio. Sic ejus diversa Plenilunia Quadraturasque & quadraginta ejusdem facies oculo & mente comprehendere, comprehensas, celo in manus nostras sumto, delineavi, & hoc quasi Coelum, quod nunc prodit, chartaceum adornavi. Quem laborem suo pretio aestimabunt vel paululum attenti; animum verò multò magis, opinor, omnes. Neque sic verò omnidefunctus eram sollicitudine, sed nomenclatoris mihi quoque sumere partes debui, maculisque Lunaribus tam diversis, distinctionis & hac directi melioris intellectus gratia, indere nomina certa: quo opere illud magis arduum erat, ut motus Lunaris centri libratorius cuspidumque, cum terminis inclinationibusque Pleniluniorum, Quadraturarum, Trigonorum, Phasiumque reliquarum omnium; & hujus generis alia admirabiliter secundo successu percepta; ad fixas naturaeque consentaneas leges adstringerentur, usu omnium commonstrato. Quae cum peracta essent omnia, & cum amicis, meo more, communicata etiam acrius sum instigatus, ut publico gratificarer, & Se-lenographiam aliquam, quae meas observationes omnes

*Quadratura et  
plena facies ob*

*Maculae DN<sub>o</sub>  
minae*

*Amicus communicat  
Kometae Helicis*



omnes complecterer, ederem in lucem, partim gloriam DEI cum Coelis sic enarraturus, partim Terrę Incolis omnibus omnium gentium Selenographiam istam lecturis, vel saltem spectaturis, talia suggesturus, quæ crescant in maximam utilitatem communem; Mathematicis autem calcar additurus, quò observationes cœlestes accuratiùs, quàm unquam, suscipiant, iisque facem prælaturus, quâ radiante, tabulę perpetuę motuum cœlestium perfectiones reddantur, & via inveniatur locorum scrutandi dexterius longitudines; ut ut alia incensum non veniant: Dictum, factum. Ac præsertim quasi monitus à stellis & luminibus Coeli toties adspectis, quæ non sibi, sed aliis, sive lucent, sive profunt, lampadem in manum sumsi. Atquæ hoc insuper etiam attento, quòd hætenus nulla prodierit Selenographia inter tot nescio quas graphias. Sic, calamo arrepto, quam trado, Selenographiam, pro virili exaravi. In quâ conficiendâ non longè & anxie quæsitus ordo, sed is placuit, qui circa institutas operas sponte suâ principiò se obtulit, & rei ipsius agitatione occupatum semper ambiit. Quapropter illico in ipso Prolegomenon limine, primò de diversi generis lentibus, earumquæ politurâ; ut & Telescopiorum constructione, eorumquæ potestatem explorandi modo, atquæ aliis huc pertinentibus rebus, ut breviter, at perspicuè tamen, sicut nostra quidem fert opinio, quedam præmisimus: quippe

*motuum cœlestium  
perfectiores*

*idinas locum  
di Via septentrionis*



pe quòd contemplationes coelestes (quemadmo-  
 dum constat) absquè Tuborum optidorum admi-  
 niculo nullâ ratione peragi queant. Deinceps ve-  
 rò etiam manuuctionem quandam tradidimus,  
 quo pacto Telescopiaritè ad Astra oculis usurpan- <sup>telescopiorum ad</sup>  
 da applicare oporteat; addito, sive quid ab aliis hac-  
 tenus, sive à memet ipso, Perspicillorum talium  
 rectè ad motorum beneficio, fuerit indagatum.  
 Sed, inter cætera, proditum ivimus fideliter, quæ-  
 nam in observatione Fixarum, Planetarumquè in-  
 primis, animadvertere licuerit: horum accuratè  
 delineatâ effigie, quam simul exhibemus; & subjun-  
 ctis enodatisquè, eò què maximè spectare videban-  
 tur, quæstionibus omnis generis. Quâ item occa-  
 sione pariter de Jovialium motu, & affectionibus,  
 ut & Maculis Faculisquè Solaribus, dilucidè, quoad  
 fieri potuit, edisferuimus. Ut taceam, quæ, suo lo-  
 co, circa stellarum fixarum observationes, præci-  
 puè autem de stellis ULADISLAVIANIS, quas, An- <sup>Stelle Uladisla-</sup>  
 tonio Mariæ de Rheitâ URBAN-OCTAVIA- <sup>stelle Urban-O-</sup>  
NAS appellare placuit, fusè proponentur, non oc- <sup>ant. Anton. Ma-</sup>  
 cultato quali quali iudicio nostro super iisdem stel- <sup>de Rheita</sup>  
 lis, num in ordinem Erronum, vel Fixarum, refe- <sup>It. illos Erron-</sup>  
 rendæ: quibus accedunt aliarum multò plurium <sup>vel Fixar</sup>  
 nec injucundarum, nec inutilium rerum & senten-  
 tiarum ventilationes & discussiones. Quæ sic bre-  
 viter perstricta Prolegomena exhibent ampliter.  
 Jam in ipsâ verò Selenographiâ, initio, tam Vete-  
 rum,



rum,quàmRecentiorumPhilosophorumomniva-  
rias opiniones,deLunâ,ejusquëMaculis,modoq;  
quo lucem accipit & reddit, in theatrum produxi-  
mus:erroneas quidem leviter explofimus,veras au-  
tem magis magisque applausu nostro ivimus com-  
mendatum. Egimus adhæc,de diversis Lunæ moti-  
bus,quâ hætenus compertis,quâ nunc primùm a-  
nimadversis;quosinpleniori planioriquë luce col-  
locavimus, ut phasēs faciesquë Lunares ordine in  
ipso volumine exhibitæ tantò meliùs perspiceren-  
tur. Deniquë tandem autem ipsas phasēs, cum ne-  
cessariâ quâdam explicatione & annotationibus ac  
quæstionibus,ad Mathematicum, ut & Physices O-  
pticesquëfundum pertinentibus,tanquam cum a-  
liquo apparatu aut appariturâ, omnium subjeci-  
mus oculis. Atquë sic postremò omnium hujus no-  
strę Selenographię usum Astrophilis commonstra-  
vimus,indicato præprimis,quâ nimirum novâ infal-  
libiliquë methodo, cum Eclipses atquë stellarum  
occultationes,tum longitudes locorum observa-  
re (ad quem scopum, fateor, opus nostrum unicè  
tendit)facile detur omnibus: id quod etiam exem-  
plis nonnullis,nec fanè vulgaribus,nec obscuris,il-  
lustravimus: sic viâ scilicet ad omnes cœlestes con-  
templationes utili,utpote quæ verè regia egregie-  
quë tuta est,complanatâ. Atquë ita accepisti,mi Le-  
ctor, operis nostri ideam, paucis admodum lineis  
adumbratam: cujus si integri adspiciendi cupidita-  
te flagras, age, sis, omnes ejus pagellas sive pervolu-  
tabis,

ms Huyg. Operis  
us Unicus



tabis, five pervolitabis; ut, quæ maximè cognitione tuâ digna judicaveris, expendas diligentius & animo complectaris firmius: Non nostrę glorię utique hîc se vimus, & ideo ejus metendæ desiderio nihil flagramus; satis erit, si, quod maximè volumus, rerum omnium Parentis ac Conditoris admirabilis potentia, & magnificentia & bonitas hinc tibi elucescat. Quod si eveniat, gratias age DEO, nostrum utriquę quòd ista revelare dignatus fuerit, mihi quidem talia cum negotioso labore scrutanti, tibi autem citra illum otiosè hisfruenti. Et verò, si nobis etiam bene cupis, DEUM mecum implorabis, ut quem mihi dedit animum hæc sua Coeli volumine comprehensa mysteria avidè rimari, & cupidè propalare, fervet atquę augeat propitius, & corporis, quę eò quoquę necessaria est, incolumitatem benignè impertiens. Nam sic & instructi viribus, & equitate ac bonâ voluntate lectorum, si percepta fuerit, adjuti, multò profectò alacrius ad pergendam hanc viam, & vitam publico impendendam surgemus, postquam paulisper tantum conquieverimus. Sitamen alicui suppetant, five hujus, five melioris notæ quædam, illa ne recondita habeat, sed in lucem proferat, rogamus, ut ut nostra talibus obscurarentur. Alius est splendor Solis, alius splendor Lunæ, alius splendor stellarum. Stella enim stelle præstat splendore: rectè annotante D. Paul. in Ep. I. ad Cor. C. 15. v. 41. & attestante experienciâ, sicut & hoc præsentenostro exiguo opusculo.

*Scribebam Dantisçi, Anno à nato Christo  
1647. pridie Nonarum Maij. 6 Mayj.*



HONORATISSIMORUM AMICORUM  
SPONTE EXHIBITA  
CARMINA.



IN OPUS INCOMPARABILE

*Amplissimi Viri*

JOHANNIS HEVELII.

**H**ngentes animæ, quas indefessus & acer  
Agit inquietas cuncta noscendi labor,  
Præclarum Hevelii, post omnia, discite librum;  
Opus stupendi & ardui conaminis.  
Hic, post exhaustas feliciter hætenus Artes,  
Scientiarum cernitis fontes novos.  
Scilicet audaci speculo scrutatus Olympum,  
Et pervagatus astra sublimi gradu,  
Hætenus invisos, oculis nunc subjicit Orbes,  
Vasti Universi proferens pomæria  
Hevelius, Gedani nova gloria. Quisquis ubiq;  
Inusitatis nunc faves conatibus,  
Ingenium ætherei mecum venerare Columbi,  
Virumq; Patriâ, & Patriam dignam Viro.

Vincentius Fabricius.

In Auctoris Ingeniosissimi Laborio-  
sissimum OPUS.

**A**nte Syracusij miratus Jupiter Orbes:  
Hoc Gedanum cuncti Dij magis Artis Opus!  
Saturnus, Titan, Mars, Mercuriusq;, Venusq;  
Cernitur & doctâ Cynthia sculpta manu!  
Jupiter & Tuscis, maculosus redditus, astris;  
Laude nihil cedit Prussia, nunc Latio.  
Num superare novis valeat, modò quæritur, ausis?  
Hæc lis Judicium, poscit Apollo tuum.

Veteri Amico L. M. faciēbat

Benjamin Engelke.

De



De Utilitate hujus Selenographiæ  
LAURENTII EICHSTADII D.  
P. & P. G. G. Carmen officioso affectu &  
applausu fufum.

**N**on res est facilis conscendere culmen Olympi,  
Stellarum varios motus & noscere situs,  
Ac rectè numerare gradus & tempora Cæli:  
Mortales sanè pauci, quos æquus amavit  
Jupiter, aut ardens evexit ad æthera virtus,  
Hoc præstare queunt, & vertice tangere Lunam.  
HEVELI temet dulces ante omnia Musæ  
Accepere, vias Cæli, astrorumq; meatus  
Et numeros rectè docuere, & corpora quanta,  
Monstraruntq; simul lucis discrimen & umbræ,  
Uranieque tibi Cæli inspiravit amorem.  
Hac pollens virtute subis sublimibus ausis  
Sedulus illustris sinuosa volumina cæli,  
Nec non perlustras subtilibus instrumentis  
Diversas Lunæ facies, maculasque recenset,  
Quidq; novum semper producat menstrua Luna:  
Quis vultus, quenam mutatio, quanta subinde  
Sit Lunæ; ut variet faciem, varietq; figuram.  
Falcatam ut nova præsentet, mox dimidiatam,  
Gibbosam dein, & pleni quoq; luminis orbem.  
At maculas omnes Terræ hujus nomine signas,  
Metirisq; harum montes ratione sagaci.  
Astronomis non illa fuit via cognita priscis:  
Detexit nostro saclo hanc Tubus Opticus arte  
Solerti factus, ceu ritè Dioptrica tradit.  
Ecce labore tuo nunc observare labores,  
HEVELI, Uranies cultor, Phœbiq; sacerdos,  
Rectius incipimus Lunæ, Eclipsesque frequentes.  
Nunc quoq; Terrarum melius loca dislita longè  
In certis gradibus constabunt, quàm velut ante.  
Mox & hydrographicas tabulas gaudebit habere  
E meliore luto formatas nautica praxis:  
Namq; SELENOGRAPHIÆ est ingens fructus & usus.  
Omnia quæ tu oculis pulcrè spectanda dedisti  
In præsentè libro, veluti sub imagine vivâ:  
Addis enim miris ornata emblemata formis,  
Quæ certè magno sunt exantlata labore,  
Et vigili studio noctis, studioq; diei.  
Insuper & reliquos sublimior ire per ignes,  
HEVELI, pergis solerter & ordine dextro.  
Hinc etenim è Cælis æternæ incendia lucis  
Detrahis, exiguâ Solem ostendisq; Tabellâ,  
Quasque trahat secum maculas, faculasq; sequaces,



Axem quæ circum Solis gyrantur ab ortu  
 Occasum versus, monstras indagine mirâ.  
 Sic & defectus Solis magnâ caligine mersti  
 In parvâ tabulâ hîc rectè observare docemur.  
 Quin etiam stellæ Veneris falcatum, Mercurii quæ  
 Tu representas vultum, formamquæ fidelem;  
 Qualis sit semper rutilus Mavortis & ignis:  
 Quenam sint comites Jovis, & numero quoq; quot sint;  
 Quâ ratione has à reliquis discernere stellis  
 Fas, quæ etiam circumstant interdum Jovis astrum.  
 Saturni quanam facies sit, & ansula duplex,  
 Quâ triplicem stellam representare videtur.  
 Innumerabilium Fixarum lumina parva  
 Congeriemquæ addis, quam detegit apta dioptra:  
 Præmittisquæ etiam præclara Dioptrica sanè,  
 Quæ non Alhasen, quæ non Vitellio novit.  
 Hæc tibi nunc docti referent accepta Magistro,  
 Posteritasq; tuos agnoscet grata labores,  
 Hinc interquæ Mathematicos hoc tempore claros  
 Decretura tibi excelsas non invida sedes,  
 Dicetquæ haud dubiè, ingenuoquæ fatebitur ore:  
 Multa tulit, fecitquæ hic Vir, sudavit, & alsit,  
 Ante tuas maculas Phœbe quàm prenderit omnes.  
 Ergo Galilæus ne tantæ præmia laudis  
 Prima ferat, nec Scheinerus sibi proxima poscat  
 Efficit; unus habet & prima, & deinde secunda.  
 Hinc opus est dignum famæ sacra in æde locari,  
 Quod stabit donec fulgebit Cynthia Cælis.  
 Quare alias hominum curas contemne profanas,  
 Nec vel judicia attendas temeraria vulgi,  
 Nec tetricas etiam voces magni æstima inertum,  
 Qui rident studia hæc, & cœlica tangere nolunt.  
 Hos etenim vexat lucrum, ignorantia, luxus,  
 Ambitiosus honos, & opes, & fæda voluptas,  
 Quæ Cœli retrahunt ausis, & ad infima trudunt.  
 O HEVELI, igitur, non degener incola Mundi,  
 Macste labore tuo, divinâquæ indole macste,  
 Perge, ut cœpisti, stellarum expangere normas:  
 Te famæ & virtutis amor popularibus auris  
 Altius evectum extollet pernicibus alis,  
 Auxilium simul & promptum Copernicus ingens  
 Sentiet, astrorum cultus crescetquæ perennis,  
 Ac sparges latè ingenii & sapientiæ amorem,  
 Dum per te JOVÆ miracula summa patefcunt,  
 Dum Cœli species omnes redeuntibus Astris  
 In proprias sedes remeant mirâ arte repostæ.  
 Adspira cæptis magni Moderator Olympi.



IN SELENOGRAPHIAM  
Viri Celeberrimi  
Dn. JOHANNIS HEVELII

*Scabini apud Dantiscanos Honoratissimi.*



*Axima Siderii Miracula discere Mundi  
Discupis? evolvat quasq; subinde vices?  
Lumina vis radiis nitidis rutilantia Solis  
Cernere, quæis atris sint maculosa notis?  
Instabilis varias Lunæ vis nosse figuras?  
Exhibeat pleno tum quid in Orbe suo?  
Multaque præteritis occulta, indictaque sæclis,  
Hic quæ præclaris sunt patefacta modis?  
Nunc jurvat in superas attollere lumina Sedes,  
Quisnam opifex Terris conderet ista potens?  
Aspice stelligeri Tentoria lucida Cæli;  
Et mirare DEI Facta stupenda Tui.  
In Lunâ vastos Regionum cernere tractus;  
Quis Maris ingentes crederet esse Sinus?  
In nitido maculas quis Solis lumine nigras  
Quæreret? aut Terram diceret ire vagam?  
Crescere quis stellam Veneris; minuique putaret?  
Sidus ut & refugum, Plejade Nate, tuum?  
Ast hæc astriferi miranda toreumata Mundi,  
HEVELII Clari Nobile pandit opus.  
Ingenio HEVELIUS promit nunc Dædalus acri,  
Quæ prius eximii non potuere viri.  
Centum oculis Argus partes spectavit in omnes;  
Unoast HEVELIUS plus videt Ille tubo.  
Hoc magis attentâ signavit mente labores  
Delie nemo tuos, Cynthia si ve tuos.  
Per vigil innumeros deprænditque Ætheris ignes,  
Astraque quæ nunquam visa fuere prius.  
Admovitque oculis distantia Sidera nostris,  
Artis ab Inveni dexteritate novi.  
Atlas, JANE, gravem Cæli non pertulit axem,  
Imposuitque humeris pondera tanta tuis.  
Hinc tua perpetuis clarescet Gloria Sæclis,  
Cum Phæbo, & Phæbe, Sidera donec erunt.*

*Merito animus posuit*

Gerbrandus Hajo. Med. D.  
Dantiscanus.



In Selenographiam  
HEVELIO - GEDANENSEM,

*Ad Autorem Clar. & Ingeniosissimum*

EPIGRAMMA.

**H**EVELI: *Lis est, tua palma sit, anné COLUMBI;*  
*Utrius ingenium plusq̃ vigoris alat?*  
*Aëra tu penetras, hic Æquora sulcat: Olympum*  
*Tu peragras, Mundi circuit iste polos.*  
*Tu Cæli facies, Terræ notat ille figuras,*  
*Hactenus ignotas; hic rate, tuq̃ tubo.*  
*Tu Maculas, Faculas, Montes, & flumina monstras,*  
*Pluraq̃ Lunarîs schemata mira Facis.*  
*Hic Portus Terrasq̃ novas, Fluviosq̃ retexit,*  
*Amplaq̃ Terreni Climata multa Globi.*  
*Tu, quibus Indigenis habitetur fulgida Phæbe,*  
*Detegis; hic Indos Cannibalesq̃ feros.*  
*Summa: Novos orbes manifestavistis uterq̃,*  
*Antè parùm notos, utilitate pari.*  
*Hinc ergò lis est, tua palma sit, anné COLUMBI;*  
*Utrius ingenium plusq̃ vigoris alat?*  
*Quis litem dirimet? Dicam, quod sentio. Palma*  
*(Namq̃ pares studiis estis) utrumq̃ decet.*  
*Dadalus ille fuit, fuit & (sic scimus) Apelles,*  
*Euclidesq̃ sagax Tu quoq̃ talis ovas.*  
*Machina seu fuerit fabricanda, stylovè metallum*  
*Celandum, pictis resvè notanda notis;*  
*Sive Mathematicis ea demonstranda figuris:*  
*Unus in his cunctis mente manuq̃ vales.*  
*Quin & Chalcographi primas tibi cedere vîsi:*  
*Dum Tabulas nequeunt ære referre tuas.*  
*Quodq̃ rei caput est; Inventis fructus utrisq̃*  
*Centuplus, his uti qui modò nôrit, erit.*  
*Orbe COLUMBINO mala plurima vexit abusus:*  
*HEVELII metuo nil ego tale Globis.*  
*Cætera quid memorem? Tu par, HEVELE, COLUMBO;*  
*Hic tibi: nam meritis surgitis ambo pares.*  
*Digni, queis statuas Musarum Turba novemplex,*  
*Talia Posteritas & monimenta locet.*  
*„ Ausibus Hevelii par palma sit, atque Columbi:*  
*„ Neutrius ingenium namque vigore caret!*

*Rei literariæ nova incrementa,*

*Autori sagacissimo fama augmenta*  
*gratulans scribebam Elbingæ*

CYPRIANUS KINNERUS. D.

Consiliarius Lygius.



DE BORUSSIA:  
ejusque indigenis tribus,  
NICOLAO COPERNICO, PETRO CRÜGERO,  
JOHANNHE HEVELIO;

Mathematicis, ad unum, omnibus excellentissimis.

**U***Rbes tres, Regis cum monte, Borussia nostra  
Præcipuas numerat. Senio venerabilis illa,  
Thorunium, prima est: tum culta Elbinga, secunda:  
Tertia Dantiscum, plus terque quaterque beata.  
Urbes non uno florentes nomine cunctæ:  
Quarum nil opus est omnes nunc dicere dotes.  
Sufficiat tetigisse: quod ille, quod ista, quod hæcce,  
Jure suo, ob cives quosdam, caput efferat altè,  
Non virtute minus, quam cognitione, valentes:  
Quos inter fausto sanè sunt sidere nati:  
Quorum nocturnas stupuerunt sidera curas,  
Dum cæli rimantur iterque plagasque remotas.  
Orbi Thorunium Te, magne Copernice, promsit:  
Te, Crügere, dedit præstans mons-Regius Orbi:  
Dantiscum patria est multum solertis Hevelii.  
Eja fer Astrofophum quoque nostra Elbinga, Poëta,  
Zamelio, similem, sublimi carmine claro.  
Et sic omnigena mea cresce Borussia laude:  
Quæ nunc pace viges, in longum pace fruaris!*

Johannes Mochingerus.





**D**esine fata tui, Gedanum, lugere Krügeri,  
Artis & Ingenii qui mirâ dexteritate  
Cælestes rimando domos, Astrumq; recessus,  
Dum super astra suum vexit, totumq; per orbem  
Diffudit, nullo moriturum tempore, Nomen,  
Non minus ipse tuum peregrinis obtulit oris,  
Mansurum, quàm scripta diu mansura Krügeri.  
Desine præteriti, Gedanum, meminisse doloris,  
Officii cessans parit hunc tibi functio tantum,  
Laudis & ipsa viri poscit sibi Patria partem.

Nunc letare magis; Tibi splendidiora parantur  
Nominis æterni monumenta; Quis antè polorum  
Devia tam vigili penetravit acumine visus,  
Et Lunæ maculas adeo cognovit, ut apto  
Nomine quamq; suo donare sit hætenus ausus.  
Quam tuus Indigena hic? Quem morum blanda venustas  
Civibus ut speculum vitæ proponit honestæ;  
Cui Candor Probitasque locum, censente Senatu,  
Inter honoratos Themidis meruere dynastas;  
Et quem cælestis doctrina, Novusque videndi  
Cominus admiranda poli Tubus inter acutos  
Collocat Astrologos, excultoresq; Mathesis.  
Ipse sibi meritò gratatur Olympus, agitq;  
Jure tibi grates pro tanti munere Civis,  
Qui sua tecta diu mortalibus abdita mundo  
Nunc aperit, monstratque viam, quâ Gloria Cæli  
Terrigenis fiat magè cognita, Miraque dignis  
Facta Creatoris decorentur honoribus Almi.

G. Maeste vir ingenii felicitis dotibus! En his  
Assiduoque labore tibi modò contigit uni  
Tantæ lucis opus nostro producere sæclo,  
Præteritis quod non visum, palmamque futuris  
Præripit, ingenii prohibens huc tendere nervos.  
Cedite nunc Arabes, Chaldæi cedite vates  
Ægypti, nebulas dispellit HEVELIUS omnes  
Luce novâ, ducens oculum ad penetralia Cæli.

Æthera longa tibi decernant stamina vitæ,  
Addere quo cæptis valeas majora, Tibiq;  
Contemplandò voluptatem geminare, perenne  
Nomen apud Gentes scribendo relinquere, donec  
Suprà non subter cælestia lumina Lumen  
Luminis Auctoris sine Vitro & sine videbis.

Michael Borck Secret.



Clarissimus  
HEVELIUS Germaniæ EV-HELIUS.

**U***T queat erectos ad SIDERA tollere vultus,  
Atque CREATORIS concelebrare Decus  
Pulvis - Homo; Lumen mediis accendit in Umbris,  
Luxque fit in Mundo* ΕΥ-ΗΛΙΟΣ **HEVELIUS.**  
*Eja! age! perge vias SOLIS, LUNÆq; recesſus,  
HEVELI, doctâ detenebrare Manu.  
HELIA Dædalios sic demirabitur ausus,  
Et canet Ichnographum Terra SELENA suum.*

ANNO, QUO

**HEVELIVS** natVS *GeDanæls* primVS In orls,  
Arte *SeLenographVS*, IVre paraVIt opVS.

Congratulante

Abrahamo de Frankenberg.

In Selenographiam

admirandum admirandi ingenii opus,

*Nobilissimi, Amplissimiq; VIRI*

**Dn. JOHANNIS HOEVELII**, augustæ  
Reip. Ged. Scabini prudentissimi.

**JOHANNES HOEVELIUS,**

*anagramma,*

En Sol, unio ævi es.

**D***Um Phæben Phæbi dignaris honore Sororem,  
HEVELI, illius pingis & ingenium  
Ingenio radioq; tuo: fert nuncia Fama  
Divina in Pindi culmina mentis opus.  
Concilio Aonidum & factò, quâ laude vehendus,  
Atq; Autor quo sit dignus honore, rogat.  
Protinus unanimi conclamant voce Sorores:  
Est ævo dignus, dignus honore cedri est.  
Hinc ad se accitum Te sic compellat Apollo:  
Sol ævi, HOEVELI, ac unio es egregius.  
Teq; tuumq; vehet monumentum Fama superstes  
Orbis ad Eoas Hesperiasq; domos.  
Dixit; &, æternæ prolato codice Famae,  
Victura inscripsit Te, tuum opusq; cedro.*

Johannes - Georgius Mœresius,

Scholæ Petro-Paulinæ Ged. Rector,

\*\*\* 2

IN-



# INDEX CAPITUM, ATQUE SERIES totius operis.

## P R O L E G O M E N A.

**C**aput I. De diversis vitris, quæ ad tubos opticos adhiberi solent; de notis bonæ vitiosæque lentis, nec non de verâ ratione parandi optimas, breviter expositâ. pag. 1

Caput II. De varietate, differentiis, fabricâ, usuque Tuborum Opticorum, & quomodo boni à vitiosis sint discernendi. pag. 11.

Caput III. De observationibus corporum Cœlestium in genere, tam ab Antiquis, quàm Recentioribus Astronomis habitis, præsertim de observationibus fixarum stellarum, adminiculo Telescopii, singulari usu & modo eas instituendi. pag. 31.

Caput IV. De observationibus Planetarum, præcipuè Saturni, Jovis, Martis, Veneris, Mercurii & Stellarum Jovialium, cum propriis, tum alienis primariorum aliquot Astronomorum: ubi & breviter demonstratur, quinque illas novas stellas nuper à P. Antonio Mar. de Rheitâ animadversas, quas Urban-octavianas appellat, & circumjoviales esse contendit, revera non fuisse joviales, sed maximam partem novas, incognitas fixas. pag. 41.

Caput V. De magno & admirando Lumine Solis, ejus Maculis ac Faculis, de naturâ earum, & quomodo illæ diverso, novo faciliq; modo queant observari; nec non de illis, quæ circa observationem istarum sint considerata. pag. 76.

## S E L E N O G R A P H I A.

Caput VI. De Lunâ in genere, ejusdem Maculis, lumine, modo illuminandi, aliisque huc spectantibus scitu dignissimis rebus; tum quid veterum Philosophorum cohors de his rebus omnibus senserit, tum quid Astronomi ac Philo-Mathematici recentiores, ex certis infallibilibusque argumentis, inque naturâ fundatis, statuunt, brevis disertatio. pag. 109.

Caput VII. De motu Lunæ, Parallaxibus, Refractionibus, distantia, magnitudine & diametro apparente. Quò verò hæc omnia eò evidentius explicari possint, simul de toto Mundano corpore, figurâ ejus, quantitate & motu, ut & diversis Astronomorum hypothesibus, quamvis breviter, perspicuè tamen, pro instituti ratione, disseritur. pag. 152.



Caput VIII. De phasium Lunę observationibus: de Maculis in specie, & illarum nominibus: motu Lunę librationis Disci, ejusq; centri, hætenus incognito, & quamplurimis aliis scitu dignissimis.	pag. 204.
Caput IX. De Lunę primæ ac novissimę Phasi, nec non aliis nonnullis, quę circa hanc observationem, notatu digna occurrunt.	pag. 273.
Caput X. De Lunę Corniculatę crescentis phasi.	pag. 281.
Caput XI. De Lunę Falcatę crescentis phasi.	pag. 284.
Caput XII. De Lunę Cornigenę crescentis phasi.	pag. 288.
Caput XIII. De Lunę Curvatę crescentis phasi.	pag. 304.
Caput XIV. De Lunę Lunatę crescentis phasi.	pag. 309.
Caput XV. De Lunę plusquam Lunatę phasi.	pag. 312.
Caput XVI. De Lunę Adolescentis phasi.	pag. 316.
Caput XVII. De Lunę Juvenis phasi.	pag. 319.
Caput XVIII. De Quadraturis in genere, ut & in specie de hisce tribus delineationibus Lunę Bisectę.	pag. 322.
Caput XIX. De Lunę plusquam Bifidę phasi.	pag. 342.
Caput XX. De Lunę Gibberosę crescentis phasi.	pag. 344.
Caput XXI. De Lunę in orbem insinuatę phasi.	pag. 346.
Caput XXII. De Lunę incurvatę crescentis phasi.	pag. 348.
Caput XXIII. De Lunę Gibberosę crescentis phasi.	pag. 351.
Caput XXIV. De Lunę adultę phasi.	pag. 355.
Caput XXV. De Lunę ad oppositionem vergentis phasi.	pag. 356.
Caput XXVI. De Pleniluniis, aliisq; rebus scitu dignissimis.	pag. 358.
Caput XXVII. De Lunę ab oppositione recentis phasi.	pag. 374.
Caput XXVIII. De Lunę decrescantis phasi.	pag. 376.
Caput XXIX. De Lunę gibberosę decrescantis phasi.	pag. 378.
Caput XXX. De Lunę incurvatę decrescantis phasi.	pag. 380.
Caput XXXI. De Lunę in orbem insinuatę decrescantis phasi.	p. 381.
Caput XXXII. De Lunę Gibbosę decrescantis phasi.	pag. 383.
Caput XXXIII. De Lunę Gibbę decrescantis phasi.	pag. 385.
Caput XXXIV. De Lunę ad Quadraturam properantis phasi.	p. 387.
Caput XXXV. De Quadraturis Ultimis.	pag. 388.
Caput XXXVI. De Lunę à Quadraturâ Recentis phasi.	pag. 395.
Caput XXXVII. De Lunę plusquam Lunatę phasi.	pag. 396.
Caput XXXVIII. De Lunę Lunatę decrescantis phasi.	pag. 398.
Caput XXXIX. De Lunę cornutę decrescantis phasi.	pag. 400.
Caput XL. De Lunę cornigenę decrescantis phasi.	pag. 402.



- Caput XLI. De Lunæ Falcatae decrescens phasi. pag. 403.
- Caput XLII. De Lunæ Corniculatae decrescens phasi. pag. 405.
- Caput XLIII. De Ultimâ in conjunctionem propendente ph. p. 407.
- Caput XLIV. De Utilitate ex Figurâ primariâ Phasium & Lunationum redundante; deq; observationis modo Sectionum diurnarum; & deniq; quomodo viâ haud vulgari, ex ejusmodi continuatis Lunationū observationib. motus Librationis Disci investigari possit. p. 409.
- Caput XLV. De Lunatione Lunæ crescentis I. pag. 415.
- Caput XLVI. De Lunatione Lunæ crescentis II. pag. 417.
- Caput XLVII. De Lunatione Lunæ crescentis III. pag. 420.
- Caput XLVIII. De Lunatione Lunæ decrescens I. pag. 422.
- Caput XLIX. De Lunatione Lunæ crescentis IV. pag. 424.
- Caput L. De Lunatione Lunæ decrescens II. pag. 425.
- Caput LI. De Lunatione Lunæ crescentis V. pag. 428.
- Caput LII. De Lunatione Lunæ crescentis VI. pag. 429.
- Caput LIII. De Lunatione Lunæ crescentis VII. pag. 430.
- Caput LIV. De Lunatione Lunæ crescentis VIII. pag. 432.
- Caput LV. Ex phasium nudo aspectu, locum Lunæ circiter verum, distantiam Luminarium, Lunæque ætatem explorare: nec non adminiculo Figure phasium primarię genuinam quantitatem, atq; proportionem diametrorum stellarum, novâ quâdam ratione investigare. pag. 439.
- Caput LVI. Observationes Eclipsium Lunarium, atq; stellarum occultationes, correctè ut fieri quàm maximè potest, instituire; cùm verò inprimis initia, fines, phasésque reliquas, tum veram phasium quantitatem, radiumque umbræ terrenæ nova methodo, viâque planè infallibili determinare: nec non longitudines, hætenus planè incomperto modo investigare, Globumque Lunarem artificiosè construere. pag. 451.

## APPENDIX SELENOGRAPHIÆ.

- Animadversiones super I. Macularum Solarium periodo. pag. 500.
- Animadversiones super II. Macularum Solarium periodo. pag. 501.
- Animadversiones super III. Macularum Solarium periodo. pag. 502.
- Animadversiones super IV. Macularum Solarium periodo. pag. 502.
- Animadversiones super V. Macularum Solarium periodo. pag. 504.
- Animadversiones super VI. Macularum Solarium periodo. pag. 505.
- Animadversiones super VII. Macularum Solarium periodo. pag. 506.
- Ani-



Animadversiones super VIII. Macularum Solarium periodo. pag. 507.  
 Animadversiones super IX. Macularum Solarium periodo. pag. 508.  
 Animadversiones super X. Macularum Solarium periodo. pag. 509.  
 Animadversiones super XI. Macularum Solarium periodo. pag. 510.  
 Animadversiones super XII. Macularum Solarium periodo. pag. 511.  
 Animadversiones super XIII. Macularum Solarium periodo. pag. 512.  
 Animadversiones super XIV. Macularum Solarium periodo. pag. 513.  
 Animadversiones super XV. Macularum Solarium periodo. pag. 513.  
 Animadversiones super XVI. Macularum Solarium periodo. pag. 515.  
 Animadversiones super XVII. Macularum Solarium periodo. pag. 515.  
 Animadversiones super XVIII. Macularum Solarium periodo. p. 517.  
 Animadversiones super XIX. Macularum Solarium periodo. pag. 518.  
 Animadversiones super XX. Macularum Solarium periodo. pag. 519.  
 Animadversiones super XXI. Macularum Solarium periodo. pag. 520.  
 Animadversiones super XXII. Macularum Solarium periodo. pag. 521.  
 Animadversiones super XXIII. Macularum Solarium periodo. pag. 522.  
 Animadversiones super XXIV. Macularum Solarium periodo. p. 523.  
 Animadversiones super XXV. Macularum Solarium periodo. pag. 523.  
 Animadversiones super XXVI. Macularum Solarium periodo. p. 524.  
 Observationes quædam Circulatorum Jovis, quæ eorundem, cum  
 circumcurſitationes, tum mutationes, & ad ſe invicem, tum ad Jo-  
 vem conſideratorum, accuratè exhibent; inſtitutæ Anno Salutis  
 1642. 1643. 1644. GEDANI. 1525

## INDEX ET ORDO FIGURARUM

ubi ſingulæ ſunt inferendæ.

**E**ffigies Autoris ante præſationem  
ad I ectorẽ.

Figura A inter pag. 6 & 7.  
 Figura B inter pag. 26 & 27.  
 Figura C inter pag. 28 & 29.  
 Figura D & E inter pag. 34 & 35.  
 Figura F inter pag. 40 & 41.  
 Figura G inter pag. 42 & 43.  
 Figura H inter pag. 50 & 51.  
 Figura I inter pag. 64 & 65.  
 Figura K inter pag. 70 & 71.  
 Figura L inter pag. 98 & 99.  
 Figura L \* inter pag. 102 & 103;  
 Figura M inter pag. 106 & 107.

Figura N inter pag. 180 & 181.  
 Figura O inter pag. 220 & 221.  
 Figura P inter pag. 222 & 223.  
 Figura Q inter pag. 226 & 227.  
 Figura R inter pag. 262 & 263.  
 Phaſis 1. inter pag. 276 & 277.  
 Phaſis 2. inter pag. 282 & 283.  
 Phaſis 3. inter pag. 286 & 287.  
 Phaſis 4. inter pag. 298 & 299.  
 Phaſis 5. inter pag. 306 & 307.  
 Phaſis 6. inter pag. 310. & 311.  
 Phaſis 7. inter pag. 314. & 315.  
 Phaſis 8. inter pag. 316. & 317.  
 Phaſis 9. inter pag. 320. & 321.



Phafis 10 inter pag. 322 & 323.  
 Phafis 11 inter pag. 336 & 337.  
 Phafis 12 inter pag. 340 & 341.  
 Phafis 13 inter pag. 342 & 343.  
 Phafis 14 inter pag. 344 & 345.  
 Phafis 15 inter pag. 346 & 347.  
 Phafis 16 inter pag. 348 & 349.  
 Phafis 17 inter pag. 352 & 353.  
 Phafis 18 inter pag. 354 & 355.  
 Phafis 19 inter pag. 356 & 357.  
 Phafis 20 inter pag. 358 & 359.  
 Figura S inter pag. 360 & 361.  
 Phafis 21 inter pag. 364 & 365.  
 Phafis 22 inter pag. 374 & 375.  
 Phafis 23 inter pag. 376 & 377.  
 Phafis 24 inter pag. 378 & 379.  
 Phafis 25 inter pag. 380 & 381.  
 Phafis 26 inter pag. 382 & 383.  
 Phafis 27 inter pag. 384 & 385.  
 Phafis 28 & 29 inter pag. 386 & 387.  
 Phafis 30 inter pag. 388 & 389.  
 Phafis 31 inter pag. 390 & 391.  
 Phafis 32 inter pag. 392 & 393.  
 Phafis 33 inter pag. 394 & 395.  
 Phafis 34 inter pag. 396 & 397.  
 Phafis 35 inter pag. 398 & 399.  
 Phafis 36 inter pag. 400 & 401.  
 Phafis 37 inter pag. 402 & 403.  
 Phafis 38 inter pag. 404 & 405.  
 Phafis 39 inter pag. 406 & 407.  
 Phafis 40 inter pag. 408 & 409.  
 Figura T & Tt inter pag. 410 & 411.

Figura V & W inter pag. 416 & 417.  
 Figura X & Y inter pag. 420 & 421.  
 Figura Z & AA inter pag. 424 & 425.  
 Figura BB & CC inter pag. 428 & 429.  
 Figura DD & EE inter pag. 432 & 433.  
 Figura FF inter pag. 462 & 463.  
 Figura Fff<sub>\*</sub> inter pag. 466 & 467.  
 Figura GG inter pag. 472 & 473.  
 Figura GGg<sub>\*</sub> inter pag. 476 & 477.  
 Figura HH & II. inter pag. 500 & 501.  
 Figura KK & LL inter pag. 502 & 503.  
 Figura MM & NN inter pag. 504 & 505.  
 Figura OO & PP inter pag. 506 & 507.  
 Figura QQ & RR inter pag. 508 & 509.  
 Figura SS & TT inter pag. 510 & 511.  
 Figura VV & WW inter pag. 512 & 513.  
 Figura XX & YY inter pag. 514 & 515.  
 Figura ZZ & AAA inter pag. 516 & 517.  
 Figura BBB & CCC inter pag. 518 & 519.  
 Figura DDD & EEE inter pag. 520 & 521.  
 Figura FFF & GGG inter pag. 522 & 523.  
 Figura HHH & III inter pag. 524 & 525.  
 Figura KKK inter pag. 526 & 527.  
 Figura L L L inter pag. 530 & 531.  
 Figura MMM inter pag. 534 & 535.  
 Figura NNN inter pag. 536 & 537.  
 Figura OOO inter pag. 538 & 539.  
 Figura PPP inter pag. 542 & 543.  
 Figura QQQ inter pag. 546 & 547.  
 Figura T<sub>\*</sub>  
 Figura Tt<sub>\*\*</sub> } circa finem rerum Indicis affi-  
 gendæ.

## Ad Bibliopegum.

**E**Cce tibi, tum quo ordine, tum quo loco, omnes & singulæ figuræ, tabulis æreis expressæ, inferi debeant; id quod ut studiosè observes, admonemus: inprimis verò, ut duæ illæ ultimæ figuræ T<sub>\*</sub> scilicet & figura Tt<sub>\*\*</sub>, circa finem nostri operis, leviter tantum agglutinentur, ne non Uraniæ cultoribus, quando ita visum fuerit, nullo negotio, illas iterum eximere, & ad observationes cœlestes, omni tempore, adhibere liceat. Vale.



## SELENOGRAPHIÆ

## CAPUT I.

DE diversis vitris, quæ ad tubos opticos adhiberi solent; de notis bonæ vitiōsæq; lentis, nec non de verâ ratione parandi optimas, breviter expositâ.



In aliquo unquam tempore, Scientiæ & Facultates excultæ fuere, atq; de die in diem creverunt; id omnino de presenti affirmare licet, in quo non solum variæ disciplinæ, sed & artes mechanicæ solidis incrementis auctæ, & novis accessionibus, præclarissimisq; inventionibus, quæ non tantum magnam admirationem ac voluptatem in animis hominum sciendi cupidorum excitant, verum etiam insignem adferunt utilitatem, ab ingeniosissimis solertissimisque viris, sunt locupletatæ.

*Nostrâ atate  
disciplina &  
Artes Mecha-  
nica maxi-  
mè creverunt.*

Namq; ne rem altiùs repetam, de vili solum & abjectâ illâ materiâ, quæ ex arenâ atq; ex cineribus conflatur, in præsens loquar. Quotusquisq; quidem ex rudi & imperitâ plebe, qui artificium hoc nunquam antehac conspexit, adduci poterit, ut credat, ex arenâ vel lapillis arenosis & cineribus, terrâve saliformi, adeò subtilem, puram, compactam, duram, durabilemque & nihilominus claram ac pellucidam confieri materiam, quam vitrum vocitare solemus, quamq; in tantâ copiâ proflare scimus, ut magna frustra exiguo pretio comparari queant.

Equidem sic planè statuo, si hâc nostrâ tempestate tam copiosum non reperiretur, neq; tam facili artificio, à plebeis hominibus, pararetur, sed, ob defectû ejus, ex remotissimis terris peteretur, multò carius fore, & plurimis aliis pretiosis rebus iri prælatum vitrum; non tam eâ de causâ, quòd idem ad necessarias utilesq; res domesticas, nimirum ad specula, pocula,

A

cucurbi-



*Vitrum ad in-  
quirendas res  
varias in na-  
turâ abstru-  
sas perquam  
utile.*

cucurbitas destillatorias, fenestras & consimiles res expetatur, sed quod inprimis ad inquirendas abstrusas res Mathematicas, per quas indefessi naturæ indagatores in cognitionem causarum naturalium à sensibus nostris remotiorum ducuntur, deserviat.

*Alhasen &  
Vitellio non  
postremi, qui  
doctrinam de  
refractioni-  
bus demon-  
strarunt.*

Multum verò inprimis debemus peritissimis perspicacissimisque Mathematicis & Opticis, ex eorum numero nominatim Arabi Alhasen & Vitellioni, quorum ille lib. septimo hic libro decimo præclaram illam de refractionibus doctrinam literis tradidère, & ad posteritatem transmissère, non sufficenter minus, quàm luculentè ostendentes, quòd radii, vel in rarius, vel in densius objectum diaphanum projecti, sive à perpendiculo, sive ad perpendiculum refringantur; cujusmodi refractione angulus visionis vel contrahitur vel dilatatur, speciesque visibiles, vel remotiores vel propinquiores, vel etiam minores majoresque conspiciuntur, sicuti detoto hoc negotio à nobis quoque pluribus postea dicitur.

*Lentes con-  
vexa & Con-  
cava ex do-  
ctrinâ de re-  
fractionibus  
suam duxe-  
runt origi-  
nem.*

*Lentes mul-  
tis modis ocu-  
lis inserviūt.*

Quæ quidem doctrina primâ fronte id non præ se ferre videtur, quod postmodum in recessu præstat. Vt facile concedam ante nuncupatos antiquos eximios Opticos non prævidisse, quòd ex demonstratione istâ tantum utilitatis sit manaturum, quantum infallibilis experientia postea comprobavit, postquam progressu temporis, à sagatioribus ingeniis multis ictibus hæc quercus fuit concussa & jugi mentis in eam rem intentæ instinctu, diversoque facto periculo, per certum circuli segmentum, vitra vel concava vel convexa affabrè sunt elaborata, quæ nobili mirabilique membro humani corporis, oculo scilicet, multis modis usui sunt, cujus non tantum roborant & conservant vigorem, sed & aciem adeò perficiunt, ut adminiculo talium vitrorum, ea fiant conspicua, quæ antea nudo, nec armato, visu apprehendi non potuerunt.

*Oculus mem-  
brum princi-  
pale corporis.*

Est igitur istud admodum sanè præclarum & ingeniosum inventum; usum & actiones oculorum humanorum, quos inter maximè principalia corporis nostri membra meritissimò numeraveris, admirabiliter promovent & amplificant. Oculis ad considerationem admirandorum DEI operum uti-

mur:



mur : ijque nostrarum quoque actionum penè omnium sunt duces : in quorum laudem hæc Chrysostomus homiliâ 55. in Iohannem rectissimè protulit : *Quod Sol Mundo, hoc oculus corpori: extincto Sole omnia perduntur & perturbantur; ita amissis oculis pedes inutiles sunt & manus. Quare, ut in regio quodam loco, altiori corporis parte, sedem sortitus est, & cæteris præfertur sensibus. Oculus lucerna omnium membrorum, ornat totum Corpus.*

Itaque aliter etiam esse non potest, quàm (quod modò dicebamus) vitrorum ad dioptras fabricandas aptorum insignem esse operam, quæ oculis tantoperè conferunt, citra controversiam præstantissimis nostri corporis partibus. Ex quo factum, ut multis ex viris eruditis exemplo & opere sellulariis conspiciolorum opificibus præire non piguerit.

*Elaborare  
lentes insignis  
est opera.*

Forma verò lentium est varia : Primum enim quædam lentes sunt æquabiliter planæ & tersæ. 2. Deinde aliæ sunt altero latere planæ, altero vel convexæ vel concavæ. 3. Adhæc, nonnullæ sunt utrinque convexæ & concavæ. 4. In super, quædam sunt mixtæ, uno latere concavæ, altero convexæ. Atque hæc rursus in triplici sunt differentiâ; nimirum vel sunt Sphæricæ, vel Ellipticæ, vel Hyperbolicæ. 5. Prætereà hæc lentes possunt etiam uno latere ex alio segmento, altero iterum ex alio, tam quoad convexam, quàm concavam formam, præparari : proportionibus autem segmentorum, secundum quas jam dictæ lentes formari queunt, non tantum sunt innumerabiles, sed etiam ferè infinitæ; sicut quilibet, qui ex Geometria varietatem segmentorum circuli didicit, facillè intelligit.

*Varia lenti-  
um forma.*

*Lentium dif-  
ferentia.*

Quod Conicas, Ellipticas & Hyperbolicas attinet lentes, de illis hoc tantum in genere & breviter monebo. Quamvis ejusmodi lentes in Opticâ exquisitè sint demonstratæ: tamen, quia nondum, quantum ego scio, in conspectum & usum venerunt, ideò, hisce præteritis, sphæricarum duntaxat lentium mentionem faciam, & illarum usum & præparandi modum ostendam.

*Conica len-  
tes sufficien-  
ter quidem  
demonstratæ,  
sed nondum  
perfectè ela-  
boratæ.*

Primum lentium genus, quod utrinque æquabiliter planum est, iuvenibus, qui bonitate visus adhuc præditi sunt, illamque conservare & corroborare volunt, conspiciolorum potest unice præbere. Reliquæ lentes, tam concavæ, quàm convexæ,

*Varium  
lentium usus.*



non tantum senioribus acie oculorum destitutis & lusciosis inserviunt ad paranda inde conspicilla; verum etiam idoneæ sunt, ad distincta tuborum Opticorum genera, ad specilla comburentia, visum intendentia, ad vitra, quæ foramini obscuratæ camerae adhibentur, ut objecta foris aspectabilia, intus in tabulâ albâ clarè & perspicuè representent, non tantum inverso ordine, ut communiter fieri solet, sed & rursus erecto, per easdem lentes; & ad complures alios usus, de quibus postea dicendi erit locus.

*Magna differentia lentium convexarum.*

Inprimis autem convexarum lentium non exiguum occurrit discrimen: primum namque quò minus sunt convexæ & quò majora obtinent segmenta, ex quibus elaborantur, eò minus angulum visionis ampliant, si perspicilla ex illis parari debeant, & ita oculariis specillis ætati minorum, quibus nondum hebes visus est, sunt accommodatæ. Quò magis autem sunt convexa specilla, quoque majori gaudent segmento elaborato, eò magis visum acuunt, & senioribus imbecillitate videndi laborantibus potissimum conveniunt,

*Convexa, in telescopio & camera obscura, longè alium sortiuntur effectum.*

Verum enim verò longè alia ratio est illarum lentium, quæ ad telescopia adhibentur: quò enim lentes convexæ magis angulum visionis dilatare & species visibiles ampliare debent, eò minus elevatae & ex majori segmento sint fabricatæ, necesse est. Præterea sciendum, quòd specilla plano-convexa duplo majus angulum visionis amplient, quàm utrinque convexæ, quodque duplo longiorem tubum præbeant. Eadem quoque est ratio lentium convexarum, quæ in conclavibus obscuratis ad præsentandas foris objectas species adhibentur; siquidem, quò depressior est convexitas, eò majores reddunt figuras, & in majori exhibent distantiam: contra, quò convexitas est eminentior, eò minores efficiunt imagines & in minori distantiam exhibent. Similiter, quod vitra incenduntia & comburentia spectat, quæ communiter utrinque convexa parantur, quò minus adsurgunt, eò longiori intervallo res objectas urunt, eoque magis literas è longinquo ampliant: è contrario verò, quò magis adsurgunt, eò propius comburunt, eoque propius specillum literis inspiciendis admovendum est. Namque, quod res hoc pacto,

*Vitrorum comburentium differentia.*

nec



nec aliter, sese habeat, quilibet hanc rem indagandi studiosus fidis experimentis ipse cognoscet.

Animadvertendum etiam hîc est, quòd specillum plano-convexum, & ex segmento sphærico, cujus diameter duodecim pedes æquat, elaboratum debitoque modo lævigatum, objecta foris aspectabilia in camerâ obscuratâ ad distantiam 12. circiter pedum à foramine distinctè clareque præsentet, modò foramen non sit nimis amplum, neq; angustum nimis. Quippe, si foramen est justo majus, tunc imagines incidunt nimis obtusæ, propter lumen valdè circumfusum: sin verò foramen est justo minus, tunc idola in chartiferâ tabulâ, vel linteo probè dealbato, minusq; pervio, obscuriùs repræsentantur. Et hæc omnia distinctiùs majorique perspicuitate oculis objicientur, si loco tabulæ chartaceæ, in quâ figuræ exhibentur, speculum concavum, vel sphæricum, vel parabolicum usurpaveris; vel, in defectu hujus, vitrum magnum utrinq;, alterove latere convexum, alteroque planum, à convexo latere, folio obductum, ne species penetrare possint. Etenim hujusmodi vitrum, si rectè fuerit præparatum, idem ferè præstabit, quod speculum concavum sphæricum. Quod si enim tali vitro species visibiles excipiuntur, tunc deprehendes, eodem modo & inverso ordine eas præsentari, quo fit in tabulâ, vel linteo, vel pariete; non minùs, quomodo foramen fenestræ in hoc speculo reflectitur, tunc id tam diu citra ultraque movendum erit, usquequò per foramen speculi & fenestræ apparuerint figuræ foris exhibitæ: id quod ad votum fiet, si angulus incidentiæ angulo reflexionis responderit. Hac ratione species visibiles foris incidentes non solùm erectâ facie & figurâ se se sistent; sed insuper etiam adeò perspicuæ distinctæque apparebunt, ac si optimo telioscopio è camerâ prospexisses & objecta intuitus fuisses, quod magnâ cum voluptate fiet, visuq; mirabile erit. Sic & ope hujus speculi imagines in pariete cameræ possunt exhiberi, quacunq; in parte placuerit. Deficiente verò ejusmodi speculo, figuræ quoque erectæ per vitrum comburens utrinque convexum in tabulam incident, si id ab oculis remotum versus tabulam extendatur: vel, si per geminum incendens specillum & sibi mu-

*Adminiculo  
certi speculi  
species foris  
visibiles in  
camerâ obscu-  
râ distinctè  
depinguntur.*

*Ratio adhuc  
clariùs distin-  
ctiusq; repræ-  
sentandi spe-  
cies.*

*Species visi-  
biles inver-  
sas, erectas  
sistere variis  
modis.*



tuo conforme, in debitâ distantia ordinatum, species visibiles excipiantur : non minùs quoq; objecta aspectabilia sistuntur erecta, per duo vitra convexa ex parvo segmento tornata, qualia senioribus competunt & parvo tubo applicantur : si enim hæc vitra tubo includuntur, & inter se convenienter aptantur, prout proportio eorum requirit: tunc & species visibiles in tabulâ erectæ conspiciuntur.

*Optimus modus repræsentandi & erigendi objecta, per vitrum nimirum hyperbolicum.*

Veruntamen, hisce jam dictis modis repræsentandi figuras in formâ erectâ faciliè carere possemus; si vitrum ex hyperbolico segmento parare liceret: quandoquidem illud foramini admotum omnia objecta aspectabilia in genuinâ & erectâ positionis differentiâ longè clariùs & distinctiùs, quàm sphærales lentes, exhiberet; sicut hoc Doctissimi Optici Renatus de Cartes, Marius Bettinus in Apiario Mathematico, aliique satis abundè demonstrarunt.

*Convexarum & concavarum lentium fabrica.*

Cæterum, quod fabricam convexarum lentium attinet, solent illa in cupreâ lance, ex certo aliquo sphærico segmento, quàm diligentissimè elaborari & perpoliri : at concavæ lentes non minori diligentia & industria in globo exactè tornato, sive is constet ex ferro, sive ære, sive orichalco, parantur, sicut illi sciunt, qui nonnihil manus huic operi admovent.


Quod si rudes & imperiti componendi hujusmodi vitra pleniorẽ aliquam informationem desiderant, illi Hieronymum Syrturum, qui hac de re & omni necessario apparatu huc spectante plenè scripsit, consulant. Ratio verò tractandi vitra in memoratâ lance ac globo distinctis modis suscipi potest. Communis ratio, quam Sirturus & reliqui ferè ad unum omnes Artifices adhibent, sit liberâ manu. Alia quoque ratio parandi hæc specilla in scamno & machinamento tornatili initur, in quo lentes concavæ tantum tornantur & poliuntur. Vitrum verò convexa specilla quoque in scamno tornatili sint elaborata, nec ne, me latet. Quamobrem in gratiam amatorum hujus artificii non contemnendam, ut judico inventionem peculiaris scamni tornatilis, in quo non solum alia multa, ut communiter fieri solet, tornari, sed imprimis ejusmodi specilla tam convexa, quàm cava, aliaque vitra, viâ planè compendiariâ & artifi

*Descriptio singularis machinamenti tornatilis ad fabricam lentium.*











artificioſè, elaborari & expoliri poſſunt. Motus in hoc ſcamno eſt perpetuò continuus directus & circularis in orbem actus, nec unquam retroagitur, ut in aliis plerumque ſit, ut ut tantum pedibus calcetur & regatur. Prætereà, huic tornatili ſcamno, non una duntaxat lanx & lamina, vel unus globulus, ſed quot quot lubet, ſine magno opere & labore, queunt applicari; ſicut modis in ſequenti diagrammate & ejus deſcriptione ſatis abundè exprimitur.

Delineatum ſcamnum quinque pedes vel circiter æquet longitudine: retinacula verò ſcamni a x, ut & b oportet eſſe ſatis robuſta, ut ſcamnum A eò meliùs firmari poſſit: in ſcamno poſtea oblongum foramen B excavetur ut lignum b, & genu e, quod matrix i ambit, moveri & cuneari poſſit: fuſus in matrice i in orbem agitur, cui diſcus f firmiter adhæret, ferreis quatuor clavis munitus, cujus beneficio omnes lances & globuli, diſco imponi & immobiles ſtatui poſſunt. Lances autem, quas hic s notat, neceſſe eſt ut prius peculiaribus ligneis diſcis imponantur, in quibus internè quatuor foramina, admodum quatuor clavorum, terebrata conſpiciuntur, ut iis patellæ commodè imponi & ruruſus adimi poſſint: ſimiliter quoque mediam partem globulorum excavatum lignum figuræ quadratæ ambit r, quod itidem in internà parte quatuor foraminibus pervium eſt. Hic fuſus, unà cum diſco, eiſque impoſitâ lance, vel globulo, trahitur à fune ductario, qui primùm ſuperiori fuſti tereti & oblongo arcè illigatus, poſtea per ſuculam g, in ſcamno A munitam & per ſuculam h retinaculo a affixam, & inferiùs quoque ad limen L alligatam trajicitur. Hoc inſtrumento & machinamento, pede moto, fuſus in matrice obvolvitur ſuſum tendens, ſicut ex figurâ apparet. Ne verò diſcus retroagatur; requiritur, ut cuticula vel cingulum fuſum circundet, ex duabus diſtinctis partibus coagmentatum, quod o & p repræſentant. Prior particula cinguli o ita ſit comparata, ut fuſo queat aptari, cui chalybeus calamus q ſit affixus: deinde poſterior portio p cingulo o convenienter etiam applicanda eſt, quæ ferro & dentato orbiculo firmetur: ope hujus cinguli & orbiculi, ut & calami ( ſi hæ partes aptè cohæreant & clavo connectantur ) retroceſſus



trocessus impeditur, quando hæc pars retroagitur. Et, sic semper hoc machinamentum motu directo gyratur, adeoque fit versatile, ut non animadverti possit, num motus impediatur, vel retrocedat. Vtrumque lignum d & e, quod a & b ingreditur, laxo modo inhærent, ut vel profundius intrudi, vel versus initium magis promoveri possint; asser autem F hisce lignis eum in finem imponitur, ut brachium in eo requiescat, & ei tenaciter cohærentia specilla firmitus retineantur, ut ita in patellâ motu contrario rotari possint: hic asser ligneis clavis affigi potest supra dictis partibus c & d, quæ rursus extrinsecus retinaculis a & b ligneis trochleis arcuè cohæreant, ne aliquid vacillet, vel paululum moveatur. Insuper hæc duo minora machinamenti tornatilis retinacula n & m, duobus ligneis clavis sunt perforata, quibus scamnum apponi potest, si fortè ei insidere lubet. Et hæc breviter de adornando hoc machinamento tornatili dicta sunt, quod autem non satis sufficienter hic explicatum videtur, id ex adjuncto diagrammate plenius intelligi datur.

*Lentes & globuli necesse est sint exacte rotunditatis figura.*

Quod autem ipsum artificium expoliendi vitra attinet, ante omnia dispiciendum est, num primum lances, laminæ, globuli-que ad exactam rotunditatis figuram accedant, & exquisito constant sphaeræ segmento: aliàs enim, si ab hac præcisâ perfectionis ratione aberrant, nec integram rotunditatem assequuntur, vitra inæqualem superficiem sortiuntur, collisione periclitantur & micando inæqualiter nullius sunt usus. Sin verò Lances exactæ sunt rotunditatis, tunc expoliendi labor eò facilius succedit, præsertim, cum lentes sunt alicujus magnitudinis.

Nec dissimili ratione vitra perpoliri posse censeo, si laminæ tela obducantur, & caveatur, ne vitra inter velocissimam agitationem radanter.

*Machinamentum supra descriptum aliis etiam rebus deservit.*

Insuper hoc machinamentum tornatile, aliis quoque rebus, (verbi gratiâ, lignis, ebori, orichalco, &c.) in rotundam vel angulosam figuram convertendis applicari potest, si retinaculo scamni b, singularis matrix accommodetur, & è regione a clavus acutus. Quod si etiam expetis, ut tornus communi modo torqueatur, tunc, sine cingulo, accipe fustum, vel, si in orbem  
semper



semper agendus sit, tunc rursus utere antè memorato cingulo & Zonâ, cum calamo & orbiculo : quo pacto etiam commodius angulosæ figuræ formari poterunt.

Quod porrò modum explorandæ bonitatis lentium, quæ ad tubos adhibentur, concernit, tria hîc respicienda sunt. Nam primùm ipsa lens consideranda, quomodo excavata, elaborata & expolita sit : careat enim oportet vesiculis, arenulis, vertigine. Ejusmodi quidem vitra nusquam meliùs, quæ huic rei deserviunt, quàm Venetiis parantur. 2. Nec oportet esse vitrum nigricans, fuscum, flavum, neque viride, sed admodum nitidum, album & alieni coloris expers; attamen, quod vitrum leviter cæruleum est, valdè se commendat ad concinnanda inde dioptrica specilla, & sæpè meliùs, quàm quæ nimis alba sunt : nec non semper magis telioscopiis parâdis idoneum est, quàm Cry-

*Quanam Lē-  
tes ad telio-  
scopia sint  
eligendæ.*

*Crystal-  
lina monta-  
na refracti-  
oni obnoxia,  
quàm vitrū;  
presertim Ve-  
netiis con-  
flatum, & idcir-  
co minus eti-  
am idonea ad  
telioscopia  
paranda.*

I. Bona sunt specilla, cum rectè apparent excavata, hoc est, cum in convexis & concavis lentibus nulla parva foramina, cavernulæ vel leves rasuræ deprehenduntur, quæ iis arenâ, quâ excavantur, imprimi queunt, sed cum undique elaborata conspiciuntur.

*Quomodo  
bona & per-  
fecta sectio-  
nolentes à  
vitiis sine  
discernenda.*

II. Bonitatis quoque indicium est, quando convexum specillum undique in margine æq; crassum. Si enim in ambitu est dissimilis crassitie, argumento est, centra ab utroque latere non sibi *παράλληλως* respondere, quam ob causam ejusmodi specillum in tubo nullius est momenti, nec in dioptriciis aliquid præstare potest.

III. Inspice, tuo specillo adhibito, corpus aliquod rotundatum, vel quadratum, vel alterius figuræ, & animadverte diligenter, utrum perfectam suam figuram retineat, nec ne? Et



enim, si hoc objectum in formâ oblongâ, vel aliâ diversâ figurâ, cernitur, non satis rotundatum est vitrum, nec excavatum ac elaboratum.

IV. Videndum etiam est, nunquid specillum inæqualiter micet, vel rectè sese habeat? Hoc fit, quando objecta in rectâ lineâ posita & specillum incurrentia seu erecta corpora in specillis minimè curva, obliqua, elevataque apparent: id quod deprehendere licet, si specillum fenestris obvertatur, & fenestræ in illis cum lamellis plumbeis resplendentes in rectâ lineâ & genuinâ positione visui objiciantur, neque versus peripheriam specilli incurvatæ vel arcuatæ se sistant. Quòd si enim exactè omnes fenestræ partes in rectâ positurâ exhibentur, indicio est, specillum rectè esse excavatum, & ex legitimâ sectione elaboratum, tam in medio, quàm in ambitu.

*Quâ ratione  
varia lentiû  
figura cognos-  
catur.*

Hoc etiam modo cognoscere potes, quali segmento specillum convexum constet, majorine vel minori. Nam, quod majus sphaeræ segmentum capit, in eo fenestellæ speculariæ grandiores apparent, quàm in alio, quod minus capit. Et quò magis exiguæ fenestellæ in specillo conspiciuntur, eò minorem poscit sibi tubum. Idem quoque de cavis specillis esto judicium: quò enim Rhombi specularii minores in iis apparent, eò profundiores sunt, eoque minori sphaerico segmento constant.

*Nota perfe-  
cta expoliti-  
onis.*

Tertiò, ratione expolitionis in specillis insuper attendendum est; 1. Num etiam omnes leves rasuræ sint perpoliando remotæ? 2. An specillum adhuc quasdam nebulas veluti nubeculas, ostendet, quæ faciunt, ut lentes quasi cuticulâ obductæ appareant? In quibus namque illæ cernuntur, nondum sufficienter expolita sunt. Neque etiam hîc non notandum, quòd specillum supra modum possit expoliri; cujus rei fit ex eo significatio, quando specillum inæqualiter micat, eò quòd non rectè sit expolitum, legitimaque sectio figuræ mutata & vel specillo nimium, in medio vel margine, poliando ademptum. Hoc facile accidere potest, si tela laminæ, in quâ expolitio facta, segmento vitri non exactè congruit. Illud vitium qui vult declinare, necesse est, ut cuilibet segmento sphaerico peculiare suas telas & poliendi instrumenta applicet. Plura quidem adhuc de modo expolien-


*Cuilibet la-  
mina vel vi-  
tri segmento  
peculiare te-  
lum quod po-  
litura infer-  
vit, applican-  
dum.*



expoliendi vitra, tum de reliquis, quorum breviter in hoc capite mentio facta est, in medium proferre potuisssem, si id instituti mei ratio permisisset: quia verò in hisce Selenographiæ prolegomenis de talibus ex professo agere non constitui, ideoque pauca hæc dicta sufficiant.

## CAPUT II.

DE VARIETATE, DIFFERENTIIS, FABRICÂ, usuque Tuborum Opticorum, & quomodo boni à vitiosis sint discernendi.

Vod recens inventi tubi optici, (sanè ingeniosi & nunquam pro dignitate satis laudandi inventi,) beneficio, corpuscula quælibet parva & oculorum sensui vix obvia, imò tam propinqua, quàm remota objecta, tam junioribus, quàm senioribus (nisi planè depravato & obcæcato visu laborant) magna, perspicua, distincta, appareant & repræsententur, id non ampliùs in hominum ignoratione versatur. Quæ verò causa sit, cur oculus uno tubo plus armari queat quàm altero, ad clariùs visu apprehendendam res objectas, illam, hoc in capite, pluribus persequar.

*Tubi optici  
omni sano o-  
culo serviunt*

*Vnus tubus  
altero obje-  
ctum clariùs  
oculo detegit*

Primum autem sciendum est, Tuborum ex sphericâ sectione paratorum quadruplicem esse inprimis differentiam, quatuorque genera.

1. Primum genus dicitur Telioscopium vel Telescopium.
2. Secundum vocatur Helioscopium.
3. Tertium Microscopium.
4. Quartum Polemoscopium.

*Quatuor Tu-  
borum gene-  
ra.*

Quod igitur primum dioptræ genus, Telescopium appellatum, attinet, eo ipso Tubus hujusmodi opticus intelligitur, qui oculis non tantùm ad accuratam corporum terrestrium vulgariter à plerisque, verùm etiam coelestium inspectionem, siderumque observationes applicatur. Hoc tubi genus sicuti certâ quadruplici viâ paratur, ex quo postmodùm innumeri ferè alii existunt, ita proposui hoc genus prius ordine & sigillatim,

*De fabricâ  
Telescopii.*



antequam reliquorum trium à me fiat mentio, describere.

Primum igitur ejusmodi Telescopium communiter ex gemino vitro, convexo & concavo, construitur. Concavum oculo proximè admovetur: convexum autem rei visibili, ut notum est, obvertitur. Magna verò differentia inter utrumque vitrum, tam absolutè, quàm erga se invicem, consideratum, quoad effectus intendendæ aciei visus, & ampliandæ magnitudinis, rerum visibilium, deprehenditur; quâ de re postea sequetur.

Possunt autem hujusmodi Telescopia, secundum diversitatem longitudinis, aliter atque aliter elaborari.

*Fabricatele-*  
*sco, iorum u-*  
*nus pedis.*

*Ratio men-*  
*sura pedis*  
*Gedanensis.*  
*Rhynlandici*  
*fortificatorii*  
*& Parisiensis*  
*Regii.*

*Structura*  
*Tubi unius*  
*ulnae.*

*Compositio*  
*Tubi 3½ pedū.*

*Tubus duarū*  
*ulnarum &*  
*amplius.*

*Tubus quinq̃*  
*pedum.*

*Quò longior*  
*tubus, eò ma-*  
*jus segmen-*  
*tum convexi.*

1. Quæ namque Telescopia ad usum è tubulis educta, unum æquant pedem, horum vitrum unum ex sphærico segmento utrinque convexo, cujus diameter quatuor pedibus Gedanensibus longa sit, alterum ex utrinque concavo in globo expolitum, cujus diameter quatuor digitos & semis æquet, constare debet. Hic pes Gedanensis ad pedem Rhynlandicum fortificatorium in minimis particulis expressus, talem habet rationem, qualem 914. ad 1000; & ad Parisiensem autem Regium qualem 914. ad 1055.

2. Sin autem Tubi longitudo ulnam exæquare debet, tunc vitrum convexum utrinque ex uno segmento, cujus diameter sit quinque pedum circiter, paretur; globulus autem concavo accommodatus non superet  $5\frac{1}{2}$  digitos, necesse est.

3. Quòd si convexum utroque in latere ex aliquo segmento, cujus diameter octo pedum, est paratum, & prius concavum retinetur, tunc Tubum opticum  $3\frac{1}{2}$  pedibus longum supeditat.

4. Insuper, si istiusmodi concavo utrinque convexum, cujus segmentum diametro decem pedum constat, aptaveris, Telescopium ultra duas ulnas longum obtinebis.

5. Adhæc, vitrum utrinque convexum & in paropside, cujus diameter duodecim pedes adæquat, expolitum, egregium Tubum opticum quinque pedibus & amplius longum præbet.

Ex quibus facile intelligitur, tubum, quò longior & productior, eò majus & obtusius segmentum vitri exigere.

Nota-



Notatu quoque dignum est, quòd vitrum convexum uno in latere planum, duplo longiorem Tubum efficiat, quàm si vitrum utrinque convexum fuerit, quodq; ejusmodi dioptra imagines objectorum longè majores & distinctiores repræsentet, angulumque visionis ampliet.

*Vitrum uno in latere tantum convexum imagines rerum duplo ampliores utrinque convexo reddit.*

Contrarium autem in vitris concavis accidit : quæ namque uno in latere sunt polita cavaq; , minores requirunt tubos opticos; majores autem, quæ utrinque sunt excavata.

*Vitro uno in latere cava, minores, in utroque, majores exposcunt tubos.*

Eodem modo vitra in minori sphaerâ elaborata, longiores sibi vendicant Tubos, in majori, breviores; & semper quidem tantò longiores, quantò minor sphaera existit.

*Vitra in minori sphaerâ elaborata, majores; in majori, minores tubos requirunt.*

Quin & alia regula convexis ac concavis vitris communis, hîc notanda est : si vitro utrinque, vel in uno latere convexo, applicetur concavum uno in latere, tunc quidem corpora aspectabilia clariora apparent, quàm si utrinque concavum adhibeatur; sed contrà non in tantâ magnitudine, quàm per vitrum utrinque concavum cernuntur.

*Regula convexis & concavis vitris communis.*

Rursus utrinque concavum in minori sphaerâ paratum, majora reddit objecta, quàm quod in majori sphaerâ politum, & quidem secundum proportionem globorum. Hinc fit, quòd concava in minori sphaerâ & convexa in paropside minùs elevata, expolita, longiora instrumenta optica suppeditent & objecta viciniore majoraque reddant & exhibeant.

*Proprietas utrinque concavorum tam in minori, quàm majori sphaerâ elaboratorum.*

Hîc autem animadvertendum, quòd lente cavâ acutiori, hoc est, minoris sphaeræ, uteris, eò obscurius objecta visibilia apparere : idcirco viâ mediâ hîc ingrediendum, & media quædam proportio harum lentium eligenda, quam usus & quotidiana experientia unumquemque edocebit.

*Vitraminiis cavata imagines rerum obscuriores depingunt.*

Vt autem proportionem utriusque lentis ad adornandum bonum & satis longum Tubum opticum adsequaris, scito, hîc primùm opus esse vitro utrinque concavo, & in sphaerâ  $5\frac{1}{2}$  digitorum elaborato; ut & vitro utrinque convexo & ex segmento, cujus diameter duodecim pedes æquat, (ut supra quoque dictum) parato: ita enim egregiū tibi comparabis tubum quinque, vel quinque & semis pedibus longum, & siderum observationibus perquam idoneum, id quod tamen eâ conditione dictum

*Fabrica egregii cujusdam Tubi optici.*



*Tubus Opti-  
cus undecim,  
vel circiter,  
pedum.*

accipias, ut specilla sint bona, non colorata, rectè polita & lævigata: quandoquidem objecta satis magna, clara & distincta præsentabit. Quod si meliorem adhuc expetis Tubum, ad dilatandum eò magis visionis angulum, convexum ad jam dictam proportionem uno in latere sit planum, alterum autem specillum maneat utrinque concavum: ita comparabis tibi satis longum & egregium tubum undecim vel circiter pedum, qui tibi haud dubiè satisfaciet, modò lens utraque perfectè fuerit elaborata.

*Lens utrinque  
concava com-  
modior est  
concavo-pla-  
nâ.*

Illud autem diligenter est inculcandum, quòd in fabricâ hujusmodi tubi, vitrum utrinque concavum præstabilius sit concavo-planâ, eò quòd hoc imagines rerum aspectabilium non tantas faciat apparere, quàm illud, & prætereà sæpe in perfectione deficiat. Majus enim artificium est superficiem vitri exactè planam, quàm cavam reddere & expolire, sicut omnes, qui hanc tenent scientiam, & ejusmodi vitra diligenter elaborarunt, experimentis edocti, fateri coguntur. Quod sanè P. C. Scheinero planè contrariatur, uti videre licet ex *libro 2. Rosæ Ursinæ cap. 33. fol. 135.* ubi de dubiis practicis disserit.

*Lens convexa ex segmento obtusiore meliorem & longiorem præbet Tubum, quam ex segmento sphaerico acutior.*

Insuper; quòd lens convexa, ex segmento sphaeræ obtusiore parata, & optico Tubo admota, majorem vim habeat in repræsentandis visibilium speciebus, quàm quæ acutior & globosiore constat, etiamsi seorsim hæc conspicii loco usurpata imagines rerum oculis majores, illa minores, exhibeat; similiter lens concava acutior plus augeat species visibiles quàm obtusior, licet illa extra tubum omnia minora præsentet; quodq; minor breviorq; tubus minoris sit virtutis, & magis refractionibus obnoxius, testem malo nunc appellare perpetuam nudamq; experientiam, quàm demonstrationem ex doctrinâ refractionum petitam, ad quam hæc speculatio propriè pertinet.

*Tuborum demonstratio apud quos Autores extet.*

Quòd si tamen, PhiloMathematici gaudent ipsas inspicere demonstrationes, eas, ex Clarissimorum quorundam Mathematicorum scriptis abundè de hâc materiâ evulgatis percipere possunt, è quorum numero modò allegare satis sit Keppleri Dioptricen, Rosam Ursinam, & Oculum P. C. Scheineri, Antonii de Dominis tractatum de radiis visus & lucis, ut & Maurolycum.



rolycum. Propositum namq; meum non est hîc deditâ operâ ea tractare, quæ ad fabricam lentium & Tuborum Opticorum spectant; sed hanc materiam in peculiarem tractatum reservo. Et tantum de primo genere Tuborum (nempe Telescopiis) quod duplici lente concavâ & convexâ constat, dictum esto.

Alterum genus Telescopiorum, ex duabus lentibus convexis paratur. Et lens oculis admovenda communiter è parvo segmento desumitur: magnum enim segmentum nimis longum requireret Tubum. Ideoq; pro longitudine Tubi majoris minorisve, lentes quoque sunt elaborandæ. Hoc autem discrimen est inter hoc & prius Telescopium, quod illud objecta omnia erecta, & secundum suam veram positionem; hoc verò inversa omnia præsentet. Quocirca hoc imprimis deservit observationi stellarum, præsertim macularum Solarium. Quemadmodum enim primum genus imagines rerum visibilibus, quæ in tabulam trajiciuntur & in eâ repræsentantur, inversas exhibet: ita hoc alterum, Solis Maculas situ erecto, prout in cœlo juxta suas plagas reperiuntur, convenienter ostendit.

*Telescopia  
cōstāt quoq;  
ex duplici  
lente conve-  
xâ.*

*Duo conve-  
xa in tubo  
rectè dispo-  
sita omnia  
invertunt.*

Tertium genus, ex tribus diversis vitris, utpote duobus convexis & uno concavo conficitur. Atverò necesse est, ut superior lens convexa sit nonnihil planior in tali formâ si effectus fabricæ debet respondere; concava oculo proxima retinetur. Inter has duas altera convexa ex segmento minoris spheræ elaborata locatur. Proprium autem hujus lentis in tubo situm, & proportionem ad reliquas duas, ipsa te praxis edocebit.

*Telescopium  
ex duabus  
convexis lē-  
tibus & unâ  
cavâ para-  
tum.*

Quartum genus Telescopii, ex tribus specillis convexis fabricari potest, si legitimo ordine & secundum proportionem suam singula in Tubo statuantur, quod objecta erecto, pulchro, distincto, claroque situ, si vitra ad perfectionem perducta fuerint (veluti primum & tertium Telescopii genus idem præstat) conspicienda præbet.

*Telescopium  
ex tribus  
convexis spe-  
cillis ador-  
natum.*

Antequam autem ad reliqua genera progrediar, paucis etiam aliquid de materiâ Telescopiorum, ex quâ Tubi ductusq; eorum formantur, monebo. Ductus majorum Telescopio-  
rum

*Papyracei  
tubi cur non  
satis com-  
modi vide-  
antur.*



rum plerunq; ex papyro concinnantur, sicut ejusmodi Tubi Iohanni VVifelio, Optico Augustano, qui diligentissimam in iis adornandis posuit operam, nec non Vangelistæ Torrezelli, Magni Hetruriæ Ducis Mathematico, sunt usitati. Verùm papyracei Tubi ob certas causas, quas jam adducam, mihi non arrident. Primum enim ductus eorum si valdè angusti parantur, cœlo humido fiunt angustiores, hincq; ægrè possunt extrahi & contrahi; si verò satis fuerint laxi, ficciore tempestate fiunt laxiores, unde è suâ legitimâ sede facilè dimoventur: at semper tubum in suam sedem reponere, magnum adfert tedium. Deindè non sunt durabiles, sed haud ægrè corrumpuntur, præsertim si aliquid extraneæ humiditatis concipiunt. Ad hæc, inter dilatandum & contrahendum, volitantibus pulvisculis, facilè specilla consperguntur & maculantur: unde obscuriora evadunt. Deniq;, quod omnium pessimum, in ejusmodi lōgiore papyraceo tubo rarò superius & inferius specillum æqualiter inter se distant, præsertim si aliquot constat ductibus. Dum namq; ductus dilatantur, situs rectus lentium turbatur, ob quem errorem species rerum aspectabilium malignè representantur. Quandoquidem omnes lentes in Telescopiis necessario exquisitè debent esse parallelæ, si imagines rerum non confusæ, sed distinctæ, amplæq; debent apparere. Ductus igitur in eâdem parallelâ lineâ semper exactè cohærere necesse est. Quod si Tubi ex lamellis ferreis (quod quidem etiam fieri potest) parantur, alia difficultas nascitur. Etenim si ex pluribus fistulis lamellarum ferrearum Telescopium conflatum est, pondere vix tractabile evadit. Quamobrem Tubi è ligno optimo siccoq; diligenter fabrefacti & tornati, nec è multis partibus ductibusq; compacti, ut parallela lentium linea ne turbetur, semper mihi sunt omnium convenientissimi visi, & ex voto satisfecerunt. Quando ergò longitudo Telescopii duodecim pedes æquat, tunc anteriorem ejus portionem octo pedibus vel circiter longam fabrefieri curo. Et quia impossibile est dioptras ex uno ligni segmento parari, ideoque eas ex diversis partibus, ad lineam rectam diligentissimè dispositis, arcteque conglutinatis construi jubeo. Residuum fragmentum

duos

*Quid in Tubu magnis ex lamellis ferreis paratu, desideretur*

*Tubi ex solidis sicco ligno parati probantur, & eorum fabrica delineatur.*



duos tresve præbet ductus, ut Tubus Opticus secundum parallelam specillorum lineam rectè, possit dilatari.

Quod foramina duo Tuborum, quæ in singulis reperiuntur, & inter utramq; lentem constituta sunt, attinet, de iis tenendum est, quòd parum referat, utrum posterius foramen oculo vicinum, & concavo vitro incumbens sit paulò latius, an verò angustius, modò tantæ sit capacitatis, ut commodus & liber sit transitus oculi, ab unâ lente ad alteram. At foramen tubi vitro convexo proximum, debitam exactamq; obtineat proportionem necesse est: nam si foramen illud, justo amplius est, species rerum visibilium non satis claræ neq; distinctæ apparent; sin verò nimis parvum est, iterum visionem impedit. Hic usus & experientia me docuit, quòd foramen magnorum Telescopiorum convexo specillo propinquum in diametro sequis pollicem non excedere debeat: quæ quantitas etsi alicui valdè exigua videri potest, tamen praxis quemlibet edocebit, hanc proportionem foraminis majori tubo omnium optimè respondere.

*Foramina  
Tuborum  
quomodo cõ-  
parata debe-  
ant esse.*

Quando igitur Telescopia quadruplicis generis ad proportionem rationemq; modo dictam (plures enim modos hac vice, ut ut possem, recensere supersedeo) sunt elaborata, & libenter scire velimus, quale Telescopium sit omnium perfectissimum, quo accuratissimè objecta cernere possimus? tunc in primis ad hæc quatuor respiciendum est.

1. Quodnam sit clarissimum & purissimum?
2. Quodnam imagines rerum reliquis majores sistat?
3. Quodnam objecta minus coloret & 4. Omnium minimam refractionem præbeat?

*Nota perfe-  
ctissimi Tele-  
scopii.*

Quod priores duas notas bonitatis Tuborum concernit, equidem fateor, quòd si quis duobus Telescopiis sit instructus, eaq; ad examen accuratiùs iis contuendi species rerum externarum, facile internoscere queat, utrum utri sit anteferendum: illud nimirum quod objecta visibilia clariùs & distinctiùs repræsentat, At verò nondum hoc examen sufficiens est, ita ut non sit, alicui errori obnoxium. Siquidem ferè impossibile est, hoc modo determinare, quantum id sit, quod alterutrum Telescopium



præstet claritate & magnitudine, nec non qualis sit exacta differentia perspicuitatis? Etenim visus uno tempore magis est ad acutiùs videndum, quàm alio, dispositus; quam rem etiam aeris qualitas, vel impedire, vel promovere potest: adde, quòd Telescopia longè meliora appareant, si obversa Soli aspectabili rei externæ adhibeantur, quàm à Sole averfa, quodque omnia majora conspiciantur per quasdam exhalationes inspecta, quàm sine iis: ut taceam alias causas, quæ Tubis diligenter examinandis possint esse impedimento. Quapropter meliorem detegam modum, eumque infallibilem, quo Telescopiorum bonitas explorari & valor eorum accuratissimè potest deprehendi.

*Infallibilis  
modus valo-  
rem & boni-  
tatem Tabo-  
rum Optico-  
rum explo-  
randi.*

Ingredere cum uno Telescopio cameram obscuratam, admove illud foramini fenestræ, & obverte Soli ad eum modum, quo Maculæ Solares solent observari; ex adversò autem Tubi statuatur tabula alba, in quâ circulus observatorius sit expressus, ad magnitudinem imaginis Solis. Postea fac Solem per Tubum circulo observatorio Tabulæ allabi; quod si discus Solis major fuerit circulo, propiùs admove Tabulam Tubo, donec Sol peripheriâ suâ circumulum exactè adimpleat: tunc attende diligenter claritatem Solis, colorem limbi & maculas, si quæ Soli insint. Hoc factò, alterum quoque Telescopium foramini fenestræ impone in eadem distantia; tabulæ albæ & iterum lumen Solis admitte, sic faciliè perspicies, nunquid discus Solis major sit delineato circulo, Maculæque Solis sint majores prioribus, & utrum omnia magis perspicua, vel obscuriora appareant? Quod si ergò notaveris utriusque magnitudinis & perspicuitatis differentiam, tunc inde valorem Tuborum faciliè æstimabis, præsertim si ductus rectè sese habuerint. Ad hanc regulam, priores duæ notæ dirigi possunt.

Tertia nota, num lentes colorent, nec ne? sequente modo explorabitur; admove Tubos Opticos Astris, Iovi, Saturno, vel Stellis fixis: quod si hæc aspectabilia corpora cœlestia, pura, nitida, coloris cærulei, flavi vel rubri expertia, rotundaque exhibuerit, non oblonga, inprimis Iovem (Saturnus quippe rarò rotundus perspicitur) tunc bonæ notæ sunt lentes, in suo segmen-



segmento perfectæ & bene politæ : sin verò superficies segmenti, in specillis fuerit inæqualis, difformis & vitiosa, radii supra modum refringuntur & colores inducuntur. Refractio quidem aliqua in lentibus concedenda est, ob quam species rerum visibilium vel ampliantur vel minuuntur : attamen quò minor est refractio lentis, eò magis ad æqualitatem tendit, nec alienos invehit colores.

4. Ut autem hæc res eò meliùs cognoscatur, certas suppeditabo regulas, secundùm quas ea poterit examinari. Sed quia doctrina ista nonnihil est intricata, nec cuivis patet, quid & quotuplices sint Radiorum refractiones, nec non unde oriuntur, ideoque de illis certa principia & præcepta ad mentem omnium ferè Opticorum, præmittam & proponam, ex quibus antè memorata rectiùs percipientur & uberius cognoscantur.

*Certa Regula, numero quinque, de natura, differentiis, & productione refractionis radiorum.*

I. Quòd omne punctum visibile radios à se projiciat sphericaliter, & quidem in oculos perpendiculariter, per medium aliquod diaphanum, quod vel rarius vel densius esse potest.

*Regula prima.*

*Anton. de Dominis C 4. de luce & umbrâ pag. 10.*

II. Quòd omnis radius in diaphanum perpendiculariter & ad angulos rectos incidens rectè procedat, neq; frangatur, sed irrefractus pergat, transeat, & ideo directus vocetur : quodq; omnes alii radii non perpendiculares, sed ad angulos obliquos incidentes, in punctis incidentiæ & inclinationis frangantur.

*Regula secunda.*

*Vitell. lib. 2. Theor. 42. usq; ad 48. Maurolycus lib. 1. de lumine & umbrâ pag. 36.* Et quidem ad perpendicularum, quando radii ex medio primo rariori provenientes, incidunt in densius secundum. Contrà verò à perpendiculo, quando videlicet isti radii, è perspicuo densiore, rarius quoddam feriunt. Perpendicularis autem ad quam, vel à quâ refractio fit, est linea, quæ à puncto incidentiæ ad angulos rectos superficiei medii seu diaphani secundi insitit. *Kepplerus in Diopt. Ax. 2. Scheinerus in Rosâ Ursinâ lib. 4. part. 1. c. 23. pag. 452. Et in oculo ejusdem lib. 2 part. 1. cap. 3. pag. 59. Aguilonius lib 2. Optic. proposit. 8. pag. 120.* Et hæc causa est, quare radii in densum politumque vitrum incidentes refringantur, non tam propter densitatem & crassitiem, quæ communiter exigua est,



quàm ob figuram vitri convexam & concavam, quam certa segmenta sphærica & conica suppeditant. Hæc efficit, ut, quò radiorum incidentia magis inclinatur ad angulos obliquos, & à centro deflectit, eò majorem inducat refractionem: quò minor autem est angulus incidentiæ, eò minor fiat refractionis: anguli enim incidentiæ & inclinationum, refractionum angulis sunt proportionales. *Vitell. lib. 2. Optic. Theor. 50* & *lib. 10. Theor. 14. Maurobol. lib. transparent. Theor. 10*

Regula ter-  
tia.

III. Refractio quoque radiorum major fit à lentibus convexis, quæ constant minorum sphærarum segmentis, (quia in medio plùs adsurgunt, & in margine magis attenuantur) quàm quæ constant sectionibus majorum sphærarum, propter majorem scilicet anguli incidentiæ obliquitatem: & quidem in omnis generis convexis ad perpendicularum: unde angulus visionis dilatatur, atq; species rerum visibilium majores apparent, vi 5. & 6. *hypothes. Optic. Euclid. & Vitell. 20. l. 4. ut & Maurobol. l. 1. diaphan. Prop. 4. pag. 36.* Quæ sub majori angulo videntur, majora & propinquiora videntur, & quæ sub minori, minora & remotiora.

Regula quar-  
ta.

IV. Major item fit radiorum refractionis à lentibus concavis (sed à perpendicularo) quæ constant minorum sphærarum, quàm majorum segmentis: hincque fit ut hæ minorem angulum visionis, illæ verò majorem efforment.

Regula quin-  
ta.

V. Quò propiores sunt radii perpendiculares centro lentis, eò rectius incidunt, fortius penetrant, minus refringuntur, clariusque species rerum visibilium repræsentant: quò remotiores autem sunt à centro lentis, magisque ad peripheriam tendunt, eò obliquius & debilius superficiem incidentiæ seu diaphani feriunt, eoque magis refringuntur, & objecta minus distinctè spectanda præbent, vi *propositionis 47. lib. 2. Optic. Vitell. 1.* Ex hisce primò efficitur, quòd omnia convexa, in quibus radii ad perpendicularum refringuntur, bases angulorum species efformantium dilatent, & imagines rerum aspectabilium amplient: & contra, quòd omnia concava, in quibus fit refractionis à perpendicularo, bases angulorum species afferentium, contrahant, & ideo species rerum visibilium minores præsentent. Secundo, ex iisdem sequitur, quòd radii in lentibus, sive cōvexis,

Quæ lentes  
magis minus-  
ve imagines  
rerum præ-  
sentent?

sive



sive concavis, magis circa marginem, quàm centrum refringantur, quodq; hanc ob causam illic angulum visionis magis amplient, & propterea species rerum visibilium circa peripheriam majores appareant, quàm circa centrum. At illud quidem in omnibus specillis sphaericorum segmentorum accidit, in uno tamen evidentius, quàm in altero, prout segmenta majora, vel minora fuerint. Atq; ideo omnes Tubi meliores pretiosioresq; censendi sunt, inprimis autem observationibus siderum magis idonei, qui minorem refractionem inducunt. Quomodo verò hoc indagandum sit, nunc etiam paucis indicabo. Et licet multis modis refractionis inæqualitas in Tubis deprehendi possit, præcipuè per maculas Solares, sicut prolixè *Christophor. Scheinerus in Rosâ Ursinâ lib. 4. part. 1. tradit*: tamen inter illos quatuor sequentes, non minimum obtinent locum. Notes autem hic velim, quòd si quis cum fructu in hac materiâ versari voluerit, eum nosse oporteat, rationem observandi maculas Solares; cujus notitiâ si non nemo destituitur, sequentia capita, in quibus hac de re agetur, consulat.

*Refractionis  
Tuborum in-  
æqualitas  
quibus signis  
dignoscenda?*

I. Certam aliquam maculam, in quacunq; disci Solis parte, sive orientali, sive occidentali, hærentem, ipsamq; Solis imaginem per Tubum admitte, & Maculam Solis fac cadere in horizontem circuli observatorii orientalem, ejusque centrum nota in suâ sede: post immoto Tubo & instrumento observatorio, concede Soli & Maculæ suum liberum cursum diurnum, & per intervalla distincta, donec, per centrum, ad peripheriam occidentalis circuli observatorii partis, Macula pervenerit, iterum centrum Maculæ in chartâ diligenter signa, quoniam sat temporis suppetit, eò quòd Sol suo transitu, circa nempe Apogæum, duo circiter minuta prima temporis consummat. Hic incesus Solis, vel est rectilineus, vel curvilineus. Si namq; per centrum circuli observatorii transit, motus ille fit secundum rectam lineam: si verò nonnihil remotior à centro alterutram partem versùs circuli incedit, fit secundum lineam inflexam & curvam, curvitatique facies convexa ad centrum semper inclinabit, concava verò averfa ab eodem ad puncta Zenith vel Nadir convertetur. Itaque ex incesu rectę lineę, refra-

*Primus mo-  
dus explorā-  
di virtutes &  
differentias  
Tuborum, in  
refringendo.*



refractio non colligitur, sed curvæ. Nam quò major curvatis flexus, in æquali distantia à centro circuli observatorii apparet, eò major est istius tubi refractio. Per hoc examen enim majoris & minoris curvatis refractionisquæ utrinquæ peripheriam versùs, quæ ex diligenti punctorum notatione deprehenditur, lentium ac Tuborum differentia, nec non bona vel mala figura cognoscitur.

Secundus  
modus differ-  
entia refrac-  
tionum.

II. Similiter, si Macula circa horizontem ortivum vel occiduum apparet, tunc primùm locus Maculæ in circulo observatorio signatur, deinde recta linea, per hoc punctum, per centrum jam dicti circuli, ducitur, ubi distantia maculæ à peripheriâ & à centro, ad exactam mensuram revocatur: discrimen quippe utriusquæ quæsitam ostendit differentiam, quæ semper major erit utrinquæ in margine, quàm in medio. Quanto igitur magis minusve lentes tuborum in refringendo, circa margines & centrum, excedent vel deficient, tantò viliores, vel meliores Tubi sunt æstimandi.

Tertius mo-  
dus indaganda differ-  
entia Tuborum,  
in refringen-  
do.

III. Adhæc, si duæ Maculæ, secundùm diametri Solaris longitudinem, nonnihil distantes occurrunt, tum earum interstitium, tam circa horizonta, quàm medium notato, siquidem & inde differentiam refractionum perspicias: illud enim interval- lum semper in medio (ut & antè dictum) arctius, quàm in marginibus, observabitur.

Quartus mo-  
dus exploranda inæquali-  
tatis refra-  
ctionis.

IV. Insuper, vim & naturam lentium inæqualiter refringentium, major quædam Macula Solis deteget, si propria ejus longitudo in diametro, cùm circa horizontem, tum circa medium exactè observetur. Nam & ex hac notâ refractionis differentia, & quinam Tubus optimus atquæ observationibus corporum cœlestium maximè idoneus sit, innotescet. Et tantùm de primo genere Tuborum Opticorum, nempe Telescopiis, dictum sufficiat.

Helioscopii  
usus & fabri-  
ca.

Secundò, quod *Helioscopium* attinet, cujus *Scheinerus lib. 2. Rosæ Ursinæ fol. 128. 130. § 132.* mentionem facit, & usum in Maculis Solis observandis ostendit, de hoc tenendum est, quòd illud ipsum rectà ad inspiciendum Solem citra læsionem oculi dirigatur, id quod Telescopio fieri nequit. Hinc ope Helioscopii,

non



non solum Maculæ, verum etiam Ecclipses Solis commodè possunt animadverti. Hoc autem duobus modis construitur. Vno quidem modo ad mentem Scheineri, lentes tam cavæ, quàm convexæ Helioscopiorum, ex vitris diversi coloris, rubri, cœrulei, flavi, viridis, possunt parari, ita tamen ut ea sint satis diaphana & æqualiter colorata, ut ut rarò utraq̃ue bonitas vitri concurret. Admittit autem Helioscopium, vel unum convexum, vel concavum & convexum, vel duo convexa, vel denique plura ad formam Telescopiorum, modò lentes artificiosè constructæ rectè tubo imponantur.

Alter modus est facilè probabilis: sicuti ex praxi meâ domesticaque experienciâ didici; ita namque quodlibet Telescopium quovis tempore, quando opus est in Helioscopium potest mutari. Accipiantur duo vitra plana quomodolibet colorata, ad magnitudinem concavarum lentium Telescopii efformata, in medio utriusque locetur papyrus ejusdem quantitatis, uno foramine parvo pertusa, quæ cum vitris firmiter, vel filo, vel, quod meliùs, singulari glutino (quo Artifices vitra polienda instrumento ligneo conjungunt) connectatur: postmodum hæc conglutinata vitra cum papyro applicentur lenti concavæ Telescopii, oculo vicinæ. Hoc pacto paratum habebis Helioscopium, quod spectandis Maculis & defectionibus Solis aptum est, ipsumque Telescopium indemne manet, quotiescunq; hæc colorata vitra eximuntur.

Ex quovis Telescopio Helioscopium construere.

Tertium genus Tuborum *Microscopium*, quod communiter etiam vitrum muscarium appellatur, constituit. Hoc minima corpuscula & animalcula (quæ per se aciem luminum vix incurrunt) magnitudine Camelorum ferè ac Elephantum conspicienda præbet, ita ut non sine magnâ admiratione, jucundâque oblectatione spectentur. Constat autem duobus vitris & tubulo unius pollicis, vel circiter, in quem corpuscula induntur. Alterum vitrum oculis proximum est convexum, ex minuto spheræ segmento politum, cujus diameter, æquat summum duos pollices: alterum inferius & fundo propinquum, in quo res perlustrandæ collocantur, est tantum simplex frustulum vitri utrinque plani, cujus operatio in eo duntaxat consistit, ut lu-

Microscopii structura & usus.

men



Alia ratio  
preparandi  
Microscopi-  
um.

men admittat. Aliàs etiam ejusmodi Microscopium ex duobus vitris convexis construi, & in formam tubuli redigi potest: siquidem & eo modo minutissima objecta apposita, quæ sensum oculorum effugiunt, clariora & distinctiora, quàm in priori Microscopio, apparebunt. Vnum convexum, quod ad res spectandas dirigitur, elatum & ex parvo sphaeræ segmento elaboratum sit necesse est: alterum autem, quod admovetur oculo, nonnihil planius formandum; ubi quoque debita proportio lentium & ductuum Tubuli, secundum qualitatem ac figuram specillorum, probè consideranda est, si quàm acutissimè minutiores corpusculi partes, in oculo depingi debent.

Polemosco-  
pium ab Au-  
tore inven-  
tum.

Porro ad quartum Tuborum genus me convertito, quod *Polemoscopium* voco, quoniam id convenientissimè tempore belli, tum ab obsidentibus, tum obsessis, usurpari potest. Hoc instrumentum Opticum ipsemet Anno 1637. excogitavi & adornavi, neque credo ante illud tempus (quod citra jactantiam dictum velim) unquam fuisse conspectum, aut ab ullo compositum. Et, quanquam ex aliis intellexi, hîc adesse quempiam, qui sibi hujus Polemoscopii inventionem arroget: tamen, si sic loqui perrexerit, se ipso teste inutilis erit. Is enim ipse non est nescius, quòd, non semel, sed aliquoties, hoc organum opticum penes me viderit, & undique versum perlustraverit, quia excogitatio & fabrica ejus, sibi valdè arridebat. Quòd autem bellus homo semiperfectâ imitatione (siquidem hoc affectatum ejus Polemoscopium nunquam id præstabit, quòd meum, quoniam ex Catoptricis tantum vitris, non autem simul Dioptricis est compositum) Instrumentum illud exprimere voluerit, videtur id simili ingenio confectum, quo Hispani, à Genuensi Columbo edocti ovum erectum, extremitate ejus contusâ in acumine constituerant; quod, antequam factum viderant, sic illis fuit perspectum, ut quod ignoravêre maximè: quemadmodum in *Historiâ novi orbis Calvetonis pag. 23.* memoratur. Namq; libenter concedo, fabricam ejus, introspectis omnibus partibus, non esse admodum operosam, nec inventionem ejus adeò magni momenti, eò quod ex partibus, artificibus notis, sit compositum. Eapropter verò vel maximè hoc ipso nomine se non



non parum commendat Pelemoscopium nostrum, quòd è facile parabili ratione exstructum possit efficere, quod ab aliis instrumentis longè majori operà & sumptu confectis, frustra expectes.

*Minimè præstantissimum id, ejus usus à difficultatibus magnis dependet.*

Hoc autem opticum Instrumentum, non solùm jucundæ speculationis ac delectationis plenum est; sed & apprimè utile ac necessarium. Primum namque quodvis adspectabile objectum, pronum, supinum, vel in anteriorem vel posteriorem faciem flexum, erectum vel inversum potest præsentare. Deinde instructus hoc instrumento, quaslibet res visibiles per angulum rectum, hoc est, per radios rectangulos, reflexos, ut & refractos aspectu queo percipere; id quod reliquis Tubis denegatur: illi siquidem omne adspectabile sensui oculorum per radios rectos ac refractos objiciunt. At beneficio hujus instrumenti rem aliquam perspicere possum, quam alter hoc destitutus, aspectu nequit sentire, & quemlibet videre, quæ me iterum haud potest. Hinc è conclavi prospiciens, omnia, quæ foris, vel in loco propinquiore, vel remotiore, geruntur (quæ alter per transfennam, imò per se nequit ob incommoditatem loci aspicere) in omnem faciem erectam, everfam, & lateralem conversa in conspectum meum possum adducere admodùm clarè & perspicuè, sub tanto visionis angulo, quantum vel optimum Telescopium queat efformare. Præterea hoc opticum Instrumentum non minùs utiliter ad videndum adhibetur, quando muro, corbis loricalibus, sepi vel alii ejusmodi velamini, adsto, ubi superiori parti admotum res extra videndas obtutui objicit, ita ut à nemine exteriorum cerni queat spectator. Omnium denique utilissimus & maximè conspicuus est ejus usus, dum tempore obsidionis scabello valli innitens, supra & extra loricam, omnia, quæ ab hoste in fossâ geruntur, hoc instrumento accuratè possum observare, præsertim, quando jam vineæ in fossam sunt translatae; ubi nemo obsessorum, citra magnum vitæ discrimen, aliàs levatâ supra vallum facie, ob præsentiam hostilium militum, ad omnia, quæ superius in vallo geruntur, attentorum, audet fossam intueri; quâ de re postea pluribus agam, modò priùs constructio ejus fuerit exposita.

*Pelemoscopij usus.*




*Constructio  
Polemosco-  
pii.*

Hic igitur Tubus, tam ex Catoptricis. quàm Dioptricis paratur fundamentis : etenim duobus speculis planis & gemino vitro dioptrico, concavo nimirum & convexo constat.

Tubi figura exterior est, ut in A exprimitur : apud g angulum obtinet rectum : materia ejus, ex ære flavo sive orichalco conflatur : magis quippe idonea est, quàm ex albâ laminâ ferreâ. Partes habet quinque distinctas, nempe a, d, c, g, e, in eum finem concinnatas, ut vitra commodè imponi & eximi possint quotiescunq̃ue opus fuerit. Prima pars habet in superiori superficie rotundam arculam spiratim insertam, cui rotundum inest foramen trientem ferè pollicis æquans, & pervium. Huic arculæ postmodum lens concava includitur, filoq̃; ferreo munitur. Inferius autem versus a, è regione foraminis, locatur portio puri boniq̃; speculi plani h, ex segmento Elliptico parati, ad eam magnitudinem, ut commodè disponi & circiter 45. gr. inclinari possit, sic ut linea a apposita commonstrat. Verùm ut eò meliùs & certius firmetur, frustulum cupri instar i curvati primò supponatur, & ne folium removeatur, papyrus cerâ illitam agglutina, postea marginem cerâ circumda, ne specillum loco dimoveri vel excidere possit; dehinc pars prima a unâ cum arculâ b, in quâ concava lens est collocata quatuor cochleis conjungitur parti d, quæ in fistulam C inseritur, ut tubus, efflagitante necessitate, pro libitu queat extendi. Secundò parti instrumenti ad angulũ rectũ curvatæ, rursus speculum planum elliptici segmenti k impõitur, ut linea ad g ostendit, quod ut convenienti loco sit positum multũ refert: si namq̃; ad alterutrum latus inclinaverit, vel supernè aut infernè devolutum fuerit, neque radii, qui ad f per angulum incidentiæ in speculum g cadunt, in idem a per angulum reflexionis feruntur, neque ab a per foramen ad oculum perveniunt. Quilibet autem ex praxi ipsâ cognoscet, quantum momentum in justâ speculi hujus ordinatione sit positum. Propterea initio, paucâ cerâ appositâ, est in suo loco disponendum & retinendum, donec de legitimo ejus situ planè constiterit. Interdum etiam antè in a non rectè collocatum est : unde fit, ut species rerũ visibilium non directè, ut fieri deberet, sed obliquè in oculum incurrat.



Eclipsis Solaris.  
 GEDANK.  
 Anno Christi 1659, Die 14 Novembris, Vesp. observata.



*Phases*

*Crescentes.*

Hor. 3. 55.  
 5  $\frac{3}{4}$  Dig.


Hor. 3. 52.  
 5 Dig.

Hor. 3. 44.  
 4 Dig.

Hor. 3. 37.  
 3 Dig.

Hor. 3. 31.  
 2 Dig.

Hor. 3. 25.  
 1 Dig.



*Fig. B.*

*Observator Sculptor.*







incurrant. Veruntamen industrius, diligens & attentus hujus studii cultor admonitus, errores illos evitabit. Quartum vitrum, nimirum convexum, ad s in tubo d orbiculo n inclusum statuitur, qui sic formatus est, ut commodè in tubum possit inferri, & ut locus situs hujus lentis conveniens, huc illucque movendo orbiculum, tandem inveniat. Sed quærat forsitan aliquis ex me, qualis lentium convexarum proportio huic instituto deserviat? Cui respondeo, variæ quidem lentes, sive obtusiores sive elevatiores ad placitum adhiberi posse, modò hoc discrimen observetur, nisi velit operam ludere, quòd illæ magis elevatae etiam longiorem tubum requirant d, ut & totum Polemoscopium longius. Duæ insuper cautelæ opifici hujus Polemoscopii, nisi velit errare, sunt necessariae. Altera est, quòd positus utriusque lentis, concavæ & convexæ, hîc aliam elongationem, quàm in cæteris Telescopiis requirat: nam distantiam in hoc instrumento contractiorem esse manifestè oportet, si debet expectationem implere. Altera est, quod præstet hîc adhibere lentem plano-concavam, quàm utrinque cavam, eò quòd aspectabilia magis perspicua, & quantum instituti ratio postulat, satis distincta præsentet. Mirum autem fortassis alicui videbitur, quî fiat, quòd utraque lens scopum suum adsequatur, quum tamen è regione alterâ alteri non exactè respondeat, & præterea speculum sit interpositum? At verò neutrum usui hujus Polemoscopii officit, si modò vitra sint æqualiter in suis Tubis disposita: qualiter enim radii refracti à convexâ lente in speculum incidunt, taliter reflexi in concavam b feruntur, neque inde refractio diminuitur. Quòd autem lens convexa in Tubo d, cui cava adhæret, statuatur, fit hac de causâ, ut Polemoscopium, pro ut expedit & ratio postulat, queat prolongari, quod tamen in hoc optico instrumento exactam præsentandi species rerum visibilium rationem tantum abest, ut impediatur, (etiamsi duplo longius productum fuerit) ut potius in majori longitudine, quàm minori, objecta evidentiora visui exhibeat. Itaque quilibet hoc instrumentum, longius vel brevius, arbitrato suo, ad modum supra dictum construi curabit. Meum quod attinet, diameter ejus est 1½ pollic., longior tubus 22. pollices, &

*Lentes in Polemoscopio breviores exigunt distantiam, quam in Telescopio.*



*Polemoscopi-  
um absq; lē-  
nibus quid  
praestet?*

brevior octo pollices æquat. Sed ut paulò ante dixi longitudo potest variari: quò namque est brevior tubus, eò minores reddit aspectabilium imagines. Particula e planè posset omitti, nisi ideo adderetur, ne cuilibet indifferenter ad videndum pateat aditus, idcirco etiam figuræ vv & x, duo orbiculi, nimirum r & t, sunt apppositi. His igitur omnibus probè observatis, singulis vitris in suis convenientibus locis rectè dispositis, & quinque partibus suis cochlearum ope arcè inter se connexis, Polemoscopium rectè construitur. Quòd si idem Polemoscopium lentibus fuerit destitutum, etiam quidem objecta repræsentat, sed sub parvâ imagine, & remotiora vix valet adsequi. At omnibus suis specillis, ut supra commemoravimus, præditum, & remotiora & propinquiora aspectabilia satis clarè & distinctè ante oculos proponit. Quin & hoc instrumentum sine duobus dioptricis vitris posset usurpari, & remoto tubo a : quomodo verò hac ratione species visibiles repræsentaverit, id tuè permitto experientiæ. Vt autem pleniorum ejus usum addiscas, insuper nota, non parvi interesse, qualem situm antè speculum a, erga posterius g obtineat. Nam, secundum utriusque dispositionem, omnia objecta vel erecta, vel supina, vel inversa cernes.

*Vt omnia  
prona & ere-  
cta in Pole-  
moscopio cō-  
spiciantur.*

1. Si primùm omnia erecta prona vis intueri, ut specula erga se invicem sint parallela, necesse est, sicut ex diagrammate C, propè A apparet. Nec refert (quando parvo foramini oculum applico) utrum longiorem tubum perpendicularem, vel breviorum horizonti parallelum statuam, vel sursum, vel deorsum inclinatum; an verò utrumque tubum longiorem ac breviorum, dirigam horizonti parallelum. Adhæc, licet foramen planè invertatur interiora versus tendens: tamen hoc in visis objectis occurrit discrimen, ut cuncta à tergo conspiciantur.

*Vt omnia su-  
pina appare-  
ant.*

2. Si verò velis objecta supina intueri, specula ita sunt inter se aptanda & flectenda, ut angulum acutum constituent: quod fit, si alterum erga alterum rectè dispositum inclinet ad 45. gradus, & cavernula lateri tubi admoveatur. Nec interest, instrumentumne in applicatione ad oculum teneam parallelum horizonti, an verò perpendiculare sursum vel deorsum conversum, veluti prope D & C videre licet.

3. Quod



3. Quod si cupis objecta aspicere inverſa, ita ſpeculum circumduc, ut intrinſecùs ad angulos rectos (ſicut ex B apparet) vergant: quod fiet, ſi foramen ad interiora flectatur, & inſtrumentum perpendiculariter ad horizontem, ſurſum vel deorſum ſtatuatur, ut retrò inſpiciatur; quoniam parallelus huius optici inſtrumenti ſitus, imagines rerum viſibilium non invertit, ſed eas rectas præſentat; ut jam antè dictum. Denique ex hac flectendi ac convertendi tubos diverſitate, alii atque alii ſequuntur videndi modi, qui varietati ſitus loci poſſunt accommodari: id quod exercitatio quemlibet edocebit. Etenim, cùm ex loricâ in foſſam, vel è muro, aut ſepimento vallato, vel alio velamine, proſpicitur, tunc Polemoſcopio longiore opus eſt; quanquam hoc pacto nihilo plus præſtabit, etiamſi aliquot ulnas æquet longitudine: eò tamen longitudo deſervit, ut utervis hoſtium & obſeſſorum & obſidentium alterius obductus commodè queat perluiſtrare. Inter alia verò commoda, quæ hoc opticum inſtrumentum militi, vel tribuno militum, præſtat, hoc non eſt minimum; ſi virgæ ambulatoriæ ac menſoriæ includatur, & opertum circumferatur, ut, ſicubi uſus eſt, inde depromatur, quod poſtmodum latiùs explicari & ad uſque pedes octo produci poteſt. Diameter ejus eſto 1½ pollice longa, & curvaturæ 2. pollicibus longitudinem arbitrato quiſque ſuo determinabit. Vnum autem hoc non eſt obliſcendum, ut ſpectula ſibi invicem ob productam tuborum longitudinem ad amuſſim reſpondeant: quod niſi fit diligenter & circumſpectè parùm accuratè res objectæ viſu percipientur.

*Ut omnia videantur inverſa.*

*Polemoſcopium virgæ ambulatoriæ includere.*

Inſuper, hoc prænartrato modo quiſpiam, ſi plura ſpectula inter ſe fuerint ordinata in ſuis tubis, corpus rotundum, anguloſum vel columnam aliquam plus dimidio & quæ iſto in loco gerantur, videbit, imò alia quoque conſimilia artificia, remotiora & abdita corpora viſui objiciendi excogitabit, præſertim, ſi in Catoptriciſ & Dioptriciſ fuerit exercitatus.

Tandem, quod demonſtrationem huius Polemoſcopii attinet, quare nimirum ad certas flexiones ſpeculorum, interdum objecta erecta, quandoque ſupina, nonnunquam inverſa præſententur; & quare etiam diverſus locatus Polemoſcopii, vel paralle-



parallelus vel perpendicularis, sursum deorsumve ad horizonta vergens, idola specierum visibilibus variet? quilibet in Catoptriciis versatus ejus rationem perspicit. At verò ut & imperitiores nullo negotio fundamenta hujus scientiæ discant intelligere, nonnulla certa principia Catoptrica præmittam, ex quibus post, ipsa demonstratio poterit elici.

Principia  
Catoptrica,  
ex quibus  
demonstratio  
Polemoscopii  
fluit.

I. Propter levitatem tersi politiq; corporis radii in superficiem ejus cadentes reflectuntur. per *Theor. 1. lib. 5. Vitell. & Theor. 25. lib. 1. Maurolycus de lumine & umbrâ.*

II. Radii sub alio nullo angulo in speculis reflectuntur, quàm in quem inciderunt, quia natura semper rectam & breviorẽ ingreditur viam. Hoc est: Angulus reflexionis semper equalis est angulo incidentiæ. *Vitell. Theor. 10. & 20. Alhasen lib. 4. num. 10. 18. Antonius de Dom. cap. 2. pag. 3. Maurolyc. Theor. 27. & 29.*

III. Quicquid per reflexionem cernitur, in uno tantum fit loco, nempe in eo, in quem reflexio incidit. *Vitell. Theor. 24. lib. 5. Anton. de Dominis cap. 2. num. 8.*

IV. Radius perpendicularis, non solum in se ipsum reflectitur, sed etiam reliquis est fortissimus; & qui radii ei sunt viciniore, illi quoque sunt valentiores. *Euclid. Theor. 2. Catopt. Vitell. Theor. 11. 12. 13. 14. lib. 5. & Theor. 47. lib. 2. Alhasen lib. 4. num. 10. 11. & 12. Anton. de Dominis cap. 7.*

applicatio  
principiorum  
ad demonstratio-  
nem Pole-  
moscopii.

1. In formâ  
rectâ.

1. Ex quibus quatuor principiis sequentia demonstrare non est difficile. In diagrammate C, penes A esto a b c Polemoscopium, d g unum speculum in tubo curvato, & alterum speculum sub cavernulâ e f, objectum perpendiculare est o u. Ex istis duobus punctis, incidunt duo radii in speculum d e in g & h. Iam, quia certum est, quod angulus reflexionis (sicut paulò ante principium secundum Catoptricum docuit) sit angulo incidentiæ æqualis; sequitur, quod, si duo hæc puncta sub uno angulo 45. grad. in speculum d e incidunt, necessario reflexi sub eodem angulo in speculum c f incidunt, ita, ut quilibet radius in puncto incidentiæ quasi peculiarem angulum rectum constituat, velut ex g & h apparet, siquidem punctum o objecti, in inferiori speculo ad f, & u ad c in se ipsum reflectitur; ideoque, quando id per foramen intueor, in genuinâ suâ formâ, nempe erectâ



erectâ & perpendiculari mihi apparet, si nimirum specula in lineâ parallelâ sibi sint opposita. Atque hoc modo fit visio directâ.

2. Quod visionem attinet, proponitur ea in C & D. Nam ex hac perspicitur, quòd speculum sit conversum, & oculus in superiori vel inferiori parte inspiciat, unde radii non directi, sicut ante, sed planè inclinati in inferiori speculo, o scilicet versus sinistram (in figurâ C) u verò dextram versus appareant, & hinc objectum conspicitur supinum. Idem fit apud D, converso instrumento, ita ut o in dextrâ parte & u in sinistrâ præsentetur.

2. In formâ inclinâtâ.

3. Quomodo verò fiat inversa visio, ex iconismo B non potest esse obscurum. Etenim, quoniam inferius speculum penitus est inversum, & oculus interiori parti est applicandus, ideoq; punctum objecti inferius u incidit in speculum c f & fit superius, o verò quod superius erat, inferius existit ratione oculi. Sed, quia hæc sunt intellectu facilia; idcirco nolumus hîc esse prolixiores. Quando autem sufficienter in hoc capite, non tantum de Polemoscopio, sed & de reliquis Tubis, imprimis autem de Telescopio actum est; restat, ut etiam doceatur, quomodo Telescopium siderum observationibus sit commodè adhibendum & quid hujus ope intra paucos annos fuerit in cœlo detectum, de quibus omnibus in capitibus subsequenter dicetur fusiùs.

3. In formâ inversâ.

### CAPUT III.

DE OBSERVATIONIBUS CORPORUM COELESTIUM in genere, tam ab Antiquis, quàm Recentioribus Astronomis habitis, præsertim

de observationibus fixarum Stellarum, adminiculo Telescopii; singulari usu & modo eas instituendi.

**E**tsi Veteres Astronomi, inter quos maxime inclaruere Meton, Aratus, Aristillus, Timocharis, Calippus, Aristarchus, Hipparchus, Menelaus, Ptolemæus, & Albategnius,

Ortus & progressus Observationum Astronomicarum multâ imperfectione laborat.



tegnius, indefessâ operâ, cœlestium corporum observationibus incubuerunt, & adhibitis organis non exiguis sumtibus paratis, nimirum Regulis Parallacticis, Armillis Zodiacalibus, Quadrantibus, Radiis, Annulis Astronomicis, Torquetis & aliis admodum defudarunt, motum Stellarum, præsertim fixarum, earumque longitudes, latitudes distantiasque rectè determinare : tamen abacum Astronomicum omnibus suis partibus expletum, tam quoad motum fixarum & præcessionem æquinoctiorum, quàm quoad quantitatem anni Tropici & Siderei nobis non reliquerunt : id quod posteriores accuratæ observationes, quæ prioribus in debitò puncto non respondent, clarè ostendunt, quemadmodum Stellæ fixæ ab Hipparcho observatæ, & à Ptolemæo in suo magno Astronomico opere promulgatæ satis probant; ita ut ex his facilè colligi liceat, quòd maxima causâ istius defectus, imperfectis organis Astronomicis sit adscribenda.

*Nobilissimus  
Tycho Bra-  
heus fuit in-  
staurator A-  
stronomia.*

Et, quamvis Copernicus, ante centum, & quod excurrit annos, magnam ad hanc scientiam fideralem suis observationibus contulerit diligentiam, ut in observationes Veterum Astronomorum inquireret, & si fortè istæ cœlo aberrarent, correctiores cœlestium motuum Tabulas construeret : tamen, quia & ille parvis & maximam partem ligneis instructus fuit instrumentis, ideoque nec hic Astronomiam ad perfectionem potuit perducere, donec Nobilissimus & Celeberrimus Vir Ticho Braheus patrum nostrorum memoriâ huic studio incubuit, & ad hoc egregia, varia & pleraque metallica affabrè elaborata instrumenta, ( utpotè Quadrantes simplices & Azimutales, Parallaxica instrumenta, Armillas Zodiacales & Æquatorias, Arcum bipartitum & alia, quæ in Mechanicâ ejus Astronomiâ extant delineata ) attulit. Etenim hisce organis justæ magnitudinis & exactioris operæ, per integros octo & triginta annos motum stellarum observavit, & non sine ingenti Astronomiæ commodo finiit, sicut experientia optimos quosque Astrorum Consultos docuit. Primum namque hic incomparabilis Astronomus motum fixarum stellarum aliquantum diversum ab observationibus antiquorum Astrosophorum de-  
prehen-



prehendit nimirum, quòd intra annos 71 $\frac{1}{2}$ , in successione Signorum, unum integrum gradum progrediantur; non autem intra centum, ut Ptolemæus tradidit; neque intra 66. annos, velut Albategnius censuit insuper, omnium fixarum (quarum mille & viginti duæ priscis Astronomis innotuerunt) Longitudines & Latitudines, summâ diligentia observando, investigavit, consignavit, &, quicquid erroneum fuit, emendavit: quin etiam veram quantitatem anni tropici & siderei determinavit. Fundamentum verò motuum cœlestium non lubricum, sicut Veteres, constituit, qui longitudes fixarum, vel per Sirium, vel per Eclipses, vel Lunam, stellulam aliquam tangentem, vel, ut Hipparchus, per distantiam Lunæ à fixis indagavit; sed certiori viâ institit, diurno tempore intercapedinem Veneris à stellâ Arietis inquilivit, & per hanc fixam ad reliquas progressus est: in quo instituto non intricarum Parallaxium coactus est habere rationem, sicut ipse Tycho lib. 1. Progymnasm. Astronom. pag. 103. tradit, quem Astrophilus consulat. Proinde tanti viri labor immensus, diligentia incredibilis, summaque industria, quam in his Astronomicis observationibus exactè restituendo & ad posteritatem transmittendo siderum motu adhibuit, non satis potest laudari. Hoc unum duntaxat fuisset optandum, ut suo tempore Telescopium esset adinventum, ejusque usus innotuisset: ita namque Catalogum Stellarum fixarum longè auctiorem reddidisset, eumque non tantum centum, sed mille fixis locupletasset; siquidem obscurorum per universum Cœlum sparsarum, quæ nec à lynceo nudâ oculorum acie spectari queunt, ingens est numerus, sicut quemlibet observatio & attenta fixarum inspectio per Tubum Opticum satis edocebit. Has nebulosas & incognitas stellas, primum perspicilli beneficio detexit & toti Mûndo manifestavit magnus ille Galilæus de Galilæis, quemadmodum ex Sidereo ejus Nuncio apparet, ubi pag. 31. & 32. scribit; quod sex stellis Tauri, quæ Plejades dicuntur (quandoquidem septima ferè nunquam apparet) aliàs 36. adjecerit, earumque interstitia, magnitudines, nec non veterum novarumque discrimen adnotaverit, ope eximii sui Telescopii. Sic etiam si à Veteribus tres

*Galileus, beneficio Telescopii, in diversis Asterismis plurimas stellas detexit.*



tantum stellæ in cingulo, & sex in ense Orionis observatæ, & consignatæ fuerint: tamen iis octoginta eodem Tubo visus apposit: quin & nebulosæ in capite Orionis, quæ vix visus acie fit conspicua, eodem Telescopio vidit insuper adstare unam ac viginti, ut & nebulosæ præsepis alias triginta sex.

Eandem stellarum frequentiam identidem & ego non semel, sed multoties, in his Asterismis, Telescopio meo conspexi ibique revera extare deprehendi: imò quascunque stellas in Cœlo per Opticum Tubum rectè constructum intueri lubet, circa eas statim, aliæ plures & minores diversæ magnitudinis, claræ tamen, radiis suis distinctæ, & majores circumdantes manifestè apparent. Tales Stellarum per Telescopium animadversiones ut sunt aspectu perjucundæ, mireque oculos afficiunt: ita quemlibet industriam Astrophilum meritò excitant, ut ejusmodi stellarum copiam, in cæteris quoque Asterismis cœli, querere & diligenter observare studeat. Eodem amore & desiderio sidera cœli contemplandi & ego bonæ notæ Telescopiis instructus, jam dudum captus fui. Postquam enim Tubi mei Optici Planetæ Iovis Comites quatuor mihi sæpe numero rectè detexerant & ostenderant, ad alias quoque stellas indagandas multò cupidissimè sum progressus. Hinc Anno Christi 1642. Mense Augusto & Septembri, ut & Anno subsequente 1643. mense Octobri, non solum Iovem, ejusque Satellites, in signo Aquarii stellato commorantes, per Telescopium inspexi, sed & illud ad vicinas stellas & imprimis ad eas, quæ sunt interceptæ inter primam fusionis aquæ quartæ magnitudinis, secundum Vranometriam Bayeri, & inter stellam in primo flexu aquæ duarum sequentium quintæ magnitudinis, applicavi, quas in subjecto diagrammate per A & C notavi: ubi in hoc spatio cœli alias insuper stellulas diversæ magnitudinis & coloris, numero scilicet triginta tres, eodem observavi telescopio: quamvis enim globo Cœlesti Tychonico & canone restituti motus fixarum ejusdem Tychonis, per hunc cœli complexum, septem duntaxat reperiantur: tamen illarum longè plures, nempe quadraginta, numeravi, magnumque adhibui studium, ut singularum longitudes, Latitudines & distantias accuratè


*In Asterismo  
Aquarii inter  
stellam 1  
fusionis aquæ  
& primum  
flexu aquæ,  
duarum sequen-  
tium  
complexum  
33 stellula-  
rum notavi.*



A. Longit. 6. 40. X. Latitud. 0. 19 1/2 Austr.
B. Longit. 9. 36. X. Latitud. 1. 40. Austr.
C. Longit. 12. 14. X. Latitud. 1. 0. Austr.
D. Longit. 12. 9. X. Latitud. 2. 49. Austr.
E. Longit. 11. 19. X. Latitud. 3. 58 1/2 Austr.
F. Longit. 11. 47. X. Latitud. 4. 10. Austr.
G. Longit. 11. 50. X. Latitud. 4. 44. Austr.

Pars Constellationis Aquarii, cum novis  
 fixis in eadem observatis. Gedani.  
 Anno Christi 1642.

A. Prima effusionis aquae. Boyero dicta. 4. M.  
 B. In primo flexu aquae duarum antecessorum. 6. M.  
 C. In primo flexu aquae duarum sequens. 5. M.  
 D. Austriacus. 3. M.  
 E. F. G. Succedentes res conjuncta. 5. M.



Autor Sculpserit.



Longit. 13. 1.  $\gamma$ . Latit. 1. 31 A.  
 Longit. 14. 22.  $\gamma$ . Latit. 4. 19 $\frac{1}{2}$  B.  
 Longit. 18. 9.  $\gamma$ . Latit. 3. 3. C.  
 Longit. 20. 32.  $\gamma$ . Latit. 4. 40 $\frac{1}{2}$  D.  
 Longit. 22. 48.  $\gamma$ . Latit. 3. 38 $\frac{1}{2}$  E.

Pars Constellationis Piscium, cum novis  
 fixis, in eadem repetis, Anno 1643.  
 Die 2 Octob.

A. Duorum exiguarum anteceden. 6. M.  
 B. Eorum sequens ad Austrum. 6. M.  
 C. Post reflexionem trium praecedens 5. M.  
 D. Media. 5. M.  
 E. In uno boreo in connexu praecedens 5. M.

Ecliptica.





Fig. E.

Joh. Seldner.



accuratè determinare & in chartam legitimo referrem ordine, quas omnes in appositâ figurâ D exhibeo. Deinde, propè parvulam stellam B, in primo flexu aquæ duarum antecedente (etiamsi adeò sit exigua, ut vix à perspicacissimi visus acie prædito cerni queat) novem adhuc alias, & sinistram versus secundum successionem signorum quinque insuper diversas, & notæ stellæ C quartæ magnitudinis vicinas Tubo deprehendi intra 12. & 15. gradum piscium. Inter quas unica tam parva est, ut non nisi per eximium Telescopium possit conspici.

Coeterum de his quinque minimis stellis, à me noviter in cœlo repertis, subsequente capite pluribus agam, præsertim quum me ad hoc institutum quasi invitent literæ Patris Antonii Mariæ de Rheita, quas postridie Nonas Ianuarii, Anni Christi 1643. ad Præclarissimum Puteanum exaravit. Præterea alias novas & ante hac incognitas exiguas stellas in Asterismo Piscium (ad quarum contemplationem me Iupiter eâ in parte Zodiaci versans excitabat) & quidem inter A duarum exiguarum antecedentem sextæ magnitudinis, & E in lino boreo à connexu præcedentem, numero unam & viginti observavi; quamvis prioribus Astronomis quinque duntaxat perspectæ fuerint. Longitudines quoque & Latitudines earum non minori operâ, quàm antecedentium, à me supputatæ & adjectæ sunt. In hisce verò observationibus, illud inprimis consideratione dignum est; quare reliqui Astronomi Telescopiis instructi stellas omnes fixas, tum antè quidem cognitæ & in globo cœlesti consignatas, tum noviter repertas, nec nudis oculis obvias, non in tali proportionem ac magnitudine, quali aliàs Planetæ & reliqua objecta apparent, conspiciant; sed absque Tubo stellæ hæc hactenus cognitæ ferè majores apparent, propter radios & lumen illorum adventitium. Præterea non aliter hæc stellæ conspiciuntur, tum interveniente Telescopio, tum sine eo, dentatæ, radiantes, scintillantes, interdum etiam non rotundæ, coloratæ, minimè verò planæ & sine radiis, quemadmodum Sol, Luna, & reliqui Planetæ omnes, exceptis Iovialibus. Ex quibus quidem colligere licet, permagnam & ferè incredibilem earum distantiam à terrâ, eò quod Tubus Opticus in augendâ

*In Asterismo  
Piscium, 2. 21.  
stella parva  
sunt à me a-  
nimadvertæ.*

*Mathemati-  
ci hactenus  
stellas fixas  
per Tubum  
Opticum ro-  
tundas absq;  
radiis aspue-  
re haud po-  
tuerunt.*




rerum quantitate nihil efficere possit, quum tamen is tam Solis, quàm reliquorum Planetarum (qui etiam aliquot mille semidiametris terræ à nobis removentur) magnitudines adaugeat : uti Galilæus existimat, & reliqui quoque Mathematici sunt ejusdem sententiæ, quòd eodem tubo, quo Planetæ & reliqua rotunda corpora non aliâ, nisi hac ipsâ cernantur figurâ, fixæ tamen stellæ non orbiculatas videantur; ita ut mirari subeat, cur Galilæus, & alii, quibus non defuerunt optima Telescopia, fixas nunquam rotundas, radiorum expertes, nec ampliori quâdam magnitudine præditas, conspicati sint; quum tamen ego meis Tubis eas contrâ sæpius rotundas deprehenderim, & semper tales, quotiescunq̃ue placuerit, intueri possim; quemadmodum illi testimonium perhibebunt, qui meis tubis usi, ejusmodi formâ rotundâ illas viderunt.

Quomodo  
Telescopium  
sit adornan-  
dum, ut quo-  
vis tempore  
stella fixa ro-  
tunda & ra-  
diis adventi-  
tiis exuta ap-  
pareant.

At sanè alio modo Telescopia mea apto, cùm iis fixas contemplor, quàm, cùm ea ad Planetas Iovem, Solem, Saturnum vel Lunam adhibeo. Qui aptandi tubos modus huicq̃ue rei accommodandi ut perfacilis ei videbitur, cui semel fuerit demonstratus : attamen parvi non est æstimandus, eò, quòd à tantis tamq̃ue perspicacibus Viris hætenus animadversus nequam fuerit. Namq̃ue etiam si Galilæus papyro foramine per-  
tusâ, oculoq̃ue admotâ, fixas rotundas & orbatas radiis adventitiis conspexerit, tamen hac ratione minutissimæ in obtutum venerunt, ita ut quandoq̃ue præ nimia parvitate visum effugerint. Alioquî certum est, quòd Galilæus fixas nunquam rotundas Tubo potuerit aspicere; sicut verba ejus, quæ in Nuntio Sidereo pag. 30. extant, id testantur : *Fixæ Stellæ inquit, peripheriâ circulari nequaquam terminatæ conspiciuntur, sed veluti fulgores quidam radios circumcircâ vibrantes, atq̃ admodum scintillantes : consimili tandem figurâ præditæ apparent cum Perspicillo, ac dum naturali intuitu spectantur.* Neque alii Mathematici suis Telescopiis id præstare potuerunt, inter quos est etiam Hortensius. Is enim in dissertatione de Mercurio pag. 37. ita scribit : *Quòd Telescopium non omnes radios adventitios stellarum abscindat, non aliundè est, quàm à forti earum radiatione, ut in fixis Marte & Mercurio, in quibus & parvitas corporis facit, ut nunquam exactè rotundi & calvi, sed semper hirsuti compareant &c.* Negat etiam Kepplerus ullam quantitatem stellarum fixarum, sub specie



specie rotundicorporis detegi, per inspectionem Telescopii, asseritque, quò perfectius instrumentum, hoc magis fixas repræsentari, ut puncta mera, ex quibus radii lucidi in speciem crinium exeunt, dispergunturque; veluti hæc verba adducit. *Herigon lib. 2. Theor. Planet. pag. 619.*

Ego verò, ut paulò ante quoque dictum, commodè per meum Tubum fixas rotundas possum inspectare, & reliqui tali figurâ eas conspicient, si modò præstans adfuerit tubus & cum rectè tractare noverint: non tantùm enim orbiculatè, ut aliàs per papyrum perforatam inspectè videntur, sed & satis magnè, secundum proportionem inerrantium, apparent. Quocirca cum tubo hac simplici, facilique viâ procede. Accipe Tubum, qui observationibus Iovis ac Lunæ accommodatus est, & angustius redde foramen convexi lenti proximum; vel novam chartam impone, cujus foraminis circumferentia magno pîso sit equalis, vel vacuum excavatum, æquet circumcirca parvitatem subjectè formè in orbem actè  . Quo facto, Telescopio fixas primè vel secundè magnitudinis intueri, & tum eas exactè rotundas suoque colore conspicuas, unamque omninò alterâ majorem deprehendes: Arcturus namque major apparebit, *Arcturus major (Aldebaran) quam* quàm Aldebaran; Aldebaran major, quàm Cor Leonis, & sic consequenter, ita ut non sine admiratione quispiam eas spectaverit.

Hoc igitur parvum foramen, inprimis adhiberi potest ad inspectionem illarum stellarum, quæ valentiore lumine præditæ sunt, puta Veneris, Sirii &c. Verùm stellis languidioris luminis, sicut est Aldebaran & aliæ, convenit nonnihil amplius foramen, & hoc angustiori est præstabilius. Sin verò placet, minores illas novas stellas, quarum ingens est multitudo, tubo vestigare & detegere; maximè idoneum est foramen amplum, in quo tantùm hoc desideratur, quò stellæ per hoc inspectè non appareant rotundæ. Sic & maculis Lunæ spectandis, tale foramen aptum est. Quare, quò fortiores radios stellæ vibrant, eò minus eis competit foramen, ita tamen, ut non sit infra parvitatem jam delineatè cavitatis. Ejusmodi parvo foramine Marti quoque & Mercurio adventitii radii prorsus possunt adimi. Et, licet

*Quibus parvum foramen, & quibus amplius conveniat?*



*Quomodo di-  
ametri fixa-  
rum possint  
observari.*

licet Veneri admodum fulgens insit lumen, præcipuè, quando plena est lumine, circa Apogæum, & propius abest à Sole, ubi valentissimos vibrat radios: tamen, prædicto modo, & radios adventitios detraxi, & planè rotundam conspexi. Hoc loco etiam illud monendum, nec animadversione indignum duco, quòd Luna per hoc parvum foramen spectata parùm videatur, parumque transluceat; remoto autem hoc parvo, & substituto majori, pristinoque foramine, omnia distinctè clareque in lunâ queant considerari. Etsi verò hic modus observandi stellas fixas minus operis & industriæ requirit: tamen mihi persuadeo, quòd imposteriorum diametri visibiles fixarum, hac ratione certius & expeditius exquiri, & proportio earum inter illas & Planetas Venerem, Iovem & Saturnum, exactius, quàm nudo visu, investigari possit.

*Cur fixæ &  
nonnulli Pla-  
netæ adeò  
validè scin-  
tillent & su-  
as inde dia-  
metros am-  
plient?*

Sed, hac occasione, quispiam fortè quæret, quâ fiat, quòd fixæ, quemadmodum & Venus & Mercurius tam fortiter scintillent, & majores, quàm revera sunt, appareant? Huic respondeo, quòd hæc corpora cœlestia præ reliquis luce clariori, acutiori, eminentiori & penetrabiliori prædita sint, & hinc majorem in foramine pupillæ inducant reflexionem: unde scilicet lucidiora & grandiora effulgent, quàm reliqua minùs fulgida. Huic astipulatur Galilæus, inquiens: *Objecta quantò vividior lumine sunt, tantò magis diffundi videntur.* Quòd igitur fixæ adeò tremulo motu suos vibrent radios, & valentius lumen, quàm plerique Planetæ, præ se ferant; hæc procul dubio causâ est, quia lumen suum non à Sole mutantur, sed à DEO nativum, propriumque lumen accepere. Hinc etiam intelligi ratio potest, cur fixæ, quæ multis radiis adventitiis abundant (sicut talis est canis major) & sub aspectum veniunt, nobis majores appareant, quàm ipse Iupiter; detracto autem capillitio, statim minores evadant Iove, qui lumen non adeò fulgidum & penetrabile, sed imbecille ac moderatum obtinet? Ita enim Sirius aliquantò tantum major cernitur, quàm Aldebaran, quum tamen quoad corpulentiam (si nudus oculorum aspectus hîc judicare debet) triplo major Sirius, quàm Aldebaran, appareat; quam apparentem magnitudinem diffusum illud radiorum capillitium efficit.

*Quare fixæ  
majores ap-  
pareant, quâ  
revera sint?*



ficit. Hujusmodi exemplum mihi anno Christi 1644. die 22. Martii, Vesperis, horâ septimâ, occurrit, ubi Iovem Veneri conjunctum & alterum Planetam ab altero 45. min. vel circiter distitum, & soli propemodum æquè vicinum, conspexi: Venus autem multò major, quàm Jupiter, in aspectum veniebat, quoniam primùm terræ vicinior erat, & deinde fulgido gaudet ac diffuso lumine, unde radii adventitii oriuntur, qui in oculis meis majus Veneris jubar efformabant, ita ut incredibilis magnitudinis utriusque Planetæ differentia mihi videretur. Postquam verò Telescopio capillitium Veneri ademeram, tantùm aberat, ut Iove major, ut potius minor eo, cerneretur. Proinde valido stellarum lumine quandoque decipi possumus, ut corpus stellans magnum existimemus, quod tamen revera minus est, præsertim deficiente claro hujus corporis minoris cœlestis lumine: tunc enim eò magis radii adventitii accrescunt, secundùm hanc Galilæi in Nuncio Sidereo pag. 32. regulam: *Luminis augmentum magis magisque increfcit, prout lucidorum parvitas decrefcit.*

*Exemplum d. 22. Martii*

*Venus per Telescopium inspecta, longè minor Iove apparet.*

Porro, ope hujus Telescopii, quoque cognosci potest, quid sit *via lactea*, quæ semper affulgente serenitate, in certo cœli loco conspicitur: de quâ Philosophi, cum primis Peripatetici, complures disputationes, amplosque commentarios nobis reliquerunt, in quibus alii eam volunt esse meteoron, alii aliquid ab hoc diversum. Iam verò beneficio Telescopii certò constat, *Galaxiam* seu *Viam lacteam* nihil aliud esse, quàm innumerarum exiguarum stellarum densam coacervationem, ingentemque cumulum, in quâ plurimæ satis magnæ & valde conspicuæ apparent, sicuti cuilibet bono Telescopio instructo licet oculorum sensu intueri. Sed, quærat hîc aliquis, quomodo earum observatio sit instituenda? Is sciat, ad hunc scopum facilè perveniri posse, modò in promptu sit nobile Telescopium. Nam, si hoc in quamlibet cœli regionem manu dirigatur, tunc diligenti observatori istiusmodi stellulæ frequenter ante oculos versabuntur, præsertim si crebris actionibus huic observandi labori adfuetus fuerit. Inexercitati plus hîc laboris & tœdii experientur; ita, ut quandoque cœperint antè defatigari, quàm unicam

*Via lactea est innumerarum parvarum stellarum cōgeries.*

*Modus explorandi incognitarum stellarum frequentiam.*

exigu-



exiguam stellam quærendo investigare, eò quòd instrumentum Opticum nequeant immotum tenere. Hinc licet ejusmodi exiguæ stellæ interdum sub aspectum cadant, tamen, priusquam rectè considerari & numerari queant, ob agitationem instrumenti Optici, rursus evanescunt & inconspicuæ fiunt. Propterea illis suadendum est, ut instrumentum peculiare sibi curent fabrefieri, in quo si Telescopium collocetur & semel rectè disponatur, tunc, arbitrato suo, quisque has exiguas & multò plures alias stellas poterit inspicere & contemplari.

Tale instrumentum Solertissimus Dominus de Cartes in suâ dioptricâ pag. 132. quidem descripsit : at quia illud ut usus meus deserviret, in commodiorem formam redegi. Quia istud autem haud adeò difficulter est parabile, ideoque in gratiam Astrophili schema ejus hîc apponam, & simul, quomodo illud secundum omnes suas partes construendum sit, breviter indicabo. Constat enim distinctis membris, quæ inter se aptè conjunguntur, sicut ex appositâ figurâ patebit. Habet scilicet quatuor pedes, qui fulcro decussatim ordinato innituntur, & partem b muniunt : fulcro decussato adherent quatuor trochleæ, quæ faciunt, ut hoc instrumentum in quolibet pavimento firmiter queat collocari; b iterum magnâ ex parte est excavatum, ita ut in eo lignum i, cum oblongo ejus terete possit moveri, ipsumque instrumentum dilatari. Ut autem dilatatum maneat, trochlea lateri i est adjuncta, ut non solum longius educi, vel, re exigente, contrahi; sed & trochleâ queat firmari. Sic & superior pars c constat lignis cavatis, ut lignum teres d in eo quoque ad quodvis latus commodè flecti & dirigi, sine ullâ fulcri agitatione, & nihilominus trochleâ c stabiliri possit. Quod alterum lignum majus & longius e attinet, illud in foramine partis superioris d, sursum ac deorsum movebis, secundum quamlibet positionis differentiam, ad quam stella conspicienda vergit, eamque in arcu f trochleâ itidem firmabis. Huic ligno e in superiori parte nonnihil excavato Telescopium imponitur, & funiculo illigatur. Quod si stella in altitudine 80. vel 90. graduum versatur, instrumentum magis educendum, & in altum eò usque elevandum est, donec

*Fabrica instrumenti, cui Telescopium imponi, & quolibet stella oculo armato inspicere & accuratè considerari potest.*

sine





Fig. F.







sine nimia corporis inclinatione, observator Telescopium altitudini stellæ convenienter accommodaverit : id quod ope huius instrumenti haud ægrè potest obtineri. Insuper etiam cum hac parte instrumenti e, Quadrans major vel minor potest connecti, ut simul altitudo stellæ præcisè innotescat, nec opus sit Quadrantem manu tenere : ita enim inter observandum non facilè titubabis, sed sine hæsitatione, altitudo stellæ tibi in Quadrante commonstrabitur. Etenim, postquam Instrumentum hoc, ad locum optatum stellæ, prout situs id efflagitaverit, congruenter est ordinatum, & expetita stella inventa, statim trochleâ firmetur; ita namque perpendicularum immobile, in Quadrante index erit gradus elevationis Stellæ : manibus autem Quadrans retentus ex facili vacillat, unde & gradus, præsertim in parvo Quadrante, huc illuc quoque nutare solent.

## CAPUT IV.

DE OBSERVATIONIBUS PLANETARUM, præcipuè Saturni, Iovis, Martis, Veneris, Mercurii & Stellarum Iovialium, cum propriis, tum alienis primariorum aliquot Astronomorum : ubi & breviter demonstratur, quinque illas novas stellas nuper à P. Antonio Mar. de Rheita animadversas, quas Urbanoctavianas appellat, & circumjoviales esse contendit, revera non fuisse Ioviales, sed maximam partem novas, incognitas fixas.

**S**il quispiam tempore priscorum Philosophorum inventus fuisset, qui docuisset, non omnes Planetas esse rotundos, neque numero septem, sed undecim, & forsan etiam plures reperiri, Martem item Venerem & Mercurium lumine suo, adinstar Lunæ decrescere & accrescere, ut alia nova sideralis Scientiæ inventa taceam; certè doctrina ejus, velut absurdissima & ineptissima rejecta, isque homo haud dubie simplex, rudis, & imperitus habitus fuisset. Postquam autem Tubi optici sunt adinventi, eorumque usus longè utilissimus per-

*Posterior a-  
tas semper  
aliquid novi  
apportat.*




spectus & Cœlestibus corporibus contemplandis accommodatus, hæc jam dicta sententia Paradoxis, à Mathematicis non annummeratur; eò quòd hæc & alia mirabilia Phœnomena, nobilis Telescopii ope detegantur, ut ut Peripatetici Philosophi, de certitudine hujus rei adhuc multum dubitent. Quamobrem constitui, in hoc capite succinctè recensere, insignium quorundam & fide dignorum Mathematicorum observationes, circa hosce jam memoratos Planetas, iisque proprias meas addere, quas oculari per Telescopium inspectione, mihi comparavi, & verissimas esse deprehendi.

*Saturnus te-  
lescopio pri-  
mum ovalis,  
deinde, in u-  
troq; latere,  
ex duobus in-  
super globu-  
lis composi-  
tus, hætenus  
apparuit.*


Quod igitur primum ad *Saturnum* attinet, is jam inde usque à multà antiquitate ipso oculorum testimonio non refragante, rotundus habitus est: postquam autem oculo armato inspectari cœpit, ovalis ferè, sicut Kepplerus, & alii Mathematici contestantur, apparuit. At simul atque hoc instrumentum optimè perfectius est redditum, de die in diem, per Telescopium magis elaboratum inspectus, non solum ovalis, sed & in utroque latere duobus adhærentibus globulis præditus apparuit, ita ut ex tribus partibus compositus videatur, quemadmodum ex præsentē figurâ G, apud B, manifestum est. Hac specie Saturnum sæpenumero conspexi, utpote, Anno 1643. mense Octobri & Novembri: duo adhærescentes globuli ut plurimum Eclipticæ parallelæ erant. Totus autem sum in hac opinione, quòd non semper Saturnus oblongus, & quidem duobus parvis globulis acuminatus appareat, sed quòd interdum hi globuli post Saturnum latitent, quasi duæ stellæ (& quidem definitis temporibus) quæ Saturnum circumeunt. Memini namque, quòd ipsum, mense Septembri & Octobri, Anni 1642. planè rotundum conspexerim, & quidem distinctis vicibus. Eandem figuram in Saturno quoque observavit, Summus Philosophus & Astronomus P. Gaslendus, Lutetiæ Parisiorum, eodem anno, mense Augusto, ut extat in ejus judicio de novem stellis circa Iovem visis pag. 14. Atque refert ibidem, quòd Galilæus ante 30. annos, eum quoque tali figurâ rotundâ suo telescopio spectaverit. Adhæc de eadem stellâ Saturni commemorat Matthias Hirschgarter, in suâ detectione dioptricâ, quòd

*Duo globuli  
Saturno ad-  
hærescentes,  
videntur duæ  
stella cum o-  
beuntes.*







A  
SATVRNVS.




B  
SATVRNVS.



D  
MARS.



C  
SATVRNVS.  
*Observatus Anno 1645.  
Mense Sept. Octob. et Novemb.*



E  
IVPITER.

*Aut. Sculpsit.*

Fig G







quòd Primarius & Nobilissimus Vir, cui nomen Fontana (sicut ex aliis illud nomen didici) Neapolis, egregio quodam Tubo hunc Planetam inspexerit, eumque planè aliâ & diversâ, quàm cæteros, formâ observaverit: siquidem in quolibet latere, loco supradictorum globulorum, ansulam bisectam adjacentem vidit, ita ut quælibet à vero corpore distincta, sensu oculi armati percepta sit, & per cujuslibet ansulæ cavitatem prospectus in cœruleum cœlum ac æthera patuerit; veluti apud præfatum Autorem pag. 22. scriptum legitur. Ejusmodi faciem Saturni in præsens diagramma G retuli, & apud A consignavi.

*Alia facies  
Saturni à  
Nobil. Fontana  
observata.*

Hæc relatio de stellâ Saturni multis perquam admirabilis & vix credibilis videtur; nec ego diffiteor, quòd initiò me ab assensu sustinuerim: postquam autem longiores ac meliores tubos mihi comparavi, & per eos Saturnum inspexi, hanc jam descriptam faciem Saturni non merum somnium esse, sed magnam partem ita cerni reapse deprehendi. In nonnullis tamen partibus aliquantùm diversam ejus faciem animadverti ab eâ, quam paulò ante designavi. Medium enim, idemque maximum corpus Saturni, in oblongiori formâ mihi apparuit; Brachiola quoque utriusque lateris, ex parte alia mihi visa sunt: siquidem illa inter se, cum medio corpore Saturni adeò arcè non cohærebant, sed ubi in unum continuum Corpus coire & cohærescere debebant, in tam acutam & exilem cuspidem definebant, ut non percipi posset, quòd cum oblongo Saturni corpore strictè copularentur: præterea spatium, quo Brachiola ab ipso Saturni corpore aliquo modo separabantur, per quæ cœruleum cœlum licebat intueri, non æquabat istam latitudinem, quàm prior figura repræsentat, sed minus erat. Insuper, quod in exprimendâ verâ hujus Planetæ formâ maximè dignum est animadvertione, uterque arcus, tam interior, quàm exterior, brachia terminans, nequaquam sectionem circuli, ut ab Eximio Fontana annotatum; sed parabolicam, seu potius hyperbolicam sectionem refert; sicut ex figurâ C cognoscitur. Hanc enim veram esse Saturni faciem, longo & exquisitæ operæ tubo accuratè intueri, omniaque probè considerare potui, ita ut

*Facies vera  
Saturni de-  
scribitur.*



unusquisque, qui cupiditate reperiendi veri ducitur, huic indefessæ observationi tutò possit fidere.

*Cur facies  
Saturni non  
eadem appa-  
reat?*

Si verò quispiam suo tubo Optico, quem nihilo deteriore  
esse judicat, hæc omnia non tam exactè inspicere & distingue-  
re poterit, is sciat, etiamsi hæc Telescopia diligentissimè & per-  
fectè ex sphericâ sectione sint elaborata, & longitudine sex vel  
etiam octo pedes adæquent, nihilominus tamen jam memora-  
tam Saturni faciem, omni ex parte non representent, sed si vel  
omnium optima sint, nec tamen hanc magnitudinem exce-  
dunt, non plus detegant, quàm loco brachiorum, suprapositos  
sub figurâ B duos globulos. Quandoquidem ad hoc negoti-  
um requiritur tubus aliquantò longior, & ad minimum unde-  
cim vel duodecim pedibus productus; quin & nullâ imperfe-  
ctione laboret, sitque clavis ac perpolitis lentibus præditus ne-  
cessè est, id quod plerunque tam longis solet deesse.

*Qualia cor-  
pora sint bra-  
chiola Satur-  
ni nondum  
potest defini-  
ri.*

Qualia verò sint corpora hæc duo brachiola Saturni; utrum  
semper ejusmodi facie, instar lunæ crescentis, & decrescens,  
& in eadem distantia à Saturno, & equali latitudine sint conspi-  
cua; vel an ex parte rotunda sint corpora, quæ definitis tempo-  
ribus augeantur & minuantur, motum suum varient, & quan-  
doque propius ad Saturnum accedant, quandoque etiam pla-  
nè occultentur? nondum hac vice possum determinare. Hic  
quippe Planeta tardissimè suam periodum absolvit, & præterea  
diligentissimas plurium annorum observationes per supradi-  
ctum longiorem, & suis affabrè politis lentibus instructum tu-  
bum desiderat. Itaque judicium meum suspendo, & hanc ma-  
teriam in aliud tempus reservo. Atque hæc pauca quidem  
hactenus de Saturno.

*Iovis facies  
ut appareat?*

In stellâ IOVIS etiam occurrunt non unius generis me-  
morabilia, ope telescopiorum præstantiorum observata. Glo-  
bus equidem Iovis non insuetâ & peregrinâ formâ, instar Sa-  
turni, sed satis rotundus conspicitur: nihilo tamen minùs de-  
prehendere licet, eum non esse omnibus numeris orbiculatum,  
neque politum instar tornati ac lævigati globi: quoniam si il-  
lum per tubos meos (quorum adminiculo diameter ejus sex,  
imò verò septem ferè digitos æquat) inspecto, discum ipsius  
minùs

*upia 6 & 18 pe-  
ditum longitudinis*

*pedum longitudinis Tele-  
scopii observationi adhi-  
benda*

*inde hanc aliam  
reservat Hevelius*

*metr 6 à 7 digitos ferè  
et p. Tubos Astronomicos*



minùs radiosum, atque magnis certisque maculis conspersum, ad exemplum ferè Lunæ, reperio, quæ cæteris partibus longè obscuriores cernuntur.

Hanc figuram Iovis perquam diligenter, quoad fieri potuit, in Diagrammate antecedente, penes E volui exprimere. Propter immensam autem distantiam Iovis à Terrâ, hæ maculæ nondum telescopiis hætenus usitatis, etiamsi præstantissima sint, internosci & à se invicem, (prout Maculæ Lunæ) distinguere potuerunt. Interea speramus Telescopia longè perfectiora, ex sectionibus Conicis hyperbolicis in medium allatum iri, quæ figuram formamque cœlestium corporum adhuc apertius, illustriusque detectura sint.

Cœterum, quod hæc stella IOVIS semper aliis exiguis Planetis, qui Sidera Medicea, Ioviales, Circumjoviales, & Iovis Comites appellantur, & Iovem Satellitum instar concomitantur, cincta sit, jam omnibus ferè Doctis notum est. Hos parvos circumjoviales Planetas, primus Galilæus de Galilæis, suo eximio Telescopio Anno 1610. detexit, sicut observationes ejus in Nuncio Sidereo publicatæ, nos docent. Quin & paulò post Simon Marius hosce Iovis Comites in suo Mundo Ioviali prolixè descripsit, & pariter ex assiduis eorum observationibus, Tabulas motuum eorundem deduxit. Et, quia horum Iovialium animadversiones non minùs delectabiles, quàm utiles sunt, ideoque & ego istorum observationibus Anno 1642. 1643. 1644. & 1645. creberrimè & diligenter invigilavi, ex quibus miros ac concitados illorum motus, & imprimis arctas visuque jucundas conjunctiones, & nonnunquam eorum eclipses animadverti. Horum igitur Planetarum Iovialium omnes & singulas observationes aliquot figuris, servatâ ubique debitâ proportionem, proposui, ut & exiguarum fixarum novarum, quæ circa Iovem sunt visæ, iconismum, sub finem hujus tractatus, loco appendicis, exhibui & adjeci. Hæ observationes quotidie fuerunt continuatæ, quando per serenitatem cœli licuit, ita ut unâ nocte quinquies, imò etiam sexies, quandoque has animadversiones reiteraverim: singulis etiam observationibus, suum competens verumque tempus, unâ cum descriptione situs Ioviali-

*Telescopia longè perfectiora sperantur Hevelius*

*Iupiter 4. exiguis Planetis circumseptus est.*

*Iconismum Iovialium & fixarum novarum ubi extet?*

*p. 526. et seqq.*



*Observationes Iovialium, ad investigandas locorum longitudes inserviunt.*

*Observationes arctionum conjunctionum & Eclipsium Circumjovialium.*

*De naturâ & proprietate Circulatorum Iovis.*

Iovialium addidi. Id quod, quantum ego scio, post *Galileum* à nemine adhuc in tali formâ est præstitum. Interim optandum esset seriò, ut ejusmodi observationes Iovialium, antehac ab Astronomiæ Cultoribus sæpiùs fuissent institutæ, & quotannis adhuc instituerentur : hoc namque pacto interdum ex conjunctionibus Iovialium, præsertim Iovi viciniorum, quæ fiunt ex motu contrario, in diversis ac longè diffitis locis, & ex notatione temporis occultationis alterius ab alterâ (id quod ex altitudine alicujus fixæ captâ, certè cognosci potest) longitudes locorum, ob velocem horum comitum Iovis incessum queunt investigari, vel minimùm eorum motus examinari & corrigi. Nam licet Simon Marius jam fundamenta horum motuum jecerit, tamen ipse pag. 10. Mundi Iovialis ingenuè fateatur, ipsos nondum ad suam perfectionem, ut quidem par esset, fuisse perductos. Proinde quoniam hæ conjunctiones Iovialium non infrequentes sunt, idcirco ex earum observationibus utilitas haud exigua in universam Sideralem Scientiam redundabit. Hinc incitatus sum, ut hæc jucundas ac notabiles conjunctiones, tam inter sese, quàm cum Iove sæpiùs observaverim, sicut ex observationibus Iovialium apparet. Nam Anno 1642. die 20. Augusti S. N. horâ 11. min. 40. ubi exigua stella B à Iove tegebatur : at mediâ duodecimâ, quod tempus 10. minutis anticipat, adhuc erat conspicua. 2. Die 17. Septemb. horâ 9. min. 46. 3. Die 20. Septemb. hor. 10. min. 44. 4. Sic & die 23. Septemb. ejusdem anni 1642. erat conjunctio vicinorum Circumjovialium, ita ut una planè alteram cooperiret. 5. Die 4. Octob. similis accidebat Conjunctio. 6. Die 26. Octob. hor. 8. min. 45. ut & die sequente, iterum erat arctissima duarum synodus. Atque ejusmodi coitus sæpiùs eveniunt, quemadmodum unusquisque cultor Astronomiæ poterit spectare & observando experiri. Etenim omnes quatuor interdum in unâ rectâ lineâ rectâ conspiciuntur; nonnunquam una & altera parvam admittit latitudinem : quandoque tres unum efficiunt triangulum : aliquando majores apparent. Causam verò hujus diversæ apparitionis paulò post edisseram. Nam initio hic sciendum est, quòd quatuor Iovis Comites, & noviter re-



ter reperti Circumjoviales Iovem, tanquam centrum suum, respiciant, eum semper concomitentur, salvo motu ipsorum proprio, sive ille sit directus, sive stationarius, sive retrogradus, ita ut circa Iovem circumagantur, sicuti cæteri Planetæ circa Solem.

II. Deinde; quòd motus illorum sit ab occasu in ortum secundum s.s. dum in ulteriores parte Iovis moventur, & rursus, dum ad citiorem partem feruntur ab occasu in ortum, & quod usque & usque in rectâ lineâ videantur, modò respectu Iovis in ortu, modò in occasu; eò quod orbitæ earum Eclipticæ sint parallelæ.

III. Adhæc notandum, quòd interdum sint parvæ latitudinis, tam Borealis, quàm Australis, participes : et quidem Australis, cum à nobis sunt proximè remoti; Borealis autem, cum nobis sunt proximæ. Id verò in maximis elongationibus à Iove non contingit; siquidem tunc Eclipticæ parallelæ incedunt. Atque hoc ipsum Simon Marius in Mundo Ioviali confirmat.

IV. Insuper, quòd Mercurius Iovialis semper majorem admittat latitudinem, quàm Venus Iovialis, & hæc rursus majorem, quàm Iupiter Iovialis, & sic consequenter : ita tamen, ut nunquam earum latitudo tanta sit, ut Iovem supra vel infra timeant.

V. Præterea observandum, quòd Motus earum periodicus sit inæqualis circa Iovem : quò namque ei sunt propiores, eò velociores; quò remotiores verò ab eo, & suis elongationibus sunt viciniore, eò tardiores incedunt, ita ut ferè Stationarii videantur.

VI. Porro animadvertendum, quòd remotior à Iove, Saturnus nimirum Iovialis, nunquam à Iove, vel dextram vel sinistram versus, plus deflectat, quàm 13. vel 14. min. primis, quodq; suum integrum circulum peragret 16. dieb. 18. hor. & 9. min. At verò Iupiter Iovialis octo tantum min. primis ab Iove digreditur, suamq; periodum conficit 7. dieb. 3. hor & 57. min. Tertia nempe Venus Iovialis, quinq; duntaxat min. primis à Iove recedit, & absolvit suum motum, 3. dieb., 13. hor. & 18. minut. Ultimus, Mercurius scilicet Iovialis, à Iove solùm abit, 3. minutis



minutis primis, & suum curriculum velociter peragit, intra diem unum, 18. horas, & 28. minuta, secundum Tabulas Simonis Marii, quarum certitudinem quilibet Astronomus, meis suisque observationibus, explorare poterit.

VII. Adde, quod proprio destituantur lumine, illudque mutuo à Sole, non autem à Iove, accipiant, atque hanc ob causam, non tantum à corpore, sed & umbrâ Iovis eclipsin patiantur.

Cur Ioviales,  
interdum ma-  
jores, inter-  
dum minores  
appareant?

VIII. Sequitur, ut rationem reddam, cur hi satellites Iovis quandoque minores quandoque majores appareant? Itaque dico, causam hujus apparitionis diversâ, esse sphaeram vaporosam, quæ æquè Iovi atque Lunæ competit, & necessariò densior est, quam aura ætherea. Quocirca, quando Ioviales in ulteriori parte Iovis versantur & sphaeræ ejus vaporosæ objiciuntur, suntque à nobis remotiores; sequitur, ut majores nobis appareant, quam si in citeriori parte Iovis & atmosphaeræ ejus incedunt. Etenim ex Optices Doctrinâ constat, quod omnes radii in densius diaphanum incidentes refringantur ad perpendiculum, & inde angulus visionis dilatetur, omniaque objecta appareant majora, sicut ex *Maurolyci libro primo, Theor. pag. 36. & ex Vitell. lib. 10. Theor. 35. & 41.* discitur. Sed hîc forsan nobis quispiam posset objicere, quod contrarium potius inferatur, ex majori distantia harum exiguarum stellarum; nam, quò remotiores à nobis essent, eò minores apparerent, & quò propiores, eò majores. Verum ad hoc respondendum est, quod harum Circumjovialium distantia & latitudo, orbium respectu Terræ non attendi debeat: siquidem aliquot pauca tantum minuta à Iove recedunt, & ideo tantilla distantia hosce Comites Iovis non duplo majores reddere, neque etiam communis refractionis hîc aliquam evidentem variationem adferre potest; eò quod hæc apparitio satellitum Iovis accadat, quando Iupiter supra horizonta est altius elevatus, & ab omni refractione liberatus. Et tantum de naturâ & motu horum quatuor novorum Planetarum, stellarumque Iovialium, succinctè dictum esto: nullum namque alium, vel numerum, vel motum, hîc deprehendere potui, ut ut semper vigilem oculum ad earum contemplationem erexerim: neque, quod sciam, ab alio deprehensus est.

Objectioni  
cuidam oc-  
curritur.

Quan-



Quamquam, ante paucos annos, nimirum, sub exitum anni 1642. è religiosa familiâ, *Antonius Maria de Rheita*, in quâdam epistolâ, ad Clarissimum Puteanum, (cujus ante quoque memini) perscriptâ adseveravit, à se insuper Colonia Agrippinæ, quinque novas Ioviales repertas & jam memoratis quatuor additas fuisse: sed (quod veniâ ipsius dixerò) precipitantia definiendi, ipsum in errorem conjecit. Quinque quippe stellas fixas novas putavit esse quinque erroneas Ioviales: quemadmodum à Præclarissimo P. Gassendo, in judicio de novem stellis circa Iovem visis sufficienter demonstratum est. Vnicum tamen, in eo judicio, aliquis desideret quod Cl. Gassendus existimet, hæc quinque stellas esse ordinarias illas in Asterismo Aquarii, quæ quoque in Globo Cœlesti consignatæ reperiuntur, & etiam à me inter fixas præcedentis figuræ D positæ & litis C, D, E, F, G, notatæ sunt.

Atqui dictus Reverendus Pater Rheita inter hæc quinque jam memoratas fixas solum C, in numerum novarum cooptavit: reliquæ quatuor fuerunt, ex ordine novarum stellarum, quæ nudo visu non conspiciuntur, nisi ei præstantioris notæ Tubus Opticus admoveatur; sicut ex sequentibus res evadet manifestior. Itaque, quòd res non aliter sese habeat, meis observationibus harum stellarum fixarum, abundè satis confirmor, & Benevolum Lectorem planè securum reddere possum. Quandoquidem & ego citius eas animadverti, quàm præfatus R. Pater: die namque 28. Augusti anni 1642. & postea die 4. Septemb. eas ipsas observavi, ubi & Iovem eodem in loco deprehendi, nempe in 13. gradu 20. min. Piscium, in quo ipsum quoque R. Pater, die 29. Decemb. conspexit: & rursus eum die 28. Augusti in 14. gr. 15. min. Piscium spectavi, quo illum R. P. die 4. Ianuarii anni 1643. vidit. Quâ de re nemo miretur, quod ita factum: siquidem mihi tum erât retrogradus, ipsi verò directus, procedebat autem à suâ statione & motu secundum successionem signorum, unde ipsum, in jam dicto loco, prius cernere potui. Itaque, circa hoc tempus, Iovem perquam diligenter Tubo consideravi, singulis noctibus serenis, eò quod observationes Iovialium continuare constituiissem,

*Quinq; novi  
Planeta reli-  
quis 4. Iovi-  
alibus à R. P.  
Ant. Mar. de  
Rheita su-  
peradditi,  
non fuerunt  
errones, sed  
unus eorum  
fixa in Aqua-  
rio; reliqui  
4. novæ stelle  
incognitæ.*

*Stella Urban.  
octaviana  
prius ab Au-  
tore, quàm à  
R. P. Antonio  
de Rheita,  
visâ & obser-  
vata,*



quibus etiam aliquot menses tribui; sicut ex observationibus videre licet: ubi, non solum vigilem armatumque oculum ad stellam Iovis, & ad quatuor ejus comites direxi, sed etiam circumspexi, num plures, quam hi quatuor ipsi adstarent, qualis tamen generis nullos potui deprehendere, nisi tantum incognitas stellulas fixas nonnullas, quibus Iupiter erat circumdatus. Die namque quarto Septemb. (qui fuit dies 29. Decemb. in observatione Reverendi Patris) ipsas quinque parvulas fixas, quas R. P. novas Ioviales esse censuit, etiam offendi, earumque positum tum erga Iovem, tum inter se se in chartam retuli, veluti patebit ex adjuncto diagrammate D, quod præcedenti tertio capiti est insertum. In eo quoque locum Iovis simul notavi ad diem quartum Septembris & 28. Augusti, qui respondent observationi R. Patris ad diem 29. Decemb. & 4. Ianuarii ut ex collatione ejus Schematis cum meo apparebit: siquidem in eâ nullum aliud discrimen conspicitur, nisi quod Iupiter ipsi nonnihil altior fuerit, propter minorem ejus latitudinem Australem. Melioris autem intellectus gratiâ retinebimus locum Iovis, quem R. Pater observavit, ubi Iovi, die 29. Decemb. viso, duæ stellulæ ad dextram nempe c & h, (in priori Schemate D) adstiterunt. Stellula C non fuit nova, sed una è fixis in globo cœlesti quoque consignata & Astronomis cognita, quæ Bayero dicitur: sequens in primo fluxu aque Aquarii duarum: altera verò h fuit nova, & antehac incognita exigua fixa. Ad sinistrum latus Iovis steterunt tres etiam incognitæ stellulæ, nimirum i, k, l, . Has quinque parvulas Fixas, R. Pater in numerum novarum Circumjovialium recepit.

Quod ut probem, eas primùm certis distinguam circulis, & verum earum situm delineabo, ad exemplum R. Patris & P. Gassendi in Iudicio de hisce stellulis, qualis iconismus in figurâ I, extat. Quando enim ex loco Iovis ad diem 29. Decemb. anni Chr. 1642. circulos per omnes quinque hæc stellulas duco, easdem initiò consimili numero obtineo quinque, præterea quod mihi sit I (in præsentī figurâ H) remotissima in extimo circulo, quæ à R. Patre literâ F signata, ut schemate I<sup>o</sup> manife-









Schema.  
Exhibens Stellas fixas novas,  
Dantisci Ao. 1642 observatas.

1



Schema  
Rheitanum, P. Gafendo  
transmissum.

2.



Schema Rheitanum G. Lobkowitzio  
transmissum.

3.



Schema antecedens  
inversum.

4.



fig. H.

Aut. Sculpso.



manifestum; & mihi in sequenti circulo penextimo C sit, quæ ipsi est E; in tertio verò circulo mihi h, quæ illi D habetur; in quarto k mihi, quæ signo H à Rever. Patre est expressa; in interiori autem circulo mihi i, quæ ipsi b dicitur, & quidem Medicæa vocatur, quum tamen itidem fixa fuerit, sicut paulò post evidentius illud monstrabo, & de stellulâ ejus G quoque nonnulla monebo. At verò si meum diagramma rectè cum R. Patris figurâ debet comparari, necesse est, ut figura ejus planè invertatur, & inferior facies fiat superior, oculusque sursum convertatur, eò quòd hæ stellulæ inverso ordine à R. Patre fuerint observatæ, quemadmodum etiam à P. Gassendo in suo judicio de hisce stellulis fuit ostensum, & plenius à me quoque mox ostendetur. Quo factò, cum meo diagrammate maximam partem congruet. In eo solummodo aliqua reperitur differentia, quod mea l, ipsi in F paululùm sit altior. Verùm certò mihi persuadeo, quòd hîc à vero situ earum nonnihil aberraverit, quem ex duabus observationibus non adeò accuratè deprehendere potuit, sicuti cuivis notum, qui observationum Coelestium non imperitus est. Mearum autem stellarum situm quoad longitudinem & latitudinem, summo studio ex vero loco Iovis, in transitu harum stellarum, ex diametro ejus & aperturâ tubi conquisivi, & proinde illum rectè se se habere certus sum: non enim acquievi in unâ vel duabus, sed multò pluribus observationibus. Veteres autè Ioviales Planetas ex observatione P. Gassendi consignavi: unus quippe illorum non tantam habuit latitudinem, quanta fuit ei à R. Patre assignata; quâ de re plura postmodum sequentur. Sed quæret hîc forsân aliquis, quí factum, quod R. Patri hæ stellulæ progredi visæ sint, & quidem, ut ille in suâ epistolâ asserit, ab occasu in ortum? Huic respondeo, causam esse in promptu. 1. Quia primùm omnes hascè stellas ordine inverso annotavit, unde ipsi, ex ortu occasus factus, ita ut dicente ipso *ab occasu in ortum* stellam moveri, nihil aliud sit, quàm moveri ab ortu in occasum, veluti mea figura palàm ostendit. 2. Quia Iupiter tum fuit directus, & ideo secundùm seriem signorum, longitudine unius gradus ab illo loco digressus est, quo die 29. Decembris



substitit : hinc sibi R. P. persuadere non potuit, Iovem tantillo tempore eò usque fuisse progressum, & idcirco maluit credere hasce Pseudojoviales, in tam evidenti illarum à Iove factâ elongatione, fuisse promotas, sicut ex appositâ figurâ elucescit. Quando namque loca stellarum ex Asterismo Aquarii & situ Iovis (quem respectu earum, die 4. Ianuarii Anno Chr. 1643. obtinuit) in hanc figuram 1. refero, sub ejusmodi angulo, quasi Jupiter stationarius fuisset, tunc idem motus, quem sibi R. Pater imaginatus est, prodibit : ubi nimirum H in I ex mente ipsius sex dierum spatio transiit; secundum meam autem figuram 1, (k scilicet in o) id equidem accidisse animadverto. 3. Quòd Rev. Patri E, quem penextimum appellat, maximus omnium Pseudoplanetarum fuerit, omninò verum est : fixa namque quintæ magnitudinis, à me literâ C signata, fuit : atque verò quoque verius est, aliquas harum fixarum majores antiquis Iovialibus apparuisse, præsertim i inter alias. 4. Adhæc, quòd stellula F, veluti scribit, tandem evanuerit, etiam veritati est consentaneum : nam, quoniam Jupiter, die 4. Ianuarii, ad eam propiùs accessit (quæ revera exigua stella est) ideoque eam Jupiter suâ præsentia & jubare textit, juxta Opticum Axioma : *Majus lumen obfuscet minus* : sicut ex *Alhacen lib. 1 n. 32. pag. 19. 20.* clarè perspicitur. 5. Quòd etiam in ejus figurâ, stelle E & D, in K & L moveri visæ sint, refractionem in causâ fuisse putò. Nam, quia hæ stellulæ tunc horizonti vicinæ fuerunt, idcirco non parvæ refractioni fuerunt obnoxia. Hinc propriè loquendo, in eadem ferè lineâ rectâ perstiterunt, quemadmodum ex motu Iovis licet colligere.

Ex hisce omnibus circumstantiis manifestum evadit, quòd hæ quinque stellulæ, à R. Patre Iovialium numero ascriptæ, Pseudojoviales & merè fixæ fuerint. At fortè nobis objiciet quispiam, illas fortassis exstitisse Ioviales, quæ die 28. Augusti & 4. Septemb. effulserunt ? Respondeo, eas nequaquam ex Iovialium numero fuisse : siquidem ego, post hoc tempus, mense Septembri, Octobri ac Novembri, manifestè observavi, hasque quinque Fixas in pristino suo loco immotas permansisse, Iovem verò retrogradum hasce post se reliquisse, aliquo inter-

vallo,



vallo, id quod meis suppleo observationibus. Qui verò hisce fidem adhibere renuit, hunc amicè rogatum volo, ut eximio quodam Telescopio (tale quippe ad hoc negotium requiritur) hasce stellulas ipse in Asterismo Aquarii haud gravatim inquirat : nam, quin omnes hasce quinque in suo pristino loco, & in eâdem distantia sit adhuc reperturus, nullus dubito. Quandoquidem idem ipse quoque circa Autumnum Anni 1643. frequenter tentavi, postquam in manus meas iudicium de novem novis stellis pervenerat, ut mihi, nonnihil tum fluctuanti, veritas rei indubitato constaret. Semper autem, nec solummodo Anno 1643. sed Anno quoq; 1644. & 1645. deprehendi, quòd hæ quinque stellulæ, ad unam omnes, in hoc Signo Zodiaci Aquarii, in eâdem planè distantia etiamnum persisterent, sicut eas in Asterismo Aquarii sub figurâ D expressi. Verùm sciendum est, observatorem hîc requiri exercitatum in Telescopio dirigendo ad fixas. Etenim, quia Iupiter non amplius apud hasce stellulas visitur, ideoque inventu sunt difficiles, sicut quilibet, qui hujus rei fecit periculum, facile mihi assentietur. Qui verò minùs erit exercitatus, si debitam solùm adhibuerit curam, eas, citra dubium, tandem inveniet, ut & reliquas omnes 33. quas observavi.

*Stella Urbā.  
octaviana P.  
Ant. Mar. de  
Rheita, ad-  
huc in pristi-  
no loco repe-  
riuntur.*

6. Quod autem R. Pater existimat, suum Telescopium adeò esse eximium & præstans, ut hæ quinque antehac à nullis aliis conspici nequiverint; in eo quoque hallucinatur : siquidem & ego meo Telescopio hasce ante, quàm ille, vidi, imò etiam aliquid amplius, dum apud stellam i (quæ ipsi stella b est) aliam adhuc parvulam conspexi literâ m notatam, quam ille haud dubiè, suo Telescopio non assequutus est : alioquin ille decem Ioviales, vel stellas Urbanoctavianas vidisset; qui numerus denarius ipsi forsan magis arrisisset. Quocirca non est, quòd oculo suo Enochiano tantum tribuat, quum alia quoque dentur Telescopia, quæ majora adhuc faciunt apparere objecta : nisi posthac alia phænomena Cœlestia nova & antehac incognita in lucem protulerit.

*Dariale Te-  
lescopia R.  
Antoni Mar.  
de Rheita  
præstantiora*

Tandem non diffiteri cogor, quòd quispiam in observando per tubum Ioviales, à vicinis & circumstantibus fixis minori-

*Inexercita-  
tus observa-  
tor facile à  
fixis in obser-  
vatione Iovi-  
alium deci-  
pitur.*

bus fa-



bus facile queat decipi, imprimis, si observator adhuc fuerit in-  
 exercitatus, & exigua fixa cum Iovialibus in eâdem rectâ lineâ  
 appareat, quod sæpenumero accidit, sicut & mihi idem ferè con-  
 tigisset in hoc æthereo spectaculo, nisi diligentiorém curam ad-  
 hibuissém, & semel ac iterum iterumque hasce stellulas obser-  
 vassém. Mense namque Augusto, Anni 1642. quum primùm  
 exiguas illas stellas circa Iovem observare inciperem, semper  
 animadverti, unam prædictarum affixarum, nimirum i, in eâ-  
 dem lineâ rectâ cum Iove stantem, ideoque etiam initio eam  
 è numero Iovialium rebar esse. Verùm, quia progressu tem-  
 poris, & quidem die 4. Septemb. deprehendebam, Iovem, hanc  
 fixam, ultra semissem gradus, post se reliquisse, hinc certior fi-  
 ebam, eam ipsam, non Iovialem, sed fixam esse: Circumjovi-  
 ales quippe semper cum Iove ferebantur. Propterea etiam ob-  
 servationibus prioribus, ante quartum Septemb. institutis, non  
 omni ex parte standum est, eo quòd hæc fixa se se comitibus  
 Iovis immiscuerit: posteriores verò sunt tantò certiores. Cau-  
 tior enim ab hac misturâ stellularum fixarū cum Iovialibus fa-  
 ctus, semper illas ab hisce internoscere ac separare didici, sicut  
 hac in re me novitii observatores poterunt imitari, ne, quòd  
 dici solet, ad idem saxum allidant, & ab his incognitis Fixis de-  
 cipiantur. Proinde spatium cœli, quod Iupiter emetiri solebat,  
 de die in diem diligenter Telescopio cōsideravi, ut explorarem,  
 num etiam in eo novæ parvulæ Affixæ præstò essent? In quas  
 cum incidebam, eas accuratè, tam secundum longitudinem,  
 quàm latitudinem notare, & in chartam referre cœpi. Com-  
 modiùs enim id fieri licebat, quando Iupiter ab illis paulò re-  
 motior adhuc incidebat, quàm si propius illas attingebat, ubi  
 tum claritate luminis sui eas valde obscurabat. Hoc factò, ve-  
 ri Ioviales Planetæ à fixis, etiamsi cum illis in eâdem lineâ re-  
 ctâ versentur, facile discerni queunt, per differentiam observatæ  
 Longitudinis ac Latitudinis, ita, ut hoc pacto præceptus lapsus  
 non sit timendus. Quocirca operæ pretium esset, ut omnes par-  
 væ Fixæ, Eclipticæ vicinæ & tubo visorio observatæ, secundum  
 Longitudinem & Latitudinem distribuerentur, & consignatæ  
 cum Mathematicis communicarentur.

*Quomodo  
 observatio-  
 nes Iovialium  
 instituenda,  
 ut nunquam à  
 Fixis qui spi-  
 am decipi  
 possit?*

*Itaque.*



Itaque, quæ hætenus de novem stellis Iovialibus, à P. R. Ant. Mar. de Rheita noviter, ut putat, repertis, dicta sunt, sufficere potuissent, nisi etiam hîc consideranda esset Censura Excellentissimi Doctissimiq; Viri D. Ioh. Caramuel Lobkovvitzii, quam proximè elapso tempore nempe Anno 1643. adversus iudicium de novem stellis, circa Iovem visis, Gallici Lyncis P. Gassendi, publicavit. Quandoquidem in hac censurâ laudatus D. Lobkovvitzius aliquot rationibus. adversus Iudicium P. Gassendi, certat, iisque demonstrare conatur, præfatos quinq; Ioviales P. Rheitæ revera Errones, non autem fixas esse, & ejusmodi Errones quoq; circa Saturnum ac Iovem reperiri. At enimverò, ut, pace tanti Viri, meam quoque sententiam de hac censurâ, in medium adferam, existimo, eum mihi deinceps ob jam dicta argumenta, & quæ prioribus nunc quoque superaddam, adsensurum certoque sibi persuasurum, paulò ante nominatas quinque stellulas fuisse incognitas Fixas, exceptâ unâ, quæ ab Astronomis jam dudum Sideri Aquarii adscripta fuit.

Quod enim primò ait D. Lobkovvitzius pag. 119. suæ censuræ, se demonstraturum, vel Rheitanas observationes infideles, vel stellas observatas circa Iovem Erraticas esse; expendemus in sequentibus ejus verbis, vim hujus demonstrationis, quando ita pergit & infert : *Cumq; Gassendus, nec velit, nec possit adstruere illud prius, hoc secundum concedat necessarium est. Ut hoc evidenter commonstrem* (addit ulteriùs) *unum atq; alterum Theorema præmittam.*

*Examen Censuræ Lobkovvitzii Iudicio Gassendi opposita.*

Primum : *Si visum consulas, Planetam directum fugiunt omnes stellæ occidentales, & orientales appropinquant.*

Secundum : *Planetam retrogradum visu consule fugiunt omnes orientales stellæ & occidentales stellæ. Hæc ille.*

Quod igitur spectat ad primam propositionem, in quâ hæc Hypothesica continetur : vel Rheitanas Observationes infideles fuisse, vel stellas observatas circa Iovem Erraticas esse, facile D. Lobkovvitzius ex responsione meâ ad prius hujus hypotheticæ membrum colliget, quid de eo sentiam : non enim planè observationes Rheitanas infideles dixerim, eò quòd revera quinque istæ stellulæ, prout à R. Patre observatæ sunt, in æthere reperiantur. Non tamen inde sequi necesse est, illas fuisse



fuisse Errones circa Iovem : siquidem (ut jam jam demonstrabo evidentius) potuerunt hæ stellulæ circa Iovem esse Fixæ incognitæ, vel non satis R. Patri perspectæ, velut ex Schemate ejus examinato luculenter id apparebit, dum probavero, motum istarum stellarum in Zodiaco, fuisse duntaxat apparentem, non realem, & ita visum ex motu Iovis proprio, qui modò fuit directus, modò retrogradus.

Duo illa Theoremata, quæ fundamenti loco ponit, mihi non adversantur, imò potius ad institutum meum probandum faciunt. Vt igitur rem ipsam aggrediar, initio mirari subit, quid fiat, quod Schema Rheitanum novem stellarum, circa Iovem, Dn. Gassendo oblatum, in pluribus discrepet ab eo, quod Dn. Lobkovvitzio exhibitum fuit. Imò ne dicam de differentiâ proportionis circulorum & Eccentricorum utrobique ut non exigua occurrat, id inprimis monendum duxi, quare utrobique insignis quædam diversitas situs stellarum istarum, respectu Verticalis, vel potius Signiferi & motus proprii, quem, inter diversas observationes, in suis Eccentricis, creduntur perfecisse, in collatione utriusque figuræ, reperiatur, quum tamen quilibet sedulus observator in id unice incumbat, ut suas *Τυγνσεις* perquam exquisitè delineet, & cum Amicis suis communicet : nisi enim id fiat, iudicio plerumque est, vel observationem aliquo adhuc laborare vitio, vel observatorem quædam in ambiguo reliquisse.

Quamobrem, quòd idem quoque observatori nostro usu venerit, ex collatione utriusque Schematis demonstrabo. Atque ut hoc commodius fiat, illud invariatur, in præcedenti diagrammate H, numero 2. & 3. æri incisum exhibeo. Videre autem ex figurâ Gassendi numero 2. licet, quòd linea ortus & occasus Iovialis veterem Planetam quartum b, quasi interfecet. Atqui in Lobkovvitziano Schemate (ut ex paginâ ejus 85. & pag. 120. & ex numero 3, Figuræ antecedentis constabit) illa ad undecim gradus, vel circiter, altior incedit.

Secundò, Verticalis linea T V in Schemate Gassendi, & præcedente figurâ 2. ita comparata est, ut stellulam G ad sinistram relinquat. In Lobkovvitziano verò Schemate num. 3. eandem stellulam G, occasum versus promovet. Tertiò,



Tertiò, Linea X Z in Schemate Gassendi, quæ tres veteres Ioviales rectà pertransit, etiam per stellulas E & D fertur. At verò in Schemate Lobkovvitziano, linea tres antiquos Circumjoviales transiens, non simul permeat C C, sed infra eas, ad triginta propè gradus, deflectit. Igitur tanta differentia videtur intolerabilis, nec diligentem arguit observatorem : siquidem ex illà sequitur necessariò, vel alterutrum vel utrumque Schema perperam fuisse constitutum.

Quartò, spatium motus proprii octavæ Pseudojovialis E K apud Gassendum, erga septimam D L, longè alium obtinet situm, quam in Schemate Lobkovvitziano: sic & extimus PseudoPlaneta F à Verticali lineâ duntaxat ad 17.grad. in priori figurâ, in posteriori verò ad 25. fermè grad. recedit. Ex quibus abundè patet, motum proprium harum stellarum ex tam enormi discrimine utriusque Schematis, haud quaquam perfectè derivari posse, ita ut hîc major diligentia observatoris meritò desideretur. Sed hoc missum facio, nec scrupulosè hâc vice inquirò. Quocirca quum videam Lobkovvitzium tantùm stare Schemate ipsi transmissò, nec Gassendi attendere, ideoque illud unicè posthac considerabo, & ex eo cum Lobkovvitzio conferam. Antequam autem motum harum stellarum exquirere incipio, obstacula quædam sunt removenda.

Primum enim est hoc valde admirabile atque paradoxum, quòd R. Pater Antonius M. de Rheita, planè in eâ sit sententiâ, nobisq; velit persuadere, se quatuor Veteres Ioviales (Medicæas aliàs dictas) vidisse, quemadmodum ex ipsius Schemate Iovi appposito conspicitur, & quidem in sequente ordine & positu. Tres namque in rectâ constituuntur lineâ: quartus verò & Vltimus Iovialis latitudinem tantam hîc obtinet, ut illa, si ex centro Iovis Eccentricum ad illum excurrentem mihi imaginer, ad 15. gradus excrescat. Hoc verò est contra observationem & sententiam omnium Mathematicorum: quatuor enim hi Ioviales Errones, nunquam, tam Boream versus, quàm

*Iovialium situs erga Iovem, quoad latitudinem.*



curata observatio Dn. Gassendi testatur) nunquam ullam admittunt latitudinem, quemadmodum omnes quoque, ad unam, observationes meæ Iovialium, in appendice enumeratæ, fidem faciunt. Proinde quarta illa stellula, cui tantam tribuit latitudinem, non genuina fuit Iovialis Medicæa, neque una, secundum opinionem R. Patris, ex novis Urbanoctavianis, sed haud dubiè fixa. Verum hîc mihi forsân aliquis objiciet observationem P. Gassendi, qui eodem die quatuor etiam Ioviales Errones animadvertit. Equidem libenter concedo, omnes quatuor à Gassendo esse visos, sed sub alio positu erga Iovem, quàm à sæpe nominato R. Patre. Quippe proximum Iovi Sidus tantum ab eo distat unâ semidiametro, quæ sesquiminutum non excedit: id quod probè notandum. Alterum, duabus diametris cum semisse: Tertium, tribus diametris cum dodrante: Extremum, quinque diametris cum quadrante: sicut in judicio, pag. 23. legitur. Vbi & hoc addit, omnes quatuor in unâ *rectâ lineâ* existisse, nisi quòd alterum à Iove Sidus aliquantò Borealius, licet insensibiliter ferè, apparuerit. Hæc observatio perspicuè docet, quartæ stellulæ & ultimæ, minimè tantam competere latitudinem, quantam R. P. Rheita repræsentavit, sed eandem planè in unâ *rectâ lineâ* cum tertiâ & primâ ad Iovem fuisse inventam, ita, ut nequaquam hæc stellula in numerum quatuor Iovialium Medicæarum queat recipi; sed extra earum censum existisse.

Quid verò causæ fuerit, cur Reverend. Pater eo die tantum tres veteres Ioviales, P. Gassendus autem omnes quatuor, conspexerit, non me clam est, dum animadverto tempus observationis horarium à neutro fuisse additum, etiamsi uterque unâ eadem vespërâ observaverit. Hinc igitur factum, ut ambo non uno momento & minuto temporis, hæc stellulas animadverterint; sed ut alter horulâ vel sesquihorulâ citiùs, alter tardiùs, hæc observationes instituerit. Quod si ita observatio fuit peracta (de quo nullus dubito) omninò fieri potuit, ut R. Pater proximum Iovi Iovialem, qui ex observatione Gassendi tantummodò sesquiminuto ab eo abfuit Lutetiæ Parisiorum, cernere haud potuerit. Proinde, si R. Pater aliquantò citiùs se ad observandum contulit, tunc hunc Iovi viciniorem, qui à conjunctione



junctione Iovis moveri cœpit, nondum aspectu percipere potuit : quod si verò tardiùs Iovem observasset, ita, ut idem Iovialis ad conjunctionem Iovis properasset, iterum eundem conspiciere non potuisset. Etenim ex observationibus Iovialium certò compertum est, viciniorem Iovialem esse velocissimum, suamque integram periodum, uno die, & aliquot insuper horis, absolvere ( sicut & suprâ dictum ) ita ut unum minutum longitudinis cum semisse, minùs sesquihorâ, præsertim cum Iovi propinquior in rectâ lineâ incedit, conficiat. Ex quibus faciliè intelligitur, certumque mihi est, R. Patrem hunc minimum Iovialem, & proximum Iovi, tum Telescopio suo non conspexisse; sed tantùm tres reliquos Comites Iovis majores. Et quamquam P. Gassendo ratione distantie paulò aliter visi fuerint, tamen hoc me non conturbat : fieri namque potuit ratione motus eorum, ut tempore observationis R. Patri in æquali & tali extiterint distantia, quali utroque in Schemate reperiuntur. Præterea R. Ant. M. Rheite observatio Medicæarum confirmat, tempus vel anticipasse, vel postposuisse nonnihil in contemplandis hisce Sideribus illud, quo Gassendus observationi eorum incubuit : unde eò magis mea stabilitur sententia, quartum & Iovi viciniorem à P. Rheita non conspectum esse, sed tantùm tres reliquos majores Ioviales, ut & paulò ante dictum.

Quòd verò quartam stellulam latitudinis non expertem pro Ioviali arripuerit, ideo factum opinor, quòd R. Pater sciverit numerum Iovialium Medicæarum esse quaternarium : & quia id temporis hæc stellula fixa Iovi proxima fuit, adductus est credere, eam esse quartum erronem Iovialem. Atque hoc primum est, quod circa hanc observationem Iovialium notandum duximus.

Secundum est illud, quòd hoc tempore stellæ Medicææ, quemadmodum P. Gassendi observatio, quam in suo iudicio proponit, evidenter ostendit, non occidentales, velut Pater eas consignavit, sed orientales extiterint : unde necessario sequitur, tubum Opticum R. Patris Rheite hæc cœlestia Phœnomena inverso situ repræsentasse. Id quod Vir ille rarâ eruditione clarissimus, Caramuel Lobkovvitz libenter in suâ censurâ pag. 131.



concedit, ita inquit : *Nam Rheitanus* (nempe tubus) *licet non constet quatuor lentibus, tamen exhibet nobis turres Cœli pendulas, & lineas universas invertit, adeoque & Coloniae eosdem Satellites occidentales & Parisiis orientales conspecti, observationibus, licet videantur coherere non posse consentientibus.* Hæc ille. Quapropter, quum Tubus visorius Rheitanus omnia objecta inversa ostenderit, sequitur, non solum Medicæas inverso posito, sed & reliquas omnes novas Urban-octavianas eodem situ fuisse conspectas. Non possum igitur non mirari, quare Dn. Lobkovvitz Schema illud inversum, quod ipsi primâ vice oblatum fuit, non voluerit antè rectum, stellulasque in legitimo suo situ constituere, quàm motum novarum stellarum Pseudojovialium demonstrare. Quilibet enim ex his faciliè intelligit, quòd si hoc Schema inversum, qualiter communicatum est, retineatur, omne id, quod orientale debebat esse, occidentale fieret, &, quod occidentale, contrà orientale existeret. Hincque accidit, ut in Schemate Lobkovvitziano quædam stellulæ videantur Iovi propinquiores factæ, quæ tamen debebant esse remotiores; & ex adverso, nonnullæ magis recessisse, quæ tamen viciniore factæ sunt.

Etenim, ut hoc eò meliùs intelligatur, Lobkovvitzianum Schema invertam, &, ut naturali harum stellarum situi conforme sit, efficiam. Quâ in re nullo singulari opus est artificio; si namque inferior pars Schematis in superiorem convertatur, peracta res est. Ita pars ea, quæ antè conspexit occasum, jam vergit ad ortum, & quæ dextra fuit, ad sinistram inclinat. Et ut nihil dubii inexercitato hîc relinquatur, is, per lentem utrinque convexam, & ad modum vitri comburentis paratam, hoc Schema, in debitâ distantia, quæso, inspiciat, tum statim deprehendet, quo pacto Schema debeat esse inversum. Nam nullâ aliâ certè comparebit specie, quàm eâ, quæ æri H, ad numerum 4. incisa est, & à Francisco quoque Pennemannò, qui censuram Lobkovvitzii de judicio Gassendi publicavit, fuit exhibita; eiq; censuræ præmissa, nec non à me priori diagrammati, numero 2. inserta.

Postquam hoc Schema sic inversum est, & ex superiori demonstratione constat, quartam stellulam latitudine præditam,  
& à



& à Patre Rheita Medicæis Sideribus adscriptam, non revera harum unam fuisse stellularum, ut ut ex earum numero fuerit, quas novas Urbanoctavianas appellat; ideoque Lectorem rogatum volo, ut hoc Schema à me inversum, vel alterum Gassendi, numero 2. probè consideret in eâ proportionem & situ, quo hîc collocantur. Quo facto, collatisque hisce figuris cum meâ, quam, ex meâ observatione, æri H, ad numerum 1. incidi, ex hisce perspicuum fiet, stellas in Lobkovvitziano Schemate literis C C vel in Gassendi lit. E D signatas, eodem modo sitas esse, quo in meo Schemate C h, & quartam Pseudo-Medicæam P. Rheitæ, quo in meo i ponitur: rursus in Lobkovvitziano E, & in Gassendi Schemate H, esse eam, quæ in meo K. Quod attinet in meo Schemate exiguum stellulam m, nihil ea habet commercii cum novem illis Urbanoctavianis: siquidem illam suo perspicillo Rev. Pater non conspexit, quemadmodum antè quoque memini. Atque ut in comparatione harum stellularum pergamus, in Schemate Lobkovvitziano M. vel in Gassendi F remotiorque à Iove sinistram versus, est in meâ figurâ l, ut ut ea in meo iconismo paulò sit declivior. Nam hanc differentiam inde ortam puto, quòd R. Pater ex unâ & alterâ observatione, veram ejus distantiam à Iove tam exactè pervestigare non potuerit. Insuper, quòd nec in cæteris adeò accuratam omnium rationem adhibuerit, ex collatione utriusque Schematis ipsius apparet: quemadmodum enim jam antè demonstratum, quasdam stellas in priori Schemate, aliquot gradibus sublimiores vel decliviores, quàm in posteriori constituit.

Præterea quoque animadvertes, quòd penextima P. Rheitæ stellula, quam in meo Schemate C refert, maxima harum fuerit splendore, eò quòd extiterit una veterum Fixarum, in primo flexu aquæ duarum sequens dicta, quintæ magnitudinis. Hæ jam memoratæ quinque stellulæ sunt P. Rheitæ novæ Urbanoctavianæ, sicut etiam paulò post id ex motu illarum, quem exercuerunt, ostendam.

Sed quæret hîc forsitan aliquis: quorsum igitur spectat stellula G, quam non solum Schema Lobkovvitzii, sed etiam Gassendi



fendi exhibet? Is sciat, hanc quoque peculiarem esse Fixam, quam & R. Pater cum reliquis observavit. Hanc equidem Anno 1642. quum reliquarum observationi incumberem, non vidi, quoniam in tanto ambitu Iovem non circumspexi. Nuper verò, nempe die 9. Novemb. An. 1645. quum Schema Rheitanum denuò accuratè perlustrarem, & stellas Vrbanoctavianas, iterum in Asterismo Aquarii Tubo meo collustrarem, eandem stellulam G unâ cum cæteris adhuc in hoc signo conspicuam esse, & in rectâ ferè lineâ cum sideribus k & i à me observatis, & ad semigradum circiter, altiores reperiri deprehendi. Hæc verò stellula non omnium minima, sed satis conspicua, quam in meo Schemate numero 1. literâ n notavi. Ex quibus apparet, hanc ipsam eandem esse stellam G in Schemate Rheitano.

Proinde, quicunque hæc Schemata stellarum Vrbanoctavianarum, cum meo Schemate & fixis à me observatis, diligenter contulerit, is fatebitur, scio, non tam ovum ovo esse simile, quàm hæc stellulas in diversis Schematibus expressas, ratione situs observatis à me & in peculiari schemate notatis, etiamsi eas quatuor mensibus citiùs nimirum die 28. Augusti, & 4. Septembris Anni 1642. animadverterim: Rheitanæ quippe observationes in diem 29. Decembris, ejusdem anni, & diem 4. Januarii anni sequentis, incidunt.

Ex quibus simili ratione colligitur, quod, si erroneus fuissent quos distinctis temporibus, & ut concedam etiam hoc, in eodem situ Iovis, respectu Eclipticæ, observavimus, impossibile foret, *τηχόμεναι* nostras adeò inter se conformes esse, hæcque stellulas in eadem formâ, situ & distantia, ab utroque nostrum, visas esse. Etenim, ut omnibus Mathematicis notum est, Sol quidem periodo unius anni redit ad idem signum, & ad eundem gradum Zodiaci, quem ante annum obtinuit: verum, spatio plurimorum annorum, non idem semper revertitur concursus, positusq; reliquorum Planetarum, tam secundum latitudinem, quàm longitudinem, respectu Solis. Quamvis enim unus & alter ad eundem fortè recurrerit locum, & intervallum à Sole: tamen tertius, quartus & reliqui, nequaquam se ad eundem referent



ferent cum Sole positum. Eodem quoque modo cum Iove, suisque Medicæis comparatum est. Equidem Iupiter quotannis bis ad eundem locum Eclipticæ reversionem facit: attamen comites ejus, stellæ Medicææ, non consimili tempore ad solita loca remeant, eundemque situm erga Iovem retinent: quia sunt erronee, nec equalem exercent motum, iisdemve feruntur tempore spatiis. Hocq; idem etiam in novis hisce Vrbanoctavianis, vel novis potius Fixis (quas optimo titulo **ULADISLAVIANAS** possum vocare, siquidem eas regnante feliciter **ULADISLAO IV.** prius hîc conspexi, quàm Rev. Pater) valet citra contradictionem. Nisi enim hæ stellæ Fixæ fuissent, sed Erraticæ, planè fieri non potuisset, ut observationes nostræ, inter se convenissent, propter diversum earum Motum, secundum P. Rheitæ sententiam. Et, si casu quodam unus vel alter erroneus eodem in loco constitisset; tamen in reliquis id non accidisset; sed ratione situs modò hoc, modò illud, defuisset. Quia verò suum situm non mutarunt, necessariò sequitur, hæce stellæ fuisse Fixas quæ ad hanc usque horam in signo Aquarii (ut antè quoque dictum) inveniuntur, quemadmodum cuivis bono Optico Tubo instructo, id experiri licet. Apud Iovem autem non ampliùs, nisi elapso spacio annorum ab hoc usque tempore spectare illas integrum erit, si modò Iupiter tunc eandem recuperaverit latitudinem.

Quòd verò hæ stellulæ R. Patri movere visæ sint, equidem satis notabiliter, intra sex dies (sicut ex proposito ejus diagrammate patet) nihil habet admirationis, eò quòd hic apparens motus exiguarum stellarum ex motu proprio & directo Iovis necessariò provenerit, eique soli tribuendus sit. Quod ut eò meliùs intelligatur, motum cujuslibet sic nobis dicendæ **ULADISLAVIANAE** stellæ in suo Eccentrico, ejusque progressum visum ad integrum usq; gradum, quem Iovis motus induxit, in schemate meo conatus sum adumbrare, & quomodo in secundâ statione Iovis, die 4. Ianuarii R. Patri apparuerint, quemadmodum in ejusmodi situ eas, die 28. Augusti, Anno



Anno præcedente conspexi. Hoc ipsum videre est, in figurâ H, apud num. 1, ubi motus cum o, in quolibet Eccentrico est expressus.

Age ergò motum harũ stellarũ inter se conferamus & videamus, utrum motus earum, contra primum & secundũ Theorema Lobkovvitzii peccet? In inverso schemate Lobkovvitziano num. 4. stella extrema M, nempe Vrbanoctavianarum, ad inferiorem locum L retracta est: in meâ figurâ num. 1. I extrema itidem in o stat depressa, sextus erro Lobkovvitzianus, nimirum E dextram versus deorsum in F promotus est. In Gassendi schemate, H transiit in I. Consimili modo in meo schemate stella k, in o promotior est facta, & i in o, quod æque oportuit esse, etiamsi R. P. Rheita ejus motum non adnotaverit, quia hanc stellam inter Medicæas retulit, quæ tamen revera, sicut antè demonstratum) ejusdem est conditionis, cum reliquis **ULADISLAVIANIS**.

Quod attinet duas extremas stellas, septimam nimirum & octavam, seu penextimam, sunt illæ in figurâ ipsius sublimiores factæ, & evectæ, in D D. Ego verò, attento motu Iovis proprio, non potui animadvertere, eas loca sua mutasse; sed maximam partem in eâdem rectâ lineâ perstitisse. Cur autem ipsi hoc situ apparuerint, id ex majori refractione profectum credo. Cœteroquin, quòd motus earum ex proprio Iovis motu derivatus, planè cum illius motu consentiat, ex collatione utriusque satis abundè patet, ita, ut secundum Theorema primum, illæ quæ propiùs ad Iovem accedere, & illæ quoque, quæ longiùs ab eodem recedere debuerant, hoc pacto non alium exercuerint motum; nisi quòd omnes occasum non ortum versus propressæ sint, quemadmodum R. P. Rheita, & D. Lobkovvitz contendunt.

Atque, ut finem huic materiæ imponam, ex his ante dictis quilibet satis superque intelligit, quòd R. P. Rheitæ Vrbanoctavianæ sint omninò Fixæ meæ **ULADISLAVIANAE**, quæ in eodem adhuc loco Zodiaci conspiciuntur; nec propterea observatio ejus sit infidelis dicenda, ut Cl. Lobkovvitz paginâ









Observationes Stellarum Fixarum circa Saturnum, Martem, et Iovem,  
 Habita Dantisci Anno Christi 1644.

Die 29 Septemb. hora 10 Vesp.

Die 30 Septemb. hora 5 Mat.



3. ♄.


Die 19 Novemb. hora 9.45. v.

4. ♄.

Die 22 Novemb. hora 9.45. v.

5. ♄.

Die 26 Novemb. hora 8 Vesp.



1. ♀.

Die 16 Septemb. hora 2. m.

2. ♀.

Die 30 Septemb. hora 5.30. m.

3. ♀.



Die 19 Nov. hora 9.45.

4. ♀.

Die 20 Nov. hora 11.

5. ♀.

Die 22 Nov. hora 7. m.



1. ♀.

Anno 1643, Die 2 Nov. hora 9.30.

2. ♀.

Anno 1644, Die 30 Septemb. hora 5. mat.



Fig. I.

Aut. Sculpst.



ginâ 119. vult inferre : manent enim illæ novæ stellæ, & observatio Rheitana suam meretur laudem.

Cœterum, quod ad CircumSaturnales & CircumMartiales attinet, quin non minùs fixæ fuerint, quàm illæ, quæ Iovi adfistere visæ sunt, nullum est dubium. Etenim, quòd hoc non infrequens sit, sed sæpiùs contingat, ex observationibus continuis aliquot annorum satis cognovi. Quandoquidem nullo tempore, circa Saturnum & Martem, ut ut diligentissimè non vulgaribus Telescopiis eos sæpiùs inspexerim & consideraverim, peculiare Errones offendere potui, nisi duas illas anfulas, in utroque latere Saturni, quas si quis erroneas velit appellare, per me licebit. Hoc equidem certum est, quòd frequenter stellas fixas incognitas diversæ magnitudinis, quandoque plures, quandoque pauciores, tam circa Saturnum & Martem, quàm Iovem, Tubis meis Opticis deprehenderim. Id quod nonnullis observationibus in figuram I relatis comprobabo.

Anno 1644. die 29. Septembris, horâ 10. vespertinâ sex circa Saturnum stellulas animadverti. Quantum verò una ab alterâ, vel etiam à Saturno remota fuerit, numeris declaratum est, qui, minutâ prima gradus unius indicant : differentiam namque istam anxie sollicitèque, quantum fieri potuit, semper adnotavi. In secundâ observatione Saturni plures earum animadverti, ita ut denarium numerum attigerint. In tertiâ verò observatione, earum tres duntaxat conspicuæ fuerunt. In quartâ tantum duæ comparuerunt. Et in quintâ observatione rursus tres adfuerunt. Hujusmodi plures observationes in medium possem proferre, si opus esset; sed brevitatis studio ad eas, quæ circa Martem, & reliquos Planetas visæ sunt, propero. Quippe quoties ad stellam Martis Perspicillum adhibui, diligenterq; attendi, & circa hanc diversas offendi, veluti ex quinque adjunctis Martis observationibus, perspicuum est : atq; ex tertiâ, quartâ & quintâ observatione fit evidens, Martem tum fuisse retrogradum. Eodem modo circa Iovem interdum septem inveni, quemadmodum hæ duæ observationes id confirmant, præter quatuor illas Medicæas, quæ in rectâ versantur lineâ. Talia exempla plura in Appendice observationum Iovialium abundanter B. Lector reperiet.

Tam circum  
Saturnales,  
quàm Circū-  
Martiales  
Rheita, fixæ  
fuerunt.

Significatio  
canine

Observatio  
Saturni pri-  
ma.

Observatio  
Saturni se-  
cunda.

Observatio 3.

Observatio 4

Observatio 5

Observatio-  
nes Martis.

Observatio-  
nes Iovis.



*Modus capi-  
endi distan-  
tiam Circum-  
jovialium ab  
ipso Iove.*

Atque tantum breviter sit dictum, de novis Pseudojovialibus stellis Rev. Patris Antonii de Rheita, & insuper de iis, quæ in stellâ Iovis sunt animadversione digna. Restat ut paucis modum detegamus, capiendi Telescopio distantias Circumjovialium ac vicinarum fixarum à Iove. Id ante nos Eminentissimus Mathematicus, Galilæus, facere consuevit, dum primò ambitum Tubi optici rimatus est, ex quo postmodum distantias stellarum colligebat. Id quod equidem non malè factum. Longè tamen certior hæc via est, si quoque mensura diametri Iovis per Telescopium instituat & postea attendatur, quot diametris Iovis hic vel ille erro Iovialis ab ipso Iove removeatur. Citra ullam enim difficultatem hoc fieri potest, eò quòd minores Ioviales parum à se invicem sint distiti. Hinc si contemplator Cœli aperturam Optici instrumenti ad longitudinem diametri Iovis revocaverit, atque ad hanc distantiam satellitum Iovis intervalla exigere solitus fuerit, tunc ab inquirendâ digressionem Circumjovialium non facillè deerrabit. Deinde quoque ex hac Tubi dispositione citra laborem perspicitur, quando in rectâ stent lineâ, eandem obtineant latitudinem, & quinam Errones Ioviales in conjunctione versentur, vel Triangulum forment? Denique assidua diligentia & exercitatio tali modo Comites Iovis stellas observandi per Opticum Tubum quemlibet multò certiore reddet, nec de verâ distantia finet esse dubium.

*Observatio-  
nes stellæ  
Martis, &  
descriptio  
Telescopii,  
per quod ge-  
nuina ejus  
facies depre-  
hendi queat.*

1. Stellam MARTIS, quod attinet, & illa proprio destituitur lumine, quemadmodum omnes reliqui Planetæ & Circumjoviales; nam illud in parte nobis adversâ à Sole mutuatur; in alterâ verò parte aversâ obscura est, & Conicam de se projicit umbram. 2. Deinde Solem quoque semper suum agnoscit centrum. Inde fit, quòd unâ vice terræ propinquior sit, quàm alterâ, præsertim quando Mars est acronychius, hoc est, in oppositione Solis moratur, ita ut tum nobis septuplo ferè propinquior sit, quàm cum in conjunctione Solis versatur: unde quoque longè major apparet.

3. Adhæc planè mihi persuadeo, hunc planetam, seu corpus aliquod opacum, sui luminis admittere vicissitudines, instar Veneris,



neris, Mercurii & Lunæ, ita tamen, ut nunquam possit conspici Corniculatus vel Falcatus, more reliquorum inferiorum; sed phasin <sup>δελτοειδής</sup> seu bisectam obtinere, quando est perigæus, & in quadrato Solis versatur, sicut Kepplerus idem statuit, in Epitome Astronomiæ Copernicanæ pag. 843. Etenim quòd hæc sententia non solum sit probabilis, sed & ipsi consentiat experientiæ, Optimo Telescopio deprehendi, Anno 1645. die 26. Martii horâ septimâ vespertinâ, sicut & die 28. ejusdem, ubi maximam partem dimidiatus apparebat, sicut phasin ejus delineavi in præcedente figurâ G, apud D.

*Autor Martem dimidiatum observavit.*

4. Insuper quam speciem visus hic Planeta per tubum à Nobili Fontana retulerit, ex tractatu Matthiæ Hirschgarteri notum est: siquidem eum, ceu Montem inæqualem asperum, in mucronem fastigiatum, & nequaquam rotundum, conspexit. Quod si ejusmodi facies stellæ Martis revera spectaretur, ea profectò singulariter mirabilis, & stupenda foret. Verùm, mi benevole Lector, edisseram tibi veriore stellæ Martis formam. Non diffiteor equidem, si hunc Planetam, per talem Tubum opticum intueor, quali Lunam, Iovem & Saturnum contemplor, quòd Mars eandem fermè præbeat figuram, quam ex Matth. Hirschgarteri Tractatu recensui; sed sciendum est, quòd Telescopia, hoc pacto disposita, minùs sint idonea, ad cognoscendam genuinam stellæ Martis speciem: quippe lumen Martis superfluum, quod in eo abundat, nisi adimatur, non rotundum, sed in mucronem turbinatum, & rubicundo circulo, quasi iride cinctum, apparebit. Quando verò tibi ejusmodi præparas Tubum Opticum, qualem capite tertio descripsi, ut Stellæ Fixæ rotundæ cernantur, & foramen chartæ vitro convexo appositum coarctabis, tunc reapse deprehendes Fontanam adventitio Martis lumine fuisse deceptum, nec aptum adhibuisse Telescopium ad prohibendum illud: siquidem eo modo Mars diligenter inspectus, non aliâ, quàm Sphericâ apparebit figurâ, qualem clarè, perspicuè & evidenter, hac ratione intueri licebit: quod quidem per usitata Telescopia non poterit fieri. Vnde reliqui hoc adminiculo visorii instrumenti non instructi, nunquam Martem rotundum sine radiis conspexerunt. Eâ etiam

*In quali formâ Mars à Fontanâ fuerit observatus.*

*ius. Cui non, Hirschgarteri non*

*Telescopia usitata observationibus Martis minime inserviunt*

*Corpus Martis est rotundum.*



de causâ nunquam decrementum Martis cernere potuerunt. At enimverò, si, prænarrato modo, Tubum tuum Opticum, præsertim, si satis longus, perfectè elaboratus, optimisque lentibus præditus fuerit, aptaveris, tunc Martem, bisecto existente, *διχότομον* tibi licebit conspiciere.

De stellâ Veneris & Mercurii.

Quod stellam VENERIS ac MERCVRII attinet, de utraq; nostræ tempestatis Mathematici plura & antehac in observata scripserunt, quàm antiqui. Nam non tantum Solem, tanquam suum centrum, respiciunt, eumque modò superiores, modò inferiores circumeunt; verum etiam lumine suo adinstar Lunæ crescunt, decrescunt, & omnes suas phases constituunt. Id quod veteres Astronomi neq; animadverterunt, neque tradiderunt.

Veneris facies.

1. Venus lumine plena & rotunda conspicitur, quando est occidentalis directâ & conjunctionem cum Sole in Apogæo vel Aphelio celebravit. Quando paulò longiùs progreditur, fit gibbosa, & quando ad maximam elongationem à Sole (quæ *distantia maximâ* 47. gradus nunquam excedit) pervenit, dimidiata per Telescopium cernitur. Sed, cum fit retrograda, & ad alteram conjunctionem in perihelio atq; infra Solem properat, magis magisq; lumine decrescit, ita ut tandem falcata & corniculata appareat, donec radios Solis incurrat, & ab iis occultetur. Rursum, quando mane, post conjunctionem cum Sole, ex radiis Solis emergit, & orientalis ac matutina incipit fieri, primò falcata Tubo Optico videtur, postea, in maximâ elongatione, bisecta, & tandem, in recurso ejus ad Solem, & paulò ante immersionem in radios ejus, iterum rotunda & plena Telescopioprehenditur. Hujus diversæ apparitionis stellæ Veneris, unusquisque bonæ notæ Tubo Visorio instructus, poterit facere periculum: dignum enim est, hoc eximium cœleste spectaculum & diligenti oculorum aspectu & accuratâ mentis contemplatione. De me ingenuè fateor, quòd non sine singulari animi, & oculi voluptate, hæce diversas Veneris facies, sæpenumero sim intuitus. Propterea non possum non memoriâ repetere figuram ejus, quam Anno Christi 1644. Mense Septembri obtinuit. Nam, quum ante Solis ortum inciperet sese conspiciendam præ-



dam præbere, ad omnes & singulas ejus phases studiosè attendi. Atque certò mihi persuadeo (quod tamen citra jactantiam dictum esto) has observationes Veneris non esse vulgatas, & celebratas antehac: siquidem eas non solummodo horis antelucanis, & ante ortum Solis; sed etiam de die, & clarissimo præaltoque Sole, per Telescopium affabrè elaboratum, optimis lentibus præditum, concinnèq; dispositum, summo cum studio notavi. Quamobrem hasce phases Veneris omnes & singulas à me observatas in gratiam Philo-mathematicorum & Astrophilorum æri incisas non solum hîc oculis subjiciam; sed etiam omne id, quod circa quamque phasim animadversione dignum est, hîc exponam: quippe quin ex hisce bene à me perspectis, & diligenter exploratis Veneris apparitionibus nonnulla, quæ antea minùs cognita de Venere fuere, possint elici, nullus dubito. Deprehendi namque, quòd phases Veneris, de die, claròq; Sole, meliùs & certius queant notari, quàm de nocte; & quòd parvum foramen convexæ lenti Perspicilli applicatum faciem Veneris magis detegat, quàm magnum; & quale inter utrumque sit discrimen; quòdque, non solum Venus, in maximâ elongatione à Sole, de die, nudis oculis possit conspici; verùm etiam nonnunquam, paulò post primam ejus emersionem ex radiis Phœbi; & id genus alia, quæ sequuntur.

*Observationes Veneris diurnæ.*

*In maxima elongatione de die Nudis oculis potest.*

Iam igitur ad ipsas accedo observationes. Anno 1644. die 30. Septembris st. n. horâ 5½ matutinâ ante ortum Solis, die quinto post ejus emersionem matutinam, die verò duodecimo, post conjunctionem cum Sole, primùm cœpi faciem Veneris Tubo meo Optico spectare, quali soleo alias Iovem, Lunam & Saturnum observare, jubar ejus admodum tenue apparebat, & vix magnitudinem sesquipollicis equabat cornuaque ejus videbantur præacuta, diameter quidem satis magna cernebatur. Erat hoc spectaculum Veneris egregium visuque non indignum, quale in præsentî diagrammate K, numero 1. præsentatur: Facies Veneris non apparebat major, quàm Lunæ Novæ, duorum aut trium ad summum dierum. Eâdem quoque facie postridie, nempe die 1. Octobris eâdemque magnitudine, sive per magnum, sive per parvulum foramen, convexo vitro

*Veneris observatio prima.*



vitro impositum, conspiciebatur. Diameter ejus satis apparebat magna, imò quadrante major, diametro Iovis. Hic autem animadvertendum est, quòd consultò diametrum ejus unam alterâ majorem in præsentè Schemate non constituerim, tametsi Venus circa primas observationes major videbatur, quàm postea: siquidem veluti Venus diametro minuebatur, ita lumine crescebat. Quemadmodum enim, nulla infallibilis, evidens certaqué ratio decrementi & incrementi diametri, hæcenus fuit inventa & liquidò demonstrata: ita quoque nos hic nulla cogit necessitas, quare diametrum ejus vel ampliorem vel contraham. Quocircò placuit eam ab omni parte æqualem retinere, eò quòd omnes nostræ observationes non diametri Veneris variationem, sed phasium diversitatem inquisiverint.

*Observatio  
Veneris secundæ.*

2. Die 13. Octobris horâ sextâ matutinâ ante ortum Solis iterum Phosphorus à me fuit observatus, qui quidem nudo visui major videbatur, quàm die 30. Septembris. Atque etiam per Telescopium, tam majori, quàm minori foramine præditum, phasis ejus magnitudinem quatuor digitorum excedebat. Horâ septimâ, post ortum Solis, rursus Venerem orientalem non solum sine Telescopio, sed & oculo Telescopio armato intuitus sum. ubi phasis ejus uno pollice minor, quàm horâ sextâ apparebat: cornua quoque ejus longè acutiora deprehendebam, quàm ante ortum Solis. Horâ octavâ Venerem adhuc nudis oculis potui spectare, ut ut jam satis parvam. At per Tubum à me inspecta, diametro non defecerat: eandem enim nunc etiam observabam, quam horâ sextâ notâram. Phasis autem non tantummodo videbatur evidentior, & cornua ejus acutiora; sed etiam ipsa erat in ambitu cōtractior & tenuior, ita ut eam  $2\frac{1}{2}$  digitis majorem æstimare non possem. Circa nonam nondum visum æneum effugerat, etiamsi satis parva cerneretur. At circa decimam sensim obscurior facta, evanuerat. Quod veram ejus diametrum in collatione hujus observationis cum eâ, quam die 30. Septembris institueram, attinet, ea jam perspicuè diminuta erat. Advertendum igitur hic est, quòd Venus licet magnitudinem  $2\frac{1}{2}$  digitorum non excefferit, de die, Sole satis alto, non tantum nudis oculis, verum etiam Periscopillo egregiè lustrari












Observationes Veneris Puena No 1644 habita


1.  
Die 30 Sept. hor. 5½ m.




5.  
Die 5 Nov hor. 9 m.




6.  
Die 18 Novemb. hor. 10 m.




7.  
Die 28 Nov. hor. 10 m.




8.  
Die 25 Nov. hor. 9 m.




9.  
Die 30 Nov. hor. 10 m.




10.  
Die 2 Decemb. hor. 9 m.




11.  
Die 18 Dec. hor. 10 m.




12.  
Die 17 Dec. hor. 9 m.




13.  
Die 18 Januar hor. 9 m.



14.  
No. 1645 5 Mense Octob. v.




15.  
No. 1646 20 Mart. hor. 7 v.




16.  
Die 22 Nov. hor. 7 m.




17.  
Die 30 Nov. hor. 7 m.



18.  
Die 2 Dec. hor. 7 m.




19.  
Die 16 Maj. hor. 8½ v.




20.  
Die 20 Maj. hor. 9 v.




21.  
Die 30 Maj. hor. 9½ v.




22.  
No. 46 3 April. hor. 7 v.



23.  
No. 46 8 April. hor. 7 v.



24.  
No. 46 14 April. hor. 7 v.



25.  
No. 46 23 April. hor. 7½ v.




fig. K.

Aut Sculp.



lustrari potuerit : id quod antehac parùm fuit animadversum, dum multi crediderunt, eam de die priùs conspici non posse, quàm si bisectâ fieret, & in maximâ elongatione Solis versaretur.

3. Die 20. Octobris horâ septimâ, sub ortum Solis, iterum phasim Veneris observavi quatuor ferè digitis majorem. Horâ octavâ verò, Sole sublimiore, eam beneficio Telescopii, non tribus digitis majorem notavi, sicut in subjecto diagrammate numero 3. videre est.

*Observatio  
Veneris ter-  
tia.*

4. Die 30. Octobris ante ortum Solis Lucifer satis grandis emicabat : Tubo lustratus &  $5\frac{1}{2}$  digitos circiter ejus diameter æquabat. Post ortum Solis autem, oculo armato conspecta  $3\frac{1}{2}$  digitos vix excedebat. Vide phasim num. 4.

*Observatio  
quarta.*

5. Die 6. & 9. Novembris denuo Venerem Orientalem fulgente Sole observavi, & diametrum ejus  $4\frac{1}{2}$  digitos æquantem deprehendi. Hoc ipso die autem non solum eam circa octavam matutinam, sed etiam circa nonam, decimam & undecimam, cum Telescopio & sine eo dilucidam, & illustrem conspexi. Et credo, eam diutius à me & fortè per integrum diem visam fuisse, si porrò, præ occupationibus, attendere potuissem. Paulò ante meridiem circa undecimam, semper Venerem magis acuminatam, mundam & liquidam animadverti, ita ut minimè possim affirmare, sicut alii ante me fecerunt, Venerem tum cornua, non acuta, sed obtusa præsentare. Notari hîc quoque potest, quòd si Veneris diameter, quinque digitos, vel circiter attingat, & per usitatum foramen, vel ante, vel sub ortum Solis, inspiciatur, non rotunda, sed angulata & inæqualiter radiosa appareat. Verùm, cùm parvum applico foramen, eam formâ rotundâ & fastigiatâ perspicio. Die XI. Novembris adhuc in eâdem fermè consistebat magnitudine.

*Observatio  
quinta.*

6. Die 15. Novembris horâ 10. ante meridiem, diameter ejus non planè quinque digitos adsequebatur.

*Observatio  
sexta.*

7. Die 21. Novembris ante Solis Ortum diameter ejus sex digitos superare videbatur. Sed ad decimam non major  $5\frac{1}{2}$  digitis cernebatur. Vera autem ejus diameter, circa hoc tempus non tanta erat, utpote quæ non multò major erat, quàm Iovis.

*Observatio  
septima.*

8. Die



*Observatio  
octava.*

8. Die 25. & 28. Novembris, horâ nonâ & decimâ, ante meridiem, Venerem planè bisectam, instar Lunæ, quando in quadrato Solis versatur, intuitus sum. Equidem ante ortum Solis quodammodo gibbosa videbatur, magnitudine septem fermè digitorum. At densè circumfusum lumen faciebat eam solito grandiore, ut & antehac sæpiùs accidit. Hic rursus est observandum, quòd licet ejusmodi phasès in Venere, de die, & Sole præalto claròq; appareant, non sufficiat radios adventitios, per vulgare & magnum foramen, superiori circulo lentis convexæ impositum, Veneri detrahère; sed præstet etiam de die minùs foramen adhibere. quod hoc tempore manifestissimè sum expertus.

*Observatio  
nona.*

9. Die 30. Novembris, ad horam nonam & decimam, ante meridiem, Venus aliquantùm gibbosa apparebat, ita, ut linea sectionis luminis & umbra, non ampliùs recta fieri cœperit, sicut in priori figurâ numero 9. ante oculos positum est.

*Observatio  
decima.*

10. Die 2, & 4. Decembris, horâ nonâ matutinâ, denuo co-gebar vitro averso Tubi visorii parvum foramen imponere, ut Venerem radiis adventitiis nudatam & phasin ejus evidenter & perspicuè cognoscerem. Atque, ut idem facerem sequentibus diebus, me necessitas impulit. Hoc die, pars ejus luminosa, non multùm à septem digitis absuit.

*Observatio  
undecima.*

11. Die 11. & 13. Decembris horâ nonâ matutinâ, ad priorem magnitudinem, octavus quoque digitus accesserat.

*Observatio  
duodecima.*

12. Die 17. Decembris, horâ nonâ matutinâ, lumen ejus ad novem usque digitos, vel circiter, dilatatum apparebat.

*Observatio  
decima ter-  
tia.*

13. Die 13. Januarii Anno 1645. Venus, Sole satis sublimi existente, jubar suum supra decem digitos latè explicuerat.

Ex hoc tempore, Venerem, ingruente obscuro aëre & intervenientibus aliis occupationibus, ampliùs nec videre nec observare mihi licuit. Iam verò addam aliquas conclusiones ex hisce observationibus elicitas.

*Venus peri-  
gea nudis o-  
culis specta-  
ta admodū  
apparet par-  
va.*

I. Quòd Venus matutina nudis oculis spectata, sæpe non adeò magnam præ se ferat speciem, præsertim, quando conjunctioni Solis vicinior est, & in perigæo existit, ubi phasis ejus adhuc parva, etiamsi diameter, & integrum ejus corpus tum omnium maximum sit.

II. Quan-



II. Quânto longiùs Venus à Conjunctione Solis recedit, eò majus apparet lumen ejus, tametsi diameter decrescit.

*Venus quânto longiùs à Sole recedit, tantò lumen ejus crescit.*

III. Quàm maximum autem ejus jubar, in conspectu oculorum relinquitur, quando magnitudinem quinque vel sex digitorum adsequitur. Postea de die in diem lumine deficit, sicut antea creverat, usque ad conjunctionem Solis, ita ut de eà hoc axioma possit usurpari: quò magis lumine Venus grandescit, eò minor fit diameter ejus, minorque apparet.

*Venus nudo visui apparet maxima, quando phasis ejus quicquid vel sex non superat digitos.*

IV. Antelucano & matutino tempore semper Venus grandior elucet: At de die, & Sole in excelso posito, angustior visu nudo apprehenditur, ubi tamen Tubo inspecta, ratione temporis, diameter ejus indifferens animadvertitur.

*Venus quò magis lumine necrescit, eò magis ratione magnitudinis decrescit.*

V. Adminiculo Telescopii Venerem, etiamsi lumen ejus nondum digitos duos magnitudine superet, tam per magnum, quàm parvum foramen, tamque ante, quàm post ortum Solis, distinctè & clarè contemplari licet.

*Venus ante Solis ortum major apparet.*

VI. Quàm primùm autem Venus lumine adaucta conspicitur, ante Solis ortum commodiùs adhibito parvo foramine lustratur, & quò magis matutinum est tempus, eò minore opus est foramine. Post ortum verò Solis foramen magnum idem potest præstare.

*Venus corniculata eoque perspicue per magnum, quàm parvum foramen cernitur.*

VII. Sed, cùm quinque digitos exæquat, tum ante, tum post ortum Solis, & de die, minus foramen Tubo semper imponendum est. Namque, quò magis lumine crescit, & phasis amplior fit, eò minus foramen adhibendum est, si modò nobis non inæqualiter flammea & angulosa, sed genuina, distincta & globosa debet apparere.

*Quidnam observandū, lumine cum sit aucta?*

*Quando minori foramine uti oporteat?*

Tandem priusquam ad Mercurium perveniamus, pariter Veneris Vespertinæ decrescientis, post Solis occasum habitas, observationes aliquot subjiciamus. Ex quibus quidem phasibus, æque clarè decrementum Veneris patebit, ac ex antecedentibus incrementum ejus innotuit.

*Observationes Veneris vespertinæ.*

14. Anno 1645. Mense Octobri atque Novembri, paulò post ejus emersionem vespertinam, toto orbe propemodum pleno lucebat.

*observatio 1*

15. Anno sequenti 1646. die 20. Martii, horâ 7. vespertinâ,

*observatio 2*



Venus ratione luminis admodum decreverat; ita ut ejus diametrum, 5. digitos vix superantem, deprehenderim.

*Observatio 3* 16. Die 3. Aprilis, horâ 7. vespert. pars ejus lucida, tres circiter adequabat digitos.

*Observatio 4* 17. Die 8. Aprilis, horâ 7. vespert. Phasis Veneris, vix duos excedere digitos videbatur, acutisque splendebat cornibus.

*Observatio 5* 18. Die 14. April. horâ 7. vesp. lux ejus vix magnitudinem sesquipollicis habebat. Erat autem ejus ferè similis facies, phasi crescenti primæ, Anno 1644. die 30. Sept. temp. mat. observatæ.

*Observatio 6* 19. Die 21. Aprilis, Phasis Veneris Corniculata, non unius digiti magnitudinem superabat: qualem certè tenuissimam faciem, vix memini me unquam observasse.

*Observationes Mercurii.* De MERCVRIO hic etiam quasdam adjiciam observationes, quas non ingratas fore spero: quia illæ perraræ solent esse, eo quòd in Aphelio non ultra 28. gradus à Sole recedat, & in Perihelio non ultra 18. gradus; unde minùs sæpe conspicitur, etiamsi in maximâ à Sole elongatione versetur, propter crepusculum diuturnum, vel matutinum vel vespertinum, in quo crebrò latitat, ita, ut pauci reperiantur, qui lucis ejus incrementa & decrementa, Telescopio exactè consideraverint, vel phases ejus consignaverint. Causa procul dubio ea potissimum fuit, quòd semper idem foramen æquè amplum in convexâ lente retinuerint. Postquam enim pro positu Mercurii angustius foramen quandoq; imposueram, & hoc pacto Mercurium lustraveram, tum phasin ejus clarè & distinctè potui deprehendere, quemadmodum posthac quilibet bono ac longo Tubo visorio instructus, hasce luminis vicissitudines in Mercurio poterit animadvertere.

*Cur hætenus vicissitudines Mercurii observari haud poterint?*  
*Et ad phases Mercurii considerandas angustiore foramine uti necesse est.*

*Observatio Mercurii 1.* 1. Prima Mercurii observatio à me fuit instituta, quàm æri incisam priori loco delineavi, Anno Christi 1644. die 22. Novembris st. n. horâ septimâ matutinâ. Contemplatus namq; sum ipsum probo perspicillo, & deprehendi illum adhuc parum lumine diminutum, & ejus diametrum parvam, imò Martis diametro minorem, quantum ex collatione cum Veneris diametro colligere poteram, ita ut nondum sesquiminutum compleret.

2. Die



2. Die 20. Novembris eâdem horâ septimâ matutinâ iterum cum Telescopio diligenter perspexi & observavi eum nondum bisectum, sed gibbosum apparuisse: tametsi credo, illum majorem, quàm dimidiatum hoc tempore haud fuisse; quòd mihi autem phasis ejus major aliquantulum apparuerit, inde oritur, quòd lumen ejus superfluum, parvo adhibito foramine, nondum penitus adimere possumus. Quippe constat ex observatione Veneris, quòd nec exiguo foramine ipsi omne lumen circumfusum detrahare possimus, nisi hoc fiat, post exortum illustris Solis, & luce serenante. Sed quia id in Mercurio fieri nequit, propterea quòd diameter ejus minor sit, & Soli proximus adstet, nec de die conspiciatur, hinc fit, ut phases ejus uno vel etiam sesquidigito majores queant apparere, quàm revera sint. Hinc planè sum in eâ sententiâ, Mercurii diametrum eam ob causam semper majorem apparere, & ideo eam tantò minorem æstimari posse.

*Observatio  
Mercurii 2.*

*Cur phases  
Mercurii aliquantulum  
majores, quàm  
revera sunt  
nobis appareant?*

3. Die 2. Decembris horâ septimâ 15. min. matutinâ phasis minor, quàm bisecta apparebat, sicut ex figurâ num. 3. constat. Nudo oculorum aspectui minor; sed Telescopio lustratus major, quàm antea videbatur. Capiebam etiam Radio Astronomico Mercurii distantiam à Spicâ Virginis, quam adinveniebam  $30^{\circ} 45'$ . ut & intervallum ejus à Venere quod erat  $26^{\circ} 55'$ . nec non intercapedinem Veneris à Spicâ Virginis, quæ fuit  $6^{\circ} 46'$ .

*Observatio  
Mercurii 3.*

4. Anno 1645. die 16. Maii horâ 8½ vespertinâ iterum Mercurium observavi, qui nondum dimidiatus apparebat, sicut ex diagrammate ejus numero 4. patet. Diameter ejus major comparebat, quàm quum Matutinus esset, nec non aliquantulum major stellâ fixâ primæ magnitudinis, cum eum applicato parvo foramine vitro convexo inspieiebam. Die 18. Maii horâ nonâ vespertinâ non multò diversus à priori formâ eminebat.

*Observatio  
Mercurii 4.*

5. Die 19. & 20. Maii horâ 9½ vespertinâ se se dimidiatum ferè repræsentabat. Die 23. & 24. Maii, eodem fermè modo sese conspiciendum præbebat.

*Observatio  
Mercurii 5.*

6. Die 30. Maii horâ 9½ vespertinâ, rursus Mercurium observavi, eumque propemodum bisectum notavi; ubi & si-

*Observatio  
Mercurii 6.*



mul nova Lunæ cornua, post quintum interlunii diem animadverti præsentia. Phasis ejus in præcedente Schemate, numero sexto exprimitur.

## CAPUT V.

DE MAGNO ET ADMIRANDO LUMINE Solis, ejus Maculis ac Faculis, de naturâ earum, & quomodo illæ diverso, novo faciliq; modo queant observari; nec non de illis, quæ circa observationem istarum sint considerata.

*Opera Dei  
immensa, ad  
miranda &  
innumera-  
bilia sunt.*



**Q**Vando opera Dei in hoc mundo, sive in Cœlo, sive in terrâ, nobis considerata proponimus, quorum minimam tamen partem cernimus & cognoscimus, longeq; plura nos latent, & numerosiora sunt, quàm ut ea enarremus, sicuti Rex & Proph. DAVID *Psal. 40. v. 6.* memorat; tunc cogimur cum Ecclesiast. egregio Sapientiæ DEI prædicatore, in hæc verba erumpere: *Domine, quàm admirabilia & desiderabilia sunt opera tua, quis expleatur videndo gloriam tuam? conspicua ea est in immensâ altitudine, expanso puro Firmamento.* Inprimis autem Sol ad aspectum nunciat de glorioso DEO, de quo paulò ante dictus sapiens Doctor Ecclesiasticus, cap. 43. v. 2. & seq. sic loquitur: *Sol exoriens annunciat diem, instrumentum est admirabile & opus Altissimi. Cum in meridiano est, arefacit regionem; & ex adverso æstus illius quis subsistat? in caminum sufflet operibus æstus sui. Tripliciter Sol exurit montes, vapores igneos efflat, & resurgens radiis hebetat oculos. Magnus est Dominus, qui fecit illum, & sermonibus suis sedavit iter illius!*

*Solis encomi-  
um ex Eccle-  
siastico.*

*Sol ex pri-  
mavâ luce  
factus est die  
quartâ.*

Hanc splendidissimam Mundi lampadem Phœbeam, tanquam eminentissimum DEI opus, attentiore animo meritò considerare & paulò prolixiore calamo describere par est. Vbi principio Theologis illis non refragamur, qui docent, primam illam lucem, à DEO, ex nihilo creatam, die quarto creationis, in corpus Solis fuisse translata. Quin etiam textui Mosis non contrariari videtur, Lucem primogenitam ejusdem fuisse cum Sole naturæ: quia tum quoq; ex Lucis istius motu & conversione, quâ



ne, quā matutinum quā vespertinum tempus, dies ac nox à se invicem potuerunt discerni. Hoc tantummodo isti luci defuit, ut demum die quartā peculiarem speciem, formam & locum in cœlis à DEO obtinuerit. Porro verò nunquid hæc prima Lux clara & lucida, vel ignea fuerit nubes, non jam disputabo. Alioquin existimo, tam documentis sacre Scripturæ, quàm evidentibus rationibus probari posse, Solem esse verum & realem ignem. Verum: quia hæc de re jam satis abunde egerunt Christophorus Scheinerus in Rosâ Vrsinâ lib. 4. parte 2. Franciscus Patritius, libro nonodecimo Pancosmias pag. 108. & P. Franciscus Reita à Talleacotio, in Meteorologiâ, lib. 1. de Meteor. ign. cap. 10 ideoq; ne actum agam, B. Lectorem illos lectum ablego. Interea hoc certum est, quòd hic Siderum princeps, Sol, per se sit sphæricus, sicut circumactus ejus in orbem evidenter ostendit, non tamen exactè politus & tersus in superficie, instar convexi speculi, multò minùs ex sui similibus & uniusmodi per omnia partibus compositus; sed constat ex multiformibus ac diversi generis; quæ distinctæ partes non solum distinctis temporibus dispar habent lumen; sed & suum distinctum, & in varietate aliquâ continuaque fluxione constitutum motum, ita quidem, ut is de die in diem, quodammodo variet: unde manifesta in Sole generationis & corruptionis vestigia apparent. Hoc pronunciatum autem dubio procul Aristotelicis nimis durum admodumq; intolerabile videbitur: at, si veritatis sint amantes, neque in meridie cœcutire velint, patientur evidentibus argumentis sibi demonstrari, quòd Maculæ luculæ faculæque, tam primariæ quàm secundariæ in Sole conspectæ nequaquam (ut illi nimis quàm sæpè hîc nobis occinunt) à fallaciâ visus proveniant, sed esse vera & genuina phænomena, ipsamque objecti repræsentationem. Nam, quia affirmanti incumbit probatio, idcirco, tuendæ veritatis gratiâ, illud ipsum, in recensendis meis Macularum Solarium observationibus, indubitatis rationibus comprobabo, ita ut nemo nisi contradicendi pruritu laboret, jure queat refragari.

Quemadmodum igitur hæc faculæ, maculæ & umbræ externam Solis speciem mirè variant: ita & in corpore Solis distinctos for-

*Sol verus & Materialis ignis est.*

*Sol est Sphæricus in superficie, nonnihil asper & ex heterogeneis partibus constitutus.*

*In Sole vestigia alterationis & corruptionis deprehenduntur.*



*Sol est corpus  
compactum,  
ex sententiâ  
Kepleri*

ctos formant colores, quorum nonnulli ab ipsâ quoque Solis luce proficiscuntur, ita ut Sol circa centrum & medium versus semper clarior & lucidior appareat: quò verò magis illa lux circa peripheriam tendit, eò fit debilior & obscurior: qui color ignis flammæ non dissimilis est. Quod naturam singularis materiæ Solis, ex quâ hoc corpus constat, attinet, ita de eâ solertissimus Mathematicus Keplerus, in Astronomiæ Parte Opticâ pag. 225. & cap. 34. de Motu Martis pag. 176. scribit & sentit: *Corpus Solis ex materiâ constare omnium, totius mundi densissimâ, & intra cujus angustissimū orbem, tantum conclusum sit materiæ, quantum in totâ aurâ æthereâ per infinitam ferè solidæ sphaeræ mundanæ amplitudinem est dispersum. Esse autem densitatem hujus corporis in summo gradu, requirit ejus calorifica vis tam acris, tamq̃ longè porrecta. Equidem ignitorum, quæ sunt ejusdem quantitatis tantò quilibet violentius urit & longius, quantò densius: plus carbo quàm flamma, plus ferrum candens quàm carbo.*

Quocirca, quum Sol sit adeò densum corpus, ex sententiâ Kepleri, ideoque eò valentiùs emittere potest lumen.

*Solem esse a-  
liquatenus  
lentum &  
spongiosum.*

Alii verò, cum Raphaele Aversâ, statuunt contrarium, nempe Solis naturam esse liquidam; sicut Aristarchus Samius, in suo Systemate Mundi, nuper Parisiis publicato p. 23. existimat: *Solem non planè esse durum, veluti Crystallum aut lapidem, aut aliquod tale corpus, cujus partes flecti non possint, sed aliquatenus lentum & spongiosum cum superficie rudi, asperâ atq̃ inequali, totâq̃ montibus & vallibus respersâ, idemq̃ omni ex parte interiùs & exteriùs multis montibus & cavitatibus, ceu fibris & venis scatere, instar spongiæ sive pulmonis alicujus animalis.*

Quæ opinio licet mihi non adeò videatur absurda: tamen judicium de eâ cuilibet liberum relinquo, &, ut accuratè utraq̃ expendatur & disputationes conferantur, opto: siquidem tam abstrusa materia ulteriori consideratione per est digna. Quandoquidem planè mihi persuadeo, in orbe universo nihil majus, nihil cum majori admirabilitate conjunctum, quàm lumen Solis, quod de se in totum Mundum diffundit, & terram versus quoque circulariter ac pyramidaliter projicit. Hoc autem fit sequente modo.

*Quomodo  
Sol lumen  
suum in ter-  
ram spargat*

I. Lumen quidem Solis per lineas rectas propagatur; sed id non simpliciter est accipiendum: verum ita, quòd aspectabile hoc corpus Solis in quodlibet punctum terræ conum illuminationis ejaculetur, cujus basis est visibilis circulus Solis, vertex autem quodlibet illuminatum punctum.

II. Quo-



II. Quoniam hæc nostra terra, regione vaporosâ est circumdata, ideoque Solis radii triplici modo progrediuntur, nempe directo, refracto & reflexo. Hinc fit, ut adeò diversæ, sint radiorum Solarium operationes, & ut alio tempore alioque loco plus, alio minus aliquid excalfaciat: actio autem ejus fortissima est radiis directis, quia illi sine ullo impedimento in superficiem terræ incidunt. Postea operatur etiam radiis refractis, qui licet sint debiliores, tamen & illi uno in loco valentiores existunt, quàm in alio, prout radii Solis obliquius vel rectius in sphaeram vaporosam incurrunt, eaque vel densior vel rarior, profundior aut tenuior extiterit; quo pacto radii solares enervantur, & quasi hebetantur. Tandem quoque Sol agit radiis reflexis, qui sicut maximè infirmi; unde & Solis actio per hosce valde debilis redditur: fit enim, Sole infra horizontem existente, ubi radii & lumen ejus in averfam hemisphærii partem delabuntur, ex quibus stellæ supra horizonta de nocte illustrantur, & nos inde lumen Solis in terram refusum accipimus, & sentimus omnium infirmissimum lumen, & perexiguum calorem Solis.

*Sol triplici modo radios suos ejaculatur.*

Qui hanc triplicem Solis actionem in hæc inferiora per radium triplicem rectè percipit, is complures jucundas quæstiones, tam Geographicas & Opticas, quàm Astronomicas, haud ægrè comprehendere, intelligere & solvere poterit: quales sunt

1. Quare Sol estate magis terram calfaciat, quàm hyeme, quum tamen, circa brumam, terræ propinquior sit, quàm circa solstitium æstivum?
2. Cur Sol exoriens & occidens minus caloris introducat, quàm circa meridiem?
3. Quamobrem Solis radii in murum vel vallem devenientes sint efficaciores, quàm si in planitiem labantur?
4. Quid est, quod Sol iis in locis, ubi polus est sublimior, minus excalfaciat, quàm ubi est declivior?
5. Quid causæ, cur homines, qui incidentiæ perpendiculari radiorum Solis subjacent, maximum æstum percipiant?

Et aliæ hujuscemodi quæstiones, quas silentio præterimus, eò quod à nostro instituto sint alienæ.

*Aliquot difficultum quæstionum solutio à triplici projectione radiorum Solis dependet.*

Restat, ut & quædam de Solis loco, magnitudine, distantia à terrâ, ut & de motu ejus, & mensurâ gyratione attingam.

Quod



*Sol centrum  
Mundi occu-  
pat.*

Quod ad locum Solis attinet, in illorum sententiam eo, qui statuunt hoc amplissimum, clarissimum & utilissimum jubar, quòd non tantum radiis suis universum orbem terrarum illustrat, sed & calore suo omnes creaturas fovet & sustentat, ab omnipotenti DEO in hujusmodi loco esse constitutum, statim in principio creationis, ex quo, ceu medio, radios suos æqualiter versus omnia extrema jacere possit; nimirum in ipso centro Mundi. Soli namque nullum alium locum in universitatis corpore competere multi præclari Astronomi evidentibus rationibus, certisque demonstrationibus comprobarunt; ita ut hac nostrâ tempestate peritissimi sideralis scientiæ Magistri huic sententiæ adstipulentur. Soli Peripatetici hoc dogma omnibus viribus eunt impugnatum, eò, quòd stante hoc Theoremate, Terra ex centro Mundi necessariò contra sententiam Aristotelis sit dimovenda, cujus omnia præcepta solidissima esse censent, ita ut nefas ducant, vel latum unguem ab ipsis discedere, præsertim quum situs Solis in centro Mundi motum Terræ supponat & stabiliat, atque è contrario (ut ipsi perperam inferunt) quietem Solis in centro Mundi. Verum ex statu Solis in centro Mundi, non statim necessarià Mathematicorum ratione quies Solis concluditur. Etenim, licet Astronomi recentiores adstruant diurnam terræ circumvolutionem circa suum axem, & annum motum secundum seriem signorum per duodecim Eclipticæ signa, quàm conversionem geminam; alii cum Ptolemæo, Soli & primo Mobili tribuunt: tamen Soli non omnem denegant motum, sed asserunt, Solem in suo centro gyron, ita ut unam conversionem circa axem 27. diebus vel circiter absolvat, hoc est intra annum spatium ter & decies ab ortu in occasum respectu motus apparentis. Interim tamen est motus s. s. s. sicut Planætæ in suis Epicyclis moventur. Hinc Sol non semper eandem retinet faciem, veluti Luna, sed quotidie eam variat: id quod ante annos non ita multos primùm fuit animadversum. Hodie cuilibet iste motus, ex variatione macularum in disco Solis, apertè potest monstrari & indubitato oculis subijci. Hic motus quidem fit circa axem Solis, ita tamen ut ejus poli non uno in loco stabiles persistant; sed annuo spatio convertantur:

*Sol in centro  
Mundi existens  
move-  
tur.*

*Sol periodicum  
motum  
suum circa  
axem 27. die-  
bus ferè per-  
agit.*



vertantur: diurno namq; & menstruo intervallo ex plagâ occidentali in orientalem magis magisq; promoventur. Poli duo sunt, Austrinus & Aquilonaris; & quo pacto unus movetur, eodem & alter. Alter autem in visibili hemisphærio semper progreditur; alter in oppositâ parte. Polus, qui hemisphærium apparens respicit, ab occasu in ortum fertur: oppositus contrario motu incedit; ita, ut si unus oriatur, alter vice versâ occidat. Atq; hic motus semper est sui similis & regularis: ex quo motus macularum curvilineus & rectilineus necessario sequitur: sicut in sequentibus ostēdetur fusiùs.

*Poli duo in Sole mobiles.*

*Quomodo Poli moveantur?*

Denique de distantia Solis à Terrâ, ejusq; magnitudine, hæc tenenda sunt. Illa non semper est æqualis, respectu Terræ. In maxima namq; elongatione, & terrâ existente, quasi in Aphelio, tum Sol à nobis est remotus, mille centum & octoginta duabus semidiamentris Terræ, quæ constituunt milliar. Germ. semel millena sedecim millia quingenta & viginti. Quando verò in Perihelio versatur, abest 1101. semidiamentris terræ, quæ faciunt milliar. Ger. 946860. Quanquam Kepplerus hanc distantiam Solis à terrâ longè majorem reddit, eamq; extendit ad 3469. semidiamentros Terræ; sicut apparet ex Astronomiæ ejus Copernicanæ lib. 4. pag. 490. Sol autem, secundum hypothesen Tychonis Brahei, major est Terrâ 140. vicibus, ita ut diameter ejus æquet milliaria Germanica 8944. Secundum Kepplerum autem Solis diameter est 15. partium, qualium Terræ est una. Quare meritò utique stupendam magnitudinem Solis, immensamque distantiam ejus à terrâ, & singularem motum admiramur, atque cum Rege & Prophetâ Davide, exclamamus, ex Psalm. CIV. v. 24: *Quàm magnificata sunt opera tua, Domine, omnia in sapientiâ fecisti: impleta est terra possessione tuâ!* Et iterum, ex Psal. CIII. v. 22: *Benedicite Domino omnia opera ejus; in omni loco dominationis ejus.*

*Magnitudo Solis.*

Sed tantum de fulgentissimo Solis jubare, quod Sirachides c. 43. v. 2. pulcherrimè nuncupat instrumentū, seu vas admirabile: restat autem, ut etiam succinctè, at perspicuè tamen & distinctè, de maculis & Faculis in superficie Solis conspicuis, deq; genuinâ earum constitutione, generatione, dissipatione, & motu, tum rectilineo, tum curvilineo, agamus: ita ut hunc minimè dubiis observationibus stabiliam, nec non modum observandi, cum omni præparatione & cautione, detegam. L At-



*De maculis  
solis, post Ga-  
lilaum, nemo  
prius, aut lu-  
culētius, scri-  
psit Christo-  
phoro Schei-  
nero.*

*Utilitas ob-  
servationum  
Macularum.*

Atque Maculae quidem & Faculae Solis, admodum mira apparent phenomena, iis imprimis, qui nunquam illas antehac conspexere : cum multa etiam insuper singularia & inaudita circa eas occurrant. Et sane omnino nova inter reperta referri debent : quippe quae, non nisi ante paucos annos, adminiculo Tubi Optici, à Galilæo, eminentissimo illo Philosopho Italo, sint detectae. Quanquam circa idem ferè tempus, in iisdem observandis maculis, valde admodum occupatus fuerit incomparabilis & omnigenae eruditionis, Christophorus Scheinerus, qui in suis postmodum editis observationibus tantam profectò ostendit diligentiam, ut hac in materiâ omnibus palmam quasi præripuisse dici possit; ut ut graviter quoscunque moneat Astronomos, ne non exemplum à se capientes, ad ista tam recentia & priscis planè incognita phaenomena, quàm maximè diligentissimè oculum & mentem advertant. Quandoquidem igitur ille hac in re tam laudabiliter nobis præivit, dum, posteritatis juvandæ ergo, circa observationes macularum istarum omnem movit lapidem, ut & naturam earum & motum genuinum quàm accuratissimè indagaret; attento, exactam Solaris istius phaenomeni scientiam, non Astronomiae tantum, sed universae quoque Philosophiae naturali, emolumentum insigne allaturam : æquum sanè est, ut vestigiis ejus insistamus, & quantum possumus itidem in hæc omnia studiosissimè inquiramus. Quæ autè commemoratus autor præstitit, in egregio ejus opere, quod Rosam Ursinam, sive Solem inscripsit, Annoq; Christi 1630. divulgavit, præclarè videre est. Quemadmodum negari sanè haud potest, rectè perspectâ macularum Solarium naturâ de haud paucis controversiis Physicis Astronomicisque, iisq; vix parùm arduis, indubitati aliquid statui posse. Namq; Peripatetici cum primis ex ortu & interitu Macularum istarum tandem aliquando intelligent, doctrinam de generatione & corruptione cœli, non esse inane cerebri figmentum, & imaginariam aliquam apparitionem; sed ex naturâ ipsâ Cœli haustam, & revera in æthere fundari. Astronomi verò ex animadverso cursu Macularum Solis, & menstruam conversionem Solis in axe circa polos mobiles, plus quàm sufficienter demonstrabunt, & sententiam etiam suam de cœlo liquido, evidentissimè confirmabunt,



nec non differentiam Longitudinum Locorum, lato modo, in diversis & remotioribus civitatibus inde discent deducere, ac hujusmodi alia. Quoniam autem hoc non paucis observationibus statim explorari & cognosci, neque tam citò macularum natura, materia & motus alterationis indagari potuit; idcirco supra laudatus Vir Scheinerus laborem curamque multorum annorum huic rei coactus est impendere, ut aliquid certi de Maculis Solis proponeret, & invictis rationibus probaret, eas non à fallaciâ visus, & phantasiâ, aut commento aliquo humano, proficisci (veluti nonnulli satis insubidè censent) sed reapse in Sole inesse, cum eo gyrari, & esse phænomena cœli essentialia.

Ob hæc aliasque causas & ego motus fui, exactis observationibus, per ipsum integrum quadriennium, hæc Solis Maculas ex amore veritatis notare. Illæ verò, ad unam omnes Scheineri animadversiones, circa Maculas Solis sine ullâ dubitatione confirmârunt, meque docuerunt, semper novas Maculas, in superficie Solis generari & corrumpi, eas habere suum motum añuum & menstruum, ortus & occasus Astronomicos ac Physicos, & reliquas omnes subire mutationes, quas sæpe laudatus Scheinerus deprehendit: maximâ namque diligentia, & apparatu boni Telescopii, ac cæterorum Instrumentorum hæc animadversiones administravi, unde quoque illas Appendici Selenographiæ inserui. Quandoquidem illæ, eò imprimis deserviunt, ut unusquisque suas observationes cum hisce conferre, harum difformium macularum uniformem motum, ex iis addiscere atque eò meliùs intelligere possit, & eas omni parallaxi destitui, certò sciat, quemadmodum Galilæus & Scheinerus antehac quoque diversis in locis animadverterunt: præterea ut perspectum ei sit, has maculas superficiiei Solis inesse, neque umbras existere ab aliis corporibus in Solem projectas, neque, tanti æstimandas, ut habeantur sidera, sicuti Iohannes Tardè, & Carolus Malapertius eas Sidera Borbonia, & Austriaca constituerunt: manifestò quippe perspiciet, sentietque hæc sequentia de Maculis Solis asseri posse. 1. Maculas in disco Solis contentas nihil esse aliud, quam compactam aliquam & obscuram

*Et autor observationes Macularum instituit.*

*Maculas esse fuligines è massa Solis, vi caloris expulsas.*



*Faculas esse  
lucidiores  
Solis partem*

materiam, nostris terrenis nubibus non dissimilem, & unâ cum Sole mobilem. 2. Faculas admixtas esse lucidissimas Solis partes, quæ distinctis locis, atque temporibus magis magisque in Sole conspiciuntur. 3. Umbras illas, quæ corpus Facularum sequuntur, & cum luculis permiscentur, raritate, formâ & magnitudine variari in superficie Solis, instar fumi & nebulae, quibus Sol hinc inde quasi obductus, tanquam speculû tactu vel halitu oris inquinatum apparere. Et licet non adeò sint durabiles, veluti Maculae, tamen subinde in Sole, vel faculis permixtae, vel solae videntur, moxque iterum dissipantur & evanescent.

*Umbrarum  
affectiones  
quales?*

*Quotuplicia  
sint Macula-  
rum Solarium  
genera?*

Postquam autem in hanc materiam de Maculis & Faculis Solis incidimus, nemo nobis vitio vertat, quòd in eâ tractandâ aliquantùm hîc simus prolixiores, ut eam nonnihil clariorem reddamus. Etenim non ignorandum est, Maculas Solis esse duplicis generis, alias Primarias, alias Secundarias. Priores rursus sunt duûm generum, vel majores vel minores; eaque iterum vel simplices, vel compositae, seu mixtae. Simples eae dicuntur, quæ nullas habent admixtas faculas. Atque illae denuo sunt integrae, & quodammodo regularem aliquam figurâ præ se ferunt; aut sunt lacerae, neque ad ullas figuras ordinarias queunt reduci.

*Nucleorum  
densitas &  
nigredo ma-  
jor cæteris  
Macularum  
partibus.*

*Rariorum  
Macularum  
affectio,*

*Macula non-  
nulla, cum-  
primis majores,  
rutilantes.*

Compositae ac mixtae sunt, quæ, vel non continuâ, sed interruptâ serie, densè cohærent, vel simul faculis ac Maculis constant. In hisce, tam simplicibus, quàm compositis, utriusque speciei, aliae adhuc occurrunt differentiae: aliae namque sunt densiores, aliae rariores. Densiores sunt, quæ constant materiâ magis compactâ, & ideo in Sole communiter diutius durant, antequam extinguantur. 2. Deinde sunt etiam quaedam, quæ nucleo valde compacto, & materiâ admodum nigrâ densioreque, quàm reliquæ maculae partes, apparent. At verò Maculae rariores nullum obtinent nucleum, & nihilominus quandoque eque diu durant, atque Maculae nucleo præditæ, ita ut integram Solis diametrum perambulent: illæ de integro non sunt unius formæ, sed modò obscuriores, modò clariores.

3. Sic & aliæ comparent Maculae, præsertim quæ majores existunt, colore diluto & croceo, instar halonis (qualis circa Lunam so-



nam solet videri) tinctæ : in minoribus ejusmodi color rarò animadvertitur. Ejusmodi notabile exemplum conspici licuit Anno 1642. mense Octobri, quod in I<sup>a</sup> figurâ H H proponitur, ubi major macula, quæ geminum habebat nucleum, flavâ halone erat circumdata, & ad egressum usq; Maculæ è disco Solis persistebat. Id quod rarò fieri solet. Nam plerûq; in medio Sole enascuntur. 4. Maculæ quædam etiam dicuntur steriles, quia carent nucleis, & colore materiâque sint uniformes. Talem Maculam visam Junio Mense, anni 1642. in quartâ figurâ L L, deprehendis. 5. Insuper alię sunt Maculæ, quę licet ordinario modo statim in ortu appareant circa horizontem Solis, tamen non manent eedem, sed vel crescunt, vel decrescunt : sin autem eandem semper obtineant magnitudinem, tum in eodem statu dicuntur permanere. Hujuscemodi crescens macula occurrit in V figurâ M M, mense Junio & Julio, Anni 1643. consignata literâ f, atq; Augusto anni ejusdem in IX. figurâ ac congerie Macularum e. Longè plures autem decrescentes Maculæ reperiuntur præcipuè in X figurâ Q Q, visę Anno 1643. mense Septembri & literis c, d, & e, notatæ. At eadem magnitudine persistentem cernere licet in I<sup>a</sup> figurâ H H, quàm mense Octobri Anni 1642. observavi. In ingressu quidem hæc, ut & omnes reliquæ, non nihil gracilior, quàm medio Solis apparet, non quòd revera fuerit gracilior, sed quod omnibus maculis Solis commune sit, circa margines & peripheriam Solis attenuari, in medio verò grandescere, eò quòd circa margines, per angulum visionis acutiorem, quàm in medio conspiciantur, quum hoc pacto non vera earum longitudo, sed Latitudo, & ut sic dicam, profunditas aspectu percipiantur, vi optice Regulæ : *Omnia, quæ sub majori angulo majora, quæ sub minori angulo minora spectantur.* Vitellio lib. 4. Theor. 20. Alhas. libr. 47. num. 40. 41. 42. Maurolyc. lib. 1.

6. Adhæc permultę observantur, quę non ordinario modo mox in ortu, Solem incurrunt, sed existunt ac generantur, modò in citeriori, modò in ulteriori superficie Solis, modò in parte orientali, modò in occidentali, modò mediâ; quarum nonnullæ sibi constant, & nonnunquam etiam crescunt, ad usque occasum

*Exemplum  
Macula magna ab halone croceâ coronata.*

*Cur macula in Marginibus Solis sint tenuiores, quàm in medio?*

*Macula quædam non in ipso Solis horizonte statim videntur & generantur.*



suum; nonnullæ verò priùs esse definunt, quàm ad occidentalem horizontem perveniunt, ita ut, quãdo unâ die, & quidẽ in medio Sole orientur, & alterâ rursus intereant, quemadmodũ ex III. figurâ K K, & orientali maculâ c, mense Majo visâ, fit conspicuum. Quanquam etiam inter alias ejusmodi Maculæ, quæ tamen admodum sunt raræ, ex tam durabili, tamque tenaci materiâ compactæ existunt, non unâ tantum, sed & alterâ vice visibile Solis hemisphærium pertranseunt. Illæ verò Maculæ *reduces* appellantur: qualis fuit, mense Julio anni 1643. conspecta, & expressa in VI. Figurâ sub maculâ a; sicut ibidem accuratè est descripta. Sæpenumero etiam in disco Solis uno tempore æquales invicem duæ Maculæ, quæ, quoad materiam, magnitudinem, consistentiam ac colorem, planè uniusmodi videntur, ita ut observator existimet, eas consimili tempore vel occasuras, vel interituras esse. At verò hoc rarer fit: altera namque earum aliquot diebus citiùs, præ alterâ, antequam observator putasset, evanescit: id verò admirabile est.

Quam Macula  
appellatur  
Reduces?

VII. Genus  
Macularum,

7. Complures etiam Maculæ multis Faculis & Umbris cinctæ, primùm in exeunte Solis margine apparent, Faculæque cum umbris, elapso uno alteroque die, recedunt, salvâ manente nec mutatâ Macula: & rursus, ante egressum Macularum è Sole, in occidentali ejus orâ, communiter sunt reduces, ita ut quemadmodum istæ Maculæ faculis stipatæ advenerunt, ita quoque non sine iis iterum è Sole egrediantur. Notabile occurrit exemplum in IX. figurâ Q Q, anno 1643. mense Augusto, ubi primùm nudę Faculæ comparuerunt, ex quibus sequente die, sex exiguæ Maculæ sunt natæ, quæ diebus insequentibus mirè variarunt: at Faculæ mox tertiâ die defecere, neque priùs iterum affulsere, quàm sub exitum Maculæ ex Sole. Ejusdem quoque generis fuit Macula a in VI. Figurâ repræsentata, & Anno 1643. mense Julio observata. Nonnunquam etiam Macula in Sole sine Faculis oritur, quæ postmodum Faculis comitata è Sole recedit; veluti in VIII. figurâ talis exhibetur, quæ mense Augusto anni 1643. fuit animadversa.

VIII. Genus  
Macularum,

8. Nonnullæ Maculæ in Sole ex umbris nascuntur, & intra paucos dies subito crescunt, grandescunt, & densantur: verum paulò



paulò post, opinione citiùs, in umbras resolvuntur, antequam sub horizontem occiduum ferantur, ita ut illis accidat, quod proverbii loco dici solet: quod citò fit, citò perit.

9. Quod Faculas attinet, nec illę generis ejusdem sunt: quędam enim splendidiore lumine, quędam debiliore illucent: quędam colore aliquantò flavo sunt præditę: alię sincero gaudent lumine & candicante. Lucidę autem Faculę semper se se illustriùs efferunt supra reliquam omnem lucem Solis, ita, ut hoc lumen super cęterum Solis jubar semper emicet. Atq; tales Faculę rursus duũ sunt generum. Nonnullę reperiuntur stabiliores ac durabiliores, ita ut, cũ in ortivo Solis horizonte apparent, non diffugiant, sed permaneant, usq; dum se in occidentuam partem Solis recondant & evanescant; quod etiamsi per rarò fiat, tamen ejusmodi exemplum in X figurâ RR, sub literâ a invenies, à me An. 1643. men. Sept. observatum. Et licet illa de die in diem variaretur: tamen in Sole perstitit, & iterum egressa est, in occiduo limbo. Reliquę verò sunt minùs stabiles, & tantummodo circa horizonta Solis, ad biduum vel tri-duum permanent, post, si ulteriùs progrediuntur, in medio Sole extinguuntur, vel in Maculas abeunt. Ubi & hoc notandum, quòd, quàm diu hæ faculę in complexu Solis herent, in dies crebriùs varias subeant mutationes, quàm maculę; insuper quando Faculę cum umbris miscentur, se se latius extendant, adeò ut interdum quadrantem, interdum trientem diametri Solis occupent. Ejusmodi magnę & valde dilatatę Faculę & umbrę, supra quàm fortasse cuiquam credibile est, in VII. fig. OO occurrunt, quę sunt à me visę, d. 20. Jul. An. 1643. Quot verò milliar. Germ. hæ Faculę æquaverint, quilibet ex perspectâ magnitudine diametri Solaris potest dimetiri. Si namq; assumitur diameter Solis 8944. mill. Ger. tum hæ faculę 2981. mill. Ger. longę, & 994. mill. latę fuerunt; quę longitudo ac latitudo immanis est dictu, in comparatione cum terrâ nostrâ: siquidem longitudo harum Macularum multò major est longitudine Europę, Asię & Africę, quę duntaxat ad 2700. milliar. excurrit, ita ut istę Faculę, universam istam omnium trium orbis partium magnitudinem 300. mill. excedant; earum verò latitudo complectitur spatium, quod

IX. Affectiones Facularum mirę.

Facularum distinctio.

Magnitudo quorundam Macularum & Facularum.



*Macula Solis non sunt phantasmata, sed realia corpora, quorum magnitudo aliquot milliaria Germanica comprehendit.*

quod à mari Mediterraneo, se se ad Caput bonę spei extendit.

*Cur Maculae sint multo majores quàm apparent?*

10. Verùm, ut ad Maculas revertar, non est, ut sibi quisquam persuadeat, eas esse fallaces apparentias, sensuumque ludificationes inanes: revera quippe sunt substantiæ corporeæ, quæ trinâ dimensione longitudinis, latitudinis ac profunditatis constant, licet hæc ultima sit investigatu difficilis: perspecto enim Maculæ ac diametri Solis commensu, inventa est longitudo ejus. Exempli gratiâ: si una se se habet, velut 1. ad 24. tunc 384. milliaria Germanica longa est. Ejusmodi Maculam invenies in IV. Figurâ L L, Anno 1643. die 18. Junii, sub literâ b. At verò nonnunquam sunt majores, adeò ut, longitudine, Africæ sint æquales. Quin & minima, quæ tantùm instar puncti apparet, longitudine milliarium Germanicum superat. Quæ magnitudo licet videatur incredibilis: tamen hæ maculæ per se sunt multò adhuc majores, quàm apparent. Etenim, quum Sol longè major sit, quàm ipsum Macularum corpus, ideò averfam earum partem plùs dimidio illuminat. Hincque macula videtur minor, quàm reapse existit; secundùm demonstrationem Opticorum, præsertim Alhaseni, de Crepusculis, num. 3. qui ait: *Si sphaericum luminosum illuminat opacum minus, plus hemisphaerio illuminabit.* Videatur etiam Vitellio lib. 2. Op. Th. 27.

*Maculae in certa tantum Solis parte generantur.*

*Latitudo Macularum, utramq; Eclipticæ Solis partem versus, quanta sit?*

*Cur circa Polos tantummodo secundariæ Maculae, umbrae & exiles Faculae inveniantur?*

11. Insuper etiam scitu est necessarium, quòd Maculæ primariæ, non omni in loco Solis generentur, sed peculiarem suam sedem in medio disci Solis obtineant, in quo, quasi Zodiacum suum constituunt, oriuntur & intereunt, cursumque suum perficiunt. Zodiacus autem iste, multò latior est, quàm Planetarum in Coelis: siquidem se se ad quadraginta, quinquaginta, imò etiam interdum ad sexaginta gradus extendit, ita ut utroq; in latere Eclipticæ, hoc spatium ad triginta gradus excurrat. Circa polos nullæ magnæ conspiciuntur Maculae, sed tantùm secundariæ umbræ, & interdum exiguae faculae. Causa hujus rei non videtur esse difficilis investigatu. Quum enim condensatio ac rarefactio Macularum, ex rotatione & motu Solis proficiscatur, fieri potest, ut, quia in medio Solis, motus ille longè concitator est, eâ in parte crebriores & grandiores Maculae generari queant: ex adverso, quoniam motus Solis, circa polos



polos remissior est, idcirco iis in partibus tam densissima corpora nequeunt existere, sed inibi solum Maculæ secundariæ, umbræ & Luculæ reperiuntur.

12. In his circumscriptis finibus, & quasi Zodiaco suo, Maculæ primarię semper suum exercent motum, qui triplex est, utpote: Localis; Generationis ac Corruptionis; Rarefactionis & condensationis. De duobus ultimis motibus, in præcedentibus, breviter actum est, ubi quoque simul de Augmentatione ac diminutione, & sic etiam de Rarefactione & extensione Macularum aliquid diximus: restat, ut nonnulla etiam de motu Locali Macularum, qui triplex est, in medium adferamus. Hic namque primum per motum Solis diurnum (si is in Eclipticâ mobilis constituitur) peragitur, cujus ope Maculæ simul ab ortu in occasum promoventur. Alter fit per motum Solis Ascensionis & descensionis quotidianæ, quem verticalis linea, cum lineâ Eclipticæ ad centrum Solis vergente, comprehendit. Hinc quippe Sol motu suo diurno quotidie, tempore antemeridiano, ascendit, & pomeridiano descendit; unde angulus Eclipticæ & Verticalis, singulis momentis in Sole mutatur, ob variam Eclipticæ exaltationem, ejusque ad verticalem circulum inclinationem, & quidem intra horam sensibilibiter. Propterea etiam Maculæ, non uno in loco Solis semper videntur insidere. Est quidem in hoc angulo rectè intelligendo & inquirendo difficultas: ille tamen angulus, quem Ecliptica ad locum Solis cum circulo verticali constituit, etiam in Globo mechanicè inveniri, & demonstrari potest.

Tertius motus Macularum proprius & naturalis est, qui semper incipit, in parte Solis orientali, & in occidentali desinit, quem, intra duodecim, tredecim, aut summum quatuordecim dies, peragunt, prout majorem, vel minorem obtinent latitudinem. Hic tamen motus singulis anni diebus, non est uniformis, nec eâdem feruntur lineâ in suo Zodiaco: motus enim illarum est maximam partem curvilineus, qui tamen uno tempore magis est flexuosus, quàm altero. Etsi verò hic motus, primo intuitu, cum summâ irregularitate videtur esse conjunctus: tamen per se tantum est anomala quædam æqualitas, dum

*Limites Macularum sunt certi.*

*Motus Macularum localis est triplex.*

*Primus fit cum motu diurno Solis.*

*Alter per motum Solis Ascensionis & descensionis, seu Anguli Eclipticæ & Verticalis.*

*Tertius motus Macularum est proprius, ab orâ Solis orientali usq; ad occidentalem.*



earum via regia magis minusve est curvilinea. Nam intra unum semestre, hoc flexuosum iter Austrum versùs vergit; intra alterum semestre Boream versùs tendit. Atque hunc motum quotañis Maculæ incommutabili ratione exercent. Quamvis enim una Macula, interdum evanescat, in medio disco Solis, & alia nascatur: tamen & ea eundem retinet situm, motumque quovis tempore, nec ab eo recedit, nisi quòd declinatio ab Eclipticâ Solis nonnihil variet. Sed ut obscurus ille motus, magis fiat perspicuus, eum adhuc dilucidius explicare conabor.

*Plenior explicatio motus Macularum Solarium.*

Maculę istę, dum in superficie Solis hærentes moventur, quotidie duodecimam diametri Solis partem ab ortu in occasum progrediendo emetiuntur, ut in explicatione triplicis motus jam suprà dictum. Hoc iter instituitur, vel motu recto, vel curvilineo. Recto, bis duntaxat, in anno. Atque primò quidem, sub initium Decembris, ubi Maculæ situ recto Solem perambulant, isque motus rectus quatuordecim dies, vel circiter, durat. Postea iter suum magis magisque flexuosum constituunt, ita ut convexâ arcus parte ad Arctopelioten, cavâ verò ad NotoZephyrum inclinent. Idq; durat trimestri spatio, mēse Decembri, Ianuario & Febuario. Post contingit earum æquilibrium vernale, ubi æquali distantia, ad Eclipticam inclinatâ, Euro & Zephyro absunt: hoc enim nullo alio fit tempore. Subsequentibus mensibus tribus, nempe Martio, Aprili & Majo, ita suum gressum attemperât, ut convexa obliquitas earum ad Corum; cava verò ad Euroaustrum vergat, pedetentim tamen minuatur & decrescat, adeò, ut primo Iunii rectâ iterum incipiant lineâ incedere. Mox obliquum suum cursum contrario modo permutant; ita, ut Iunio, Iulio & Augusto mensibus, convexitas Notapelioten versùs, & concavitas Corum versùs tendat. Exinde sequitur Æquilibrium Autumnale. Extremis tribus mensibus, iter Macularum rursus fit reflexum, & convexa pars obliquat in Notozephyrum, & cava in Arctopelioten, ita tamen, ut, sub Decembrem, iterum fiat directum. Atque hæc conversio alternatioq; motus continua, oritur propriè loquendo, ex motu Polorum Solis annuo; sicut etiam paulò ante monui.



13. Porro, quod attinet spatium diurnum Macularum, quod conficiunt in Solis superficie, de eo sciendum est, quòd, tametsi motus earum est sui similis, & æqualis; habeat tamen speciem dissimilitudinis & inæqualitatis, præsertim circa horizontes Solis, ubi spatium semper angustius est, quàm in medio: quò namque peripheriæ viciniùs est, eò fit minus; quò propiùs autem ad centrum accedit, eò magis evadit. Quum enim corpus Solis perfectè globosum sit fabricatum, adeò ut nihil fieri possit rotundius, ideoq; necesse est, ut cuncta spatia diurna (ut & Maculæ ipsæ Solis per se) circumferentiæ propiora appareant tenuiora, & remotiora ab iis, medioque propinquiora conspiciantur grandiora: illa siquidem sub minori, hæc sub majori angulo visionis cernuntur. Verissimum enim est illud Axioma Opticum: *Quæ sub majori angulo, etiam majora videntur.* Nihilo tamen minus, quando in æquali distantia ab ortu & occasu versantur, tum etiam servant æquabile spatium diurnum, quemadmodum hoc omnibus observationibus, quotidie eadem horâ institutis, liquidò compertum est.

*Motus Macularum Solis, specie inæqualis, revera æqualis, & sui similis.*

*Quæ sub minori angulo visionis spectantur, minora; sub majori majora apparent.*

Ex his omnibus prænarratis constat, motum quidem annum Macularum esse certum & constantem, materiam autem earum valde inconstantem & mutabilem. Quod si Peripatetico contrà omni ratione pugnare placuerit, nostramq; sententiam impugnare, eum etiam atque etiam oratum velim, ut haud gravetur recitare, definitionem Generationis & Corruptionis in Physicâ Aristotelis expressam. Nam, quin hanc promat, nullus dubito: *Generatio est motus seu mutatio à non esse ad esse. Corruptio autem est mutatio ab esse ad non esse.* Quòd si hæc supposita definitio Generationis & Corruptionis rectè se se habet, ut certè habet; utique clarissimè illa evincit, in cœlo inesse alterationes & alternationes Generationis & Corruptionis. Tametsi enim interdum menstruo, imò etiam bimestri & trimestri spatio (ut antehac observavi) planè purus & à Maculis primariis vacuus Sol apparet: tamen sepè citius indifferentes Maculas, modò minores, modò majores modò ordinarias, modò extraordinarias, in disco Solis ortas animadvertes. Iam quæso, mi Peripatetice, dic mihi, annon liceat affirmare in ortu harum Macularum

*Ex definitione Generationis & Corruptionis Aristotelicâ probatur Cælum esse corruptibile.*

*Nonnunquã Sol intra mensem unum, duos aut tres, expers est Macularum primariarum.*



Macula, Facula & Umbra in Sole existentes, & iterum evanescentes, planum faciunt, in Sole dari generationem ac corruptionem.

Major sit alteratione in Sole, quàm apud nos in terrâ.

Quatuor evidentibus rationibus ostenditur, Maculas & Faculas non in aërea regione, neq; extra corpus Solis, existere posse

esse factam mutationem, à non esse ad esse? Imo & tu, nisi indubitato sensus oculorum testimonio velis contradicere, adseverabis, Maculam, quæ visibile Solis hemisphærium peragrat, nec unquam revertitur, item dilutissimas Maculas ex unâ densâ natas, & rursus magnam Maculam, ex multis minoribus enatam, vel Maculas ex Faculis, vel Umbras ex Maculis vel Faculas ex Umbris partim majores, partim minores; partim crassiores, partim tenuiores, imò quandoq; tantas, ut trientem diametri Solis æquent, & suâ magnitudine hemisphærium terræ queant obtegere, deficientes tamen paulò post, & ad nihilum recidentes, dixeris esse mutationem ab esse ad non esse. Ego verò mi Peripatetice, ex his nihil aliud colligere & adfirmare possum, nisi majorem alterationem in Sole, quàm hîc in Terrâ. Sed vos duri Capitones è grege Peripateticorum, nondum hac ἀποφύλαξ forsan adducimini, ut huic sententiæ subscribatis; quin potiùs excipiat, credo, has apparitiones posse esse fallaces, & meras illusiones visus: vel phœnomena illa Macularum & Facularum in aëre, & non in æthere existere. Verùm Antagonistis illis, ut tempori ac chartæ parcam, has sequentes quatuor tantùm rationes, responsionis loco, ad diluendum propono.

1. Nullum corpus sublunare, motum ejusmodi regularissimum exercere potest, qualem Maculæ continuò servant.

2. Si Faculæ longè infra Solem subsisterent & moverentur, utique sæpe extra discum Solis apparerent: at hoc nunquam fit, sicut ex luculentis observationibus constat.

3. Quod si hæ Faculæ non forent genuinæ Solis partes, sed aliquid singulare extra has, sequeretur, lucidius clariusque lumen, quàm ipsum Solis (eò quòd Faculæ per se sint longe splendidiores, ut suprâ ostensum) in Naturâ rerum dari posse. At enim, hoc non tantùm rationi, sed & ipsi sacrae scripturae repugnat. Quandoquidem Ecclesiasticus cap. 43. v. 17. ait: *Lumen Solis esse omnium fulgentissimum.* Enimverò, quia non clarius nec illustrius lumen, quàm Solis est, dari potest, sequitur, Faculas esse genuinas Solis partes.

4. Præterea, si hæc phœnomena ex aërea regione nobis illucescerent, tunc notabilem parallaxin tam longitudinis, quàm altitu-



altitudinis gignerent. Nam etiamsi ea locarentur supra Lunam, nihilo secius parallaxin integri gradus obtinerent. At verò, quoniam omnis parallaxeos sunt expertia, sicut ex omnibus observationibus, quæ diversis in locis etiam remotissimis, tam in Indiâ, quàm in Germaniâ, eodem tempore, fuerunt consignatæ, fit conspicuum: omnes quippe ea parallaxi carere animadvertunt. Nam quando Sol penes nos incontaminatus, hoc est, sine Maculis apparet, tunc in omnibus universæ Terræ regionibus talis quoque conspicitur. Ex quo firmissimè colligitur, hæc Maculas & Faculas, non solum Lunâ, Mercurio & Venere esse altiores; sed æque altas, atque ipsum Solem, imo ab ipso Sole non avellendas, ob rationes jam allatas & vi Axionomatis Astronomici: *Quò minori Parallaxi corpus athereum est prædictum, eò sublimius fertur: & quò majori deprehenditur, eò terra est propinquius.* Quam demonstrationem nemo Philosophorum, nec ipse Aristoteles, refellere poterit; est namq; invictissima & evidentissima. Etsi verò hæ rationes adductæ firmo stant talo, tamen vereor, ut aliquid apud Peripateticos hisce proficiam: siquidem omnes illos, qui generationem ac corruptionem, in Cœlo probant, odio plus quàm Vatiniano prosequuntur, ut & istos, qui ejusmodi argumenta in medium proferunt. Tanta est præoccupatæ hujus opinionis, cœlum esse omnis generationis ac corruptionis experts, efficacia, quæ veritati planè vim infert. Propterea ego ferè despero, me illam opinionem convellere posse.

Facilius equidem crederem, ipsum Aristotelem, si in vitam rediret, proclivius nostræ sententiæ, quàm discipulos suos, accessurum, & omnia argumenta allata concessurum: siquidem citra dubium, incorruptibilitatem cœli inde colligit, quòd nec ipse, nec omnes reliqui Philosophi ante ipsum, aliquid notabile, in Cœlo animadvertissent, ex quo generationem ac corruptionem cœli efficere possent. Quod fundamentum eò usq; perstitit, donec contrarium fuerit probatum. Iam verò, quia demonstrationibus certis & testimoniis haud fallacibus ostensum est, hodieq; fide oculorum haudquaquam fraudulentâ & fucosâ confirmari, commonstrari, ac in tenebris quasi manu prendi potest, in Cœlis dari tam magnas, tamque mul-

*Inveterata  
opinionis ma-  
gnavis est.*



tas alterationes, quantæ & quot in globo nostro Terreno non deprehenduntur, ideoq; omni asseveratione cogimur affirmare; *Cælum esse Alterationibus obnoxium*. Quamobrem, si hodie redivivo Aristoteli, Maculas & Faculas in Sole ante oculos ipsius statueremus, & liquidò monstraremus, non dubitarem, quin tantus Philosophus perspicacissimo suo ingenio, tanquam Veritatis Cultor & fraudis inimicus, statim desertâ suâ priori sententiâ, totus in nostram iret, eamq; strenuè posthac defēderet. At verò sectatores (proh mirū & improbable!) planè alio modo philosophantur, quàm eorum Doctor & Ductor, qui dicere generosè & laudabiliter est solitus: Amicus Plato, Amicus Socrates, sed magis amica veritas. Etenim ideò solùm incorruptibilitatem Cœli statuunt, quia Præceptor eorum Aristoteles, sic statuit, dixit, atq; scripsit. Atque hoc argumentum ab autoritate Aristotelis, pluris faciunt, quàm omnes rationes, observationes & evidentes demonstrationes in contrariam partem. Verùm quæ, qualis, & quanta sit, hæc Peripateticorum probatio, quilibet veritatis amicus, facilè perspicit. Pluribus quidem possem, hunc motum Macularum persequi & asserere; sed quia non id primarium meum institutum est, & præterea jam satis abundè de eo à P. C. Scheinero in publicatâ Rosâ Vrsinâ actum, idcirco B. Lectorem, qui plura de hâc materiâ scire gestit, hunc Autorem consulat, moneo. Quicquid autem hætenus de hisce phœnomenis Solis à me scriptum fuit, id non alienis, sed meis, iisque quàm fieri potuit accuratissimis & compluribus observationibus edoctus verum comperi. Hinc verò earum nonnullas Selenographiæ meæ, in gratiam Astrophilorum, inserui, ut scilicet illustrarent ea magis, quæ brevitatis studio fortassis obscure à me dicta videbuntur.

*Methodus  
observandi  
Maculas.*

1.

Quod ordinem attinet observandi Maculas, studui hîc totus insistere vestigiis Scheineri. 1. Proinde operam dedi, ut motum ac progressum quotidianum, cujuslibet Maculæ & Faculæ, quàm diu in disco Solis perstitit, circulo includerem, nec non interdum duarum diversarum Macularum aliquantum dissitarum, ac distinctarum integras periodos in uno eodemq;

2.

circulari schemate exhiberem. 2. Linea per centrum ducta

notat



notat Eclipticam Solis : A, lævam versùs est margo orientalis, quem Maculæ primùm ingrediuntur; B est limbus occidentalis, dextram versùs, Macularum, quem sub egressum ultimò attingunt. Et hi sunt ambo Horizontes Solis, nempe A & B.

3. Quævis peculiaris Macula est seorsim suis literis elementariis signata. Numeri denotant diem, quo sunt observatæ Maculæ : adjunctæ tabellæ verò, commissum est tempus in horis ac minutis, quo observatio fuit peracta, & appositum m antemeridianum, ac u, pomeridianum tempus significat, simul etiam angulus Eclipticæ & verticalis est expressus. At tempus, non ex altitudine Solis, ut Scheinerus fecit plerunq; in suo opere, sed ex Sciatherico horologio in horas ac minuta distributo. Nam iste modus & facilior est, nec ad lapsum tam pronus, atque alter : modò de Meridianâ lineâ certò constet, & partitio horaria rectè fuerit instituta, ad certam nempe elevationem Poli : alter autem modus imperitis ac incautis multifariam errandi occasionem potest præbere. 4. Faculæ & Maculæ in Figuris representatæ, de die in diem, annuente cœli serenitate, sunt observatæ; præterea diligenter fuit determinata earum magnitudo, proportio, distantia, ut & color, densitas, nuclei, umbræ & cognatæ res, ita ut omnia, quæ faciunt ad explicationem formæ ac motus earum, summo studio sint animadversa, æriq; incisa. 5. Quid ulteriùs in earum observatione quotidie occurrerit, quomodo miris variaverint modis, suam figuram, quem motum diurnum & annum obtinuerint, & quid insuper animadversione dignum circa illas, id ex adjunctis notis, & descriptione illarum clarè perspicias, & longè meliùs intelliges, si figuras omnes insertas probè consideraveris, & observationes tibi familiares reddideris. Demumverò, ex his ita præcognitis quædam jucundæ quæstiones etiam, haud difficulter solvi poterunt.

I. An Maculæ sint dicendæ stellæ, quæ circa Solem suum motum exerceant, eumq; constanter ac semper observent? Nam, quid ad hanc quæstionem respondendum sit, ex observationibus haud obscurè patet. Quòd enim nequeant esse stellæ, ex his colligitur. Primùm, Maculæ nunquam ferè apparent rotundæ,

*Quæstionum  
enodatio.*

*An Macula  
sint stellæ?*



rotundę, stellę verò semper. 2. Deinde si essent stellę, non tam miras subirent mutationes, nec jam majores, jam minores conspicerentur, sed eandem formam obtinerent. 3. Oporteret, illas singulis diebus & omni tempore reverti, & nunquam evanescere. At hoc non fit. Quare rectę inferitur, Maculas non esse stellas.

2. *Questio.*

II. An Maculę nigrescentes communiter crescant, & au-  
geantur : albescentes contrā decrescant & diminuantur ? Re-  
spondetur, quod sic fit.

3. *Questio.*

III. Vtrum Faculę plerunq̃ue Maculas magis sequantur,  
quā pręcedant; an verò se se magis Eurum, quā Zephy-  
rum versū extendant ?

4. *Questio.*

IV. Num Facula illucēte, ut plurimum Macula soleat eam  
excipere ? Respondeo : non contravenire observationes.

5. *Questio.*

V. Quę testantur quoq̃, quod Maculę non circa centrum  
suum circumagantur, sed semper nobis eandem faciem ob-  
vertant.

6. *Questio.*

VI. Annon Maculę in Faculas abeuntes plerunq̃ue majores  
evadant, quā antea fuerunt ? Et hanc quęstionem sine  
ullā dubitatione affirmandam esse docent observationes. Plu-  
res quoq̃ue alię ejusmodi quęstiunculę, de conditione Macula-  
rum & Facularum, ex ritę perceptis comprehensisq̃ue his ob-  
servationibus, queunt decidi, quas perspicacię Benev. Lectoris  
committo eruendas & determinandas : restat namq̃ue adhuc  
aliquid dicendum, de methodo observandi has Maculas & Fa-  
culas, ad quā nunc accedo.

*Modi aliquot  
observandi  
Maculas So-*

*lis.*  
1.

Etenim istę diversis modis possunt notari, quemadmodum  
Scheinerus lib. 3. Rosę Vrsinę pag. 151. meminit.

1. Primò namq̃ue libero nudoq̃ue oculo hę Maculę, præser-  
tim majores insignioresq̃ue in Sole, vel oriente vel occidente,  
vel etiam nonnihil caliginosis vaporibus impedito, queunt  
spectari.

2.

2. Quando speculum equabili & planā superficie præditum  
ita aptatur, ut in eo tantū pateat exiguum quoddam foramen  
circulare, idq̃ue radiis Solis opponitur, tum & ipsum satis evi-  
denter Maculas & Faculas Solis in paulò remotiore (ad pedes

20. vel



20. vel plures à speculo) pariete aut albâ tabulâ repræsentabit: siquidem radius Solis reflexus, eò usque clarè penetrans hoc potest præstare.

3. Si radii Solis per angustum & rotundum foramen obscuræ camerae trajecti incidant in obtentam tabulam albam, tunc etiam imago Solis cum Maculis in conspectum veniet, modò locus undique sit obscurus, & conveniens intervallum, quindecim vel etiam viginti pedum, inter tabulam ac foramen interjectum: alioquin nisi hæ circumstantiæ observentur, parum vel nihil de Maculis Solis videbitur.

4. Quando duo vitra colorata sumuntur, & illis folium papyri candidioris tenuissimâ perforatum acu inseritur, & cerâ vel bitumine ea conglutinantur; tum etiam Maculæ, sine læsione visus, (ut & Eclipses Solis) queunt observari; inprimis cum nulla alia præstò sunt adminicula.

5. At verò longè melior est observandi modus per Helioscopium in Solem directum. Sed quomodo illud sit præparandum, suprâ capite secundo, à me fuit explanatum.

6. Nec ille modus prætereundus, ubi radius Solis per unicum vitrum convexum foramini (inprimis mobili) inclusum immittitur in cameram obscuram. Verùm si distantia, inter vitrum & oppositam tabulam, non satis ampla datur, tunc ægrè quoque Maculæ in tabulâ poterunt agnosci.

7. Optimus autem & commodissimus est modus, observandi Maculas per Telescopium, præsertim si rectè ille adhibeatur. Sol igitur, cum versatur, vel in ortu vel in occasu, Tubo optico inspectus, si quas obtinebit Maculas, prodet. Christophorus Scheinerus sæpe eas in Sole tenui nubeculâ cincto, Telescopio contemplatus est. Atqui alicui suasor non sim, ut simile quid tentet facere: fieri namque facilè poterit, ut Sol dissipatis nubibus, inopinatò clarissima ejus lux oculo, hoc oculari utenti effulgeat, illumq; unâ vice ob vehementem radiorum Solis in oculo concursum, nimiumque hinc natum calorem, planè obcœcet.

8. Quocirca inter alios observandi Maculas Solis, jam memoratos modos est præstantissimus, qui fit cum Machinâ He-

N

lioscopi-

8.  
Præstantissi-  
ma ratio Ma-  
culas Solis  
observandi.




lioscopica, C. Scheinero excogitatus, & ferè semper maximèq; frequentatus. Hæc Machina est peculiare organum, cujus meminit lib. 2. cap. 22. pag. 105. cap. 34. pag. 138. & in principio libri tertii pag. 151. ubi prolixè illud describit. Etenim ex diversis partibus, nec non asserculis, est constructum, quibus Telescopium firmatur ac fulcitur : è regione Tubi Tabella chartacea appenditur, stans ad angulos rectos, in quam Sol cum suis Maculis recipitur. Tota verò machina firmissimè inter se connectitur, ita ut una pars sine alterâ nequeat moveri. Hanc autem Machinam, quoties Maculæ Solis per eam observantur, oportet semper modò attollere, modò deprimere, prout Sol vel ascendit vel descendit : & quia Sol motu diurno velociter progreditur, ut is, qui Tabellam & totam Machinam ad hunc motum vult promovere ac regere, flexis genibus innitatur necesse est, ne Sol observatorio circulo excidat. Verum enim verò admodum difficile, imò ferè impossibile est, ut unus homo directiùs gubernandæ huic machinæ, ad motum Solis, simul observandis ac notandis Maculis sufficere possit.

9.  
*Alius omnium  
 optimus mo-  
 dus observan-  
 di Maculas  
 Solis per fa-  
 cile parabi-  
 lem Machi-  
 nam.*

9. Posteaquam autem structuram hujus Machinæ diligentius mecum expendi, faciliorem & commodiorem modum observandi Maculas adinveni, ita ut unus aliquis citra difficultatem Machinam regere, idemque simul possit observationi vacare. Modus hic administratur per foramen mobile & versatile, de quo Scheinerus in suâ Rosâ Vrsinâ lib. 2. cap. 5. & pag. 73. affirmat, *quod id efficere, sit artis laboris, sumptusq; non vulgaris* : & capite 6. pag 74. addit, *quòd is qui hanc difficultatem superaverit, rem non vulgarem consequatur*. Hæc autem inventio non solum opportuna est observationi Macularum, sed & Eclipsium Solarium, in quibus ut omnia rectissimè & accuratissimè administrantur, maximopere requiritur. Quam ob rem operæ pretium erit fabricam istius Machine nonnihil uberius ac clariùs hic describere, simulque adjicere rationem instituendi observationes per eam : hunc in finem, & ut eò melius simulachrum Machinæ Helioscopicæ Benevolo Lectori ante oculos statuatur & exprimatur, idcirco eam diligenter æri incisam subjicere & declarare volui.











1. Hic autem modus observandi equidem in camerâ obscuratâ instituitur : attamen non sanè opus est ut adeó sit tenebricosa, qualis intensa requiritur obscuritas, cum species rerum visibilium forinsecus constitutarum, ad tabulam transferuntur, ac in eâ præsentantur : una namque fenestra manere etiam potest patula, ut & janua sine ullo impedimento. In ejusmodi conclavi, vitrearum fenestrarum loco oportet habere ligneas: ex medio unius harum quadratus asserculus est resecandus, ut in locum hujus foraminis, alia quædam fenestella lignea, convenientibus juncturis aptata subire queat, sicut ex f in adjunctâ figurâ L apparet. In hac fenestellâ rursus foramen, sed rotundum, ad capiendum globum mobilem ac versatilem ad omne latus quaquaversus, excavetur; is autem sequente modo paratur.

*Enumeratio  
partium hu-  
jus Machine.*

*Prima pars  
est fenestra  
gemina li-  
gnea.*

2. Sphæra quædam, vel ex solido siccoq; ligno, cujus diameter octo vel novem æquet digitos, est efformanda & exactè rotundanda; vel ex orichalco, quod durabilius (quo & ego sum usus) adornetur : at verò intus sit, hæc metallica sphæra cava, ita, ut superficies ejus tantum ad quadrantem unius pollicis crassa sit, ne nimia gravitate fiat intractabilis. Hæc sphæra contineat perforatum foramen rotundum, duos pollices circiter amplum, ut ei canalis itidem ex aurichalco formatus b, commodè queat inferi. Is sesquipedem longitudine adsequatur, habeatque duas agglutinatas quadratas fibulas, quales r exprimit, ut, instar vaginularum, quadratum baculum g octo vel novem pedibus longum arctè possint recipere.

*Sphæra cum  
canali.*

3. Hic globus, cujus axem canalis pertransit ad dictum modum efformatus, orbiculo k (cujus latitudo sit unius digiti) est claudendus : eum namque ambient, duæ tabulæ d ad formam globi curvatae & cavatae, quæ globum undique cingunt, & firmâ junctione tenent, ut nullus unquam excidendi locus sit; in omnem tamen loci positionē, ope canalis b, pro lubitu, utrumque latus versus, sursum ac deorsum moveri atque flecti, sine ullâ difficultate, modò globus sit perfectè rotundus, possit. Ne verò aliqua uspiam pateat rimula, per quam lux penetret, ideoque orbiculus k & tabulæ d albâ alutâ sunt opplendæ.

*Orbiculus &  
duæ tabulæ  
Machine.*



Deinde alia ansula, nempe e, priori orbiculo adnectitur, ut ejus ope sphaera fenestellæ f clavis queat adfigi, veluti apposita figura facit manifestum.

*Vsus harum  
partium.*

4. Istud eò imprimis deservit, ut semper hæc machina, quando non placet observare, unà cum canali b & fenestella f eximi, imò exigente observatione aliam plagam, Eurum, Austrum vel Zephyrum versùs ea in aliam ligneam fenestram, jam ad hunc usum destinatam & paratam inseri possit.

*Fabrica facili-  
oris cujus-  
dam Machi-  
nae ex lignea  
sphaerâ.*

Ejusmodi sphaera mobilis etiam minoribus sumtibus, ex aliâ viliori materiâ, nempe ligno firmo concinnari potest, quemadmodum talis globus fenestellæ aptatus cum omnibus necessariis partibus æri incisus in præcedente Figurâ F repræsentatur. Etenim hic tantùm requiritur Globus exactè ad tornum rotundatus, sicut isthic est k : atque fenestella l habet perforatum foramen rotundum, cujus exterius latus minus sit circulo maximo Globi. Dehinc sit etiam in promptu circulus ligneus, cujus foramen non amplius sit, jam memoratâ fenestellâ, ut ex m apparet. Globus igitur, fenestella, & circulus ligneus sunt tres præcipuæ partes hujus facilè parabilis machine. Proinde globum k impone tornato foramini, quod inest fenestellæ l, eidemque globo superinduc circulum ligneum m, quem quatuor ligneis cochleis arctiùs adstringe, & junge fenestellæ. Hoc facto globum à fenestellâ & circulo ligneo comprehensum, in omnia latera, & angulos poteris flectere ac dirigere : vide tamen, ne lumen aliquod possit penetrare, neve non rimulas, si quæ adsint, obtures. Regimine verò cochlearum, motum Globi, modò laxiorem, modò arctiorem reddere poteris, prout eas vel adstrinxeris vel dilataveris, quo pacto metallicum globum tractare nequies, ob suam gravitatem. Hinc ligneus, altero ex orichalco, est ad imponendum & eximendum, tractabilior. Et quamvis hic globus ligneus, facile videatur inventum, si obiter duntaxat consideretur : tamen idem multis aliis etiam rebus utiliter applicari potest, utpote Sextanti, Radio, & aliis instrumentis Astronomicis, cujus ope, quaquaversum commodè moveri possunt. Sed de iis hoc loco non attinet plura dicere.

5. Postea



5. Postea ad observationem Macularum requiritur etiam scamnum m, quod ex diversis partibus (veluti in adjuncto diagrammate imago ejus est expressa) constat, & primùm quidem valido ligno tribus pedibus longo, & quatuor fulcris innitente, ut stare queat immobile. Dein huic scamno, duo ligna perpendiculariter erecta adfigantur, quæ æquent longitudine quatuor pedes vel circiter; hæc spirarum tortilium sculpturâ constant, & cochleæ dicuntur, ac repræsentantur per x & y: per has trochleas trajiciuntur, duo Pericochlia o o, ut horum ope, asser n cochleis imponendus pro re natâ vel attolli, vel etiam deprimi possit.

*scamnum & ejus partes.*

6. Præparatis jam his adminiculis, tum ad observationem Macularum accedi potest. Quocirca primùm fenestella, unâ cum globo & canali aptè combinata, majori lignæ fenestræ imponatur: dehinc Telescopium bonæ notæ canali indatur, & longior baculus g, fibulis r: ex adverso autem constituatur scamnum m, cum suis erectis cochleis ac asserere n; longiori verò baculo aptetur ad angulos rectos tabella h, quod faciliè fieri potest, modò tabella sit satis crassa: at dorso tabulæ duæ parvæ fibulæ adduntur, quibus teres ferrum i inseritur, ita ut hoc possit moveri; huic aliquod perpendiculum appenditur, ut hujus ope, angulus verticalis & Eclipticæ, vel potius punctum verticale, possit observari.

*Modus connectendi hæc Machinam, ut unum fiat corpus.*

7. Huic tabulæ folium, mundæ & candidæ papyri, cum cerâ agglutinatur, in quo ducendus quidam circulus, qui observatorius dicitur, sicut in adjunctâ figurâ conspicitur: postmodum tubus opticus beneficio baculi longioris, qui globum & tabellam unâ disponit, ad Solem est dirigendus, ita ut Sol suis radiis in tabulam adlabatur, & circulum observatorium collustret. Quod dum fit, attendendum est diligenter, num discus Solis major minorve sit circulo observatorio s, z, u, vv, &c. Si namq; hoc fiat, tunc vel tabella baculo inserta magis à globo est elonganda, vel Telescopium in canali b, est dilatandum aut contrahendum; id quod haud difficulter fieri potest, eò quòd tubus canali impositus, suos liberos servet ductus, & tantummodo linteolo obstruatur, ne vel excidat vel lumen Solis

*Ratio tractandi hanc Machinam, & observandi Maculas Solis.*



ad latera per aliquem rimam penetret : atque hoc pacto discus Solis observatorio circulo satis exactè potest accommodari. Attamen semper præstat initio attentè observare & notare, quantum peripheriam discus Solis, secundum longitudinem baculi & distantiam, in chartâ tabellæ formet, ut circulus observatorius exactè magnitudinis rectè determinari, & postea semper usurpari queat.

*Quæ ad instituendâ perfectam observationem Macularum Solarium requirantur.*

8. Priusquam autem incipias observationem, in promptu tibi sit sciathericum Horologium, minimum in terna & ternâ, vel, si fieri potest, in singula minuta divisum : postea in mensulâ, alteri fenestræ admotâ, sit accuratè expressa linea Meridiana, cui secundum horizontem sciathericum horologium appone. Post hæc instituatur observatio, ita ut Sol circum observatorium collustret : hoc dum ritè fit, tum Macula stilo quodam plumbeo signetur ; quo pacto perpendiculum ita est dirigendum, ut in centrum circuli observatorii incidat, & hujus ductu punctum verticale ad s notandum, & simul exquisitum tempus horarium, ex sciatherico horologio alteri fenestræ admoto depromendum, & unâ cum die observationis in chartam referendum.

*Quid in Macularum legitima delineatione sit observandû?*

9. At verò non unâ observatione sis contentus, sed mox fac denuo periculum, an Macula nova, in conveniente distantia, tam à peripheriâ, quàm alterâ Maculâ rectè se se habeat, ut & magnitudo, facies & forma ejus ? Insuper utrum densior, an verò rarior, nucleone sit prædita, an verò non ? Nihilo quoque segnius Faculas, si quæ adsint, præsertim quo in loco primum extiterint, vel evanuerint, quomodo creverint vel decreverint, clariùsne, an verò obscuriùs apparuerint, & horum similia notabis ; quemadmodum frequens usus hoc quemlibet docebit, & idem ex meis observationibus fit conspicuum. Cum primis etiam est animadversione dignum, quòd si distinctæ, vel Macule vel Facule adsint, ita ut illæ non unâ vice possint consignari, tunc opus erit, ut singularis harum observatio, ut & puncti verticalis exactique temporis instituatur ; etenim, si nimis diu hisce immoraris, facile potest error committi, eò quod angulus verticalis & Eclipticæ, citò mutetur, & proinde etiam punctum verticale.


10. Post-



100

100







10. Postquam igitur uno die, Maculę Solis cum genuinis coloribus, umbris & Faculis, rectè sunt notatę, tum de die in diem, fudo existente cœlo, ille labor est continuandus, ut ex hisce accuratis observationibus Macularum, cursus & mirabilis mutatio, deprehendi possit. Pręterea hęc animadversione dignum est, quod Sol semper in tabulâ & circulo observatorio, suam faciem inversam exhibeat, ita ut verus limbus Solis orientalis hęc z sit, & occidentalis vv : sic & superior pars Solis in Eclipticâ, in circulo observatorio quasi esset inferior, præsentatur : quamobrem, si Macularum nativus situs in Sole representari debet, tunc circulus observatorius, unâ cum Maculis, & chartâ planè est invertendus, ita ut posterius latus chartę fiat prius, & pars signata u superiorem, signata verò s inferiorem z semper sinistrum, & vv dextrum occupet locum.

*Quid ulterius in continuatione observationum sit attendendum?*

*Modus hic observandi Maculas Solis Scheineriano præferatur.*

11. Quod hic modus observandi, sit longè faciliior & expeditior, quàm Machina Helioscopica Scheineriana, quilibet, qui utriusque rei fecit periculum, fatebitur. Hęc enim discum Solis, sine aliquâ difficultate, tam in chartâ, quàm in circulo observatorio possum retinere, dum tabellam lente moveo, eamq; motis cochleis vel attollo, vel deprimō; aut etiam imponendo unum digitum baculo, universam hanc Machinam dirigo, veluti hoc quemlibet experientia, rerum Magistra, luculenter docebit.

12. Investigatio autem Eclipticę in circulo observatorio valde est necessaria : quippe sine illâ omnis observatio est imperfecta. Hęc autem inquiritur per angulum Verticalis & Eclipticę, qui diversis modis vel mechanicè, vel beneficio calculi cognoscitur, sicut sphæricę doctrine Doctores & inter alios etiam Scheinerus, in suâ Rosâ Vrsinâ; lib. 2. cap. 38. 39. & 40. pag. 144. & 149. docet. Modus equidem explorandi hunc angulum, per calculum est omnium certissimus, sed simul magno labore & molestiâ conjunctus, præsertim, cùm complures dantur observationes. Quocirca aliam rationem sum ingressus, non quidem eam, quâ communiter usus est Christoph. Scheinerus, quærendo eum per Globum, vel Astrolabium, eò quod hic facilis lapsus intra unum & alterum gradum fieri queat; sed con-

*Angulus Eclipticę ac Verticalis hęc requiritur, & quo modo is sit investigandus.*



sed construxi peculiarem tabulam, nostrę Gedanensi Elevationi Poli, quę est  $54^{\circ} 23'$  accommodatam, ita ut omnes angulos Verticalis & Eclipticę, per integrum annum computaverim, ad singulos gradus Eclipticę in duodecim signis, & ad quamq; semihoram, & hęc una opera in omne tempus sufficit: ut verò labor hic admodum sit operosus: tamen si quis eo jam est defunctus, tum sit pergratus, jucundus & modus excerpendi angulos ex eâ perfacilis & minùs molestus, modò habeatur ratio partis proportionalis. Neque etiam hic modus est errori obnoxius, si locum Solis intra gradum tantum habeamus cognitum, & tempus verum observationis: hęc namque præcognita mox angulum commonstrant. Ipsam hęc apponere tabulam non necessarium duxi, quoniam unicę Latitudini Dantiscanę Civitatis deservit, in quâ vix adeò multi Vranię Cultores inveniuntur. Qui alio in loco ejusmodi observationes vult instituire, is, ad minuendum multum laborem, & lucrandum tempus, hanc operam concinnandi Tabulam Angulorum Verticalis & Eclipticę, cum otium suppetit, suscipiat, & suę Elevationi Poli applicet: siquidem hac ipsâ, studium recte consi-gnandi Maculas, in legitimo puncto verticali mirè levabitur.

*Ratio inve-  
niendi Ecli-  
pticam Ma-  
cularum So-  
lis.*

13. Angulis itaq; ex modò dictâ tabulâ, ad quamlibet Macularum observationem inventis, necesse est, ut primò perpendiculum, ope regulę ex puncto verticali signato, per centrum Solis, ducas, ex puncto *s*, u versùs: postea, si tempus observationis est antemeridianum, tum angulum, beneficio semicirculi legitimè in gradus distributi, (quem Transportorium vocant) circulo observatorio applica, à lineâ verticali, vel puncto *s*, sinistram orientalem limbum *z* versùs procedendo, eumque in peripheriâ circuli observ. nota. Dehinc duc lineam per hoc punctum & centrum; tunc veram Eclipticam Solis ac Macularum adinvenisti, tempore observationis. Quod si hęc observatio horis pomeridianis est habita, tum hunc angulum ex altero latere occidentali sinistro *vv*, ab *s* numerando efformes. Delineatâ jam Eclipticâ hoc modo in omnibus figuris ac singulis observationibus, restat, ut Maculę ac Faculę, quę intra 14 dies vel circiter conspectę sunt, in unum circulum ob-servato-



fervatorium, quantum fieri potest, redigantur, ut commodius earum Motus diurnus & annuus, nec non magnæ alterationes, queant deprehendi. Hoc autem facile fit, quando centra circulorum observata acu jungis, & unam Eclipticam alteri applicas: sic enim Maculæ in aliâ mundâ chartâ purè possunt exprimi. Id autem in reliquis omnibus continuatis observationibus, quas evulgare cupis, agendum est. Postquam igitur Maculæ in unam chartam & figuram sunt relatæ, scias & earum positum esse inversum, prout durante observatione, in Tabellâ visæ sunt. Quamobrem & hic (quemadmodum etiam suprâ, numero 10. memini) opus est, ut omnes Maculæ in unâ figurâ expresse, perforentur acu, ut in altero latere fiant conspiciuæ: hoc namque pacto in mundâ chartâ denuo legitimo ordine consignatæ, possunt repræsentari, prout reapse sub Sole motum suum exercuerunt, non aliter quasi Telescopio eas in Sole vidisses. Hic quidem modus rectè exprimendi curriculum Macularum subter Solem cum labore & tædio est conjunctus: conatus & alacritas tamen legitimè exhibendi motum earum, omnem molestiam debet tolerare, & superare. Sed & labor iste non nihil minui posset, si ad eum tubus opticus ex duobus convexis paratus adhibeatur: hic enim refert Maculas in Tabellâ eo situ, posituque quem in Sole obtinent, sicut etiam hujus supra capite secundo, mentionem feci. Itaque huc usque de ratione observandi Maculas Solis à me dictum esto. Quod si quispiam fortè nonnulla in hisce non satis explicata desiderat, hunc rursus ad Rosam Vrsinam Scheineri ablego, qui de unâ hac materiâ prolixum conscripsit tractatum. Interim nullus dubito, quin si Benev. Lector rem ipsam sit ingressurus, & observationes ipse concinnaverit, ultrò sit ingenuò confessurus, à me quoque omnia, quæ huc spectant, sufficienter in medium esse allata.

*Modus delineandi Maculas observatas.*

14. Hicque jam memoratus, per sphæralem Machinam observandi modus, etiam convenienter ac utiliter, imò longè convenientius & utiliùs, quàm reliqui omnes, ad Eclipses Solares adhiberi potest. Si non vis usurpare Tubum opticum ad declinandam majorem refractionem, tum licet accipere vitrum

*Nobilissimus modus observandi item Eclipses Solis per hanc Machinam hæc detegitur.*

O

convexum




convexum planioris superficiei: postea in tabellâ exprime exactè circulum observatorium, cui include alias quinque minores æqualis distantia à centro, ad repræsentandum digitos Eclipticos, inò, ut omnem Solis defectionem eò accuratiùs observes, 24. circulos concentricos poteris efformare, ut & quadrantes digitorum Eclipticorum indicent. Sole igitur deficiente, intra spatium duorum extimorum circulorum, non solùm verum observationis tempus, & punctum verticale, sicut in Maculis facere consuevisti (ex quibus postmodum angulus Verticalis & Eclipticæ, & ex hoc, Ecliptica ipsa inquiritur) diligenter notes, verùm etiam in omnibus phasibus, & Segmentis circuli, curvatum latus Solis deficientis tribus punctis designatum, in quolibet segmento circuli, tam respectu peripheriæ, quàm mediæ partis, vel, quod præstat, integram lineam, perquàm diligenter annota; ex quâ deinceps exactam Lunæ diametrum elicies, ut & locum, quo Sol respectu Eclipticæ primùm incepit deficere: perspicias etiam, quomodo Luna subtermeaverit, & cursum suum quasi contorserit, & quomodo Eclipsis in orientali limbo defierit; quanta extiterit, quem angulum orbita Lunæ cum Eclipticâ constituerit, si puncta verticalia, ope perpendiculi, ad cuiusque digiti defectum, probè observata sint. Hæc omnia certè, si Sol tantummodo per nudum foramen in obscuram cameram adlabitur, nequeunt observari; quoniam hoc pacto cuspides deficientis Solis, semper obtusæ in albam tabulam incidunt: præterea Eclipsis Solis semper minor aparet, quàm revera ipsa est; sicut Kepplerus in suis Paralipomenis in Vitellionem cap. 1. pag. 54. demonstrat.

*Observatio  
Eclipsis.*

Vt autem hic modus observandi Eclipses Solares eò meliùs percipiatur, adducam in exemplum observatam à me Eclipsin Solis, Anno 1645. Mense Augusto, cui quoque Schema observationis adjungam. In hoc sex crassiores circuli, duodecim digitos Eclipticos referunt; subtiliores autem & intercurrentes concentrici, quadrantes digitorum; reliquæ omnes sectiones circulorum sunt phasæ Eclipseos Solis, quarum 30. sunt: adstantes numeri significant, quot digitorum ipsæ phasæ fuerint. Proposueram quidem plures observare phasæ, nimirum ad  
tactum











tactum cujuslibet segmenti circuli : verum intercurrentes nubeculæ & inquietudo aëris, hoc meum propositum impediabant, ita ut plures earum consignare nequiverim. In superiori parte dextram versum, initium Eclipsis Solis accidebat, postea Luna magis magisque Solem intercurrebat, eumque obscurabat eâ formâ, quæ ex appositâ figurâ M conspicitur, ita ut maxima Solis defectio hîc Gedani  $7\frac{1}{4}$  digitos æquaret : postea sensim decrescebat, ita ut finis in superiori margine sinistram versum conspiceretur. Quod verum tempus observatæ cujuslibet phasis hujus Eclipsis attinet, & illud Astronomiæ cultoribus hîc indicabo : hoc namq; non solum per accuratum sciathericū solare lineæ Meridianæ admotum; sed & per altitudines Solis, quoties illæ non obstantibus nubibus capi potuerunt, diligenter fuit indagatum, prout sequens recensio, illud, cum digitis & phasibus, ostendit.

## Eclipsis Solis, observata Gedani,

Anno Æræ Christianæ 1645.

Die 21. August. st. n.

### CRESCENTIS OBSCURATIONIS

Phases	Secundum accuratum Sciathericum lineæ Meridianæ applicat.			Altitudo Solis per Quadrantem Ori- chalc. sesquicub.			Tempora inde supputata.		
	Hor.	′	″	Grad.	′	″	Hor.	′	″
Initium	11	23	45						
$\frac{1}{2}$ digit.	11	27	0						
	11	31	30	47	15	0	11	31	6
$1\frac{1}{2}$ digit.	11	33	30						
2. digit.	11	38	0						
$2\frac{1}{2}$ digit.	11	42	30						
$3\frac{1}{8}$ digit.	11	45	30						
$4\frac{1}{4}$ digit.	11	56	0						
5. digit.	12	1	30						
$5\frac{1}{2}$ digit.	12	7	30						
6. digit.	12	11	30						
$6\frac{1}{2}$ digit.	12	16	30						
$6\frac{7}{8}$ digit.	12	21	0						



	Hor.	′	″	Grad.	′	″	Hor.	′	″
7. digit.	12	22	0						
7 $\frac{1}{8}$ digit.	12	25	0						
7 $\frac{1}{4}$ digit.	12	27	0						
7 $\frac{3}{8}$ digit.	12	30	0						
7 $\frac{1}{2}$ digit.	12	31	30						
	12	36	30	47	0	0	12	37	13
7 $\frac{3}{4}$ digit.	12	41	20	46	50	0	12	41	52


## DECRESCENTIS OBSCURATIONIS

7 $\frac{1}{2}$ digit.	12	45	30						
7 $\frac{1}{4}$ digit.	12	50	40						
7. digit.	12	54	45						
6 $\frac{1}{2}$ digit.	1	1	50						
6. digit.	1	6	0	45	40	0	1	6	8
5 $\frac{3}{4}$ digit.	1	8	30						
5 $\frac{1}{4}$ digit.	1	12	20						
5. digit.	1	15	30	45	5	0	1	15	36
4 $\frac{1}{4}$ digit.	1	20	0						
4. digit.	1	23	45	44	20	0	1	24	25
3. digit.	1	31	30						
$\frac{3}{4}$ digit.	1	47	30						
$\frac{1}{2}$ fere	1	49	0						
Finis.	1	53	0						
	1	56	0	41	55	0	1	55	50
	2	26	0	38	44	0	2	26	40
	2	30	0	38	24	0	2	30	0



## CAPUT VI.

DE LUNA IN GENERE, EIUSDEM MACULIS, lumine, modo illuminandi, aliisque hûc spectantibus scitu dignissimis rebus; tum quid veterum Philosophorum cohors de his rebus omnibus senserit, tum quid Astronomi ac Philo-Mathematici recentiores, ex certis infallibilibusque argumentis, inque naturâ fundatis, statuunt, brevis dissertatio.

 Vemadmodum Deus ter Optimus Maximus, pro suâ immensâ Sapientiâ & imperscrutabili consilio, corpora cœlestia ad certam mensuram & magnitudinem, creavit: ita non minùs illa in certo ordine distantiaque collocata discrevit, imò (quod permulti ingenio & sapientiâ summi viri sibi penitùs persvasère) in veram harmoniam cœlestem redegit. Inter omnia autem corpora cœlestia, Lunæ locum cœli inferiorem (ex vulgi sensu loquar) terræque viciniorem, assignavit: quo de utique nullus Philosophorum vel Mathematicorum, hâc nostrâ ætate, dubitat: & procul dubio non solum in hunc quidem finem, quantum imbecillis humanus noster intellectus fortè colligere nobis permittit, ut eò efficacius operationem suam in terram extendere, radiosque fortiores in nos terricolas spargere posset; sed, ut potius ex notabili suâ magnitudine, quæ ex viciniore distantia oritur, facilius & certius facies ejus peregrina, mirabilesque phasium vicissitudines, ac velocissimus, variusque ejus motus præ stellis cæteris cognoscatur, exploretur, ac perpendatur; quò scilicet felicius beneficio hujus, reliqua corpora Ætherea remotiora, & ratione apparentiæ minora, si non penitùs, aliquantò tamen veriùs, ratione animoque lustrentur atque ponderentur, quin imò ipse ex mirabilibus hisce operibus Creator Cœli & terræ suspiciatur, honoretur, atque celebretur.

*Corpora Cœlestia harmonice à Creatore sunt disposita.*

*Cur Deus Luna locum respectu terræ viciniorem assignaverit?*

Quam quidem causam finalem, antiqui illi Ethnici Philosophi



*Luna à veteribus Cœlestis disciplina prima Magistra habita fuit.*

*Antiqui Philosophi varias de Lunâ habuerunt opiniones.*

losophi ut omni ex parte non consideraverunt, eamque, quia lumine fuerunt destituti divino, attendere non potuerunt; nihilominus tamen ex illorum scriptis satis superque videre est, quod Luna ab omnibus, Cœlestis disciplinæ prima Magistra habita fuerit: quia nempe hujus & cursus & varietas in oculos facile incurrit, nec difficulter animum, ad alia cœlestia remotiora melius cognoscenda, quasi manu ducit: minùs enim à nobis remotorum corporum, majorem & in sensus magis incurrentem notitiam habemus. Idcirco initio statim, scalam Astronomicam ad Lunam, direxerunt, cujus videlicet beneficio sperarunt (nec frustra) paulatim cumque tempore ulteriùs, ad reliqua astra perveniri, & oculis atque animo, tum motum tum naturam essentiamque illorum explorari posse. Diversas itaque & mirabiles foverunt opiniones, de Lunæ figurâ, Maculis, lumine, & naturâ, nec de ullâ unquam, quàm de hâc materiâ, graviores & vehementiores conflictationes & disputationes, inter antiquos illos Philosophos viguere; quas insequentibus non solum breviter, sed maximè erroneas opiniones refutandas, & è contra veras magis magisque stabiliendas esse mecum planè existimo: ultrò quidem falsus, egregiè arduum sic mihi suscipiendum esse negotium, tum ad veterum placita examinanda, tum ad naturalem Lunæ vultum patefaciendum, ne ab hominibus cerebrò fictum potius admiremur opus, quàm à Creatoris DEI digitis factum.

*Faciem Lunæ esse imaginem Oceani Clearchus & Argesinax existimarunt.*

*Hæc opinio refutatur.*

Primò autem, ex antiquissimis Philosophis nonnulli, inprimis Clearchus & Argesinax, existimarunt, Maculas Lunares simulacra esse specularia & imagines magni maris in Lunâ apparentes, per reflexionem ad nos transeuntes; teste Plutarcho in libro de facie Lunæ. Cum sententiæ verò hujus falsitas, tum ipsius rei impossibilitas, hinc patet clarissimè: nam, cum certum sit, extraque omne dubium, Lunam circa totam moveri terram, idque fieri non motu solum proprio, viginti septem circiter diebus, sed & motu diurno, uti volunt Peripatetici spatium scilicet viginti quatuor horarum, inde omnibus terrarum incolis, ubivis locorum ea fit aspectabilis: idcirco, omninò necesse esset, eam, quæ aspectum, & quæ Macularum situm figuramque



figuramque, singulis momentis variari debere, quòd autem longè se aliter habet; taceo radios obliquè in speculum incidentes tantùm in partem planè obversam pertingere posse; quapropter omnia illorum simulacra quæ in terris sunt non ad nos sed in cœlum reflecterentur. Adhæc Luna nobis occidēte Antipodibusque oriente planè diversas Maculas quàm Europæis fore apparituras; nam cum mare unà cum continente aliam figuram ibidem præsentet; utique & aliæ Maculæ diversæ & mutatæ, ratione reflexionis, apparerent; quod sanè contra experientiam pugnat. Nullo enim unquam tempore, quantum memoriæ proditum habemus, majores illas & veteribus cognititas maculas, variatas fuisse legimus; quod & observationes hodiernæ, mare Æthiopicum, Pacificum & Indicum pernavigantium, satis superque confirmant.

*Maculae Lunares cum non sint variabiles, idcirco non possunt esse simulacra speculativa.*

2. Alii, ut Empedocles & Stoicorum permulti, Lunam mixturam & confusionem aëris caliginosi & ignis carbonosi esse; & quæ non ex se se accendatur, propriamque habeat lucem, sed obscurum quoddam sit corpus, semper fumigans & igne ustum: hinc ratione ignis, partim esse luminosam, ratione autem aëris caliginosi, partim obscuram, teste Plutarcho, statuerunt. Diogenes Physicus puniceam esse censuit, imò vitream translucidam & partim etiam obscuram. Pythagoras, Anaximenes, Parmenides & Cleantes, igneum corpus dixerunt. Zeno, Parmenidis discipulus, igneum astrum esse, mente præditum, & prudens, & artificio confectum; teste Francisco Patritio in Pan-cosm. lib 20. Sed hæ opiniones nullius refutationis indigent, cum nulli sint hoc nostro ævo, qui has amplectantur.

*Empedocles Lunam mixturam aëris caliginosi & ignis carbonosi esse statuit.*

*Diogenes puniceam esse contendit.*

*Alii permulti pro corpore igneo, mente prædito, habuerunt Lunam.*

3. Alii in hac opinione fuerunt, quòd certa corpora Solem & Lunam interjacentia, radiis Solaribus, ad quasdam partes Lunares, viam præcluderent, Maculis inde suam ducentibus originem. Qualia autem sint corpora, haud intelligo; namque si essent nubes, Maculæ continuò mutarentur, quæ tamen invariabiles permanent: si verò Maculæ Solares, cui quæso fuerunt illo tempore cognitæ? Et posito eo, tale quid ex illis Maculis posse oriri, hoc tamen hîc attendisse non sufficeret; quoniam & illæ mutantur, tum quoad situm, tum quoad substantiam,

*Alii putarunt ex certis corporibus Lunam ac Solem interjacentibus, Maculas oriri Lunares.*



tiam, imò interdum spe citiùs in Sole planè evanescunt, unde & Maculis Lunaribus talis mutatio competeret, quod sanè experientiæ omninò adversatur.

*Diogenes Lunam statuit circa axes mobilem cōvertibilemque, ab unâ parte proprium lumen habentem, ab alterâ nullius prorsus luminis esse participem.*

4. Diogenes Laërtius refert, Berosum Chaldæum docuisse, Lunam ab unâ parte proprium habere Lumen, ab alterâ verò penitùs esse obscuram; ita ut ex illius conversione corporis, lumen quotidie crescat, usque dum totum hemisphærium luminosum sit conspicuum. Impossibilitas autem hujus rei, & ex hoc facilè colligitur: cùm enim certa quædam Macula, exempli gratiâ, in phasi falcatae Lunæ crescentis ad limbum occidentalem sita esset, necessariò illa Macula paulatim ad ortum vergeret, sectionemque luminis & umbræ ad Plenilunium usque semper sequeretur; quo tempore, jam non in occasu illa prædicta Macula, sed in ortu videnda esset; quod autem non animadvertitur: sed, si Macula quædam peripheriæ occidentaliori adhæret, circa Novilunium, in quâdam phasi à conjunctione recenti, ibidem persistit, licet lumen Lunæ quotidie crescat: adeò ut Maculæ locum fixum ferè semper obtineant, unumque; solummodo hemisphærium nobis sit conspicuum; attamen Luna paululùm libratur: de quo suo loco & tempore fusiùs tractabimus.

*Maculae Lunares fixum semper obtinent locum.*

*Libratio aliqua Disci, in Lunâ animadvertitur*

*Peripatetici Lunam ex partibus densioribus atque rarioribus constare sentiunt.*

5. Peripatetici, ad partes densiores rarioresque stabiliendas, omnem movent lapidem: densiores, partem Lunæ lucidiorem, ob majorem resistantiam; rariores verò, ob minorem opacitatem, Maculas referre, ajunt; sed omnes inter non convenit. Alii enim Maculas Lunæ lucidiores, ex partibus rarioribus, quòd plùs luminis imbibant, oriri; Maculas verò obscuriores ex partibus densioribus, quòd non tantùm luminis non retineant, progenerari sentiunt: quia sibi imaginantur, quòd Luna non per radios Solis reflexos conspiciatur, sed quòd à Sole illustrata & completa lumen ejus effundat.

*Densiores partes opaciores, & rariores partes ab opacitatis infectione puriores nominat Aguilonius.*

Franciscus verò Aguilonius lib. 5. Optic. pag. 422. Densiores partes, opaciores, & rariores partes, ab opacitatis infectione puriores, nominat. Vt ut autem sit, res eodem recedit, nec ideo meliùs hæc sententia confirmatur. Nam si Maculæ Lunares (non loquor hîc autem, de illis majoribus, quæ nudo visu



visu spectantur, verum de reliquis minoribus, quas Montes & Valles recentiores esse autumant, & oculo armato solummodo aspectabiles fiunt) constantem quendam & invariabilem colorem quocunque tempore retinerent; speciem aliquam veritatis hæc opinio præ se ferret: at indicatæ Maculæ Lunæ minores, lumen & umbram de die in diem, imò in horam, variant: dum non solum obscuriores vel lucidiores, majores minoresve, & denique prorsus lucidissimæ evadunt; sed pars obscurior, nimirum umbra, continuo in orbem agitur, motum Solis respicit, caditque in partem ejus adversam, pro naturâ umbræ ex Sole oriente. Quodque umbræ projectio aliter fieri nequeat, ex Opticis omnino clarè probatur, ipsoque adeo Aguilonio libr. 5. Opt. prop. 60. pag. 424. inquit: *Corpus opacum in adversam luminis partem umbram projicit*; cum corpus opacum lumini imperivium sit, ut loquitur autor jam modò dictus lib. 5. Definit. 3. pag. 358. vel ut Franciscus Patritius lib. 2. de diaphano ait: *Opacum est, per quod lumini non est transitus*. Certissimum igitur est, ubi umbra, ibidem & corpus opacum dari, tanquam causam umbræ efficientem: nam corpus diaphanum umbram de se spargere haud valet, quia lumini pervium est. Quibus præsuppositis necessario sequitur, quòd si corpus quoddam opacum de se umbram projiciat, altius id etiam sit cæteris partibus; quæ elevatiores & depressiores partes, nullis sanè rebus convenientius comparari possunt, quàm montibus & vallibus. Hi Montes, quò magis in altum assurgunt, eò longiorem & obscuriorem; quò autem decliviores, eò minorem & debiliorem umbram projiciunt; quod iterum ex Aguilonio lib. v. ex confect. prop. 61. probatur: *Majus opacum corpus, majorem umbram prodigunt*: & ibidem: *Corpus opacum, quò plures radios luminosi intercipit, eò ampliorem umbram producit*. Hac de re multa insuper in præsens quidem dicerentur, quoniam verò inferius hæc opinio de Montibus in Lunâ revera existentibus confirmabitur, idcirco in commodiorem occasionem illa quæ restant, rejiciamus; quia in explicationibus Iconismorum Lunarium, faciliori etiam negotio, tanquam oculari demonstratione, id fieri poterit, ita ut quantum sufficit hac de materiâ in posterum simus disputaturi.

*Certe Maculae Lunares in continuâ variatione luminis & umbræ versantur.*

*Corpus opacum lumini resistit.*

*Corpus opacum umbram projicit.*

*A Montibus altioribus, longior & obscurior oritur umbra.*



Si verò hi dicti Philosophi, partes rariores, densiores, & opaciores, sic intelligi velint, ac si res quædam essent, quæ certis rebus terrenis, veluti paludibus, sylvis, aquis, & his similibus, non inconvenienter comparari possent; certè, non solum facilè, hæc concederentur; sed & haud absurda esse, satis superque posset demonstrari. Verum valde sanè dubito, quin hac in parte (ut solent esse difficiles) non nobis tantum, sed & veritati daturi manus: ac fortè etiam dicta pipulo excipient, quòd eorum majori contrarientur. Cum hoc enim malunt Aristotele, itemq; Plinio, Ptolemæo, Tychone, Scaligero, & Fromondo &c. statuere imò summis viribus stabilire; Lunam, cum ex stellarum sit numero, clariori, pellucidâ, incorruptibili & immutabili materiâ constare, subtilioremque esse ipso igne & aquâ; præterea lucem substantialem perfectam; hancque materiam duntaxat analogicè se habere ad elementarem; imò quintam esse essentiam, quæ materiam habeat homogeneam. Ad hæc autè respondeo; primùm, Lunam planè esse obscuram, & nullo lumine proprio præditam, sed omne lumen à Sole mutuari; & ideo corpus diaphanum & pellucidum minimè esse posse: quæ ipsa sententia nullis certè eget demonstrationibus, siquidem & rudioribus, ex luminis decremento & incremento uti & phasium vicissitudine, quâ ratione mox plena, mox gibbosa, dimidiata & falcata apparet, id satis constat. Proprium enim si haberet lumen, vel corpus diaphanum esset, semper lumine plena conspiceretur, etiam tempore Eclipseos, quando umbram terrenam incurrit. Ipsoque etiam Eclipseos Solis tempore (quæ ex solâ interpositione Lunæ, inter Solem & oculum nostrum proficiscitur) nulla planè foret obscuratio, si corpus diaphanum & pellucidum esset: loco enim luminis Solaris, quod tum tegere videtur, aut proprium suum lumen: aut Solis, ratione suæ diaphanæ substantiæ nobis communicaret. Sic enim in Opticis docemur: quòd lumen non impeditum, per totam sphaeram activitatis suæ, in instanti necessariò deferatur, & quòd luces coloresq; in corporibus diaphanis distincti penetrent: verum Eclipseos Solares contrariū confirmant; quæ sæpissimè tantas adduxerunt tenebras, ut non solum stellæ, circa meridiè effulserint, sed &

*Aristotelici  
Lunam ex  
materiâ cla-  
riori immu-  
tabili ac in-  
corruptibili  
constare, qui-  
tamq; esse es-  
sentiam ajūt*

*Ratio, cur  
Luna planè  
sit obscura &  
nullo prorsus  
lumine pro-  
prio prædita.*

*Luces & co-  
lores in Cor-  
poribus dia-  
phanis di-  
stinctos pene-  
trare?*



aves, ex aëre in terram deciderint, quod diverſi & fide digni Historici teſtantur. 1. Herodotus lib. 2. de bello Lydos inter & Medos. 2. Thucidides lib. 2. anno primo belli Peloponneſiaci. 3. Ptolemæus lib 5. Magni operis cap. 11. & Theon in ſuo Commentario. 4. Iulius Capitolinus, An. Chriſti 237. 12. Aprilis. 5. Ammianus Marcellinus lib. 20. 6. An. 1187. 4. Septembris. 7. Anno 1560. die 21. Auguſti, Clavius teſtis. *Conimbricæ Solem, circa meridiem, non modico tempore contectum latuiſſe, tenebrasq̃ fuiſſe quodammodo nocturnis majores; neq̃ enim quò pedem quis poneret, videri potuiſſe, clariſſimeq̃ ſtellas in cælo apparuiſſe: aves etiam, mirabile dictu, ex aere in terram, præ horrore tam tetæ obſcurationis, deciſiſſe.* Adhæc, quotieſcunq̃ Luna ſtellam aliquam & oculum noſtrum intercurrit, penitus ab illâ tegitur & obſcuratur, adeò ut nuſpiam appareat; quod aliàs, ſi ex parte tantum diaphana eſſet, impoſſibile foret. Idcirco meritò Luna corpus opacum, imò opaciſſimum, & omninò lumini impervium nominatur; judice ſcilicet Opticâ, uti jam ſatis oſtenſum, quæ ita corpus opacum definit, quòd radius corporis luminofi reſiſtit, neque tranſitum permittit.

*Ex Eclipſibus Solaribus deſiſſimas ſeſſime exſiſtiſſe tēbras, variis comprobatur Exemplis.*

*Luna ꝑ corpore opaciſſimo jure habetur.*

Verumenimverò inveniuntur, qui opacitatem & perſpicuitatem diſtinguunt, dum ajunt: Lunam non penitus eſſe opacam, nec penitus imperviam lumini. Quorum ſententia in duas abit partes; nam alii volunt penetrari à lumine ad aliquam uſq̃ partem profunditatis, non per totam; alii volunt, habere eam partes aliquas, per totam profunditatem perſpicuas, neque ſuperficietenus illuminari ſolùm Lunam à Sole, ſed imbibere uſq̃ ad aliquam ſui partem ejus lumen: neque per reflexionem reſundere hūc lumen ſolare lunam, quo pacto ex ſolâ extimâ ſuperficie reſunderet, ut ſpecula faciunt: ſed illud ut inſuſum; uti Claramontius lib. 7. cap. 10. pag. 157. meminit. Atque hic ita ibidem pergit; *lumen Solis incorporatur in Lunâ, ita ut Luna ſit corpus perſpicuum & tranſſparens, ſaltem circa ſuperficiem ejus, & fortè per totum, licet propter magnitudinem corporis lunaris lumen Solis non poſſit totum corpus lunare penetrare: ſic quòd æquè inter ſe appareat lumen in parte Lunæ verſâ à Sole, ſicut in parte Lunæ verſâ ad Solem. Sic ergo lumen Lunæ quod videmus, non eſt ſolùm lumen Solis reflexum ſuper corpus Lunæ, ſed lumen Solis Lunæ imbibitum & incorporatum.* Hæc quanti facienda, ex prioribus

*Alii Lunam partim eſſe opacam, partim lumini tranſitum permittere: alii aliter ſentiunt.*

*Claramontius putat, Lunam, lumen ſolare non per reflexionem, ſed illud ut inſuſum, nobis communicare.*



bus Eclipsibus & stellarum occultationibus satis superque liquet.

Cæterum alii sentiunt; totam Lunam per aliquas tantum partes & rimulas penetrari, à lumine Solis. Idque demonstrare conantur, ex diversis coloribus Eclipsium Lunæ: cum enim id temporis, Luna à radiis Solaribus, propter terram interjacentem, minimè illustrari possit, necesse, ut minimum pars aliqua sit luminis ejus proprii. Ego autem hæc non nego; sed potius confirmo. Nam, cum Eclipsis Lunæ existit in Apogæo, umbram percurrit acutiorem (quæ quò longius abest à corpore Solis, terrâ majori, eò acutior evadit) quamobrem rubicundior aliquantulumque lucidior, quàm in Perigæo cernitur, quo tempore per densiorem, obscuriorem & magis nigricantem movetur umbram; idcirco etiam tristior, obscurior & subnigrior apparet, experientiâ testante. Quod verò hi colores à lumine Lunæ proprio & vi creationis indito non oriantur, clarè probat Optica, cujus hoc est fide dignissimum pronunciatum: quo medium obscurius, atque à primo immediatoque lumine liberius, eò clarius lumen, cum rerum formis percussum elucescit. Nam omne corpus lucidum tantò clariùs apparet, quantò ambiens est obscurius. Quis item nescit, Lunam meliùs de nocte, quàm de die conspici posse? Sequeretur igitur, colores Eclipsium Lunæ circa Apogæum obscuriores, circa Perigæum autem clariores existere. Ex quibus liquidò constat, lumen illud debilius, vel colores in Eclipsibus apparentes, non ex proprio Lunæque infito lumine, oriri; sed à Solis luce, unà cum lumine Lunæ secundario, quod circa Novilunia animadvertitur: quo de autem fusiùs infra, præsertim capite 12. & 13, dicetur.

Nèque non tamen ex variis exemplis innotuit; Lunam sæpiissime, tempore totalis obscurationis, omnibus coloribus exutam, penitusque fuisse obscuratam, adeò ut prorsus visui se se subduxerit; quod nunquam fieri potuisset, si particulam solùm luminis proprii habuisset, ut volunt Sectatores Philosophiæ Peripateticæ: quod jam suis temporibus Thales Milesius & Anaxagoras, Philosophorum antiquissimi, Vitruvio referente, l. 9. c. 4. cognoverunt. Vt & nostrâ ætate (alios ut taceam) Keplerus

*In Eclipsibus  
Lunaribus  
varius color  
animadvertitur.*

*Eclipsium  
colores non à  
lumine Lunæ  
proprio oriuntur.*

*Lumen in  
obscuriori  
medio clari-  
us elucescit.*

*Lunam eclipsatam inter-  
dum penitus  
in cælo evanuisse, exem-  
plis probatur*



plerus trium Imperatorum Mathematicus, sicuti & videre est in suâ Astronomiâ Part. Opt. pag. 297. eum scribere : Anno 1601. Decembri, tenuissimo cornu superstite, caliginosam partem non vidi. Et iterum in Epitome Astron. Copernic. lib. 5. pagin. 825. Luna interdum subito penitus amittitur, ut ne vestigium quidem ejus appareat; cum tamen proximè locum ejus, cerni possint fixæ quartæ vel quintæ magnitudinis: quare tunc locum non habet suspicio caliginosi nimium aeris. Sic factum est, Anno 1620.  $\frac{3}{17}$  Junii. Ejusmodi notabile exemplum & mihi animadvertere contigit, Anno 1642. die  $\frac{15}{25}$  Aprilis: Luna enim, tempore totalis obscurationis penitus evanescebat, ita ut Spectatorum haud pauci, nec locum Lunæ in cœlo invenire, vel indigitare potuerint; & quamvis Telescopio instructi essemus, nihilominus visum Luna illudebat, cum tamen stellæ quarti & quinti honoris, satis essent aspectabiles. Hæc se ita habere, Iohannes item Phocylides in Epitome Astronomiæ reformatæ pag. 65. testatur, inquiens: Cum defectus circiter jam foret maximus, nubibus paululum à validiore vento depulsis, cœlum undiq; ad quadrantem fermè circa locum deficientis Lunæ, ita clarum visui est restitutum, ut & quartæ ac quintæ etiam magnitudinis stellæ accuratè undiq; circa Lunam dignosci & numerari potuerint. Vbi interim Luna? disparuerat aded, ut si ve nudis oculis si ve adminiculo tubi visorii, ne minimum quidem ejus in cœlo vestigium sit animadversum, ac si ipsa magico aliquo carmine deducta esset. Hæc ille. Tale Phœnomenon eodem tempore & Ultrajectenses observarunt.

Exemplum  
primumExemplum  
secundum.Ejusmodi E-  
xemplum &  
ab Autore  
observatum.Hanc eandē  
Eclipsin Io-  
hannes Phocylides obser-  
vavit Fra-  
nccera.

Ex quibus prolatis, licet clariùs sit demonstratum, Lucis vel minimam particulam Lunæ non inhærere; attamen dubito, quin Philosophi Peripatetici his observationibus fidem sint habituri, qui, ut suis met id intuerentur oculis; potius fallaciæ visus uti consueverunt, adscriberent. Quid autem ad hæc respondeam? nihil quicquam aliud, quàm quod Doctissimus Iohannes Fabricius, in narratione suâ de Maculis Solaribus ingemiscendo protulit: Prob! eò progressa est pertinacia nostru, ut sensus etiam fidem non inveniant ampliùs; quin imò imaginatio tantam habeat censendæ veritatis prærogativam, ut vix permittamus argumentis à sensu ductis revinciri nostras obstinationes. Hoc enim plerisq; nostrum innatum est, ut etiamsi errore commonstrato causâ ceciderint, non tantum non cedant, sed de genu etiam pugnent adversus manifestam veritatem. Ita ille & quàm verissimè. Interea licet hæc minimè credant, irasci tamen pro-

Peripatetici,  
nec fidem ob-  
servationi-  
bus Astrono-  
micis adhi-  
bent, si con-  
tra illorum  
præconcep-  
tam opinio-  
nem pugnare  
videantur.Tam perti-  
naces sumus,  
ut vix sensus  
fidem ampli-  
ùs inveniant



*Peripatetico-  
cos etiam  
atq; etiam  
rogamus, ne  
oculos nobis  
invideant.*

pterea nolimus, sed pertinacem obstinatumque animum ipsis libentissimè relinquemus; obnixè rogantes, modò ne nobis sensus oculosque invideant, qui hæc & alia ipsis incredibilia, in naturâ probè fundata, confirmant, neque non ad talia credenda animos nostros incitant, commovent & impellunt.

*Diversitas  
colorum aspe-  
ctus, in cor-  
poribus Cale-  
stibus; & Lu-  
nam partibus  
constare he-  
terogeneis,  
probat.*

Sed ne nimis digredi videar, ad Lunam me iterum conver- tam; quam nec quintam esse essentiam, nec partibus constare homogeneis, colores stellarum diversi testantur. Alius enim color apparet in Corde Leonis, alius in Palilicio, alius in Spicâ, alius in Syrio, alius in Cane minori vel Lyrâ, aliusq; in Arcturo. Hi autem colores nullatenus ortum trahunt à sphærâ no-

*Stellarum  
colores non à  
sphærâ terra  
vaporosâ ge-  
gni.*

strâ vaporosâ (aliàs omnes stellæ in æquali altitudine, simili- bus etiam coloribus tinctæ cernerentur) sed corporibus cœle- stibus planè inhærent. Cum igitur lux stellarum sit colorata, experientiâ teste; necessariò, & certam opacitatem istis corpo- ribus inesse, conceditur, rectèque affirmatur, stellas haud pellu- cidas & transparentes esse; quippe color ferè nihil aliud; quàm lux cum umbrâ, ab opacitate quâdam ortâ, mixta. At diapha- num, tanquam medium lucis genuinum, necesse ut sit omnium colorum expers, alioqui lux transparens misceretur, quod in quintâ essentiâ jure non datur.

*Color est cer-  
tam argu-  
mentum opa-  
citatæ.*

*Diaphanum  
omnium co-  
lorum est ex-  
pers.*

*Quibus ra-  
tionibus Ari-  
stotelici in-  
corruptibi-  
litatem Lu-  
na probare  
annuntantur?*

Porro, Lunam esse corpus incorruptibile, nullisq; muta- tionibus obnoxium, fideles sectatores Aristotelis, sequentibus rationibus evincere conantur. Primò; quòd ab initio Mundi, in hunc usque diem, motu stabili & constanti sit lata. Secun- dò; quòd ne minima quidem mutatio, nedum generatio, vel corruptio, ullo tempore, circa Lunam sit adversa. Verum enim- verò, quis adeò rudis, qui nesciat, & terram nostram corrupti- bilem, æque per tot annos in hac mundanâ scenâ exstitisse, & ad extremum usque diem, unâ cum Sole, Lunâ, & cæteris cor- poribus æthereis, fore duraturam. Nullas autem generatio- nes & corruptiones in Lunâ unquam fuisse deprehensas, atq; in terrâ, in quâ maximæ alterationes circa urbes, regiones, ar- bores, plantas & Animalia animadvertuntur, non est quod miremur: nam, si ad certum aliquod tempus nobis Lunam in- habitare, daretur, terramque ex illâ oculis liceret optimis Tele- scopiis

*Cur in Lunâ  
generationes  
& corruptio-  
nes non de-  
prehendan-  
tur?*



scopiis instructis, contemplari; certè haud majores mutationes (quæ tamen partes modò externas concernunt) lunaribus, nec ædificia, nec tures, plantas arbores vel Animalia superficiei terræ inhærentia, unquam essemus deprehensuri: At mirabiliora, nobis in Lunâ degentibus, viderentur, præsertim quâdam prænotione antecedente; in terrâ, illâ mundi fæce, tot varii generis Animalia, tam volatilia, reptilia quàm quadrupedia, inprimis tot hominum myriades, vitam agere, seque per generationes multiplicare posse.

Non sequitur ergo, cùm nihil videamus, propterea & nihil extare. Fortassis in tali vasto & supra quàm dici potest egregio corpore, quædam præclariora dantur; licet non sint ibi loci homines, bruta animalia, arbores, plantæ, fruges vel hujus generis quicquam, nostris rebus terrenis prorsus simile; neq; fulmina, venti aut pluviae. Interea tamen non video, cur ibidem non quædam alia, à nostris terrenis diversissima, atq; imaginatione nostrâ remotissima, inque summâ prorsus nobis inopinabilia esse, & quæ nihilominus generari, mutari & dissolvi possint. Hâc de re Galilæus Vir absolutæ subtilitatis in suo Systemate Mundi plura differit, quæ fane annotationem merentur, inquiens: *Quemadmodum haud ambigo, si quis in vastâ Sylvâ, feras inter avesq; natus esset & educatus, nec unquam quicquam de elemento aquæ cognovisset, hunc talem nunquam imaginando concepturum, in naturâ esse mundum à Terrâ diversum, plenum animalibus, quæ sine cruribus, sine alis velociter incedant, nec in superficie modò, sicut fera supra terram, sed penitus in ipsâ profunditate: nec solum incedant, verum, quocunq; placet in loco, subsistant immobiles, id quod aves in aëre præstare non possunt: adhuc ibidem homines etiam habitare, ibi exstruere palatia civitatesq;, tanto autem itinerum uti compendio, ut sine ullo labore, cum omni familiâ ac domo, integrisq; civitatibus, in remotissimas sese regiones conferant: quemadmodum inquam, certò scio, talem, etsi perspicacissimâ præditum imaginatione, nunquam cogitaturum fuisse de piscibus, de oceano, de navibus classibusq;: sic æque, imò multò magis accidere potest, ut in Lunâ, tanto à nobis intervallo remotâ, materiamq; forsitan à terrâ diversissimam habente, Substantie quædam existant, & operationes edant, ab imaginatione nostrâ non modò remotas, sed prorsus alienas: quippe quæ nullam cum nostris similitudinem habeant, & proinde omninò sint à nostrâ cogitatione discrepantes. Nam, quicquid sub nostram imaginationem cadit, id aut jam ante viderimus oportet, aut ex rebus rerumve partibus jam ante visis compositum sit, quales sunt Sphynxes, Sirenes Chimææ, Centauri &c.*

*Quamvis Luna non homines alas vel bruta Animalia, possibile tamen, ut quiddam aliud ibidem detur.*

*In Lunâ possunt esse res plane à nostris diversæ & cogitationem nostram supergredientes.*

*Si quis Elementi aquæ cognitione destitueretur is nil de navibus, deq; piscibus imaginari sibi posset.*

Præterea,



*Conceptio &  
imaginatio  
humana non  
solum debilis  
sed & fallax.*

Præterea, hæc se ita habere, & intellectum nostrum humanum, conceptionem & imaginationem, non solum debiles sed & fallaces esse, ex rebus hîc in ipsâ terrâ, in peregrinis nempe regionibus, repertis colligitur. Quis enim unquam sibi imaginatus fuisset, si non prius edoctus, quod in Africâ & Americâ tot mirabilia genera animalium, tot genera animo non prævisa frugum & Plantarum, tot innumera peregrina genera cochlearum & concharum darentur? Sed plerumque sic nobiscum est comparatum, præsertim cum Vulgo; ut quæ nec viderit aut perceperit, vel oculis aspicere, cognoscere aut Mente suâ stupidâ comprehendere haud valet, statim inter absurda & impossibilia numeret, nec minùs pro stupidis, stolidis, menteque captis omnes habeat contradicentes.

*Quæ Vulgus  
non percipit,  
inter absur-  
da numerat.*

*Maximè pe-  
riclitantur,  
qui sibi solâ  
ratiocinatio-  
ne, non autè  
simul sensu  
experientiâ  
comprobari  
aliquid per-  
mittunt.*

*Absq; Tubo  
impossibile  
fuit Aristote-  
li, viam La-  
cteam rectè  
cognoscere.*

Insuper ut Peripateticæ familiæ vel obiter commonstrem, quàm nos esse oporteat cautos, circumspectosque in assentiendo his, quæ solâ ratiocinatione nobis ingeruntur, licet habeant magnam speciem, nisi sensuum experientiâ comprobantur & demonstrantur: &, quod multum intersit, inter rationales conjecturas & ocularem experientiam: idcirco, ut ad quæstiones sequentes respondeant, rogo: an Aristoteles cum omnibus suis asseclis sibi unquam imaginari potuerit, viam lacteam multarum minimarum stellarum congeriem esse, priusquam id fuerit Tubo optico detectum? Aut, Venerem & Mercurium, instar Lûnæ, crescere & decrescere? Nedum extare, talia permagna corpora opaca, Maculas puto Solares (ut taceam reliqua) in ipso cœlo, non procul à Sole generari & corrumpi? Quamvis (quod facilè intelligo) illi ipsi hanc ultimam asseverationem minimè amplectentur; & ex hoc quidem fundamento, quod talia phœnomena ferè nunquam suismet viderint oculis: nec videre cupiant, ne per ipsam ocularem demonstrationem, falsam præconceptam opinionem mutare, contrariumque sibi statuere cogantur.

*Et in reliquis  
corporibus  
possunt quæ-  
dā dari ab  
imaginatio-  
ne nostrâ pla-  
nè remotissi-  
ma.*

Ex quibus utique fit manifestum, quod alia permulta, tam in Lûnâ, quàm in reliquis corporibus cœlestibus, dari possint, quæ nobis hominibus, in hunc usque diem, vel oculorum sensu, vel ratione nostrâ assequi non licet. Spe sum tamen certâ fretus, quod



tus, quod, cum tempore, & ante interitum Mundi, perquam plurima nobis detegentur ac revelabuntur; quorum Posteritatem habituri sunt cognitionem, quam modò nobis vix imaginari possumus, sicuti & hoc seculo, nobis multa innotuere, priscis majoribusque planè incognita. Placuit enim semper summo Mundi Architecto, ejusmodi ordo, successio & incrementum, tam in rebus Ecclesiasticis, quàm Politicis, Artibus & Scientiis. Sed, cum pluribus hæc demonstrare non sit hujus loci, idcirco ad examinandum opiniones de Lunâ restantes nos conferamus.

*Veniet tempus, quò ista, quæ nunc latent, in lucem dies extrahat & longioris ævi diligentia.*

6. Inveniuntur præterea, qui statuunt (& cum primis Doctissimus Franciscus Aguilonius, ut & eximius Christophorus Scheinerus, in disquisitione Math. pag. 62.) alterum Lunæ hemisphærium exquisitè diaphanum esse: alterum verò, quod scilicet humani vultus speciem nobis ostendit, medio-diaphanum tantum, hoc est, quâdam opacitate respersum, quæ aliquid luminis transmittat: potioremq; partem non solum in extremâ superficie, verum etiam in profunditate retineat: quod etiam in lacteo illo cœli circulo, eodem modo accidere arbitrantur. Deinde tradunt, quòd densiori nubi non sit absimilis pars Lunæ opacior, quæ pariter Solis aspectum prohibet. Sed distinguenda est hîc radiorum Solarium prohibitio: nam talis nubes prohibet quidem lumen Solis primum, ita ut umbra sequatur, non autem lumen secundarium Solis, unde tenebræ existunt, quemadmodum videre est in Eclipsibus Solis totalibus, quo tempore ea existit caligo, ut lumen neque secundarium penetrare possit. Quòd autem ex muro, domo, licet sint corpora opacissima, non tenebræ, sed umbræ duntaxat procreantur, cum tamen neque primo vel secundo lumini aditum vel transitum per se præbeant; ratio est, quia ex circumjacente lumine in istam umbram fit reflexio. Adhæc item, opinionis expositæ fundamenta etiam facilè destrui possunt; si demonstretur, partem Lunæ à nobis averSAM, vel invisibile hemisphærium, ejusdem esse naturæ, eisdemque constare partibus ac hemisphærium visibile, nobis obversum, nihilque prorsus equidem proprii luminis possidere. Id quod nullo quidem negotio fieri po-

*Latens hemisphærium exquisitè diaphanum, Patens medio-diaphanum tantum esse, statuit Aguilonius & Scheinerus.*

*Pars Lunæ averSa iisdem constat partibus, nec quicquam proprii luminis particeps, ac pars Lunæ obversa.*

Q

terit, ex



Lunā nonnū-  
quam partē  
satis magnā  
hemisphærii  
latentis no-  
bis obvertere

Si hemispha-  
rium latens  
diaphanum  
esset, peregrina  
inde existi-  
sterent pha-  
ses.

Singularis o-  
pinio Scipio-  
nis Claramō-  
ti de Macu-  
lis Lunaribus

Non decet  
res philoso-  
phicas tra-  
ctantes, ad  
omnipoten-  
tiam & di-  
vinam volun-  
tatem, san-  
quam ad sa-  
crā aliquā  
anchorā,  
confestim  
confugere.

terit, ex motu nimirum illo novo Librationis reperto, patebitq; præsertim ex Iconismis lunaribus addendis, non eandem semper oculis nostris obversari Lunæ faciem, sed certo tempore, partem haud exiguam, hemisphærii sui latentis nobis à Lunā obverti & conspiciendam præberi. Quæ cum ita revera sint, & ex duobus pleniluniorum limbis, utpote maximæ & minimæ librationis terminis, abundè constare possint; idcirco hemisphærium latens exquisitè diaphanum esse penitus corrueat: quod si verò secus esset, sanè mirabiles & peregrinæ phasēs inde orirentur. Lunam autem quādam opacitate esse respersam, quod attinet, id equidem prædictis rationibus satis refutatur.

7. Reliquum est, opinio Scipionis Claramontii, Mathematicorum omnium, Philosophiæ Peripateticæ in quibusdam sese opponentium, jurati inimici: quam ipse in suo de Vniverso lib. 8. cap. 9. pag. 183. his verbis proponit: *Considerandum propono, colores in cælestibus, cum nullo ex temperamento prædeant, sed simplicissimæ naturæ corpori insideant, ex solâ formâ emanare, ita rubedo in Marte, livor in Saturno, flavities in Mercurio &c. & pari modo colores obscuriores & clariores; in Lunâ, est scilicet seu picturata Luna, neq; alia colorum causa adduci potest, quàm quæ rubedinis in Marte, livoris in Saturno &c. cur verò placuit naturæ supremæ ejusmodi in Lunâ pictura, non est nostræ facultatis cognoscere, sed temeritatis, cognitionem arrogare.* Miror certè, cum huic Viro (qui nescio quis sibi videtur) vel nequicquam ullo tempore deficiat, ad oppugnandas & convincendas omnium Mathematicorum rationes, imò ipsasque oculares demonstrationes contra Aristotelem in medium prolatas, quòd hac in parte, de Maculis nempe Lunaribus, refugium statim receperit, ad omnipotentem & divinam DEI voluntatem; dum asserit, placuisse ita Creatori Cœli Terræque ejusmodi Lunam creare picturatam. Do equidem manibus ambabus, multas abstrusissimas quæstiones nullo negotio hoc modo posse resolvi, si dicamus, à DEI voluntate id provenire, quòd sic res sint conditæ, ut sunt: verum tamen existimo; nonnisi plebejis id permittendum, ut in Logicis Metaphysicis Physicisque parùm versatis; quòd si verò Doctissimi quique hac Philosophandi viâ incedant, qui putant non solum in Physicis, sed & in Opticis ac Astronomicis se multò sapientiores acriorisve judicii esse, quàm omnes Galilæos, Ty-



læos, Tyrones, Gassendos, Keppleros (quemadmodum Clarimontius talis vult videri, cùm in tractatu de Vniuerso lib. 7. cap. 10. pag. 159. de Keppleri Iudicio iudicat) vix id ullo tolerari possè modo. Id verò facere non nefas esset, si nullas prorsus rationes, Mens nobis suppeditaret, nullaque ocularis experientia vel demonstratio adesset, ita ut planè necesse esset ad tale aliquod commigrare Asylum. At enimverò & ævi felicitate & benigna DEI gratiâ hic abundè iuvamur, ut in promptu nobis sit dicere (si & rationi bellum indicere nolumus, nec refragari oculari experientiæ ex innumerabilibus observationibus acquisitæ volumus) quid sint Maculæ Lunares? aut esse viderive, probabiliter possint. Quod si autem in hæc verba illico erumpere placeat: cur hoc vel illud Naturæ supremæ placuit, non est nostræ facultatis cognoscere, sed temeritatis cognitionem arrogare; certè, nulla ampliùs opus foret Philosophiâ. Hæc paucula sufficiant, quæcunq; dicta fuerint, de variis Philosophorum opinionibus, substantiam Maculasque Lunæ concernentibus; sicut item, quantum satis est, rationes eorum sunt discussæ, ostenso parùm eas valere: de cætero quid de Lunâ, Maculisque ejus, planè judicandum, sub capitis hujus finem quo ista rejicimus, indicabitur. Paucis ad hæc attingemus opiniones varias de luce, lumine ac illuminatione Lunæ, & quomodo illa lumen suum ad nos refundere & radios spargere possit.

*Varia opinio-  
nes de Luce,  
Lumine ac  
Lunæ illumi-  
natione.*

Postquam enim sufficienter à nobis probatum ac demonstratum est, Lunam nihil quicquam proprii congeniti luminis possidere; non item diaphanam, vel perspicuam esse; neque verò alterum ejus hemisphærium, exquisitè diaphanum, hoc est, quâdam opacitate obvelatum; nec lumen ejus, ad aliquam usque partem profunditatis, penetrare posse: sed corpus esse opacissimum, densissimum, solidissimum, & omni lumini impervium & ita per se obscurum, ac caliginosum; imò ut non nisi omne lumen unicè à Sole mutuetur. Itaque in sequentibus etiam patefaciemus, Lunam neque lumen vel radios in se attrahere, vel imbibere, & illud tanquam infusum in terram refundere propter opacitatem corporis; sed luce solummodo

*Luna Solis  
Lucem non  
imbibit, sed,  
ratione opa-  
citatæ corpo-  
ris, per refle-  
xionem illâ  
nobis com-  
municat.*



*Huic sententia antiquorum Philosophorum per multi, ut ex ferè omnes nostri seculi Mathematici astipulantur.*

*Posidonius statuit, Lunam, instar speculi, radios solares reflectere.*

*Luna lavis ac tersa necesse ut sit, si speculum esse debeat.*

*Speculorum genera sunt diversa.*

repercussâ frui, & terræ nostræ, per radios reflexos, eam communicare. Hanc verò sententiam noviter non esse excogitatam, satis superque inde liquet, quòd jam Thales Milesius, Metrodorus, Anaxagoras, Anaximenes & alii Philosophi antiquissimi docuerint : totum Lunæ hemisphærium à Sole illustrari, Lunamq; nullâ ex parte per se ipsam lucere; quod item ferè ab omnibus nostri Seculi Mathematicis statuitur. Inveniuntur quidem, qui in diversum abeunt, ex veterum numero autores, Posidonius scilicet apud Macrobiū ( ut reliquos taceam ) qui sibi persuasere reflexionem hanc tanquam à speculo quodam fieri, Neotericorum ( ut mox pluribus declarabitur ) opinioni, in eo contrariantes, quæ hæc est: Lunam instar speculi, lucem à Sole acceptam, rursus emitte. Id verò si isthoc fieri debeat modo, prorsus necesse erit ut prius opacitas corporis Lunæ, concedatur, utpote per quam opacitatem, apta est ad recipiendum, & reperiendum lumen Solis, quod facere, nisi talis esset, non posset : quòd quidem ita se se omninò habere etiam ex antecedentibus abundè constat. Adhæc, ut superficies Lunæ, non solùm levigata, sed & exquisitissimæ polituræ sit, si faciem speculi referre debeat. Quamvis autem hæc res longè aliter sit comparata, quemadmodum ex subsequētib; patebit: id tamen hac vice concedam, ut eò clariùs percipi posset, an hæc instantia, aliquo solido fundamento nitatur.

Si igitur superficies Lunæ, veram speculi faciem repræsentat, necesse, ut sit etiam certæ alicujus figuræ; nam speculorum formæ, sunt diversissimi generis : aliud enim est planum, aliud concavum aut convexum sphaericum; aliud concavum aut convexum Cylindricum; aliud concavum vel convexum Ellipticum, parabolicum & hyperbolicum, pyramidale, Conchoideum vel Hedæraceum; atque tot demum specierum quot esse potest linea, vel superficies concava, aut convexa politi corporis. Quamvis itaque speculorum genera sint diversa, attamen ex prædictis tribus prioribus tantum Lunæ competit una aliqua forma, reliquæ ipsi haudquaquam conveniunt, uti ex ejus figurâ rotundâ, umbrâque, tempore Eclipsium Solarium, unicuique colligere licet.

Quod



Quod si igitur quispiam existimet, Lunam, speculi formam repræsentare planam; cui sententiæ fortassis permulti calculum suum addent, præsertim qui hoc negotium minimè expendunt, vel, qui rerum Opticarum planè sunt ignari; iis hac vice duo duntaxat argumenta proponam, quas si rectè rationis trutinâ examinaverint, non dubito, quin illicò impossibilitatem hujus rei agnoverint.

*Cur Luna, non formam speculi planâ repræsentet?*

Initiò, quemlibet fateri oportet, quamprimum Sol superficiem aliquam planam illuminat, eoque ipso momento, totam superficiem, fieri luminosam, ac lucem æque retinere tam diu, quàm Sol radiis suis planum illud illustrat, hoc est usque dum Sol in isto horizonte occidit. Tale igitur quippiam in Lunâ animadverteretur, si pars ejus obversa speculum, planum referat; ita enim, statim primo die, quando tantum luce tenuissimâ est imbuta & corniculatissima apparet, lumine plenam se se nobis ostenderet, ac per quatuordecim dies, facie hac nihil mutatâ cerneretur, donec motu suo proprio Solem assequeretur: neque itidem, ulla phasis circa Lunam foret aspectabilis, ipsaque adeo per tres aut quatuor dies à radiis Solaribus abscondi posset; veluti in phasi primâ observatur. Quæ cum ergo secus se se habeant, universa atque singula, experienciâ videlicet teste, facile colligitur, quanti illud de Lunâ planâ planoque speculo similitudine phantasma sit, æstimandum.

*Luna, si esset speculum planum, nulla prorsus phasises existeret, sed à primâ statim die illuminationis toto orbe luaceret.*


Quod si autem cuiquam hæ rationes nondum satis prægnantes viderentur; is (quod nullus negare poterit) sciat: cum pars Lunæ patens, quoad circumferentiam, planè rotunda, corpus autem reliquum instar orbis planum sit; imò partem latentem aut itidem planam certâ tamen crassitie præditam necessario constare, prout quidem corporis requirit magnitudo, ac ita figuram Cylindri repræsentare, aut, quod pars àversa speciem sphaeræ dimidiæ referat, quæ sine dubio, secundum illorum imaginationem, etiam lævigata, politaque erit, instar speculi convexi. Posito autem, Lunam habere ex jam dictis formis, quamcunque voluerint; attamen istâ ratione, mirabilis certè & peregrinus faciei Lunæ foret aspectus. Nam, cum satis bene à me sit exploratum, Lunam in perpetuâ libratione versari,

*Alie rationes. cur non sit speculum planum.*



idque suo loco ex multò certissimis observationibus demonstrabitur; hoc est, Lunam non perpetuò unum idemque latus, sed & justo tempore partem haud exiguam de illâ aversâ facie nobis obvertere: sequeretur itaque, quando Luna, post conjunctionem, à Solis radiis illuminatur, præsertim in maximo, vel minimo librationis termino existens: priùs maximam ejus, & quidem totam partem planam, eodem momento illustrari, reliquam autem partem, ex motu librationis, de latere averso, visibilem, tantùm successivè per phases, uti fieri solet, quotidie crescere vel decrescere: præterea verò pars illa plana non perfectè rotundæ figuræ, sed formæ ovalis appareret; secundum illud Theorema Opticum: *Circulus obliquè conspectus, ut Ellipsis apparet*: Mersennus lib. 1. Opt. pag. 497. Aguil. lib. 4. prop. 66. pag. 286. & lib. 6. prop. 21. pag. 512. Hæc cum aliquatenus obscura videri possint; propterea tres has figuras apponere placuit, quarum beneficio facillimè res plana evadet.

*Circulus interdum ut ellipsis apparet.*



*Aut Sc.*

*Rationes antecedentes graphicè declarantur.*

Proinde, cùm extra omnem dubitationis aleam positum sit, Lunam certo motu libratorio circa axes (qui hîc in d & e conspiciuntur) moveri, partim Euroaustrum versùs in signorum consequentiam, partim Corum versùs in signa antecedentia; idcirco triplici modo facies Lunæ à nobis conspici poterit. Primò, uti in A, ubi totam partem planam nobis obvertit; quo tempore, à primâ statim die conjunctionis ad ultimum usque, plena ac rotundissima spectabitur, veluti jam antea dictum. Secundò verò in B, cùm se sursum Corum versùs ex parte



parte libravit; superiùs certam partem abscondit, inferiùs autem particulam de speculo sphærico averfi lateris, apud g, nobis spectandam offert. Vnde quidem fieret necessario, ut statim, post conjunctionem, planisphærium illud B, similiter totum illuminaretur, nequaquam autem ab initio figuram planè circularem, sed Ellipsin repræsentaret, quæ postea paulatim tantò fieret rotundior, quantò phases quotidie magis magisque accrescerent: at priusquam phases nondum totaliter essent completæ, semper particula aliqua illustrata Euroaustrum versùs deesset, quæ in diem, formam figuramve mutaret; quemadmodum ex sectionibus istis, phases referentibus satis superque colligitur.

Tertiò apud C, quando Lunà Euroaustrum versùs, aliquatenus librata, nempè circa conjunctionem apparet, tum ad dextram, pars illa sphærica videretur; quo tempore, non illicò ab illuminationis initio, totum illud planisphærium C illustraretur, verùm principiò sensim per phases lumen Solis acquireret, donec Sol planè horizontem illius planisphærii attingeret, quo tandem & quidem in momento, tota Lunæ facies, maximâ ex parte, lumine plena cerneretur, parte illâ exceptâ sphæricâ superiori, quæ primùm per phases pedetètim collustraretur; sicuti cuilibet diligenti Schematis hujus appositi inspectori & consideratori facilè patebit. Est igitur facies Lunæ haudquaquam plana, nec ullatenus potest speculum planum referre. Quamvis verò à modò adductis argumentis etiam discefferimus, quibus tamen nihil verius vel certius excogitari unquam poterit; nihilominus ex eo quod sequitur sententiæ fallò conceptæ impossibilitas fit manifesta: cùm enim effigies Solis in Lunâ nunquam spectetur, veluti id evenire deberet, ex naturâ speculorum omnium, si & ipsa esset speculum; haud utique sanè speculum esse potest Luna.

*Autor negat  
superficiem  
Lunæ esse spe-  
culum pla-  
num.*

*Omne specu-  
lum aptum  
est ad refle-  
xionem si-  
milachri rei  
oppositæ.*

Addo, neque concavum speculum Lunam repræsentare, id quod ex consequentibus concluditur rationibus. Hoc enim si ita se haberet, Phases confestim post Luminarium Synodum, non à parte dextrâ occidentali nimirum, crescere inciperent, sed à parte orientali sinistrâ; siquidem, cùm Sol, speculum aliquod conca-

*Cur Luna  
neg. speculū  
concavum  
esse possit?*



Quomodo  
Concavum  
à speculo cō-  
vexo discer-  
natur?

concavum illuminat, fit principium istius illuminationis in parte Soli obversâ, ita ut pars illa Soli vicinior, semper initio sit umbrosa, uti ex Aguilonii Optic. lib. 4. prop. 94. pag. 313. clârè patet; inquietis: *Hoc discriminis interest, quòd in concavis umbra ad eandem sit partem, ex quâ lumen affulget; in convexis autem pars opaca aversa sit, atq; in oppositum projecta.* Ne dicam has phases quæ ex parte sinistra splendere inciperent, mox post primam Quadraturam planè aliam inusitatam peregrinamque faciem nobis exhibituras. Cùm autem in his destituat nos experientia; utique, nec pro speculo concavo, accipi poterit Luna. Vt taceam innumera alia absurda, quæ inde orirentur.

Luna, neq;  
speculum re-  
præsentat con-  
vexum.

At, si nihilo tamen minùs Luna formam alicujus speculi præ se ferre debet, nulla alia nisi convexa erit; siquidem ex ante dictis liquidò jam constat, faciem Lunæ, neque planam, neque concavam esse posse: confirmante istud modo recipiendi lumen Solare. Vt autem hæc disputatio, à quolibet, licet in Opticis parùm fuerit exercitatus, eò meliùs intelligatur; faciem nempe Lunæ, nec speculum esse convexum, quamvis citra omne dubium figuræ sit globosæ; idcirco quædam Theoremata Catoptrica præmittam, quorum item aliquâ ex parte capite secundo memini, simulque naturam & qualitatem speculorum breviter contemplantur: præsertim autem eò, ut quomodo specierum visibilium formæ à speculis nobis fiant conspicuæ, intelligamus.

Theorema  
Catoptricum  
primum.

I. *Corporum tersorum politorum, cujuscunq; figuræ sint, superficies à quolibet suorum punctorum luces, colores, & formas rerum oppositarum reflectunt, secundum rectitudinem linearum.* Vitell. lib. 5. Theor. 1. pag. 191. Alhasen 4. n. 2. Maurolyc. Theor. 25. Eucl. 2. hypoth. Catopt.

Theorema  
Catoptricum  
secundum.

II. *In omni reflexione, à quibuscunq; speculis factâ, semper angulus incidentiæ est æqualis angulo reflexionis.* Vitell. lib. 5. Theor. 10. 12. & 20. & c. Alhasen lib. 4. N. 10. 12. & 18. Maurolyc. Theor. 27. & 29. Anton. de dominis cap. 2. pag. 3.

Theorema  
Catoptricum  
tertium.

III. *Comprehensionem formarum visibilium in speculo sola efficit reflexio, quæ ad visum: unde, secundum dispositionem linearum, reflexionis visus necessariò informatur, hoc est: omnis reflexio in uno saltem loco, & sub certo inclinationis angulo spectatur.* Vitell. lib. 5. Theor. 23. & 24. Alhasen 4. n. 21. Antonius de domin. cap. 2. n. 8.

Quæ quia Theoremata prorsùs indubitatè sunt vera, ita ut  
à nemine



à nemine, qui suæ est compos mentis, arietari, nedum inverti possint : itaque necessario sequitur, Lunam tanquam speculum, in unico duntaxat certo loco terreno posse animadverti, non autem ubicunq; locorum supra horizontem ascenderit, ratione scilicet anguli incidentiæ & reflexionis; reliquis namq; foret prorsus invisibilis. Quod si autem quispiam objiciat, se quidem, sine omni contradictione, hæc omnia, quæcunq; protuli, concedere; verum, cum Lunæ superficies speculum convexum repræsentet, idcirco & superficies ejus, ex infinitate inclinationum constet, quâ ratione in omnes partes quaquaversum Luna reflexionem suam projiciat, non autem, ut fit in speculis planis in unum tantum locum. Cui respondeo, primum; quoniam Lunæ hemisphærium extra plenilunium nunquam respectu terræ totum à Sole illuminatur, imprimis in phasibus falcatis & corniculatis; idcirco etiam mediante illâ infinitate inclinationum, quippe quæ à totâ superficie oritur, non in quamcunq; partem radii reflectuntur; sed in certum solummodo locum nisi uti suprâ commemoravi plenilunii tempore. Atque licet hæc dentur, tamen nihil aliud inde sequetur, quàm quòd ubicunq; locorum in omnibus partibus, sola effigies Solis, mediante isto speculo convexo, cerneretur, & quidem multò minor, facie Solis apparente : quippe specula convexa, omnia objecta & idola minora referunt, quàm revera sunt; quod palàm est, ex Theoremate illo Catoptrico : *In convexis speculis imagines sunt minores.* Herigon prop. 22. pag. 111. Verum si huic instantiæ ita occurras; non esse necessarium, ut imagines Solis in speculo Lunæ convexo conspiciantur; nam propter nimiam illam distantiam, planè evanescerent; secundum illud Opticum Aguil. lib. 5. pag. 420. : *Specula convexa res exhibent multò quàm re ipsa sint minores, ac tantò etiam idola attenuantur magis, quantò res ipsæ longius à speculo absistunt.* Vitell. lib. 6. n. 41. Alhaf. lib. 5. n. 5. pag. 190. Sic Marsennus quoque loquitur in Theor. Catopt. 1. pag. 505 : *In convexis speculis sinistra apparent dextra, & imago propius abest à speculo, quàm aspectabile, eòq; minor est; tantòq; minor, quantò minus est speculum; tantò verò major, quantò visibile est propinquius.* Omnia ista ambabus manibus amplector, cum sint certissima, & ipsemet illis utar pro fundamen-

*Specula plana in unum solummodo locum, convexa verò quaquaversum reflexionem projiciunt.*

*Specula sphaerica omnium rerum oppositarum simulachra referunt minora.*

*Quòd quid longius à speculo convexo abest, eò magis attenuatur.*

*Quantò speculum convexum est minus, objectumq; remotius, tantò etiam hoc ab illo repræsentatur minus.*



*A speculo convexo paucissimi radii reflexi certi spectatori offeruntur.*

*Luna si esset instar speculi sphaerici, invisibilis foret*

*Luna, si esset speculū sphaericum imago Solis instar minutissima stellula appareret.*

to cui jam jam inædificabo aliquid, ut contrarium inde demonstraretur, concludaturque infallibiliter, Lunæ superficiem minimè esse convexam. Primò verò, non sufficit; ut objectum aliquod nobis luminosum appareat, quò id radiis corporis illuminantis perstringatur, sed opus est adhæc, ut reflexi radii perveniant ad oculum nostrum. Idcirco, cùm minima pars, reflexionis radiorum ab illuminato quodam speculo convexo factæ, certo spectatori in oculos incidit (minima enim est particula illa totius superficiæ sphaericæ, cujus inclinatio repercutit radium ad certum oculi locum, uti perquam eleganter hac de re loquitur Galilæus in Syst. suo Cosm.) utique & minimam convenit esse partem superficiæ sphaericæ, quæ oculo se se splendentem exhibet, omnibus aliis manentibus obscuris. Quo fit, ut de parte reliquâ nihil prorsus videamus, licet tota superficies Soli sit obversa, non solum propter radiorum paucitatem, sed & ob nimiam distantiam, à quâ radii hi reflexi, à particulâ illâ minimâ superficiæ speculi sphaerici convexi, cujus inclinatio id permetteret, penitus absorberentur. Similiter cum Lunâ esset comparatum, si speculi convexi lævorem haberet, ita ut pars minima Solis splendorē oculis certi spectatoris ingereret, quamvis totum hemisphaerium radiis Solaribus esset expositum: reliqua verò pars, spectatoris oculo tanquam non illuminata, & proinde nec visibilis, ac ipsa denique Luna omnino invisibilis appareret; cùm illam particulam, unde reflexio procederet, propter suam parvitatem, nimiamque distantiam, evanescere sit necesse. Et quemadmodum oculo illa esset invisibilis: ita ejus illuminatio nulla evaderet.

Cæterum ipse ego planè sum in hâc sententiâ cum Aguilonio; licet aliquis juxta Lunam existeret, Solem ne quidem instar minutissimæ stellulæ, propter immensam illam distantiam, ipsi fore apparituram; imò in mediâ elongatione Solis à terrâ, minimam illam imaginem ejus, priusquam ad nos pertingere posset, prorsus desituram. Quod argumentum adeo est validum, superficiem nempe Lunæ haud esse lævigatam politamve instar speculi convexi, ut à nemine tentari queat, tantum abest, ut possit convelli & labefactari: nisi fortè isti, id aggredi præfidenter



fidenter audeant qui Opticam & Catoptricam vix à limine salutarunt.

Tandem igitur sollicitissimè quæritur, cum superficies Lunæ, nec speculum convexum, nec concavum, nec planum sit, uti superius abundè demonstratum, & tamen corpus sit opacissimum, quod tantummodo lumen à Sole mutuatur, & beneficio reflexionis ad nos idem transfert; quâ namque figurâ superficies ejus sit prædita, & quomodo radios suos ad terram transfundat? Respondeo: superficiem Lunæ Sphæricam, haudquaquam esse planam lævigatam vel politam, sed plane inæqualem, asperam & scabrosissimam, attamen eâ autem non obstante, radios suos per reflexionem nobis offerre, & eo quidem penitus modo, quo murus quilibet nobis obversus lumen Solare communicat. Non enim omnia instar speculi plana & polita esse confestim requiritur, quæcunq; per reflexionem agere debent. Quæ ita se omninò habere ex sequentibus mox dilucebit. Ne autem quispiam existimet, memorata illa, aut vigilantium esse figmenta vel dormientium somnia; ex Plutarchi libro de facie in orbe Lunæ pag. 310. sequentia, quæ ad verbum adscribentur, perpendat rogo, probeque animo volvat cogniturus jam à multis retrò seculis eadem esse statuta: Luna inquit naturæ ille & omnigenæ veteris eruditionis Bibliothecarius, *multas habet inæqualitates, asperitates multas; ut fulgores qui à magno corpore accidunt altitudinibus non exiguis invicem resplendere possint, ac omnimodè reflecti, implicari, resplendentiamq; inter se continuare, quasi à multis ea ad nos ferretur speculis.* Apud quem Autorem hæc quoque pag. 316. extant. *Quod ad faciem attinet in Lunâ apparentem: sicut nostra terra sinus habet quosdam magnos: ita censemus Lunam quoq; profunditatibus & rupturis magnis esse apertam, aquam aut aërem caliginosum continentibus: in quas Sol suo lumine non penetret, sed eas deferens reflexionem dissipatam faciat.* Huic item sententiæ & permulti Græcorum Philosophorum fuerunt addi-  
dicti, ut Democritus, Orpheus, Heraclides, Ocellus & alii, referente Francisco Patritio in Novâ suâ Philosophiâ de Vniversis lib. 20. pag. 112.

Sed ad probandum me conferam, Lunam nempe inæqualem & asperam, instar cujuslibet muri à Sole illuminati lucem Solis mutuatitiam nobis communicare. Primum namque id

*Quânam superficie Luna sit prædita quæritur?*

*Superficies Luna planè est aspera atq; scabrosa, & nihilominus lucem nobis per reflexionem communicat.*

*Non omnia, quæcunq; per reflexionem agunt, debent esse corpora polita.*

*In Lunâ Montes & Valles asperitatesq; existere, vetustissimam esse opinionem, probatur.*

*Luna adinstar muri à Sole illustratilu-  
ce communicat.*



*Murus scabrosus illuminatus, lumen universale speculo quaquaversum reflectit.*

*Vnde superficies muris scabrosa tam universale lumen, producere possit?*

*Luna superficies cum maxime tuberosa atq; lucida sit, idcirco se omnibus aequaliter luminosam quovis tempore & loco, exhibet*

quotidiana contestatur experientia, si juxta murum à Sole illustratum speculum aliquod intuearis, mox animadvertes, murum asperum & scabrosus majus lumen (universalius puto, non fortius) in omnes partes ei oppositas reflectere, & quidem æquabile, amabile & tolerabile; quodque à quolibet ex quacunque statione æqualiter spectari poterit: Speculum verò è contra multò obscurius apparere, excepto in unico tantum certo loco, ad quem radii, mediante angulo incidentiæ & reflexionis, pertingunt: deprehendes quoque lumen, nunquam majus ipso speculo esse; atque à nemine alio, quàm ab illo, locum istum obtinenti, spectari. Adhæc lumen illud à speculo reflexum, est vehementissimum intolerabile, visumque offendens; quod cum Lunæ lumine nequaquam convenit: cum hoc, quemadmodum muri, universale, amabile & debile sit. Muri autem istius superficiem tam scabrosam, inæqualem & asperam, tale lumen universale producere vel reflectere valere, inde oritur; quod, cum superficies illa undique aspera & inæqualis sit, eò ipso quoque composita sit ex innumerabilibus superficiebus minimis dispositis, secundum innumerabilem diversitatem inclinationum (quemadmodum ingeniosè loquitur Galilæus in suo Systemate) in quibus necessario evenit, ut earum multæ dispositæ sint, ad emittendos ex se radios reflexos in hunc locum, multæ aliæ in alium: & in summa nullus locus sit, ad quem non pertingant plurimi radii reflexi à plurimis superficieculis per omnem corporis scabri, radiis luminosis percussis superficiem dispersis. Vnde lege quâdam certâ sequitur, quod ad quamcunque partem cujuscunque superficiem, quæ radios incidentes primarios recipienti opponitur, perveniant radii reflexi, & per consequens etiam illuminatio. Fit etiam inde, quod ipsum corpus, in quod incidunt illuminantes radii, ex quocunque loco visum, totum illuminatum & clarum appareat: & proinde Luna ut asperam, nec tersam, habens superficiem, lucem Solis quaquaversum diffundat, omnibusque spectatoribus suis æqualiter se se lucidam exhibeat, necesse est. Quod si verò superficies Lunæ esset perfectæ sphaericitatis, & figura ejus summè tornatilis, ut ait Aristoteles, instar speculi levigata, prorsus invi-



sus invisibilis maneret, uti superiùs jam dictum. Ex his itaque & aliis rationibus, perspicuum fit, Lunæ, superficiem haudquamquam esse lævem politamve, sed omninò asperam atque scabrosam. Idemque ex Opticâ Francisci Aguilonii lib. 3. prop. 20. (licet quidem ille cum opinione nostrâ nihil commune habere voluerit) probari potest; ac præsertim ex illis, ubi docet, quomodo corpus læve & asperum dignosci queat: *Sinulla inquit accidat luminis aut specierum repercussio, quocunq; tandem situ res oculis obvertatur, asperam eam esse aspectus judicabit. Si enim lævis esset ac perpolita, lumen abs se formasq; rerum ad intuentis oculos aliquâ saltem oppositione remitteret.*

*Quomodo corpus asperum à lævi dignosci queat?*

Et quamvis hæc ignorentur omnia; insuper tamen ex spheris & globis illis deauratis, quæ plerumq; in turribus vel ædificiorum & Templorum summitatibus conspiciuntur, id quod volumus, haud difficulter probatum ac planè demonstratum dari poterit: quò enim illi magis sunt politi ac terfi, eò minus de illis à Sole illustratis spectatur; quò autem asperiores, licet sint longè minores, eò melius videntur, universaliusque lumen, cæteris politioribus, de se spargunt. Idemque omninò ex comparatione, omnium politarum sphaerarum (sive constent ex metallo, vitro, marmore, vel aliâ haud absimili materiâ) & alicujus sphaeræ asperæ concavitatibus & tumoribus plenæ; si simul Soli, vel alio lumini, in unâ eademq; distantia exponantur, magis magisque corroboratur.

*Corpora sphaerica, quò asperiora, eò lumen universalius de se spargunt.*

Cùm itaque ex his dictis, satis abundè demum constet, Lunæ superficiem esse inæqualem & asperam; superest, ut quoq; demonstrem; asperitatem hanc, nil nisi quàm revera Montes, Valles, Lacus, Maria, Sinus, Promontoria, Continentes & tale quid esse: in oceanis autem illis Lunaribus, partim Insulas præruptis Montibus circumcinctas, partim etiam Insulas à Montibus undique liberas, existere: præterea hinc inde Rupes præcellas, Paludes, Stagna animadverti, & alia permulta, quæ nostris rebus Terrenis haud certè inconvenienter non nequeunt comparari.

*Partes Luna tuberosa & lacunosa Montes & Valles sunt.*

Quo quidem nomine nos multò feliciores, qui in hoc reservati sumus seculum, reliquis omnibus nostris esse antecessoribus haud immeritò æstimamus: cùm nobis Fortuna, vel potius

*Quod majoribus nostris sumus feliciores.*



DEVS ter Opt. Maximus, pro suâ clementiâ & divinâ voluntate, longè omninò compendiosiore certiorèq; philosophandi viam, præsertim in rebus Astronomicis, corporaq; cœlestia concernentibus, aperuerit & patefecerit. Quippe quibus non solum per rationes, sed & ipsos sensus, inprimis illorum Nobilissimum oculum, non quidem nudum, sed armatum philosophari & quasi rem acu tangere datum; armatum inquam omnium verbis & laudibus non satis extollendo Telescopio; cujus videlicet beneficio tricies vel quadragies propius quàm hactenus Antecessores nostri, Cœlo admovemur; ita ut non tantum oculi nostri toties acutiores reddantur, sed & corpora illa ætherea tam longissimè dissita, multò majora nobis repræsententur. Quo pacto tandem, & multa admirabilia olim incognita in corporibus illis cœlestibus, deprehendere potuimus, quæ superiori ævo nulli in mentem venire potuerunt, quorum jam partim mentio facta est. Inter reliqua autem quæ non ita pridem animadvertimus memorabilia, non infirmum sanè obtinet locum (ut reliqua permulta scitu dignissima taceam, quæ non solum Astronomiæ Geographiæque, sed & rei Nauticæ, maximum afferre possunt emolumentum, id quod suo loco plenius ut dicatur, meminerimus) quòd nunc primum rectè à nobis sit observata ac penitus explorata corporis Lunæ & Macularum ejus, partim nudo oculo partim armato aspectabilium, constitutio. De quâ materiâ antiqui illi & Philosophi & Astronomi cum non nisi cogitationibus & speculationibus suis ducti fuerint, tantas inter se sevère lites rixasque ut ex iis non emergere potuerint, nedum aliquid certi statuere. Id quia supra relatum, nolumus jam istud iterum explicando actum agere.

*Adminiculo  
Telescopii tri-  
cies vel qua-  
dragies jam  
cœlo propius  
admovemur.*

*Ante Tubo-  
scopiorum  
inventionem,  
nullus unquâ  
Maculas Lu-  
nares rectè  
cognovit.*

*Quibus rebus  
terrenis, lu-  
cida & ob-  
scura partes  
Lunares, cõ-  
venienter cõ-  
parari pos-  
sint.*

Postquam verò, paucos ante elapsos annos oculis nostris Telescopio prospectum, haud magno certè labore deprehendimus partes illas Lunæ clariores, terræ, minoresque Maculas, Montibus Vallibusque; majores autem faciem quandam referentes, nullis rebus convenientius, quàm nostris Terrenis Maribus, Oceanis, Lacubus &c. comparari posse: de quibus ut hac occasione breviter in genere; ita postmodum fusiùs & in specie agere cum DEO proposui.

Qui ve-



Qui verò cum non paucis aliis idem sentientibus, talia statuere & decernere impulsus simus, ordine referendum erit; hanc præsertim ob causam, ut simul pateat, nos, hanc sententiam non ex animo quodam res novas moliendi propenso, sed vi rationum prægnantium & urgentium, arripere fuisse coactos: *Nam rationi consonum, ac necessarium est* (inquit Marius Bettinus in *Apiar. 8. Progymn. 6. prop. 1.*) *ut Astronomi ritè Philosophantes nihil asserant, præsertim novi, in cælestibus Corporibus comperiri, nisi ratio aliqua, præsertim ex phænomenis petita, cogat eos nova illa entia in sublimi asseverare.*

*Nihil novi in cælo statuentum, nisi certa phænomena id cogant.*

Primò igitur probè ac distinctè, beneficio laudati perspicilli videntes & observantes; luminis & umbræ, tam in crescente quàm decresciente Lunâ, sectiones anfractuosas, denticulatas & asperas; deinde extra illud confinium in parte obscurâ & minimè illuminatâ, sparsim varias, partim exiguas, partim satis magnas formâ diversissimas claras areolas, non parùm à confinio illuminatæ & umbrosæ partis distantes, esse conspicuas: alias itidem dari, illuminatæ parti adhærentes areolas, paulatim formam figuramque cum lumine crescente mutant ac variantes, donec parti illustratæ omni ex parte añectuntur, & cum oris vicinioribus lumine prorsus imbuntur: mox quamplurimas iterum novas in illâ tenebrosâ parte orientes, & in locum antecedentium succedentes: contrarium autem accidere in phasibus Lunæ decrescendentibus, ubi areolæ quæ nunc confinio, & parti illustratæ adhærent, paulatim avelluntur, diutiùsque luminosæ conspiciuntur, quemadmodum citiùs præ reliquis locis depressioribus circumjacentibus, Lunâ crescente, illuminantur; omnibus Iconismis Lunaribus id attestantibus. Nihil ergo aliud, ex hoc Phænomeno, quàm Lunam valde asperam, præruptorum, Montium Valliumque profundissimarum undique esse referam, concludere potuimus. Etenim, si corpus Lunare læve & perfectissimæ rotunditatis figuræ esset; sectio certè illa, lucidæ & obscuræ partis, non nisi etiam exquisitè plana, lævigata & absque omni asperitate cerneretur; quod ex globo planè rotundo & polito fit manifestum. Puncta illa clariora extra lucis confinium emicantia quod attinet, nil nisi cuspides & verti-

*Quibus rationibus coacti fuerimus novitates quasdam in cælo asseverare?*

*Confinium Luna lucis & umbrosæ partis, admodum esse anfractuosum atq; asperum.*

*Puncta clariora in parte Luna obscuræ sparsim emicant.*

*Cur superficies Lunæ non prorsus sit lævigata?*

*Areolæ lucidiores extra confinium conspicuæ, sunt juga montium sublimiorum*

ces sunt



*Sol oriens,  
priusquam  
loca declivi-  
ora, altiores  
Montes &  
Turres illu-  
strat.*

*Quâ ratione  
Valles illumi-  
nentur?*

*Valles cum  
Sol illis ver-  
ticalis existit  
aëq. claræ ac  
Montium  
vertices illu-  
strantur.*

ces sunt præaltorum Montium; quæ cum altiora sunt, quam reliqua loca humiliora vicina; propterea & citius à Sole illuminari possunt: quòd aliàs fieri impossibile foret, si nulli Montes ac Valles, partesque protuberantes in Lunâ existerent, sed omnes partes simul illustrarentur; extra autem sectionem illuminationis nullæ prorsus areolæ unquam spectarentur. Hoc equidem accidere circa Montes nostros elevatiores, Turres & ædificiorum summitates, quotidie, Sole oriente, videre est. Fit enim priusquam oritur, ut illi Montes & Turres, quò magis in altum porrigantur, eò citius à Solis luce perfundantur: dum sensim autem Sol ascendit, loca etiam illa adjacentia depressiora, pro suâ altitudine, paulatim magis magisque illuminat: & denique cum altius supra horizontem elevatur, continentes & omnes reliquas partes humiliores, exceptis Vallibus, undique montibus circummunitis. Valles enim, tametsi Sol horizontem stringat, nullo omnino lumine fruuntur, quia Montes quibus circumseptæ, aditum radiis Solaribus præcludunt, ita ut maxima in illis Vallibus gignatur umbra; quæ tantò obscurior, quantò Colles & Montes altius assurgunt. At Sole altiore plus luminis hauriunt; & primum quidem Montes Vallium Soli oppositi, deinceps loca Montium decliviora & Campi his adjacentes illuminantur. Quò autem magis Sol attollitur, eò Vallium umbra plus plusque se comprimit, breviorque evadit; planities verò magis illustratur, clariorque redditur: usque dum Sol punctum attingit verticale; quo tempore totam illustrat Vallem, umbrâ penitus evanescente, & prædictæ Valles æque claræ ac Montium vertices existunt, imò multò illis lucidiores, ob radiorum Solarium variam reflexionem, obtutui se se objiciunt. Verum secus iterum se habet, Sole ad occasum vergente; Valles namque paulatim (si Montibus undique sint circumvallatæ) à Montium umbris obscurantur. Vbi notandum, quod hæc obscuratio, jam non fiat à parte finistrâ, sed dextrâ, planè oppositâ: cum enim Sol plagam mutat cœli, & umbram variari necesse est. Postmodum, quò magis Sol descendit, eò umbræ, longiores Vallesque obscuriores existunt; & cum tandem planè occidit, nil nisi altiorum Montium & turrium vertices lumine Solari irradiantur.

Hæc



Hæc autem ideò tam fusè & distinctè explicare volui, ut eò faciliùs impofterum, inter Montes ac Valles Lunares, hasque partes nostras terrenas comparationem instituere possim; naturam quoque omnium & essentiam ac qualitatem eò clariùs & explicatiùs omnibus Selenographiæ studiosis propositurus & traditurus. Sed ad observationes ipsas iterum redeamus, ac recenseamus, quid insuper in Lunâ sit animadversum. Inter alia, diversæ magnitudinis, minores Maculæ nigricantiores, circulis lucidissimis circumdatae, in phasibus tam Lunæ crescentis, quàm decrescantis, sunt observatae; quæ quoad calorem rarissimè sibi similes, non solum prope, vel in ipso confinio, verùm etiam in totâ illâ parte Lunæ illuminatâ (hîc Maculas illas magnas, nudis oculis aspectabiles, de quibus impofterum, non intelligo) quemadmodum perspicuè ex omnibus phasium Iconismis deprehenditur. Has Maculas verò, non nisi Valles esse præruptis excelsioribus densissimisque Montibus undique vestitas, ex sequentibus colligere licuit rationibus.

*Macula Lunares circulis lucidissimis circumcincta mutat colores.*

*Hi circuli lucidi, montium sunt vertex.*

Primò; cùm Valles (ut illas ita appellare liceat, etsi nondum id sit demonstratum) in ipsâ Sectione lucis & umbræ existentes, vel circa illam, semper obscurissimæ ac umbris plenissimæ fuerint deprehensæ; quod ad oculum demonstrat præsertim phasis 11. 12. 14. 26. 27. 28. 30. 31. idemque & aliæ ostendunt.

*Quibus apparentibus rationibus sumus persuasi, Montes & Valles in Lunâ extare.*

Secundò; quia Valles, quò longiùs tempore Lunæ crescentis à confinio recedunt, eò majori lumine perfunduntur, more Vallium Terrenarum: ita ut umbra quotidie decrescat brevior, arctior, rariorque existat; pro majore distantia Lunæ à Sole, vel situ Solis elevatori. Punctum verticale autem cùm attingit Luna, tempore scilicet plenilunii, prorsus hæ modò dictæ Valles illuminantur, & cùm fuerint nigræ obscurissimæq;, clarissimæ evadunt.

Tertiò; cùm mox post oppositionem, Luna quando decrescere, Sol verò à circulo verticali recedere, horizontemq; versùs occiduum declinare incipit, umbra in omnibus istis Vallibus & cavernis more & ordine consueto denuo oriatur; nisi quòd umbra locum mutet in latusque alterum se conferat.



Et hæc quidem rationes sunt præcipuæ, quæ nos ad statuen-  
dum partes in Lunâ protuberantes, Montes Vallesque com-  
moverunt. Primò (quemadmodum auditum) linea illa Se-  
ctionis luminosæ partis serrata, tortuosa & anfractuosa; 2. Areo-  
læ lucidissimæ extra confinium vel Lunæ horizontem consti-  
tutæ; 3. Modus illuminandi hos Montes & Valles; 4. deniq;  
Natura umbræ.

Probat ex  
Opticis, hæc  
rationes, cer-  
ta indubita-  
taq; esse ar-  
gumēta cor-  
poris scabrosi  
à lavi inter-  
noscenti.

Vt autem pariter certus sis, has rationes non minùs in Opti-  
cis, quàm naturâ esse fundatas; adhæc infallibilia quædam indi-  
cia atque argumenta nobis subministrata, ad rectè riteque cor-  
pus asperum & inæquale, Montibus & Vallibus cumulatum,  
cognoscenda adducam. Nam non fore ingratum spero, si hoc  
certis ex fundamentis Opticis plenius demonstrem. Duæ au-  
tem priores nostræ rationes ex Aguilonii Opt. lib. 3. prop. 20.  
pag. 170. stabiliri possunt testimonio, quia inquit: *Insignis aspe-  
ritas cognosci poterit ex lumine, quo partes extantes perfunduntur: hæc namq; si  
solæ collustratæ resplendeant, profunditates autem obscuræ appareant, haud du-  
bium erit sensibilis asperitatis argumentum.* Tertia ratio itidem ex A-

Eminentia  
ex umbris  
cognoscuntur

guil. lib. 3. prop. 19. pag. 170. corroboratur: *Extantes, ait, gibbi  
in cavas depressiones umbras projiciunt: ex his ergo colligit visus profundas esse  
partes illas, quæ asperæ sunt; illas elatiores, quæ à lumine, quo perfunduntur,  
splendorem ad oculos remittunt. Iuvat ad hanc ipsam cognitionem corporis si-  
tus, si nimirum obliquè lumini objiciatur: sic enim profundæ partes uberius um-  
bras excipiunt &c.* Vt fieri scilicet solet quando concavitates in li-  
neâ, vel circa illam Sectionis luminis & umbræ cernuntur.  
Quarta ratio, umbram & ejus naturam concernens, ex diver-  
sis sequentibus Theorematibus Opticis indubitatò confirma-  
tur. 1. Cavitates & Valles umbræ adminiculo perfectissimè  
cognosci posse; testatur Mersennus in Opt. Theor. 8. pag. 494.  
*Corporum eminentias & profunditates ex umbris præsertim aspectus discernit.*

Umbra cadit  
in adversam  
luminis par-  
tem,

2. *Corpus opacum in adversam luminis partem umbram projicit.* Aguil. lib.  
5. prop. 60. pag. 424. & Rhodius lib. 1. cap. 3. prop. 25. 3. *Um-  
bra suo opaco modò est æqualis, modò brevior, modò longior, pro diversâ luminosi  
altitudine.* Rhod. lib. 1. cap. 3. prop. 33. & lib. 1. cap. 3. prop. 31.  
4. *Umbra figuram & motum opaci imitatur, quanquam ad solius luminosi mo-  
tum moveri possit: quod si circa opacum moveatur, umbra contrariis motibus  
ciebitur, idq; pari velocitate.* Mersen. Theor. 23. pag. 484.

Pro corpore  
opaco & lu-  
minosi situ,  
variatur um-  
bra.

Hæc si igitur, ut & illa omnia, quæ pro confirmatione  
Montium



Montium & Vallium Lunarium à me superiùs sunt prolata, probè ponderentur, rectâque rationis normâ examinentur, ac cum hisce Theorematis Opticis conferantur, præsertim ab illo, qui Opticarum rerum non planè fuerit rudis; facilè iudicabitur, plana ac verissima, certisque infallibilibus argumentis cuncta esse demonstrata. Quod si autem cuipiam talia captu & intellectu sint difficilia, illum ad sequentia, cum pluribus hac de re dicetur, ablego.

Interea tamen unus & alter Philosophorum reperitur, ut taceam reliquos, eximius nempe Franciscus Aguilonius & inprimis Doctissimus P. Marius Bettinus vehemens Peripateticus, qui hanc sententiam minimè amplectuntur. Atque apud Bettinum in Apiario 8. Pro. 6. prop. 1. 2. & 3. diversas legere est rationes, ob quas existimat, quæ diximus ita se se habere non posse; eaque fateor primâ fronte magnam præ se ferre speciem veritatis, ita ut non dubitem, quin cuipiam fortassis harum rerum non penitus gnaro, satis negotii faceffant. Quare ordine illas perpendamus probeque examinemus, ut veritas eò magis elucescat: idque inprimis in gratiam Peripateticorum, qui plerumque, adversus luculentas veritatis demonstrationes, nihilo secius se se muniant, ambitiosâ Aristotelis autoritate, in quâ eam sibi statuunt scientiæ suæ securitatem, ut etiam in ejus fide universam oppignorent naturam; dicente Iohanne Fabricio in observatione de Macul. Solar.

Concedit quidem modò nominatus Bettinus, utpote Opticus, sicuti ex magno illius opere patet, exercitatissimus, idemque se ipsum observasse ait, quòd tempore Quadraturæ, confinium lucis & umbræ, sit admodum flexuosum, asperum & denticulatum, ut lucidissimas extra Sectionem areolas, in parte Lunæ obscurâ, hinc inde conspicuas exhibeat, instar multarum Insularum in vasto tenebrarum Oceano extantium; tum paulatim magis ac magis lumine perfundi, donec ex Insulis quasi Peninsulæ evadant, & continenti luce, reliquo nimirum corpori illuminato majori adjiciantur: mox autem addit, non esse necessarium, ex hoc phænomeno confestim Montes & Valles statuere; quandoquidem etiam his remotis ea omnia fieri possunt atque accidere ad nostrum aspectum per Tubum Opti-

F. Aguilonius  
& M. Bettinus, Montes  
& Valles in  
Lunâ minimè  
concedunt.

Peripatetici  
plerumque au-  
thoritatem  
Aristotelis  
demonstrationibus apodicticis præferunt.

Bettini argumenta examinantur.

Per partes  
rariores &  
densiores Bettinus ex Lunâ Montes & Valles remove conatur.



cum si affirmes Lunam prorsus esse levigatam ac rotundam; dummodo partes rariores, diaphanæ & densiores in eâ supponantur. Verba autem auctoris hæc sunt: *Ac proinde, dum Solaribus radiis globus Lunaris afflatur, partes densiores ( quarum summitates ultimum attingunt ambitum sphaeræ Lunaris, atq; inter quas aliqua rariores ac diaphanæ interpositæ sunt ) quia terminant suâ densitate lumen, quod non terminant rariores, ideo licet situ posteriores, illuminatione tamen priores atq; anteriores apparent: hæc ille.*

*Auctoris responsio.*

Ad hæc respondeo: me haud satis mirari posse, postquam ope Tubospicilli probè viderat Bettinus confinium lucis esse anfractuosum, ut & quàmplurima puncta luminosa extra illud, in parte scilicet Lunæ, quæ phœbeo lumine nondum erat imbuta, emicare, quòd non simul etiam conspexerit, diversas illas nigricantiores Maculas, concavitates nimirum & cavernas, in parte illuminatâ extantes: Tubus enim, qui phœnomena priora detexerat, & hoc ultimum ostendisse præsumitur; sed fortassis deditâ operâ illas contemplari noluit. Etenim, si per temporis aliquod intervallum continuò ab illo observatæ fuissent, haud ambigo, quin illicò ancipitè illum reddidissent: quippe animadvertisset, quomodo prope confinium Maculæ istæ penitus obscuræ, hoc est, umbrarum plenæ se se detegerent; paulò post, quâ ratione, umbra, Lunâ crescente, in parte dextrâ Solem versùs, singulis diebus, imò horis paulatim decresceret, brevior tenuiorque evaderet, pro majori Lunæ à Sole remotione, contra quomodo Valles indies lucidiores fierent, adeò, ut, circa plenilunium, maximo lumine gauderent, illæ, quæ antea obscurissimæ ac nullius prorsus luminis participes fuissent: post oppositionem verò, quomodo umbra se denuo à parte sinistrâ, respectu nostri, in istas concavitates ingereret, ac in singulos dies magis magisque loca illa accrescendo, & se se extendendo obscuriora fierent, usque dum omni ex parte iterum cavernæ circa ipsum confinium obscurentur; nisi quòd circulus quidam lucidus circumcirca remaneat, juga nempe illustrata, altissimorum Montium Vallem constituentium.

Perquàm autem scire etiam gestio, quid Peripateticorum quiscunque longè doctissimus ad hæc responderet, & quâ viâ harum Macularum & concavitarum vicissitudines, à lumine & umbrâ



umbrâ orientes, cum suis partibus rarioribus & densioribus comparare vellet; etiam si omnia illa, quæ Marius Bettinus objicit, concederentur, quamvis aliter rem se se habere abundè jam à me superiùs sit demonstratum.

Nam; describas mihi quæso, pro tuâ opinione ac lubitu, quid partes sint rariores & densiores? procul omni dubio cum P. Bettino inquires: rariores esse, quæ suâ raritate lumen non terminant; quâ efficiunt, ut quidam radii reflectantur, quidam refringantur, ita ut necessariò tam lucidæ & claræ haud conspici possint: densiores verò esse, quæ suâ densitate lumen terminant; quâ ratione radii solummodo reflectuntur: & idcirco albicantiores illuminatioresque etiam videntur, prout ex Opticis accuratè demonstrari poterit. Id quod & ego libenter do; & ipse met totus sum in hac opinione, aliter esse non posse. Necessariò itaque sequitur; partes rariores non posse claras lucidasve, & densiores minimè obscuras nigricantioresque apparere: tum, quicquid semel obscurum caliginosum videtur, nunquam clarum & lucidum videbitur. Quæ cum ita sint, quæro insuper, tanquam aliquis de trivio, unde accidat, quòd illa nigrities vel obscuritas Macularum, quæ intra terminum lucis cernitur, indies, imò in horam varietur, & quidem ratione Lunæ & Solis distantia, vel potiùs Solis altitudinis, respectu Lunæ? præterea, quò vicinior fuerit Luna oppositioni, quare Maculæ eò clariores & lucidiores, imò circiter luminarium oppositionem (quemadmodum id quidem omnes mei Iconismi Lunares ad unum demonstrant: cui hæc autem nondum sufficiunt, examen ipsemet Tubo quodam præclaro tentet, & nullus dubito quin omnia ita se se habere, animadvertet) penitus omni lumine imbutæ spectentur? post oppositionem verò, cur paulatim iterum nigriores & obscuriores evadunt? Si sunt semel partes rariores, quando in viciniâ Sectionis luminis & umbræ sunt constitutæ; quomodo igitur alterâ vice, circa plenilunium, partes densiores erunt? cum penitus lucidissimæ appareant, teste oculari experientiâ. Annon hæc sint contradictoria, quæ totâ diametro inter se pugnent, æquo Lectoris judicio committo? Imò certè hac de re aliquis non judicare potest aliter, quàm quòd impos-

*Quid partes rariores & densiores sint?*

*Partes densiores & rariores non variant luminis aspectum.*

*Cum certa Macula maxime lucida, maxime obscura appareant, idcirco non possunt esse partes rariores vel densiores.*



*Si quis omnia  
phænomena  
lunæ, per par-  
tes rariores  
& densiores  
explicare po-  
terit, Autor  
promittit se  
Sectæ Peripa-  
tetice addi-  
tum fore.*

sibilia hîc statuantur, quæ nullo modo existere possunt. Insu-  
per verò, si quisquam prodibit, qui hoc phænomenon cum  
partibus rarioribus & densioribus conciliare poterit, ita ut ob-  
servationibus nostris, in quibuscunq̃ue planè respondeant; pro-  
fectò me ad Peripateticorum castra transiturum palàm hîc edi-  
co. Et tantum respondere volui ad primam P. Mar. Bettini  
instantiam.

*Ad alteram  
instantiam  
Bettini respo-  
detur.*

Alteram quod attinet, dum inquit : *Cùm nulla sint phænomena in  
Lunæ peripheriâ, vel vestigia partium extra alias extantium, vel densiorum ac  
rariorum contiguarũ sive continuarum; ideò negamus in eâ partes dissimulares,  
& per consequens etiam Montes in facie Lunæ. In Apiar. 8.  
Progym. 6. prop. 2. Quibus verbis breviter voluit indicare,  
non solum nullas esse in peripheriâ eminentias, sed & per indi-  
rectum negare, omnes Montes, Valles concavitatesque in reli-  
quâ parte Lunæ : nam, si ullo modo (pergit) concedi debeant  
in ipsâ peripheriâ, necesse est, ut propè Plenilunium vel mox  
futurum vel ante factum, appareant : at (inquit) in peripheriâ non  
spectantur, nec ob oppositoribus observata unquam ponuntur, ac multò minùs po-  
nendæ sunt, cùm Luna est inter oculum & Solem; nam eas tunc spectari sive in  
facie, sive in peripheriâ Lunæ falsum est, atq̃ impossibile, ob prædicta. Hæc  
autem si indubitatè & apertè essent vera, adeò nollem profe-  
ctò adversus luculentam pugnare veritatem, ut potius victori-  
am ultrò concederem. Fateri quidem oportet ejusmodi  
areolas clariores, vel paulò ante, vel post plenilunium, adhuc  
à nemine extra confinium lucis & umbrosæ partis hactenus fuis-  
se animadversas, nedum asperam & inæqualem ipsam periphe-  
riam tum temporis unquam observatam, teste Galilæo de Ga-  
lilæis in Nunc. Sider. pag. 20. Idcirco frustrà esse, Montes &  
Valles in Lunâ ut statuantur, hæc dum leguntur, facilè quem-  
piam cogitaturum existimo. Verum enim verò; festina lente,  
& suspende paululùm judicium tuum, Lector Benevole : cer-  
tiora (ut ut inaudita) ex me accipies : me, nimirum tempore  
diversissimo, talia phænomena tam paulò ante, quàm post op-  
positionem, imò (quod majorem meretur admirationem) eâ-  
dem die Plenilunii, ut & in ipso Oppositionis articulo, sæpissi-  
mè observasse. Ne autem verbis id solummodo confirmare  
videar, nonnullas ex multis observationes in medium proferam.*

*Ab Autore  
multoties,  
tempore Ple-  
nilunii, in  
ipsâ periphe-  
riâ, eminen-  
tias esse con-  
spectas.*



1. In phasi Lunæ Adultæ, Anno 1644. die 21. Ianuarii observatæ, quatuor notabiles areolæ clariorēs vel illuminatæ Montium vertex extra sectionem luminosæ partis, orientali peripheriæ adhærentes cernuntur; in medio scilicet tres, superius una, Supernam versus: præterea etiam totum confinium satis asperum & inæquale, nisi in illo unico tantum loco, ubi Maculam quandam magnam, Mare nimirum quoddam interfecat, conspicitur: quod fieri haud aliter potuit, veluti sub finem huius capitis declarabitur.

*observatio-  
nibus proba-  
tur.*

*observatio  
prima.*

2. In phasi decimâ nonâ, Lunæ ad oppositionem vergentis, Anno 1644. die 22. Ianuar. primâ statim die, post verum Plenilunium, itidem peripheriâ occidua non parum anfractuosa apparuit.

*observatio  
secunda.*

3. In facie 22. Lunæ, Anno 1643. die 26. Novemb. depictæ, ut & in vigesimâ tertiâ Anno 1643. die 27. delineatæ non modo peripheria occidentalis dentata & tortuosa, verum etiam quamplurima puncta lucida fuerunt annotata.

*observatio  
tertia.*

Forſan autem reſpondeas; talia quidem primâ vel alterâ ante vel poſt oppoſitionem, ſed non eâdem die iſtius aſpectus eſſe obſervata, & animadverſa? At verò ut & huic objectioni occurrâ, propterea quarundam aliarum inſignium obſervationum mentionem faciam, quales hæcenus vix à quopiam (nec tamen arroganter hoc dictum velim) ſunt habitæ: Faciem nempe Lunæ, etiam veræ Oppoſitionis tempore, interdum non prorsus levigatâ peripheriâ terminatâ & penitus plenam vidi, ſed latere quodam ſatis aſpero exiſtente; nonnunquam etiam puncta illuminata, clariffima, extra peripheriam aliquatenus diſtanta, dilucidè ſunt conſpecta: quæ aſperitas non ſolum in limbo Occiduo vel Eoo, ſed, certo tempore, etiam in limbo Auſtrali vel Boreali fuit aſpectabilis. Quod rogo bene notetur: nam attento hoc phænomeno multa incognita & intellectu difficilima impoſterum intelligi & explicari poſſe; ſicuti ſuo loco & tempore monſtrabitur.

*Autorem,  
aſperitatem  
peripheriæ lu-  
naris, tam in  
Auſtrali quàm  
Boreali par-  
te animad-  
verſiſſe.*

Tale exemplum notabile, ſe mihi obtulit, Anno 1644. die 23. Ianuarii, horâ ſeptimâ vespertinâ, quartâ ante verum Plenilunium: quo tempore peripheria Lunæ propemodum rotun-

*observatio  
quarta.*

data



data videbatur, nisi quòd in margine orientali duæ adhuc eminentiæ & areolæ essent conspicuæ. Horâ verò abhinc quartâ, tempore nimirum veræ oppositionis, horâ decimâ vespertinâ; limbus ad ortum vergens, jam prorsus æquabilis & lævigatus erat; rursus marginem Borealem iterum notabilis invaserat asperitas, cùm tamen potius decrementum quoddam in latere occiduo conspici debuisset.

*Observatio  
quinta.*

Simile præclarum exemplum à nobis observatum, Anno 1644. die 23. Martii, horâ septimâ vespertinâ, nonâ post rectum Luminarium aspectum; ad peripheriam scilicet Zephyrum respicientem, nihil quicquam adhuc decreverat, uti meritò debuisset; verùm limbus Australis non mediocriter erat asper & inæqualis, quæ asperitas quintam ferè superficiei partem afficiebat: circa medium, extra peripheriam, quamvis ferè arcuè cohererent, duæ parvulæ lucidissimæ arcuatæ particulæ, ac si Montium essent vertex, conspiciebantur: quod jure profectò miramur, ejusmodi asperitatem sub ipso Plenilunio vel etiam paulò post, & quidem in alio planè latere, quàm debebat, cerni potuisse. Quæ peripheriæ inæqualitas adhuc horâ duodecimâ à meridie numeratâ, animadvertēbatur; tametsi paulatim decreveret, planiorq; evaderet; è contrario limbi asperitas Subsolanum respicientis, sensim crescebat. Ex quibus exemplis (alia ut taceam, quæ in commodiorem reservamus locum) satis superque videre est, non modò in ipsâ peripheriâ Lunæ, & extra illam, tam paulò ante, quàm post oppositionem, areolas quasdam clariores esse conspicuas, sed & eadem die, & quidem tempore veræ oppositionis non minùs ejusmodi phænomena apparere: quæ utique non sunt nisi vertex & cacumina celorum Montium ibidem existentium.

*Argumento  
Bettini in-  
verso contra-  
rium probatur.*

Postquam igitur P. Marius Bettinus in *Apiario suo* 8. *Progymn.* 6. *prop.* 2. *§ ultim.* in hunc ratiocinatur modum: cùm in peripheriâ Lunæ circa Plenilunium nulla sanè asperitas & inæqualitas animadvertitur, nec à quopiam unquam observata ponitur; itaque in peripheriâ, nullo modo Montes & Valles, & per consequens nec in aliâ quâpiam Lunæ parte, concedimus: hoc argumentum inverte, & sic contra illum argumentor: cùm  
sint phœ-



sint phœnomena in Lunæ peripheriâ, vel vestigia quamplurima partium extra alias extantium, à nobis multoties, tam paulò ante, vel post Plenilunium, quàm tempore veræ oppositionis, observata; concludendum esse partes extantes supra alias, hoc est, Montes Vallesque tam in ipsâ peripheriâ, quàm in totâ reliquâ superficie Lunari.

Tametsi verò, hoc unicum sufficeret argumentum ad demonstrandas res prædictas; attamen aliud adhuc afferam, quo indubitanter item probabitur, in peripheriâ Lunari equidem Montes & Valles extare, & simul à quolibet huic rei fidem denegante aspectabiles esse: id quod nobis motus librationis suggerit, certum enim est, quòd, prout manifestè idem à nobis etiam postea ostendetur, Luna non omni tempore unam eandemque faciem nobis conspiciendam exhibeat (licet permulti, tam Veterum, quàm Recentiorum Astronomorum contrarium senserint) sed quòd certo tempore ratione hujus librationis, non parùm circa suos axes moveatur; adeò ut interdum Favonium & Boream, interdum Ortum & Meridiem versùs pars haud exigua nobis detegatur (quemadmodum dilucidè ex tribus illis magnis Pleniluniorum Iconismis deprehenditur; qui jam memoratum hunc motum librationis disci, duobus diversis circulis sive limbis exprimunt; spatium inter utrumque circum Lunæ interjacens, est illud, quod constituto tempore de anticâ Lunæ parte spectatur) hinc fit, extremo in occidente circulo Lunæ peripheriam repræsentante, ut Palus Mœotis longissimè ab eâ distet; Limbo autem proximo Lunæ peripheriam describente eadem Palus valde ei imminet: contrarium contingit cum Palude Maræotide in latere Lunæ opposito. Cùm itaque interstitium illud Paludem Mœotidem inter & peripheriam maximè extenditur, tunc Luna vix viginti quatuor horarum spatium tantum decrescit, usque dum linea sectionis luminis & umbræ, ad intimum promoveri possit circum. Cæterùm ex phasi vigesimâ secundâ constat, confinium istud, non solum admodum anfractuosum & asperum, sed & diversas areolas clariores extra illud spectari: ex quo necessariò sequitur, Montes

*Alio infallibili argumēto, Montes in ipso Lunæ limbo extare, demonstratur.*

*Luna motui libratorio cuidam est subjecta.*

*Pars Lunæ libratoria duobus Pleniluniorum Iconismorum circulis comprehenditur.*



*Ex certis  
rationibus Au-  
tor denuo cō-  
cludit, Mon-  
tes in ipso  
termino Lu-  
næ extremo  
extare.*

ibidem & Valles existere. Hæc sectio, interdum in ipsam peripheriam redigitur, cum scilicet interstitium Mœotidis arctissimum apparet; sicuti ex Pleniluniis prædictis palam est, reque ipsa verissimum: quo tempore Peripheria minimè inæqualis & tortuosa, sed planissima & æquabilissima exhibetur: interea tamen nihilominus ex priore notum est, hanc ipsam peripheriam anfractuosa fuisse. Concluditur itaque Montes & Valles etiam in ipsa Peripheria extare. Quod similiter ex phasi primâ ac novissimâ indubitatè probare licet; in quâ terminus iste lucis & umbræ admodum tortuosus & inæqualis, insuper quoque puncta diversa clarissimè illuminata extra illum sunt conspicua: hoc tamen non obstante, nihilominus definito tempore hæc sectio in ipsam Peripheriam translata, planissima conspicitur; Lunâ nimirum in Capricorno constitutâ.

Videbuntur autem fortè hæc quæ dicta sunt intellectu difficilia, ac cum primis ei, qui in Selenographicis parùm est versatus, cuique motus ille librationis adhuc incognitus; sed cui hæc lubet percipere, motum istum, de quo capite octavo plenius agetur, reddat sibi familiarem: sic nullus dubito, quin statim perspiciat, argumentum hoc nostrum, quod modò protulimus ad demonstrandum, esse firmissimum, quòd Montes & Valles in visibili Lunæ Peripheria existant. Vt taceam hoc itidem demonstrari posse ex illis lucidissimis globulis, cornibus phasium corniculatarum adhærentibus; ut & ex omnium ferè phasium sectionum inferiore vel superiore parte, ubi frequenter vertex Montium permulti hemisphærii latentis se se produnt.

*Cur Montes  
Lunares non  
ita dilucidè  
in ipso limbo,  
quàm circa  
alia confinia,  
appareant?*

Porro, quod attinet, tumores & cavitates in ipso Lunæ ambitu extremo, non æque distinctè & apertè esse conspicuas, quàm, cum sectio aliquantulum à limbo distat, inde evenit: quia corpus Lunare sat altis Montibus undiquaque est conspersum, ut apparet etiam terrâ nostrâ asperius, Tabulâ Selenographicâ id attestante; hinc facilè colligitur, quòd per hos innumeros Montes, & scopulorum seriem, Planities, Valles & Lacunæ, non modò tectæ, sed & ipsi Montes, quasi continuâ serie esse concatenati videantur, ac si planities esset quædam longissimè patens: namque à latere nobis tantummodo conceditur Montium



tium Lunæ aspectus, propter corporis globositatem. Simile in terrâ accidere videmus: si enim spectator aliquis procul fuerit, & in pari altitudine constitutus, tunc multorum ac frequentium Montiū juga, secundum planam superficiem disposita apparent. *Sic æstuosi pelagi sublimes undarum vertices* (inquit Galilæus in Nunc. Sider. pag. 21.) *secundum idem planum videntur extensi, quamvis inter fluctus maxima voraginum, & lacunarum sit frequentia, adeoq; profundarum, ut sublimium navigiorum non modò carinæ, verum etiam puppes, mali, ac vela inter illas abscondantur.* Excipias autem adversus hæc: nihilo tamen minùs, vel minima quædam punctula clarè illustrata, accuratâ inspectione, nobis in conspectum veniunt. Hoc sine ullâ contradictione verissimum concedo. Annon suprà quoque demonstravimus, Lunę Peripheriam etiam sub ipsius Plenilunii articulo, quodammodo fuisse, tumoribus atque lacunis conspersam; & quod pluris est, claras areolas, erectorum scilicet Montium vertices extra finitorem hemisphærii emicantes extitisse? Profectò hi Montes necesse ut reliquos omnes altitudine antecellant, quòd præ cæteris in tam longissimâ distantia affulgent.

Hactenus autem breviter, quantum fieri potuit, de Maculis Lunæ nigricantioribus variantibus dictum esto, nimirum illas, nil nisi Montes & Valles esse in superficie Lunæ extantes, qui ibidem, ut firmiter credo, etiam permansuri, donec Terra hæc nostra, cum totâ Mundi machinâ, in nihilum erit resolvenda. Reliquum est, ut quoque dicamus, quid revera sint Maculæ illæ majores hactenus in Lunâ cognitæ, & nudo oculo semper aspectabiles, de quibus Majores nostri tantas seruerunt lites; & quibus rebus terrenis omnium convenientissimè comparentur?

Quemadmodum, adminiculo instrumenti dioptrici, infallibiliter cognovimus, illas Lunæ partes, tuberosas esse atque lacunosas, quæ scilicet, ratione coloris & umbræ, ex motu Solis, altitudine, & distantia ortæ, quotidie sunt inconstantissimæ; simili modo haud difficulter colligere potuimus, partes illas, Maculas nempe majores antiquiores, loca esse æquabilissimè complanata, ob has quidem sequentes rationes. Primò: quia hæ prædictæ magnæ Maculæ, nec colorem mutant, nedum um-

*Vnde cognoscere licuit, Maculas majores hactenus cognitæ Lunares loca esse undiq; complanata.*

*Ratioprime,*



*Ratio secundum  
da.*

*Asperitas cō-  
finii vel hori-  
zontis coar-  
guit locum  
istum esse  
Montu'm:  
aquabilitas  
verò Sectio-  
nis, planitiem  
indicat.*

*Luna asperi-  
tas compara-  
tur Terræ.*

*Luna forsitan  
planè est di-  
versa, à Ter-  
ræ materiâ.*

bram de se spargunt in horam variantem, aut certo tempore planè evanescentem, uti in partibus illis eminentioribus & asperis fuit manifestum. Secundò: quia omnium phasium sectiones luminis & umbræ, Maculas illas majores pertranseunt, quovis tempore æquabilissimæ & planissimæ cernuntur; contrarium enim se se prodit, quando Sectio per tumores & cavitates protenditur, nullis unquam observationibus contradicentibus; inprimis autem talis apparentia in phasi 6. 8. 14. 15. & 28. clarè perspicitur: ex quibus necessario sequitur, Maculas illas faciem quandam referentes, planities & loca prorsus undique esse complanata. Hoc maximum esse experimentum asperitatem & lævitatem cognoscendi, & ex terrenis colligitur; cum primis, si ex loco quodam sat elevato horizontem visibilem aspicias, probeque consideres; tunc enim mox animadvertes, horizontem æquabili quodam tractu apparere, ubi planitiem quandam terminat: quod si autem horizon terram Montibus & Vallibus undique conspersam stringit, mox finitorem admodum asperum, sinuosum & inæqualem videbis, prout in sectionibus phasium lunaribus apparet. Rectè itaque concluditur; si confinium Lunæ fuerit asperum, partem illam montosam esse: si verò planum & æquabile, ibidem etiam superficiem dari æquabilem, quæ Maculas nobis efficit illas majores.

Quæritur autem porro, quid tandem reverà sit, hæc asperitas vel planities Lunæ, hoc est, ex quânam materiâ constet, & cui materiæ rectissimè comparari possit? Respondeo: partem Lunæ tuberosam & inæqualem aliàs clariorem, nullis aliis rebus terrenis nobis cognitis convenientiùs, quàm terræ ipsi & continenti accommodari posse; recipit enim ferè omnes in se qualitates terrenas. Non est autem, quòd quispiam ideo existimet, Lunam ex ejusmodi sabulo, luto, lapide esse compositam, uti hæc Terra nostra; siquidem fortassis planè ex aliâ poterit constare materiâ, ab imaginatione nostrâ prorsus diversâ & modò adhuc incomprehensibili. Hoc unicum audacter affirmo; partes has protuberantes & asperas splendidiores, nulli rei meliùs, hîc in Terrâ, quàm continenti comparari posse: quamobrem & imposterum hanc partem terram nominabimus.

Loca



Loca Lunæ decliviora plana quod spectat, Maculas illas magnas, quæ perpetuò obscuriores locis Montanis se se nobis offerunt, non minùs congruenter, nostris Oceanis, Maribus, Lacubus, Stagnis & Paludibus æquiparantur (quæ etiam suos anfractus, Sinus & Promontoria habent) quandoquidem æque constantes ratione coloris, & omnis umbræ penitus expertes apparent. Veruntamen hîc non est iterum mens mea, ac si absque omni contradictione, ejusmodi Lunares, essent aquæ nostris similes; sed, quòd nihil quicquam similis, propter magnam utrarumque affinitatem, hîc in terrâ habeamus, cum quo, illas Lunares conferre possimus. Nam penitus etiam mihi persuadeo, Creatorem Cœli & Terræ, per suam divinam omnipotentiam & infinitam sapientiam, quodlibet corpus cœleste (quorum certè multa sunt millia) ex diversissimâ materiâ, nullatenus sibi simili, licet omnia sint corpora opaca, creare potuisse.

*Luna partes obscuriores plana, nostris Maribus & lacubus comparantur.*

Attamen aliud quiddam adhuc datur, cum quo hæ magnæ æquabiles Maculæ, nec minùs convenienter comparari possunt; exempli gratiâ, cum nostris vastissimis quibusdam Sylvis planis & Paludibus. Hæ enim si ex Lunâ inspicerentur, æq; multò obscuriores continente & terrâ firmâ apparerent: similiterque omnes sectiones lucis & tenebrarum, per illas Maculas transeuntes, planissimæ & æquabilissimæ viderentur; quippe, cum ex rariori constent superficie, radios non ita commodè reflectunt: nam arborum rami & folia reflexionem impediunt, radiosque quàmplurimos hinc inde dispergunt. Sed de his satis.

*Macula illæ majores, & cum nostris Sylvis in planitie sitis comparari possunt.*

Rogites autem; cum magnæ illæ prædictæ Maculæ Maria, aquæ & Paludes &c. esse debeant, cur sectiones luminis & umbræ illas interfecantes non perpetuò etiam æquabili quodam tractu appareant, sed nonnunquam diversę magnitudinis areolæ clariores, tam in confinio ipso lucis, quàm extra conspiciantur? quam etiam ob causam lineæ istæ sectionum interdum aliquatenus flexuosæ spectentur: interdum etiam sparsim in magnis illis Oceanis, loca satis magna clarè illustrata, rato tempore & umbrosa existentia se se detegant, experientiâ videlicet

*Cur Mariarum Sectiones aliquando anfractuosa appareant?*



*In Oceanis  
Lunaribus  
non aliter ac  
in Terrenis,  
extant Insulae  
& Rupes.*

teste? Respondeo: Oceanos illos Lunares cum his terrenis hac in parte nihil differre; in quibus æque atque in his, innumeræ celsissimæ rupes, nec minùs Insulæ diversæ magnitudinis, partim planæ, partim etiam circumcirca Montibus præruptis circumdatæ apparent: hi enim quando in ipsâ sectione emicant, dilucidè à nobis animadvertuntur, inprimis magnæ illæ Insulæ Montibus undique turgentes & circumcinctæ, tum temporis, umbrarum plenæ & obscurissimæ, adinstar reliquarum Vallium in Lunâ existentium, cernuntur. Fit igitur sæpissimè, ut vertex & juga Montium clarè illuminata, in parte illâ tenebricosâ, extra sectionem satis longè distantia, pro illorum altitudine, spectentur. Tale quidpiam videre licet nobis navigantibus. Quamdiu nil nisi Mare videmus, horizon (hoc est, confinium lucis in Lunâ) æquabilis conspicitur: quamprimum autem Insula quæpiam se se detegit, confestim Montes sublimiores, vel turres altiores, postea reliqua loca decliviora animadvertuntur. Quando autem adhuc vertex Montium & vestigia turrium solummodo apparent, eandem referunt speciem, quam nostræ areolæ illuminatæ in parte illâ obscurâ emicantes.

*Turres &  
Montium ver-  
tices Navi-  
gantibus se  
se primum  
detegunt.*

*Reflexio lu-  
minis è Mari  
debilior, quàm  
è terrâ.*

Denique omninò etiam memorare debemus; quare Maculæ illæ magnæ, aquarum speciem referentes, non æque claræ luminosæque, atque pars reliqua Lunæ, nimirum continens Montosa & lacunosa, Insulæ, Rupes, Scopuli &c. se se visui objiciant? cùm tamen, primò, aqua à naturâ lucidior sit & albicantior; secundò, minùs quoque de colore nigro participet, ut loquitur Aristoteles: cui sententiæ & Kepplerus fuit addictus, sicuti ex Astron. suâ Optic. pag. 251. patet. Hæc quæstio autem maximâ ex parte, illis rationibus, superiùs jam allatis, de speculorum reflexione & superficie asperâ Lunari, explicari poterit. Specula nempe, cùm superficie lævigatâ & perpolitâ prorsus content, idcirco & reflexionem luminis necessariò ab iis existere debiliorem illâ, quæ à muro aspero vel terrâ Montosâ projicitur certum est; non loquimur verò hîc de reflexione particulari, quæ sub certo inclinationis angulo, certo spectatori objicitur, sed de lumine universali, uti in prædictis monui-

*Quod superfi-  
cies magnè est  
lævigata, eò  
reflexio est  
debilior.*

mus.



mus. Haud secus itaque comparatum est cum illis Maribus & Aquis; cum enim superficies illarum prorsus etiam sit lævigata & æquabilis, & hac ratione, speculo polito haud absimilis; propterea radii reflexi non nisi etiam ad certum determinatum locum feruntur, quem si obtineremus, reflexio admodum vehemens & fortis videretur, in omni autem alio loco multò debilior, quàm quæ à Terrâ spargeretur. Vt autem penitus rem intelligas, oportet, consideres, superficiem aquæ in Lunâ (rectè loquendo) speculum repræsentare convexum; Luna namque globosa existit: quamobrem paucissimi illi radii reflexi, sub certo inclinationis angulo in terram pertingentes, tam ratione pauciorum radiorum, quàm immensæ distantiae planè evanescent, quemadmodum satis abundè in prioribus fuit demonstratum. Luminis itaque primarii quod à Lunaribus aquis spargitur, nobis Terræ habitatoribus non conceditur aspectus; sed duntaxat luminis secundarii: propterea verò necesse est, ut multò obscurior aqua, quàm terra illa, appareat. Hæc non aliter se se habere, quilibet in plateis ambulans, præsertim, cum pluviae hinc inde cavernulas & foveas aquis repleverint, animadvertet; quæ, cum à Sole, sub certo incidentiæ angulo, illuminantur, & unà nobis sub eodem reflexionis angulo radii isti obijciuntur, mox fit manifestum, quòd in illo determinato loco reflexio radiorum potentissima sit, simulque effigiem tunc nobis Solis repræsentet, fortiolemque esse, quàm terræ siccae, cujus superficies adeò scabra & opaca est: quamprimùm autem ex alio quodam loco id contemplamur, planè hæc apparentia variabitur, ita, ut pars illa sicca, paululùm elevatior in plateis, fortius, vividius magisque amabile, sibi ubique simile lumen de se sparget, quàm loca illa aquosa, quæ multò erunt obscuriora: præterea lumen illud erit universalius & constantius, quocunq; ex loco id aspicias, eò quòd scabra & aspera superficies undiq; mediantibus innumeris inclinationum angulis, radios reflectere possit, quòd æquabilis superficies, nimirum aquæ, haudquam poterit.

*Superficies  
aqua lunaris,  
repræsentat  
quasi specu-  
lum conve-  
xum.*

*Aqua reflexionem ter-  
restri debi-  
liorem esse,  
experimento  
probat.*

*Scabrosa su-  
perficies qua-  
eversum  
radios refle-  
ctit.*

*Partem Lunæ  
clariorem,  
Terram, ob-  
scuriorem  
verò aquam  
esse, affirma-  
tur,*

Concludo igitur: superficiem Lunæ clarè illuminatam esse terram, Maculas autem obscuriores majores esse aquas, prout quoq;



quoque Kepplerus, Siderali Scientiâ Clarissimus, in dissertatione suâ cum Nuncio Sider. paginâ 29. concedit; inquiens: *do Maculas esse Maria, do lucidas partes esse terram*: præterea; nec ideo Lunam esse Terræ nostræ dissimilem, quod haud secus ibidem, quàm hîc in Terrâ, magni Oceani, Maria, Stagna, Lacus, Paludes &c. cum deflexibus Sinubus, Promontoriisque innumeris extent: adhæc, quod etiam continentes, chersonesi ac Insulæ in Lunâ spectentur, partim planæ, in quibus vastissimi campi, partim etiam præruptis rupibus celsissimisque Montibus refertæ; quorum tractus se se quàm longissimè extendunt. De quibus illis postmodum fusè agetur.

## CAPUT VII.

DE MOTU LUNAE, PARALLAXIBUS, REFRACTIONIBUS, DISTANTIÂ, MAGNITUDE & DIAMETRO APPARENTE. Quò verò hæc omnia eò evidentius explicari possint, simul de toto Mundano corpore, figurâ ejus, quantitate & motu, ut & diversis Astronomorum hypothesibus, quamvis breviter, perspicuè tamen, pro instituti ratione, differitur.

**V**nicâ quidem MUNDI voculâ nimirum, breviter & summatim comprehenditur, non solum totus globus Terrenus, quicquid in superficie & in visceribus ejus existit; sed & latè undique expansum Coelum stelliferum, tam quoque universa corpora ætherea hætenus cognita, quàm incognita, atque adeò quicquid à DEO unquam in illo conditum & creatum est. Verumenimverò, res sanè difficilis est, de rebus omnibus Mundanis rectè philosophari, etiamsi placita solummodo tam Veterum, quàm Neotericorum Philosophorum, in medium sint proferenda; nedum si de iis aliquid certi indubitatiq̃ue statuendum. Idque ex infinitâ innumerabilium Scriptorum varietate etiam colliges: ubi nihilominus vix minima illa rerum pars est explicata, quæ nimis quàm  
amplo



amplo NATVRÆ volumine continentur; & licet ad extremum usque diem adhuc quàm plurima edantur literarum monumenta, attamen res potiores & præcipuæ prorsus intactæ relinquentur. Non est igitur, quòd quispiam sibi persuadeat, mihi esse in animo ut de universo, in hoc perexiguo commentariolo plenè & absolutè agam: sed illa solummodo, quæ ad ejus figuram in genere, magnitudinem & motum necessario spectant, attingam.

Initiò difficilis & diffusa se se offert quæstio, utrùm scilicet Mundus finitus, an infinitus sit? quemadmodum hoc posterius Veterum Philosophorum quidam Anaximander, Solenus, Melissus, Leucippus, partim etiam Diogenes Apolloniates, & plerique Stoicorum; Neotericorum autem, Iordanus Brunus, Franciscus Patritius, & alii statuerunt: item alia, an Mundus sit finitus in spatio finito vel infinito? sicuti apud Kepplerum in Epitom. Astr. lib. 1. & apud Franciscum Patritium in Pancosm. videre est. Cùm autem utraque quæstio merè sit philosophica; idcirco eas aliis libenter ventilandas relinquo, ne præter institutum & scopum nostrum, circa res ejuscemodi nimis diu morari videar. Quandoquidem etiam totus sum in hac opinione, neminem adhuc penitus id decidisse, vel certi quid super eo statuisse, ne dicam indubitatis invictisque rationibus demonstratum ivisse; Mundum esse figuratum, & quidem Sphæricâ figurâ terminatum; ut ut Aristoteles hac in parte omnem moverit lapidem. Interea tamen haud ægrè (etiamsi multa in partem contrariam possent inferri) conceditur, quod plerisque omnibus Præclarissimis Philosophis probatur, Mundum planè esse rotundum, instar Terræ, Solis, Lunæ imò ferè omnium Corporum Cœlestium. Namque credibile est illud, quod omnia continet, omnino etiam ejusdem esse figuræ, cujus sunt comprehensa, & quidem ejuscemodi quæ omnium sit capacissima, ut est circulus; nam corpori iniquiunt perfectissimo,tribuendam etiam figuram perfectissimam, nempe circulum.

Vtrùm autem Cœlum sit corruptibile an incorruptibile, simplex an compositum, vel potius quinta aliqua essentia, mul-

*An Mundus sit finitus, an infinitus?*

*An Mundus finitus in spatio finito vel infinito?*

*Mundum esse sphæricâ figurâ terminatum.*

*An Cœlum sit corruptibile, an incorruptibile?*



Ex quoniam  
Elemento fir-  
mamentum  
constet?

Platonis hac  
de re senten-  
tia.

Platonico-  
rum senten-  
tia.

Cælum igne-  
um esse.

Mundum esse  
animatum.

Mundum esse  
animal divi-  
nâ mente  
præditum.

tum disputatur? quoniam verò de hâc materiâ in præcedenti-  
bus hinc inde mentio est facta, pluribus ista modò non urge-  
bo. Verùm alia hîc proponitur quæstio; an nimirum Firma-  
mentum, sive cælum stellatum, vel ipsa etiam astra, ex aëre,  
aquâ vel igne constent? Aristoteles, cum omnibus suis Secta-  
toribus, Cælum asserit quintam esse essentiam, cujus Astra  
densiores sint partes, uti jam suprâ memini: Plato autem in  
Timæo docuit, Cælum constare ex omnibus quatuor Elemen-  
tis; ex purioribus tamen illarum partibus, & magis participa-  
re de Terrâ & igne; id quod etiam refert Alcinous cap. 12. de  
doctrinâ Platonis. Platoniorum pars nobilior; nempe, Iam-  
blichus, Syrianus, & Proclus, ajunt: Elementalium qualitatum  
summitates Cælo inesse purissimas, igneum tamen, à prædo-  
minio, esse Cælum: Plotinus, non esse aliud quàm ignem.  
Quemadmodum & multi inter Philosophos Græcos, Cælum  
igneum esse statuerunt; nimirum, Thales, Anaximenes, Hera-  
clius, Xenophanes, Parmenides, Empedocles, Anaxagoras,  
Diogenes, Archelaus, Cleanthes. Inter Theologos à Platonio-  
rum partibus stant Damascenus, Augustinus, Cyrillus &c.  
Hac de re qui plura desiderat, cognoscere Cælum omnino ejus-  
dem esse naturæ cum Elementis (quemadmodum & ipsemet  
non aliter sentio) legat cap. 38. lib. 11. de Idololatriâ Voslij.

Cæterum, præter hos jam dictos Philosophos & Theolo-  
gos, Zoroaster, Hermes, Orpheus, Zeno, Pythagoras & o-  
mnes ferè Ægyptii & Chaldæi, non solum Astris, sed & toti  
Mundo animam assignarunt, animatumque statuerunt; (de  
quibus Franciscus Patritius lib. 12. p. 91. de Cælorum nume-  
ro sic loquitur: *Quia sunt animalia, & quidem divina, & divinum ani-  
mum, & divinam vitam & divinum intellectum habere est necesse*) planè  
existimantes, Mundum esse animal æternum, omnia in se ani-  
malium genera & species complectens, præterea beatum, o-  
mnia videns, omnia audiens, rationali animâ divinâque mente  
præditum; uti præsertim ex lib. 32. de naturâ, Platon. pag. 709.  
apparet: *Mundum animal esse, idq; intelligens, revera divinâ providen-  
tiâ constitutum.* Insuper pag. 713: *Quia divina Animalia sunt, propter-  
ea in eodem semper circuitu perseverant.* Quod equidem à nonnullis

Peri-



Peripateticis affirmatur, Alexandro scilicet, Philopono & Simplicio; dicentibus : *Non solum astra esse animata, verum etiam sensitivo animo prædita*; teste eodem Patritio. Patrum quoque permulti, nimirum, Lactantius, Basilius, Ambrosius & Cyrillus, animatum Mundum esse dixerunt. Hanc Mundi animam (quæ alioqui nihil aliud est, quàm vivifica quædam virtus toti Mundo & omnibus ejus partibus divinitus infusa, quâ omnia in suo statu vivunt, sustentantur & vires suas exserunt) *Spiritum Mundi* appellat Doctissimus Comenius; qui nihil aliud est (inquiens) *quàm ipsa vita Mundo infusa ad operandum omnia in omnibus* pag. 25. in Synops. Phys. Contrarium verò inter Philosophos statuerunt Leucippus, Democritus & Epicurus. Aristoteles autem mediam ingreditur viam, dum putat : Mundi partem non universum animatum esse, Elementorum autem qualitates & essentias omnes Cœlo ademit. Quod itidem nonnulli Patrum fecerunt, uti : Origenes, Hieronymus, Augustinus, inter recentiores, Aureolus, Scotus, D. Thomas, Cajetanus &c.

*Astra sensitiva animata esse prædita.*

*Quid sit Mundi anima?*

*Aristoteles Qualitates Elementorum ex Cœlo removet.*

Porro, an Cœlum mobile, an immobile sit? dignum est consideratu : verum facile colligere possum, multos cogitatos, hanc quæstionem prorsus esse supervacaneam, & absurdissimum, de immobilitate Cœli dubitare : siquidem quotannis, imò quotidie, ex ortu & occasu stellarum, Solis & Lunæ, hoc indubitatè & manifestè cognoscere possumus. Verum enimvero, probè hîc distinguendum, Benevole Lector, inter stellarum, aliorumque corporum cœlestium, & inter Cœli motum ipsum, tanquam horum corporum domicilii. Nam, quod stellæ moveantur, nullus est, qui dubitat, nec in præsens disputatur : quippe in eâ sumus opinione, sicuti & imposterum plenius demonstrabitur; corpora cœlestia, in aurâ æthereâ, instar avium in aëre, piscium in aquâ, vel potius globuli alicujus ex bombardâ explosi, moveri. Si Cœlum autem moveri debeat, necesse est, ut, cum Aristotelicis, Ptolemaicis, & Alphonsinis, in Cœlo sphæræ reales supponantur; hoc est, quemlibet Planetam, peculiari sphærâ, cui firmiter adhæreat, circumvolvi; ut apparet in Sphæris illis Armillaribus. Verum hæc impossibilia, adhæc mera figmenta esse, jam jam patebit; simul ac de-

*An Cœlum sit mobile, an immobile?*

*Quomodo stellæ moveantur?*

*Aristoteles in Cœlo sphæras fingit reales.*



Quid sit au-  
ra æthereâ?

monstrabitur, Cœlum liquidum & fluidum esse. Ex quibus necessario sequetur, corpora illa æthereâ, propter illam Cœli fluiditatem & tenuitatem, certis sphæris adhærere non posse: sicuti in aquâ, aëre, igne vel aliâ hujusmodi liquidâ & fluidâ materiâ, nihil quicquam firmatur. Liquidò itaque constabit, Cœlum tanquam stellarum hospitium revera per se non moveri; sed astra solummodo & corpora Cœlestia, liberè absq; omni impedimento, in purissimâ illâ aurâ æthereâ ferri, quâ totum stellarum domicilium est impletum: quæ ferè nihil aliud est, quàm aër purissimus, uti permulti sentiunt. Patritius verò lib. 7. pag. 17. ait: *Ætheris substantiam nihil aliud esse, quàm purum lumen.* Sed, ut ad propositum redeam, simulque Cœli fluiditatem, liquiditatem, & tenuitatem clarè ostendam, nullamque duritiem vel soliditatem aëris, adamantis instar, in Cœlo nec diversas sphæras reales, vel Cœlos distinctos (cui sententiæ Neotericorum quàmplurimi fuerunt addicti, Antiquos ut taceam, inter quos non infimum obtinent locum: Copernicus, Tycho Braheus, Rothmannus, Kepplerus, Moëstlinus, Galilæus, Longomontanus, Origanus, Gassendus, Bullialdus, Blancanus, Sempilius, Ciccus Esculanus, Michael Scotus, Stevinus, Snellius, Clavius, Maginus, Scheinerus, Crügerus, Eichstadius, Linnemannus, immò ferè omnes, hâc nostrâ tempestate Mathematici) existere posse.

Refraçtio  
Corpora cœ-  
lestia ex vero  
loco remo-  
vet.

Primò; hæc sententia sequentibus rationibus corroboratur: Cœlū, si corpus peculiare esset, essentiamq; planè ab aëre nostro diversam haberet, insuper à tot diversis sphæris realibus, solidis, & imperviis inter se contiguis, quot errantes numerantur Siderum globi, constaret; nunquam certè stella aliqua Fixa, seu aliud corpus cœleste, in vero proprio loco observaretur, multò minùs conjunctio aliqua, vel Eclipsis, calculo responderet; ratione variarum refractionum, à diversis sphærarum superficiebus existentium, Opticâ scilicet id clarissimè attestante. Quod si igitur in Cœlo tale quid accideret, de totâ Astronomiâ actum esset; imò omnes observationes Clarissimorum Virorum, uti: Hipparchi, Ptolemæi, Copernici, Tychonis prorsus corruerent. Quum autem penitus nulla refraçtio, in omnibus ob-  
serva-



servationibus à tot seculis fuerit deprehensa, evidenter omnino ex Opticis concluditur, spatium illud æthereum, Lunam inter & stellas fixas, nihil quicquam ab aëre nostro sublunari differre, sicuti similiter & Mersennus in Comment. in Genes. Cap. 1. pag. 812. luculentissimè idem confirmatum ivit.

Secundò; cum Lunæ superficies planè sit aspera & inæqualis, Montibus undique præcelis referta, prout jam ex parte innotuit, & impostèrùm etiam pluribus fiet manifestum: idcirco, pariter & ex hoc concludendum, Cælum minimè esse durum, solidum & impervium; aliàs moveri haud posset, nisi vacuo concesso, vel penetratione corporum; quemadmodum facile colligere quilibet poterit.

Tertiò: Planetas omnes Solem pro centro agnoscere, nullis indiget jam ampliùs argumentis: hinc Mars, Venus & Mercurius modò supra Solem elevantur, modò infra illum conspiciuntur, phasibus Veneris & Mercurii id attestantibus. Quod si igitur Cælum durum & impervium detur, qualis bone DEVS penetratio corporum & dimensionum inde existeret, quando hi prædicti Planetæ sphæram Solis interfecarent! Simile quid accideret apud Ioviales, & CircumSaturnales, nisi Cælum liquidum & fluidum statuas.

Quartò; Animo profectò libenti, à Peripatetico quodam perciperem, quomodo stellæ novæ (quarum novem vel decem egregiæ magnitudinis in Cælo & inter fixas ipsas extiterunt) vel Cometæ (quorum alii Sole ipso altiores fuerunt) generentur & corrumpantur, vel quomodo moveantur in altumque evehantur, si sphæræ reales concederentur? ut taceam de Faculis & Maculis Solaribus, quæ circa Solem pariter oriuntur, moventur & in nihilum rediguntur. Ita ut certissimum sit, nullum apparere phænomenon, quod non longè faciliùs, datâ Cæli tenuitate seu liquiditate, concipi, salvari & explicari possit, quàm si duros & adamantinos esse cœlestes orbes supponamus. Concludo igitur cum ferè omnibus clarissimis Astro-  
nomis ac Philosophis: unicum esse Cælum, idque æthereum, aëris instar, liquidum, in quo Stellæ & Planetæ moventur; non Cælum ipsum, vel Astra orbibus infixæ ferri; quæ opinio, teste

*Cælum, si sit durum, necesse, ut penetratio corporum sequatur.*

*Datâ Cæli fluiditate omnia phænomena facilius intelliguntur atque salvantur.*

*Unicum est Cælum & quidem liquidum,*



Patritio lib. 17. pag. 104. Mala omnia in Astronomiam & Physicam invexit. Plura, qui cupit cognoscere ex innumeris Autoribus, Philosophis & Patribus congesta, de Cœlo nempe liquido, legat partis 11. lib. 4. Rosæ Vrsinæ cap. 26. 27. & sequentia.

*Hypothesium  
Astronomi-  
carum in-  
ventio, est u-  
tilissima &  
ingeniosissi-  
ma.*

Quemadmodum igitur nunc duæ diversæ opiniones, inter doctos, tam Veteres, quàm Neotericos foventur; quorum aliqui, sphaeras in Cœlo reales fingunt, aliqui Cœlum liquidum supponunt: itaque diversæ etiam ab illis hypotheses statuuntur, illæ autem in Astronomiâ præstant, quantum Axiomata in Geometriâ; & meritò vera principia sensualia Sideralis scientiæ nominantur; per quas hypotheses, figura, ordo & motus corporum cœlestium, oculis subjicitur. Non possum autem certè non mirari, primò quidem, ingenium humanum tales hypotheses, excogitare & invenire potuisse; si nimirum talis equidem ordo atque constitutio corporum, ibidem in Cœlo adsit. Secundò, etiamsi planè alia ab opinione nostrâ diversâ constitutio, figuræ, ordinis, & motus Cœli Siderei detur, nihilominus mirari oportet, has ab hominibus excogitatas, & quasi fictas hypotheses, talem arctissimam habere affinitatem, cum Cœlo & stellis ipsis; adeò ut harum adminiculo motus cœlestes, licet post aliquot secula futura, certissimè prædici, & supputari possint. Ex quibus perspicuè patet, has hypotheses, non esse deliria Astronomorum, uti Philosophus quidam existimat, cujus nomen honoris ergo indicare nolo.

*De primâ  
inventionem  
hypothesium.*

Earum hypothesium, tres sunt principales formæ, ut reliquas diversas præteream, nimirum: 1. Peripatetica, seu Ptolemaica, 2. Tychonica, 3. Pythagorica, seu Copernicana. Ut autem initiò paucis agam, de origine primæ hypotheseos, itemque quibus rationibus impulsæ autores fuerint, tale quid statuere, sciendum: postquam scilicet veteres Chaldæi & Ægyptii, primi Siderum Scrutatores, perspicuè viderunt & observaverunt, non solùm singulis diebus, spatio quatuor viginti horarum, stellas omnes & corpora ætherea ab ortu, per meridiem, in occasum moveri & circumvolvi, sed, præter hunc motum, Solem, Lunam ut & reliquos Planetas, adhuc peculiari motu ab occasu



occafū nempe in ortum, eſſe præditos; tametſi unius Planetæ motus longè velocior quàm alterius exiſteret: idcirco ſtatuerunt, tot ſphæras reales, quot motus diverſos in Cœlo animadvertère, nimirum octo: ita ut extimam, pro firmamento acceptaverint, ſtellasque fixas appellaverint, quùm initiò nullum alium motum, quàm illum diurnum, ab ortu in occaſum, circa illas deprehenderint, & demum in medio, pro centro, Terram & quidem immobilem collocaverint.

Ordinem quod concernit Planetarum vel ſphærarum, quibus moveri debeant, Veteres non omnes unum eundemque ſervant, licet in hoc inter illos conveniat, proximè majorem, fixis viciniorem ſphæram eſſe Saturni, deinde Iovis & Martis huic eſſe proximas, poſtea, uti chaldæorum plerique, quibus Cicero aſtipulatur, ſphæram ſequi Solis. Ægyptii verò, cum Platone & Ariſtotele, ſicuti apud Plutarchum lib. 2. cap. 15. de Placitis Philoſ. & Divinum Platonem lib. 32. de Naturâ pag. 713. legitur; ſtatim poſt Martem Mercurium, deinceps Venerem Solem, & tandem Lunam, Terræ viciniſſimam, collocarunt. Supremam autem ſphæram ſtellarum fixarum, octavam ſcilicet, firmamentum, exiſtimarunt primum iſtud eſſe mobile, quod reliquorum Planetarum ſphæras, ſecum in quatuor viginti horis ſimul circumrapiat, ab ortu in occaſum contra ſeriem ſignorum: qui motus aliàs diurnus ſtellarum appellatur.

*In ordine  
ſphærarum,  
Veteres inter  
ſe non con-  
veniunt.*

Has prædictas octo ſphæras (quas Ariſtotelici & Peripatetici, pro veris realibus habuerunt, in quibus omnes Stellæ afixæ eſſent, inſtar clavi in pariete, cumque quibus ſimul circumcurſarent) Eudoxus & Calippus iterum in 53. vel 54. diſtinxerunt, ſicut apud Ariſtotelem lib. 12. cap. 8. Metaphyſicorum fuſè videre licet, ut & apud Kepplerum cap. 2. pag. 6. de Motibus Martis.

*Sphæra Veterum reales,  
in plures fuerunt diſtinctæ.*

Poſtquam autem Ptolemæus, Veterum Aſtronomorum Princeps, ex obſervationibus Timocharis & Hipparchi, dilucidè perſpexit, ſphæram octavam, adhuc peculiarem mo-

tum



tum proprium ab occasu in ortum habere, quamvis tardissimum: idcirco necessarium duxit, prioribus 8. nonam addere, ut hæc ultima loco primi mobilis esset, quæ motum illum diurnum conficeret.

Astronomi verò Alphonsini, qui post Ptolemæum elapsis 1110. annis, vixerunt, à Rege Alphonso Castiliæ convocati, ex certis fundamentis concluderunt, numerum sphaerarum, adhuc esse augendum; quia deprehenderant, stellas fixas, declinationes suas, post Ptolemæi tempora, variasse; quem motum, trepidationis vocarunt, & octavæ sphaeræ assignarunt; ita ut decima fuerit addita, quæ primum mobile referret. His decem Sphaëris, posterius undecimam addiderunt, Cælum nimirum Empyreum, sedem DEI, Angelorum, & Beatorum.

*Alphonsini  
terram in  
centro im-  
mobilem sta-  
tuerunt.*

*Ordo Sphae-  
rarum Ptole-  
maica hypo-  
theseos.*


Habuerunt igitur, in hac hypothese Ptolemaicâ Alphonsinâ, priores Astronomi, Terram nostram immobilem pro centro, circa hanc quatuor elementa, deinde Lunam ejusque sphaeram: cum motus ejus sit velocissimus præ reliquis omnibus corporibus cœlestibus; quæ in quatuor circiter hebdomadis, cursum suum motu proprio absolvat. 2. Dehinc Mercurio, qui concitatissimus post Lunam, sphaeram scilicet secundam assignarunt. 3. Veneri, quia paulò esset tardior, idcirco tertia sphaera est attributa. 4. Hanc sequitur Sol, qui spatio unius anni, signa illa duodecim cœlestia percurrit. 5. Postea Mars; in duobus siquidem annis tantummodo cursum suum absolvit. 6. Mox Iupiter, qui nempe in duodecim duntaxat annis circulum suum pervagatur. 7. Post Iovem sequitur Sphaera Saturni: quippe Saturnus est omnium Planetarum tardissimus, qui triginta circiter annis, circulum suum peragrat. Saturno succedit sphaera octava, stellarum nempe fixarum, cujus revolutiones in circellis ad capita Arietis & Libræ appositis, annis 7000. restituuntur, quibus ad idem punctum recurrunt Anomalie Æquinoctiorum. Post hanc, nonam statuerunt, quæ motum suum proprium s. s. s. in 49000. an-



nis primùm absolvit. Denique, Decima reliquas omnes circundat, quæ diurnas revolutiones conficit, & omnes sphæras simul secum, tam Fixarum, quàm Erraticarum, contra seriem signorum, ab ortu in occasum, movet & rapit. Ex quo conficitur, Cælum moveri motu triplici 1. Motu diurno. 2. Motu proprio. 3. Motu trepidationis, qui Mundi Polum versùs fertur. Hic ordo Sphærarum Corporum cœlestium, in figurâ sequenti perspicuè est delineatus.

*Cælum mo-  
vetur motu  
triplici.*

*Hypothæsis Ptolemaica Alphoncina.*



Iam quidem meritò de Systemate Pythagorico & Copernicano, aliquid dicere opus esset; certas autem ob causas, etiamsi hoc sit antiquius, priùs de Tychonico aliquid in medium proferam, de Pythagorico postmodum dicturus.



*DeSystemate  
Tyconico-*

Cùm scilicet, Magnus ille Atlas Danicus, Tycho Braheus, ex diligentissimis suis, spatio viginti quinque annorum habitis observationibus, adminiculo instrumentorum suorum haud vulgarium, abundè satis pervidisset, multa adhuc Phœnomena cœlestia superesse, quæ nondum, per hypothesein Ptolemaicam & Alphonsinam, salvari & explicari possent: inter alia verò Martis Acronychi Phœnomenon; quando videlicet tempore oppositionis Solis, multò Terræ vicinior, quàm Soli ipsi redditur, & in conjunctione iterum longè fit à Terrâ remotior quàm Sol: (id quo fieri nequeat, impediunt in hypothesei priori sphaeræ Reales, quas Peripatetici finxerunt) idcirco planè aliam excogitavit, & pro stabili fundamento, loco Cœli solidi & duri, liquidum & continuum primò statuit, in quo stellæ, vi quâdam naturali, à principio Mundi huc usque liberè absque omni impedimento, certisque legibus intra certos tamen fines, moveantur.

2. Terram immobilem, in centro Mundi retinuit, ita tamen, ut tantum sit centrum viæ lunaris, Solaris & stellarum fixarum.

3. Solem, centrum omnium reliquorum Planetarum constituit; uti Copernicus, de quo imposterum; in eo tamen differt, quòd apud Tychonem, Sol in suo circulo seu Eclipticâ, amplissimum illud Systema Planetarium, necessario secum circumrotet: apud Copernicum verò, Terra in Eclipticâ constituta, sphaerulam duntaxat Lunarem illam minimam secum circumagat.

4. Proximus circulus circa Solem est Mercurii, alter Veneris, instar duorum Epicyclorum; postea Mars sequitur longissimo intervallo, cujus Cœlum in oppositione, à Cœlo Solari magnam aufert partem; ita ut, quando acronychus existit, Terræ fiat vicinior, quàm Soli. Sequitur deinde Cœlum Iovis, Saturni, & denique, quæ omnes alias in se comprehendit, sphaera nempe Fixarum; hæcque unà cum reliquis, motu diurno, ab ortu in occasum, circumvolvitur: quem-



quemadmodum hic ordo corporum cœlestium, ex apposito Schemate clarè patet.



Iam, quod hypothesein Pythagoricam attinet, huic ferè omnes Pythagoræi, inprimis Philolaus Crotoniata, Aristarchus Samius, Plato in Senectute, & alii permulti fuerunt addicti, teste Plutarcho lib. 3. cap. 13. in Placitis Philosophor. & Archimede, in suo Arenario, pag. 449. Postmodum verò, per aliquot secula, hæc hypothesis in alto jacuit silentio, donec ante centum & triginta circiter annos, Copernicus civis noster, Vir nunquam satis laudatus, singulari DEI providentiâ genitus, prodit, qui, antiquam illam & ferè oblivioni traditam hypothesein, denuo ex cineribus resuscitavit; nec solummodo illam clariorem, sed & diversis in locis, ubi opus, perfectiorem reddidit. Quam opinionem, ferè omnes Eximii Mathematici, hoc nostro seculo amplectuntur, & contra objectiones contradicentium magis magisque defendere laborant; quippe, per hanc admo-

*De hypothese  
Pythagoricâ.*

*Copernicus  
restaurator  
Pythagoricæ  
hypotheseos.*



*Per hanc hypothesin, facillimè omnia phænomena stellarum explicantur.*

dum feliciter & commodè, omnia phænomena & motus stellarum, tam longitudinis quàm latitudinis, ut & Planetarum retrogressiones (quare videlicet certis temporibus tardiores, velociores, stationarii? &c.) explicantur & intelliguntur, ita ut ea sententia rationi minùs contrariari videatur. Quo de Systemate, & opinione, qui plura & specialiora postulat, ex indubitatis Geometricis fundamentis demonstrata, legat inter alios nostri ævi Astronomos, Philolaum Redivivum, à Viro summi ingenii descriptum, Galilæi de Galilæis, ex Italis verè Lyncei, Systema Mundi, Epistolam secundam Petri Gassendi, Viri immensæ eruditionis, de motu impresso à Motore translato; Kepleri Teutonicorum Mathematicorum Aquilæ, Epitomè Astronomiæ Copernicanæ; Landspergium & alios; quum propositum meum non sit, hanc hypothesin plenè stabilire, neq; sit hujus loci. Brevibus tamen porrò attingam ordinem & motum stellarum, quantum proposita ratio postulat, ut eò facilius, motum Lunæ specialem, explicare, & demonstrare possim: quem sanè nullus non ignorare debet, si hæc Selenographia, & quicquid imposterum de phasibus Lunaribus, Motu Librationis Lunæ, & phænomenis variis dicetur, rectè intelligi debeant.

*Absq; cognitione Lunæ Motuum, Selenographia hæc minime intelligitur.*

*Sol centrum Universi circa proprium axem movetur.*

Initiò, collocant illi laudati & nobis hic imitandi Astronomi, Solem, tanquam animam Mundi, in centro Vniversi, & motu quidem lationis immobilem; veruntamen, circa proprium axem in 25.26. vel 27. circiter diebus (quemadmodum ex Maculis luculenter deducendum) circumvolubilem.

*Orbium ordo*

Illicò verò circa Solem, Mercurii Sphæram statuunt, omnium minimam & mobilem: deinde Veneris: postea Orbem, quem Copernicus vocat magnum; in quo, Terra nostra, unà cum aëre circumfuso, & sphærâ Lunæ, tanquam Epicyclus, movetur, & quidem motu triplici. Primò, circumfertur Terra in orbe magno, annuo spatio, circa Solem. Secundò, dum ita movetur, simul quoq; ab occasu per meridiem in ortum secundum consequentiam signorum, circa suum axem, Solem versùs singulis diebus, revolutione diurnâ in viginti quatuor horis circumvolvitur, instar globuli, in scamno tornatili. Cùm itaq; ortum versùs sic vertitur, omnes stellæ & Planetæ, imò Sol ipse occasum

*Terra movetur motu triplici.*



casum recedit, & suo tempore occidit. Tertiò, libratur axis Terræ (qui continuè punctum illud Boreale & Australe accuratissimè observat) hinc inde quatuor viginti min. per quem motum mutatio Obliquitatis Eclipticæ à Copernico demonstratur.

Quandoquidem igitur, ex jam dictâ opinione, Terra in Eclipticâ tripliciter, secundum Zodiaci ductum, fertur: hinc nobis Sol in Ariete apparet, quando Terra revera in Librâ existit, & quando hæc in Scorpione est, tum Sol in Tauro videtur; adeò ut Terra motum suum annuum, per motum Spiralem, conficiat: hoc est, ut se circa axem trecenties sexagies quinquies circiter circumvertat, priusquam totum absolvere possit Zodiacum: in quo annuo spatio, Luna suam sphæram (quam aliàs Terra secum ducit) per se (non attento illo priori motu Terræ) duodecies percurrit: unde Plenilunia, Novilunia, Quadraturæ & Menses Lunares trahunt originem.

*Terra, per  
motum spiralem,  
Eclipticam percurrit.*

Hic facile quempiam cogitaturum existimo, miram hanc esse revolutionem, & rationi quasi contrariam, Terram, totam Lunæ sphæram, cum circumfuso aëre secum circumducere; sed respondeo, hoc, quicquid sit, magis tamen rationi consentaneum, quàm, quòd, in hypothesi Tychonicâ, Sol, totam Machinam Planetariam, tale vastissimum spatium, unà cum Planetis ejusmodi immanis magnitudinis corporibus, quæ Lunam multoties vastitate excedunt, secum quotannis, quotidie imò singulis horis, continuè rapere debeat: &, quòd postea primum mobile, Solem cum omnibus Planetis & stellis fixis, motu, & quidem contrario, ab ortu in occasum, secum ducere oporteat; ut taceam reliquas difficultates, quæ se se copiosè circa hunc motum primi mobilis offerunt.

Post orbem magnum sequitur Orbis Martis, deinde Iovis, circa quem quatuor parvi quasi Epicycli videntur, in quibus quatuor illi comites Iovis circumvolvuntur, qui semper, licet à parte periodos suas absolvant, motum Iovis concomitantur, quem, tanquam Regem suum venerantur, sicuti reliqui Planetæ Solem: quòd clarè & apertè, hoc ævo, Tubis Opticis, demonstrari & sensu oculorum evinci poterit. Vnde luculenter sanè apparet, non esse tam absurdum & absonum; quòd Terra, to-



Quemadmo-  
dum Iupiter  
Ioviales se-  
cum circum-  
ducit; ita  
Terra Lu-  
nam.

tam sphaeram lunarem secum circumagat, cum videamus Iovem  
4. ejusmodi Lunulas (quæ etiam non exiguæ sunt magnitu-  
dinis, utpote quarum aliæ in circumferentiâ 400. Mill. Germ.  
continent) absq; ullo impedimento & retardatione, in aurâ æthe-  
reâ, in Cœlo nempe fluido, ac liquido, secum convertere posse.

Deniq; Saturni Orbis sequitur, circâ quem simili modo, duo  
parvi Epicycli dantur, in quibus duo illi CircumSaturnales mo-  
ventur; qui certis temporibus, unâ cum corpore ipso Saturni,  
miram & peregrinâ figuram constituunt, cum illi sunt vicini-  
mi; quorum tamen motus hucusq; nondum planè investigatus.

Interstitium,  
inter Saturni  
& stellarum  
fixarû spha-  
ram minimè  
est vacuum.

Post Saturnum vastissimum interstitium inter sphaeram Fi-  
xarum statuitur; quod spatium, vix stellarum corporibus va-  
cuum, cum Doctissimo Philolao Redivivo credo, uti nec mihi  
hoc persuasum est, quòd omnes stellæ fixæ in pari distantia à  
Sole sint remotæ, quanquam alii hoc penitus sibi persuasere, u-  
nicæ nempe Sphæræ illas esse affixas, sicut stellulæ depictæ in  
globo illo artificiali. Huic opinioni & Veterum permulti fue-  
runt addicti, quod liquet ex Gemino, inquitente: *Suprema igitur  
est omnium ea sphaera, quæ stellarum fixarum dicitur, quæ in se continet omnium  
fixarum constellationum, siue signorum effigiem. Non est autem cogitandum, o-  
mnes stellas sub eadem esse positas superficie, sed alias esse sublimiores, alias humi-  
liores. Cum enim visus noster ad æqualem longitudinem à Terrâ in Cælum se se  
extendat: redditur insensibilis altitudinis differentia.* Hæc ille in Vrano-  
logio Petavii pag. 4.

Stellas fixas  
non omnes à  
Sole equali-  
ter esse remo-  
tas.

Totam di-  
stantiam So-  
lis & Terræ  
ad sphaeram  
Fixarum pla-  
nè evanesce-  
re.

In hac hypothese, non solùm statuitur, Semidiametrum  
Terræ, sed & totam Semidiametrum Orbis magni, ad Semidia-  
metrum Sphæræ Fixarum, instar puncti esse; &, totam distan-  
tiam Solis & Terræ (quæ circiter 1200. Semidiam. Terræ equat)  
ad Sphaeram Fixarum planè insensibilem esse, ita ut parallelæ,  
quæ à Terrâ & Sole ad Fixas ducuntur, ferè in unum eundemq;  
punctum coincidunt; propterea & tam vastum spatium supra  
Saturnum relinquitur. Proportio totius Systematis Planetarii,  
se se habet ad Semidiametrum Firmamenti, ut Pisum ad pedes  
quindecim Gedanenses, quemadmodum Doctissimus idemq;  
jam beatus & longè supra æthera evectus M. Petrus Crügerus  
Præceptor olim meus plurimùm colendus Mathematicus Dan-  
tiscanus (ad cujus diligentiam & eruditionem in rebus Mathe-

Quenam sit  
proportio glo-  
bi Systematis  
Planetarii,  
ad semidia-  
metrum fir-  
mamenti?

mati-



maticis pro dignitate deprædicandam verba mihi deesse fateor) in Astronomiâ suâ Dantisca<sup>n</sup> lib. 1. cap. 2. quæ ab illo quidem fuit incepta, sed non penitus ad umbilicum perducta, annotavit: & Kepplerus inquit, in Epitome Astronom. lib. 4. pag. 492. *Diameter Saturni extimæ sphaeræ mobilium, continet in se diametrum Corporis Solaris bis millies circiter: sic etiam diameter sphaeræ fixarum continet diametrum Saturni in se ferè bis millies. Itaq<sup>3</sup> diameter fixarum continebit in se circiter quadragies centena millia diametrorum corporis Solaris, diametrum Terræ (secundum proportionem corporum Solis & Terræ à Veteribus creditam) quintuplum & plus.*


Facile hîc quispiam secum reputabit, bone DEVS! quàm immensa quàmq; incredibilis & incomprehensibilis distantia, altitudo & amplitudo in hâc hypothesi inculcatur? verùm hoc placitum fit verisimilius, quàm illud Veterum, Sphæram stellarum Fixarum, quatuor millies velociùs circumvolvi, quàm apud Copernicum; maximamq; sphæram velocissimum habere motum: è contrario, minimam scilicet Lunæ, longè tardius moveri: cùm tamen initio Veteres ipsimet, ex motu velociori & tardiori stellarum, vel sphærarum, distantiam & elongationem eruerint; ita nempe, & concluderint stellam, quæ esset velocior, inferiorem esse tardiore. Ex quo fundamento, ordinem & situm Planetarum vel sphærarum illarum deduxerunt, quod etiam usq; ad Saturnum rectè observarunt; sed circa sphæram stellarum Fixarum, planè hanc rationem, & infallibilem regulam, oblivioni tradiderunt; unde ferè totam suam hypothesin destruxerunt. In hypothesi autem Copernicanâ, omnia ordine & congruenter succedunt: ubi Planetæ, quò est elevatior, eò tardior motus attribuitur, & Sphære maximæ, tardissimus. Porro, quemadmodum Sol tanquam centrum Univerſi constituitur, ita de motu ejus asseritur, quòd is circa axem 27. circiter diebus peragratur, uti jam superius dictum: Mercurii revolutio 87. diebus 23. horis, & 45. minutis absolvitur: Venus, quæ paululùm longiùs à centro abest, conficit suam periodum 224. diebus, 17. horis, & 26. minutis: Terra, quæ adhuc remotior à Sole, circulum percurrit 365. diebus, 5. horis & 49. minutis: Mars peragrat suam periodum, Anno nempe uno Ægyptio, diebus 321. horis 22. & minutis 24; hoc est, in uno anno

*Natura contrariatur, maxima sphaera velocissimum cōpetere motum.*

*Tempus revolutionis Planetarum.*



anno Iuliano 10. Mens. 17. dieb. 22. hor. min. 21. Iupiter Annis Ægyptiis 11. diebus 315. hor. 17. minutis 14; hoc est, annis Iulianis 11. Mens. 10. diebus, 9. hor. 14. & minut. 10. Saturnus, qui remotissimus omnium reliquorum, cursum suum absolvit Annis 29. Ægyptiis, diebus 162. hor. 3.; hoc est, 29. annis Iulianis, 5. Mens. 4. dieb. 12. minut. Et tantum dicere volui de hypothese Copernicana: nisi quod adhuc, quod res omnis evadat clarior, ejus Schema itidem apponere lubeat.



*Luna motus  
est omnium  
difficilimus.*

Accingamur modò secundum propositam rationem instituendæ explicationi Theoriæ, & Motus Lunæ Specialis. Fuisse quidem & copiosè (ut temporis scilicet ratio habeatur) id impræsentiarum fieri non poterit: nam longè lateq; diffusa est materia, de quâ ingens volumen conscripsisse non sufficeret: cum Lunæ motum, præ reliquorum Planetarum motibus esse intricatum, omnes Mathematici fateantur; nihilotamen minùs operam dabo, ut omnia admodum perspicuè & quàm brevissimè, omnibus Astronomiæ Studiosis, proponere possim.

Quam



Quam etiam ob causam mihi proposui, Motum Lunæ non per modum Keppleri, & orbitam Ellipticam explicare; sed modo Tychonico, per orbitas circulares & Epicyclos; non quidem propterea, me quasi hanc hypothesein alteri anteponendam ducam, vel quòd hæc mihi magis arrideat, minime? Nam, planè in eâ sum opinione, Keppleri hypothesein, præ omnibus reliquis esse amplectendam: quum eâ observatâ, alias rationes ut taceam, motus non solum Planetarum fiat simplicior, per unam simplicem lineam Ellipticam; sed, quòd insuper tot superflui circuli, sive Epicycli prorsus removeantur, simulque motus contrarius centrorum evitetur.

*Cur Autor motum Lunæ non per orbitam Ellipticam explicaverit?*

*Keppleri hypothesis omnibus est præponenda.*

Quæris fortè, Benevole Lector, quam igitur ob rem, hanc Keppleri præstabiliorem hypothesein, præ aliis non elegerim ad explicandum Lunæ motum? Respondeo: siquidem Kepplerus multis inusitatis & difficillimis rebus, terminisque, hac in parte utitur, dum nempe peregrinas æquationes usurpat, partim phycas, partim opticas, opus primum foret ista omnia illustrare, atque ita viam complanare. Namque etiam supponit Kepplerus & demonstrare multum satagit in Epitome Astron. Copern. Solem inter & primarios Planetas, similiter Terram inter & Lunam Solemque, arctissimam esse affinitatem, veluti inter alia corpora Magnetica; sic ut corporibus Planetarum insint, fibræ quædam per diametrum hinc inde directæ, Solem attendentes perpetuò; quarum fibrarum diametraliter extensarum extremitas, altera Kepplero dicitur Solipeta, altera Solifuga; & ejusmodi res multæ incognitæ aliæ; quæ necessario essent explicandæ, priusquam id quod volumus aggredi liceret: id quod sanè hac vice, non sine magno dispendio temporis, contra meum propositum, fieret.

*Hypothesis Keppleri intellectu difficilis.*

*Planetis fibræ quasdam inesse magneticas.*

Idcirco verò, uti jam memini, per Epicyclos elegi more Tychonico motum Lunæ explicare; eò quòd spero, non Astronomiæ tantum Cultoribus quibusvis, sed & ipsis adeò tironibus Tychonicum modum melius esse cognitum; taceo fore, ut isthac viâ, magis perspicuè, varias & peregrinas illas omnes inæqualitates Lunares, cujuslibet oculis subicere multò sit commodius. De cætero perinde est, si hanc vel aliam assu-



mamus hypothefin, res eodem recedit. Rem ipsam igitur demum aggrediamur, mentionemq; faciamus reliquorum quoq; Planetarum, in quibus cum Lunâ conveniunt, nec quicquam prætermittamus, quod proposito huic nostro inservire possit.

*Zodiaci Latitudo.*

1. Quemadmodum Sol (vel potius Terra) solus omnium Planetarum, in Eclipticâ, absq; omni latitudine, in quamcunq; partem, movetur, & rectè loquendo, cursu suo annuo, veram in Cœlo Eclipticam describit: ita omnes reliqui Planetæ unâ cum Lunâ non in Eclipticâ, sed Zodiaco moventur, qui ab utraque parte Eclipticæ suos certos habet terminos, quousque se se extendat; octo nimirum gradus ab unâ parte, & ab alterâ totidem, adeò ut tota ejus latitudo sit sedecim graduum. Quos Limites, Planetæ nunquam excedunt, sed in iis variè cursus suos agunt, non autem uti Sol (Terra) in Eclipticâ, vel in circulo quodam Eclipticæ Parallelo; sed in Eccentrico, seu in Eccentrepicyclis Eclipticam obliquè secantibus, hoc est, super axe ac Polis ab Eclipticæ axe diversis.

*Planeta præter Solem, habent suas Eccentricitates.*

2. Proinde, cum in Eccentrico, & non in Concentrico moveantur, idcirco etiam certas suas habent Eccentricitates, quamvis unus majorem habeat altero; quæ Eccentricitas nihil aliud est, quàm linea centro Terræ, vel Solis & centro Eccentrici, intercepta: in Lunâ solummodo est distantia centri Eccentrici à centro Terræ. Hinc, ut & ratione Epicyclorum (sicuti suo loco docebitur) Planetæ cum Lunâ modò velociores, modò tardiores apparent; similiterque modò remotiores, modò propinquiores Terræ existunt. Quod punctum à centro Terræ remotissimum vocatur Apogæum, & centro Terræ vicinissimum Perigæum, nempè in Lunâ: Punctum autem à centro Solis remotissimum, dicitur Aphelium, vicinissimum Perihelium. Vtriusque etiam generis puncta, aliàs dicuntur Apfides, summa scilicet & ima, Arabicis Astronomis Aux & oppositum Augis: Puncta autem ab Apogæo & Perigæo æqualiter remota, dicuntur puncta mediæ distantiae, vel mediæ remotionis, sive puncta intermedia.

*Cur Planeta jam velociores, jam tardiores apparent?*

*Quid sint Apfides?*

*De Nodis*

3. Orbitæ Planetarum, ut & Lunæ, Eclipticam obliquè intersecant, in duobus punctis oppositis, quæ puncta, peculiari nomi-



nomine, Nodi appellantur; quorum alter evehit Planetam Boream versùs, alter eum devehit Austrum versùs: unde prior evehens, posterior devehens dicitur. In Lunâ hos nodos Astronomi, evehentem quidem, caput; devehentem, Draconis caudam appellant. Hinc ergo sequitur, quando Luna, ut & reliqui Planetæ, in ipsissimis versantur nodis, quòd simul in Eclipticâ existant; quando autem à Nodis nonaginta gradus removentur, quòd tunc ab Eclipticâ quàm longissimè sint remoti; quæ remotio maxima revera Latitudo Planetarum est, seu maxima inclinatio Limitum. Aliàs illi Limites seu Ventres appellantur: quorum duo sunt, Limes nimirum Boreus & Austrinus: illorum maxima Latitudo, nempe in Lunâ, quando est intra copulas, se se extendit ad quinque gradus, extra copulas autem fit 17. minutis major, secundùm Tychonem, verùm ut vult Kepplerus, fit ea 18. minutis major.

4. Nodi Lunæ cum centro Terræ, in eandem rectam lineam coincidunt; non semper autem in uno eodemque loco commorantur: quod beneficio Eclipsium, (quæ se se continuè in locis Zodiaci occidentalioribus obtulerunt) elapsis aliquot seculis deprehensum, eos paulatim, in antecedentia signorum, sub Eclipticæ parallelis moveri, iterumque restitui, ad idem punctum Longitudinis Zodiaci, in annis Ægyptiis, secundùm Tychonem 18. diebus 223. horis 6. ita ut singulis diebus retrorsum moveantur  $3.10''.46'''.39'''$ : secundùm Kepplerum autem in Annis Ægyptiis 18. diebus 228. hor. 3.56: fit igitur motus diurnus Mediocris  $3.10''.38'''$ .

5. Apogæum Orbitæ Lunæ Eccentricæ, movetur secundùm signorum consequentiam, restituiturq; ad idem punctum longitudinis Zodiaci in Annis Ægyptiis 8. diebus 311. horis 6: diurnus Apogæi sub Zodiaco est  $6.41'$ . & Horarius  $12''$ .

6. Movetur Luna in antè nominato Eccentrico, motu proprio secundùm Eclipticæ ductum sphæræ fixarum, & quidem irregulariter, respectu centri Mundi, hoc est, modò velociùs, modò tardiùs; qui motus aliàs dicitur longitudinis, seu media Lunæ Longitudo ab Ariete, sive Æquinoctio: interdum etiam hanc longitudinem aliis insigniunt nominibus, prout sci-

*De motu Apogæi.*



*De longitu-  
dinis variis  
nominibus.*

licet ratio id efflagitat. Nam, si hic motus ad Nodos, vel Limites referatur, tunc à Kepplero Argumentum, vel Anomalia motus Latitudinis Lunæ nominatur; quæ nihil aliud est, quàm arcus Eclipticæ, interceptus, inter locum Nodi Ascendentis (vel Limitis etiam Borei locum, Copernico) & inter centri corporis Lunæ verum locum Eccentricum ad Eclipticam reductum; completurque diebus 27. horis 5.5.36". Diurnus igitur mediocris motus Anomaliæ Latitudinis est 13.46". Horarius 33.5". Keppl. in Epitom. Astron. pag. 788. Sin hic Motus ad Solem referatur, tunc æqualis longitudo, vel Elongatio Lunæ à Sole, dicitur. Estque arcus Eclipticæ à medio loco Solis, ad medium locum Lunæ s. s. s. numeratus. Quando autem ad Apogæum refertur Kepplero hic motus dicitur Anomalia soluta vel inæqualitas orbitæ suæ. Periodum hanc, secundum signorum ordinem motu inæquali absolvit, priusquam iterum ad lineam apsidum revertitur, peractis diebus 27. hor. 13.18.35". motu medio; quod similiter variatur propter inæqualitates menstruas. Diurnus ergo mediocris Anomaliæ solutæ est (ut & in Epicyclo primo) 13.5.54"; & Horarius 42.40".

*De Mense Sy-  
nodico & Pe-  
riodico.*

7. Etenim, cum hic motus, à certo quodam puncto Eclipticæ vel à loco Solis, seu ejus puncto opposito numeretur; hinc etiam duo diversi Menses Lunares oriuntur apud Astro-nomos; primò: Mensis Periodicus, secundò, Mensis Synodicus. Periodicus Mensis est spatium temporis, quo linea motus Lunæ, ab eodem circulo Latitudinis, immobiliter ad certum Eclipticæ punctum affixo, digressa, reditu peracto revertitur ad eundem; quod fit in 27. diebus, horis 7.43.5". mensurâ æquabili: Diurnus est 13.10.33": Horarius medius 32.56.30". Synodicus Mensis est spatium temporis, intra quod linea motus Lunæ à circulo Latitudinis, in quo linea motus Solis (vel ejus puncti oppositi) digressa, circuitu peracto, revertitur ad eundem. Dicitur etiam Lunatio; quia intra hoc tempus, Lunæ orbis & impletur successivè lumine, & vicissim evacuatur. Periodus Mediocris absolvitur diebus 29. horis 12.44.3". Separatur Luna à Sole dietim angulo grad. 12.11.27. in horâ 30.26 37½ ratione mediâ. Itaque in anno existunt Lunationes 12. & ultra gr.



132.45.min. de tredecima Keppl.in Epit.Astron.pag.789. Hic Mensis autem Synodicus non semper est æqualis : verum hac de re, impofterum dicetur; ubi quoque de inæqualitatibus Menstruis quædam proferentur. Nunc de motu Lunæ proprio loqui pergamus.

8. Quandoquidem igitur Luna (quemadmodum ex antè dictis patet) non omni tempore in orbitâ suâ, vel Eccentrico, uniformiter movetur, itaque ad salvandam talem irregularitatem, initiò duos excogitaverunt Epicyclos. Primum Epicyclum, nempe Majorem, super Eccentricum collocant, ita ut centrum ejus secundum ordinem signorum moveatur. In hujus Epicycli primi peripheriâ, iterum quendam minorem Epicyclum, nempe secundum constituerunt, adeò ut, hujus centrum in peripheriâ majori, motu tamen contrario, contra s. s. feratur, ab Apogæo parte superiori incipiendo, & quidem longè velocius, quàm centrum Epicycli primi; sicuti ex sequentibus constabit. Tandem primum sequitur corpus Lunæ, in illo Epicyclo secundo, quod iterum in consequentia signorum, à Perigæo Epicycli secundi incipiendo circumvolvitur partem versùs superiorem. Cum autem nondum sufficiat, ad exprimendum omnem motum Lunæ, idcirco adhuc alium finxerunt circellum (reliqua ut taceam, quæ suo loco reserventur) circa Terræ centrum, in quo centrum Eccentrici movetur. Sic, ut perpetuò tempore veræ Conjunctionis & Oppositionis, centrum Eccentrici cum centro Terræ unum idemque sit; postea sursum, dextram versùs secundum seriem signorum paulatim agitetur; adeò ut tempore Quadraturæ centrum Eccentrici in partē circelli superiori, à centro Terræ maximè remotum existat, & sic deinceps. Denique, ut omnes inæqualitates accuratè explicarentur, Tycho adhuc alium minorem circellum excogitavit in Eccentrico; in cujus diametro centrum Epicycli primi, modò sinistram versùs, modò dextram versùs libratur, motu tamen ad circularem analogo, cujus vel meminisse tantum hic, satis esto. Melioris cognitionis gratiâ, figuram præsentem ipsam contemplabimur, hosque circulos, Epicyclos, motusque varios unà exponemus; itemq;

*Ad salvandas  
irregularitates  
Lunares.  
alii, diversos  
excogitarunt  
Epicyclos.*


*Motus Lunæ  
proprius ex-  
plicatur.*



verò oculis etiam subjiciemus situm Lunæ tum intra Copulas, hoc est, in Conjunctionibus & Oppositionibus, tum extra Copulas; omnes pariter terminos, quorum facta est mentio, & quicquid adhuc scire magnoperè interest, isthac occasione explicabimus.

*Theoria Lunæ, schemate explicatur.*

9. Sensus genuinus hujus Theoriæ hic est: 1. A est centrum Terræ, per quod ex centro B circellus A D C E du-



*Aut. Sc.*

citur, in quo movetur centrum Eccentrici F, O, P, T, Q, H, sic, ut in omnibus veris Oppositionibus & conjunctionibus semper in A existat, postmodum per D sursum feratur in C: quo in loco, tempore Quadraturarum perpetuò constituitur.

2. Centrum F Epicycli primi I H G O, initio in diametro R S circuli R S V libratur. tum R versùs, tum S versùs, motu tamen ad circ-

cularem analogo, uti diximus: posthæc, centrum F Epicycli primi, unà cum Epicyclo secundo & corpore Lunæ P versùs, secundùm seriem signorum circumducitur. 3. In peripheriâ Epicycli primi, centrum Epicycli secundi K L M N movetur, hoc modo, quando Luna in Apogæo, centrum in G versatur, postea motu contrario in antecedentia per L H, Perigæum I versùs fertur: utrumque tamen centrum, simili cursu progreditur, & æqualibus temporibus, conficiunt similes arcus, vel æquales, ad centra sui motus angulos. Ad Perigæum autem I veniens, apparet jam secundùm s. s. sursum usq; ad Apogæum



gæum progredi. Itaque centrum Epicycli secundi semper in semicirculo inferiori  $HIO$  secundum ordinem signorum progreditur, & in semicirculo superiori  $OGH$  contra seriem signorum. 4. In hoc Epicyclo secundo, Luna primum ipsa movetur, & quidem sic; quando centrum Epicycli secundi est in  $G$ , Apogæo nempe Epicycli primi, tunc Luna versatur in  $K$ , in Perigæo, ut ita dicam, Epicycli secundi, quod in omnibus Conjunctionibus & Oppositionibus contingit. Quando autem centrum Epicycli secundi, ad  $H$  &  $O$  pervenit, quod fit in omnibus Quadraturis, tunc Luna in Apogæo Epicycli secundi existit. Quod si verò Luna inter Conjunctionem, vel Oppositionem, & Quadraturas sita sit, aliter se res habet, quemadmodum ex figurâ sequenti clariùs elucescet; ut & hoc, Lunam nunquam à Terrâ elongari intervallo toto  $AM$ . Cum autem Luna in Perigæo extat, centrum Epicycli secundi  $G$  in  $I$  situm est, tanquam in Perigæo Epicycli primi, & Luna respectu Terræ centri  $A$ , in Epicycli superiori parte secundi  $M$ ; quod benè notetur. Motus igitur Lunæ in hoc Epicyclo secundo, ad centrum Epicycli primi duplus est; hic motus qui in illo Epicyclo primo conficitur, à quibusdam nominatur Anomalia Eccentrici, ab Alphonsinis centrum Lunæ, & duplex longitudo, vel duplicata distantia Lunæ à Sole; quæ nihil aliud est, quàm mensura arcus secundi Epicycli, inita ab ejus Perigæo  $K$ , ad Lunare corpus per  $L$  secundum sign. sequelam. Idcirco cum motus Epicycli secundi, duplus sit ad motum Epicycli primi, propterea etiam Luna hunc Epicyclum bis percurrere potest, priusquam centrum Epicycli secundi & primi semel tantum circumferatur, ad lineam medii motus Solis. Hinc fit, uti jam dictum, quòd Luna semper in omnibus mediis Conjunctionibus & Oppositionibus in Perigæo Epicycli secundi conspiciatur, in Quadraturis verò in Apogæo, illius Epicycli, à centro Epicycli primi, puncto remotissimo, ubi etiam majores inæqualitates, & apparentiæ differentias efficit, quàm in mediis Conjunctionibus, & Oppositionibus. Proportio Radiorum Epicyclorum, & Eccentrici Lunæ hæc est: qualium partium Semidiameter Orbitæ Lunæ  $AF$  est 100000. talium est radius Epicycli primi

*Proportio Epicyclorum & Eccentrici.*  
61.




mi F G 5800. & Radius Epicycli secundi, G M 2900. Radius circelli A B est partium 2174. , R F autem radius nimirum minoris circelli tantum 40 $\frac{1}{2}$  minut. Secundum hanc proportionem orbium, angulus primæ inequalitatis non major existit in omnibus Pleniluniis & Noviluniis grad. 4. 52. 30. , at in Quadraturis grad. 7. 28.

10. Ex hac Theoriâ, & illis, quæ jam dicta sunt, ferè omnes inæqualitates & Variationes Lunares intelligi & demonstrari possunt; unde nimirum Luna in Apogæo tardior appareat, quàm in Perigæo? Id quod inde oritur, quia centrum Epicycli secundi in Antecedentia, hoc est quasi retrorsum fertur, uti notum, ut & Luna ipsa, infimam Epicycli partem percurrentes; quod fit circa Apogæum, vel Perigæum Epicycli secundi. E contrario Luna existente in Perigæo; & centro Epicycli secundi G, in inferiori parte Epicycli primi I, centrum Epicycli secundi G, non solum in consequentia movetur, sed & Luna ipsa simul, centrumq; Epicycli primi, adeò ut tres velocitates concurrant: necesse igitur est Lunam in Perigæo multò velociorem apparere, quàm in Apogæo. In punctis mediæ remotionis, motus videtur mediocris, quia inibi circulatio in Epicyclis, nec adversatur, nec juvat, motum centri Epicycli primi F, extra autem hæc loca, motus aut crescit aut decrescit proportionaliter, ptout in hac figurâ majori conspicitur. Secundò, facile etiam hinc colligitur, quare Lunæ diameter in Apogæo minor, quàm in Perigæo appareat? eò nempe, quòd longius tunc ab oculo nostro sit remota. Quantæ autem sit magnitudinis diameter tum temporis, circa finem hujus Capitis indicabitur.

11. Rem, ut eò clarior (cùm per se satis sit obscura) evadat, adhuc alio declarabo Schemate, ex quo non modò Lunæ constitutio in Apogæo, scilicet apud b, sed & in Perigæo in inferiori parte apud i cernitur: insuperque, quænam sit ratio, motus centrorum Epicyclorum & duplicatæ distantiae nimirum m D & hujuscemodi? Omnes quidem variationes, casus, & inæqualitates, in hanc unicam figuram compingere haud



haud potui, propter linearum confusionem: quamobrem circellum Eccentricitatis omisi, & A tantum, tanquam centrum Terræ retinui, neq; circellum librationis in Eccentrico depinxi.



*Aut. Sculp.*

Linea, quæ transit per centrum Epicycli primi b, ut in hac figurâ i A b, lineam indicat Apogæam, omnes lineæ minores omnium figurarum, quæ ex centro Epicyli primi, per centrum Epicycli secundi feruntur, itidem sunt lineæ Apogæi. Omnes autem Lineæ ex centro A, per corpus Lunæ transeuntes, verum locum Lunæ in Eclipticâ monstrant: Angulus c A d vel d A d (ut & reliqui) est Prosthaphæresis Epicyclica; Prosthaphæresin Eccentricitatis hac vice delineare haud potui, cum illâ etiam opus hoc tempore non habeamus.

12. Denique plura alia dicenda restarent, si omnia & singula,

Z



*Mensis Synodici unde varietur?*

*Quanta horum Mensium sit differentia?*

*Quid sit Mensis Synodicus?*

la, quæ ad motum Lunæ spectant, & ex hoc oriuntur, plenè pertractare nobis propositum esset; sed id adversatur impræsentiarum, uti jam sæpiùs memini, instituto meo: siquidem etiam opinor, hæc quæ breviter dicta sunt, huic Selenographiæ sufficere. Attamen de inæqualitate Mensis Synodici, de quo jam ex parte facta est mentio, paucula adhuc addam: impossibile enim est, absque Mensis hujus cognitione, Phases sequentes rectè intelligere. Proinde si hi Menses Synodici ab omni parte sibi ipsis essent æquales, utique & Phases cujuslibet Lunationis forent consimiles; atqui has maximè variare, sequentes observationes satis superque demonstrabunt. Causa hujus variationis, est inæqualitas utriusque Sideris, tam Solis, quam Lunæ, ut Kepplerus loquitur. Nam quod Solem attinet, ab eo ætate, cum est tardus, & ejus motus circa suum Apogæum, Menses proveniunt breviores, quia Luna Solem citius assequitur: hyeme circa Solis Perigæum menses sunt longiores, quia tardius Luna Solem velocem assequitur. Rursum altera causa est Luna, tarda cum sit in Apogæo suo, velox in Perigæo: tardius igitur illic, quam hîc, cæteris paribus, conficit residuum illud, quod illi superest ad Solem, supra confectum reditum Anomalicum. Compositis igitur in unum causis, cum Sol est Perigæus, Luna Apogæa, mensis est ferè 30. solidorum dierum, (deficiunt enim horæ tantum 4. min. 23.) vicissim, cum Sol Apogæus, Luna Perigæa, mensis habet dies tantum 29. horas 6. min. 42. Quod si à Quadrâ numeremus ad quadram: major esse poterit Mensium inæqualitas. Potest enim semissis Mensis à quadrâ ad quadram excurrere proximè ad dies sedecim: semissis alter contrahi ad dies tredecim cum dimidio, paulò plus. Apogæa verò Luminaria faciunt Menssem D. 29. Hor. 15. min. 7. longum; Perigæa D. 29. Hor. 10. min. 24. longum.

13. Cæterum, cum hoc loco de Mense Synodico dictum sit, qui nil nisi Lunatio ipsa est, vel tempus illud, in quo omnes Lunationes, vel Lunæ Illuminationes, & luminis vicissitudines, ab unâ Conjunctione usque ad alteram, fiunt: idcirco haud absolum opinor, eadem operâ etiam diagrammate quodam decla-



declarare, unde tam variæ luminis Lunæ vicissitudines, & phas- *Unde Pha-  
sum vicissi-  
tudines oriā-  
tur?*  
ses oriantur, & quænam hujus rei sit ratio? quandoquidem  
per se satis abundè constet, Solem tanquam fontem luminis,  
perpetuò, dimidiam partem corporis Lunæ circiter, illuminare,  
& nihilominus, teste experientiâ, nec phasēs semper uniformes,  
nec perpetuum Plenilunium nobis in conspectum venit; ratio  
verò est, quòd nobis non semper, pars illa dimidia Lunæ illu-  
strata obvertatur, excepto tempore veræ oppositionis, quo  
totum Lunæ hemisphærium illuminatum conspiciamus; alio  
autem tempore, nunquam: idque ex Schemate sequenti liqui-  
dò constabit.

In quo A Solem repræsentat, B Terram, vel potiùs locum *Quomodo  
Luna crescat  
& decrescat?  
schemate re-  
presentatur.*  
verum oculi nostri; C, D, E, F, G, H &c. Lunam. Etenim,  
certissimum quidem, Solem omni tempore, partem dimidiam  
Corporis Lunaris circiter, radiis suis illuminare, illud nempe  
hemisphærium, quod Solem respicit, hoc est, partem illam, quæ  
istis duabus lineis T P, & V R Solem versùs comprehenditur:  
rursum, pars illa Lunæ averfa, scilicet P, S, R semper ob-  
scura & caliginosa conspicitur, quia radii eò pertingere  
nequeunt.

Sine ullâ contradictione, etiam verissimum est, quòd ex ter-  
rà B, æque circiter dimidiam Lunæ partem (si tum temporis  
fuerit illustrata) spectemus, scilicet S, R, Q, vel illud, quod an-  
gulo nostro visionis S, B, Q comprehenditur. Cùm autem  
pars illa, quam angulus prædictus complectitur, tantummodo  
semel, menstruo spatio, tota illuminetur à Sole, idcirco nec un-  
quam tota, nisi in ipso Plenilunio cernitur, tum nimirum, quan-  
do Lineæ visionis B Q, & B S, cum duabus illis illuminationis  
T P, & V R, rectè antrorsum versùs procedentes, corpus  
Lunare, circiter in similibus punctis tangunt, sicuti videre est  
in figurâ I. In figurâ enim oppositâ C, hæ dictæ lineæ, ferè  
simili modo Lunam tangunt; hoc tamen discrimine, quòd Li-  
neæ visionis B Q, B S contra Solem procedant, dum faciem  
nostram Solem versùs dirigere sit necesse, quod fit in omnibus  
conjunctionibus, utpote in figurâ C; quo tempore de hemi-  
sphærio Lunæ illuminato, nihil quicquam spectatur, cùm to-  
tum planè respectu nostri sit aversum.



In figurâ secundâ signorum seriem versûs, quando Luna jam paululùm à Conjunctione est progressa, tunc pars aliqua hemisphærii illuminati se se detegit, quæ non major est particulâ  $RQ$  Angulo  $RBQ$ , vel lineâ illuminationis  $VR$  & visionis  $BQ$  comprehensâ. Pars quidem  $PQ$ , etiam à Sole illuminatur; sed non sufficienter nobis obvertitur, quò in conspectum venire possit: quamobrem & simplicibus tantùm lineis, in omnibus Lunæ figuris, est expressa, ut eò citiùs animadvertatur, quicquid à Sole illustratur, & à nobis minimè conspici possit; pars autem illa lineis nudata, semper cernitur.

*Pars luna illustrata crescit vel decrescit, pro majori vel minori elongatione Luna à Sole,*

Quantò igitur longiùs Luna digreditur à Sole, tantò majus apparet incrementum luminis, oculo nostro, quia angulus  $RBQ$ , magis magisque se dilatat; sicuti videre licet in figurâ  $E$  & omnibus sequentibus, usque ad Plenilunium  $I$ : postmodum in eâdem proportionem hic angulus decrescit, uti antea creverat; quod manifestè in  $K, L, M, N, O$ , deprehenditur. Circa  $F$  &  $M$ , Quadraturæ se se offerunt; Luna namque ibidem  $90^\circ$  gradus à Sole elongatur: pars quidem illuminata conspicua, in utraqûe figurâ paululùm major, quàm revera esse debeat, apparet: ratio autem est, quòd in hoc Schemate, veræ proportionem Solis & Lunæ, ut & distantiarum Terræ, Lunæ, & Solis minimè fuerint observatæ. Non est igitur, quòd hæ Phases in minimis particulis considerentur, nec multùm interest, dummodo in hac figurâ incrementum, & decrementum clarè satis sit explicatum.

*Cornua Luna tum ortum, tum occasum respiciunt,*

Res ut eò manifestior evadat, aliam adhuc apponere libuit figuram, ad repræsentandum verum, tam Lunæ crescentis, quàm decrescientis aspectum, qualis ejus nempe in Cœlo sit positus, & quomodo in suo Eccentrico crescat & decrescat? Vbi & apparet, Lunam modò sinistram versûs cornua extendere; cum videlicet Sol ad dextram est situs; modò dextram versûs cornua vertere, Lunâ nimirum decresciente & Sole ad sinistram existente. Nam Luna semper cornibus à Sole averfis splendet.

Quem-



Quemadmodum igitur diversissimæ Phases Lunares dantur, pro variâ Lunæ à Sole elongatione, ita & Astronomi, diversa nomina melioris distinctionis causâ ipsis imposuerunt. E. g. Quando Luna in verâ conjunctione Solis apud C, versatur, tunc appellatur, Luna Silens, Nova, Vacuâ, Sitiens, Luna extincta, Novilunium, Neomenia, Interlunium, Nox illunis. Quamprimum autem crescere incipit, Accensio luminis Lunæ vocatur; postea Corniculata, Novacularis, Falcata, Curvata in Cornua. Quando dimidiâ parte illuminata existit, Dimidia, Secta bifariam, Dimidiata, Bifida, Bisecta, Quadra, Quadrata, Quadratura, Semiplena, Dividua, Æquâ portione divisa, dissecta. Posthac, Gibba, Gibbera, Gibbosa, Gibberosa, utrinque Gibbosa, utrinque Curva, utrinque Prætumida. Pleno cum imbuitur lumine, Luna Plena, Luna pernox, Plenilunium, Immensa pleno orbe nominatur &c.

*Phases Lunares varia  
fortiuntur  
nomina.*

Pariter verò, cum Selenographiâ hæc meâ, variis etiam multisque abundet Phasibus, ideo & necessarium duxi, quamlibet peculiari insignire nomine, eò, ut melius distinguerentur omnisque confusio evitaretur.

Phasis, quæ primo statim post conjunctionem die conspicitur, Luna prima ac novissima à me nominatur; Secunda, Luna Corniculata; Tertia, Luna falcata; Quarta, Luna Cornigera; Quinta, Luna curvata vel cornuta aut concava; Sexta, Luna Lunata, quæ plerumque quando quinque dierum est, hoc nomine appellatur; Septima, plusquam Lunata; Octava, Luna Adolescens; Nona, Luna Juvenis; Decima, Prima Quadratura; Undecima, Luna plusquam Bisecta, seu à Quadraturâ recens; Duodecima, Luna Gibbosa; Decima tertia, Luna in orbem insinuata, tempore nimirum Trigoni Solis; Decima quarta Luna incurvata; Decima quinta, Luna Gibberosa; Decima sexta, Luna adulta, cum Luna circa hanc phasin ferè lumine plena nudo oculo semper appareat; Decima septima, Luna ad oppositionem vergens; Decima octava, Plenilunium. Hæc sunt nomina omnium Phasium crescen-

*Quibus nominibus Auctor phases suas appellaverit?*







Lunata; Decima tertia, Luna senescens seu curvata; Decima quarta, Luna cornigera; Decima quinta, Luna Falcata; Decima sexta, Luna Corniculata; Decima septima, Luna Senex in Conjunctionem propendens; Decima octava, Novilunium seu Interlunium est. Hæ sunt Lunæ, tam Crescentis quàm Decrescentis Phases, quæ ex diversâ Elongatione à Sole, suam ducunt originem.

Aspectus Lunæ, & Solis, quod attinet, pariter ex prædictâ Elongatione oriuntur; suntque certus stellarum inter se positus ac situs in Zodiaco; aliàs dicuntur configurationes: horum aspectuum Veteribus quinque tantummodo fuerunt: Conjunctio nimirum, Oppositio, Quadratus, Trigonus & Sextilis. Kepplerus verò adhuc alios excogitavit octo, ita ut, secundum ejus sententiam, Aspectuum sint tredecim, qui in tres distinguuntur Classes seu Ordines, in primum nempe, secundum, & tertium ordinem. Primi Ordinis Aspectus reliquis sunt potiores ac fortiores, quales habentur: Conjunctio, Oppositio, Quadratus, Sextilis, Semisextus & Trigonus. Secundi ordinis: Quintilis, Biquintilis, Quincunx, Decilis, Tridecilis, seu sesquintilis. Tertii Ordinis: Octilis, & Sesquadrus, vel Trioctilis.

*Quid sit Aspectus?*

*Quotuplicia sint Aspectuum genera?*

*Aspectuum distinctiones.*

1. Conjunctio est Aspectus, quo stellæ ex Terrâ conspectæ, in eodem Zodiaci loco & gradu conveniunt; notatur hoc signo  $\sigma$ .

*Quid sit Conjunctio?*

2. Oppositio est Aspectus, quo stellæ, è diametro positæ, interveniente Terrâ, integrâ Zodiaci medietate, distant, hoc est, 180. gradibus. Nota ejus est  $\rho$ . Hæ Conjunctiones & Oppositiones, Solis & Lunæ, plerunque etiam Syzigix appellantur: reliqui Aspectus autem configurationes.

*Oppositio.*

3. Quadratus, est Aspectus, quo stellæ, quadrante Zodiaci, sive arcu grad. 90. ab invicem removentur: cujus nota est  $\square$ .

*Quadratus.*

4. Sextilis, est Aspectus, quo stella, sextâ Zodiaci parte, sive arcu grad. 60. distant; notatur hoc signo  $*$ .

*Sextilis.*

5. Semisextus est Aspectus, quo stellæ duodecimâ Zodiaci parte, sive arcu 30. grad. ab invicem distant; quem hoc signo  $\vdash$  notare placuit.

*Semisextus.*

6. Tri-



*Trigonus.* 6. Trigonus, seu Trinus, est Aspectus, quo stellæ trientis Zodiaci, sive arcus graduum 120. intervallo, inter se distant; cujus nota est  $\Delta$ .

*Quintilis.* 7. Quintilis est Aspectus, quo stellæ, quintâ Zodiaci parte, sive arcu grad. 72. distant: quem hoc signo  $\diamond$  notare placuit, cum tot sint latera Pentagoni.

*Biquintilis.* 8. Biquintilis est Aspectus, quo stellæ, arcu grad. 144. ab invicem removentur: qui latera Pentagoni bis æquat, hoc est, quæ stellæ duplo interstitio, quàm in aspectu Quintili ab invicem distant: propterea & hoc signo distinguere volui hunc aspectum  $\diamond^2$ .

*Quincunx.* 9. Quincunx est Aspectus, quo stellæ 150. gradibus ab invicem sunt remotæ, quinque nimirum uncis Zodiaci: vel qui Aspectus; quinque Semisextos æquat. Idcirco quàm optimè ipsi hoc signum convenit  $\perp$ .

*Decilis.* 10. Decilis seu semiquintilis est Aspectus, quo stellæ decimâ Zodiaci parte, sive arcu grad. 36. ab invicem removentur; qui tantum dimidiam requirit distantiam Aspectus Quintilis; eam ob causam optimè quadrat hæc nota  $\diamond^{\frac{1}{2}}$ .

*Tridecilis.* 11. Tridecilis, seu Sesquintilis, est Aspectus, quo stellæ arcu graduum 108. inter se distant, vel qui Aspectus tres exæquat Deciles, aut, quæ stellæ ab invicem tribus decimis Zodiaci removentur. Hunc ergo sic nota  $\diamond^{\frac{1}{2}}$ .

*Octilis.* 12. Octilis est Aspectus, quo octavâ Zodiaci parte, sive arcu grad. 45. ab invicem distant, notatur hoc signo  $*$ .

*Sesquadrus.* 13. Sesquadrus, seu Trioctilis, est Aspectus, quo stellæ 135. gra. distant; quod spatium æquale est, tribus interstitiis Aspectus Octilis, vel uno & dimidio quadrato; hunc sic notabis  $*$  vel  $\diamond^{\frac{1}{2}}$ .

*Alia Aspectuum divisio* Hi antè nominati tredecim Aspectus, ab acutissimo Keplero adhuc aliter distinguuntur, in Harmoniâ Mundi lib. 4. in quinque scilicet gradus efficacitatis. Primus & fortissimus gradus efficacitatis ipsi est, Conjunctionis  $\circ$ , & Oppositionis  $\otimes$ . Secundus gradus in Aspectuum efficacitate, est Quadrati  $\square$ . Tertius efficacitatis est Trini  $\Delta$ , Sextilis  $*$ , & Semisexti  $\perp$ . Quartus in efficacitate configurationum gradus est Quintilis  $\diamond$ , Biquintilis  $\diamond^2$ , & Quincuncis  $\perp$  Quintus, ultimus & imbecillissimus



simus Aspectuum gradus est Decilis  $\frac{1}{2}$ , Tridecilis  $\frac{1}{2}$ , Octilis \*, & Trioctilis \*. De quibus in antè dictâ Harmoniâ Keppleri plura habentur.

Hactenus breviter diximus, de illuminatione Lunæ, illius variis Phasibus, Phasiumque nominibus, ut & de diversis illius Aspectibus, quæ ex motu Lunæ & situ vario, respectu Eclipticæ oriuntur: nunc in gratiam etiam Astrophilorum, quemadmodum in Schemate antecedenti, diversas illas Phases Lunæ quoad apparentiam repræsentare libuit, ita diversa Phasium nomina, & Aspectuum signa, & arcus in eodem quoque apponere placuit, ut eò felicius, mediante certâ quâdam tabellâ, intelligantur, memoriæque tradantur. Equidem multæ hîc quæstiones de Illuminatione Lunæ, & quæ ad hanc pertinent, moveri possent, inprimis; cur Luna nunquam minùs illumineatur, quàm cum est plena? & aliæ hujus generis plures; sed has quæstiones in eum locum rejiciendas puto, ubi in specie de Phasibus Lunaribus impofterum agetur.

Sequitur, ut ea ulteriùs persequar, quæ ad Lunam necessariò spectant, quorumque adminiculo Motus Lunæ ille varius, de quo huc usque diximus, clarior adeoque perspicuus Astronomiæ Tironibus redditur, ut etiam à minùs perspicacibus intelligi queat: quæ non postremum obtinent locum P A R A L L A X I V M Doctrina, particula Astronomiæ omnium ingeniosissima. Quanquam non inficior, esse eam Astronomiæ partem omnium etiam difficillimam: quia Parallaxes Astronomis non parùm faceffunt negotii, præsertim in Eclipsibus Solis, ita, ut nequicquam mirum videatur, multos, ob magnum & operosum hunc laborem, studium Astronomicum planè deseruisse. Quamvis ante Parallaxium calculus initiato Astronomiæ studio perdifficilis possit videri; tamen ipsi est summopere necessarius, utpote sine quo non motus Lunæ rectè intelligi, nec Eclipses Solis computari, nec Motus & sedes Cometarum explorari, vel luminarium distantiarum magnitudinesque veræ investigari queunt, quod aliàs, his mediantibus, facillimo negotio, & modo infallibili præstatur; si quædam sensibilis tantùm proportio inter distantiam Phænomeni alicujus, & distantiam à

De Parallaxibus,



*Corpora quò  
altiora, eò  
minor existit  
Parallaxis.*

centro Terræ ad superficiem, vel inter centrum Terræ & locum observantis animadvertatur : tunc enim semper verus à viso loco differt, ut in Lunâ omni tempore fit, & illis corporibus, quæ nunquam ipso corpore Solis altiores evadunt. Quodcunque autem corpus Sole altius existit, (sicut isti duo Planetæ superiores) in illo nulla est differentia veri & visi loci, cum nullam habeat parallaxin, vel si aliqua adhuc detur, certè tam exigua erit, ut vix ac ne vix deprehendi possit. In Saturno, vix minuti unius trientem exæquat, secundum calculum Tychonis; prout meminit lib. Progymn. Cap. 6. pag. 414. In Lunâ Parallaxis omnium maxima animadvertitur, cum Terræ omnium reliquorum æthereorum Corporum sit vicinissima, & haud exiguam remotionis proportionem, ad diametrum Terrenam habeat; adeò ut Parallaxis ejus interdum major 60. minutis esse possit.


*Quid Parallaxis sit?*

Parallaxis autem, seu diversitas aspectus, aliis Evariatio, Permutatio, Aberratio visus, Copernico Commutatio, est veri & visi seu apparentis loci differentia. Vel quò magis perspicuè describatur : est visi loci, à vero distantia, quæ nascitur à lineâ à centro Terræ usque ad Phænomenon in sublimi conspectum, & lineâ ab oculo vel superficie Terræ, ad idem Phænomenon producta. Quâ definitione, jam ex parte liquet, quid Parallaxis sit, & unde nascatur : inde nimirum, quòd corpora cœlestia, non ex centro, sed à superficie Terræ spectentur. Proinde in illis corporibus cœlestibus, (quorum situs non adeò est sublimis, ut diameter Terrena ad distantiam ejus prorsus evanescere possit) perpetuò Parallaxis deprehenditur : hoc est, corpora ejusmodi & Phænomena, semper in alio loco sphæræ stellarum fixarum nobis apparere, quàm si ex centro Terræ observarentur. Hinc sequitur, aliam esse lineam veri loci, & lineam visi, seu apparentis loci alicujus Phænomeni. Linea veri loci est, quæ ex centro Terræ, per aliquod Phænomenon usque ad sphæram Fixarum protenditur. Linea visi loci est, quæ ab oculo prospicientis, per Phænomenon usque in sphæram stellatam extenditur, quod ex figurâ mox subsequenti clariùs innotescet.

*Linea veri &  
visi loci dif-  
fert.*



Primò autem, hisce Parallaxibus ita est comparatum; ut *In remotissimis corporibus Parallaxis evanescit* quò propius est aliquod Phœnomenon centro Terræ, eò majorem inferat Parallaxin, remotius minorem, remotissimum nullam. Hoc non solùm ex Schemate ipso fit manifestum; sed ex quibuscunq̃ue objectis terrenis, satis superq̃; confirmatur. Porrò, Parallaxes circa horizontem sunt maximæ, elevato sidere minores, & ad verticem nullæ: nam, cùm aliquid in puncto Zenith est constitutum, nulla fit differentia lineæ veri & visi loci, quo simul penitus Parallaxis evanescit. Primò autem Schematismo hoc declarabimus, priusquam nos ad diversa Parallaxium genera conferamus.



Aut Sc.

Ecce in figurâ præsentî, infimus circellus Terram repræsentat, A centrum ejus, & D superficiem; circulus extimus C B C hemisphærium Stellarum Fixarum, E exempli gratiâ Solem, F verò Lunam. Quod si possibile esset, ex centro Terræ corpora illa aspici, in unâ planè eâdemq̃ue lineâ, ac in Conjunctione, viderentur, & quidem in G sphæræ Fixarum, qui locus, simul illorum verus esset; quia linea visionis ex centro Terræ protenditur. Quandoquidem autem horum corporum, ex centro Terræ nullus datur aspectus, verùm ex superficie duntaxat Terræ D, idcirco tam Sol, quàm Luna, prorsus in alio à priori diverso loco, apud Fixas nobis apparent: Sol nempe E, tanquam corpus remotius in H, & Luna F, in I.



Quarum utraq̃ue, Linea loci visibilis appellatur: namq̃ue à superficie Terræ scilicet ab oculo per locum Phænomeni, usq̃ue ad Sphæram Fixarum ducitur. Quicquid igitur inter lineam veri & visi loci interjacet, Parallaxis nominatur. Exempli gratiâ, in hoc Schemate, Solis altioris corporis est G H, & Lunæ F, G I. Cæterùm apparet, verum locum semper esse altiorem viso, seu apparente alicujus stellæ, seu Phænomeni, ita ut stellæ omnes, ratione Parallaxeos Altitudinis, semper plus justò deprimantur, quemadmodum refractiones plus justò illas elevant, ut apud G vero loco, & H, I, loco viso palàm est.

*Parallaxis  
Phænomena  
plus justò at-  
tollit.*

*Ex Parallaxi,  
situs verus  
Cometarum  
cognoscitur.*

*In corporibus  
declinioribus  
parallaxis e-  
xistit major.*

*In Perigæo  
minima de-  
prehenditur  
Parallaxis.*

*Parallaxium  
differentia.*

*Parallaxis  
Altitudinis  
quid sit?*

Secundò, citra exceptionem etiam verum est; quò altiùs corpus quoddam in Cœlo detur, eò minorem inferre Parallaxin, quò autem humiliùs, eò majorem. Exempli gratiâ, Solis E, Parallaxis tantùm est G H, Lunæ verò G I, quæ longè major. Quo invictò argumento, Aristotelicis demonstratur, Cometas in æthere, & quidem multò altiores, ipsâ Lunâ existere. Idq̃; argumentum nullo pacto unquam refutabunt, ut ut summo- perè conentur. Tertiò, quò ejusmodi corpora horizonti sunt viciniora, eò major etiam fit Parallaxis; quò autem remo- tiora punctum Zenith versùs sunt Phænomena, eò Parallaxis minor evadit, donec tandem in lineâ verticali, ut hîc in B, omnino exspiret. Quartò, quemadmodum Parallaxes, in qua- drante orientali ascendendo, magis magisque decrescunt, mi- noresq̃; fiunt; ita rursus in tali proportionem in quadrante oc- cidentali crescunt descendendo. Quintò, videre hîc etiam li- cet, sicut & revera est certissimum, Parallaxes Planetarum & Luminarium in Apogæo minores, in Perigæo autem multò majores, pro ratione suæ à Terrâ distantiae, existere.

Itaque cum in Astronomiâ diversa sint Parallaxium genera, propterea placet est opus, differentiam illorum ut attingamus. Primò genera Parallaxium sunt sex: Parallaxis nimirum Alti- tudinis seu verticalis; Parallaxis longitudinis; Parallaxis latitu- dinis; Parallaxis declinationis; Parallaxis Ascensionis Rectæ; & Parallaxis distantiae, five diversorum horizontum.

Parallaxis Altitudinis seu verticalis, est arcus circuli vertica- lis, per locum verum centri corporis Lunæ, seu alicujus Phœ- nome-



nomeni ducti, interceptus inter hunc & locum visibilem; vel est angulus contentus à lineis veri & visi loci Phænomeni.

Parallaxis longitudinis, est arcus Eclipticæ seu ejus paralleli, interjacens inter duos circulos latitudinum, quorum unus per polos Zodiaci, & verum Planetæ locum, alter per eosdem polos & apparentem ducitur: hæc prædicta Parallaxis semper fit in circulo longitudinis, sive cursus stellæ.

*Parallaxis  
longitudinis.*

Parallaxis Latitudinis, est differentia veræ & visæ latitudinis, numerata in circulo magno ad priorem perpendiculari, per polos Eclipticæ ducto, inclusa inter duos circulos ad Eclipticam parallelos.

*Parallaxis  
latitudinis.*

Parallaxis declinationis, est differentia inter arcus veræ & visæ declinationis.


*Parallaxis  
declinationis.*

Parallaxis Ascensionis Rectæ, est differentia, veræ & visæ Ascensionis, sive arcus æquinoctialis, inter arcus veræ & visæ declinationis.

*Parallaxis  
Ascensionis  
Rectæ.*

Parallaxis distantiae, seu diversorum horizontum, vel duorum situum, est differentia duorum locorum sphaeræ stellatæ, in quibus aliquod Phænomenon, ex duabus remotis regionibus, seu certis urbibus apparet; vel potius est differentia, inter duo loca visa, quam metitur angulus in centro astri constitutus.

*Parallaxis  
distantiæ.*



Has Parallaxes, ut eò melius intelligas, præsertim illas tres priores, Schemate declarabo. Sit itaq; circulus B G F E C D circulus nonagesimi gradus, B A C horizon, D A E Ecliptica, F H K L circulus verticalis, seu altitudinis, F Zenith, G Polus Eclipticæ, G H I ut & G K circuli Latitudinem; primus

ductus est per H, locum Lunæ verum, alter in K terminat, in loco scilicet Lunæ visibili. Est itaque H I, in hac figurâ Parallaxis Altitudinis, quæ differentia est in circulo verticali, veri



& visi loci. Hic bene notetur, hanc Parallaxin altitudinis interdum horizontalem appellari in illo nempe loco, ubi maxima evadit.  $KI$  particula Eclipticę parallela, quę duobus circulis includitur latitudinum, est Parallaxis longitudinis, &  $IH$  Parallaxis latitudinis. Hę tres Parallaxes triangulum rectangulum constituunt  $KHI$ , cujus hypothenusa  $KH$ , uti jam dictum, est Parallaxis altitudinis: hæcque interdum, cum duabus reliquis, & Parallaxis composita, seu commixta nominatur.

*Theoremata  
Parallaxium  
Lunarium.*

Theoremata specialia, præsertim Parallaxium Lunarium, ex quibus magis ac magis natura & proprietas ejus elucescet, hæc sunt.

1. Lunâ Nonagesimum Eclipticę ab oriente gradum occupante, Parallaxis longitudinis ejus nulla est, sed tota in latitudinem extenditur; circulus enim latitudinis tum est verticalis, & dicitur nonagesimus.

2. Luna Zenith capitis permeante, Parallaxis nulla est: verum hoc tantum in Zonâ torridâ contingit; extra hanc Ecliptica nunquam fit verticalis.

3. Extra Zenith & nonagesimum, utramque admittit Luna Parallaxin.

4. In Latitudine Terrę Septentrionali ultra tricesimum elevati Poli gradum habitantibus, Parallaxes Latitudinis Lunę semper sunt Australes; contrâ fit in plagâ Meridionali. Hinc evenit, ut Latitudo Lunę Borealis visibilis, semper sit verâ minor, Austrina verò, semper verâ major, cum Parallaxis eam perpetuò Austrum versùs deprimat. Igitur in Calculo latitudinis Lunę in hisce Regionibus, si latitudo Lunę sit Borealis, & minor Parallaxi latitudinis; è Boreali latitudine verâ, fit Austrina visa, tanta scilicet, quantum Parallaxis veram latitudinem superat.<sup>6</sup>

5. In quadrante Zodiaci orientali, inter punctum oriens & nonagesimum ab eo gradum, Parallaxis longitudinis est orientalis, in quadrante verò occidentali, est occidentalis. Ideoque illic longitudinem Lunę visibilem, facit verâ majorem, hinc minorem; quia scilicet series signorum sive longitudo Planetarum, procedit ab occasu per meridiem in ortum.

6. Ma-




6. Maxima longitudinis Parallaxis, in signis Meridionalibus, est sub horizonte, in punctis æquinoctialibus, in ipso horizonte, & in septentrionalibus, supra horizontem.

7. Longitudinis Parallaxis, Lunâ versante in quadrante orientali, additur loco Lunæ verò ad Eclipticam reducto; in occidentali aufertur, & sic constituitur apparens seu visa longitudo.

8. In occiduo quadrante sequitur visibilis copula, in ortivo præcedit; cujus discriminis quantitas à Parallaxium varietate est petenda.

9. Parallaxis altitudinis, semper major est Parallaxi declinationis & latitudinis, quæ ex ipsâ nascitur.

Ultimam denique speciem Parallaxeos distantia, seu diversorum horizontum, ut declaremus, esto in appposito Sche-



*Aut. S.*

mate infimus circellus Terra, A ejus centrum, B certi alicujus loci vel urbis situs, C itidem statio alicujus longè diffiti loci. Ex quibus stationibus, duo diversi observatores certum quoddam Phænomenon observarent, dico itaq; observatori in B, Phænomenon hoc D, in F apud Fixas alteri verò C in E appariturum. Differentia igitur E F est Parallaxis duorum situum, seu diversorum horizontum, vel potius angulus D B C,

cui



*Parallaxis  
distantia, in  
vertice est o-  
mnium ma-  
xima.*

cui alter verticalis  $EDF$  est æqualis. Cum his igitur Parallaxibus ferè aliter est comparatum, quàm cum Parallaxi altitudinis; nam circa verticem multò sunt majores, quàm circa horizontem, & quò Phænomenon vicinius est horizonti, eò Parallaxis est minor, ut ex iconismo patet: at contrarium accidit cum Parallaxibus altitudinis; tum enim quoque visa distantia Phænomeni à vertice semper verà est major.

Quomodo autem hæ modò dictæ Parallaxes, ex doctrinâ Triangulorum, diversimodè computari queant, non est hujus loci, ut doceatur; qui tamen rebus hisce delectatur, iisque cognoscendi plus temporis impendere vult, legat Keppleri Astron. Part. Optic. Cap. 9. (ubi multa notatu digna infert, tabulamque etiam parallacticam, quam per omnes Parallaxes altitudinis, à 66. minutis usque ad unum, hoc est à Lunâ usque ad Solem deduxit) lib. 2. cap. 10. Astron. Danicæ, Crügeri Vranodromum Cometicum, in quo & egregiam tabulam Parallacticam protulit, altitudine Phænomeni & distantia ejus cognita &c. Progymnasmata item Tychonis; quamvis præter nominatos adhuc permulti alii ejusmodi Tabulas Parallacticas construxerint, sicuti in Ptolemæo, Copernico, Reinholdo, & aliis, videre est.

*Luna Parallaxibus est involuta.*

Enimvero, quoniam Luna, uti percepimus Parallaxibus perpetuò est involuta; hinc fit manifestum, motum Lunæ verum, ut & aspectum, à viso admodum differre, adeò ut alia sit e.g. Conjunctio seu Oppositio vera Lunæ, alia visa, quæ & tempore non parùm differunt; interdum visa Conjunctio veram antecedit, interdum subsequitur; quemadmodum diximus.

*Quanta sint  
Parallaxes  
altitudinis  
Lunares?*

Reliquum est de Parallaxibus, ut etiam indicetur quantæ parallaxes altitudinis sint, præsertim circa horizontem, tum quando Apogæa, tum quando Perigæa, tempore Oppositionis, Conjunctionis, vel Quadraturarum, existat. Tempore Oppositionis, & Conjunctionis, quando in Apogæo versatur, & 58. semid. Terræ 8. min. à nobis elongatur, tunc Parallaxis ejus horizontalis est 59. min. 9. sec. In Perigæo, quando 54. semid. Terræ 52. min. à nobis removetur, parallaxis est 61. min. 39. sec. At tempore Quadraturæ, Lunâ existente in Apogæo,



gæo, cùm distantia ejus 60. semid. Terræ 36. min. parallaxis est 56. min. 44. sec. In perigæo autem, quando tantum à nobis removetur 52. semid. Terræ, 14. min. parallaxis existit 65. min. 36. sec. hoc est ferè 66. min. : differentia itaque maximè & minimè parallaxeos est 8. min. 52. sec. In Sole, differentia parallaxeos horizontalis non excedit 13. sec. : quia in maximâ remotione parallaxis solummodo 2. min. 54. sec. deprehenditur; in mediâ 3. min. 0. sec. in minimâ 3. min. 7. sec. Qui autem insuper parallaxes illas ad omnes gradus altitudinis, & ad plures diversas distantias à Terrâ extensas scire desiderat, adeat Tabulam parallaxium Tychonis, quàm Progymn. lib. 1. exhibet, ac Solis quidem pag. 80. Lunæ verò fol. 120. Ad propositum nostrum, quæ dicta fuere, sufficere abundè videntur.

*Parallaxis  
Solis,*

Nunc ad Refractiones nos conferamur, de quibus etiam pauca dicenda erunt; res hæc itidem maximè est necessaria, ad observationes Lunares rectè instituendas, præsertim verò Altitudines explorandas. Neque mea tamen mens est, Dioptricam hoc loco plenariè explicare; quæ inter alia eximia, nos docet, res parvas longè distitas, viciniore & majores visui repræsentare, per varii nimirum generis lentes; cujus quoque dioptrice adminiculo multa alia præclara circa visionis, picturæ, ac visionis occupationem animadvertenda exhibentur, de his autem omnibus, modò agere, præter viam foret; tametsi capite secundo quædam de refractione lentium dicta sint, quò Lectorem ablego. Nunc verò animus est, tantummodo de Refractionibus Astronomicis stellarum & Planetarum, aliorumq; Cælestium corporum, aliquid & quidem breviter dicere : de quibus jam olim Veteres verba fecisse legitur, testantibus Alhaseno lib. 7. cap. 3. & Vitellione lib. 10. A nullis tamen Astronomiæ retro-Cultoribus, refractiones ad verum necessariumque usum Astronomicum fuerunt translatae, quàm ab illo Nobilissimo Tycho Braheo, & Clarissimo Bernhardo Valtero, quo Astronomiam supra quàm dici potest illustrarunt. Quemadmodum enim absque Parallaxibus, ita nec Refractionibus remotis, ulla vera cognitio motuum corporum

*De Refractionibus, quædam proponuntur.*

*Tycho & Waltherus, Refractiones Astronomiæ applicarunt.*



*Ratione  
Refractionis  
corpora plus  
justò elevan-  
tur.*

cœlestium, inprimis Lunæ, acquiritur. Parallaxes universa phænomena deprimunt, contrà Refractiones illa plus justò in circulo verticali elevant; cum hoc tamen discrimine, quòd maxima pars stellarum à Parallaxibus sit libera; Refractionibus verò, omnia corpora cœlestia & Phænomena afficiantur, nisi puncto verticali sint vicinissima, ut brevi post pluribus dicetur.

Quò autem & hanc doctrinam magis perspicuam reddam; idcirco theoremata & axiomata quædam Optica, & Dioptrica summè necessaria præmittenda duco, (quorum partim etiam jam suprà capite secundo, facta est mentio) utpote sine quibus illa, quæ intendo, non intelligi possunt.

*Axioma O-  
pticum pri-  
mum.*

1. Omnes radii, per medium aliquod diaphanum sive fit rarius, sive densius, perpendiculariter, hoc est, ad angulos rectos pertranseuntes, irrefracti permanent; contrà, si ad angulos obliquos & inæquales incidant, franguntur: &, quò obliquius incidunt, eò sub majori angulo refringuntur: Vitell. lib. 2. propos. 42. 43. & Maurolyc. lib. 1. pag. 36.

*Axioma se-  
cundum.*

2. Et quidem ad perpendicularum, radii, si ex medio rariori in densius incidant; sin verò, ex densiori transeant in rarius, à perpendicularo refringuntur. Vitell. lib. 2. prop. 45. & 47. Alhaf. lib. 7. n. 8. Keppl. in Diopt. Axiom. 2. Aguil. lib. 2. prop. 8. fol. 120.

*Linea refra-  
ctionis in di-  
versis dia-  
phanis diver-  
simodè re-  
fringitur.*

Vnde sequitur, in quod diversis diaphanis linea refractionis terminatur, tot diversis etiam modis fieri refractionem: ita ut nunquam per ejusmodi diversas diaphanitates, quicquam lineâ rectâ, sed refractâ cernere possimus.


Hæc se se ita habere, non solum in Opticis satis superque demonstratur; sed & ocularis testatur experientia: quemadmodum id quoque melioris intellectus causâ, tironi Astronomiæ & Opticæ iconismo declarare, haud grave erit.

Circulus  $H K L G$  sit quidam verticalis; illud, quod hoc & proximo circulo  $M B N$  comprehenditur, medium rarius; spatium punctis undique repletum, medium densius; rursum, quicquid circulo  $D C O$  &  $A$  interjacet, medium rarius. Porro, linea  $A B I$  est perpendicularis, sive radius ad angulos rectos in illa diversa media incidens, irrefractusq; permanens.

Radius



Radius autem obliquus  $LB$ , per punctum incidentiæ  $B$ , in medium densius ex rariori transiens, nisi refringeretur, jure in lineâ rectâ ad  $F$  deferretur; verùm, cùm in puncto  $B$ , tanquam



in densiori diaphano ad perpendicularum refringatur  $P A$  ver-  
sus, in  $C$  incidit, sitque linea refractionis  $L B C$ , & angulus  
refractionis ad perpendicularum  $C B F$ , vel ejus verticalis  
 $K B L$ . Postquam igitur hic radius refractus  $L B C$ , iterum  
in aliud medium, & quidem rarius, descendit, secundâ vice re-  
fringitur, & secundum Theorema alterum, à perpendiculo  
 $C A$  (quod itidem perpendicularum est puncti incidentiæ  $C$ )  
quippe ex densiori in rarius transit, estque linea  $C D$ , angu-  
lus refractionis  $D C E$ , angulus  $G B L$ , est angulus elevatio-  
nis alicujus rei supra planum horizontale, vel horizonti pa-  
rallelum  $G B H$ . Ex quibus omnibus apparet, si alicui stanti  
in  $C$ , phænomenon quoddam  $L$ , in conspectum veniret, illud  
non in vero illo loco appariturum; sed in  $K$ , loco refracto,  
qui pariter & visus est. Vera itaque refractionis erit  $K L$ , quâ  
ratione plus justò aliquid elevatur, quando nimirum radii, ex  
rariori medio venientes, in densius incidunt: ut in adjuncto  
schemate patet.

Nunquam,  
propter re-  
fractiones,  
Phænomena  
in vero loco  
apparent.

Ad hunc modum cum Stellarum & Planetarum refractionibus est comparatum. Nam, cum extra omnem dubitationis aleam sit positum, Terram nostram aëre impuriori & ma-



teriâ densiori æthere esse stipatam, ratione variarum exhalationum & vaporum ex Terrâ de die in diem prodeuntium. Adhæc verò, quò aër magis à Terrâ removetur, eò purior, quò autem vicinior Terræ, eò crassior & densior, unde necessario refractionem stellarum subsequi est opus. Aër scilicet convenienter in tres dividitur regiones: 1. nempe in supremam æthere paulò densiorem. 2. In mediam, quæ priorem densitate antecellit. 3. In infimam, omnium reliquarum densissimam. Cæterum, hæ diversæ aëris regiones, non semper etiam erga se invicem æqualem servant proportionem; sed, pro ratione constitutionis, & ascendentium exhalationum, modò talem, modò aliam acquirunt proportionem, hoc est: media aëris regio, hoc tempore crassior & densior esse poterit, alio, ratione scilicet superioris aëris: & media ad infimam comminò etiam aliter se se habere poterit; adeò ut stellarum refractionis, non semper sit æqualis, licet in simili distantia vel altitudine horizontali stellæ observentur: nec verò anguli refractionis omni tempore sunt similes, proportionēque ipsâ æquales; quia nempe à diversis istis regionibus aëris procreantur: hinc linea illa curvata refractionis non semper similiter curvatur, nec perpetuò eandem retinet circuli sectionem: sed, ex jam dictis causis, fit potius linea Conica aut Parabolica, aut Hyperbolica, pro refractionis incremento; quod equidem Vir rarâ eruditione Clarissimus M. Albertus Linemannus, Professor Mathematicum Academia Regiomontanæ, in disputatione de Refractionibus Vranicis, unâ cum Eximio Mathematico Iohan. Graves Londinensi, haud præter rem statuit.

*Aër quò remotione eò purior.*

*Tres sunt aëris regiones.*

*Aër modò crassior, modò tenuior evadit.*


*Anguli refractionis non semper in proportionem sunt æquales.*

*Linea refractionis Conicam acquirat figuram.*

Sit in schemate sequenti A Terra, B superficies ejus, à B usque ad C infima aëris regio, à C usque D media, & inter D & E suprema, inter E & F æther, F stella aliqua, cujus vera altitudo circiter H F. Dico stellam illam F, non in ejus vero loco posse conspici, sed in G loco nempe refracto, propter aërem vaporosum terram ambientem, qui in tres regiones (quamvis pro constitutione aëris adhuc longè plura puncta incidentiæ dentur) divisus est. Primò radius ex F E versus per ætherem nimirum irrefractè procedit, in superficie autem



tem supremæ æris regionis E refringitur, & quidem ad perpendicularum, usq; ad D; deinde, simili modo in superficie mediæ æris regionis, usque in C; pariter à C ad D. Si itaque



oculus meus in B foret constitutus, stella illa non in vero loco F, sed in G, altiori, spectaretur. Notandum, locum refractum à vero loco in hoc diagrammate nimis esse remotum: quòd autem sic fuerit delineatum, ob faciliorem intellectum factum est. Ex his autem denuo perspicitur, quòd, propter refractiones, omnia phænomena in circulo verticali plus justò altiora appareant, nec ullum Astrum in vero loco deprehendatur; verum potius Astra supra horizontem nobis attolluntur, quæ revera infra latent, quod certè non rarò observatur. Nonnumquam etiam stellam aliquam, per quartam horæ partem, supra horizontem immotam aspiciendam præbent, quale notabile exemplum Illustrissimus Princeps Hassiæ suis ipsismet aspexit oculis, cujus meminit in Epistolâ quadam ad Tychonem: (Epist. Tychon. pag. 22.) Ea stella fuit Veneris, quæ duobus supra horizontem elevata gradibus, videbatur & insuper per 15. min. prorsus stationaria; postmodum autem in momento penitus evanuit: cùm tamen revera, secundum calculum per duos integros gradus tum temporis sub horizonte latuit. Simili ratione sæpenumero accidit, ut in verâ Luminarium oppositione, tempore Eclipsæos, utrumque luminare sibi ipsi oppositum, & supra finitorem elevatum, conspiciamus, mediantibus videlicet Refractionibus, quod aliàs foret impossibile: eorumque

*Mediante refractione, astra sub horizonte latentia aspicimus.*

*Notabilis observatio Veneris.*

*Interdum, in ipso Oppositionis articulo, tam Sol, quam Luna, conspiciuntur*



Exempla no-  
tatu digna.

spectaculorum exempla passim, tam apud Veteres, quàm Recentiores Autores inveniuntur. Exemplum geminum annotavit Plinius libro 2. cap. 13. Aliud Præclarissimus Mæstlinus observavit Anno 1590, die 7. Julii. Quemadmodum quoque Viro summæ eruditionis Præstantissimo D. Laurentio nostro Eichstadio ejusmodi exemplum paucis ab hinc annis Stetini Pomeranorum Anno 1642. die 15. Aprilis se obtulit, cujus in parvâ suâ Ephemeride ad Annum 1644. his verbis meminit: *Oriente Sole horâ quintâ & uncia horæ, Luna adhuc plena suo lumine supra horizontem occiduum, etiamsi in diametrali esset oppositione Solis, conspiciebatur, & demum post duo minuta horæ vel circiter occidebat.* Hæc ille. Hoc jucundissimum spectaculum, & nos hic Dantischi eodem tempore, simul præsentibus egregiis aliquot viris, oculis usurpavimus: quod fortassis, etsi id compertum non habeam, alibi aliorum quoque conspectum non effugit.

Refractiones  
in vertice  
nullæ.

Circa hori-  
zontem ma-  
xima refra-  
ctio.

Cur refra-  
ctiones circa  
verticem e-  
vanescant?

Verùm, ut pergamus viam nostram, notetur adhuc; Refractiones tam Solis, Lunæque, quàm aliarum stellarum, nullo tempore se se usque ad verticem extendere; sed paulatim in vigesimo, trigesimo vel summum, in quadragesimo quinto gradu penitus evanescere; siquidem vapores & exhalationes altius ascendere nequeunt. Quò autem stellæ horizonti viciniore, eò major est refractionis; postea sensim ascendendo decrescit: enimverò non perpetuò in simili proportionem; propter varios ascendentes nimirum vapores. Deinde sicut circa horizontem refractiones velocissimè mutantur, in altiori verò situ pedetentim; sic Parallaxes contrà, circa finitorem, diu similes permanent, ad verticem verò tendendo celeriores mutationem acquirunt. Etiam si autem refractiones circa verticem planè evanescant, non exinde oritur, quòd nulli prorsus ibidem dentur vapores, sed ex hoc potius argumento colligitur, quòd eo in loco radii per media illa diaphana rectius, imò planè irrefractè, penetrent, & ita nullum angulum refractionis efficere possint.

Insuper etiam nec hæc affectio refractionum in stellis est prætereunda silentio. Etsi altitudo alicujus Phænomeni est æqualis, nihilominus tamen, non ubique locorum, nec omni tem-



tempore, refractionis itidem est æqualis, nec esse potest, propter varias exhalationes. Hanc igitur ob causam, non semper in uno eodemque horizonte, nedum in diversis, similes refractiones existunt; confirmari poterit exemplo; quod vide in Epistolâ Tychonis, pag. 82. & pag. 112. Certo enim certius est, multas dari Regiones, in quibus longè minor deprehenditur refractionis, quàm in his oris Septentrionalibus; utpote in Oriente, circa Alexandriam, ubi spatium aliquot Mensium, nebula vix animadvertitur. Præterea & hoc in stellarum refractione animadversione dignum se offert: quando stellæ refractionibus sunt obnoxie, distantie latitudinis remotiores esse videntur, quàm altitudinis, siquidem inferior duarum stellarum, quocunque tempore magis elevatur, quàm superior; quia in priori angulus refractionis etiam major est. Amplitudo equidem ortiva, & occidua, hanc ob causam major redditur: hinc & dies longiores ratione refractionis Solis habemus, quàm revera esse possunt: mediante enim refractione, Sol tempore matutino citius oriri, vespertino tempore contrà seriùs occidere videtur, ita ut calculo nunquam respondeat; nec brevissima nox cum die longissimâ, licet in uno eodemque horizonte, ullo tempore comparari potest. Ex quo item fundamento non minùs sequitur, nos verum Æquinoctium & Solstitium nusquam habere, eo nempe tempore, quo id Ephemerides vel Calendaria indicant: nam, secundùm calculum, tum temporis, dies jam plus iustò longiores, ratione refractionis, existunt. Si itaq; hac in parte, non tam diligenter & accuratè Refractiones attenderentur, facilè verum legitimumque anni spatium nobis perturbaretur. Cæterùm, refractionis Ascensionem & latitudinem in ortu, declinationem & latitudinem meridianas, minuit; contrà descensionem & longitudinem in occasu, declinationem & latitudinem Septentrionales, auget. Denique ratione refractionis, Sol præsertim horizontalis, figuram ovalem repræsentat, sic ut, hujus diameter altitudinis, diametro Longitudinis brevior videatur: rationem quispiam haud difficulter ex antè dictis colligere poterit, imprimis ex illis, quæ de Latitudinis & altitudinis Parallaxi commemorata sunt.

*In diversis  
horizonti-  
bus, diverse  
etiam oriun-  
tur refractiones.*

*Refractionis  
dies reddit  
longiores.*

*Ex refractione  
Sol induit  
speciem ovalis  
figuræ.*

Tan-



*Diversa Astrorum à Terrâ elongatio, nullam efficit mutationem,*

Tandem etiam necesse est, ut mentio fiat, quantæ revera stellarum Fixarum refractiones sint, præsertim horizontales? & : utrùm Solis & Lunæ sit eadem, sive an diversa distantia Siderum (ut in Parallaxibus) diversam possit creare Refractionem? Non solum verò Tycho, uti superiùs memini, primus fuit, qui Refractiones ad usum Astronomicum transtulit; sed insuper magnâ industriâ & curâ hanc rem egit, dum eximiorum instrumentorum adminiculo, per diuturnas assiduas observationes, Refractiones tam in Sole, Lunaque, quàm Fixis, indagavit, & annotavit, Tabulamq; postea construxit, ad singulos gradus altitudinis, quatenus refractione se se extenderet, cœlo sereno & aëre defæcatissimo, & quidem Vraniburgi. Invenit itaque maximam Solis horizontalem refractionem 34. min. 0. sec. : Sole autem 15. gradibus altiore, 7. minut. 30. sec. : Sole existente in gradu 30. 1. min. 25. sec. : cùm autem altitudo ejus esset grad. 45. tantùm 5. sec. depræhendit, postmodum verò prorsus evanuit. Eodem autore refractione Lunæ horizontalis est 33. min. 0. sec. : in gradu decimo quinto est 8. min. 0. sec. : in trigesimo gra. 1. min. 4. sec. & in gradu quadragesimo quinto, in nihilum plane redigitur. Stellarum refractione est circiter  $4\frac{1}{2}$  min. minor : horizontalis namque refractione est minut. 30. : circa decimum quintum grad. 3. min. & in vigesimo omnino evanescit. Quæ Refractione convenienter etiam Planetis, uti vult Tycho, sine magno discrimine, applicare poterit. Qui verò ad singulos grad. refractionibus his opus habet, adeat Tychonis Tabulas Refractionis lib. 1. Pro gymnasim. Post cujus accuratam tabulæ inspectionem animadvertes, refractiones non dependere à stellarum distantis; aliàs inter Solis & Lunæ, ut & stellarum, major esset differentia. Vnde autem illa prædicta differentia refractionum derivetur, & num alia etiam proportio alibi dari possit? super hoc non inter omnes Astronomos bene convenit.


*An diversa sint refractionum species?*

Hac occasione quæres : num etiam plura sint genera Refractionis? maximè. Nam in diversas equidem classes, instar Parallaxium distinguere possunt. Primò : in Refractionem Verticalem, de quâ abundè satis dictum. Secundò : in Refractionem



nem Ascensionis Rectæ. Tertio : in Refractionem declinationis. Quarto : in Refractionem Longitudinis. Quinto : in Refractionem Latitudinis. Sexto : & Refractionem diversorum horizontum : quæ ex diagrammate appposito clariora reddentur omnia.

Circulus B E L M C D repræsentat Meridianum B A C horizontem, E F G A D Æquatorem, L H I circulum verticalem, M H F circulum declinationis per locum refractum



*Aut S.*

Lunæ in H; M G verò circulum declinationis per locum stellæ I verum, sic ut H I sit refraction declinationis. Hæ tres refractiones, æque tale Triangulum Rectangulum constituunt; uti Parallaxes, cujus hypotenusa semper est Refractio verticalis. Quod si verò segmentum circuli E F G A D pro Eclipticâ assumas, & M F, & M G

pro circulis Latitudinum, tum iterum H I sit refraction verticalis, H K verò Longitudinis & K I Latitudinis. Ultimam quod attinet speciem Refractionis, nempe diversorum horizontum; est differentia illa Refractionis in duobus diversis horizontibus, eodem tempore, Cœlo sereno, in æquali altitudine deprehensa. Et tantum etiam de Refractionibus; si autem cuipiam nimis prolixa videantur, quæ de hac materiâ dicta fuerunt, sciat, me tamen vix minimam hujus materiæ partem attigisse. Quod si quis insuper manuactionem desideret, ad Refractiones quocunq; locorum diversimodè capiendas, tamq; in aëre quàm in aquâ determinandas, & calculo subjiendas, hunc ire jubeo ad cap. 4. Paralipom. Keppl. in Vitellionem. Progym. I. II. & III. & Apiarium VIII. Marii Bettini, &c.

Restat, ut circa finem hujus Capitis, pro ut pollicitus sum, quædam etiam, & quidem breviter, de distantia Lunæ à Terrâ,

C c

ejusq;



ejusq; corpulentia, magnitudine, diametro verâ & visibili proferantur; quod summè quidem necessarium duco, tum ad res omnes Astronomicas, tum ad Phases sequentes Lunares, rectè & perspicuè intelligendas: hanc enim unicam ob causam magna Phasium varietas deprehenditur, de quibus suo loco fusiùs agendum.

*De distantia  
Lunæ.*

Lunam quidem omnium Planetarum, ut & reliquarum stellarum, esse infimam, Terræque vicinissimam, nullus est, qui amplius ignorat; distantiam autem ejus veram, non omnibus esse notam suspicor, cum omni tempore, non unam eandemq; servet; modò Terræ est vicinior, modò remotior, propter ejus excentricitatem & Epicyclos, ex quibus, Apogæum & Perigæum suam duxit originem. Hanc varietatem distantiarum Lunæ, per assiduas Parallaxium observationes Lunæ Eclipsium, Umbrarum tam Terræ, quàm Lunæ, indubitatè Cœli contemplatores investigarunt; inprimis autem Celeberrimus Tycho Braheus, hîc palmam omnibus fecit ambiguum, uti ex Progymnasmi. liquet; quippe qui tandem invenit, Lunam Apogæam, tempore Conjunctionis & Oppositionis, à Terrâ elongatam esse Semidiam. terræ 58. min. 8. Perigæam similibus temporibus tantum semidiam. Terræ 54. min. 52. Apogæam verò tempore Quadraturæ semidiam. Terræ 60. min. 36. Perigæam, pariterque in ipsis Quadraturis, semid. Terræ 52. min. 14. Sic ut differentia deprehendatur, inter maximam nimirum & minimam à Terrâ distantiam, semid. ter. 8. 12. min. Veteres quidem Tychone superiores, ut Ptolemæus, deinde Copernicus, longè aliam statuerunt differentiam; & ille quidem 15. hic verò 30. semid. terr. Sed, quia id omnibus observationibus & genuinis contemplationibus planè adversatur, idcirco plura de his verba facere intermittam, Tychonis nixus sententiâ, cujus distantia observationibus respondent optimè. Fit itaq; ex opinione Tychonis, Luna Terræ nūquam 52. semid. terr. propior, & nunquam 60½ semid. remotior.

*Diametrum  
Lunæ visibi-  
lem variari.*

Ex quâ diversâ Elongatione, sive distantia Lunæ à Terrâ & diameter Lunæ apparens, seu visibilis, variatur. Tempore Quadraturæ in distantia remotissimâ apparet diameter ejus visibilis



sibilis minutorum 32. min. 32. sec. : tempore Quadraturæ in distantia vicinissimâ 36. min. 0. sec. In conjunctione vel oppositione, Lunâ existente in Apogæo, diameter ejus est 33. min. 9. sec. & in proximâ distantia 34. min. 48. sec. secundum sententiam Tychonis, differentia diametrorum ad min. 4. se se extendit. Quâ viâ autem Diameter Lunæ visibilis sit exploranda, non est hujus loci ut persequar, cum satis abundè hanc materiam pertractaverit, non tantum Keplerus, in Astron. Optic. cap. 9. sed & Præclarissimus Gassendus, in Tractatu de Apparente Magnitudinis Solis humilis & sublimis, qui novum planè diametrum Lunarem observandi excogitavit modum; estque hac in opinione, diametrum Lunæ visibilem, existentis in Apogæo, tantum esse 26. minut. 36. sec. & in Perigæo 31 min. 6. sec. quæ differentia certè à Tychonis multum discrepat : idque laudatus Gassendus non solum in Epistolâ secundâ pag. 41. ejusdem tractat, sed & in Vitâ Pereiskii pag. 307. asseveratum ivit.

Iam quod veram Lunæ diametrum, circumferentiam, soliditatem, Terræ & Solis, ut & proportionem Terram inter Solem & Lunam spectat. 1. Si distantiam Lunæ à Terrâ assumas, 60. semid. terr., & ejus diametrum visibilem 33. minut., sequitur, diametrum Terræ (quæ in se continet 1720. milliarum germanica) Lunæ diametro quater vicibus esse majorem, vel accuratius  $3\frac{22}{49}$  partibus, in proportionem ut 2. ad 7., vel 5. ad 17. Lunæ veræ diametro milliarum germanica  $494\frac{1}{2}$  competent, quorum quindecim unum gradum terrestrem efficiunt. Datâ autem Lunæ diametro, facilè etiam Geometricè cognoscitur circumferentia ejus, quæ est nempe mill. germ. 1555 $\frac{1}{2}$ , Superficies convexa 767264, & Soliditas 63171485, milliarum nimirum cubic. Hinc apparet, Lunam revera vicibus 42. esse Terrâ nostrâ minorem, contrâ Solem vicibus 5848 Lunâ majorem, & Terrâ 140; verum, ut vult Keplerus, diameter Solis ad terræ diametrum se habet ut 15. ad 1. Similis quoque proportio inter semidiametrum Terræ, & distantiam Solis à terrâ intercedit, qualis inter corpus, seu amplitudinem terræ, & corpus Solis. Præterea, quemadmodum se

*Diameter  
Lunæ in mill.  
liaribus de-  
terminata.*

*Circumfe-  
rentia & So-  
liditas Lunæ  
quanta?*

*Proportio  
Terram in-  
ter & Lunam*



habet corpus terræ, ad corpus Lunæ, ita & distantia Lunæ, à terrâ ad terræ semidiametrum, secundum opinionem Kepplerianam; &, quòd diameter orbitæ Lunæ medium sit proportionale, inter semidiametrum orbitæ Solis vel Telluris, & semidiametrum Terræ, lege hac de re Keppl. Epitom. Astron. Copernic. lib. 4. pag. 482. & 491. Sed de his satis.

## CAPUT VIII.

### DE PHASIUM LUNAE OBSERVATIONIBUS: de Maculis in specie, & illarum nominibus:

Motu Lunæ Librationis Disci, ejusque Centri, hætenus  
incognito, & quamplurimis aliis  
scitu dignissimis.

**D**E diversis opinionibus, tam Veterum quàm recentiorum Philosophorum, quæ Maculas in facie Lunæ, satis prolixè, quantumque requisivit necessitas, capite præcedente sexto, verba fecimus: circaque finem ejusdem, prægnantibus etiam rationibus demonstravimus, quantum maxime eâ occasione fieri potuit; Maculas Lunares, non nisi Maria, Lacus, Insulas, Montes & Valles &c. esse, quemadmodum ibidem videre est. Progrediamur itaque hæc ulterius speculari, minimè dubitantes omnibus & singulis Astronomiæ generosæ indolis Cultoribus, porro haud fore ingratum, de observationibus ipsarum Phasium, Macularumque ac hujuscemodi rebus plura insuper percipere: namque hac occasione alia notatu digna, utilissimaque, & hætenus incognita, dicentur, disputabuntur ac resolventur; ex quibus certè meo judicio, non parùm utilitatis per universam Sideralem disciplinam manabit.

*Veteres, ad  
excolendam  
Astronomiã,  
omnem mo-  
verunt lapi-  
dem,*

Majores equidem nostri nihil in se desiderari passi sunt, quin potius viribus omnibus sunt annixi, ut nostrâ, posterorumque gratiâ, Reginam scientiarum omnium Astronomiam amplificarent augerentque; sicuti ex superiori capite sexto, satis superque constat: quàm solliciti fuerint, in verâ Lunæ facie, Maculisque explorandis. Verùm enimvero, quamcunque eò  
impen-



impenderint operam, fuit ea frustrà : quippe mediis destituti, nudis duntaxat oculis, cœlestia phænomena aspicere, observare ac contemplari conati sunt : quòd sanè ad tam longè dissita corpora distinctè cognoscenda, haud sufficit; & ideò, quod nobis tradiderunt ac reliquerunt, multis partibus est imperfectum incertumque. Cùm autem Magnus ille de Galilæis Galilæus, paucos ante annos, Telescopium recèns inventum Cœlo applicuisset, oculoque ita armato, hoc negotium tentasset, longè multoque felicius labor omnis successit, teste Nuncio ejus Sidereo : quandoquidem, reliqua ut taceam, Lunam non solum probè, distincteque oculis perspexit, sed & quinque diversas delineationes, Macularum Lunarium, ejus beneficio, adumbrare potuit, quas brevi post, in prædicto illo Nuncio Sidereo, cum universo Orbe Terrarum communicare haud detrectavit. Ultrò quidem fateor, Galilæum huncce plura in Lunâ deprehendisse, ac designasse, quàm omnes ejus Antecessores, Veteres nimirum Astronomos quoscunque: interea tamen omnes & singuli, qui Lunæ itidem non sunt hodie ignari, recteque judicare, hac de re volunt, nihil à me diversum statuent, quàm quòd is ipse verè Lynceus ( quod tamen pace magni istius Viri dictum esto ) nonnisi aliquam veræ genuinæ Lunæ faciem cognoverit; maximam autem partem Macularum, rerumque ibi existentium, nequaquam animadverterit; id quod ex iconismis nostris, opinor, tam fiet manifestum, quàm id quòd videtur Sole, ut potest maximè, lucente. Hinc verò planè colligitur, Galilæum, aut satis idoneo Perspicillo caruisse, aut iisdem observationibus suis non satis vacare potuisse, aut quod potissimum, artem pictoriam & delineatoriam ignorasse; quæ aliàs huic operi admodum inservit, uti non minus visus acutus, Patientia & Labor. Tale enim est hoc opus, quod non unico Mense aut Anno; sed vix plurimis annorum periodis, perfici potest. Præterea autem non sufficit, certam aliquam phasim, semel tantum delineare; sed est certè aliquoties necesse, ut eadem delineatio repetatur, si quid certi & emendati, hac in parte præstare animus sit.

*Galilæus, beneficio Perspicilli certiora indagavit.*

*Galilæus, nondum nativam Lunæ faciem delineando assequutus est.*

Vtinam tamen Galilæus, cæteri que Siderum Scrutatores,



certa quædam hujus generis, statim ab initio edidissent, in magnum sanè ea res universæ Astronomiæ & Geographiæ successisset emolumentum; sed nullus adhuc exstitit, quantum hoc tempore mihi est compertum, qui vel unicum accuratè delineatum Plenilunium, ne dicam diversas Phases, & Plenior

*Haëtenus  
nulla adhuc  
prodiit Sele-  
nographia.*

rem Selenographiam, in apertum protulit. Quanquam enim, Anno Christi 1643. Matthias Hirschgarter, in Detectione suâ Dioptricâ, aliqualem Lunæ effigiem conspiciendam nobis exhibuit; quam Nobilis quidam Neapolitanus, præstantioris notæ Tubo usus, delineavit: vix tamen adumbratio ista alicui satisfacere potest: imò & magnopere à Lunæ genuinâ formâ eam dissidere, satis, opinor, ex meis apparebit iconismis, quibus omnes amussitati Tubi, benè scio, fidem certò facient.

*Autor, quibus  
rationibus, ad  
delineandas  
Lunæ Phases,  
commotus sit*

Quod cum animadverti, parùm profectò, hoc in negotio haëtenus esse præstitum, & vel cumprimis quod attinet Eclipses & occultationes stellarum; dum omnes istæ observationes, (quæ permultùm tamen cum ad Astronomiæ, tum ad Geographiæ perfectionem faciunt) nondum, ut aut deberet aut posset etiam fieri, sunt institutæ, altiùs rem istam mecum perpendere cepi. Vero enim accurateque delineato Plenilunio cum destituimur; destituimur profectò solido illo harum observationum fundamento, sine quo, sive vera itineris Lunaris linea, circa stellarum occultationes, sive vera quantitas Eclipsium Lunarium, nedum justa proportio Semidiametrorum Lunæ & Vmbræ, aliæque ad Astronomiam excolendam summè necessaria, debite explorari, & determinari, nullâ omnino possunt ratione. Quod cum ita sit, planè mecum statui, genuinam hemisphærii Lunæ visibilis faciem, seu Plenilunium integrum delineatum ire, idque non rudi Minervâ, ut aliqualem tantùm Lunæ speciem haberemus; sed summâ potiùs diligentia atque operâ, & in quantum istud vires meæ ferrent, ne non & proportionibus Macularum, distantiasque, ut & illarum magnitudines, ac proprios omnium istarum colores diligentissimè attentos & observatos, conspectui objicerem omnium: siquidè, si vel quicquam horum prætermitteretur, omnis labor figurarum nostrarum parùm fructuosus esset, nec multùm lau-

*Absq; verâ  
delineatione  
Plenilunii  
nullæ accurate  
observationes Luna-  
res instituun-  
tur.*

dis



dis mereretur, non minùs ac ille, quisquis superiori tempore, talibus crassis Lunæ schematibus, qualia extare diximus, fuit impensus.

Cæterùm, ad hoc opus alacriùs etiam subeundum, multò magis me excitarunt illa, quæ longè celeberrimus, summæque Eruditionis Vir, P. Gaslendus, in vitâ Pereiscii, de Lunâ protulit; ubi inter reliqua meminit : quòd sibi cum illustri Viro Nicolao Fabricio de Peiresc, Senatore Aquisextiensi, omnigenâ itidem eruditione clarissimo, animus fuerit, Phases quasdam Lunares observandi; quarum utilitatem vix verbis exprimi posse ait, si ad optatum perducantur finem; ut pluribus, in modò dictâ vitâ Pereiscii, pag. 300. legitur. Hæc, inquam, maximâ ex parte, calcaria mihi addiderunt; præsertim, cùm nihil animadvertissem, eo tempore, vel unicam phasin, ab illo fuisse depictam, ne dum æri incisam. Itaque initio animo admodum flagrante, ad Plenilunium accuratissimè, quoad fieri potuit, observandum me accinxi, verùm haud utique eum in finem, ut illud publici facerem juris; sed ut inde privatim observationem aliquam caperem, & reliquarum mearum observationum, quæ consecuturæ essent, fundamentum quasi isthac ratione ponerem.

Enimvero antequam ulteriùs rem omnem explicare progredior, penè necessarium duco, palàm facere, quâ viâ observationes nostræ Lunares adornatæ fuerint. Fortassis enim sibi quispiam imaginatur, partim cum Kepplero, partim cum Scheinero persuasus, hujus generis observationes, mediante tubo, vel vitro quodam convexo, in camerâ quâdam obscuratâ, foramini applicato, ad instar scilicet observationum Macularum Solarium feliciter peragi posse. Ego verò non inficior, si hæc ita succederent, modum istum, quem diximus, hac in re fore facillimum, convenientissimum & exoptatissimum omnium, qui ab ingenio humano excogitari posset : hoc namque modo, Macularum formæ & figuræ omnes, in debitâ proportionem & distantiam, suisque coloribus, spontè se nobis in Tabulâ chartaceâ oculis subjicerent, ita ut illas absque magnâ difficultate adumbrare possemus, quemadmodum cap. 5. Maculas Solares, depingere docuimus;

*Quibus Autor sit incitatus, ad opus Selenographicum suscipiendū?*

*Quomodo observationes Lunares fuerint institutæ?*



*Macula Lunares in camera obscurata depingi non possunt.*

cuimus; magnumque foret, laborem immensum, molestiamque; suprâ quàm dici potest, tædiosam, effugiendi adminiculum. Est verò modus iste, crede, omnino falsus: & qui hac viâ opus nostrum aggreditur, spe certò excidet. Quandoquidem, Luna planè non est lumine adeò vibrante prædita, sicuti Sol est, ut videlicet omnem corporis sui speciem, in conclave obscuratum inferre atque ingerere possit; nisi, quod aliquâ tantum ex parte, in chartâ animadvertatur, inque tantum duntaxat, ut figura ejus solùm, utrùm nempè bisecta sit, an corniculata, vel gibbosa, aliquatenus distingui queat: cùm de cætero Maculæ, tum majores, tum minores, itemque confinium lucis & umbræ, sic nullo modo discerni possint, verùm tanquam chaos aliquod potius appareant, aut confusa materia, quam distinctè neutiquam cognoscere datur.

Quæritur verò nunc hîc meritissimè, quâ viâ ergò hoc negotium adire maximè sit commodum? Nullum equidem est dubium, quin ad observationes has instituendas, Telescopium satis longum, notæque præstantissimæ, requiratur: & quò hoc melius & præstantius, eò felicius, & perfectius, hæc perfici possint omnia. Etenim si hac nostrâ tempestate, illo nunc destitueremur, adeoque non nisi nudo visu universa atque singulâ complecti deberemus, parùm quidem hac in parte antecessoribus antecelleremus, & vix adeò multum sanè ultrâ præstaremus. Ideoque certum est, Tubospicillo omnino hîc opus esse: hoc nullo alio utimur modo, quàm quòd simpliciter, per illud Lunam spectemus, veluti reliqua astra & Ioviales, per Tubum observare consuevimus, aut manu liberâ id tenentes, aut fulcro sustentatâ. Facile hoc quidem institui poterit, sed contrâ, res difficilis & operosa est, certas quasdam, & probè fundatas observationes, prænarrato modo, ad finem exoptatum perducere: quia nullo singulari adminiculo seu compendio, quàm oculo, Telescopio armato, ejusque mensurâ adjutamur. Quando enim Lunam ita contemplamur, eo quidem fine, ut visa depingatur; discum Lunæ totum, ab initio unâ vice, Telescopio immoto, cernere planè nequimus, si egregium & eximium sit perspicillum: imò quò hoc præstantius, eò minor parti-

*Per Tubospicillū optimū, tota luna facies unâ vice non spectatur*



particula, de facie Lunæ, per illud nobis offertur, adeò ut tantum partem Lunæ, & Maculas ejus isthac ratione considerare detur. Tum verò à certo quodam puncto, initium capitur, deinde partes circumvicinæ, imaginatione probè comprehensæ, in chartam huic rei destinatam, confestim referuntur, sicq; ordine, reliqua puncta, Sinus, Montes, Vallesque, in debitâ distantia, & proportionem depinges, donec omnia & singula, Lunæ superficiei inhærentia, perlustrentur, observentur, typoque mandentur.

Videantur autem hæc, cum ita dicuntur minimè gravia; sunt tamen certò certius, de quo non est, quod quispiam dubitet, profectò longè difficillima, ita ut revera hic dici possit, *Hic labor hoc opus!* Potest equidem id nemo homo intelligere, quantus ad eam rem labor, & diligentia qualis requiratur, nisi quis suismet oculis manibusque experimentum fecerit, vel unius tantum phaseos, nullo adhibito alicujus prævii exempli adminiculo: cum opera hæc, non imaginationem tantum multò fortissimam, ut & memoriam pertinacem, sed & Patientiam singularem, animumq; observationum amore ardentissimum, sibi deposcat. Imaginationem & impressionem, hanc quidem ob causam, ut illa semel oculis perspecta, menti firmiter inhæreant, usque dum singula adumbrata fuerint. Quamvis ad hoc efficiendum, brevissimum duntaxat temporis spatium, sit necessarium; nihilo tamen minùs, hic ea nobis obveniunt, quæ obtingere solent iis, qui in speculo sive suam sive aliarum rerum faciem contemplantur. Dum enim speculo oculis immorantur, videntur sibi, se omnia accuratè esse complexos, quum oculis à speculo remotis, vix leviter & ruditer in animo versari imagines visas, sentiunt. Hoc certè pariter accidit, circa observationes Iconismorum Lunarium. Quam diu Lunam Tubospicillo intuemur, planè sic existimamus, nos omnia longè accuratissimè & exquisitissimè, quæ videmus, lineis expressuros: verum in ipso eodem momenti articulo, cum faciem delineamus, & ad picturam nos accingimus, pleraque ne dicam cuncta memoriâ excidisse, nimis quàm manifestè experimur. Neceffe itaque, ut quodlibet punctulum decies vel vi-

*Phases Lunares correctè delineare, est opus difficillimum.*



cies de novo aspiciatur, priusquam verè proprius situs alicujus Maculæ, figura atque forma, rectè & accuratè in chartam referri possit. Denique cum confidimus, omnia esse debitè observata, nihilominus in secundâ & tertiâ observatione vel falsa, vel non plenè nos comprehendisse, & nonnihil specie esse delusos, intelligimus.

*Qualis esse  
debeat Pha-  
sium Luna-  
rium obser-  
vator,*

Ex quibus insuper per se fluit, Selenographicam hanc occupationem exigere non solum quidem & diligentem, & patientem, laborem nihil reformidantem, validâ imaginatione polentem observatorem, de quo rectè sic Poëtæ verbis immutatis cecineris :

*Qui studet ætheream hanc visu contingere metam,*

*Multa tulit fecitq; vir, is vigilavit & alsit ;*

*Cur non alte-  
rius operâ in  
his observa-  
tionibus uti  
possimus?*

sed & hominem cum delineandi, tum pingendi non vulgari-ter peritum; ita si absq; alterutro horum sit observator, penè actum sit de ejus observatione, & ipse parùm eximii effectum dederit. Namque ut velit aliquis, operâ pictoriâ cujusdam excellentis vicariâ uti, cui dictitet, quæ sibi in corpore Lunari spectanda obviam veniunt, non carebit id multis difficultatibus. Primò namq; vix cogitationes & impressiones proprias, eò usque retinere valemus, quò omnia & singula delineando in tabulam fuerint relata : ut taceam dum pictori omnia inculcantur, multa posse è memoriâ elabi, nec satis fideliter tradi. Præterea vix quisquam alius præconcepta nostra visa assequetur, quantumvis licet ea multis verbis depingere conati fuerimus. Adde, si observator animadvertat pictoris penicillum aberrasse, nec rem dictam bene expressisse, etsi à tædio & fermento procul fuerit, qui ipse, artis pictoriæ rudis, modum rationemque indicabit errata emendandi, aut meliora reponendi? Iam quasitam ipsam pictoris attentionem, industriam, & tolerantiam esse oporteat, cogites. Iuratò etiam assevero, ab exercitatissimo & doctissimo pictore primâ vice nullam phasim debitè repræsentatum iri : sed alterâ etiam vice retractandum erit opus, fortean etiam decies ad unguem castigandum. Sic, quod quivis me tacente, intelligit, lente omnia valde procedent. Constat verò etiam quamlibet phasim nonnisi semel

menſe



menſe quolibet, adeoꝛue duodecies, ſingulis annis apparere : quarum una alteraꝛue non ſemel adhuc ſuo quoꝛue tempore conſpicitur, cūm Cœlum ſcilicet eſt nebulofum. Itaꝛue ſingulis noctibus eſt vigilandum, & ſerenâ nullâ quieſcendum : cūm unicâ neglectâ, phaſis non animadverſa, vix ac ne vix quidem aliquando intra anni unius, aut plurium ſpatium, ſe conſpiciendam iterum det. Numquid igitur pictor cum obſervatore æquè pernox erit, aut nonne potiùs ſomniculoſus aliquando ad opus vocabitur, dummodo adhuc in promptu & procinctu ſit, qui ideo ſerè alendus erit iis in ædibus, in quibus obſervator aſtris intentus excubat ? Conſidera verò, quàm multa hæc ſint, & pictori & multò maximè obſervatori ſexcentas moleſtias allatura. Et ſi pictoris emenda eſt opera, quanti ſuntus in aliquot annos eò ſufficientes exigentur ? Si verò ætherei ingenii Vir aliquis & induſtrius Aſtronomiæ cultor ipſe noverit non oculis tantūm ſuis uti, ſed & manibus, ut, quæ illis vidit, his in tabulâ exprimat, præ animi ardore nobili, nihil ſentit moleſtiarum, & omnia peragit alacriter, animo ſuo non minùs quàm oculis ſatisfaciens, dum aſtra, quæ DEI manus finxit omnipotentis, ille manu ſuâ lætus pingit. Eſt igitur hoc opus nonniſi ab obſervatore, qui ſimul delineator ſit, ſuſcipiendum, aut res vel omnino infecta erit, vel ægerrimè confiet.

*Singulis noctibus obſervationibus Luna invigilare oportet.*

Redeo ad meas, nimirum de quibus ſuprà dicere cœpi, obſervationes, quibus de tamen earumꝛue progreſſu pauca tantummodo commemorare pergam. Cūm igitur initio, Plenilunium obſervare, & adumbrare inciperem, mox animadverti, res permultas, miramꝛue & incredibilem Macularum varietatem eſſe notandam, unde proſectò non modò vix leviter ſum perterrefactus; ſed & penè de totius operis mei ſucceſſu deſperaviſſem; eò præſertim, quòd omnia tantūm ſecundūm oculorum menſuram, judiciumꝛue eſſent depingenda, & rerum inſuper tanta ſe offerret copia, ut quò me verterem, neſcirem, ſive à quâ Maculâ incipiendum eſſet, ſive in quâ deſinendum; accedente hoc, quòd monſtra iſthæc mihi eſſent prorſus peregrina, & hætenus incognita : inprimis, cūm nullæ omnino quomodocunꝛue delineatæ phaſeos eſſem particeps, quæ quaſi

*In principio Autor de ſelectiori obſervationū progreſſu, admodum dubitavit.*



viam mihi, ad proportionem majorum duntaxat Macularum sterneret. Namque ut verum fatear, tam in periculorum meorum ingressu, quam extremo conatu, ne unicam quidem imaginis Lunaræ adumbrationem unquam vidi, nedum possedi, exceptis tamen illis, quarum jam memini, Galilæum scilicet Longomontanum & Hirschgarterum autores habentium. Et ut hujus Hirschgarteri reliquis videbatur emendatior: multò magis tamen eâ sum seductus, quam promotus: quod me impofterum, non minori cum detrimento quam fastidio docuit, usus atque experientia. Vtinam schema illud Lunare, priusquam phasibus meis omnibus supremam addidissem manum, à Præstantissimo Viro, eodemque amico meo plurimum observando Petro Gassendo accipere mihi feliciter contigisset! multum profectò inde ad me commodi redundasset, imò laboribus haud exiguis (ne dicam de temporis lucro) superfedere potuissem.

*Genuinam  
Macularum  
proportionem  
delineare,  
hoc artis est.*

Etenim, initio maxima se se offerebat difficultas, in vero situ & nativâ proportionem, majorum Macularum, locorumque insigniorum, præ aliis in Lunâ emicantium, delineandis; cum eo tempore, nulla alia media in promptu essent, quibus isthæc dignoscere daretur, sed sola oculi omnia dimetientis judicio standum esset (quamvis postmodum longè præclarissima adminicula quædam atque compendia (ut suo loco dicetur atque tempore) adinvenirem, quorum ope admodum sanè accuratè animadvertendorum proportio constitui possit. Et sic tum primò omnium qualitercunque delineatum est Plenilunium. Postea autem valde bene animadverti, nonnisi impossibile esse, ut unâ observationis institutæ vice, correctâ & omnibus numeris absoluta aliqua repræsentetur alicujus Plenilunii figura: quin quòd potius necesse sit, ut observationes hæ aliquoties repetantur, quo antecedentes per subsequentes reformari, corrigi, in melioremque formam redigi possint: siquidem isthac ratione, de die in diem, observator fit exercitior, semper plura animadvertere & detegere valet. Verum enimvero, cum iterum atque iterum, ob turbidum nimis aërem (qualis his Regionibus esse solet nimis quam frequenter, cum dies sunt admodum



modum multi, imò tempore Autumnali, Brumali, & Vernali, menses quidam integri valde nebulosi) Plenilunium sui conspectum negabat, non modicum inde temporis effluebat spatium, priusquam alium Lunæ Plenæ iconisimum delineare poteram. His accessit, quòd circa quodlibet Plenilunium, haud exigua differentia & dissimilitudo, ratione antecedentium nunquam non deprehendebatur, cujus rei unicam esse causam initiò rebar, quòd fortassis in delineatis prioribus iconisimis indigentior fuissèm, quàm decuerat. Itaque delineationes priores semper correxi, & licet quàm diligentissimè calamo jam essent depictæ, penitus rejeci, aliasque confeci: nunquam enim mihi persuasissem, aliud hic quidpiam latere, & à motu librationis certo, qui eò non fuit primò animadversus, quòd veterum Philosophorum nullus aliud unquam statuerit, quàm Lunam perpetuò unam eandemque nobis obvertere faciem (quod deinceps demum est compertum) pendere omnia.

Cùm autem tandem aliquando principis istius, quæ circa Lunam vel maximè observari meretur, vicissitudinis abundè satis essem factus certior, cœpi id mente & cogitatione agitare, quomodo res hæc tam summe necessaria investiganda; hoc est, termini librationis, ejusque periodi ecquæ essent deprehendendæ: ad quod studium (fateor) singulari quâdam cupiditate, desiderio, impetuque animi me ferri, sensi, idque eò multò magis, quia hæc omnia nunquam antea explorata, nedum determinata fuère. Principiò autem sic conjectabam, impossibile fore, per sola Plenilunia (quorum minima pars, in anno, conspicua esset) nisi quamplurimorum annorum serie devolutâ, hoc negotii confectum dare. Itaque planè decrevi, omnes & singulas Lunæ phasès, uti accuratè contemplari, ita quàm exquisitissimè, quantum quidem in me foret, non minùs utique quàm ipsummet Plenilunium delineare ac depingere, quò videlicet penitus simul cognoscerem, diversas omnium phasium variationes, tamque Macularum quantitates, quàm confinia lucis & umbræ concernentes: spe indubiâ fretus, quin ita se mihi offerret occasio, maximumque & optimum medium, mul-

*Motum Librationis Lunæ autor explorandum statuit.*



ta quæ hæcenus circa Lunæ Phænomena nos fugerunt, explorandi atque detegendi; quæ sanè profectò spes me nihil fefellit.

*Diametrum  
phasium, quã-  
ta magnitu-  
dinis Autor  
assumpserit.*

Diametrum autem phasium Lunæ delineandarum, non majorem quatuor circiter digitis Rhynlandicis, assumere cogitabam, ne nimium laboris, inde mihi crearetur, qui eò major foret, quò figurarum forma, esset amplior, ut facilè est conjectare: sed deprehendens autem, in tam exiguâ formâ, omnia & singula, depingi haud posse, ideoque ampliorem diametrum ad delineandas phases elegi, quæ se in proportionem habet ad pedem Rhynlandicum Fortificationum, seu Romanum Antiquum, ut 628. ad 1200. sive ad Parisiensem Regium, ut 628. ad 1266. sive, ad Gedanensem, ut 628. ad 1096 $\frac{4}{7}$ . Neque est quòd mireris Benevole Lector, si, proportionem hanc examinaturus, omnes figuras seu illarum diametros, paulò minores deprehenderis: scias enim, papyrum, cum ad imprimendum humectatur, se, propter humiditatem, dilatari, postmodumque quando siccelcit, se se iterum constringere, & quidem non semper in proportionem æquali, sive quâ longitudinem, sive quâ latitudinem; cum unius generis papyrus, majori dilatationi, & compressioni sit obnoxia, quàm alterius generis. Nostra quidem papyrus, in quâ figuræ æneæ sunt excusæ, decem particulis in latum, ratione pedis Rhynlandici, in longum verò, tantummodo sex part. est constricta; quòd plerumque omnis generis papyro accidit, ut magis in latum, quàm longum coëat. Hinc igitur omnes figuræ, quæ in ipsis laminis æreis, exquisitissimè sunt rotundæ, ratione impressionis fiunt figuræ ovalis; secundum quam proportionem, omnes res aliæ, quæ circulo comprehenduntur, figuram impetrant. Optandum equidem esset, ut aliter se se res haberet; verum cum variatio ista sit perquam exigua, ac parum observabilis, vix quicquam detrimenti affert. Cæterum, si figuræ nostræ alterâ adhæc vice, à quopiam adumbrari ærique incidi deberent, certè multum corrumperentur; eò quòd simplex illud vitium antecedens, ex constrictione ortum, duplicaretur: adeò ut proportio Macularum & distantiarum prorsus perturbaretur, vitiosaque redde-

*Papyrus humectata, se se dilatat, & siccata se se constringit.*

*Ratione con-  
strictionis pa-  
pyri, phasium  
forma rotunda  
existit ovalis.*

redde-



redderetur : licet enim, extremus Lunę Limbus iterum rotundus duci posset, non sequitur inde tamen, & eo comprehensa, in debitam formam esse redacta. Quæ propterea refero, ne quis forsitan putet, in delineatione, ab observatore, errorem esse commissum, sed quod semper hoc vitium, si tamen ita appellari meretur, ex naturâ papyri proficiscatur,

Verum, mittamus jam hæc, ad observationes Phasium revertamur. Vt antè memini, observationes non solum Pleniluniorum, sed & Phasium reliquarum, singulis diebus existentium instituebam; quæ cum tempore, etiam feliciter sunt ad finem perductæ. Eram quidem in eâ opinione, hoc opus tribus vel summum, quatuor mensibus, absolvi posse; spes verò longè me fefellit: tot enim circiter annos impendere oportuit.

Quandoquidem primùm noctes aliquot nubilosæ, & minùs serenæ fuerunt in causâ, quò minùs quamplurimæ, imò maxima pars phasium, haud observari potuerit; sic, ut in prioribus tribus, vel quatuor mensibus, certè paucissimas delineaverim. Postmodum, cùm jam non paucas collectas haberem phases, easque singulis ordine succedentibus mensibus, examini subjicerem, iterum atque iterum deprehendebam, hinc inde aliquid esse omissum, quòd necessario correctione egeret. Quia verò rarò omni ex parte, sibi similis occurrebat phasium facies, sed multò magis magna varietas, atque mira vicissitudo se objiceret aspectui : ea me ferè, sicut & ipsa Plenilunia, perturbatum reddebant. Nam etsi probè animadverterem, hæc omnia, ex motu illo novo Libratorio oriri; nihilominus non confestim innotuit, unde, quomodo, & quo tempore, Luna, modò in antecedentia, modò in consequentia signorum, tum à parte superiori, hoc est à Septentrione in Austrum, tum ab Austro in Boream moveretur : causa erat, quòd propter cœlum nebulis frequentissimè obvelatum, Lunam debitè observare non liceret : quamvis una vel altera phasis esset jam adumbrata, mox tamen evenit, ut non rarò alio tempore essent inconspicuæ : ita ut, priusquam alia rediret Lunatio, ex motu illo phases essent mutatæ : & ideo non est concessum, tam subito menstruam, vel annuam aliquam Lunæ variationem con-



continuum, ob interruptam earum seriem, ac præsertim corniculatis multum negotii mihi faceffentibus, deprehendere. Quo impulsus sum, ut item & has phases quomodocumq; delineatas (etsi operæ in earum primâ elaboratione nullatenus peperci) partim magis magisque indies corrigerem, partim omnino rejicerem, aliis earum in locum substitutis: sic ut omnium numerus alio atque alio tempore delineatarum figurarum centesimum excederet: quod nisi fecissem, nec quicquam profectò correcti & certi (quod proportionem distantiamque tam majorum quam minorum Macularum, ut & ipsummet Plenilunium attinet) consecutus fuisset.

Mediantibus autem tam crebris istis, ac planè etiam continuis observationibus uti reliquas, ita inprimis duas primarias, five generales figuras Pleniluniorum multo felicissimè perficere obtigit. Prima videlicet, ut phasibus, Lunationibus, aliisque observationibus, altera ut Pleniluniis & Eclipsibus imposteriorum inserviret. In his prædictis primariis delineationibus quas capite 44. figurâ T exhibebo, vera proportio, & distantia Macularum omnium, in Lunâ aspectabilium, accuratissimè & diligentissimè est observata, nudisque solummodo lineis, non attentâ umbrâ, est constructa. Quod certè, nî fallor, egregium est inventum, maximumque compendium, ad Plenilunia, & phases quasvis delineandas, examinandas atque corrigendas; quod reipsa etiam comperi: nisi enim tales excogitassetem figuras, multò plus adhuc temporis, in hoc opus insumere, laboremque longè majorem suscipere necesse fuisset. Cæterum cum primariæ hæ figuræ ita essent constructæ, è vestigio phases reliquas expensum correctumque ivi, & quæ non ferebant omne punctum, penitus profligavi, aliis, ut supra dictum, semper tentatis.

*Delineatio  
Phasium Generalis, ad  
observationes perquam  
est necessaria*

*Observatio  
& delineatio  
quomodo sit  
instituenda?*

Vt autem cuilibet item Astrophilo, unam atque alteram phasin, si velit, sibi met depingere liceat; idcirco hoc loco simul indicare nullus gravabor, quomodo ipse ego id operis aggressus fuerim. Primò, Primariam Phasium delineationem, habui in promptu, non quidem illam laminæ æreæ impressam, quæ cap. 44. adjuncta habetur (hæc enim propter papyri dilatatio-



latationem & coarctationem, minùs est idonea) sed similem quandam, calamo accuratissimè depictam, secundumq; hanc, plumbagine descripsi, & hac quidem compendiori viâ : lineam circularem circino duxi, æqualem lineæ circulari, delineationis primariæ; cui delineandam figurâ vacuam chartam imposui, centraque acu infixâ firmavi, ut & universa charta aciculis fuit fibulata, ne ullâ parte dimoveretur. Postea duas istas sic connexas, vitro cuidam benè polito imposui, luminiq; Solis vel candelæ obverti, quo factò omnia distinctè & excellenter, ad faciem inferiorem galenæ ductu, depingi poterant. Quâ accuratè delineatâ figurâ, ad observationes instituendas sum usus, cujus scilicet beneficio, situs, proportio, distantia, & formæ Macularum, jam erant expressæ, ita ut primùm confinium lucis & umbræ, ducere tantùm esset necesse, quod facilè ex Maculis ipsis factu erat; secundoq; colores Macularum, solummodo attendere opus esset, & quid circa illas addendum corrigendumque foret. Deinde verò, cùm observatio ejuscemodi secundùm ipsam Lunæ faciem fuit adumbrata, hanc iterum, eâdem prorsus ratione modò significatâ, in aliam transderivavi chartam, quò videlicet phasis jam observata accuratius denuò calami ope depingeretur: quem planè modum circa observationes phasesque quascunq; semper imposterum frequentavi. Qui quantusque fuerit labor, cùm non solum singulis noctibus invigilatum est observationibus, horæq; aliquot illis impertitæ; sed & tam diversæ, & tantùm non innumerabiles phases, aliquot centenæ profectò fuère, manu penâque sunt ita accuratè delineatæ, ut excusis nihil cederent, judicandum omnibus relinquo; præsertim cùm phasium quædam quinque, sex vel septem horarum spatium requirerent. Sic experienciâ edoctus, facilè hoc do Christophoro Scheinero, qui in Rosâ Vrsinâ commemorat incredibilem se molestiam superasse in observationibus suis Solaribus adornandis. Verùm enimvero, ut opera illa Scheineri & valde difficilis & molesta fuerit: attamen in comparatione ad Selenographicam nostram, nihil vereor eam fuisse & tolerabiliorem & faciliorem: quandoquidem decem, vel plures etiam periodos Ma-

*Ingens labor  
phases deli-  
neare corre-  
ctas.*



*Autor, uti  
phases ipse  
met delineavit,  
ita omnes  
& singulas  
suas quoque  
manu aeri incidit.*

cularum Solarium notare, inq; ordinem redigere malo, quàm unicam solummodo phasin Lunarem describere: attento, quòd quælibet observatio Macularum Solarium, in primâ statim delineatione, debitam suam constitutionem & proportionem acquirat; illæ verò Lunares, innumeris vicibus, singulisque continuè mensibus delineandæ, examinandæ, corrigendæ, & novæ multò frequentissimè exædificandæ sint. Vt taceam maximum istum laborem, cum omnes & singulas phases, reliquasque figuras, & observationes omnes (exceptis tantum quatuor vel quinque) meâ manu incidi, idque non aquâ fortius, sed cælo: quâ gratiâ quid temporis, & patientiæ, ac virium corporis, & maximè oculorum exhaustum fuerit, non dicam, ne videar (qui minimè esse velim) gloriosus rerum mearum jactator: sed artificii ejusmodi peritis explicandum committo. Utcunq; autem initio optassem, Sculptorem mihi quendam exercitatissimum, & experientissimum, ad hoc opus suscipiendum, ad manus fuisse, quò operatione istâ mechanicâ subsedere potuissem: attamen eam tantò minùs defugere volui, quantò magis non tantùm à consciis mei instituti, & rerum Astronomicarum scientissimis Viris sum commonefactus, ne cælatori ulli, phases à me observatas æri insculpendas facillè committerem; etiamsi enim arte suâ multum valeret, tamen vix ac ne vix quidem oculorum mentisque meæ conceptum sibi à me verbis descriptum, aut lineis præductum, intelligere; ne dicam manu assequi posset, ex quo fieret, ut in adumbratione modò ita, modò aliter prævaricaretur, aut proportionem negligeret, aut aliud quicquam committeret, quod eliminare aut in ordinem redigere non liceret commodè; addebant & hoc, neminem iis rebus magis intentè incubiturum, quàm me, earum autorem promotoremque, cui maximè sint cordi curæque. Insuper & ipse colligere potui, à nullo mihi facillè satisfactum iri, cui hæc (absit dicto jactantia) essent cognitissima, & figuræ ex oculorum mentisque apprehensione transferendæ, ex plurimis ipsius Lunæ contemplationibus, & observationibus familiarissima.

Partim igitur sic persuasus, partim meâ sponte ductus &  
com-



commotus decrevi tandem, omnes & singulas phases, uti in hoc libro conspiciuntur, meâ manu sculpere; quamvis non diffitear, si operis limine prævidissem, hoc oneris mihi soli portandum esse, nec facile potuissem admittere manum sociam, aut penitus abstinuissem facto, aut majori cum horrore, me ad id accinxissem. Cælatura profectò tantò mihi ferè constitit sudore, quanto contemplatio Sideralis. Quid? quod & mihi uni tanto labore confecta potuissem privatim recondita servare. Sed instinctus quidam atq; consideratio tanti negotii aliò me pertraxit: dum mihi persuadeo hac Lunæ historiola cum orbe communicatâ, Philosophiam universalem (attestante summo illo & ingeniosissimo Heroë Francisco de Verulamio, qui suam in Novo scientiarum organo sententiam eo de egregiè proditum ivit) sive ex toto, sive ex parte, quâ Lunæ Cœlique doctrinam, eximiè auctum exornatumque iri: ut & non infrequens aut vulgaris fuit quamplurimorum & doctrinâ, & auctoritate multum apud me valentium hortatus & stimulus, ut ad Astronomiæ majus emolumentum, multorumque oblectamentum, cum observationibus meis figurisque non nollem in publicum prodire. Iacta igitur esto alea & (licet aliis satis sim distentus negotiis tam publicis quàm privatis) ostensum dabo, quomodo, pro tenuitate meâ, Lunæ Cœlique universi spectatoribus admiratoribusque inservire sim paratissimus. Namque & illud diligenter animo reputavi meo, homines esse omnes obstrictos, talentum suum (ut parabolâ Salvatoris cœlestis Magistri docemur) quod DEVS fine certo concessit, apud alios, & præsentem posteramque ætatem elocare: imprimis istas quod res concernit, quibus animi ad contemplationem admirandorum DEI operum magis magisque elevantur, atque incitantur, creatoremque harum rerum plus plusque ad laudandum, celebrandum, adorandumque ansa datur.

Sed, ut illuc unde abii, iterum redeam; scias me delineatione harum 40. Phasium, & facierum Lunæ, pariterque earum sculpturâ, talem elegerisse adumbrandi & obumbrandi modum, quò omnes multò diversissimos colores, in Lunâ conspicuos, tum quatenus à Paludibus, Aquis, tum quatenus à diversæ alti-

*Autor qualem elegerit modum cælandi.*



titudinis Montibus oriuntur, sufficienter exprimere, singulaque bene imitari possem. Quocirca Maculas majores, aquarum speciem referentes, duplicibus lineis transversis umbrosis, æri incidi; Montes & Valles lineis circumdedi; cacumina & vertices Montium, circulis sunt comprehensi, eo videlicet fine, ut melius exprimerentur & luminosius. Minore quidem labore hæc omnia, & absque lineis circumcirca ductis, tantumque simplicibus lineis umbrosis, delineari potuissent; sed, ut dixi, hac viâ accuratius, diligentiusque omnibus Astronomiæ cultoribus universa atque singula repræsentari posse videbatur; atque ideo eâ in sententiâ perstiti.

Ne autem quispiam sibi imaginetur, me viâ alterâ id exequi haud potuisse, en tibi Plenilunium nudis duntaxat lineis æri incisum, cujus generis alia majora, jam jam sequentur, ut aspectu jucundissima, ita accuratione vix destituta; de quibus paulò etiam post dicetur uberius.

*Licet primâ fronte Phases vacillare cuiuspiam videantur, non tamen confessim Autor indiligentia accusandus; sed necesse est, ut omnia prius probè examinentur.*

Quod verò in Iconismis, vallis ad vallem, non eandem servet proportionem, æqualemque rotunditatis figuram præ se ferat, aut similiter adumbrata, vel simili umbrâ depicta, non casu evenit, sed summâ, crede, diligentia atque curâ, secundum nativam scilicet Lunæ faciem, cuncta sic sunt effigiata. Quare autem quædam Valles, jam se se dilatare, jam se se contrahere, idque ratione umbræ: jamque obscuriores, jam clariores, videantur? Deinde, cur Maculæ majores non perpetuò unam eandemque speciem, tum quoad figuram, tum quoad colorem retineant, opportuniore loco expediam. Ausim spon- sionem facere, qui primo accessu adspiciat, omnes Maculas, in nostris Phasium figuris, non similiter esse descriptas, id incuriæ & indiligentiæ observatoris atque Sculptoris adscribat; sed qui ita cogitat certè præcipitat se præcoci judicio suo; legat enim prius quid hac de re & dictum nobis est, & dicetur impostertum; tum fas erit, non modò hæc nostra carpere, sed & Tubum Cœlumque in manus capere, & periculum facere, num utrumque melius tractare, & oculis accuratiora observare, manuque rectiora exprimere nobisq; impertire possit. Fortean autem plures surgent, quibus hæc nostra non placeant, nec al- labora-

*Est levius dicere quàm facere, laudabilia carpere, quàm laude digna patrare.*



laboraturos tamen, ut nobis magis placere possint, periculis & operibus suis editis correctioribus. Nam & largior præstantiora meis nunc dari posse; postquam per avia hæc penetravi, salebris multis superatis, & viam stravi commodiorem. Ego phasibus sum destitutus olim: à nobis has habebit, qui nos superare voluerit.

Partem quod attinet obscuram & umbrosam, tam Lunæ crescentis, quàm decrescents faciem, cur non penitus nigrantem exhibuerim? ratio est, quòd ejusmodi lineæ nigriores, illa clarè illuminata puncta, planè absorberent, & suffocarent, quò minùs distinctè & accuratè viderentur: idcirco datâ operâ, totum illud spatium, quod Solis radiis non exponitur, nullis lineis adumbravi, ne quicquam turbare possit. Exiguæ quidem illæ magnitudinis punctula, semicirculi seu semilunulæ, extra terminum illustratæ partis, conspicua, sunt, uti jam suprà diximus, juga verticesque Montium; qui cùm alteriores sint cæteris partibus, eò citiùs à Solis radiis illuminantur: Sinus verò, & loca illa anfractuosa, quæ sparsim in partem Lunæ clariorem, se se extendunt, etiamsi sunt prorsus alba in his nostris phasibus relictæ; nihilominus revera sunt nigra, luminisq; penitus expertia, ad partemque exteram minùs illustratam pertinentia, uti facile colligitur: hæc ideò submoneo, ne quisquam forsitan contrarium sibi fingat.

Et hætenus de observationibus Phasium Lunæ in genere diximus, sequitur, ut in specie quædam de Maculis, & earum proprietatibus, motuque librationis ipso, pro ut hoc ordine facere constitui, porrò persequamur. Atque eâ gratiâ in ipso statim aditu, Astrosophis, quoddam in formâ ampliori, rectè proportionatum, proprièque coloratum & Ichnographicè delineatum Plenilunium sistam, ut hac mediante figurâ, faciliùs & feliciùs, ideam quandam initiò concipere, conceptumque sufficientem de Lunâ comparare sibi possint, ad res sequentes promtiùs assequendas, atque intelligendas. Circa quod Plenilunium hoc tamen priùs monendum duco, quòd loca illa omnia planè alba, sive lineis subtilissimis colorata, Montes, Valles, aut Planities sint; quæ, quemadmodum capite præcedenti sexto,

*Loca Luna  
clariora, Val  
les sunt.*



ex parte demonstratum, & imposterum etiam suo tempore pluribus demonstrabitur, ibidem omnino sunt; loca verò illa, quæ lineis nigricantioribus æqualiter vides adumbrata, majorum Marium, Paludum, Lacuumq; Lunarium speciem referunt. Reliqua autem, quæ de his porrò dici debent; necessario profectò differenda, quoad cunctis Lunæ quasi partibus, Maribus scilicet Sinubus, Insulis, Continentibus, Chersonesis, Promontoriis, Lacubus, Paludibus, Montibus & Vallibus sua prius nomina fuerint imposita, quibus distinguantur; quò in descriptione rerum tam variarum, jam jam consecuturâ, omnia distinctius explicari non nequeant. Quæ ratio etiam satis videtur prægnans, cur loca hæc universa peculiaribus suis nominibus appellare voluimus, & debuimus, quam præter tamen adhuc alia est in promptu.

*Quare Macule  
lunares no-  
minibus fue-  
rint donæ?*

Namque ex superioribus jam constat, nos eo quoque observationibus his nostris in lucem protractis, & cum primis Lunæ plenæ facie sub aspectum omnium posita, collineare atq; tendere, quò nimirum quælibet cunq; observationes tam Eclipsium Lunarium, quàm omnes aliæ ad Lunam spectantes (quarum rei literariæ causâ multum sanè interest) accuratius, expeditiusque imposterum, quàm hæctenus, institui, perficiq;, ab omnibus Astronomiæ cultoribus possint. Quæ itaque observationes, si in emolumentum incrementumque non Astronomiæ minùs, quàm Geographiæ, vergere debent, utiq; prorsus est necesse, ut passim à multis, iisque diverso loco sitis observatoribus, simul instituantur, & conferantur, ne non alteri res à se notatas, & circa Lunæ considerationem deprehensas aperiat, & patefaciat: quod admodum sanè erit difficile, ac tantum non penitus impossibile, nisi loca Lunæ omnia, suam aliquam nomenclaturam habuerint: secus in descriptione locorum designandorum, quàm in eorum animadversione factum, plus collocandum erit temporis, & tamen fusissimo sermone usus, ægrè intelligeretur, vix ulli satisfaciens: quid? quod inde facili negotio sexcenti errores propullarent.

Etenim, quemadmodum universa etiam Geographia, cum omnibus suis amplissimis descriptionibus, & commentariis, absq;



absque nominibus Regionum, Urbium, Pagorum, Marium, Fluviorum, Montium & Vallium, nemini usui foret, nec à quopiam licet peritissimo, describi vel intelligi posset; sic planè quoque cum nostrâ hac Selenographiâ est comparatum. Idque probè veteres Astronomi considerarunt, qui ut observationes suas Astronomicas cum posteritate communicarent, incrementum cum tempore & annis sumturas, pro captu suo & seculi sui genio, tam Planetis, quàm Asterismis generalibus, ut & stellis specialibus, nomina indidère, quibus singula appellerent distinctè, ut consequentibus ætatibus ab Astrosophis intelligerentur, qui eadem cœlestium luminum nomenclaturâ uti possent, si ita videretur. Nam, quid quæso omnis esset Astrorum scientia, nisi ipsa Astra ritè separare, & discernere possemus, quod unicè à nominibus proficiscitur? omnes omnium observationes, tum Antiquorum, tum Neotericorum nemini essent commodo, librique eas nobis exhibentes, potius ænigmata quàm descriptiones atq; explicationes esse viderentur. Quid? quòd cuncta atque singula, quæ Mundanæ hujus Machinæ ambitu comprehenduntur, sive sint corpora animata, sive inanimata, statim à rerum conditarum principio, nominibus suis distinguerentur, & ipsi DEO creatori Vniversi, & Adamo protoplasto, hæc res curæ fuit in Hebraico idioma: quos secuti sunt aliarum gentium Onomatothetæ sapientes, qui, arcano DEI instinctu, alia rerum nomina suis in linguis finxere: absque quâ operâ hic mundus visibilis etiamnum esset, aliquâ ex parte confusum chaos, hoc est, hominibus inperceptibilis incomprehensibilisque.

Quas quidem consimilesque rationes, cum accuratè mentis trutinâ ponderassem, illicò consultum duxi, omnibus & singulis Lunæ regionibus, qualia qualia, sed distincta indere nomina: ultrò equidem fateor, arduum me opus suscepisse, siquidem inauditum, adeò remoti corporis ætherei partes, certis nominibus discernere, & à nemine, hunc usque in diem, quantum mihi hætenus constat, vel tentatum, nedum feliciter absolutum. Interea tamen, cum ratio operis nostri, hoc necessario deposceret (quod bene vertat cum exoptatissimo Astro-

nomiæ

*Quemadmodum Geographia absque nominibus, nemini perceptibilis, sic & hæc nostra Selenographia.*



nomiæ & Geographiæ emolumento! ) DEO OPTIMO MAXIMO proauctore, id periculi sum aggressus, spe certissimâ fretus, neminem sanæ bonæque mentis, animi boni conatum, malè interpretaturum.

*Autori initio  
animus erat,  
Præclarorum  
Virorum no-  
mina Macu-  
lis Lunaribus  
imponere.*

Ad loca Lunæ, certis nominibus distinguenda, initio statim duæ rationes se se offerebant. Primò quidem, non absolum fore rebar, ut exemplo Veterum Astronomorum, qui, virorum virtute excellentissimorum, id præ aliis optimè de orbe meritorum (quibus memoriam apud posteros sempiternam conciliare animus erat) nomina, astris imponebant; hoc enim pacto viri illi magno sunt decorati honore, ut inde in omne ævum inclaruerint, veluti : Hercules, Cassiopeia, Andromeda, Cepheus, Perseus cum capite Medusæ, Bootes &c. & alii.

Hac inquam ratione, mihi quoque proposueram, universa Lunæ territoria hodie præclarorum Doctissimorumque Virorum nominibus afficere, & præsertim verò illorum, qui nostrâ tempestate, studia Mathematica egregiè amplificatum ivère, indeque nomen meritissimò sunt adepti amplissimum : ut ita magis adhuc fama eorum extenderetur, & ipsi in Cœlo cum astris collocarentur, recordatione prosperâ prosequendi, quàm diu æther & sidera sunt duratura; decreto factò, in hanc veram Terram ætheream transferre Oceanum Coperniceum, Oceanum Tyronicum, Mare Kepplerianum, Lacum Galilæi, Paludem Mæstlini, Insulam Scheinerianam, Peninsulam Gassendi, Montem Merfenni, Vallem Bullialdi, Sinum VVendelini, Promontorium Crügerianum, Fretum Eichstadianum, Desertum Linnemanni, & sic deinceps.

*Cur Autor  
sententiam  
mutaverit?*

Idque vix inconvenienter esset factum; sicuti in eâ re multis mecum convenire puto : cùm autem nonnihil pensiculationis, de toto hoc negotio apud animum meum cogitasset, videbar mihi videre, istud cum discrimine aliquo conjunctum esse, & facile fieri posse, ut cùm nomenclaturâ istâ modò designatâ, gratiam colligere aliquam vellem, invidiam atque inimicitiam mihi fortè conflarem. Nam attento, multa in Lunæ orbe existere loca, & alia aliis eminentiora, quædam etiam si-  
ve situs, si-ve claritatis ergo, minùs notabilia, quibus omnibus

tamen



tamen suæ assignandæ essent appellationes; intelligebam, posse accidere, ut huic alterive Virorum eximiorum, locum aliquem, vel cujusque suâ vel aliorum opinione, inferiorem indignioremve fortè tribuerem : ex quo nullo negotio bilis concieretur, suspicantibus nonnullis id eo factum, quia minùs benignè honorificeque, vel de quorundam meritis in rem literariam, vel de alicujus gente, religionis professione sentirem, ac forsitan, notos conjunctosque, vel amicitiae, vel fidei nexu, aliquâ indecenti stimulatione huic illive antehabuissem. Vt ita certus planè evaderem, me non posse non ita offendere, ut ut animus ab offensæ studio esset remotissimus. Quamobrem istum Maculas Lunares nuncupandi modum potiùs missum facere volui, aliùmque eligere visum, qui & tutus omnino est, & ut verum fatear, instituto nostro & publicæ utilitati convenientior. Citra dubium quidem Lunam jure Antichtona appellari posse, cum nostræ huic Terræ, in multis partibus, prorsus sit similis; (ut debito loco monebitur imò docebitur) respectu nimirum Oceanorum, Insularum, Paludum, Camporum, Montium & Vallium &c. Proinde apprimè conducere duxi, si Geographica tantùm nomina, eaque jam multùm cognitissima, locis Lunaribus attribuantur : dummodo (quod primò investigandum erat) hemisphærium Lunæ patens, certæ cuidam globi Terreni parti, quoad locorum scilicet situm, congruenter & appositè ordinari posset.

*Autor Maculis Lunaribus nomina Geographica imposuit.*

Cùm verò extemplò ad eam indagandi operam, animum adjecissem, & totam probè Geographiam contemplatus essem, inveni summâ cum animi oblectatione, aliquam Globi terreni partem, & loca ibi indicata terrestria, cum superficie Lunæ visibili, ejusque regionibus oppidò accommodatissimè comparari, & ideo inde huc transferri posse nomina, nullo negotio multoque convenientissimè : puta nempe, partem Europæ, Asiæ, & Africæ, quæ Mare Mediterraneum, Pontum Euxinum, Mare Caspium comprehendit; ac omnes reliquas Regionem illis inclusas & adjacentes, quæ sunt : Italia, Græcia, Natolia, Palæstina, Persia, Sarmatiæ & Tartariæ pars, Ægyptus, Mauritania &c. quæ loca, scilicet à decimo gradu usq; ad no-

*Certa pars Globi Terreni, cum hemisphærioluna patenti apte omnino comparari potest.*



nagesimum longitudinis, & à vigesimo quinto, ad sexagesimum latitudinis gradum, se se extendunt.

*Quenam nomina locorum auctorem legerit?*

Comparatos sic igitur Lunæ oceanos, Regiones, si sic appellare liceat, cum his terrenis, insignivi nominibus communibus, quæ sequuntur, in denominatione istâ, debite observatis. Primò quidem locorum situm præcipuè attendi, ne non spatia Lunaria cum Terrestribus egregiè inter se convenirent : Secundò, primariæ notæ maximeque nobis perspecta nomina elegi, inprimis quæ Veteribus fuerint usitata, & Historicis ac nobis familiaria. Locorum enim terrestrium nomina nostro seculo admodum variare, & aliter atque aliter hæc vel illa à diversis populis nominari loca, quem fugit? Vbi verò quod dictum servare non licuit (quemadmodum interdum id fuit impossibile) illa amplexus sum nomina nobis inservitura, quæ arridebant, & non omnino inepta erant. Interim mirari nunquam satis potui, tam omnia se bene dedisse, ut initiò nunquam putavi : id quod Astrosophus quisque jam jam perceptum, opinor, mecum vix leviter mirabitur demirabiturque. Interim tamen non est quod quisquam sibi persuadeat, loca Lunæ terrestribus nostris, etiam quâ formam, quâque amplitudinem, & omnem denique proportionem planè respondere (id enim ita esse aut scisse, quod ita se habeat, ut facile sapientes colligunt, nil adeò in præsens refert) sufficit qualem qualem situm locorum regionumque utrinque æqualium primò deprehendisse. Fictitiis nominibus, vix semel atque iterum sum usus, & non nisi eo in loco, ubi Geographica nomenclatura nos destituebat : ideoque pauca talia invenientur, nec nisi Boream versùs, cum reliquis in partibus, nomina verè Geographica commodè in promptu essent.

Cæterum minimè oportuit solùm oras Lunares, nominibus afficere; sed requirebatur etiam, ut ita eadem repræsentarentur, quò faciliè quilibet memoriæ illa mandare, feliciterque retinere posset. Per numeros quidem nomina inventa extra Lunæ faciem seorsim indicare, non videbatur conducibile : nam propter multos illos diversos numeros, varietatemque nominum, vix quicquam inveniri potuisset, & ita ob confusio-

nem



nem istam, opus hoc fuisset molestissimum atque tædiosissimum. Aliam proinde rationem inveni, Tabulam Selenographicam Orthographicè & Geographicè delineatam construendi, cujus beneficio & totum hoc negotium bene successurū prævidebam, & facilè fore ut Selenographiæ Studiosi, multò majori cum voluptate, minori autem labore, nomina omnia hîc adhibita cognoscant, mandentque memoriæ : & quod maximum, proposito meo valde posthac inserviret; verumque esset medium, totam hanc Selenographiam, rectè illustrandi atque intelligendi.

*Nomina locorum Luna, in Tabulâ quâdam Selenographicâ Geographicè delineata, Autor repræsentavi.*

Quam ego Tabulam Selenographicam simili modo construxi, ac sub aspectum publicum posui, ut Mappæ solent, Geographicæque Tabulæ : nempe duobus eo necessariis benè animadversis. Primò, ut Regiones & Insulæ, cum omnibus finibus & angulis &c. secundùm veram mensuram, proportionemque tam longitudinis quàm Latitudinis accuratissimè delinearentur : Secundò verò etiam est observatum, ut Maria itidem Lacus, Fluvii & Paludes, cum Sinubus, Promontoriis Scopulisque &c. accuratâ operâ, in debitâ servatâ proportionem adumbrarentur. In quâ & ipsa, Oceanorum littorâ, moris Geographicis usitato, lineis certis distinxî, Paludes item, ut suetum, Montes & Valles : ne non ipsi tirones, primo intuitu, continentes à Paludibus, Stagnis, Maribusque discernere non nequeant. Nam ex priori Tabulâ Ichnographicâ, ut & reliquis phasibus, non tam commodè, nec tam citò omnia percipiuntur. Montes re ipsa minores & majores Lunares, in hac Tabulâ, ratione altitudinis, pariter sunt distincti, ut differentia, haud difficulter deprehendi possit. Vnde autem, tam accurate scire potuerim, locorum situm, Montiumque differentias, inferiùs dicetur. Porro etiam omnium locorum collecta nomina, Tabulæ huic addidi, quò & situs locorum, & ipsa nomina simul, ob oculos ponerentur. Quâ quidem viâ, ut diximus, haud ægrè sibi rerum harum omnium cognitionem acquirerent Astronomiæ cultores : cùm nomina quæ ordine hîc introducuntur, non Historicis tantùm, sed & Poëtis, imò ac omnibus ferè literarum Peritis sint familiarissima. Et ne discre-

*Selenographica Tabula, instar Geographicæ est constructa.*



pantia nominum priscorum hodiernorumque quendam offenderet, utraque junctim afferentur.

Sed nomina in Tabulâ Selenographicâ expressa, majusculis literis notavimus, reliqua minoribus, melioris scilicet distinctionis gratiâ, additis insuper & pluribus, quæ ad meliorem intellectum conducere putavimus. Demum nomina omnia, ut citius reperiri possent, secundum ordinem Alphabeticum disposuimus. Quod autem Tabulam Selenographicam attinet, eam omnibus observationibus, admodum conducibilem, & utilem fore judico, tam ad observationes, rectè instituendas, quàm has ipsas probè intelligendas: idque inferius, suo tempore & loco fusiùs demonstrabitur.

## Tabulæ Selenographicæ nomina, eaq; propria Marium, Sinuum, Insularum, Continentium, Promonteriorum, Chersonesorum, Lacuum, Paludum, Fluminum, Planitierum, Montium, & Vallium.

### A

**A** Barim Mons, *Nebo* & *Pha-*  
*sga* nominatur, in quo Moïses mortuus.

**Acabe**, Mons Ægypti, ad Sinum Arabicum.

**Aconitus**, Collis, ubi & Archerusia Specus.

**Adriaticum Mare**, Hodie, *Golfo di Venetia*; A Vitruvio *Gallicæ Paludes* vocantur; Intimus Maris Adriaticirecessus, in quo Venetiæ sitæ sunt, hodie *Lagume di Venetia*.

**Æa**, Insula, nî fallor, hodie *Satabella*.

**Ægyptus**, Africæ Regio celeberrima, quondam *Æria*, *Ætia*, *Ogygia*, *Hophæstia*. *Chemia* quoque dicta, teste Herodoto; Hebræis dicitur *Chus*; Turcis *Elchebitz*; & in linguâ Ægyptiacâ *Cam*.

**Ægyptiacum Mare**.

**Africæ Pars**.

**Æmus Mons**, vel *Hæmus*, mons Thraciæ; ab Italis *Catena Mundi*, & *Monte Argentario* appellatur; Turcis *Balkan*.

**Ærii Montes** Siciliæ, & olim sic appellati.

**Ætna Mons** Siciliæ; *Cælestis Columna* Pindaro; *Tiphæus* Mons, Siliio Italico; hodie *Mongibello*, aut *Monte Gibello*; olim *Inesia* appellatus, uti meminit Volaterranus.

**Æthusa**, Insula non procul Sicilia. Aliis *Ægusa*, *Limoza*, *Ægates*.

**Ajax**, Mons Ægypti.

**Agarum**, Promontorium Sarmatiæ Europæ.

**Alabastrinus Mons** Africæ.



Alani, sive *Roxolani* Montes, juxta Tanaim fluvium & Mæotidem Paludē.

Alopecia, Insula, Paludis Mæotidis, quę & *Tanais*, item *Calarus* & *Alopece* nominatur. Hinc Socrates oriundus; testibus Laërtio in hujus vitā, & Platone in Gorgiā; vocatur etiam à quibusdam *Isle de Renards*.

Alaunus Mons.

Alpes, Montium longissimi tractus, qui Italiam à Germaniā & Galliā, tanquam muro nativo, separant; *Albia* & *Alpionia* olim dictos fuisse, tradit Strabo. A diversis Autoribus etiam variis nominibus distinguuntur. vide Ortel.

Amaræ Paludes.

Amari fontes Ægypti.

Amadoca, Palus.

Amanus Mons, aliās *Cedrenus*, vel *Monte nigro*.

Ambenus Mons, circa Istri ostia in Sarmatiā Europæā, aliās etiam *Ambolus* & *Embolus* vocatur.

Anemusa, Insula, inter Leopadusam & Æthusam interjacens, quę etiam *Pelagiæ* dicuntur Insulę, & *Taricinia* in Africę tabulā, appellantur.

Annæ Mons, Arabię desertę

Antilibanus, Mons.

Antitaurus, Mons.

Apenninus Mons; pro locorum varietate, varia illi in Italiā attribuuntur nomina.

Apollinis Promontorium, in Mauritaniā Cæsariensi, hodie *Cabo de Tenes*, vel *Cabo de tres forcas*.

Apollonia Insula, quę & *Thynias*.

Apollonia minor, Insula Ponti Euxini.

Arabia, hodie *Aden*, nonnullis *Aiman* dicitur, Saracenis verò *Mamotta*.

Arabia Paludes

Archerusia Palus, vel *Anthemoisis* ad Pontum Euxinum.

Archerusia Promontorium, ad Insulam Apollinis in Ponto Euxino.

Areesa Palus, vel *Arsena*, *Arethusa*, in Armeniā Majori.

Argentarius Mons, Peninsula, sive Promontorium Tusciæ; hodie *Monte Argentaro*, in quo olim fuit Portus Herculis.

Arietis frons seu Promontorium, quondam *Brixaba* vel *Acroma*, Tauricę Chersonesi Promontorium.

Armenia Montes vel *Gordiaci*.

Arrhentias, Insula circa Pontum Cappadocicum.

Asiæ Pars, à Sacris Scriptoribus dicitur *Semia*, à Populis verò Asiaticis *Siana*.

Atheniensis Sinus; Athenarum Cappadocię, non Græcię; aliās *Themis* & Cyrium appellatur, hodie *Cacari*.

Athos Mons Græciæ, hodie *Monte Sancto*; Turcis *Monastir*.

Atlas minor, Mons in Africa.

Atlas major, itidem mons in Africa.

Audus, mons Africę.

Aureus Mons in Mœsiā; hujus nominis & alii in diversis Regionibus inveniuntur.

## B

Baronius, Mons Regni Fessę, & Marrocci in Africā.

Besbicus, Insula Propontidis, hodie *Calomio*, vel *Calolino* appellatur.

Berosus, Mons, in eo tres sunt fontes, sine dolore, sine remedio mortiferi. Plinius.

Bodinus, Mons.



**Bontas, Mons,** seu *Tabas*, circa Serrorum montes, situs.

**Borysthenes, Lacus,** circa Pontum Euxinum, in quem fluvius Borysthenes se se exonerat.

**Byces, Palus;** est quidem aliàs pars Paludis Meotidis; hîc autem pars Ponti Euxini: cum enim in Geographiâ nullus alius occurreret Sinus; idcirco hoc nomen retinere placuit.

**Byzantium,** hodie *Constantinopolis*

## C

**Cadmus, Mons** Asiæ.

**Calabraria, Insulæ** Maris Balearici; hodie *Montcolibre*.

**Calathe, Insula** maris Africi, non procul à Sardinia.

**Calchistan, Mons** Persiæ.

**Capraria, Insula,** hodie *Cabrao*.

**Carpates, Mons** Sarmatiæ Europææ Ptolom. Germani hunc, *Den Münch / Baffer / Wurggarten / vnd Schneberg* vocant: vide Ortelium.

**Carpathos, Insula,** olim & *Crapathus, Porphyris* & *Tetrapolis*, hodie *Scarpanta* dicta.

**Caput de Torneſe,** Peloponnesi.

**Carcinites, Sinus,** qui & *Tamyra-*  
*ces* hodie, *Golfo di Nigropoli-*

**Cassiotis, Regio,** in Ægypto vel Syria.

**Casius, Mons** Ægypti, hodie *Larissa*, in quo Pompeji Magni Tumulus.

**Caspium Mare,** sive *Hyrceanum, Albanicum* & *Tartaricum* appellatur, hodie *Abachu, Sala, Cunsar* &c.

**Catarractes, Mons** Ægypti, non procul à Nilo.

**Caucasius Sinus** Ponti Euxini.

**Caucasus, vel Caucasii Montes,** Pars Tauri Montis, inter Pontum Eu-

xinum & Mare Caspium siti; aliàs *Marpesia Cautes*: hodie *Cochias*.

**Celenorum tumulus,** Montes Pamphiliæ

**Cercinna, Insula** Africi Maris; hodie *Gamelaria* & *Querquenes* dicitur.

**Chadisia, Promontorium,** aliàs *Phadisana*.

**Chalcidici Montes,** hodie *S. Riti*.

**Cilicum, Insula** Ponti Euxini.

**Cimmerius, Mons** in Tauricâ Chersoneso.

**Cimmeriæ Paludes.**

**Cimæus, Mons** Asiæ.

**Circæum, Promontorium,** hodie *Monte Circello*.

**Cirna, Mons** Africæ.

**Climax, Mons** Ægypti.

**Coibacarani, Montes** in Persiâ.

**Colchis.**

**Corax, Mons** Sarmatiæ Asiaticæ.

**Corocondametis Lacus** ad Pontum Euxinum.

**Corfica, Insula,** quæ & *Cyrnus, Corsis* & *Cerneatis*, in viciniâ Sardinia sita.

**Cosyra, Insula** vel *Cossura*, aliàs *Pantalaria* non procul Sicil. & Promont. Mercurii.

**Cratas, Mons.**

**Crathis** vel *Chelidoreus* Mons Peloponnesi; olim, nî fallor, *Stymphalus*.

**Cragus, Mons** Ciliciæ

**Creta, Insula,** seu *Candia*, olim *Aeria, Curetis, Macaros* & *Macaronesos* dicta.

**Creticum Mare.**

**Cydises, Mons** circa Armeniam.

**Cyprus, Insula** Maris Mediterranei, variis fuit appellata nominibus: *Aca-*



*mantis, Ceraſtis, Aſpetia, Amathus, Macaria, Cryptus, Colimia, Sphecia, Mejonis, Aroſa, Paphus, Chetima, Citica, &c.*

Cyanea Europeja, Inſula Boſporo Thracio adjacens.

## D

Delanguer, Mons, olim *Imaus* ex Radicibus Tauri exoritur: à Ptole-mæo *Chemantini Montes* appellantur.

Didymę, Inſulę Maris Mediterranei

Didymus, Mons Aſiæ Minoris: aliàs quamplurimi reperiuntur hujus nominis montes.

## E

Ebiſſus, hodie *yzica*, Inſula maris Balearici.

Echinades, Inſulę ſunt maris Ionii; noſtrâ tempeſtate *Cozzulari* vocantur.

Eos, Mons Ægypti.

Eoum Mare, ſeu Orientale.

Erichtini Scopuli, in Ponto Euxi-no.

Erroris Inſula, quę & *Albuſama* maris Mediterranei; hodie vocatur *Alboran*.

Eryx Mons, vel *Montes Erycini*, hodie *Trapani* & *Monte S. Iuliano*, in Sicilia

Evila, deſertum in Palæſtina.

## F

Ficaria Inſula, hodie *Serpentaria*, juxta Sardiniam.

Fontes amari ad Nilum in Ægypto.

Fretum Ponticum.

Fortis, Mons.

## G

Gallicus Sinus, dicitur ea pars maris Mediterranei, ubi Rhodanus ſe in illud effundit; aliàs etiam *Angulus*

*Gallicus* & *Salfus* interdum nominatus, ad Aphrodiſium Promontorium, Germanicianus mons, aliàs *Iovis*, in Africâ.

## H

Hajalon Vallis, in Palæſtinâ, ſive Vallis Lunę aliis nominata.

Herculeus Lacus, in Sicilia circa Æt-nam ſitus, quatuor ſtadiorum fuit in ambitu, in Leontino agro. Diodor. Sic.

Herculis Mons, juxta Promontorium Heracleum.

Hereus, Mons Siciliaę, aliàs *Artifino* & *Tauis*.

Herculeum Promontorium, ad Paludem Meotidis.

Heracleum, Promontorium Ponti Euxini.

Hermo Mons, & *Galaad*, Palæſti-næ;

Hiera, Inſula, juxta Siciliam & *Hieronęſos*; vel *Maritima* nominata; hodie *Maretamo*, non procul Promontorio Lylibęo, ubi & alię reperiuntur Inſulę.

Hippoci Montes, hodie *Mazarifci*, in Aſiâ, circa Tartariam.

Hippolai Promontorium in Scythiâ Europęâ ad Borifthenem.

Hipponiates Sinus, aliis *Vibonenſis*, *Terineus*, *Napetinus*, *Bruttius*, *Lameticus*, hodie *Golfo di Taranto*;

Hor, Mons Palæſtinæ.

Horminius Mons, vel *Ormenius*, in Aſiâ ad Pontum.

Horeb, Mons Palæſtinæ.

Hiblæi Montes, Siciliaę.

Hyperboreum Mare.

Hyperboreę Paludes.

Hyperborei Montes.

Hyperboreus Lacus Superior.

Hyper-



Hyperboreus Lacus Inferior.  
Hyperborei Scopuli.  
Hyperborea Regio.

## I

Ida, Mons Asiæ, in Myfiâ minori.  
Insula Orientalior, Maris Carpatici, five Lybici.  
Insula Occidentalior, in eodem Mari.  
Insula, ad Promontorium Arietis, in Ponto Euxino  
Insula Major, Maris Caspii.  
Insula Minor, Maris Caspii.  
Italia, quondam dicta fuit *Vitalia*, *Apennina*, *Argessa*, *Aufonia*, *Camefenna*, *Hesperia*, *Fanacula*, *Oenotria*, *Saleombrona*, *Saturnia*, *Tourina*, & *Vitulia*.

## L

Lacus major occidentalis, ad Paludem Mæotidis, vel speciali nomine *Odojum*, Lacus, & *Ivanow*.  
Lacus minor occidentalis, speciali nomine, Lacus *Ploto*.  
Lacus Meridionalis.  
Lacus Niger Major.  
Lacus Niger minor.  
Lathmus, Mons Asiæ, minoris.  
Lea, Insula ad ripam Barbariæ.  
Lemnos, maris Ægæi Insula, hodie *Stalimene* appellatur.  
Lesbos, Maris Ægæi Insula; olim etiam *Hemerte*, *Lasia*, *Ægira*, *Pelagga*, *Æthiope*, *Macaria*, *Mitylena*, & *Mytaneda*, hodie *Metellino* dicta.  
Letoa Insula maris Mediterranei, circa Cretam; aliis etiam *Christiana* vocatur.  
Leucopetra Promontorium, hodie Capo de Larme,

Libanus, Mons Siriæ.  
Ligustinus, Mons Italiæ.  
Lion, Mons in Arabiâ desertâ.  
Lipulus Mons.  
Loca Paludosa, in Cercinnâ Insulâ, in cujus medio Collis insignis conspicitur.  
Lunæ Promontorium in Tusciâ, non procul Sinu Gallico.  
Lybicum Mare, vel potius *Ægyptiacum*.  
Lychnitis, Palus Armeniæ majoris, hodie *Exsechia*.  
Lybiæ Pars Asiæ, quam olim & *Olympiam*, *Oceaniam*, *Hesperiam*, *Cepheniam* nominarunt.

## M

Macra Insula, quæ & *Achillis*, item *Leuce*; sita est in Carcinite sinu;  
Macrocmnii Montes, in Sarmatia Europæâ.  
Malta, vel *Melita*, Insula.  
Majorica, Insula maris Balearici.  
Mampsarus, Mons Asiæ.  
Mantiana Palus, hodie *Geluchalat* vel *Actamar* vocatur.  
Marinus Lacus, in Tusciâ, ad Herculis Portum, hodie *Lago d' Orbitello*  
Masicytus, Mons Asiæ minoris.  
Mauritania, Africæ Regio; Hebræis dicitur *Phut*, hodie *Regnum Tremissimum*. Hispanis, Gallis & Italis *Barbaria* dicitur.  
Mediterraneum Mare, Italis & Hispanis *Mare Levante*, Turcis *Aktenitz* id est *Album*, Arabibus *Bohar Rumi* appellatur; aliàs etiam *Mare magnum*, *Mare internum*, *Mare intestinum*.

Melos



**Melos Insula**, variis olim appellata nominibus, vide Ortel. Omnium Insularum in Græciâ fuit Plinius scribit rotundissima.

**Menyx Insula**, quæ & *Lotophagitis* & *Cyra* vocatur, est Insula Maris Africi, non longè à Syrtibus.

**Mercurii Promontorium**, Maris Mediterranei ad Afric.

**Mesogys, Mons Lydiae.**

**Micale, Mons Ioniae.**

**Mimas, Mons Ioniae.**

**Mingui**, desertum, five *Carmania*, in Asia.

**Minorica**, Insula Maris Balearici.

**Miris**, vel *Moeris*, stagnum, in quo Mæridis Regis Sepulchrum.

**Mons Meridionalis.**

**Montana Pharan**, in Palæstinâ

**Montana Seir**, in Palæstinâ, hodie *Sardinay*.

**Montuniates, Mons in Tusciâ.**

**Mortuum Mare in Palæstinâ.**

**Myconius, Mons Siciliae**, circa Messanam.

**Moësia**, Regio Europæ, aliis *Servia*, aliis *Bosna* & *Moldavia* dicitur.

**Mysius, Mons Asiae**, olim *Saturni Collis* appellatus, à Turcis autem hodie *Geschisdage*.

## N

**Neptunus Mons**, hodie *Monte de Namari*, non procul Messanâ, in Sicilia, ad Fretum Mamortinum.

**Nerossus, Mons Tartariæ.**

**Nilus**, vel Fluvius *Triton*.

**Nitriæ Mons Ægypti.**

## O

**Olympus, Mons Asiae**, vel *Olympus Mysicus*, hodie *Kischisdag* voca-

tur. Aliàs adhuc duodecim fuerunt Olympi, in Cypro nempe, Macedoniâ Peloponneso & Lyciâ.

**Ophiusa**, hodie *Fomentera*; Insula Maris Balearici.

## P

**Paludes**, circa Mare Mortuum.

**Paludes Palæstinæ.**

**Paludes Superiores Ponti Euxini.**

**Paludes Inferiores Ponti.**

**Palus Maræotis**, in Ægypto.

**Palus Mæotis vel Mæotica**, hodie *Mar dello Sabacche*, *Mar della Tana*, & *Mar Bianco*.

**Pamphylium Mare**, seu *Phaselicum*.

**Pangæus Mons.**

**Pæstanus Sinus**, five *Posidoniates*, hodie *Golfo Agropolitano*, vel *Golfo di Salerno*, Maris Mediterranei.

**Paropamisus Mons**, Pars Tauris ibi in excellentissimam confurgit sublimitatem; ab Aristotele, *Parnassus*, hodie verò *Pamer* vocatur.

**Parthenius, Mons Peloponnesi.**

**Peloponnesus**, hodie *Morea* Peninsula; olim *Apia*, *Pelasgia*, *Argos*, *Pelopia*, *Inachia*, *Ægialia* nominata.

**Pentadactylus, Mons Ægypti**, ad mare rubrum.

**Peronticus, Sinus Ponti Euxini**, hodie *Cabo de Manco*.

**Persia, Regio Asiae**, hodie *Farsi*, *Azamia*, & *Curasan* dicitur.

**S. Petro Insula**, sita est ad Sardiniam, olim Herculis Insula appellata.

**Petra Pyramidalis**, seu *Pyramis*, five Mons *Faronianus*, in Tusciâ.

**Petra Sogdiana**, ad Mare Hyrcanum.



Peuce, Mons in Sarmatiâ Europæâ.

Phasianus, Sinus Ponti.

Pherme, Mons Ægypti.

Philyra, Insula Ponti Euxini, circa Sinum Phasianum.

Phoenix, Mons è regione Inf. Rhodi.

Pontia, Insula Maris Mediterranei.

Pontus Euxinus, à variis Autoribus varia traxit nomina: *Axenus*, *Amazonius*, *Scythicus*, *Pontus Tauricus*, *Mare Cimmerium*, *Colchicum*, *Caucaseum*, *Mare Ponticum*, *Phasianum*, *Sarmaticum*, *Mare Boreale*, *Pontus nigrus*; hodie *Mar de Marmora*, *Mar Majore*, & *Caradenis*, & *Maurothalassa* Turcis.

Porphyrites, Mons, tanquam Minio rubens, ut tradit Agatarchides; & hîc in Lunâ ferè ejusmodi est coloris.

Promontorium freti Pontici.

Propontis, Sinus Maris, inter Hellespontum, & Pontum Euxinum; aliàs *Bebrycium Mare*, *Thracium*, hodie *Mar de Marmora*.

Prophetarum, Mons, Palæstinæ

## R

Raphidim, desertum in Palæstinâ.

Rhodus, Insula, olim *Macaronesos* dicta, & aliis variis nominibus appellata.

Riphæi Montes.

Rupes, in sinu Acheniensi.

## S

Sacer, Mons Ægypti.

Sagaricus, Sinus, Sarmatiæ Europææ.

Salmydessus Sinus, hodie *Philia Promontorium*.

Sanctus Mons, ad Paludem Meotidè.

Sardinia Insula, quæ & *Sandaliotis* & *Ichnusa* vocatur.

Sarmatiæ Europææ Pars.

Sarmatici Montes, in Sarmatiâ Europæâ, hodie *Scepusienses*.

Sarmatiæ Asiaticæ Pars.

Scithiæ Pars, hodie *Tartaria*.

Sepher Mons, Palæstinæ; sed & alius hujus nominis in Indiâ invenitur totius Orbis maximus: & hic in Lunâ se se quam longissime extendit.

Serrorum Mons, Sarmatiæ Europææ.

Sicilia, Insula, quæ & *Sicania*, *Trinacria*, *Triquetra*; teste Plinio.

Sinai Mons, hodie *Catharinæ*, Turcis *Turla*, & *Gebel Thor*, in Arabiâ Petræâ.

Sinopium Mons Ægypti, aliàs *Memphidis Mons*.

Sinus Orientalis, Maris Hyperborei.

Sinus inferior, Maris Caspii, in quo rupes insignis videtur: aliàs hic Sinus *Scythicus* dicitur.

Sinus Extremus Ponti Euxini.

Sinus ad Bosphorum Thracium, Propontidis.

Sinus ad Hellespontum Propontidis.

Sipylus, Mons Agæ Minoris: aliàs quamplurimi reperiuntur, hujus nominis Montes.

Sirbonidis Eruptio, vel fretum *Sirbonicum*.

Sirbonis, Sinus, in Africa non procul à Nilo. Vel *Palus Sirbonis*; In Sacris literis *Torrents Ægypti*, hodie *Golfo di damiata*.

Sogdiani Montes, inter Mediæ & Assyriæ Regiones Limes; hodie *Cabusco*.



Strobilus, Mons, Pars Caucaſi.

Strophades, duæ Inſulæ Maris Ionii.

Strymonicus, Sinus, hodie *Golfo de Conteffa* in Mari *Ægeo*, ſeu Archipelago.

Syrticus, Sinus minor, qui & *Lothopagitis*, ad Africam.

Syrticum Mare; Loca ſunt vadoſa; in eo rupes quamplurimę ſcilicet, Maris Brevia, locaque arenofa; hodie *Secche de Barbaria*, vel *Braxas de Barbaria*.

## T

Tabor Mons Paleſtinæ.

Taigetus, Mons Peloponneſi.

Tancon, Mons, juxta Mare Caſpium.

Tarantinus, Sinus maris Mediterranei; hodie *Golfo di Taranto*.

Taurus, Mons Aſię, totius orbis terrarum maximus, & hîc in Lunâ omnium maximus.

Taurica Cherſonneſus, quę & *Cherſonneſus Pontica*, *Taunaim*, *Alopeciam*, *Cherſena*. Noſtrâ ætate, *Perokopska*, *Gefara*, *Gazaria*, vel *Cazaria*, dicitur.

Taracinia Inſulæ.

Techiſandam Mons Perſiæ.

Thambes, Mons in Africâ Situs.

Tenarium Promontorium; hodie *Capo Matapan* in Peloponneſo

Thoſpitis, Lacus.

Tmolus, Mons, aliàs *Timolus*, in Phrygiâ ſitus.

Trapezus Mons, in Tauricâ Cherſonneſo, aliàs *Lustra* hodie *Trebizon-da*; *Tarabosſan* Turcis vocatur.

Traſimenus, Lacus in Italiâ hodie *Lago de Perugia*.

Troicus, Mons, ex quo Pyramides *Ægypti*.

## V

Vulcania Inſula, aliàs *Vulcanitem-plum*, hodie *Vulcano*, non procul *Lipara*, Inſula; ſita eſt in mari Mediterraneo, ad dextram Inſulę Sicilię, prope Italiam

Vxii Montes, in Armeniâ majori, unde Tigris originem ſumit.

## Z

Zacynthus Inſula, prope Peloponneſum, aliquando *Caffiopa*, *Hieruſalem* appellatur, hodie *Zante*.

Hæc habe nomina locorum Lunæ omnium, quæ itidem Tabulâ Selenographicâ continentur. Nunc verò adhæc dicetur, de locorum prædictorum vario ſitu, variatione & proprietatibus; ut & paulò fuſiùs, de Tabulâ noſtrâ Selenographicâ, Plenilunio, & omnibus reliquis phaſibus. Vt autem ex voto fluant omnia meliùs: & univerſa lectoribus multò clariora reddantur, propoſui, plenè priùs, de motu Librationis Lunæ diſci agere; (qui motus Veteribus prorfus fuit incognitus, & in hunc uſque diem, à nemine adhuc exploratus, nedum apertè & perſpicuè, per obſervationes fide dignas, demonſtratus) de re nempe ejusmodi, cujus cognitio maximè re-

*Motus Librationis Diſci ab Autore explicatur; qui Veteribus planè fuit incognitus, nec à Recentioribus adhuc exploratus.*



quiritur, tam ad Selenographiam, quàm ad res omnes Lunares, Phasesque rectè intelligendas; imò, absque cujus beneficio, ne minima quidem Lunæ Phænomena, debite explicari, ac demonstrari possunt.

Satis quidem prolixè, in capite antecedenti, de motu Lunæ vario, cui Luna est obnoxia, pro rei necessitate, dictum; sed hujus motus Librationis, nulla planè facta est mentio: quippe occasio loci non permittebat. Veruntamen, memini cujusdam motus librationis; quomodo scilicet centrum Epicycli primi, in Eccentrico, in minori Epicycli diametro, hinc & inde libretur, motu tamen ad circularem analogo: hic motus autem non est iste, de quo jam dicere constitui, multò minùs quidam Longitudinis & Latitudinis; nisi quòd antè dictus hic motus Librationis, ex motu Lunæ proprio revera oriatur, eique omnimodè se se accommodet, id quod inferiùs evidentissimè demonstrabitur.

*Qualisnam sit differètia, inter Luna, motum proprium, & Libratorium.*

Inter hunc novum Motum Libratorium, & omnes reliquos Lunæ competentes, initiò statim, magna se se offert differètia. Motus quidem tam Longitudinis, qui secundum seriem signorum fertur, quàm Latitudinis, respectu aliarum stellarum; certo certius deprehenditur, ac cognoscitur; rectèque inde à nobis judicatur, ejusmodi motum aliquem circa Lunam existere: quippe, modò illa, hujus stellæ fixæ in viciniâ, modò propè aliam cernitur: adeò ut progressum Lunæ tum Longitudinis, tum Latitudinis, ex vario situ ad stellas fixas, uti satis diximus, apertè colligere liceat. Motum verò Librationis disci, quòd attinet, eum minimè ex vario situ, respectu Fixarum cognoscere, nec investigare possumus; sed solummodo ex corpore Lunæ ipso: nec est motus qui à certo loco ad locum, & ex suo vero situ (quod motibus aliàs omnibus est commune) continuè movetur. Nam si Luna motuum illorum prædictorum non esset particeps, certè, motus librationis nullam localem mutationem circa eam procrearet: siquidem hic motus circa axes & Polos proprios fit, instar motus Globi Artificialis Cœlestis vel Terrestris, qui prorsus in orbem circumvolvitur, licet de loco nequaquam moveri possit. Attamen ratione  
hujus

*Luna propter Motum Librationis, non de loco movetur.*

*Libratio fit circa Polos proprios.*



hujus motus, quodlibet punctum, sub meridiano constitutum, ab eodem dimovetur, aliudque admovetur, quemadmodum facile intelligitur. Atque sic cum motu Librationis Lunæ est comparatum. Nam etsi propterea, non omnino de loco deturbetur; nihilominus centrum disci Lunaris visibile, ex hoc fundamento, aut antrorsum, aut retrorsum, sursum vel deorsum fertur; adeò ut centrum ejus, modò circa hanc, modò circa aliam Maculam, necessario supponatur.

Hi Poli, circa quos hæc circumvolutio peragitur, in antecedenti Tabulâ Selenographicâ, in ipsis intersectionibus duorum istorum Limborum animadvertuntur; unus quidem ad sinistram, Hellespontium circiter versùs, propè Montem Pentadactylum; alter verò ad dextram, Africum versùs, propè Petram Sogdianam; sic ut motus hic Librationis à Circio ad Euroaustrum, & ab hoc iterum, ad Austroafricum feratur. Veruntamen, non est hæc Libratio perpetuò equalis, quia Poli neutiquam sunt fixi; sed ex parte mobiles. At non est, quòd tibi persuadeas, Benevole Lector, Lunam beneficio hujus Librationis, planè in orbem circumvolvi, instar Globi Artificialis, qui omni ex parte circumducitur: verùm Luna tantùm ex parte, respectu nostri, circumagitur, certamque aliquam solummodo hemisphærii latentis Lunæ particulam, nobis spectandam obvertit, modò scilicet partem superiorem Corum versùs sitam, circa Lacus hyperboreos; modò partem inferiorem Africum versùs, circa Lacum & Montem Meridionalem. Cæterum Termini, maximæ & minime Librationis, hisce duobus Lunæ Limbis monstrantur, interstitiumque interjacent, est maxima Librationis variatio: quanta autem revera sit, & quid præterea hîc sit notandum, paulò post dicetur.

Primò namque indicabo, ne Astrophilum, Scientiæ hujus cupidum, diutiùs morer, unde & quomodo, hic motus suam ducat originem? Id quod nullo negotio cum omnibus jam communicare possum, & ita quidem, ut istud haud ægrè, à quolibet percipi queat, non aliunde hunc motum ortum suum habere, quàm unde eum deduxero: idque faciam tantò libentiùs, quia non nescio, vix ab aliquo rectè eum deprehensum

*Quam Cæli  
plagam Poli  
Lunares re-  
spiciant?*

*Poli ex parte  
moventur.*

*Luna non  
prorsus cir-  
cumvolvi-  
tur, sed ex  
parte tan-  
tùm.*



iri, in animum revocato, quantum laboris & molestiæ mihi ea res creaverit, præsertim genuinos terminos, verumque Librationis tempus exploranti, usque dum crebrarum nimis, & diuturnarum observationum interventu factum sit, ut hac de re aliquid certi, apud me statuere potuerim.

*Motus Librationis, ex motu Lunæ proprio, oritur.*

Motus autem ille Librationis, imprimis ex triplici motu proficiscitur. Primò, ex motu Longitudinis, qui secundum Eclipticæ ductum, per duodecim signa illa cœlestia progreditur. Secundò, ex motu Latitudinis, situ Nodorum & Limitum, & quidem hoc modo: quemadmodum Luna motu proprio suo, secundum longitudinem, indies, imò singulis momentis, in signorum consequentia fertur; sic & certam nobis quoque partem, ratione hujus motus, antrosum obvertit, hoc est, à Coro ad Euroaustum, dum in signis nempe Ascendentibus Capricorno, Aquario, Piscibus, Ariete, Tauro & Geminis moratur; retrorsum denuo, ab Euroaustro Corum versum, in Signis descendantibus, Cancro, Leone, Virgine, Librà, Scorpione, & Sagittario. Eo igitur modo, quando Luna versatur in Capricorno, Limbus intimus, qui per Lacus hyperboreos, Montes Amadocos, inter Paludem Mæotidem, & Lacum occidentalem minorem transit (pars superior figuræ præcedentis & sequentis si attendatur) veram & genuinam hemisphærii visibilis Peripheriam denotat. Estque tum temporis, inter ipsum Lunæ marginem, & Paludem Mæotidem, interstitium admodum tenue conspicuum; rursus verò è regione, inter Peripheriam & Paludem Maræotidem, spatium amplissimum cernitur, ut patet ex ipso Plenilunii Iconismo: in parte verò superiori, Aquilonem versum, supra Mare hyperboreum, interstitium illud, ad Peripheriam usque, admodum est coarctatum; è contrario, in parte inferiori, Austrum versum, tantò pars Lunæ major conspicitur. At, cum Luna in principio Cancri est constituta, tunc Limbus Lunæ horizontalis extimus (si Lunæ scilicet partem superiorem consideres) verum & nativum hemisphærium Lunæ visibile, repræsentat; ita ut facies ejus, planè alium præ se ferat aspectum: nam spatium inter Paludem Mæotidem & Peripheriam, eo tempore est

*Ratione Librationis, luna, in uno latere dilatatur, inq, altero comprimitur.*



est latissimum, sic ut duæ longiusculæ Maculæ distinctè cerni possint; è regione rursus, inter Paludem Maræotidem & Lunæ marginem, tantò magis est coarctatum: verùm pars Lunæ superior, id temporis est amplissima, ut non solum Lacus hyperboreos, sed & paludem Amadocam satis à Limbo distantes dilucidè conspiciere non nequeas; (cum tamen Lunâ existente in Capricorno, parum admodum de his lacubus appareat) at circa Austrum, pars Lunæ haud exigua iterum absconditur. Hæc se non aliter habere, in sequentibus affatim, tam ex meis ipsis, quàm Præclarissimorum Virorum Gassendi & Bullialdi observationibus, in nuperâ editâ Astronomiâ Philolaicâ, annotatis, demonstrabitur; quo Lectorem rejicio.

Ut verò Luna singulis Mensibus signa duodecim Cœlestia motu proprio percurrit, ita & hic motus Librationis Disci, menstruo spatio absolvitur; quatuordecim circiter dies, usquequo in Signis Descendentibus commoratur, retrorsum libratur contra seriem signorum, ab Austro Corum versùs & partem superiorem: rursus, per quatuordecim circiter dies, quum Luna in Signis Ascendentibus subsistit, antrorsum fertur; secundum Eclipticæ ductum à Coro Euroaustrum versùs, qui motus hoc modo perennat, motumque Longitudinis in omnibus ferè concomitatur, illique planè se se accommodat. Quod si Luna non simul motui Latitudinis esset subjecta, sed perpetuò secundum Longitudinem in Eclipticâ circumageretur, facile & hic motus Libratorius intelligeretur: quia verò Luna, ratione motus Latitudinis, modò Boream, modò Austrum versùs exspatiatur, Nodosque variat; similiter accidit, ut hic motus Librationis, eadem ratione, indies varietur, instar motus Longitudinis & Latitudinis; adeò ut singulis Mensibus diversimodè observetur, & rarissimè, ac non nili post multos elapsos annos, in simili constitutione spectetur; sicuti paulò post plura hac de re percipies.

Cæterum, quemadmodum Luna, propter motum Latitudinis, tam per aliquot gradus Aquilonem versùs, supra Eclipticam ascendit, quàm Austrum versùs, infra Eclipticam descendit; ita fit, ut & motus Libratorius, modò Boream versùs, modò

*Periodus Librationis singulis Mensibus absolvitur.*

*Libratio intricatior redditur, ratione motus Latitudinis.*

*Diversa Luna Latitudo, Librationem mutat.*



modò Austrum versùs vergat : hoc est, interstitium Libratorium, inter utrumque limbum interjacens, licet satis sit amplum, Lunâ existente in Cancro; nihilominus illud, pro latitudinis Borealis vel Australis ratione, adhuc magis dilatari aut comprimi potest. Et quamvis Luna subsistat in Capricorno, circulus sive limbus Librationis Capricorni, nihilo secius tamen mutatur atque extenditur, sive interiorem, sive exteriorem partem versùs, pro diversâ Latitudine Lunæ; uti memini. Quæ quidem variatio Librationis non solum in Cancro & Capricorno existit; sed in reliquis omnibus Zodiaci Signis : unde etiam fit, ut centrum Disci Lunaris visibile, singulis Mensibus, diebus, imò horis, notabiliter ac manifestè varietur, ac moveatur; uti præsertim ex Tabulâ Phasium Generali, & Delineatione primariâ, ut & reliquis omnibus Lunationibus videre licet. In quibus viginti & unum puncta, seu octodecim spatia, circa centrum animadvertuntur, quæ diversam Centri Lunar variationem indicant : Puncta scilicet illa tria superiora, in unâ rectâ constituta, monstrant centrum, Lunâ in principio Cancri commorante : Punctum sinistrum ortum versùs, est centrum genuinum, cùm Luna in primo gradu Cancri, & Limite Austrino, vel maximâ Latitudine Australi subsistit : Punctum dextrum est, centrum Lunæ, cùm versatur in eodem signo & gradu, sed latitudine Boreali : Punctum intermedium, est locus centri, Lunâ, circa Nodos, in prædicto signo graduque existente. Reliqua tria sequentia puncta, pariter verum Disci centrum, in utraque Latitudine, Lunâ versante in Leone & Geminis indicant. Tertia linea, Luna quando moratur in Virgine & Tauro. Media, existente Lunâ in principio Libræ & Arietis. Quinta, Luna cùm est in Virgine & Piscibus. Sexta, cùm ad initium Sagittarii & Aquarii pervenit. Infima, in ordine & ultima, Lunâ subsistente in Capricorno, centrum suum nobis exhibet : hac tamen lege, uti jam antea dictum; puncta illa septem sinistra, Australem Latitudinem denotant, & dextra, Borealem; media verò linea, quando Luna in Eclipticâ, hoc est, circa Nodos versatur. Verùm hoc jam jam clariùs reddetur, adminiculo scilicet figuræ sequentis, in quâ puncta

*Quid Puncta  
illa circa cẽ-  
trum Tabulæ  
Phasium ge-  
nerali, deno-  
tent?*



puncta illa Signorum & Limitum, in majori distantia repræsentantur; sicque facilè, motus centri Lunæ fiet manifestior.

In sequente schemate, Linea sinistra a d, repræsentat Limitem Austrinum, vel Latitudinem maximam Meridionalem, in lineâ longitudinis; altera opposita parallela dextra b f, Limitem Boreum, sive maximam latitudinem Septentrionalem; intermedia c e, Eclipticam seu lineam Nodorum, in quâ Nodi, in perpetuum moventur. Hæ tres lineæ, in sex interstitia, sive in septem lineas transversas, sunt distinctæ, quæ duodecim signa Cœlestia referunt, simulque Lunæ latitudinem ab utraque parte Eclipticæ. Exempli gratiâ: Linea superior a b, est latitudinis linea Cancræ; proximè subsequens, linea latitudinis Leonis; tertia Virginis; quarta Libræ; quinta Scorpii; sexta Sagittarii; & ultima Capricorni; lineæ nimirum Signorum descendantium. Reliqua sex Signa Ascendentia, veluti Aquarius, Pisces, Taurus, Gemini & Cancer, parique modo in diagrammate iterum ascendunt.

*Motus Centri  
Disci explicatur.*


Porro, si Luna perpetuò cursum suum perficeret, aut in Eclipticâ, Limite Austrino, aut Limite Boreo, in lineis scilicet Eclipticæ parallelis; tum & centrum Lunæ, tantummodo in hisce tribus lineis c e, a d, vel b f, similiter moveretur: à Cancro descendendo usque ad Capricornum, & rursus à Capricorno pariter ascendendo, usque ad Cancrum: hinc non solum motus Lunaris, esset simplicior; sed & ejus centri. Cum verò, uti constat ex præcedente capite, latitudo Lunæ quotidie maximè variet singulisque diebus diversè se habeat; (jam enim Luna circa nodos, hoc est in Eclipticâ versatur, jam unius vel alterius gradus latitudinem acquirit, jam maximam, quæ quinque gradus excedit, tam Austrum versus, quam Aquilonem, jam latitudo ejus iterum decrescit) eò fit, ut linea longitudinis centri Lunaris, continuè Eclipticæ non possit esse parallela; sed necesse est, ut constituat cum hac certum angulum, illamque certo tempore intersecet, non quidem semper in uno eodemque loco, ut rectè ex motu Lunæ colligitur, sed in punctis diversis. Quamobrem Libratio centri Disci Lunaris, similem acquirit motum, prout ex figurâ subsequente, res

H h

fiet



fiet manifestior. Atque ut id tantò meliùs comprehendere-  
tur, idcirco adhuc plures lineas transversas in eodem schemate  
dixi, motum illum Menstruum mixtum, ex motu longitudi-



nis & latitudinis ortum, com-  
monstrantes; non tamen in  
omnibus & singulis gradi-  
bus longitudinis & latitudi-  
nis, verùm duntaxat in Si-  
gnorum principiis, maxi-  
mamque & minimam va-  
riationem, seu mutationem  
latitudinis, centri Lunæ in-  
dicantes: namque quā sin-  
gulos gradus eam rem ex-  
primere, in ejusmodi exiguo  
diagrammate, est utiq; im-  
possibile, aut certè magnam  
confusionem linearum hæc  
res pareret.

Sciendum igitur est, quòd  
principales lineæ reliquarum  
transversarum sunt a f, &  
b d, quæ se invicem, & si-  
mul lineam Nodorum, seu  
Eclipticam, in puncto g in-  
tersecant. Quando itaque  
Luna in Limite Austrino &  
Cancro versatur (exempli  
gratià in a) tunc centrum

ejus in hac lineâ descendendo, secundum seriem signorum, per  
g Nodum, Capricornum versùs nimirum f libratur, ubi rur-  
sum maximam Septentrionalem latitudinem acquirit. Sic  
quoque, si Luna in b Cancro & Limite Boreo sit constitu-  
ta, tum centrum ejus iterum descendendo per g movetur, ad  
Capricornum & Limitem Austrinum d: contrarium accidit,  
cùm ex f & d ascendit.

Qui-



Quibus duabus ductis lineis, se invicem interfecantibus, ex omnibus signorum initiis, aliæ sunt ductæ parallelæ, omnes & singulas reliquas variationes, motumque centri ostendentes, in quibuscunque etiam signis, Limites vel Nodi versentur. Exempli gratiâ: Luna si sit in Leone, & quidem in Limite Australi, tunc, eodem temporis puncto, centrum est in h, hincque movetur in signorum consequentia, per signa, Virginis, Libræ, Scorpîi &c. in lineâ h i k; sic ut linea Nodorum, five veriùs Ecliptica, tum temporis, non in g (ut quidem antea, Limite in Cancro constituto) sed in i, interfecetur; nec ad f lineam Capricorni redit, ut in priore Lunæ constitutione, sed in k incidit: hinc verò iterum sursum ad l tendit, quo loco linea hæc motus centri, Limitem centri Lunæ Boreum tangit. Vnde colligitur, maximam Lunæ latitudinem borealem, hoc tempore versari in Aquario; postmodum ab hoc puncto contactus, in lineâ l, m, n, se iterum dextrorsum, partem superiorem versùs, ad h, convertere. Nodus autem oppositus in hoc itinere fuit in m, intersectione nempe hujus lineæ & Eclipticæ, uti jam antea memoratum.

Quod si verò Luna sit in Tauro, & quidem in maximâ Australi latitudine, tum centrum ejus existit in o, indeque sursum, secundum ordinem signorum t versùs fertur; deinde verò ad s, Nodum nempe in Leone subsistentem, se convertit: hincque iterum Scorpionem r versùs, in quo loco Limitem borealem assequitur, & sic ulterius, q & p Nodum oppositum versùs, in Aquario hærentem, donec denuo ad locum antea possessum ferè redeat. Ferè inquam ad locum, unde antea decesserat, quod bene notetur; quippe centrum Lunæ nunquam, si rem attentè consideres, post menstruum absolutum cursum, ad illum priorem locum, unde se se moverat, reverti potest. Nodi namque interim simul moventur in signorum antecedentia: quo fit ut linea centri itineris, paululum retroagatur, nulloque tempore, Limites suos, eo in loco assequi iterum valeat, ubi Mense præterito eos habuit. Quæ quidem anticipatio vel retrocessio, in figurâ antecedenti, minimè exprimi potuit: sed id etiam non magnopere interest, ut tam exigua hoc in negotio observentur. H h 2 De



De reliquo; Lunâ in Ariete, Limiteque boreali existente, centrum ejus in *u* invenies, indeque *c* Cancrum Nodumque versum movetur, postea ad *vv* Libram, maximamque latitudinem Australem tendit; denique per *e* Nodum rursus ad priorem circiter locum *k*, unde digressum fuerat revertitur, sicque deinceps.

Ex quibus utique satis superque apparet, verum locum centri, ejusque lineam itineris, quovis tempore, in omnibus Lunæ Iconismis (Limites, vel Nodi, in quibuscunque etiam versentur signis) citra errorem, adminiculo hujus figuræ, facile innotescere: eâ expressâ conditione, dummodo quod planè necessarium est, longitudo & latitudo Lunæ, prius fuerit explorata. Insuper ex superiori schemate, videre quoque licet, quomodo centrum Lunæ visibile, in admirabili sanè lineâ circumducatur, in circumferentiâ scilicet Rhomboidis; quæ tamen non perpetuò, unam eandemque retinet formam; sed illam cum motu proprio, singulis Mensibus variat: modò enim Rhomboides illa diducitur, modò coarctatur, prout Limites Lunæ, diversum Zodiaci signum, vel gradum obtinent. Estque hæc nunquam latior, quàm cum Limites in Ariete, vel Librâ commorantur: nam ex Rhomboide, tum Rhombus constituitur, schemate attestante. Præterea, quò Limites, punctis æquinoctialibus viciniore, eò amplior existit Rhomboides; quò verò propinquiore punctis Solstitialibus, eò arctior evadit, usque dum in Cancro nimirum & Capricorno hæc planè evanescat, inque rectam lineam transeat. Hinc verò indubitatè sequitur; quia centrum Lunæ Disci, nullo tempore in lineis Eclipticæ parallelis movetur, veluti motus Lunæ proprius; eò & Polos Librationis nunquam in eodem semper Periphæriæ loco hære, verum quòd ratione Librationis centri, & longitudinis, ac latitudinis, Lunæ ad Eclipticam relatæ, modò ascendant, modò descendant.

Cæterum, monstrare quoque placet, quâ viâ, verus centri locus, in quocunque Lunæ positu, explorandus; quanquam singuli gradus longitudinis & latitudinis, in hac figurâ non sint expressi. Exempli gratiâ, si scire desideras, ad certum  
tempus,



tempus, genuinum Peripheriæ, five centri disci locum, Lunâ in decimo gradu Leonis, tertioque gradu latitudinis Australis constituta, sic age : initiò, divide signum Leonis, simpliciter ad oculi mensuram (nam accuratiori operâ, hic minimè opus) in tres partes æquales, secundum longitudinem, & in quinque secundum latitudinem, ab Eclipticâ numerando, sic, ut quodlibet spatium, unum latitudinis gradum referat; quo facto, pedem circini, in punctum latitudini & longitudini respondens, fige, veluti hîc in x, ex quo, tanquam genuino centri loco, veram Lunæ Peripheriam, nullo negotio, certo ac desiderato tempori competentem, describes. Id quod equidem in omnibus Iconismis, in quibus centra sunt annotata, pariter observari poterit, præsertim ab illo, qui huic rei, cum industriâ & circumspeditione attentioneque, est deditus. Hoc verò inprimis scire magnopere interest; absque quâ notitiâ, nec Phases Lunares rectè observari, delinearique, nec ullæ unquam Lunationes, vel observationes Eclipsium &c. institui possunt : nam nisi prius debitam in primariâ figurâ Peripheriam delineaveris, in arenâ ædificabis, ut impofterum fusiùs dicetur.

Postquam igitur, motus centri Lunæ, illiusque Librationis, quadantenus fuit explicatus; vix inconvenienter quæres modò, quanta revera sit pars illa quæ mediante hoc motu Librationis, de Lunæ hemisphærio latente, nobis obvertatur; & illa, quæ de hemisphærio patente, certo tempore, ab oculis nostris avertatur? Ex tribus præcedentibus Pleniluniis ex parte illa pars satis cognoscitur; quia spatium illud inter utrumque limbum interjacens, est id quod quæritur. Namque primus limbus horizontalis speciem refert Lunæ, in Cancro & Limite Austrino; secundus, faciem Lunæ in Capricorno & Limite boreali constitutæ, in quo situ, extremi termini Librationis & maxima Lunæ variatio existit : quæ quanta autem sit accuratè loquendo, in proportionem ad diametrum in minutis, vel miliaribus Germanicis, jam detegam. Circa nonagesimum fermè gradum ab utroque Polo Lunæ distantem, quo loco, Libratio omnium maxima, prope Montes Sarmaticos; rursum inque Australi parte prope Lacum meridionalem, hæc Lunæ

*Quantum revera sit spatium Librationis?*



variatio ad unum minutum, & quadraginta quinque circiter secunda se se extendit; si diametrum Lunæ scilicet triginta minuta, hoc est, triginta penè milliaria Germanica, qualium tota diameter, est circiter quingenta, æquare statuas. Circa verò Paludem Mæotidem, Libratio non est tanta, nec unquam fieri potest; quia Polus ab illo loco, non adeò distat: quapropter Libratio illic ad unum tantum minutum; hoc est, quindecim milliaria germanica se se dilatat.


*Verum inter-  
stitium Li-  
brationis, ap-  
parente ma-  
jus.*

Rem tamen si penitiùs introspicias, interstitium hoc Libratorium longè majus ampliusque existit, quàm prout nobis appareat: omnibus & singulis observationibus id evincentibus. Idque non solummodo ex Quadraturarum variatione; sed & ex reliquis Phasibus, præsertim falcatis & corniculatis, manifestissimè rectèque judicatur. Quandoquidem enim circa primum luminis incrementum, interstitia diurna luminosa, admodum sunt contracta; circa quadraturam verò omnium sunt maximè extensa, cum tamen reapse si omnia bene consideres, Luna singulis diebus & horis, æqualem luminis portiunculam à Sole hauriat; namque ab illo recedendo, in æqualibus temporibus, ferè æqualia conficit spatia. Quòd autem Phases, non simili proportionem, nobis crescere aut decrescere videantur, tum ex rotunditate Lunæ proficiscitur, tum quòd Phases recentes, per angulum obliquiorem, spectari oporteat. Itaque Luna quoad verum, non autem apparentem aspectum, 60. minimum milliar. Germ. circumvolvitur, unam quidem seu alteram partem versùs; quemadmodum suo loco plenius diducetur. Nobis verò, parte dimidiâ ferè minus, spatium istud apparere, non aliunde oritur, quàm, quòd hanc Librationem Plenilunii tempore, solummodo ex apparentiâ, exque partibus Peripheriæ vicinissimis æstimare valeamus; ideoque verò cum ejusmodi partes, radiis obliquioribus percipiuntur, quàm illæ, quæ rectiùs circa medium opponuntur, Libratio hæc (circa limbum tantummodo spectabilis) necessariò minor arctiorque à nobis animadvertitur, quàm, si circa Lunæ medium observaretur: cum tamen hæc interstitia ad invicem collata, reapse inter se prorsus sunt æqualia, teste Francisco Aguil-



guilonio, lib. vi. prop. 12. Optic. inquit : *Linearis projecturæ partes, quæ ab æqualibus circuli peripheriis proveniunt, minimè inter se æquales, sed minores semper illæ, quæ longius à medio absunt : nam remotiores à centro radii obliquioribus angulis circuli peripheriam interfecant, quare minore intervallo ab invicem distant : sunt igitur prope extremitates minores, æqualium peripheriarum projecturæ.* Hæc ita adhuc apertiùs declarari possunt graphicè.

Esto semicirculus d A d hemisphærium Lunæ visibile, in sex partes æquales divisum, sic ut partes a b, b c, & c d, omnino sint ejusdem magnitudinis. E verò, statio sit oculi



Aut. Sc.

mei, ex quâ Lunam intueor. Dico igitur, etiam si partes illæ, planè inter se sint æquales, nihilo tamen minus unam, alterâ parte, majorem apparere; quæ magnitudo eò magis crescit, quantò hoc spatium remotiùs distat à limbo d, viciniùsque sit lineæ perpendiculari a E, quod ex figurâ appositâ fit manifestum. Nam pars A b, major est parte b c, & hæc iterum amplior, quàm c d, quia obliquiùs, ut jam memini, spectatur; idcirco & angulus visionis d E c multò minor, angulo A E b existit; id quod Kepplerus abundè in Paralipom. in Vitell. pag. 184. demonstravit, qui inter cætera

ait : *cùm ab æqualibus circuli arcubus rectæ ducuntur ad punctum extra circu-*

*lum, inæquales sunt anguli ad punctum, ab æqualibus arcubus subtenfi, & majores, quorum arcus sunt diametro per punctum viciniore.*

Ex quo fundamento, Libratio Lunæ ad Peripheriam 30 summum milliaria nobis videtur, tam in superiore, quàm inferiore parte; cùm tamen circa centrum illa ipsa minimum sexaginta æquet : sicuti apertè & perspicuè Quadraturarum confinia imposterum testabuntur. Hac occasione, fortassis quidam ex me

percon-



De centro-  
rum Libra-  
tionis loco, &  
cur aliter cō-  
stitui mini-  
mè potue-  
runt?

percontetur, præsertim ille, qui hoc negotium probè secum perpenderit, & animo mentèque voverit, non autem per transfennam solummodo aspexerit: quare utrumque extremum Lunæ centrum in Pleniluniis præcedentibus exhibitis (alterum, Lunâ nimirum in Cancro, & limite Austrino constitutâ, alterum, in Capricorno, & limite boreo versante) non magis ab invicem distent, quàm maxima variatio librationis in Septentrione, & Austro, circa Peripheriam; quandoquidem vi demonstrationis prioris, ut & ratione nostræ sententiæ, necessario sequitur, ut sanè duplo sit major centrorum distantia, tam secundum longitudinem, quàm latitudinem, aliamque prorsus figuram, centra illa constituent? Hæc verò ita se se habere ego minimè diffiteor; sed centra secundum jam dictam proportionem, in Lunâ revera existentem, non fuisse annotata atque exhibita, id non nisi ex certis prægnantibus, & urgentibus rationibus factum. Siquidem vera Lunæ facies, cum omnibus Oceanis, Insulis, & Montibus, non in tali proportionem & formâ exprimitur, in Iconisimis Lunaribus, uti ipsa Luna existit, si illum cominus aspicere, vel potius in eâ versari liceret; sed prout tantum eminus à Terrâ, videtur, sicq; rerum illarum figurâ, distantia & proportio, secundum apparentiam se se unice offert: quod tantum modò expetere attinet: si aliter enim Lunæ facies esset expressa; observationibus, propositoque nostro, minimè foret utilis & accommodata. Nam, eo loco quod Plenilunii Facies hoc modo jam est adumbrata, sic planè tunc aliter, illam delineare oportuisset; ipsaq; omnia ad Peripheriam sita loca, quæ sunt; Palus Mæotis, Lacus hyperborei, Palus Maræotis, Insula major Caspii, &c. ita longè majora & ampliora, secundum distantiam à centro, extitissent, figuramque omnino variassent, propter ante memoratas rationes, ob rotunditatem putâ Lunæ, & quòd partes Peripheriæ viciniore sub minori angulo spectentur.

Nobis autem, cum in Selenographicis hisce delineationibus, visibilis Lunæ faciei ratio tantummodo habeatur, quomodo videlicet illa in æthere, aspiciendam se se exhibeat, variatq;, (quod hîc attendisse sufficit) ita & motum librationis tantum,

in



in omnibus phasibus apparentem, repræsentare & adumbrare placuit. Nec profectò centra nullo alio ordine, ullâve aliâ formâ apponenda fuerunt, ne non omnibus temporibus, genuina Lunæ Peripheria visibilis respondens, horum scilicet centrorum beneficio, rectè ob oculos statueretur. Cur autem sectiones luminis & umbræ Quadraturarum, per hæc centra perpetuò non transeant, ut quidem jure deberent; ideo fit, quòd Maculæ tam majores, quàm minores, ratione librationis & distantiae à centro vel peripheriâ, se se paulatim, & semper magis magisque dilatent, quo centro viciniore ferantur; ac plus plusq; se se comprimant (secundùm apparentiam inquam) quò peripheriæ, per motum librationis viciniore reddantur. Quod ut ut difficulter admodum è vestigio percipietur; tamen hac vice, pluribus persequi hoc negotium non permittitur; planè id eò rejiciendum existimo, ubi datâ operâ de Quadraturarum terminis, quantum sufficiat, agatur.

Quemadmodum igitur, motus librationis Lunæque centri, prout audivimus, mirum in modum, secundùm Lunæ motum, in suâ orbitâ variat: sic quoq; cùm circa Plenilunia, tum Quadraturas, omnesque reliquas phases, varias admirabilesque gignit vicissitudines; adeò ut vix longo temporis intervallo elapso, vel phasis aliqua, vel Plenilunium, alteri ab omni parte simile, redire possit. Faciamus enim esse, ut absoluto anni curriculo, priori similis phasis quoad longitudinem Zodiaci, rationeque temporis ejusdem, contingat; attamen perrarò admodum evenit, ut pariter illa in simili latitudine observetur: ideoq; fit, ut Plenilunium seu phasis aliqua confestim aliam acquirat faciem; estq; Luna modò supra, modò infra, modò Eoum, modò Zephyrum versùs amplior vel arctior, sicuti ex motu libratorio haud difficulter colligitur. Similibus variationibus, & Quadraturæ perpetuò sunt obnoxie, quæcunq; in anno existunt; unde etiam consequitur, ut rarer, similis quædam sit conspicua, neque eò solùm, quòd ratione librationis, aut in parte superiori, aut inferiori, vel in utroque latere, crescat vel decre-scat; sed quòd inprimis sectiones luminis & umbræ, Lunam tempore Quadraturæ, mirificè interfecent: dum sectio illumi-

*Rarissimè similis observatur phasis.*

*Et Quadraturæ admodum variant*



*Quadraturarum confinia, statotēpore reciprocantur.*

*Totas Lunationes, peculiari modo observavit Autor.*

nationis modò magis ortum, modò occasum versùs se se extendit, modoque Luna ratione Iconismi bifariam secatur. Interim tamen, hæc variatio & vicissitudo, certos suos terminos respicit, tempusque, intra quod hæc omnia absolvuntur. Sicuti enim Quadraturæ, per primum semestre spatium, in signis comorantur ascendentibus, & per alterum semestre, reliqua signa descendencia peragrant : (siquidem Quadraturæ singulis mensibus, in alio atque alio signo, in consequentia, devolvuntur) simili ratione, progrediuntur sectiones Quadraturarum, à mense Martio numerando (quando circa æquinoctium in Cancro contingunt) ab occasu in ortum, secundum signorum sequelam, quoad Septembrem circiter, quum Quadra in Capricorno oritur; eo enim tempore, hæ sectiones, iterum simili modo recurrunt, ad Martium usque. Quod aliter huc usque non evenerit, per innumeras observationes, certissimè sum edoctus, quarum non paucas Astronomiæ Cultorum oculis, hoc in tractatu simul subjicere placuit, quò scilicet eò melius, quilibet omnia percipere ac intelligere, motusque librationis sive reciprocationis, magis stabiliri possit. Idcirco verò constitui, sex delineatis Quadraturis, decimâ nimirum, undecimâ, 12. 30. 31. & 32. figur. maximam variationem repræsentantibus, simul diversas integras Lunationes, summâ diligentia, intra menstruum spatium observatas, publici facere juris; ut ex iis tam admirabiles illæ progressiones, & retrogressiones menstruæ, Sectionum Quadraturarum, in quibuscunque propemodum signis existentes, ipso oculi sensu comprehendantur; itemque non Motus tantum variationis, sive librationis cuspidum (de quo plenè infrà capite 18. agetur) sed & omnium ipsarum phasium mutatio & vicissitudo, motusque reciprocationis centri, per integrum penè anni curriculum animadversus : minimè dubitans, quin in Cœlo probè perspecta & fundata esse omnia, quæ retuli ac proposui, quilibet (dummodo longitudinis latitudinis, Nodorumque Lunæ omni tempore habeatur ratio) sit deprehensus.

Quem singulas phases, seu potius sectiones luminis & umbræ, menstruo spatio, quotidie recurrentes, delineationis alicujus



cujus primariæ & correctæ, huic operi destinatæ adminiculo institutum, observandi modum, multum utilitatis allaturum, summeque esse necessarium judico; & non solum quidem ad diversas phasium vicissitudines; ut judicavi, explorandas; sed etiam ad rectè investigandum hoc unico medio (si hoc negotium tantum sedulo continuetur) motum librationis longitudinis, latitudinis, ac cuspidum, sicut & reliqua circa Lunam occurrentia phænomena, arcuumque diurnorum differentias cognoscendas. Ipse ego nisi hac arte usus fuisssem, vix leviter, in tam brevi in hanc rem impenso temporis spatio, Selenographiam affectam dare potuisssem: nullusque dubito, si ejusmodi observationes ab aliis continuentur, forsan adhuc majora inventum iri; certè illos minimùm, qui de certitudine motus librationis, vel phasium variationum sive mutationum, indeque pendentibus, adhuc quodammodo ambigunt, hac de re certiores futuros, cognito, quòd omnia, quæ hîc à me, primùm sunt prolata, solido niti fundamento, nec quicquam fictitii tradi. Quâ autem viâ, ejusmodi Lunationum observationes, rectè & commodè institui debeant, cap. 44. docebitur: in quem locum, & figura generalis, sive primaria ad Lunationes, & alias observationes accommodata, cumque omnibus observationibus necessariis, reservatur. Quod verò pleniorè attinet demonstrationem, terminorum in Quadraturis, ut & motus librationis cuspidum, nec non sufficientem expositionem, de Quadraturis ipsis, in descriptionem Iconismorum hæc reservabimus: quandoquidem omnia & singula, hoc loco simul explicari, demonstrarique haud potuerunt.

Nominibus itaque Maculas convenienter affectis, motuque Librationis, pro instituti nostri ratione, satis, quantum arbitror, enodato atque explicato; iterum dicere quædam aggredior, de Plenilunii delineatione, Macularum genuino comensu proportionis, & constitutionis figurâ, coloribus, mutationibus, proprietatibus, Tabulâ Selenographicâ ipsâ, rebusque huc spectantibus. Nam licet Lector harum rerum cupidus, sine manu ductore, ex Tabulâ majori Ichnographicâ Plenilunii delineationem exhibente, quodammodo Macularum, hoc

*Ha observationes plurimum Selenographia ac Astronomia conferunt.*



est Marium, Lacuum, Sinuum, Montium ac Vallium, cæterarumque rerum in Lunæ facie occurrentium, proportionem & symmetriam, summâ curâ & diligentîâ à me adumbratam, oculis assequi possit: nullo tamen adhuc modo ex præcedentibus mente assequetur, non monitus, quo adminiculo accuratam illam Macularum proportionem, & dispositionem observare mihi licuerit. Qui, nisi totus fallor, forsitan cogitaturus est, vix esse possibile, ut hanc proportionem, definire quiverim: in animum inducto, me solummodo, Tubi beneficio, oculorumque mensurâ, & simplici inspectione has observationes peregrisse: quâ viâ utpote admodum lubricâ, facilè decipi fallique, in phasium delineationibus quispiam possit; ut evidenter & apertè, ex rebus continuè oculis obversantibus, colligere licet. Id quod equidem non diffiteor, maximam esse difficultatem, simplici oculorum dimensione, per Telescopium, debitam & veram formam, proportionemque alicujus objecti in chartam conjicere, quod ipse ego initiò observationum mearum satis superque deprehendi. Eapropter aliam planè eamque tutiorem viam ineundam esse dispexi, quò de oculi mei mensurâ mihi certò constaret, & rebus omnibus bene examinatis, phases omnes, modo infallibili constitutas, ita suppeditarem, ut omnibus, quorum interest, demonstrari posset, eas rectè delineatas, ut jure nemo repugnare habeat. Sic igitur rem istam sum aggressus.

*Quo modo infallibili, proportio Macularum, accuratissime investigari possit?*

Primò; circa observationes & delineationes Macularum, summâ diligentîâ atque industriâ attendi, beneque notavi, quænam loca eâdem rectâ lineâ sita essent; quorum primâ statim fronte, ingens numerus se se detexit, quæ cum tribus, quatuor vel quinque aliis præclaris locis, in simili constitutione deprehenduntur. E. g. ut aliquorum solum mentionem faciam, quò res eò melius percipiatur. 1. In eâdem rectâ conspiciuntur Mons Ætna, Insula Besbicus, Insula Cyanea, littusque boreum Paludis Mæotidis. 2. Mons Sinai, Mons Didymus, ac Insula Macra. 3. Sinus Maris Pamphili, Mons Mesogys, Mons Argentarius, & Lacus niger minor. 4. Mons Porphyrites, Insula Corfica & Insula Macra, pars Australis Insulæ Sardi-

*Quanam Macula in lineâ rectâ sita?*



Sardinia, & pes Montis Argentarii : quorum loca adhuc plura dantur, quæ simili modo, in rectâ lineâ procedunt, ut paulò post commemorabo. Quod quidem optimum est auxilium, Maculas quascunq̃ exactè ordinandi; sed tamen nondum id prorsus sufficit : siquidem hâc viâ, nullæ adhuc Maculæ, quæ loco fundamenti inservire debeant, in vero atq̃e genuino suo loco, constitui possunt. Idcirco rem sic conficere sum aggressus, ut morem Geographis usitatum sequeretur, quum Tabulam Geographicam delineare, & construere tentant : qui in primis, si non omnium locorum, tamen minimùm præcipuorum longitudes & latitudes explorant, quo facto, res redditur perfacilis; quippe si tantummodo sub normali intersectione, lineæ longitudinis & latitudinis, loca illa constituentur, verus & naturalis situs istorum est inventus : sicq̃e deinceps cum reliquis, quorum longitudo & latitudo innotuit, pergendum. Similem igitur ferè rationem cum Lunæ investigandis oris tenui; quamvis enim (ut haud ægrè intelligis) locorum Lunæ longitudes ac latitudes, non eo penitus modo, quo Geographis, ex cognitâ viarum intercapedine licet, indagari possint, eò quòd in Lunâ non pedibus ad ea, sed oculis duntaxat pateat aditus : nihilo tamen minùs sicut in Geographiâ alii adhuc dantur modi explorandi distantias locorum, quæ adiri nequeunt : ita in Selenographiâ quoq̃e non absimiles sunt viæ, quibus non adeò multo negotio Macularum Lunarium situs, & distantia cognosci queunt, quemadmodum nunc exponam.

Initiò, sedulò investigavi, quænam Lunæ loca intersectioni cuidam, duarum vel trium certarum linearum, subjaceant; sicuti inter reliqua, Insula Besbicus Propontidis notatur, quæ non solùm, prout jam memini, cum Monte Ætnâ, Insulâ Cyaneâ, & Promontorio Arietis, ipsam rectam constituit; sed & pariter cum Insulâ Corficâ, Monteque Herculis aliam rectam, & vicissim cum Insulâ Macrâ, & extremâ cuspide Sinus Strymonici, tertiam; adeò, ut planè sub trium linearum se se intersecantium puncto, hæc Insula sit sita. Similiter cum Insulâ hæc Besbicus in schemate meo Lunari sub eâdem intersectione



trium dictarum linearum jaceat, perfectissima atque infallibilis est nota, hanc in debito & justo loco collocatam esse, nec non reliquas prædictas oras, rectè constitutas : quod si tamen error quidam inter delineandum irrepsit, illi haud magno labore hac ratione præveniri poterit.

Secundò; Montem quoque Didymum Asiæ, sub tali intersectione duarum linearum deprehendi : hoc est, tam cum extremâ cuspide Sinus Strymonici, Monte Sipylo, & Lacu Thospide, in eadem reperi rectâ, quàm cum Insulâ Macrà, & Monte Sinai. Cujus generis loca, in Lunâ hoc modo se se habentia, adhuc quamplurima dantur, quibus tamen recensendis lubens supersedeo, ne longum faciam : sufficit enim indicasse, quam semitam triverim, ut Lunæ oras accuratè proprièque in Iconisimis meis collocare, unamq; alteri Maculæ adstringere, erroresque subinde irreperentes corrigere, mihi licuerit. Cujus negotii ad finem rectiùs perducendi causâ, omnia loca eodem modo jacentia, quæ unquam reperire potuerim, in auxilium adhibui : quæ verò aliter essent sita, aut per rectas lineas, vel accuratâ oculi mensurâ, ad priora cognita & rectè constituta, annexi.

Tertiò, si duæ, tres, vel plures lineæ, in uno puncto in Lunâ concurrant, & id æque in phasibus delineatis appareat, certissimum quoque & infallibile est indicium, loca illa rectè esse ordinata : quorum utique locorum itidem haud exiguus reperitur numerus, talem omnino obtinentia situm, ut sunt inter alia; Insula Macra, Mons Ætna, Mons Sinai &c.

*Aliaratio,  
Lunæ locorū  
distantias, di-  
metiendi.*

Quartò, singulare insuper compendium reperi, ad hæc omnia eò feliciùs, & accuratiùs promovenda : quo quasi instrumento, diversorum Lunæ locorum distantias non possumus non dimetiri, indagare atque dijudicare; non quidem Radio Astronomico, Astrolabio, Sextante, & hujus generis aliis organis; sed solummodo probo Telescopio rectèque adornato; & id in modum sequentem : cum Tubi omnes ut ut prælongi & præstantes, nunquam totam Lunæ dimetientem, unâ vice comprehendant; sed quò fortiores & præclariores, eò minorem Lunæ particulam nobis exhibeant : idcirco diligentissimè confi-



consideravi, illa Lunæ loca, quæ sub eâdem Tubi aperturâ essent sita, tanquam ejusmodi, quæ æqualiter ab invicem removebantur, & prorsus distantia essent similia. Postmodum exploravi, num etiam meæ delineatæ figuræ, eandem præ se ferrent speciem? Quo quidem modo, per diversas Tubi apertiones, plures observationes institui; eo facto, phases meas delineare, delineatas corrigere, correctasque examinare potui; sic ut jam amplius nullus, de illarum verâ symmetriâ, dubitationi detur locus.

Ut autem Astronomiæ Cultoribus, Siderumq; observatoribus, etiam clariùs demonstretur, tam Plenilunia à me depicta, quàm omnes reliquas phases in hoc opere exhibitas, accuratissimè esse adumbratas; ipsique simul strictè admodum, beneficio Tubospicilli optimi, secundùm veram figuram primariam, sive Faciem Lunæ nativam ipsam, expendere non nequeant: eapropter & hoc loco (cùm Iconisimi Lunares quàm maximè his innitantur columnis) reliqua quoque Lunæ loca recensebo, quæ lineis rectis subjacent; tùm enim quilibet suo Marte, quascunq; figuras delineatas, regulâ quâdam rectâ examinare, & comparisonem instituere, cum Lunâ ipsâ haud difficulter poterit: haud dubiè deprehensurus, me perquàm sollicitum accuratumque (absit tamen vana gloria) hoc in negotio fuisse, omnesque vires ac nervos pro virili intendisse, quò minùs nihil quicquam intermitterem, quod huic operi inservire posset. Sed nec exiguum commodum, ad observatores hinc redundabit, quia sic edocti, oblatas sibi phases aliorum, rectè examinare noverint: cùm, si omnia non fuerint sub rectis suis constituta, longè certissimum illis evadet, & vitiosam esse observationem, & in delineatione ejusdem haud parùm esse aberratum.

Præter loca verò illa antè memorata, & hæc sequentia, lineam constituunt rectam. 1. Lacus niger major, Insula Macra, & cuspis Paludis Mæotidis, Corum versùs spectans. 2. Serrorum Mons, Promontorium Lunæ, & Insula Corsica 3. Medium Insulæ Cercinnæ, Mons Ætna, & Archerusia Palus ad Pontum. 4. Cuspis extrema Sinus Strymonici, Mons Sipy-

*Quenam  
Macula lineâ  
constituunt  
rectam?*




Sipylus, Mons Didymus, & Lacus Thospidis. 5. Mons Horminius trium superior, M. Olympus, M. Sipylus, Infula Lesbos, Infula Creta, Paludes Arabiæ, & M. Casius. 6. Infula Melos, Infula Rhodus, Mons superior Libanus, M. Antilibanus & Mons Armenius in Plenilunii Ichnographici delineatione spectabilis. 7. Mons Sinai, M. Cataractes & Palus Maræotis. 8. Palus Maræotis, Sinus Syrticus, & M. Ætna. 9. Promont. Apollinis, Promont. Lunæ, & Infula Cyanea &c. quarum tamen adhuc multæ aliæ Maculæ, in Lunâ reperiuntur, quas Astropholus diligens & laboribus assuetus, cujus hæc scire interest, ipsemet investigabit.

*Maria, Paludes, Montes & Valles, differunt, ratione coloris.*

Cæterum, ut ad descriptionem Lunæ ipsius redeam, denuo illa repeto, de quibus jam capite sexto commemoravi; magnas nempe Maculas in Plenilunio, & absque Tubo conspicuas, Oceanos esse, locaque illa albicantia magisque splendentia, Montes, Valles & Planities: ex quibus verò de causis, id colligatur, affatim dicto loco explicatum videtur. Paludes quod attinet, non tam nigricantes in Lunâ se se offerunt, quàm Maria & Lacus, neque tam luminosæ, quàm Montes, Valles, & Planities: ratio est in promptu, quia radios Solis fortius reddere valent, quàm Maria; non autem æque benè ac terra Lunæ; propter scilicet opacitatem majorem & minorem. Valles verò in Plenilunio, admodum esse albicantes, atque splendentes, secus autem, Lunâ crescente, vel decrescente; hinc oritur, quòd Sol eo tempore rectà radios suos effundat, sic ut undique ad circumjacentes Montes, radii reflectantur: qui cum, ratione variarum inclinationum, rursus in Vallem transferantur, propterea & majus fortiusque hæ Valles lumen spargant necesse est, quàm loca reliqua complanata, minusque scabrosa. At enim verò, quòd Valles, Lunâ crescente, à dextrâ maximè umbrosæ appareant, & decrescente Lunâ, à sinistrâ, potissimum ab umbrâ sublimiorum Montium proficiscitur; qui Solis luci, eo in loco, transitum denegant, ut in Vallem pertingere queat. Quemadmodum ex apposito diagrammate, fit manifestum: in quo A, Solem refert, B, C, D tres sunt Valles, altissimis Montibus circumdatæ: Vallem B, Sol à dextris illustrat,



strat, instar omnium Vallium, Lunæ decreſcentis : Vallis ſive Montes C, modo contrario illuminantur, quia plagam alteram verſus, ratione Solis, ſiti, ut omnes Montes Lunæ decreſcentis; ideo & umbra ſe prorsus obvertit. D Vallem repræſentat, quam Sol, quaſi ex puncto Zenith illuminat, vel, ut rectiùs loquar, quæ cum Sole & oculo noſtro, in rectâ ſita eſt lineâ : quapropter, illo tempore, veluti in Pleniluniis,



nulla penitus umbra ibidem deprehenditur; ſed neceſſariò omnino lumineſcē ſplendentes; atque albicantes apparent. Hoc equidem ex omnium phaſium Montibus & Vallibus perſpicuè colligitur, ita ut hi Montes & Valles, ratione umbrę majori mutationi quoad apparentiã ſint obnoxia, quàm Maria & Stagna, quę ferè eundem ſemper retinent colorem. Ferè inquam (quod bene notetur) Maria, Lacus & Paludes colorem conſervant; nihilominus tamen, non prorsus, nec omni tempore. Primò namque quantò vicinioreſ ſunt, confinio lumineſcē & umbroſę partis, tantò magis, reſpectu coloris, variantur, & plerunq; tum debiliores videntur. Idemque evenit, ſi Maculę illæ Peripheriæ ſint viciniſſimæ : radii enim Solares, id temporis, magis oblique in illas incidunt, ut in Phaſibus corniculatis & falcatis animadvertitur. Secundò id fit, quòd pariter per obliquiores angulos ſpectantur; unde quidem adeò fortè lumen, nobis communicare nequeunt, quàm ſi rectiùs aſpicerentur; vi Axiomatis Optici : *Omne viſibile minùs videtur oblique, quàm directe ſpectatum* : & : *quò directiùs opponitur, eò perfectiùs videtur*. Merſen. Theor. 8. pag. 496. ut & illius, cujuſ meminit idem in Balliſticâ paginâ 78. *Oblique illuminata, debiliùs illuſtrantur*. Quod adhuc apertiùs atque clariùs, ex adjuncto ſchemate redditur.


*Maria, Lacus & Paludes, aliquantulum, diverſis temporibus, mutant colorem.*

*Quò quid obliquiùs, eò debiliùs illuſtratur.*

E. g. A B, ſit quoddam planum, in quod omnes radii E, F, K k inci-



incidunt; B C aliud iterum planum, ad quod autem radii perpendiculariter haud appellere possunt, cum sit obliquius illis expositum; hancq; ob causam, nec omnes



radii in illud incidunt: quamvis hoc cum priori A B, uti videre est, planè sit ejusdem longitudinis. Insuper adhuc pauciores, in planum B D sparguntur, quia ad angulum obliquiorem est positum; quocirca A B omnium perfectius atq; clarius illustratur: cum omnes radii perpendiculariter ad illud tendant. Manifestè itaque hinc colligere licet, quare Maria & Paludes, circa Peripheriam sitæ, vel

translatæ per motum librationis, non tam nigricantes & distinctè nobis videantur?

Hocque Phænomenon, apertè, in Palude Mæotide deprehenditur. Nam Lunâ existente in Cancro, quando maximè à limbo distat occidentali, ratione librationis, tunc nigricantior, notabilior, magisque est conspicua, quàm si ea in Capricorno versetur; prout ex omnibus ferè figuris clarè patet, nisi fortè sub prælo casu nimis nigricantes sint excusæ. Quod autem non æq; talis differentia, & notabilis debilitas, se se exserat in Montibus, & Vallibus, quando circa Peripheriam, vel medium reperiuntur, (siquidem omni loco, æque semper umbrosæ conspiciuntur) inde oritur: quòd Montes & Valles, ex superficie constant valde asperâ, atque scabrosâ; quæ ex innumeris planis est composita, secundum innumerabilem diversitatem inclinationum, uti suprâ jam dictum cap. sexto: ideo enim fit, ut, beneficio hujus asperitatis, radios suos, æque bene ad nos transferre possint, sive obliquiores, sive rectiores, respectu nostri incedant; quòd fieri in magnis illis Maculis est impossibile, propter Planitiem scilicet, & æquabilitatem magnam.

Porro, non solùm circa Lunæ marginem, Maculæ majores (sive Maria) sunt debiliores; sed & multò compressiores apparent, quàm, cum aliquantò remotiores sunt à limbo, ratione librationis, omnibus observationibus id comprobantibus. Lunâ enim versante in Cancro, Palus Mæotis longè latior obtusiorq;

tum

Cur non continens Luna, æq; ac Maria & Paludes, colorem mutant?



tum circa superiorem, tum inferiorem partem, spectatur, quàm Lunâ commorante in Capricorno : quod præsertim dilucidè in Plenilunio Æstivo & Brumali cernitur. Nec verò solummodo in Palude Mæotide tale quid animadvertitur; sed & in reliquis Maculis, limbo proximis, palude scilicet Maræotide, Lacubus hyperboreis &c. Præterea & talis mutatio formæ & figuræ, in Montibus & Vallibus, ex motu libratorio orta, deprehenditur; sic, ut Montes Vallesque Peripheriæ propinquiore, magis in figuram Ellipticam inclinare videantur, quàm circa Lunæ medium, quod ex omnibus phasibus & Pleniluniis clarè constat; inprimis autem ex Insulâ Maris Caspii, Montibus Paropamis, Monte Meridionali, M. Troico, M. Techisandam, Monte dalanguer & aliis. Alias circa Lunæ medium, Valles plerunq; rotundæ apparent, ut: Insula Besbicus, M. Sipylus, M. Didymus, M. Olympus, nec non reliquæ Valles, ac Insulæ : ratio facilè peti poterit ex figurâ pag. 247. Nam, quò quid viciniùs est Peripheriæ, eò obliquiùs in corpore rotundo, scilicet Lunæ, à nobis aspicitur, ita, ut omnia illa, ad limbum existentia, quæcunq; in obtutum veniunt, necessario oblongiora, & graciliora appareant, licet reverà sint omnino rotundissima. *Circulus enim obliquè aspectus, ut Ellipsis, & Ellipsis, quodam oculi situ, ut circulus apparet : quod est Theorema Opticum.*

Hac occasione, notabilis quæstio se se offert : quare nimirum omnes propemodum Valles, ac Insulæ, circa medium Lunæ, figuræ rotundæ, spectentur? Primò verò citra omne dubium esse potest, Lunam Terræ nostræ, magnâ affinitate esse conjunctam, præsertim ratione Montium, Vallium atque Insularum; quapropter & jure illi Montes &c. his nostris terrenis similem, procreare deberent effectum : verùm, Valles & Insulæ terrestres, rarò rotundæ, quoad figuram reperiuntur, sed plerunq; sunt angulosæ, multisque anfractibus, Promontoriisque conspicuæ, ipsâ experienciâ teste. Hæc autem ut ita esse, non diffiteor : ita totus sum in eâ opinione, Valles Insulasque Lunares, æque magnis anfractibus, angulis, Promontoriis, ac nostræ terrenæ sunt, esse refertas, imò o-

*Macula, quæ-  
rò sunt vici-  
niores limbo,  
tanto magis  
comprimun-  
tur.*

*Quare Valles  
ac Insulæ Lu-  
nares, circa  
illius mediū,  
plerunq; ro-  
tunda appa-  
reant?*



*Tam in superficie Lunæ,  
quàm Terræ,  
Valles formâ  
rotundæ existunt.*

omnes ferè irregularis figuræ : quòd autem tam distinctè talia discernere nequeamus, ex magnâ illâ & incredibili distantia, oculorum debilitate, & Telescopiorum imperfectione, proficiscitur. Luna quandoquidem, si multò terræ esset vicinior, Tubique fortiores ac perfectiores; non hæsito, quin & ejusmodi minutissima à nobis animadverterentur. Adhæc, quò longius abest figura irregularis, eò magis ad rotunditatem accedit : hincq; fit, ut Valles Lunares, maximâ ex parte rotundæ, absque angulis, & anfractibus videantur. Interea tamen non planè negatur, hinc inde in Lunâ Valles, specie rotundas, affatim dari posse; sicuti in globo hoc nostro terreno, quarum certè non paucæ inveniuntur, quæ mirandæ altitudinis Montibus undique sunt circumseptæ; adeò ut ferè similem referant faciem rotundam, ac illæ in phasibus Lunaribus, Tabulæque Selenographicæ conspicuæ: quod ex globo terrestri, multisque Tabulis specialibus Geographicis, abundè fit manifestum. Hujus generis Valles, figuræ circularis, maximè notabiles, tam in Persiâ, quàm in aliis regionibus, inveniuntur. 1. Desertum nempe Turbet. 2. Desertum Mingui. 3. In Germaniâ, Regnum Bohemiæ 4. Regnum Berdoa, Regnumque Zanzibar in Africâ. 5. In Tartariâ desertum Belgim. 6. In Americâ, & quidem in Regno Peruvienfi, vastissima Vallis propè Quito & Cuenca; quarum longè adhuc plures nominatenus indicari possent, inprimis si Helvetiam, Pedemontium, Tirolis comitatum, Stiriam, Transilvaniam peragrarè atque perlustrare animus esset.

Porro, quòd Tabulam Selenographicam, & Montes excelsos, in hac orthographico & geographico more expressos, attinet, de his inprimis hoc notandum occurrit, quòd non equidem, quoad certum definitumq; numerum, Montes ibidem videndi, sint delineati, atque adeò, ac si nec plures, nec pauciores in Lunæ globo reperiantur; quippe quia id non solum circa Montes Lunares factu est impossibile; sed & in Terrenis, nemo homo id præstare potest. Sic utique Tabula nulla Geographica unquam est exhibita, quâ in omnes & singuli Montes, sint notati. Siquidem omnes quoscunque Montes in superficie terrenâ



renâ numerare, aut depingere, est ex eo genere, quod fieri nequit : sufficit, ut vel notabiliores, & omnium præcipui, vel Montium tractus, Valliumve formæ, figuræque adumbrentur. Id quod hîc in Lunâ quoque est factum; in cujus delineationibus, præsertimque Tabulâ illâ Selenographicâ, Vallium figura, tam minorum, quàm majorum, accuratissimè summâque cum diligentia, est observata atque effigiata; nec ullo aliquo in loco, Montes quidam sunt delineati, ubi non reapse illi reperiantur. Quod si verò quæras, unde hæc depromserim omnia? scire te velim, quòd ista unicè, beneficio istarum sequentium quadraginta phasium correctissimè sim assequutus. Plenilunia nihil certè quicquam ad hoc negotium contulerunt : nam illo tempore Valles æque luminosæ, ac Montes existunt, sic, ut vix à Montibus, Valles discerni queant; sed uti jam memini, circa luminis & umbræ confinia, reliquarum phasium, quando Valles umbrarum plenæ se se exhibent, confestim Montium vestigia, manifestè apparent, tam altiorum, quàm depressiorum, quique magnam, aut parvam Vallem circundant. Quod si hoc modo sedulò omnes phases perlustraveris, accuratè perpenderis, cumque Lunâ ipsâ comparaveris, feliciter Tabulam ejusmodi Selenographicam construere poteris.

Quò autem feliciùs Sideralis Scientiæ Cultor intelligat & percipiat, num etiam hi diversi innumerique Montes Vallesque debite collocata, & omnia priori illi Tabulæ Selenographicæ fuerint inserta (ut quidem nihil, quod sciam, lubens omisi) idcirco hoc loco subjiciam, Tabulam Generalem omnium phasium : in quâ omnes Montes & Valles, diutim conspicuæ, tali modo repræsentantur, quali aliàs in reliquis phasibus, circa Sectiones luminis & umbræ spectantur; quo tempore Vallium vera magnitudo amplitudinis, quam circa Vertices Montium exhibent, deprehenditur; & tum maximè etiam sunt notabiles: cum nullo unquam tempore, majori umbrâ perfundantur. Impossibile quidem est, Lunam tali vultu se unquam conspiciendam præbere posse; quia rotunda, & minimè corpus planum : verùm Tabula hæc nostra sic datur adornata, ac si he-

*Tabula Selenographica Phasium generalis, quomodo, & in quem finem fuerit constructa?*



misphærium Lunæ, corpus quoddam esset planissimum, quod à Sole oriente, hoc modo (ut sic loqui liceat) illustrari, & obumbrari possit. Estque planè, eum in finem composita; primò, ut genuinam formam ac figuram, omnium Vallium, Montiumque, in Lunæ hemisphærio patente existentium, unâ vice simul contemplari liceat, inque tali quidem formâ, sicuti paulatim de die in diem, ut in phasibus, circa terminos lucis & umbræ, fieri solet, se se offerunt. Secundò, quò Iconisimum quendam habeamus omnium phasium, & propriè loquendo, figuram quandam primariam, seu fundamentalem Ichnographicam singulorum Montium Valliumque; prout revera in Cœlo apparent, quando maximè sunt obumbratæ. Tertiò, ut primo statim aspectu, cuilibet pateat, unde Montes illi, eorumque tractus, in Tabulâ priori Selenographicâ fuerint derivati, & deducti: pariterque, ex quonam fundamento, altera illa figura primaria (quâ aliàs ad observationes & lunationes utimur, sicut cap 44. uberius dicetur) fuerit constructa. Quæ omnia, hæc figura Generalis unicuique accuratè hæc consideranti ac ponderanti, sufficienter commonstrat. Denique erit etiam eadem perquam utilis & necessaria, ut aliæ phasēs, ad hanc examinentur, nominaque Montibus eò dexterius assignentur, faciliusque memoriæ dentur: cum non tam magnam, afferat confusionem, quàm Tabula Selenographica prior.

*Facies Tabule Generalis, speciem quasi Lunæ decre-scentis refert*

Præterea sciant Astrosophi, me hanc Tabulam summâ curiositate, ac industriâ construxisse, ac nihil quicquam scienter omisisse, quod in Lunâ esset notabile, vel Tubo optimo reperiri, ac perspicui potuit. Umbra quidem Vallium, à sinistrâ, in hac figurâ procedit; ita ut revera Lunam, vel veriùs phasēs decre-scentes referat: quòd si verò umbram tibi à dextrâ imagineris, Lunam habebis crescentem, ut facilè colligis. Per utrumque circulum (quemadmodum in duabus præcedentibus figuris) similiter maximam, & minimam librationem expressi; limbus pariter in suos gradus, secundum ordinem signorū est divisus. Primum gradum locavi, circa medium Lacus hyperbo-rei superioris, & Paludis Amadocæ (cum in primis Lacus prædictus valde sit notabilis, ac Peripheriæ proximus, perpetuæque appa-



apparitionis aliæ verò Maculæ ad limbum sitæ sæpissimè occultentur) sic ut ex centro, tam per lacum hyperboreum, quàm Paludem Amadocam, linea recta duci possit. Quamvis eodem res recidisset, etiamsi ab alio quodam puncto, gradus numerare incepissem, dummodo Maculæ certo affigantur loco. Postremò omnium, duas scalas in hac Tabulâ delineatas tibi fisto, partim, ut distantias locorum, pro lubitu dimetiri, partim verò, ut Eclipsium, & aliarum observationum magnitudines &c. eò accuratiùs determinare non nequeas.

Nunc tamen pergamus ulteriùs, quæstionemque aliquam scitu dignissimam decidamus: unde nimirum, tam certas, accuratasque magnitudines Vallium, tam in hac, quàm Selenographicâ Tabulâ, colligere potuerimus? siquidem etiam ex phasibus quotidianis, satis superq; compertum est, Valles non perpetuò, nec quotidie, unam eandemque magnitudinem, formamque conservare; sed, Lunâ crescente, magis magisque decrescere, & decrescente iterum crescere, secundum scilicet auctionem & diminutionem umbræ; id quod planè luculenter in decimâ, undecimâ, duodecimâ, decimâ tertiâ, decimâ quartâ, decimâ quintâ, ut & vigesimâ quintâ & sextâ figurâ deprehenditur, cum primis in Vallibus Uxiis, Coibacaranis, Dalangueris, Techisandaribus &c. Respondeo: hæ Valles, aliæque permultæ, quò viciniore confinio luminosæ & umbrosæ partis existunt, eò majores, quoad circumferentiam superiorem, circa Montium videlicet cacumina conspicuam, spectantur; quò verò magis elongantur à termino lucis, eò magis decrescunt, usque dum, circa Plenilunia, ferè prorsus evanescant. In tali igitur proportionem, quemadmodum crescente lumine decrescunt, sic rursus, lumine decrescente, perpetuò crescunt. Quæ res certè admodum est admirabilis; proque certò planè habeo, rationem ejus, non cuilibet esse perspectam, atque cognitam. Ego verò hæc omnia observans perpendensq; exactiùs, causam aliam, animo assequi potui nullam, quam illicò proferendam. Scilicet, cum Montes omnino omnes, præsertim arenosi, in metam fastigiati sint (quò enim magis in altum assurgunt, eò evadunt acutiores) hincq; fit, quando Valles, sectionibus

*Latitudines Vallium, in hac Tabulâ exhibentur, uti circa Motuum vertices terminantur.*

*Quanam sit ratio, quòd Valles Lunares, crescere, & decrescere, videantur?*



bus luminis & umbræ sunt proximæ, ubi Sol illas primùm circa vertices Montium illustrare incipit, ut tum temporis videantur spatiosissimæ, veluti in Iconismo præcedente videre est; quò autem plus à confinio removentur, eò magis Sol supra ipsos ascendit, profundiusque illas illuminat: quapropter, Valles, secundum apparentiam, quasi comprimuntur, sic ut necessario minores videantur: ad quam apparentiam producendam, & Montium situs figuraque non parùm confert. At Plenilunii tempore, quando hæ Valles omni ex parte Solis lumine collustrantur (hoc est quando Solipsis quasi verticalis existit) tum, cum reliquis locis elevatioribus, similem acquirunt lucem: ut nil mirum sit, quòd difficulter admodum videantur, & à modò dictis locis altioribus, discernantur. Id quod idem circa Valles, Lunà decrescente animadvertitur; sed modo tamen contrario.

*Et Rupes in  
Lunâ exister  
e præsumun  
tur.*

Verùm enimvero, non in omnibus Vallibus, tale quid apparere, hinc fortean oritur; quia non omnes & singulos Montes, in similem acuminatum surgunt verticem; sed quòd fortassis, permulti sunt ejusdem generis, ut apud nos Rupes, Petræ vel Montes Petrofi, qui propemodum rectà in altum plerunque ascendunt, sic ut interdum summâ sui parte parùm acutiùs, quàm imâ reperiantur: itaque circa hujus figuræ Montes, non tam magna indies oritur mutatio, quàm circa Montes arenosos, qui in modum metæ, inque acutum cacumen, fundo satis lato, sunt fastigiati.

*Beneficio  
Geometriae,  
& Lunarium  
Montium al  
titudines, viâ  
insallibili,  
mensurari  
possunt.*

Quamvis autem multa adhuc dicenda restent, tam de his Montibus & Vallibus, quàm inde dependentibus rebus aliis: ea tamen reservabimus capitibus sequentibus, pertractanda: in quibus non solum phasæ ipsæ, oculis subjicientur; sed & reliqua omniâ, de quibus nondum sufficienter dictum, magis magisque explicabuntur. Sed priusquam præsentì etiam tractationi finis imponatur, non abs re ducimus, hac occasione commodâ inducti, mentionem pariter facere, quantæ altitudinis, antedicti Montes Lunares, Rupesque & Petræ illæ esse possint: & insuper etiam modos diversos indicare, quorum adminiculo, tam Opticè, quàm Geometricè, absque ullo aberrandi



randi periculo, veram & genuinam illorum altitudinem dimitiri, & assequi possimus, & ita quidem correctè & accuratè, ac si in superficie terrenâ essent siti, cominusque à nobis aspicerentur.

Qui noster conatus, non paucis, iisque præsertim, qui rerum Geometricarum, & Astronomicarum parum sunt periti, non tantum difficilis videbitur, sed & prorsus irritus; attento, quòd Montes, quorum altitudinem dare volumus, ne oculis quidem, nedum pedibus, satis contingere detur. Verum enimvero, non est hæc res factu omnino impossibilis, quemadmodum Mathematici peritiores intelligunt: cum, auxilio Geometriæ longè præstantissimæ, ad hæc quoque remota à sensibus corporeque nostro, animo perveniendi, via pateat; dummodo scilicet certa sint data, quæ Geometræ poscunt.

Primò, Celsissimos Montes Rupesque in superficie Lunari affatim extare, id verò est extra dubium; quemadmodum istud etiam oculo, inprimis ex illis claris & luminosis areolis, extra confinium lucis, in parte tenebrosâ Lunæ crescentis, vel decrescantis, conspicuis, se satis probat: velut etiam capite sexto, abundè est declaratum. Quæ quidem luminosæ cuspides, non nisi vertices, & cacumina sunt erectorum Montium; & quoniam altiores sunt reliquâ parte Lunæ, idcirco necessariò, citiùs etiam à Sole illuminantur, quàm Valles, & adjacentia loca depressiora, vel magis complanata. Insuper, quòd Montes elevatiores existunt, eò citiùs radiis Solaribus perstringuntur; ratione ipsâ id confirmante. Sequitur itaque Montes Lunæ excelsiores, non solum citiùs lumine perfundi; sed & remotiores reliquis, à lucis umbræque termino spectari, atque observari; quod absque ullâ contradictione est verissimum.

Proinde, quando innotuit, quo usque à confinio lucis & umbræ, remota sint Montium fastigia, sive in miliaribus, sive in proportionem erga Lunæ diametrum: simul quoque certum datum est cognitum, quo tutò inniti, atque stare possumus. Id verò accuratè admodum ex phasibus, ac præsertim Quadraturis cognoscitur: vera autem distantia Montium verticum, sive cuspidum illuminatarum, solummodo circa Quadras rectè cer-

*Luminosæ  
cuspides ex-  
tra confiniū  
conspiciuntur,  
Mōtium sunt  
vertices.*

*Montes, quò  
sunt altiores,  
eò citiùs lu-  
mine Solis  
fruantur.*



nitur; siquidem eo tempore rectius oculis obijciuntur, quàm in aliis phasibus crescentibus, sive decreascentibus: idcirco & in his, distantia necessariò minor apparet; quia obliquius, & sub minori angulo visionis, spectatur.


*Quanta sit  
distantia cus-  
pidum illu-  
minatarum  
maxima, à  
termino lu-  
cis?*

Vera distantia illustratarum cuspidum, à confinio luminis & umbræ, præsertim tempore Quadraturæ, invenitur, unâ vigesimâ sextâ parte, totius Lunæ dimetientis constare; quando nimirum sunt remotissimæ: quemadmodum hoc ex phasi trigesimâ secundâ, Montéque Apennino; ex phasi trigesimâ primâ, Montéq; Didymo; & trigesimâ phasi, Montéque Tauro & Antitau-  
ro, manifestissimè demonstratur. Quæ diametri pars, novem-  
decim confecit mill. Germanica, quorum tota Lunæ diame-  
ter 494. comprehendit; quando nimirum areolæ illæ, omnium  
maximè à termino lucis distant. Interim tamen & aliæ repe-  
riuntur, quæ non ita longè removentur; sed tantum unâ tri-  
gesimâ parte diametri: aliæ tantummodo unâ trigesimâ  
quartâ parte: imò aliæ, duntaxat, unâ quadragesimâ parte,  
dimetientis Lunæ; interdum & minùs elongantur. Ratione  
ergo hujus distantia, alii Montes, aliis sunt excelsiores, instar  
Terræ Montium. Quanquam cum Eximius Galilæus de Ga-  
lilæis, tum alii, qui ipsum sunt secuti, ut Blancanus & Bettinus,  
mecum hac in parte non consentiant; uti videre licet ex Nun-  
cio Galilæi Sidereo, pag. 24: dum asseverat antè dictam illam  
distantiam Verticum Montanorum, à lucis tenebrarumque  
confinio, ad unam vigesimam diametri Lunaræ partem se ex-  
tendere. Verùm ajo, distantiam illam, quæ omnium maximè  
à confinio remota conspicitur, non excedere unam vigesimam  
sextam partem diametri: quod indubitatè & apertè, ex omni-  
bus Lunæ observationibus, ad oculum demonstrare possumus,  
nec alii reverâ, aliter unquam deprehendent. Quamobrem,  
cum distantia à nobis designatæ, paululùm sint minores, idcir-  
co & Montes aliquantulùm depressiores inveniuntur, quàm  
Galilæus æstimavit: neq; non tamen illi terrenis nostris Mon-  
tibus, quoad altitudinem, non solùm æquiparari possunt meri-  
tissimò; sed & multò certè sunt excelsiores, quàm nostri o-  
mnium maximi; prout confestim, ex adjecto diagrammate  
patebit. Unde



Unde etiam diversimodè commonstrare est in proclivi, quomodo altitudines Montium Lunarium investigare non nequeamus. Quantæ nimirum sint in lineâ perpendiculari : quemadmodum ista quidem semper attendi debet, cùm de Montium altitudinibus loquimur. Ecce circulus B F E G,

*Quomodo  
altitudines  
Montium Lu-  
nae supputen-  
tur?*



superficiem denotat convexam globi Lunaris; D Solem, à quo radii in rectâ lineâ prodeuntes, locum Lunæ depressiorem, in B tangunt, proceduntque ab hoc, usq; ad C Montem præaltum, in parte obscurâ, extra confinium, situm : qui, cùm sit excelsæ altitudinis, idcirco nihilominus, & in umbrosâ parte, à

radiis Solaribus illuminatur, quod aliàs fieri impossibile esset. Iam sit distantia Montis B C, à confinio luminis & tenebrarum B A E, una vigesima sexta pars totius diametri, tanta scilicet, quanta inquam esse possit maxima, observationibus id attestantibus; hoc est constet novemdecim miliaribus Germanicis, quorum unum, quatuor conficit miliaria Italica; B A semidiameter Lunæ, est 247. mill. Germ: tota enim diameter B E, in capite præcedente septimo, est 494 circiter mill. inventa. Hæc inquam duo data, sufficiunt proposito meo; quippe Triangulum est rectangulum, quod resolvi debet; in quo duo illa latera, angulum rectum comprehendentia, sunt cognita, ut B C, distantia maxima verticis alicujus Montis, à parte Lunæ illuminata, & B A semidiameter Lunæ : ex quibus si indagetur hypotenusa, tum ipsam habebis Montis altitudinem. Nam si B A, id est A H, radius Lunæ ab hypotenusa A C subtrahatur, restabit vera altitudo Montis H C. Hæc autem hypotenusa A C, diversimodè investigatur, prout rerum Geometricarum periti norunt. E. g. 1. Si latus

L 1 2

A B



A B quadretur, itidem B C, hæcque duo quadrata addantur, extrahaturque radix; quæ est hypothenuſa illa quæſita: vel, ex Tabulâ Sinuum, mediantibus illis duobus lateribus, quærat<sup>r</sup> angulus B A C; deinde beneficio hujus anguli, & unius lateris, hypothenuſa A C; quod haud difficulter modo ſe-  
quente perficitur. Secundum formam præcedentem, quadra-  
tum B A ſemidiametri Lunæ, quæ, uti dixi, eſt 247. mill.  
hoc eſt, 1976. partes octavæ unius milliaris, vel tot ſemimill.  
Italica, cujus quadratum eſt 3904576: B C eſt 19. milliar. vel  
152. partes octavæ unius milliaris, hujusq; quadratum 23104;  
ſumma quadratorum exiſtit 3927680, cujus radix quadrata  
eſt 1982. ferè, & hæc ſimul eſt hypothenuſa A C quæſita, in  
octavis ſcilicet particulis, vel ſemimill. Italicis: Semidiameter  
Lunæ B A, vel A H erit 1976. octav. part. Si igitur hæc  
à totâ hypothenuſa auferetur, reſtabunt adhuc ſex, hoc eſt,  
ſex octavæ unius milliaris, vel tres quartæ unius milliaris Ger-  
manici, ſive tria milliaria Italica: quæ eſt vera, & genuina alti-  
tudo iſtius Montis.

*Altera ratio  
ſupputandi  
Montes Lu-  
nares.*

Altera ratio altitudines Montium ſupputandi hæc eſt: 1.  
Angulus B A C inveſtigatur hoc modo: quemadmodum  
ſe habet ſemidiameter Lunæ A B 247. milliaria, ad diſtan-  
tiam B C 19. milliar. ſic ſe habet Sinus totus 100000. ad  
Tangentem anguli B A C, quo, per regulam de tribus, ritè  
peracto, provenit tangens 7692. ita ut angulus ex Tabulâ  
Tangentium ſit 4. grad. 24. min. Per hunc inventum angu-  
lum, quæro ex Tabulâ ſecantium, illius ſecantem, quæ inveni-  
tur 100296. Pergo itaq; ſicut ſe habet Sinus totus 100000.  
ad Secantem anguli B A C 100296: ſic ſe habet ſemidia-  
meter Lunæ B A 1976. partes nempe ejuſmodi, quarum  
octo, unum conficiunt milliare Germanicum, vel quatuor, unum  
milliare Italicum, ad totam hypothenuſam A C, in ejuſmo-  
di particulis; relinquitur itaque ritè abſoluto calculo 1982. Ab  
hac hypothenuſa, ſi ſemidiameter Lunæ ſubtrahatur, reſta-  
bunt itidem ſex, id eſt ſex partes octavæ, vel tres quartæ, unius  
milliaris Germanici. Hanc igitur altitudinem, Montes Luna-  
res non excedunt, etiam omnium altiffimi: quamvis Vene-  
rabilis



rabilis Galilæus, illos integro milliari Germanico æquet, five quatuor Italicis : quæ differentia, ex nullo alio fundamento oritur, quàm quòd distantiam puncti illuminati, à Sectione luminis & umbræ, plus justò majorem præsupponit, quemadmodum ex superioribus perceptum.

*Altitudo Montium Lunarum maxima,*

Tertia demum ratio investigandi Montes Lunares hæc est : construe Triangulum rectangulum in chartâ, secundum certam aliquam scalam : A B æquet radium Lunæ 294, B C distantiam puncti illuminati. Deinde à C, usque A, duc lineam rectam, nempe hypotenusam; quo factò, attende, mediante illâ scalâ, quanta fuerit differentia hypotenusæ, & semidiametri Lunæ; quæ differentia, est altitudo Montis quæsitæ. Quamvis verò, beneficio primæ & secundæ rationis, multò accuratiùs hoc opus perficitur; hunc tamen modò indicatum modum, eorum gratiâ exponere fuit visum, qui calculo Geometrico parùm sunt assveti.

*Tertia ratio mechanica.*

Isti verò Montes, quorum vertices non citiùs illustrantur, quàm, cum demum unâ treagesimâ parte, à lineâ luminis & umbræ absunt, hoc est  $16\frac{1}{2}$  miliar. Germ: hi inquam aliquantò humiliores sunt, nimirum dimidium milliare circiter, aut paulò plus, secundum calculum illum suprâ indicatum. In quibus Montibus autem, hæc prædicta distantia adhuc minor, nimirum tantum  $\frac{1}{34}$  part. hoc est,  $14\frac{1}{2}$  mill. Germ. (quorum ingens invenitur numerus) illi Montes non excedunt  $\frac{2}{3}$  part. unius milliari Germanici. Postremò, si hæc distantia duntaxat  $\frac{1}{40}$  part. vel  $12\frac{1}{2}$  mill. detur; tunc Montes vix  $\frac{1}{6}$  part. unius mill. superant; hoc est, eorum altitudo, paulò plus, quàm milliari Italici, invenitur. Isthoc autem pacto, & Valles Lunares mensurari possunt, quæ circa confinium lucis, omni ex parte sunt obscuratæ, &, sæpissimè in partem Lunæ luminosam satis se se extendunt, veluti Montes, qui perpetuò, in parte Lunæ obscurâ, se se contemplandos offerunt.

Hic fortassis quispiam cogitabit : putassem Montes Lunares, multò esse altiores, quàm ut jam intelligo : siquidem etiam penitus pro persuaso habeo, Montes nostros Terrestres, longè excelsiores existere. Quo autem cuilibet fiat perspicuum



Montes Lunæ, non solùm nostris quoad altitudinem esse similes; sed & sublimiores : propterea altissimorum Montium terrestrium, veram investigabo altitudinem, interque illos & Lunares, comparationem, occasione tam opportunâ, instituiam.

*Diversorum  
Montium ter-  
restrium al-  
titudines.*

*Veterum hac  
de re opinio.*

Quamvis verò diversi in superficie terrenâ inveniantur Montes summæ altitudinis; utpote quorum fastigia partim nubes penetrant, prout illis innotuit, qui ejusmodi loca visiterunt, eosque suis sunt vel oculis contemplati, vel pedibus emensi; quos inter sunt, Mons Atlas, Pyrenæi, Alpes, Athos, Olympus &c. attamen refert Theon, Eratosthenem ipsum, adminiculo Geometricorum Instrumentorum explorasse, Montes omnium altissimos, non decem excedere stadia, in lineâ nempe perpendiculari, quæ altitudo, nondum tertiam partem unius miliaris Germanici æquat : nam 32. stadia, unum tantum mediocre conficiunt milliare, & 8. stadia unum milliare Italicum constituunt, id est 5000 pedes. Pariter & Plinius lib. 2. cap. 65. meminit, Dicæarchum Siculum, Aristotelis Auditorem, Geometram Clarissimum, sumtibus Regum Ægyptiorum, altissimos diversorum locorum Montes quoque mensurasse; interque alios Pelion, Montem Græciæ, omnium maximum deprehendisse, qui tamen non altior 1250. passibus, sive decem stadiis existit; veluti Eratosthenes animadverterat. Ejusdem ferè altitudinis, & Xenagoras, Eumeli filius, accuratâ adhibitâ investigatione, Olympum invenit : quem decem tantummodo stadiorum, & 96. pedum Græcorum, sive 100. Romanorum esse, testis est Plutarchus, in Æmilio Paulo, fol. 479. Ubi idem Autor in hunc sensum scribere perrexit : Geometras certis ex fundamentis statuisse, nec Montes esse altiores, nec Mare profundius, decem stadiis. Neque Cleomedes Montium, neque Marium altitudinem 15. stadiis majorem, in lineâ perpendiculari, definivit; quæ altitudo, propemodum dimidium æquat milliare Germanicum. Vide hac de re Eratosthenem Batavum, & quidem caput 17. Similiter & Geminus refert, in suis Elementis Astronomiæ cap. 14, in Uranolog. Petavii fol. 55: Altitudinem Cyllenes, Montis altissimi Arcadici, nondum 15. stadiorum fuisse; & Satabyrii vel potius Atabyrii

Mon-



Montis, in Rhodo Insulâ siti, perpendiculum esse minus etiam stadiis quatuordecim.

Veteribus, Recentiores nostrique seculi Mathematici, astipulantur, pro certo habentes, Montes terrestres adhuc esse decliviores; id quod ex Nuncio Sidereo patet, dum Galilæus sic de altitudinibus Montium terrestrium differit: *Intellure nulli extant Montes, qui vix ad unius milliarii Italici altitudinem perpendicularitatem accedunt*; id est, ad quartam partem, unius milliarii Germanici. Cui calculum suum addit Bettinus, in Apiario 8. Progymn. 6. propos. 3. Josephus Blancanus, interque alios etiam Celeberrimus Dionysius Petavius, in Uranologio lib. 7. cap. 10. sic inquit: *Sanè nonnullis Geometriæ Consultissimis placet, modum altitudinis Montium maximæ, sesquimilliare esse, quod est stadiorum 12. vel  $\frac{1}{8}$  unius milliarii Germanici.*

*Recentiores quid de altitudinibus Montium terrestrium sentiant?*

Quamquam iterum alii, tam Veterum, quàm Neoterico-  
rum Scriptorum inveniantur, qui certis Montibus, mirandam  
adscribunt altitudinem; ut Caucaſo, Atlanti, quorum utrumque  
ferè ad Lunam usque ascendere putant, ut & Monti Atho, in  
Græciâ sito (hodie Monte Sancto appellato) nec non Monti  
El Pico, in Insulâ Tenariffâ Canariarum: verùm illi ipsi in de-  
scriptione, sibi ipsis variè contrariantur; unde rei impossibili-  
tas confestim apparet: quod equidem optimè VVillebrordus  
Snellius in antedicto Eratosthene Batavo, & Petrus Crügerus,  
in Cupediis Astrosophicis, animadverterunt. Si namque esset  
possibile, ut Montium aliquis daretur, qui 6. milliaria tantum  
Germanica, in altum perpendiculariter attolleretur; certè, ver-  
tex ejus à loco quopiam 100. mill. distante, cerneretur, calcu-  
lo id approbante: quod sanè impossibile, atque inauditum:  
imò verò nec à loco 50. mill. remoto, ullus Mons conspicitur.  
Demus Montem Athon, umbram suam usque in Insulam  
Lemnos sparsisse, referente Plinio, lib. 4. cap. 12. Solino, &  
aliis; ex quo ejus admirandam altitudinem concludere volue-  
rint. Scribit tamen Bellonius, qui regionem circumcirca  
omnem perlustravit, Montis Atho transitu, & eo quidem trans-  
versâ viâ factò, nonnisi duodecim horas infumi: ex quo sanè  
apertè conficitur, illum non adeò esse excelsum, ut quidem  
aliqui

*Alii quidem immensam Montibus assignant altitudinem, sed sine ratione.*



aliqui tradidère. Manet itaque omnino verissimum, uti prius, & præclarissimorum Philosophorum autoritate est comprobatum, quòd Montes nostri terrestres, qui inter altissimos quosque primas tenent, non dimidium superent milliare Germanicum, sive duo milliaria Italica, in lineâ nimirum perpendiculari; imò si adhuc aliqui tantæ magnitudinis ullibi reperiuntur.

*Montium Lunæ & Terræ differentia, & quinam sint altiores?*

Ex quibus utique jam tandem clarè apparet, Montes Lunares, non esse profectò exiguæ, sed planè immensæ altitudinis; non solum in proportionem ad corpus Lunæ, quod 42. vicibus est Terrâ minus; verum, & Montes terrestres longè excedere: quippe, qui ad tres quartas mill. Germ. sive 3. mill. Italica in altum assurgunt, uti jam memini, calculoque rectè posito demonstravi: terrestres verò, vix ad dimidium milliare, in lineâ perpendiculari, elevantur.

*Et in Lunâ, maximi Montium tractus, sicut hic in Terrâ dantur*

Insuper autem & maximi Montium sunt tractus, quoad longitudinem in Lunâ, qui instar Montium terrestrium latè extenduntur, ita ut Taurus Lunaris continuâ serie ad 170. milliaria Germ. excurrat; Mons Sepher Lunæ ad 150. mill. Germ. Apenninus Lunæ, supra 100. mill. Germ. Iure igitur affirmari potest, Montes in Lunâ celsissimos, Vallesque profundissimas spatiosissimas extare; de quibus hac vice dixisse sufficiat. Atque eapropter caput præsens tandem aliquando concludimus, nosque ad explicationem ipsarum phasium convertimus: quâ occasione quidem statuimus, tum omnia illa, quæ ad veram illarum explicationem spectant, proponere, tum circa quamlibet, particulatim, diversas jucundas, ac necessarias aliquot quæstiones, ratione materiæ & instituti, movere, atque explicare: postremò verò etiam in phasium aspectu, omnia illa, quæ hæcenus nondum sufficienter explicata, atque enodata, sed superficietenus quasi dicta videntur, magis magisque elucidabo; quod & modò multò accuratius, faciliusque fieri posse censeo, cum ipsa omnium optima demonstratio, ex oculari contemplatione figurarum adjectarum, peti possit.



## CAPUT IX.

DE LUNAE PRIMAE AC NOVISSIMAE  
Phasi, nec non aliis nonnullis, quæ circa  
hanc observationem, notatu digna  
occurrunt.

**P**ostquam Luna per certum aliquod tem-  
pus abdita manet, & nusquam in Cœlo apparet; non tantum  
ob viciniam Solis; sed & quod partem illuminatam sui hemi-  
sphærii à nobis avertat; fit tandem, ut nobis terræ Incolis  
se præbeat jucundissimè conspiciendam. Hincque accidit, ut  
Luna, post coitum, vel citiùs vel tardiùs appareat. A me qui-  
dem incumbente intermestris Lunæ observationi, statim pri-  
mâ die post conjunctionem cum Sole, fuit visa : ideoque ope-  
ræ pretium me facturum arbitror, si ab eâ primâ phasi ordiar,  
& sic cæteras sequentes omnes ordine numerem. Quandoqui-  
dē omnes illę gentes, quæ anno Lunari sunt usæ, non solum hanc  
primam Lunæ apparitionem diligenter attenderunt, sed etiam  
numerum principiumque cujuslibet mensis ab eâ inierunt;  
quemadmodum ex Gemini libro de Elementis Astronomiæ  
cap. 6. de Mensibus apparet; dum ait : *Propositum fuit Veteribus*  
*Menses quidem agere secundum Lunam.* Et paulò post : *A Lunæ illu-*  
*minationibus appellationes dierum sunt denominatæ.* Hæc imprimis Men-  
sium ac dierum numeratio, à Iudæis more fuit recepta, ut, quan-  
quam suum computum Lunarem habuerint; nihilominus ta-  
men, adducti antiquâ Majorum suorum consuetudine, festos  
suos dies ac Neomenias, non à verâ Luminarium Synodo, so-  
lenniter celebraverunt; verum à primâ & novissimâ phasi, si-  
ve Lunæ apparitione, ubi scilicet primum in Cœlo post con-  
junctionem cum Sole aspectu percipitur. Quomodo verò  
hæc observatio fuerit instituta, Rabbini eorum, & ex iis recen-  
tiores Chronologi, abundè tradunt. Quòd autem primus Lu-  
næ exortus plerumque non primâ die post interlunium; sed al-  
terâ demum, sæpe etiam tertiâ & quartâ, contingat, id omni-

*Luna statim  
in sequente  
die post coi-  
tum visa fuit*

*Populi com-  
plures Men-  
ses suos à Lu-  
nâ primum  
visâ, inchoâ-  
runt.*

*Judæi licet  
suum compu-  
tum lunarem  
habuerint :  
tamen pri-  
mam phasin  
Lunæ cujus-  
libet Mensis,  
diligenter ob-  
servarunt.*



*Quæ sint  
causæ, cur  
nova Luna,  
non statim  
primâ die  
post interlu-  
nium, conspi-  
ci queat?*

bus eam observantibus patet. At, utrùm hæc diversa primæ Lunæ apparitio, jam tardior, jam celerior, tam penes Iudæos, quàm alias gentes rationem anni Lunaris, quem à primâ phasi, seu exortu Lunæ inchoarunt, conturbare, festosque dies faciliè confundere potuerit, nec ne? id Chronologis considerandum disputandumque relinquo. Nos modò, circa primam & novissimam Lunæ phasin, hanc quæstionem, in gratiam Astrophilorum, ventilabimus: quare videlicet non primus Lunæ vespertinus exortus, singulis Mensibus, mox, primâ die post conjunctionem cum Sole, fiat; & : num sit possibile primam phasin Lunæ, elapsis aliquot tantùm horis, post Neomeniam, observare & videre? Causæ autem primam Lunæ visionem, vel retardantes vel provehentes, tres potissimùm in Astronomiâ redduntur. Prima est obliquitas sphæræ, longos vel breves occasus adducens: in signis namque longarum descensionum, nempe in Piscibus, Ariete & Tauro fieri potest, ut prima phasis Lunæ paulò post conjunctionem conspiciatur. Altera causa est, tempus conjunctionis Lunæ cum Sole circa limitem Boreum. Tertia denique, si Luna sit motu velox, qualis est circa Perigæum. Potest autem retardari prima Phasis Lunæ apparitio, ita ut primùm, elapsis aliquot diebus, post interlunium, vesperi Luna cernatur, si conjunctio accadat in signis breviorum descensionum, qualia sunt Virgo, Libra, Scorpius, in quibus nova Luna circa æquinoctium autumnale hæret, atque si insuper obtineat latitudinem Austrinam, vel versetur circa limitem Austrinum, motuque tarda in Apogæo incedat. Itaque, dum ante nominati tres casus, circa Sinodum Solis & Lunæ concurrunt, fieri omnino potest, ut prima phasis Lunæ, non solum subsequente die post Neomeniam animadvertatur; sed & vesperi, eo ipso, quo Syzygia Solis & Lunæ ante meridiem contingit; sicut Erasmus Reinholdus in Commentario in Theorias Purbachii pag. 155. id demonstravit. Imò ex iisdem principiis sequitur, quòd Lunam *ἐν τῇ νύκτι* novissimam & primam, unâ die videre liceat, crepusculis imprimis circa verum tempus brevioribus existentibus, utpote quæ hanc Lunæ apparitionem non parùm promoveri possunt. Quod si verò

jam

*Quando Lu-  
na die coitus  
spectari pos-  
sit?*



jam memoratæ causæ celeriores Lunæ exortum promoventes, non semper conspirant, sed una tantum deficit, tunc sequente die post interlunium, prima hæc phasis demum se offert: at desideratis duobus requisitis fieri potest, ut tertiâ tandem die, prima phasis Lunæ sub aspectum cadat. Deficientibus autem omnibus tribus conditionibus, exortum Lunæ accelerantibus, ita, ut Luna versetur in signis breviorum descensionum, in limite Austrino, & Apogæo, tum hæc prima Lunæ apparitio, quartâ denique die post coitum cum Sole, contingit; quemadmodum indicatam hanc varietatem, non tantummodo præsentem Phasi, sed & mox aliis multò compluribus, demonstrabo & declarabo.

*Quando secundâ vel tertiâ quartâve die, Luna prima conspicitur?*

Existimant quidem Theon Alexandrinus, Alfraganus, Albategnius, & Mesahala, antiquis assiduis, ac diuturnis observationibus compertum esse, novam Lunam videri posse, elapsis à coitu 12. temporibus æquatoris; hoc est, quatuor quintis partibus unius horæ. At verò hosce veteres Astronomos, hic utique hallucinari puto: siquidem causæ, quas antè tetigi, remorantes exortum Lunæ, tot concurrere queunt, ut is vix ante tertium, vel quartum diem post interlunium ingruat. Imò etiam si omnes tres jam dictæ causæ, maturiorem Lunæ apparitionem promoventes, quandoque convenient; tamen addubito, num novissima & prima Luna, uno eodemque die (præsertim in hisce septentrionalibus locis, ubi elevatio Poli est Borealior, atque excelsi Montium vertices, ad primam visionem Lunæ deprehendendam, desunt) conspici possit; sicut etiam rarissima adsunt exempla, visæ ultimæ, & primæ Phasis Lunæ, eâdem die, in plano horizonte. Veteres quidem Astronomi hujusmodi exemplorum meminerunt, & quando illa acciderunt, diem ex eo *ἐν τῇ ἡμέρᾳ τῆς ἀρχῆς* veterem & novam vocârunt. Itemque refert Franciscus Patritius lib. 20. Pancosm. pag. 114. consimile exemplum de Vespucio, qui observavit, unâ eâdemque die, veterem & novam Lunam; verum, ut addit, ultra æquinoctialem: ubi & hæc verba subjungit: *Id autem non videtur aliter fieri potuisse, quàm aëre multò, quàm apud nos, à vaporibus libero.* Quod & ego libenter concedo, verumque esse credo.

*Veterum Astronomorum error, circa primum exortum Lunæ.*

*Rarissima dantur exempla, visæ novissimæ, & primæ Lunæ, die Synodi.*

*Vespucius, ultra æquinoctialem, veterem & novam Lunam, unâ die, spectavit.*



*Observatio  
primæ phasis  
Lunæ statim  
post diem in-  
terlunii, An-  
no 1644.  
die 8. Aprilis  
S. N.*

Quod autem attinet, primam phasim Lunæ à me observa-  
tam, sequente scilicet statim die post Synodum Luminarium,  
Anno nimirum 1644. die 8. Aprilis S. N. feriâ 6. quæ conti-  
gerat pridie, non quidem vespertino, sed matutino tempore,  
circa quartam: ejusmodi observatio, nostro in loco, rarum est  
contingens, quemadmodum illi nōrunt, qui huic observandi  
curæ invigilârunt. Quandoquidem perrarò Luna nova, ante  
tertium diem, post coitum, conspici solet. Quod autem hæc  
prima phasis, tam citò, paulò post conjunctionem visa fuerit,  
hoc ideo factum est; quia duæ conditiones jam dictæ, & causæ  
velocioris apparitionis Lunæ, hîc, aderant. Primum namque  
fuit tempus vernæ conjunctionis in 18. vel circiter, gradu Arie-  
tis, Lunaque tempore suæ apparitionis in 13. gradu Tauri exti-  
tit, in signis scilicet longarum descensionum, & quidem, post  
pisces, in primariis nempe in Ariete & Tauro. Deinde quoq:  
erat Luna circa Perigæum velox. Inde igitur factum, quod  
elapsis 40. horis, post veram Lunæ conjunctionem, Luna spe-  
ctata fuerit; & quidem satis adhuc elevata supra horizontem.  
Imò, licet verò ad tres, quatuorve gradus Soli propior extitis-  
set, nihilominus fuisset visa: hoc est; etiamsi vera conjunctio  
pridiè, non ante, sed post meridiem contigisset, prima hæc  
phasim insequente die apparuisset. Præterea, si Luna, id tem-  
poris, non circa Limitem Austrinum; (quippe latitudo ejus  
fuit Austrina  $4\frac{1}{2}$  grad. ferè) sed circa Limitem Boreum hæsis-  
set, prima phasis Lunæ intra 24. horas, post conjunctionem  
cum Sole, videri potuisset. Hæc tria verò requisita conjun-  
ctim (ut jam dictum est) ita ut Luna sit in signis longarum  
descensionum, in Perigæo, & in limite Boreo, tempore vide-  
licet conjunctionis, seu apparitionis, rarissimè concurrunt: si-  
quidem, modò unum, modò alterum desideratur, quod appa-  
ritionem ejus remoratur ac impedit, quò minùs Luna, primâ  
post interlunium die, cerni possit, tametsi illo tempore (quod  
non impossibile) Cœlum datur serenum, nec deest observato-  
ris diligentia. Etenim intra novennium, hæc tria requisita vix  
unâ ingruent, etiamsi omnes Neomeniæ perlustrentur, nisi  
circa annum Christi 1654. mense Aprili & Majo, ubi Lunæ  
prima

*Cur Luna  
prima jam  
dicto tempo-  
re, tam citò  
sit visa?*

*Tres condi-  
tiones velo-  
cioris appa-  
ritionis Lunæ,  
rarissimè cō-  
currunt.*

*Anno 1654.  
mensibus A-  
prili & Majo,  
prima phasis  
Lunæ tempo-  
rius ingruet.*








Placis Luna Prima ac Novissima.  
Observata in 13 Gradu 8, circa Perigæum et Limit. A.  
GEDAAG.

Anno Christi 1644, Die 8 Aprilis, hora 8 à meridie numerata, à  
Coniunctione vero 16, Diei 2 Currentis.





prima phasis sat citò, & quidem ipsâ die post conjunctionem cum Sole, conspici poterit, modò sudum affulserit Cœlum. Equidem duo requisita, sæpiùs in coitu Lunæ simul queunt concurrere, velut etiam in observatione jam allatâ factum, ita ut Luna in signis Ascendentibus, & Perigæo, vel etiam circa Limitem Boreum, & in signis Ascendentibus versetur: unde Luna tunc maturiùs, præteritis 24. horis, vel etiam pluribus, prout Synodus Luminarium accidit, supra horizontem elevata videtur; quanquam & hoc rariùs, nec sanè singulis annis accidit. Fieri id autem poterit Anno 1646. circa æquinoctium vernalum, si tunc clarus fuerit aër: quin, & Anno 1652. mense Martio & Aprili, prima phasis Lunæ temporariùs eveniet: duo namq; requisita, tempore intermestris Lunæ adesse deprehenduntur, ut & hîc factum. At enim in præcedentibus annis, conjunctio Lunæ & Solis, non fiet circa Perigæum, neque circa Limitem Boreum, etiamsi in signis ascendentibus contigerit; id quod quotannis fieri necesse est.

*Cur Anno  
1646. &  
1652. cir-  
ca, ac post æ-  
quinoctium  
vernum, pri-  
mam phasin  
Lunæ citius  
videre dabi-  
tur?*

Ex quibus colligi potest, quòd ejusmodi phasis, qualis hîc observata fuit, visu sit rarior. Quamvis enim accadat, duo requisita adesse: tamen non semper purus datur vespër; & ita Lunæ aspectus, intercurrentibus nubibus impeditur; sicut id frequenter expertus sum.

Ut autem eò magis ea, quæ de causis celerioris, ac tardioris primæ apparitionis, seu accensionis luminis Lunæ, in medium attuli, stabiliantur; idcirco hoc loco diversas observationes adducam, quo tempore hanc primam phasin Lunæ, confestim sequente die post conjunctionem cum Sole, sudo existente Cœlo, quidem quæsi, verùm exceptâ unicâ vice, hætenus nondum animadvertere potui. Hinc namque satis apparebunt causæ, quæ velociorem primum Lunæ exortum, alio tempore remoratae sint. Equidem ex die octavâ Aprilis, Anni 1644. quâ primam Lunæ phasin, mox insequente post coitum die conspexi, identidem vigiles oculos erexi, ad Cœlique aspectum excitatus sum, nunquid recentissimæ Lunæ faciem alio quoque tempore, altero post Neomeniam die, pervidere possem? At, quo successu? audi: primum die 5. Junii anni 1644.



*Cur Lunam,  
sequente post  
coitum die,  
non licuerit  
cernere?*

Lunæ cornu vesperi haud potui cernere : erat quidem in Geminis, sed præterea in Limite Austrino, & ultra Perigæum commorabatur. Sic & die 5. Iulii ejusdem anni primam phasin Lunæ, altero post conjunctionem die, non potui deprehendere. Neque id mirum : nullum quippe requisitum maturioris apparitionis Lunæ planè aderat. Unde nec sequente die sextâ Iulii, prima Lunæ cornua conspici fas erat, ita ut non ante tertium post Synodum diem, die septimâ videlicet Iulii, Lunam primam, & quidem horizonti occiduo proximam, videre tum contingeret. Quin etiam, cæteris intermenstruis Lunis hujus anni, primam phasin, sequente die (quemadmodum quilibet rationum Cœlestium non imperitus; facile intelligit) frustrâ ivi quæsitum : quia conjunctio Luminarium, jam in signis breviorum descensionum accidit.

*Observatio  
alia irrita.*

Similiter Anno 1645. die 28. Martii, feriâ 3, elapsis 23. horis post Synodum Luminarium, vesperi diligenter quidem primam Lunam quæsi, sed non inventa; quoniam nempe unicum tantum præsto erat requisitum, nimirum motus Lunæ in Ariete, signo longarum descensionum : contra obtinebat latitudinem Australem, supra quatuor gradus, & insuper incedebat Apogæa, hoc est remotissima à terrâ. Quod si verò illa duo non obstitissent impedimenta, utique commodum ipsam phasin, etiam hoc tempore aspectu percipere potuissem.

*Observatio  
primæ pha-  
seos Lunæ, al-  
tero post con-  
junctionem  
Solis & Lunæ,  
die.*

Anno 1645. die 27. Aprilis feriâ 5, iterum horâ octavâ vespertinâ, operam dedi observationi primæ apparitionis Lunæ, quæ demum non meam spem fefellit : siquidem eam, statim alterâ die post conjunctionem, eâ formâ deprehendi, quâ hîc cernitur appicta, atque anno præterito est observata. Causa verò maturioris istius exortus gemina est. Altera, quòd extiterit Luna in Tauro, signo longarum descensionum; altera, quòd fuerit in Perigæo. Accedit & hoc, quòd vera conjunctio Solis & Lunæ, die 26. Aprilis satis mane ingruerit, ita, ut id temporis, quo à me visa est, jam 42. horæ præterierint ex Synodo Luminarium. At verò citius fieri nequivit : Luna namque in maximâ latitudine Austrinâ, fuit constituta.

Conclusionis loco unum adhuc monebo, nixus fundamen-  
tis



tis præsentis phæseos Lunæ, de Montibus Lunæ, quorum etiam suprâ capite sexto facta est mentio: siquidem isti definitis temporibus etiam in ipsâ Peripheriâ Lunæ, fiunt planè conspicui, ut intelligant tandem Peripatetici & vim nostrarum demonstrationum, quibus rem seriam defendimus, & contra imbecillitatem suorum argumentorum, quibus sententiam nostram oppugnant.

Primum, nemo ex Peripateticis, qui modò ejusmodi nascentem primamque phasim Lunæ conspexit, ibit inficias, confinium lucis ac umbræ esse dissimile, asperum & inæquale. Deinde, ex superiori capite septimo abundè satis patet, spatium inter insignem illam Maculam Lunæ, circa Peripheriam non procul à limbo ejus occidentali (quam melioris intellectus gratiâ Paludem Mæotidem appellamus) & inter extremam oram situm, esse, ob librationis motum, quandoque latius, quandoque etiam arctius. Omnium verò latissimum est illud spatium, Lunâ (ut antè quoque dictum) in signo Cancrî versante, & quidem circa limitem Austrinum: arctissimum verò, cum existit in Capricorno circa limitem Boreum, ita ut satis evidens detur differentia, inter maximam & minimam librationem Lunæ, nimirum  $\frac{1}{32}$  pars totius diametri Lunæ, sicut id ex motu centri Lunæ colligere licet. Insuper, postquam hæc appositâ phasis Lunæ, non procul à signo solstitiali æstivo, nempe principio Cancrî contigit, utpote in 13. gradu Tauri, circa limitem Austrinum, sequitur spatium illud inter Peripheriam, & Paludem Mæotidem, tum quoque propemodum fuisse latissimum. Hæc phasis etiam in medio, ubi maximè diversa conspicitur, censetur tricesima sexta pars Lunæ. Ex quibus apparet, quòd in hoc Iconismo, confinium luminis & umbræ nondum eò perveniat, quo aliàs interdum, Lunâ in Capricorno circa limitem Boreum existente, Peripheriam terminari oportet, quodque ideo hæc phasis ad sensum arctior fuerit, sicut antè memorata proportio haud obscurè innuit. Et licet concedamus, phasim hanc Lunæ tunc æquè fuisse latam, atque est maxima & minima libratio, inter jam memoratam Paludem & Peripheriam, Lunâ versante in Cancro: tamen inde quoque

*De Montibus  
Luna in Peri-  
pheriâ ejus,  
& de causâ  
spatii isthic  
modò contra-  
ctioris, modò  
latioris.*


*Differentia  
inter maxi-  
mam & mi-  
nimam libra-  
tionem Luna,  
est  $\frac{1}{32}$  pars to-  
tius diametri  
Luna.*



quoq; sequitur, hoc confinium eo ipso quoque tempore isthuc fuisse, ubi aliàs vera & genuina Lunæ Peripheria, eâ existente in Capricorno, conspiciebatur.

*Ratio manifesta Montium in Peripheriâ.*


Quocircà, quum hæc ita revera se se habeant, veluti quilibet bono Tubo instructus, & hanc phasin probè lustrans, non dif-  
fitebitur; irrefragabili ratione sequitur, quòd etiam in Periphe-  
riâ, quæ interdum & quidem maximam partem æqualis & læ-  
vis apparet, magni altiçue Montes ac Valles profundæ adsint,  
quemadmodum in aliis Lunæ partibus, & quòd Luna in ad-  
versâ quoque medietate, sit æque densa, scabra & gibbera, atq;  
existit in aspectabili hemisphærio; sicut ex sectione luminis &  
umbræ, velut antè dictum, manifestè deprehenditur; quodque  
insuper Montes circa Peripheriam, si non altiores, nec certè  
depressiores sint, quàm qui circa dimidiatam Lunam tempore  
Quadraturæ animadvertuntur. Distantia quidem illuminato-  
rum verticum Montium, non tanta hîc videtur, quanta sub  
finem capitis præcedentis fuit determinata: at verò hujus rei  
quidnam causæ putas esse? Nihil scilicet aliud, quàm quòd  
hæc sectio, quæ Peripheriæ vicina, obliquiùs à nobis spectetur,  
quàm reliquæ centro propinquiore. Sed tamen non caret ad-  
miratione, quòd confinium illud, ob formam Lunæ mirè ro-  
tundam, adhuc tam asperum videatur. Nam nullus Peripa-  
teticorum, quin hæc scabra, & inæqualis facies, & superficies  
Lunæ, reapse sic se se habeat, eò minùs dubitabit, quò  
meliori Tubo Optico munitus, ejusmodi  
phases diligenter fuerit con-  
templatus.





## CAPUT X.

DE LUNAE CORNICULATAE CRE-  
SCENTIS PHASI.

Uod jam antè, capite præcedente, de Lunâ nascente & primâ, nec non causis tardioris ejus apparitionis sufficienter dictum puto, illud etiam suo modo de phasi Lunæ corniculatâ, licet affirmare. Corniculatam autem Lunam vocamus illam phasin, quæ nonnullis Veterum est Luna secunda, eò quòd die secundâ, post Synodum Luminarium omnium, maturissimè conspiciatur, & primam Lunam sequatur. Quòd autem secundâ die, non semper aspectu queat percipi, omnes illæ causæ possunt impedire, quæ Lunam primam, primo post coitum die, non sinunt cernere. Præcipua verò causa est, quando versatur in Signis brevium descensionum, cujusmodi sunt: Cancer, Leo, Virgo, Libra, Scorpius, & Sagittarius. Nam, etiamsi Luna sit in Perigæo, & circa limitem Boreum, si tamen non accedat Signum longarum descensionum, frustrâ Luna corniculata, secundâ die, expectatur. Exemplo nobis potest esse dies 2. Octobris, Anni 1644. ubi Luna corniculata, secundo post conjunctionem die, minimè potuit spectari; quia erat in signo brevium descensionum, circa initium Scorpii, & simul in Apogæo: & licet obtineret magnam latitudinem Boream: tamen, deficiente primario requisito, illa in Cœlo tunc nusquam apparebat. Nec opus est, rem pluribus exemplis declarare, quum per se sit plana, nec aliter intelligenda, quàm hoc pacto; phasis prima & secunda Lunæ, post primam & alteram diem peractæ Neomeniæ, nisi tria requisita, superiori capite recensita, tempore conjunctionis, vel apparitionis Lunæ adfuerint, in cassam quæritur, præsertim vespèri, paulò post occasum Solis.

*Qua sit corniculata Luna?*

*Causa maturioris, & tardioris apparitionis lune corniculatae.*

At verò, non infereno die, & fulgente clarissimo Sole, non impossibile est, hanc Lunam secundam, alterâ die post conjunctionem, videre, tametsi nullum datur requisitum: idque fieri potest vel non ignobili Tubo Optico adhibito, vel acie solâ lu-



Luna secun-  
da, five cor-  
niculata, præ  
sente Solis, vi-  
sa.

Quòd phasēs  
Lunæ corni-  
culatæ, atq;  
a conjunctio-  
ne recentes,  
citiùs lumi-  
noso die,  
quàm de nocte  
queant  
deprehendi.

Cui verissi-  
mile sit, re-  
centissimam  
Lunæ phasim  
de die conjū-  
ctionis, quàm  
nocte meliùs  
conspici pos-  
se?

minum vegetâ & incorruptâ : quemadmodum ipse ego distin-  
ctis temporibus ita Lunam vidi, & eandem quoque aliis osten-  
di. Etenim, Anno 1644. die 6. Julii, Lunam secundam five  
corniculatam, horis pomeridianis claro affulgente Solis lumi-  
ne, cernere bene potui, ubi tamen, sequente vespërâ, post oc-  
casum Solis, nondum ejus videndæ dabatur facultas : ut alia  
taceam exempla. Ex adductis satis liquidò judicare licet, quòd  
sæpè, imò ferè semper, hujusmodi phasēs, meliùs luminosis die-  
bus, quàm vesperi, post occubitus Solis, non nequeant conspi-  
ci. Hoc tamen manet discrimen, inter primò visam Lunam  
de die, & de nocte, quòd phasēs Lunæ de die, vel illustri visu,  
vel Tubo Optico conspectas, non tam accuratè possimus deli-  
neare, ob circumstans scilicet majus lumen, & vicinitatem So-  
lis, quod minus Lunæ lumen nonnihil obscurius reddit : siqui-  
dem & hîc trito illi locus est : *Majus lumen offuscat minus.*

Unde prorsus fit mihi verisimile, etiam primam ac recen-  
tissimam Lunæ phasim, priùs, & frequentius interdum, à diligen-  
tissimo observatore visus acuti notari posse, quàm noctu : imò  
existimo, veterem, vel novissimam & primam Lunam, unâ  
die, in his etiam Septentrionalibus locis, animadverti posse.  
Neminem enim fulgor Solis deterreat, quò minùs omni occa-  
sioni immineat : hoc namque pacto à nocumento visus tutus  
esse potest, si duo colorata vitra, quorum suprâ capite 2. me-  
mini, vel potiùs optimum Helioscopium adhibeat, quo securè,  
sine læsione oculorum, ipsum Solem licet intueri, ut jam dicto  
loco indicavi. Inprimis autem hæc observatio potest institui,  
quando conjunctio Solis & Lunæ, circa meridiem accidit : nam,  
quin potestas veteris Lunæ, ante meridiem, & novæ Lunæ  
videndæ, ante obitum Solis detur, apud me non est dubium,  
nisi crassi vapores aëris obstiterint. Quandoquidem, si, sudo  
Cœlo, Veneris omnes phasēs, quantumvis Soli valde vicinæ,  
licet Telescopio dignoscere, sicuti capite iv. ejusmodi observa-  
tiones adduxi; utique & Lunam, quæ Venere longè major ap-  
paret, cernere facultas dabitur. Et, licet statuamus ejusmodi  
phasim admodum esse angustam: tamen ea haudquaquam po-  
terit esse magis exilis, quàm Veneris facies corniculata. Præ-  
terea







*Obfervatio in Balaena, quae in Fregata.*

*GEDALI.*

*Anno Christi 1645, Die 28 Februar. hora 7, à meridie numerata,  
à Coniunctione vtri 9, Diei 3 Currentis.*



2.

*Autor Scipio*



terea ad lumen Lunæ primarium, accedit etiam secundarium, quòd tempore Plenilunii, præ reliquo corpore, solet esse lucidissimum, & maximum; sicut de hoc, capite 12. pluribus agitur: proinde utriusque beneficio, Luna eò citius poterit deprehendi. Omnium autem optimè hæc res speculatori veteris ac novæ Lunæ succederet, si se se in jugum excelsioris Montis reciperet, ubi foret extra inferiorem aëris regionem, quæ radios Solares plurimum intercipit, & oculos nostros nonnihil obscurat, constitutus: quippe Kepplerus etiam in Astronomiæ Parte Opticâ cap. 6. sect. 11. nihil prohibere scribit, Lunam in ipso conjunctionis articulo, juxta Solem in Cœli medio cerni, cum limitem alterum peragrat.

*Luna juxta Solem in Cœli medio conspicitur.*

Nunc autem ad ipsam effigiem phaseos corniculatæ accedam, &, quæ circa eam sunt animadversione digna, monebo. In priori phasi, magna quidem asperitas, tam in illuminatâ parte, quàm sectione umbræ, deprehendebatur, nondum tamen aliquam pervulgatam Maculam, Montes vel Maria, licebat videre, quum esset valde tenuis pars luminosa, præterea limbo Lunæ maximè vicina. In hac posteriori verò observatione Lunæ secundæ, jam aliquot Montes non ignoti, projicientes in Valles, circa latus occidentale Montium, sat nigricantem umbram, conspiciebantur; quales sunt, Mons Nerosus, Insula major Caspii, Montes Hippoci, Mons Sanctus, Montes Alani, M. Alauni & alii. Inter cætera hîc consideratione aliqua digna occurrit etiam hoc, Montes Alanos, Paludem cingentes Mæotidem, non esse reliquorum Montium infimos; verum satis editos: idque ex eo colligitur; quoniam cacumina eorum, in illuminatâ parte Lunæ insigniter prominebant, etiamsi tum temporis à Peripheriâ nondum longè abessent. Deinde quoque; notabile est, quòd adeò æquale segmentum Paludem Mæotidis transeat, unde certè stabiliri potest minimùm aliqua convenientia, inter illam partem & nostrates aquas, respectu materiæ, si non revera naturales aquæ esse debeant: quia horizon isthic (qui confinium luminis & umbræ repræsentat) lævis & æqualis spectatur. Adhæc autem memorandum à nobis est, quòd Palus jam sæpius dicta, quum primum in conspectum veniret,

*Notabilia nonnulla circa phasim Lunæ corniculatam.*

*Montes Alani admodum sunt excelsi.*



colore tam debili esset, ut in subsequentiis phasibus obscurior evaderet, & magis magisque ad nigritiem tenderet. Ratio hujus mutationis, jam aliquoties tacta, & aspectus obliquitati tributa est. Nigras autem Maculas in occidentali latere Paludis se ingerentes, existimo esse umbras à diversis editis Montibus Alani, Mæotidem circumdantibus, projectas & profectas.

*Probabilis ratio, non coherens umbræ in Lunâ.*

Quod autem umbra non cohæreat, forsan hæc causa potest esse, vel, quòd unus altero Monte sit declivior, vel, quòd singuli sua habeant distincta spatia.

*De hujus phaseos libratione.*

Jam tria illa nitida parva puncta, in inferiori cuspide Lunæ, & in ipsâ fermè Peripheriâ; haud dubiè sunt peculiariora quædam cacumina Montium altiorum, præ reliquis inprimis conspicua; quæ argumento sunt, in ipsâ Lunæ circumferentiâ dari Montes planè insignes. Denique & spatium illud inter Paludem Mæotidem & Peripheriam, quoad latitudinem est considerandum: illud enim, uti jam suprâ dictum fuit, quotidie vel latius vel angustius fit, ad normam videlicet motus librationis Lunæ. Postquam igitur hæc phasis Lunæ in 14. gradu Arietis, latitudinem obtinet Australem quatuor propemodum graduum, ideo hoc spatium ita est comparatum, ut ex eo lacum minorem occidentalem æstimare liceat: in ceteris sequentibus phasibus, id spatii longè sequius affectum deprehendimus, quod ipsæ oculis usurpatæ luculenter ostendent.

## CAPUT XI.

### DE LUNAE FALCATAE CRESCENTIS PHASI.



Quòd Cornua five Cuspides, nascentis & recentis, vel veteris & decrescantis Lunæ, magis uno tempore sint acutiores, vel obtusiores, quàm alio, etiam vulgo notum est, ita ut ruris alumni, ex formâ cornuum Lunæ statum aëris in sequentem diem colligant & præsagiant. Cùm, namque cornua sunt probè acuminata, tum bonam claramque auram sibi pollicentur: sin autem contrà sunt valde obtusa, tunc Cœlum

*Præsagium status aëris futuri ex cornuum Lunæ figurâ, qualiter nitatur fundamento?*



lum nubilum, turbidum, ventosum & pluviam prædicant : idque omen, vix adeò est lubricum & incertum. Siquidem vilâ à nobis cornua Lunæ obtusa, arguunt aërem plenum crasforum vaporum, & humorum. Alioquin eadem cornua Lunæ eâdem ætate Lunæ æqualiter illuminatæ, & serenâ existente aurâ, æque sunt acuta, nudo visu arbitro : at verò per generosum Tubum Opticum inspecta, cornua ista multò puriora, subtiliora, & acutiora apparent, ut etiam revera se se habent : quia Telescopium, superfluos, & adventitios radios, qui cuspides Lunæ magis magisque dilatant, & obtusiores reddunt, detrahunt. Idque non tantummodo præstat in cornibus; sed etiam in reliquis omnibus illuminatis partibus crescentis, vel decrecentis Lunæ : illæ namque phasæ, semper, etiamque clarissimâ affulgente aurâ, nudo visui majores & latiores apparent, quàm revera sunt, & Perspicillum repræsentat : quippe, prout una phasis alterâ est recentior, vel adultior, ita quoque lux illa ascititia, respectu propriæ & germanæ lucis, conspiciatur vel laxior, vel angustior. Et quantum omnes phasæ curvatae in cornua, post novam Lunam crescunt & augentur, tantum hoc luminis augmentum, de die in diem certâ proportionem diminuitur; contrarium autem accidit in phasibus falcatis, & corniculatis Lunæ decrecentis. Quò namque magis illæ quotidie minuuntur, & illuminata pars contractior fit, eò magis hoc ascititium Luminis augmentum ingravescit. Ex multiplicibus autem, & diuturnis observationibus compertum habeo, quòd phasis, tertio die post conjunctionem, (quando Luna primo post coitum die conspecta est) apparuit, ut & ante conjunctionem, quando adhuc semel die interlunium præcedente cernitur, nudo visu percepta, dimidio ferè amplior appareat, quàm Tubo visorio considerata. Phasis autem secunda Lunæ, quæ alterâ die post conjunctionem accidit, sine Tubo Optico duplo major videtur, quàm cum Tubo, & prima nascentisq; phasis ferè triplo latior, quàm revera est, quum per se satis sit angusta. Quæ omnia forsan valde mira Lectori videbuntur.

*Telescopium,  
Lunæ adven-  
titios radios  
adimit.*

*Quò phasæ  
crescunt Lu-  
nâ crescente,  
eò luminis  
augmentum  
phasium de-  
crescit.*

*Cur phasæ  
recentiores  
Lunæ, solo vi-  
su considera-  
te, ampliores  
apparent,  
quàm Tubo  
Optico?*

Hanc autem aspectus diversitatem, non nisi radii adventitii, & circumfusus lumen, quod alterum illud magis dilatat, ma-



gisq; visui nostro exhibet, efficiunt. Quomodo verò hoc fiat, & quæ sit hujus rei ratio, in sequentibus succinctè exponetur.

Primum quidem hoc oritur, partim ex hallucinatione visus, partim ab aëre nostro crassiusculo, qui Lunam proximè circumstat. Nam, quòd utrumque fiat, perspicuè possumus deprehendere, quando Luna adhuc prope turrim, murum, vel infumibulum versatur, & aër circa Lunam quaquaversus purus, & clarus conspicitur, ubi quò viciniùs Lunæ, eò clarius, & quò fit adultior, eò minus hoc lumen apparet, tandemque expirat: hincque fit, ut limbi, tam Lunæ, quàm aëris, ob nimiam lucis tenebrarumque oppositionem, in retinâ tunicâ oculi quasi confundantur. Quando verò Lunam per parvum foramen, præsertim in crepusculo, vel, quod præstat, per Tubum Opticum intuemur, tunc lumen illud tam validè, & copiosè in foramen pupillæ incidere nequit; unde nec in oculis nostris tam fortem facit impressionem, neque tantopere se dilatat. Unde causâ etiam cernitur, cur Eclipses Solis nudo visu, vel parvo foramine, sine vitris convexis, aut coloratis, vel sine Tubo Optico observatæ, semper minores conspiciantur, quàm revera sint: prout autem aër purior, vel impurior est, sic hæc Lunæ lux nostris oculis apparet minor, vel major. Hicq; ipse aër etiam tam potens & valens est, circa dilatandam lucem in oculis nostris, ita, ut & margines corporis alicujus obscuri, candidissimi, & quasi pellucidi appareant, quemadmodum id semper in quolibet atro corpore, aëri lucido exposito, fit conspicuum: inprimisque, si vesperi aliquem baculum oblique positum, ante candelam accensam, in aliquâ distantia statueris, tum animadvertes, baculum eâ parte, quâ lumen lucernæ respicit, longè tenuiorem conspici, quasi in superiori, & inferiori margine esset translucidus, & excavatus: lucis enim natura est, se undiquaque diffundere & amplificare. Dum igitur hoc fit, necessariò sequitur, opaca continua nonnihil mutari, & præcidi.

*Cur Eclipses Solis in Camera obscurata, per foramen nudis oculis inspecta, semper minores evadant, quàm revera sint?*

*Quare prima phasis Lunæ omnium maxime se se diffundat?*

Quòd autem minima phasis Lunæ, omnium maximè se se diffundere videatur, præ cæteris adultioribus, hæc procul dubio causâ est, quòd in ejusmodi phasi, lux quasi magis comprimitur.







*Placis Lunæ Falcatæ Crescentis.*  
*Observata in 1 Gradu K, circa Perigæum et V.*  
*GEDANI.*

*Anno Christi 1644, Die 12 Januarii, hora 5<sup>ta</sup> à meridie numerata.*  
*à Coniunctione vers 20, Diei 3 Currentis.*





matur. Quò verò magis coarctatur, eò fortio- rem & confusionem, in oculis nostris facit, magisque videtur dilatari. Opticum enim est axioma : *Lux compressa, fortior est luce disgregatâ.* Enimvero idem non solùm in Lunæ; sed etiam in phasibus Veneris falcatis, & corniculatis deprehenditur, quarum eadem ferè est ratio. Quò namque minores, & arctiores in eâ fiunt phases, eò magis in proportionem se se videntur dilatari : semper tamen multò plus ante crepusculum, quàm in crepusculo : minùs verò, exorto Sole, quàm in crepusculo, sicut etiam suprâ hujus feci mentionem cap. IV.

Ex iis, quæ jam in medium breviter allata sunt, causa etiam quodammodo colligitur, cur nimirum phases Lunæ curvatæ in cornua, tam crescentes, quàm decrecentes, majores quoad diametrum appareant, & non illuminatam partem excedere videantur (quæ pars tenebricosa, illo tempore, ob lumen illud secundarium à Terrâ reflexum, satis est conspicua) ita ut aliquis solo oculorum testimonio fretus, juramento confirmare auderet, hemisphærium non illuminatum esse longè minus illuminato. Verùm hoc ex alio nullo principio oritur, quàm ex radiis adventitiis, sicut Tubus Opticus id manifestè probat : siquidem per hunc phasis considerata, nulla major, vel minor apparet, quàm esse debet, respectu non illuminatæ Lunæ partis.

*Quare phases Luna in cornua curvatæ, solito majores apparent?*

De hac autem præsentem Phasi falcatâ, sequentia adhuc sub finem hujus capituli notari possunt.

*Nota utiles, de phasi Luna falcatâ.*

I. Primùm, quòd forma, figura, & color Paludis Mæotidis, à sequente phasi nonnihil differat : figura namque est hîc angustior, & color dilutior. Sic & Montes Riphæi, hîc videntur arctiores, & magis compressi, quàm in sequente figurâ. Ratio ex capite octavo peti potest, utpote ex quo perspicitur, id ex motu librationis imprimis proficisci : etenim, quia Montes unâ cum Palude, hîc peripheriæ sunt viciniore, quàm in alterâ mox secuturâ figurâ, ideoque non alia queunt existere phænomena.

II. Deinde, quatuor hîc adsunt, & spectantur notabilia quædam, & rotunda quasi capitella clavorum lucidissima, in inferiorio-



feriori Lunæ orâ, seu in infimo ejus cornu; sed hæc communiter in tali Lunæ phasi, semper conspiciuntur.

III. Denique ex clarè illuminato vertice editorum Montium, utpote hîc Montis Paropamisi, infallibili ratione colligitur, quòd in viciniâ marginum Lunæ, æque multi ejusmodi præalti Montes dentur, quàm circa centrum; quippe ex observatione hac patet, culminum distantiam in his Paropamisi Montibus, à confinio lucis, quadragesimam circiter partem diametri Lunarîs æquare.

## CAPUT XII.

### DE LUNAE CORNIGENAE CRESCENTIS PHASI.

**Q**UOD Luna sit corpus opacum, imò opacissimum, quodque omne suum lumen unicè à Sole mutuò accipiat, & illud ad nos in terram per radios reflexos transmittat, nemo sapientum amplius negabit, & nos istud, capite sexto Selenographiæ, validissimis argumentis demonstravimus. Ex quo etiam sequitur, corpus Lunæ globosum, minimè esse undique æquale, læve & glabrum, sed inæquale, scabrum & durum: sic namque reflexio radiorum Solis, in Lunâ eò fieri potest valentior. Hinc quoque fit, quòd Tellus nostra, quæ non minùs est corpus opacissimum, & planè asperum, inæquale, eminens & depressum, lumen Solis receptum, per radios reflexos, certis temporibus, usque ad sphæram Lunæ projicere non nequeat, quod lumen eò est nobilius, majus & fortius, quò Terra major est Lunâ.

*Luna non tantum est corpus opacum; sed & inæquale, asperum & crassum.*

*Unde lumen illud subobscurum & secundarium, ante & post interlunium existat.*

Per quam reflexionem radiorum Solarium, in globo Telluris, producitur lumen subobscurum, & secundarium, quod semper paulò, ante, vel post conjunctionem Solis ac Lunæ, in majori parte residuâ, & non illuminatâ Lunæ, attentis scilicet clarè illustratis cornibus, & confinio lucis conspicitur. De hoc namque lumine Lunæ secundario, hætenus variæ fuerunt opiniones. Nonnulli volunt esse hoc insitum, congenitum, & natu-



naturale parvum Lunæ lumen, quod non solum circa hoc tempus; sed etiam tempore Eclipsium Lunarium, deprehenditur: alii contendunt, esse reflexionem ex Æthere. Sunt, qui dicunt, Lunam esse corpus semidiaphanum, & hinc, tempore conjunctionis, cum Sol Lunam à tergo illustrat, respectu videlicet nostri, lumen Solis ex parte penetrare, atque translucere; unde lumen illud debilius existat.

Sed omnibus his opinionibus, veram causam nondum exprimi, paulò antè, capite sexto, multis rationibus probatum est. Quamobrem, brevitatis studio, non amplius antithesi immorabor; verum in confirmatione, & explicatione veræ sententiæ pergam, genuinamque causam luminis secundarii, & quæ hîc animadversione digna sint, ulteriùs exponam. Primò igitur sciendum est, quòd hæc lux secundaria, in phasibus Lunæ in cornua curvatis, eò sit fortior, clarior & evidentior, quò phasis est minor & angustior, ipsique conjunctioni Solis & Lunæ propinquior. Nam, quantò majora Luna quotidie sumit incrementa, ipsæque phases auctiores fiunt, tantò minus, debilius & obscurius, de die in diem hoc evadit lumen, donec tandem, tempore primæ Quadraturæ, planè evanescat, nec ab acerrimi visus homine amplius agnosci queat. Memini tamen, me artificioso Tubo Optico adjutum, lumen illud secundarium postridie primæ Quadraturæ Lunæ etiam vidisse, & integrum discum ejus haud obscurè potuisse apprehendere. Eandem quoq; proportionem observat decrescens Luna. Mox enim, post ultimam Quadraturam, hæc secundaria lucula se se primum exserit; dehinc autem magis magisque crescit, & quotidie fit evidentior & robustior, ita, ut hoc parvum lumen, ab ultimâ usque ad primam Quadraturam cerni possit. Atqui à primâ Quadraturâ usque ad ultimam, & in phasibus utrinque prætumidis, hoc lumen, neque Telescopio, neque nudo visu, percipi potest.

Proinde non immeritò hîc quæritur: ecquid causæ sit, cur paulò post, vel ante conjunctionem Solis & Lunæ, hæc lux secundaria adeò sit valida, maximeque perspicua? Ad hanc quæstionem solvendam istud principium supponendum est; nostræ

*Quantò Luna de die in diem crescit, tantò lumen secundarium claritate decrescit.*

*Vera causa secundarii luminis in Lunâ ante & post synodum cum Sole.*



scilicet telluri maximam intercedere cognationem (sicut etiam infra pluribus dicetur) cum Lunâ (quæ ut cætera nunc taceam) in eo quoque consistit, ut altera alteri, Solis lumen per reflexionem communicet, non quidem uno tempore, sed diversis, vicibusque distinctis. Quod enim ad Lunam attinet, illa noctu, post occasum ac discessum Solis, suum lumen mutuatum per radios reflexos ad nos defert, & suo debili lumine quadantenus, inprimis autem tempore Plenilunii, absentiam Solis supplere satagit, quemadmodum etiam à DEO ad hoc ministerium, ut nocti præsit, condita est. Quocirca Terra, quasi debitam gratiam Lunæ vult referre mutuo officio, dum vicissim aliquod Solis lumen, ad Lunam projicit per reflexionem, non quidem tempore Plenilunii, ubi Luna maximè à Sole illustratur, & penes illam, quasi meridies (præsertim penes illos, qui circa medium respectu nostri inter Pontum Euxinum, & Mare Mediterraneum degunt) animadvertitur, nec majori lumine opus habet; sed illo tempore, quando Sol incipit ad occasum propendere, nec hemisphærium Lunæ nobis objectum & conspicuum, à Sole jam occidente potest illuminari, noxq; imminet, quod fit tempore interlunii. Tunc namq; Terra validissimè Solis lumen, per reflexionem ad Lunam transmittit, ita, ut id temporis sit in Lunâ Pleniterrium. Id quod eo tempore commodissimè fieri potest: etenim Lunâ Plenâ, Terra, in lineâ rectâ, inter Solem & Lunam interjecta est, ita, ut medietate, Soli oppositâ & illuminatâ, Luna etiam Terram respiciat. Tunc verò Terra, quâ unum latus illustratur, quamquam non id, quod Lunæ objectum est: siquidem illud tunc tenebris planè involutum latet, ita, ut tum Terra respectu Lunæ sit obscura & caliginosa, sitque in Lunâ conjunctio Solis, sive Noviterrium.

*Pleniterrium  
Luna.*

*Noviterrium  
Luna.*

Quando verò Luna versatur, respectu nostri, in conjunctione Solis, tunc respectu Lunæ hemisphærii patentis, Terra nostra ei est opposita, & hemisphærium superius Lunæ obversum, totum illuminatur: contrà inferius Lunæ hemisphærium Terræ oppositum, & planè obscurum est, eò quòd sit in conjunctione Solis. Hoc autem pacto collustratum à Sole hemisphæ-



misphærium Terræ efficaciter satisque clarè hoc lumen Lunæ potest impertire, nimirum per radios rectos: siquidem hæc globosa corpora, rectâ lineâ ad se invicem inclinant. Lunâ verò, ob velocem suum motum, quotidie à rectâ Solis Terræque lineâ magis magisque recedente, tum, secundum istam proportionem, Pleniterrium decrescit, phasesque fiunt contractiores, ita, ut progressu temporis, tanta portio Terræ à Lunâ collustrata conspici nequeat: unde & in dies deinceps debilius lumen ad Lunam transmittit. Atque hoc lumen eò magis singulis diebus deficit, fitque obscurius, quoniam Terra quotidie radios Solares obliquius in Lunam projicit, ob majorem ejus recessum à Sole. Et hæc causa est, cur tempore primæ Quadraturæ istud lumen secundarium Lunæ à Terrâ reflexum, propter pauciores & obliquiores radios, fiat minùs aspectabile, & demum se planè subtrahat aspectui: contrà verò, circa & post ultimam quadraturam, se se primò conspiciendum præbeat?

*Cur hoc lumen Lunæ secundarium, post primam quadraturâ, penitus tandem evanescat, & post ultimâ quadraturam redeat?*

Verùm, ut hætenus dicta fiant eò clariora, tu Lector adjectam, quæso, figuram expende, in quâ non solum sunt expressæ illuminationes, ac phases Lunæ, respectu nostri; sed etiam illuminationes ac phases Terræ respectu Lunæ, ut & lumen secundarium Lunæ, quod à quâque certâ phasi proficiscitur. In hac figurâ A Sol est, B Terrâ, C, K, D, E, F, G, H, I, Luna. Nigriores lineæ, quæ respectu positus Lunæ ad Solem ductæ, sunt lineæ illuminationis. Quicquid inter has interjectum, & ad Solem conversum est, hoc segmentum etiam à Sole potest illuminari. Reliquum verò, quod lineis vel simplicibus, vel geminis, est quasi obumbratum, id Sol nequit collustrare, & ideo manet obscurum. Cæteræ lineæ punctis notatæ, quæ à Terrâ B, ceu parte illuminatâ, ad non illuminatam Lunæ tendunt, sunt lineæ visionis. Et quicquid de Terræ portione inter has situm est, id magnitudinem phaseos Terræ refert: quæcunque autem Lunam respiciunt, utpote segmentum simplicibus lineis umbriferis consignatum, exiguam ejus partem, in quam incidunt radii Solis à Terrâ reflexi, exprimunt. At enim omnium maxima hæc illuminatio Terræ nobis appareret, si eam ex statione F, in quâ Luna est in ipsâ

*Graphicè declaratur.*


*Lineæ visionis & obscurationis in Lunâ, quomodo à Sole & Terrâ fluant?*

*Pleniterrium in Lunâ verum quando?*



Lumen secundarium  
in Luna quando  
valentissimum?

conjunctione, conspiciere liceret : quandoquidem id temporis, Terra in oppositione Solis versatur, & ideo tum verum est Pleniterrium. Propterea verò etiam accidit, ut, juxta F, semper lumen secundarium fit fortissimum & evidentissimum, ob radios nempe rectos reflexos, quemadmodum etiam ex lineis



Aut. Sc.

Lumen secundarium  
Luna, quando  
debilius  
appareat?

punctatim descriptis colligere licet. Quamprimùm autem Luna aliquantum progreditur, & à conjunctione, vel lineâ A F B C recedit, & falcata evadit, sicut E & G hanc faciem designant; tunc lumen secundarium Lunæ eò factum est minus, quò plùs phasis Lunæ accrevit, & lineæ interpunctionibus occupatæ angustioribus spatiis concurrunt : unde simul illud lumen debilius apparet : siquidem id ætatis Lunæ & Terræ, lumen aliquantum decrevit, & respectu Lunæ gibbosum evasit. Eam namque ob causam, non tam validos radios in illumina-



minatam partem Lunæ potest projicere, utpote qui etiam ob situm Lunæ sunt obliquiores.

Penes D & H verò, circa quadraturam Lunæ, terra etiam fermè ad Lunam apparet bifida; unde lumen secundarium vix sensu oculorum percipitur, propter pauciores & obliquissimos radios, sicut ex interpunctionibus linearum ad D & H patet. In facie Lunæ gibbâ K & I, Terra est falcata, & utraq̃ue linea visionis propemodum concurrit: quæ causa est, cur lumen secundarium, se ex conspectu nostro auferat, ut ut aliquid adhuc luminis in Terrâ remaneat, quod in Lunam reflectitur, quod tamen adeò exiguum est, ut visum nostrum non incurrat.

*Quando lumen secundarium Lunæ evanescat?*

Quando verò Luna ad oppositionem perveniens, ut penes C  $\varnothing$ , plenum lumen obtinet, tunc Terra respectu Lunæ est in conjunctione, & suo hemisphærio ad Lunam converso, planè tenebricosa & obscura est: contrà verò totum Terræ hemisphærium, à Lunâ eò plenius & fortius potest illuminari, quemadmodum fit in omnibus oppositionibus, nocturno tempore, ubi Luna oritur, Sole ex adversâ plagâ occumbente.

*Noviterrium in Lunâ quando?*

Igitur, ex hac figurâ, ut & ex reliquis adjunctis, iterum fit abundè manifestum, ut, in Terrâ distinctas menstruas Lunæ illuminationes oculis deprehendimus, eodem simili modo, si in sphærâ Lunæ degeremus, menstruas quoque Phases Terræ conspiceremus, etiamsi Terra quotidie circa suum axem convertatur, sicut infrâ quoque hac de re pluribus agetur. Rursus, quemadmodum in Terrâ lux Solis à Lunâ reflexâ, partes ejus per se densas, ac obscuras collustrat: sic econtrariò lux Solis à Terrâ reflexâ, Lunam noctu potest illuminare.

*Si essemus in Lunâ, menstruas Phases Terræ animadvertemus.*

Veruntamen cum die ac nocte Lunari, longè aliter comparatum est, quàm cum nostrâ die ac nocte: siquidem hujus vicissitudo diei ac noctis in maximâ parte Terræ, 24. horarum spatio absolvitur: at in Lunâ mensis intervallo primum variatur; ita, ut unus dies ferè 14. nostrates dies, & una nox totidem etiam dies æquet. Causa verò tam longissimarum dierum ac noctium in Lunâ hæc est, quòd Luna non circa suum axem, sicut Terra convertatur; sed ex proprio motu, quem

*Dierum & noctium, vicissitudinè in Lunâ, ratio.*



per duodecim signa cœlestia in propriâ perficit orbitâ, sibi diem ac noctem acquirit. Atque hinc fit, quod nos Incolæ Terræ, semper unum duntaxat hemisphærium Lunæ, & uniusmodi Maculas, eo uno in loco persistentes conspiciamus, eò quod Luna nunquam prorsus circa suum axem circumvolvatur. Terra verò, quoniam motum diurnum 24. horis absolvit, non tantum inde, 24. horarum intervallo, vicissitudines diei ac noctis consequitur; verum etiam integrum suum globum, non ex parte solum dimidiatâ, hemisphærio Lunæ ad terram converso, ostentat, & suas phases ac illuminationes præsentat.

*In hemisphæ-  
rium Lunæ à  
nobis aversū,  
Terra radios  
Solis reflecte-  
re nequit.*

Alterum hemisphærium Lunæ, quod neque nos, neque ceteri Terræ Incolæ cernere possunt, à nostrâ terrâ nihil accipit luminis, neque eam omnino aspectu percipit, exceptâ tantum illâ particulâ hemisphærii latentis Lunæ, quam etiam nobis motus librationis Lunæ, aliquando visendam exhibet. Ex quibus quoque haud difficulter cognoscitur, quod si in Lunâ dentur res creatæ viventes, quod illæ, quæ habitant in hemisphærio Lunæ patente, & aperto Terræ, ratione luminis, sint melioris conditionis, quàm illæ, quæ colunt hemisphærium Lunæ nobis absconditum ac latens. Etsi namque longitudo noctis, tam in unâ, quàm alterâ medietate Lunæ est 14. dierum: tamen non tantæ sunt tenebræ in patente hemisphærio, quàm in latente Lunæ: quippe, loco non lucentis Solis, Terra lucem Solis reflexam ad Lunam transmittit. Incolæ verò superioris hemisphærii, lumine secundario Terræ destituuntur, unde & majori caligine tectas noctes habent, quàm habitatores in inferiori hemisphærio, qui nos respiciunt.

*Si dantur vi-  
ventes crea-  
tura in Lunâ,  
earum me-  
lior est ratio,  
quæ colunt  
inferius Lu-  
næ hemisphæ-  
rium, quàm  
quæ superius.*

Postquam autem hac occasione in contemplationem Lunæ incidimus, placet in eâ ambulatione adhuc unum conficere spatium alterumque, & dispicere, quæ animadversione digna in Lunâ amplius occurrant, quomodo videlicet cum Terrâ queat comparari, quibusque in partibus cum eâ conveniat, & in quibus discrepet, insuper, si in eâ versaremur, quæ nobis evenire possent.

Primum autem hîc incidit quæstio: annon Ecliptica & via regia Solis, ex Lunâ observata, consimili formâ, & declinatione



ne ab æquatore nobis appareret, quemadmodum hîc in Terris spectatur? Respondeo, quòd non. Etenim Incolis Lunæ (ut ita docendi causâ loquar) Ecliptica nostra, quasi Æquatorem exhibet, sub quo Luna moveri apparet, & orbita Lunæ est via & orbita Solis. Hi autem duo circuli in oppositis locis se se interfecant, veluti penes nos Ecliptica & Æquator. Neque non tamen notabile discrimen hîc invenitur: 1. siquidem Ecliptica, Lunæ Incolis tantummodo videtur ab Æquatore discedere, tam Austrum versùs, quàm Boream, ad quinque gradus & 17. minuta, qualis est aliàs maxima latitudo Lunæ; quæ declinatio penes nos  $23\frac{1}{2}$  gradus efficit. Unde & illis duo Tropici solùm distant decem gradibus & 34. minutis, quorum intervallum apud nos 47. gradus, vel circiter, æquat. Hinc maxima & minima altitudo Solis, in Luna animadversa, non multùm variat, neque dierum noctiumque vicissitudines sunt sensibiles. Commutationes autem hyemis & æstatis, decrementa & incrementa dierum, ut & integra Periodus ascendentis ac descendentis Solis, vertente anno apud nos absolvuntur: penes Incolas autem Lunæ, multò breviori tempore confiunt, nimirum ipso menstruo spatio.

II. Deinde, quia jam constat, Eclipticam Lunæ cum suo Æquatore se se interfecare, ideoque ex eo facilè colligi potest, quòd inhabitatores Lunæ, consimili modo sua Solstitia & Æquinoctia definito tempore habeant. Nihilominus tamen in hisce quoque magna occurrit inter nos, & illos differentia. Æquinoctium namque in Lunâ longè citiùs isthîc variatur, quàm apud nos: siquidem singulis novendecim annis, vel circiter (quum Nodorum motus sit retrogradus) Æquinoctium omnia signa percurrit. Insuper Æquinoctia in Lunâ non tantùm multò magis, multoque prius mutantur, quàm hîc penes nos; sed & Solstitia: non quidem hanc ob causam, quia Æquinoctia transferuntur; sed; quia Sol uno tempore illis altior quàm alio apparet, & ideo Ecliptica non æque est immobilis, quàm apud nos; verùm singulis mensibus vel (ut rectiùs loquar) singulis annis apud Selenitas (qui Lunares anni, quatuor ferè septimanas non excedunt) semper variant. Ex quibus necessario sequi-

*Variatio Ecliptica & Æquatoris, si ex Lunâ uterq; circulus conspiceretur.*

*Distantia Tropi-  
corum  
Lunæ.*

*Selenita habent sua Æquinoctia & Solstitia, sicut nos, cum notabili tamen differentiâ.*

*Annus Lunar-  
is determi-  
natur.*



sequitur, quòd sæpe unus annus ab altero, apud Selenitas, hoc respectu non parùm immutetur, & alias aliasque differentias sortiatur. Nam & evidens deprehenditur discrimen in longitudine: longissimus enim Selenitarum annus, est 30. dierum, minùs horis 4. & 23. minutis, & brevissimus 29. dierum, 6. horarum 46. minutorum &c.

*Selenita habent suas Eclipses Terræ & Solis, quæ à nostris sunt paulò diversa.*

3. Adhæc ulteriùs quæri potest: postquam orbita Terræ viam Lunarem, vel potiùs Solarem (eò quòd Selenitæ non aliter existimare possunt, quàm Lunam stare) in certis punctis, utpote penes Nodos, interfecat; nunquid etiam Eclipses in Lunâ queant conspici? Quod ego quidem liquidò affirmo: quandoquidem eodem modo, quo apud nos duplex genus Eclipsium Solis & Terræ, ibi est conspicuum: quemadmodum apud nos, Solis & Lunæ defectiones, iisdem de causis, accidunt, quando nimirum Syzygiæ Terræ, Solis & Lunæ, circa Nodos, intra terminos Eclipticæ, contingunt. Hoc tamen intercedit discrimen, quòd Eclipsis Terræ (quæ apud nos vocatur Eclipsis Solis) semper penes Incolas Lunæ eveniat, tempore conjunctionis Lunæ & Solis, ut nos loquimur, ubi tum Terra in Oppositione versatur, & Luna inter Solem Terramque intercipitur: unde necessariò sequitur, Terram ab umbrâ Lunæ obscurari: quoniam autem Luna multò minor est, quàm Terra, idcirco umbra Lunæ longè brevior, & in orbitâ Terræ tenuior fit: ob quam causam fieri nequit, ut totalis Eclipsis, multò minùs cum morâ, in Lunâ possit accidere, sed semper oporteat esse tantummodo partialem, & cum brevi morâ. Maxima autem Eclipsis Terræ vix ultra 67. milliaria Germanica, respectu nostri globi terreni, se se potest extendere, quod spatium vigesimam tantum disci telluris partem efficit: quia scilicet tam Conus umbræ Lunaris, quàm distantia Lunæ & Terræ minima est. Quæ causæ concurrentes, miram faciem, Eclipsis Terræ, Incolis Lunæ, haud dubiè præbebunt, præsertim cum ejusmodi Eclipsis, tempore visibilis oppositionis sit centralis: sic namq; in medio Disci terreni, exigua & rotunda obscurata particula apparet: circa quam ambiens major Terræ portio clara & perspicua evadit. Hæc tamen obscurationis exiguitas in medio Terræ

*Maxima Eclipsis Terræ in Lunâ quousq; se extendat?*



Terræ non diu persistit, sed pedetentim contrahitur, tandemq; evanescit. Eclipsis Solis autem in Lunâ fit, ut nos loquimur, tempore oppositionis, ubi isthîc in Lunâ est tempus conjunctionis Terræ, quæ inter Solem & Lunam interjicitur. Et quia notum est, quòd umbra terrena, etiam sub orbitâ Lunæ multò crassior, ac amplior sit, quam diameter Lunæ, undè quoq; penes nos Eclipses Lunæ cum morâ frequentes sunt. Sed & ideo Eclipses Solis in Lunâ non tantùm possunt evenire totales, ut ut apud nos sint rarissimæ: verùm etiam totales cum morâ. Etenim hoc in positu, Selenitis non solùm diameter Solis apparens fit contractior; sed & diameter Terræ, quæ est longè major, quàm Lunæ, ob viciniam distantiam ad Lunam latius patet, grandiorque est, quàm nobis diameter Lunæ visibilis apparet. Hancque ob causam sæpiùs hujusmodi Eclipses Solis cum morâ in Lunâ eveniunt. Ex quibus etiam intelligere licet, quòd Veteres Philosophi, utpote Oecetes Pythagoreus, & Philolaus (veluti Plutarchus lib. 3. de Placitis Philosophorum cap. 11. meminit) & alii non adeò absurdè Lunam appellaverint Antichtona, quasi Terræ nostræ oppositam dixeris: quemadmodum etiam Franciscus Patritius lib. 20. Pancosm. non absônâ ratione scribit: *Luna ergò Terra esto, & Terra nostra esto Luna, neq; duæ hæ Terræ, sive duæ hæ Lunæ, à conditore frustrâ sunt conditæ: similitudine enim mutuâ, altera alteram fovet, & sibi invicem favent, & influxus, quibus & ipsæ, & utriusq; partes, tum vivant, tum conserventur, altera ab alterâ suscipiunt.*

Quando fiat  
Eclipsis Solis  
in Lunâ, &  
quanta?

Cur Veteres  
Lunam Anti-  
chtona cre-  
diderint?

4. Porro, quia hæc speculatio per se adeò fœcunda est, ut se se latè diffundat, idcirco non dubito, quin B. Lector, perceptâ unius quæstionis solutione, mihi statim aliam sit propositurus. Quandoquidem enim asserui, Terram nostram in Lunam posse Eclipses quandoque inducere, interdum autem lumine plenam, interdum diversis phasibus distingvi eandem Terram: quamobrem forsan etiam lubebit scire, quid igitur de hac sentiam quæstione: utrùm Selenitæ, consimili modo in Terrâ nostrâ illuminatâ à Sole, Maculas deprehendant, ut nos in Lunâ, nec ne? Ad hanc iterum liquidò affirmando respondeo. Sicut enim nos in Lunâ diversas conspiciamus Maculas, quarum aliæ sunt clariores, aliæ obscuriores, aliæ magis elevatae,

Selenitæ in  
terrâ aq; Ma-  
culas & qui-  
dem multò  
plures & grā-  
diores, quàm  
nos in Lunâ  
possunt nu-  
merare.



aliæ planiores, imò multis in partibus à se invicem distinctæ : ita quoque sine dubio Terra diversas in Lunâ præsentat Maculas : Terra continens, unà cum Montibus ac Vallibus, Maculas evidentiores exhibet : Lacus autem sylvæ, Paludes, ad aliquam nigredinem vergunt : Maria verò magnique fluvii omnium maximè circa Plenilunium nigrescunt : at in reliquis phasibus, Valles ob umbram majorem, nigricantem colorem referunt. Adhæc planè mihi persuasum habeo, quòd Maculæ Terræ in globo Lunæ magis sint perspicuæ, & cum admiratione spectandæ, non solummodo, ob multitudinem Montium editorum; verùm etiam complures maximas Urbes, Flumina & Maria (quæ hîc longè quantitate Maculas Lunæ excedunt) & ob multas Insulas magnas & parvas: eò quòd Terra sit quadragies, & bis major Lunâ. Quocircà Maculæ istæ Terræ, non aliter se se in Lunâ, tum quoad speciem & formam earum, tum etiam, quoad confinium lucis & umbræ, nec non reliquas apparentias, quàm Maculæ Lunares, præsentant.

Quà sequentia tamen permagnum occurrit discrimen, Maculæ terrenæ non diu uno in loco persistunt, & ideo non sunt apparitionis perpetuæ, quemadmodum nobis Maculæ Lunæ fermè incommutabiles permanent : Terra namque, ob suum motum diurnum, quem 24. horis perficit, semper aliam atq; aliam faciem singulis horis, imò momentis, Selenitis exhibet : imò non aliter illis videtur, quàm si Maculæ ab occasu in ortum moveantur, utpote quæ periodum suam spatio 24. horarum absolvunt : hinc enim magnæ & repentinæ mutationes existunt. Jam certa Macula in finitore occidentali conspicitur : elapsis aliquot horis cernitur in medio disci Terræ; dehinc circa ortum. Circa finitorem istæ Maculæ contractiores, & obscuriores apparent, quàm circa medium : quin & singulis elapsis 12. horis in Plenilunio Terræ, sive Pleniterrio, aliæ Maculæ, aliæque facies se se exserit. Insuper Terra quoque Lunæ Incolis alio tempore clarius, quàm alio affulget : illustriorque apparet, si hemisphærium Terræ, in quo Europa, Asia & Africa sitæ sunt, se se ad Selenitas convertat, quoniam in illis partibus Orbis Terrarum plures Montes, Valles & Urbes adsunt :

*Grædes opinata mutationes Macularum in Terrâ apud Selenitas unde?*



contrà multò debilius est terræ lumen, si circumvolvatur alterum hemisphærium, in quo est America : siquidem in occasu reperitur Mare Pacificum, in Oriente Oceanus Atlanticus & Æthiopicus, ita, ut tunc plùs aquæ, quàm Terræ sit conspicuum. Cum primis autem Terræ facies apparet admodum debili lumine prædita, quum Mare Pacificum ad centrum disci terreni deferretur: tunc enim non nisi aquæ maximam partem sunt conspiciendæ, præsertim in quadrante occidentali. Ex his igitur patet, quòd longè major varietas in phasibus Terræ sit animadvertenda, quàm apud nos in phasibus Lunæ: siquidem non tantum omnes vicissitudines Lunæ licet observare, in phasibus terrenis; sed etiam hæc adeò citò variant, ut nulla phasis tractu diuturnioris temporis, consimili confinio lucis & umbræ, & quoad situm, Lunaribus phasibus per omnia respondeat, præcipuè exferentibus se se phasibus Terræ corniculatæ, & falcataæ, quæ modò lumine satis appareant conspicuæ, eò quòd illuminatæ partes de continente participant; mox lumine satis obscuro conspiciuntur, quia mera Maria Selenitis sint obversa.

*Plures vicissitudines phasium in Terrâ penes Selenitas, quàm apud nos in Lunâ contingant, necesse est.*

5. Adhæc, quum in præsentî materiâ nihil non sit, quod non possit ambigi, ideo ad ideales quæstiones etiam hæc accedat: annon hæc continua variatio, & perpetuus motus diurnus Macularum terrenarum, Selenitis hemisphærii patentis, necessarium aliquem insignem, & illustrem usum sit allatura? Ad quam etiam affirmando respondeo. Quis enim, qualis & quantus hujus rei usus sit, ex sequentibus patebit. Nam, postquam Lunæ cives, ut ex superioribus quoque constat, singulis mensibus unicam duntaxat diem, ac noctem experiuntur, vel, ut Selenographico more & stilo loquar, unoquoque anno, quo Sol apud illos 12. signa cœlestia perambulat, vel videtur perambulare, non plures dies & noctes, quàm unum omnino diem, unamque noctem habent, ita, ut longitudo diei istius, dimidio constet mense: idcirco licet inde judicare, quòd suum diem non in tam breves, sicut nos hîc in terris dividant horas, eò quòd illis Sol non singulis 24. horis appareat oriri, & occidere; sed procul dubio aliam ineunt dividendi horas rationem, ita quidem ut una penes illos diem integrum, vel dimidium

*Qualis usus repētinae mutationis Macularum in Terrâ penes Selenitas possit esse?*



*Primus fructus motus Macularum Terræ, facit ad cognoscendum diurnum spatium 24. horarum.*

*Quomodo Lunicola tempus horarium commodè possint distribuere?*

diem æquet : singulæ verò rursus in minora segmenta secantur, quemadmodum isthac ratione, ex motu Solis apparente, sciotherica quoque horologia construi possent, quæ illorum horas ab ortu ad usque occasum commonstrarent. Proinde, si cut id jam est invictum : ita contrà quæritur, quomodo Selenitæ longissimas suas noctes rectè distribuunt, ut non nesciant, quantum temporis jam effluxerit, & quantum adhuc restet transigendum ? Ad hoc respondeo, quod durationem noctis, ex phasibus terrenis, illis quodammodo liceat colligere. Quando namque illis Sol in Oriente (qui nobis est occidens) planè occidit, tunc è regione illis Pleniterrium in occasu illucescit. Postquàm autem hæc phasis progressu temporis in gibbosam est commutata, adhuc argumento est, tempus esse ante mediam noctem, usque ad Quadraturam Terræ : curvatâ verò existente, certum habent indicium, mediam noctem jam esse elapsam; ubi verò corniculata & senex conspicitur, respectu Lunæ, tum crepusculum penes illos ingruit, Terraq; nova ocumbit, & Sol illis lucere rursus incipit.

At verò & illud hîc observare fas est, quòd, quemadmodum apud Selenitas, noctu semper Terra decrescens cernitur, & quàm diu ea est decremento suo conspicua, dies non imminet, nec expectanda : ita quoque ingruente die, statim Sol, & nova phasis prima Terræ, aspectu percipiuntur, donec hæc duo corpora longiùs pedetentim à se digrediantur, & ad oppositionem perveniant. Ex quibus rectè confit, quòd Lunicolæ de nocte Terram decrescendentem, & de die semper crescentem videant. Hoc igitur pacto in Lunâ, horæ nocturnæ satis discerni possunt.

*Unde Selenitæ integram revolutionem 12. horarum colligere queant?*

Longè verò commodiùs idem fiat, ex motu Macularum terrestrium. Etenim quum revolutio earum contingat intra 24. horas, in qualibet Maculâ certò deprehendere possunt, viginti quatuor horas jam elapsas esse. Exempli gratiâ : ponamus certam maximeque conspicuam Maculam in horizonte occidentali, respectu nostri, reperiri : eâ ergò perveniente ad Meridianum disci terreni, indubitanter colligetur, sex horas præterisse : simul ac autem eadem Macula ad horizontem orient-



orientalem est delata, manifestum adest signum, jam duodecim horas effluxisse. Postquam autem ea rursus in occidente emerfit, infallibilis existit index, denuo 24. horas abiisse. Quocirca hic modus opportunus foret, de nocte in Lunâ horas investigandi : cum vix illis quantum meo possum assequi iudicio, melius & convenientius suppetat medium, in quantitatem temporis nocturni pernoscendam. Si enim cogitationes nostras ad altitudines Stellarum, vel situm circumpolarium convertamus, ut hîc apud nos fit, frustrâ hoc facimus : quia apud Selenitas, nullus motus diurnus apparens datur; sed tantum tardus illarum motus proprius, qui huic instituto non deservit. Atque, si vel maximè, ex sententiâ Peripateticorum, concedamus motum diurnum sphaeræ decimæ : tamen is hîc nihil proficere posset : siquidem & in Lunam hic motus caderet, & propterea simul illa circumvolveretur. Quocirca, quum nemo Peripateticorum hoc jure possit impugnare, ideoque nullus motus diurnus stellarum, ex Lunâ, ceu globoso corpore, quod æquali celeritate in eandem plagam fertur, animadverti potest, sicut id quoque per se est manifestum, ita ut de his nihil amplius addere sit opus.

*In Lunâ nullus motus apparens diurnus deprehenditur.*

Atque hæc prima est singularis utilitas, quam Selenitis motus Macularum terrestrium præbet. Altera vix istâ minor est, dum Lunicolæ, ex motu & positu Macularum, quâvis horâ noctis, & quotiescunque placeat, sui loci longitudinem facile possint adinvenire, si certa quædam Macula, à diversis, distinctis in locis, in hemisphærio patente, observetur : Incolis enim latentis hemisphærii, hæc commoditas non suppetit. Nobis equidem optandum esset, ut quotidie & qualibet horâ, ejusmodi opportunitate longitudinis locorum explorandi, gaudere possemus, quæ nobis instar multorum modorum sufficeret. Idem verò apud nos quoque fieret, si Luna, sicut Terra, circa axes proprios, spatio 24. horarum, semper circumvolveretur. Quia autem tale quid non fit in Lunâ, ideo cogitationes nostras in gyrum rationis oportet cogere, & facere periculum diversis in locis, quousque motu Lunæ circa fixas, & positu Macularum ejus, alio atque alio, distinctis temporibus, in indagandâ longi-

*Secundus fructus motus Macularum terrestrium, est cognitio longitudinis locorum.*

*Optimus modus investigandi longitudines terrestres daretur, si Luna esset circa proprios axes circumvolvibilis.*



tudine locorum, progredi queamus: quippe, quin, procedente ætate, jactis nunc hujus rei fundamentis, Astronomi hoc negotium, ad suam perfectionem demum redacturi sint, nullus dubito

Postquam ergò hætenus noster animus totus in contemplatione naturæ, situs, motus, formæ, & circumscriptionis Lunæ, & quasi Incolarum ejus, defixus fuit, ac satis in sphaerâ Lunari, mentis nostræ (ut sic dicam) pedibus deambulatum est, agedum revertamur ad sedes nobis proprias, patriamque nostram, Terram: id quod ut fiat brevitatis studio admonemur. Quocirca erigamus iterum sursum oculos, ut è Terræ domicilio fundoque, quanquam ex bene remoto loco, præsentem Lunæ phasin intueamur, & quæ adhuc ibi notabilia sunt, moniti advertamus: cætera sequenti capiti, vel alii occasione commendabitur.

*De quibus  
nos præsens  
phasîs Lunæ  
insuper ad-  
moneat.*

Quæ igitur hîc adhuc observari merentur, hæc sunt; quòd nempe spatium inter Paludem Mæotidis, & inter Peripheriam latiùs pateat, majorique intervallo à se invicem disjunctum sit, quàm in antecedente figurâ, & quòd jam uterque ille lacus occidentalis sit conspicuus. Causa est, quòd Luna jam in Geminis, & in maximâ circiter latitudine Australi versetur. Præterea Palus hæc latiùs diffusa est, & nigricantior apparet; sicut hoc etiam superiori demonstratione evictum dedimus. Distinctæ autem illæ, & valde nigræ Maculæ, inter confinium lucis & umbræ, ac Paludem Mæoticam, nihil aliud sunt, quàm profundiores Valliculæ, vel potiùs atræ umbræ, quas Montes Alani procreant. In hac & consimili phasi, umbra in Vallibus conspicua, omnibus suis partibus, incipit deficere & attenuari, quia scilicet illis Incolis Climatis hujusce, Sol quotidie altior apparet. Propriè tamen loquendo, iisdem ex hoc tempore Sol primùm oritur, & quando nobis est prima Lunæ Quadratura, tunc accolis Paludis Mæotidis est ipsa Meridies. Rursus affulgente nobis Lunâ plenâ, tunc illis ingruit vespera, ubi Sol vult occumbere: & ratione situs reliquorum locorum in Lunâ, Sol, respectu eorum, etiam, vel aliquantò maturiùs, vel seriùs oritur, aut occidit; sicut nempe etiam apud nos ob  
diffe-



differentiam locorum accidit. Eodem autem modo Meridies quoque apud ipsos variatur. Nisi quod in hoc discrimen huius variationis consistat, quod illis, qui respectu nostri videntur esse occidentiores, Sol citius oriatur, quam, qui sunt orientiores. Contrarium autem apud nos in Terrâ contingit: siquidem Orientalioribus Sol prius oritur, & ad Meridiem pervenit, quam Occidentalioribus.

Denique talis hic quoque suboritur quaestio: num etiam singulis mensibus in Lunâ sit ejusmodi phasis conspicua, qualem jam habuimus? Ad quam respondeo, quod singulis quidem mensibus phasis aequi lata, quoad digitos, imò etiam quandoque latior, quam praesens possit recurrere: at enim impossibile est, idem quoque planè omnibus in partibus confinium, eandem latitudinem Paludis Mæoticæ, idemque insuper spatium inter hanc, & Peripheriam reverti posse, propter motum scilicet Librationis Lunæ. Propterea igitur quotannis tantum semel eadem, quam proximè redire potest phasis Lunæ, nimirum circa Vernalis tempus, puta, in Martio, Aprili vel Majo, quando simul concurrit, ut eodem tempore Luna eodem in signo & gradu Eclipticæ versetur, & eandem habeat latitudinem: ita namque hæc facies Lunæ priori admodum consona erit: & licet non semper eadem sit latitudo (propter retrocessionem nimirum Nodorum): nihilominus tamen hæc phasis à priori non multum abibit. Idemque circa omnes phases huius Selenographiæ notandum, quæ in signo Cancræ, vel Capricorni observantur: siquidem cujuscemodi phasis nullo tempore revertetur, nisi praesente illo annuo tempore, ubi phasis ista in eodem signo iterum contingit: talis namque phaseos reditus est tantum anniversarius. Quod si verò etiam eandem expeteremus latitudinem, tunc adhuc longè diuturnius ista reversio phaseos Lunaræ nobis esset expectanda. Etenim, si planè ejusdem phaseos, quam antè animadvertimus, restitutionem desideremus, tum in hanc occasionem nobis imminendum est, ubi Luna eundem locum longitudinis, ac latitudinis, situmque eundem recuperavit, quæ tempore prioris observationis obtinuit. Cum enim hoc factum fuerit, tunc reversa phasis Lunæ, omnibus suis partibus, antè obser-

*Cur eadem  
phasys Luna,  
in uno anno  
nunquam re-  
deat?*

*Anniversaria  
ejusdem pha-  
seos Luna re-  
stitutio, unde  
pendeat?*




*Phasium earundem re-  
ditus quando exspectandus?*

observatæ respondebit, & utraq̃ue in summâ æqualitate erit posita. Phases autem Lunæ, quæ circa Arietem & Libram observantur, sibi quam maximè similes bis uno in anno queunt occurrere, præsertim, quando Limites in Cancro & Capricorno reperiuntur, quemadmodum dies nocti bis in anno æqualis existit: Solstitium autem Æstivum & Brumale duntaxat semel in anno evenit. Quo etiam modo, cum reliquis phasibus omnibus comparatum est, ita, ut frustrâ tempore alieno, reversionem similis phaseos Lunæ præstolaturi simus, nisi omnes jam dictæ circumstantiæ concurrerint, sicut idem quoque supra memoratum est, ac vix obscurè, suo autem loco adhuc planius & plenius à nobis commemorabitur.

### CAPUT XIII.

#### DE LUNAE CURVATAE CRESCENTIS PHASI.



**E**tsi præcedente capite de lumine Lunæ secundario subobscurò, quod paulò ante, vel paulò post conjunctionem Lunæ cum Sole, conspicitur, actum est: tamen, quia nondum omnia de illo sunt pertractata, & quædam adhuc restant, ulteriori explicatione digna; ideo constitui de illis, circa præsentem figuram, ubi quoque consimilis apparitio potest accidere, nonnulla plenius monere, & defectum priorum supplere.

*Cur secundarium Luna  
lumen, nõ undiq̃,  
sui simile?*

Primum igitur ejusmodi quæstio hîc institui potest: quare lumen secundarium, quod à Terrâ per radios Solis reflexos, ut antè dictum, ad Lunam transmittitur, non undique versum in superficie Lunæ æque clarum appareat? Et, unde dilucidus ille circulus, qui semper est in ambitu obscuro lumini conjunctus, & è regione phaseos, Lunæ à Sole illuminatæ, juxta Peripheriam, conspicitur, existat? In quâ bimembri quæstione, initio, ratio, cur in lumine subobscurò Lunæ, una pars magis conspicua & explicata, quàm altera (tametsi hæc differentia prope modum est insensibilis) videatur, facile reddi potest. Etenim,

hîc



hîc nulla alia subest causa, quàm inæquabilis Lunæ ambitus, quem efficiunt partim flumina, lacus & Paludes, partim Montes, Valles & Continens. Quum enim ex hac varietate inæqualis nascatur superficies, non aliter fieri potest, quàm quòd lumen secundarium Lunę aliquam aspectus diversitatem constituat: siquidem radii, ex unâ parte fortius, quàm ab alterâ, ad nos reflecti possunt. Quod autem alterum hujus quæstionis membrum, nimirum clarum illum circulum in Lunæ arcu, collustratæ ejusdem parti à Sole obversæ, attinet, dubitari potest, utrùm hujus rei ratio à reflexione Terræ petenda, an verò rectius cum Aguilonio & aliis, à corpore Lunæ semidiaphano desumenda? Si namque sphaera Lunæ statuitur semidiaphana, tunc lumen Solis circa Peripheriam, quàm circa medium, illustrius & evidentiùs se se poterit exserere, eò quòd ex illâ parte corpus Lunæ tenuius, quàm circa centrum. Quæ quidem ratio non solum foret valde plausibilis & probabilis; sed etiam urgens ac necessaria, si revera apparitio circuli luminosi in parte Lunæ subobscurâ daretur, quemadmodum oculis nostris quidem videtur: sed enim Tubus Opticus meram esse hallucinationem visus manifestè ostendit, ejusque rei causam detegit, quæ oritur ex diversitate confinium terminantium discum Lunarem, luce illâ secundariâ perfusum. Etenim, quando Tubum adhibemus, nullum clari circuli vestigium, circa Peripheriam Lunæ, deprehendimus; sed lumen illud planè uniforme apparet, exceptis tamen Maculis Lunaribus. Ex quibus colligere licet, hanc apparentem Lunæ speciem, circa circumferentiam, esse duntaxat visus nostri deceptionem. Quandoquidem enim lux secundaria, quæ ab uno latere contermina est confinio lucidiorum cornuum parvæ phaseos Lunariorum, ab altero autem unâ cum obscuro aëre Lunam cingit, ea efficit, ut candor disci Lunariorum, in adversâ parte, ob admodum clarum lumen illustratæ phaseos Lunæ, se se tam evidenter in oculos ingerat, & circulum luminosum exhibeat. Quin imò hanc speciem lucidi circuli Lunæ, visus tantum esse fallaciam, etiam sine Telescopio in hunc modum nudo visu tuo poteris cognoscere, si tantum juxta turrim, murum vel parietem ca-

*Sitne clarus  
ille in Lunâ  
circulus reale  
aliquod Pha-  
nomenon?*



mini stans, cùm lumen subobscurum, tum lucem secundariam Lunæ adspexeris, ita, ut propter interjectum solidi corporis primum lumen, ipsa quoque phasis Lunæ occultata maneat: sic enim nusquam, hac in parte Lunæ subobscurâ, lucidus ille circulus antè conspectus apparebit. Quam primùm autem emergentem phasin Lunæ videris, tunc quoque statim circulus in Lunâ erit conspicuus.


*Cur Lumen  
secundarium  
Lunæ, non o-  
mni anni tē-  
pore idem ap-  
pareat, &  
quam sit  
ejus rei ra-  
tio?*

Deinde hîc quærere licet: nunquid lux Lunæ secundaria, eodem tempore, vel ante, vel post conjunctionem Solis, & eâdem existente aeris constitutione, æque magna sit? Hîc per inficiationem respondeo: diversæ quippe causæ occurrentes, hanc lucem hebitare, vel intendere queunt. Quas ad causas eò meliùs intelligendas, ex Opticis hoc theorema repetendum est, quòd omne corpus lucidum tantò clariùs appareat, quantò ambiens est obscurius. Ex quo sic infero: quantò plus Luna post conjunctionem à Sole discedit, tantò diutiùs supra horizontem commoratur: quantò autem diutiùs Luna supra finitorem conspicitur, eò magis ex crepusculo vespertino emergit. Postquam autem durante adhuc crepusculo, aër nondum valde tenebricosus est; sed, eo evanescente (vespertino scilicet tempore post conjunctionem) demum fit obscurior; sequitur, quòd lumen Lunæ secundarium extra crepusculum clariùs appareat, quàm circa illud, eo quòd tunc in medio magis opaco versetur. Hoc autem quod hîc profero, de distantia Solis & Lunæ rectè accipiendum est: at, si quis in eum vellet sensum mea verba detorquere, quasi hîc docerem, lumen Lunæ secundarium eò magis crescere, quò adultior esset ætas Lunæ, is aliquid mihi, quod in mentem nunquam venit, affingeret. Contrarium namque in superiori capite fuit à me demonstratum; nempe hoc Lunæ lumen secundarium, tantò majus apparere, quantò minor est phasis Lunæ. Quocirca id tantum intendo comprobare, & ratione perspicuâ evincere, Lunam quandoque intra 24. horas se posse ex radiis Solis expedire, nec integro biduo, vel triduo, ad hanc rem semper indigere; sicut suprâ, ubi de primâ phasi egi, cap. 9. hoc pluribus ostendi, nimirum, cùm Luna perigæa & velox existit, nec non in si-  
gnis



*Placus Lunæ Curvata Crescentis.*  
*Observata in 16 gradu E, prope Perigæum et V.*  
*GEDANY.*

*Anno Christi 1677, Die 13 Januarii, hora 6<sup>ta</sup> à merid. numerata.*  
*à Coniunctione vero 21<sup>a</sup> Diæ † Current.*



*Aut. Sculpit*







gnis longarum descensionum, inque latitudine Boreali versatur. Quamobrem necessario eo tempore ita cum Lunâ comparatum est, ut ea incedat altior, tardior occidat, & citius per crepusculum eluctetur, quàm quando fit contrarium. Idcirco: quò recentior est phasis Lunæ, & quò Luna est sublimior, eò clarius lumen secundarium Lunæ apparere necesse est. Id autem vix alio tempore melius & apertius poterit observari, vespere post conjunctionem, quàm tempore Æquinoctii Verni, quando est perigæa, latitudinem septentrionalem obtinet, & in Ariete, Tauro, vel Geminis reperitur, ut jam aliquoties inculcavi: neque id temporis crepuscula valde magna sunt, adeò ut vix opportunius tempus in anno ullum concedatur.

Non dissimilis est ratio phasium Lunæ senescentium, ac luminis secundarii circa eas conspici: utrobiq; enim par dari potest causa, cur lumen illud uno tempore clarius appareat, quàm alio. Tunc namque evidentiùs se se exserit, cum Luna in signis longarum ascensionum (qualia sunt Cancer, Leo, Virgo, Libra, Scorpius, Sagittarius) versatur, perigæa est, adq; limitem Boreum excurrit, nec procul abest ab Æquinoctio Autumnali. Hoc quippe modo phases Lunæ tam crescentis, quàm senescentis possunt ferè facere paria. Non tamen hoc semper fit; sed quandoque notabilis hîc occurrit differentia. Fac enim, te vidisse, eodem tempore à conjunctione Solis, phasim aliquam corniculatam Lunæ crescentis, quæ perigæa fuerit, latitudinis Septentrionalis, & in opportuno signo: rursus fac, te quoque vidisse consimili tempore, & datis iisdem affectionibus phasim Lunæ decrescens, tunc pronuncio, experienciâ suffragante, lumen Lunæ decrescens secundarium, quod mane, ante auroram ingruentem, & in oriente, conspicias es, evidentiùs & clarius extitisse, si rectè animadvertisti, quàm Lunæ crescentis, quod vespere post crepusculum in occidente vidisti. Nec id ratione caret: quia scilicet hemisphærium terrestris, quod orientali plagæ Lunæ est obversum, plus terræ firmæ in se continet, nempe Europam, Asiam & Africam, & minùs Maris & aquæ, quàm occidentali Lunæ situi, cui è regione plus Maris, ex altero hemisphærio Terræ, utpote Oceanus Atlanti-

*Luna phasis  
crescens & se-  
cescens, ra-  
tione tempo-  
ris ac quâ lu-  
men variat.*



cus & Æthiopicus, qui ad Americam usque porrigitur, objicitur. Quocirca, quum certum sit, Mare & aquam non æque validè lumen reflectere & revibrare, atque continentem, ideo planè consequens est, lumen secundarium Lunæ, circa phases Lunæ crescentis multò debiliùs conspici, quàm circa phases Lunæ senescentis. Accedit insuper alia causâ, quare in Lunâ hi gradus luminis secundarii dentur, quæ iis proponetur expendenda capite 38, quibus jam memorata causâ nondum facit satis.

*Differentia  
inter duas  
phases Lunæ  
æq<sup>3</sup> distantes  
ferè à Sole e-  
videns. & un-  
de ea?*

Denique placet hîc etiam aliam subungere phasin Lunæ, quæ quinque duntaxat horis, attento tempus veræ conjunctionis, adultior est priori, sicut consignatum tempus abundè docet. Evidens tamen inter utramque reperitur differentia, non solum quoad diversitatem arcus, & spatii, ratione confinii luminis & umbræ; sed etiam respectu distantiae à Palude Mæotidis, orientem versùs, quæ major hîc occurrit, quàm in priori schemate, ita ut major pars Lacus Corocondametis unâ cum evidentiori colliculo in ipso fuerit satis conspicuus, de quo tamen in phasi præcedente nihil cerni poterat. Sic & deprehenditur magna differentia, ratione situs Paludis Mæoticæ, & distantiae ejus à Peripheriâ. Quod autem hujuscemodi differentia, hîc locum queat habere, ex collatione longitudinis ac latitudinis Lunæ, quam hîc & illic obtinuit, colligere licet: siquidem prior phasis Lunæ, in 12. gradu Geminorum circa limitem Austrinum observata est: hæc posterior verò in 16. gradu Piscium, in ipso Nodo, vel Eclipticâ, ubi fuit expers omnis latitudinis. Itaque, quum in hac Lunæ facie, intervallum inter Paludem & Peripheriam angustius sit, quàm in priori, deprehensum, utique alterum intervallum in sinistro latere, & orâ Lunæ oportuit esse laxius, & latius. Hoc geminum exemplum eò deservit, ut quilibet inde intelligat, evidens omnino dari posse discrimen, inter duas Lunæ phases, etiamsi æquali tempore, ante, vel post conjunctionem fuerint observatæ: nunquam verò alteram alteri per omnia posse examussim congruere, nisi scilicet Luna iterum eandem longitudinem, latitudinem & Anamoliam habeat: aliàs enim est impossibile. Quam  
ob



ob causam, differentia inter duas phases Lunæ satis notabilis, sæpiùs observabitur, licet etiam ætas Lunæ sit eadem : sicut id compluribus exemplis alibi comprobabitur.

Tandem hic inter alios multos excelsos vertices insigniter illuminatos, adfurgentium Montium, extra confinium, maxime notabilis est ille Mons, qui instar globuli in extremo cacumine inferioris cornu, præ reliquis se se exseruit : quippe non solum claritate reliquis antecellebat; sed etiam singulari colore fuit præditus, ita ut igni, vel auro ignito, non fuerit absimilis. Causam hujusce apparitionis, in aliud tempus discutiendam rejiciam.

## CAPUT XIV.

### DE LUNAE LUNATAE CRESCENTIS PHASI.



Uare cornua Lunæ Falcata & curvata crescentis, semper oporteat esse à Sole averfa, & ortum versum tendant : quare etiam cornua Lunæ curvata decrecentis, in occasum porrigantur : juxta scilicet exceptione majorem experientiam, & nostras observationes; id à Mathematicis, tam in Opticâ, quàm Astronomiâ demonstratur. Interim nihilo secius quoque experientiæ consentaneum est, quòd isthæc Lunæ cornua non semper eundem situm, respectu nostri, & perpendiculari obtineant. Quæ namque partes in mucronem destinunt, aliquâ inclinatione, hac vel illac, vergunt : siquidem jam superior vertex nonnihil deorsum tendit, & inferior quadrantenus sursum : jam superior apex quotidie magis adfurgit ad perpendicularum : jam utrumque cornu perpendiculariter, & ad angulos rectos incedit; modò deorsum versum flectuntur termini confinii luminis & umbræ (cùm Luna videlicet sit gibbosa) quemadmodum post interlunium sursum versum elevati sunt, quæ omnia ex nostris phasium delineationibus liquidò satis apparēt. Hæc verò inclinatio à nullâ aliâ causâ, quàm ex vario situ, & distantia Lunæ à Sole, proficiscitur. Etenim

*Quanam sit  
causa diver-  
sa inclinatio-  
nis cornuum  
in Lunâ?*



quò vicinior est Luna Soli, & phasis recentior, eò magis cornua attolluntur : &, quò auctius sit lumen Lunæ, & distantia Lunæ à Sole major, eò magis superius cornu, ad perpendicularum tendit, sicut facile quilibet perspiciet, si id ad centrum Lunæ revocet ; ita quidem, ut phasis Lunæ curvatæ, quàm diu intra quadrantem occidentalem, respectu Eclipticæ, observabitur, de die in diem altiore paulò se se præbitura sit conspiciendam, prout distantia Lunæ à Sole major, vel minor fuerit.

Quando verò contingit, ut Luna à Sole tanto absit intervallo respectu Eclipticæ, quò nonagesimum gradum adsequatur, tum partes Lunæ, in mucronem fastigiatae, sunt exactè in lineâ perpendiculari : quod si verò Luna quoq; longiùs à Sole discesserit, sicut post neomeniam fit quotidie, nihilo tamen minùs, motu diurno, ad circulum nonagesimum fertur, ubi similiter cornua ad angulum normalem insistant. Quando verò phasies Lunæ crescentes, in orientali quadrante observantur, tunc cornua Lunæ declivia conspiciuntur : contrarium verò accidit in phasibus Lunæ senescentibus. Quæ diversæ cornuum Lunarium inclinationes, si debito modo attendantur, hunc primò præbent usum, quòd ex horum inspectione liceat colligere, sit ne Luna in nonagesimo gradu, an verò nondum hunc circulum attigerit, vel etiam jam præterierit ? Deinde, semper nobis lineam per acuminatam Lunam ductam, & ad septentrionem vergentem commonstrât, ex quâ, locus Poli Eclipticæ conjicitur. Insuper verò, quando ad hanc lineam mihi aliam, quæ se se mutuo transmissu & decussatim secatur, imaginor, tunc etiam locus Eclipticæ in Cœlo circiter verus innotescit.

*Quanam utilitas, ex verâ inspectione Cornuum inclinationis redundet ?*

Præterea circa observationes phasium Lunarium, etiam hoc dignum est animadversione, quòd, quò propiores sunt phasies crescentes occasui, & horizonti, aut decrecentes ortui, vel quò remotiores sunt à circulo nonagesimo, eò accliviora stent cornua : quò viciniore autem phasies crescentes horizonti ortivo, & senescentes occiduo, eò magis cornua videantur devexa. Postquam enim vertices, vel cornua Lunæ, in omnibus his enumeratis phasibus, non eundem situm, nec eandem servant inclinationem ; hinc diversus ille gignitur positus.

Nam



Nam primò, hanc diversitatem efficit diversa elongatio Lunæ à Sole. Deinde, quia non eodem diei tempore ejusmodi phasēs, ob intemperiem videlicet aëris, vel occurrentia negotia, vel etiam ob diversum Lunę ortum, potuerunt observari. Adhæc, propter situm varium, respectu Nodorum ac limitum, aliqua quoque occurrit differentia, de quâ suo loco, ubi de Quadraturis agetur, copiosius. Denique, quòd etiam alius atque alius Lunæ locus, in hoc vel illo signo, tempore observationis, cornuum situm in Lunâ possit evidenter mutare: idq; cap. 42, ubi de phasi corniculatâ Lunę decrescente sermo erit, plenius tractabitur. Cæterum omnes quidem figuras eodem modo, quasi in nonagesimo gradu fuissent observatæ, potuissem repræsentare, si id corniculatæ permisissent: sed sic satius esse duxi, effigies Lunæ ita delineare, prout à me sunt animadversæ. Nihilominus tamen etiam ex Iconismis nostris expressis, statim colligere licet, quantum Luna, tempore observationis, à nonagesimo gradu distiterit. Quòd autem in plerisq; phasibus corniculatis crescentibus, cornua Lunæ de die in diem, magis atq; magis adsurgere videantur, nec non in Gibbosis magis magisq; ad inferna vergere; quòdq; in decrescentibus phasibus contrarium reperiat; id potissimum (sicut quilibet ex iis, quę antè dicta sunt, facile intelligit) ex quotidianâ majori elongatione Lunæ à Sole, & tardiori ortu Lunæ, vel observatione, provenit.

Demum verò in specie hoc loco dicere habeo, quòd circa præsentem phasin Lunæ Lunatæ, nihil ferè singulare & notabile occurrat, nisi quòd confinium luminis & umbræ, (quod hîc loco horizontis est) ubi Pontum Euxinum interfecat, sit admodum planum & æquale, quum istic insignis detur planities; reliquæ verò adjacentes partes sunt asperæ, satis inæquales & confragosæ, quia haud dubiè in iis montosa loca, & convalles abundè insunt. Insuper notes quòd hæc phasis sit ejusmodi, quæ, circa initium Cancris, & limitem Austrinum, fuit observata, quo tempore maxima libratio Lunæ, in orâ Lunæ occidentali, vel intermedio ferè loco, inter occidentem & septentrionem deprehenditur, nimirum inter Paludem Mæotidis, lacus hyperboreos, & peripheriam Lunæ occidentalem; vel

*Quare non omnes figuræ phasium Lunæ, in nonagesimo gradu sint repræsentatæ?*

*Quæ circa propositam phasin Lunæ sint memoratu digna?*



est ejusmodi phasis, in quâ Palus Mæotica quasi in limite maximæ fuit digressionis. Quare, quum hoc ipsum, rarò in tali phasi occurrat, ideoq; eò majorem considerationem meretur.

## CAPUT XV.

## DE LUNAE PLUSQUAM LUNATAE PHASI.



**E**X omnibus quidem Phasibus tam concavis, seu curvatis, quàm etiam utrinque prætumidis & gibberosis, apparet, quòd terminus illuminationis, vel sectio luminis & umbræ, sit linea arcuatim curvata: qualis autem sit species lineæ, non cuivis esse cognitum existimo. Siquidem curvarum linearum, variæ planè species in Geometricis numerantur, quemadmodum sunt: cochlides, conchoides, colubrinæ, citroides, arachnoides, flexuosæ, catenatæ, spirales & hujusmodi aliæ. Primarię verò lineæ curvæ, in quibus maxima latitant arcana, sunt hæ quatuor: Circularis, Elliptica, Parabolica & Hyperbolica, quæ omnes à diversâ coni sectione fluunt, sicut omnibus, qui in Geometriâ non nihil sunt versati, perspectum est. Harum verò specierum etiam una est, sectio luminis & umbræ phasium. Quæ verò & qualis illa sit exactè, in eo non omnes consentiunt. Albategnius vult lineas phasium esse circulares. Et verum sanè est, quòd latus Soli oppositum arcus sit circuli visionis: alterum autem latus à Sole aversum nequaquam: quamvis Vitellio lib. 4. prop. 77. illud videatur confirmare, inquiens: *Falcatam speciem duobus quasi equalium circulorum arcubus contineri*: contrà eodem libro 4. prop. 75. ait: *in genere irregularem esse gibbum*. Verùm nolo ampliùs in veterum Opticorum sententiam, de lineis phasium inquirere: siquidem constat, & à Mathematicis nostræ tempestatis liquidò demonstratum est, has lineas non esse circulares, sed Ellipticas: velut, inter alios, Kepplerus, vir admirandæ sagacitatis, in Opticâ Astronomiæ parte cap. 6. pag. 243. hoc evidentibus docu-

Dantur varia species curvarum linearum in Geometriâ.

Opticorum veterum sententia de figura phasium Lunæ illuminationarum.

Phases Lunæ figuram Ellipticam emulantur quodammodo.



documentis probavit, ut & Franciscus Aguilonius, rarâ eruditione clarissimus, lib. v. Optic. Proposit. 43. 44. & 45 : ita ut fieri nequeat, utrumque latus phaseos simul esse posse circulare, nisi in accuratissimâ conjunctione, vel oppositione Lunæ cum Sole; quoniam scilicet extra illud tempus nunquam recta, ex oculo in centrum Lunæ porrecta, circulo illuminationis sit parallela. Quando verò accidit, ut bases partium luminosæ & aspectatæ, se se mutuò normaliter secent, sitque pars illustrata hemisphærio minor; tunc omnino necessarium est, ut in ejusmodi phasi una pars è regione Solis sit circularis; at altera elliptica, & intus cavata, scilicet confinium luminis & umbræ. Contrà, si basis partis sphæricæ illustratæ, basin portionis visæ ad normam secet, sit autem hac illâ major : quod de splendido segmento cernitur, sector est sphæricæ superficiei : at mixta figura apparet ex circulari ambitu, & ellipseos peripheriâ exteriorius curvatâ, sicut fit in omnibus phasibus gibbosis. In utrâque autem Quadraturâ bases hemisphærii illustrati, partisque visæ, se mutuò secundum normam secant. Quocirca universus arcus, totaque superficies, quæ de illuminato hemisphærio conspicitur, non solum tanquam exactus semicirculus appareat; sed etiam terminus illuminationis tunc examussim lineam rectam repræsentet, planè necesse est; sicuti Vitellio id pluribus demonstrat lib. 4. Prop. 76. Etenim, posito oculo, unâ cum circulo, in eodem plano, quemadmodum in hoc casu accidit; tunc ipsius circuli ambitus, è longinquo recta linea apparebit, velut hoc ex 57. Prop. lib. 4. Optic. Aguilonii manifestum est. *Si in eodem plano, in quo Oculus, circulus positus fuerit, recta linea ipsius circuli ambitus è longinquo apparebit.* Proinde extra Quadraturas, & vera Plenilunia, necnō Interlunia, sectiones phasium, tam crescentis, quàm decrescents Lunæ, non semper, quoad curvaturam, persistunt eadem; sed quotidie variant : siquidem vel magis recedunt à rotunditate circuli, & fiunt obtusæ, vel magis contrahuntur, fiuntque acutæ, donec revertantur in circularem lineam, prout coni illuminationis & visionis, aliter atque aliter, de die in diem se se intersecant, focique Ellipseos mutantur. In phasibus curvatis, vel concavis Lunæ, à conjunctione usque ad primam Quadraturam, sectiones quotidie, & pedetentim confiunt obtusiores: post

*Quando lumen Lune evadat circulare?*

*Quando phasis Lune exactum referat semicirculū, quando Ellipsin, & quando circum?*



Quadraturam autem usque ad oppositionem, sectiones in phasibus gibbosis & incurvatis, in singulos dies evadunt acutiores, donec tempore oppositionis, rursus in circularem lineam convertantur, indeque ab oppositione ad ultimam usque Quadraturam, in dies existunt obtusiores: ab hac verò Quadraturâ, dum tendunt sectiones ad conjunctionem, quotidie cernuntur acutiores &c.

*Elliptica figura Luna, non de curvaturis ejus particularibus, sed de ambitu intelligenda est.*

Velim hîc insuper observari, quòd, quando de lineis phasium ellipticis loquor, parvas illas curvaturas & flexuras, quæ ratione Montium & Convallium in Lunâ insunt, excludam à confiniis: siquidem lineas istas ita considero, quasi corpus Lunæ sit omnino lævis, & æqualis sphaera: alioquin hæ lineæ ellipticæ non planæ, sed valde flexuosæ, & irregulares evaderent, ita ut hisce phasibus, nulla regularis figura posset tribui, præsertim quum in horas mutantur. Qui verò plura de hisce scire discipit, prolixasque demonstrationes expetit, is antè nominatos autores consulat.

*Curphasæ Luna in Capricornu sunt observatu difficiles?*

Cæterum in accuratiori hujus figuræ contemplatione, occurrunt nonnullæ res notabiles, quarum sparsim facta est supra mentio. Itaque, qui phasin hanc diligenter intuebitur, is rem omnem eò meliùs adsequetur. Ejusmodi autem phasæ, quæ circa Capricornum, in Signis Solstitialibus Hybernis, accidunt, difficiliores sunt observatu, quàm quæ fiunt circa Cancrum, in Signis Solstitialibus Æstivis; præsertim, cum simul magnam latitudinem Austrinam obtinent. Primum namque illæ phasæ paucas horas supra horizontem morantur: deinde humiles repunt, nec se se altiùs in ipso Meridiano constitutæ septem gradibus tollunt. Hinc verò non solum propter obstacula complurium excelsarum ædium; verum etiam ob crepusculorum longiorem durationem, & densas exhalationes, quæ circa finitorem coacervantur, observationes sæpenumero impediuntur, atque turbantur. Nihilominus tamen danda est opera assiduis Cœli contemplatoribus, ut occasionibus, quotiescunque fieri potest, observandi phasæ Lunæ, etiam circa Capricornum inhient: maximæ siquidem mutationes Lunæ, quæ ad colorem & formam, quæ etiam ad motum librationis, ejusque termi-



*Plafis Luna Pluquam Lunata Crescentis.  
Observata in 14 Gradus  $\approx$ , circa puncta intermed. et 8.*

*GEDART.*

*Anno Christi 1644. Die 4 Decembr. hora 6 à merid. num.  
à Coniunctione vbi 7. Diei 6 Currentis.*



*Autor Sculpsit.*







terminos, circa Capricornum, & circa Cancrum à nobis hucusque animadversę. Etenim, ex ejus generis observationibus crebrioribus, in hujusmodi signis oppositis, & in primis in utraq; maximâ & diversissimâ latitudine, innotuerunt mihi primùm termini librationis, & facultas data explorandi differentiam diversorum horizontum, ac limitum hujus librationis : quę in Lunâ indagare non licuisset, si mihi ejusmodi defuissent occasiones.

Hocque ipsum, præsens Lunę phasis multò meliùs declarabit & ostendet, quam evidens sit discrimen, inter phases Lunę circa signum Cancri observatas, & reliquas aliis in locis Zodiaci visas : siquidem non tantùm Palus Mæotis & Mare Caspium, unà cum aliis vicinis locis, utpote Insulâ majori prædicti Maris, Montibusq; Riphæis multò obscuriores, solitoque pallidiores minores ac angustiores conspiciuntur; verùm etiam variat situs harum Macularum respectu distantię à Peripheriâ; quemadmodum hoc manifestum evadit, tum ex Palude Mæoticâ, tum maximè ex gemino Lacu Hyperboreo, qui nunc Peripheriam propiùs contingit, & insuper colore adeò diluto apparet, ut vix etiam Telescopio generoso pateat. Quandocunq; autem aliis in Signis observantur hæ Maculę, tum non solum longiùs à Peripheriâ absunt; verùm etiam majores apparent, obscuriore colore sunt præditę, statimque aspectu percipiuntur; sicut hoc, ex præcedente & proximè sequente figurâ, multisque aliis elucet. Unde verò tanta differentia, & variatio existat; id antè fuit abundè expositum.

*Differentia est notabilis, inter phases Lunę animadversas in Cancro, & inter eas, quę aliis in locis signiferi sunt observata.*

Denique etiam fieri quandoque potest in Lunâ, ut ejus Maculę jam antè nominatę dilutiores adhuc videantur, & respectu limbi, viciniore. Nam Lacus hyperborei adeò Peripherię possunt appropinquare, ut vix eos cernere liceat, præsertim

*Lacus Hyperborei, ubi Peripheria Lunę magis, ubi minus appropinquant?*

Lunâ circa principium Capricorni versante, & maximam Latitudinem Borealem occupante;  
sicut exempla sequentia hoc docebunt.



## CAPUT XVI.

## DE LUNAE ADOLESCENTIS

## PHASI.

Unde inaequalitas Lunæ, in Mensibus Synodicis?



Quòd Anomalia, seu inæqualitas motus in Lunâ Menses Synodicos Lunares variet, id ex capite septimo, in quo de motu Lunæ egimus, liquidò patet. Quum igitur motus Lunæ nunquam sit æqualis & uniformis, ideoque nusquam æquale reperitur intervallum, inter conjunctionem Lunæ cum Sole, & Quadraturam. Interdum enim hoc spatium, diebus octo, & quod excurrit; interdum septem, interdum sex cum dimidio, conficitur: ita, ut differentia ad biduum se se propemodum extendat, prout Luna, æstate vel hyeme, circa Perigæum, vel Apogæum observatur. Proinde tot phasēs inter conjunctionem, & Quadraturam contingere possunt, quot dies huic intervallo intercurrunt (si nimirum quotidie unam numeres) sicuti Iconismi Lunares, id satis abundè comprobant. Cum primis præsens figura, inter eas est numeranda, quam Luna circa Perigæum ambulans, solito citiùs acceleravit: siquidem Quadratura sexto mox die post veram Luminarium synodum est subsecuta, ita, ut inter conjunctionem, ipsamq; Quadraturam, quinque duntaxat phasēs, etiamsi nulla fuerit neglecta, necessariò collocandę sint: quemadmodum id 1. 4. 6. hæc ipsa octava, decimaq; probant, quæ omnes in Mensem Aprilem cadunt.

Sequens autem phasis Lunę cornutæ inter eas est, quam Luna tardiore suo motu adduxit: etenim id temporis, totos novem dies, paucis deficientibus horis, à conjunctione ad usque Quadraturam numerando insumsit. Luna namque circa Apogæum, & Sol circa Perigæum extiterunt, ita, ut insequens phasis biduum adhuc à primâ Quadraturâ abfuerit, tametsi latior, quoad intersectionem lucis & umbræ, respectu Macularum, deprehenditur, quàm proposita hæc octava phasis.

Cur autem sequentem phasin Lunæ nonam, quæ spatio unius



*Phasis Luna Adolescentis.*  
*Observata in 50 Gradu E, circa maxim. librationem.*


*G E D A N I.*

*Anno Christi 1644, Die 12 Aprilis, hora 9 à meridie numerata, à*  
*Coniunctione vero 17, Diei 6 Cur.*



*Autos Sculpit.*







unius diei magis abscedit à Quadraturâ, quàm hæc octava, Lunæ dimidiatæ propinquiorem statuerim, quum tamen revera ab eâ remotior extiterit, hæc fuit causa; quòd nunquam constituerim, sequi ordinem phasium, quoad distantiam à Quadraturis; sed hic fuit mihi scopus propositus, observandi tantum ordinem earum phasium, quæ, Macularum respectu, sectionem luminosæ & umbrosæ partis ampliarent: quia scilicet propius ad phasin Quadraturæ accedunt hac in parte, quàm reliquæ præcedentes. Etenim nisi hoc attendissem, mox turbato ordine phasis minor apparens majorem subsecuta fuisset: id autem ob difformem adspectum datâ operâ præcavere volui. Quod si fieri potuisset, ut uno mense omnes has figuras mihi consignare licuisset, tunc equidem meliori ordine, secundum externam speciem, se se conspiciendas præbuissem; verum labor iste tamen non æque necessarius, & utilis esset habendus, ac præsens à me servatus ordo. Namque consimiles tantum phasies quoad motum Librationis, adspectui patuissent, ex quibus neque motus Librationis, neque diversæ Macularum apparitiones, quæ inde sequuntur, deduci & intelligi potuissent, quemadmodum jam leviori operâ fieri potest: Luna namque distinctis anni temporibus, in distinctis signis & gradibus Zodiaci, jam circa Nodos, mox circa limites; dehinc circa apsidēs, & denique in intermediis locis, à me fuit observata, & in chartâ delineata, ita, ut ex his Iconisimis, eò commodius variæ phasium Lunarium inæqualitates, progressiones & mutationes deprehendi non nequeant. Id quod fieri neutiquam potuisset, si unius & alterius Lunationis phasibus exprimendis duntaxat inhæsissem.

*Quid in ordine phasium Luna potissimum attenderim?*

*Varietas & inæqualitas phasium unde?*

Exemplum, quod hanc doctrinam abundè confirmet, in præsentē phasi est obvium. Nisi enim ea fuisset observata, & annotata in signo contrario, diversoque anni tempore, neque scire, neque credere potuissemus, tantam dari varietatem inter tam cognatas figuras, quoad luminosam Lunæ partem & confinium. Nam ex hac phasi liquet, quòd spatium inter Paludem & Peripheriam, jam sit latissimum, quoniam Luna est in Cancro, limiteque Australi; &, quòd duæ oblongæ Maculæ,

*Unde notabile discrimen, inter cognatas figuras existat?*



*Ubi Periphe-  
ria Lunæ ma-  
ximum Li-  
brationis te-  
minum com-  
monstret?*

in eo scilicet spatio, sint conspicuæ, nempe uterque lacus occi-  
dentalis; sicuti etiam Palus ipsa latiuscula, & nigricantior ap-  
paret: confines quoque Montes & Valles, magis sunt expan-  
sæ, & ad maiorem nigredinem tendunt, ut & duo Lacus Hy-  
perborei, qui à Peripheriâ Lunæ longius adhuc distant, sic ut  
Palus Amadoca distinctè admodum cernatur; contrà verò ac-  
cidit, in præcedente figurâ. Præterea etiam Peripheria Lunæ  
occidentalis, terminum maximum Librationis nobis ostendit:  
siquidem limes Austrinus, Lunam evexerat, ad latitudinem Me-  
ridionalem 4. grad. 42. min. Ubi insuper hoc animadversio-  
ne dignum, quòd vix liceat nobis occidentalem Lunæ oram  
unquam patentiore, & in eâ, Pal. Amadocam, tam eviden-  
ter conspiciere, quàm in hoc situ Australi: frequentius autem  
multò minùs, de eâ nobis videre contingit.

*Quadam  
partes um-  
brosæ in Lu-  
nâ, unde?*

Porro oblongæ illæ Maculæ circa Paludem Mæoticam, haud  
dubiè nihil aliud sunt, quàm profundæ, & opacæ colles Mon-  
tium Alanorum, quæ in hac delineatione maximè enitent.  
Exiguas illas semilunulas, quæ in Tauricâ Chersoneso, ad Pon-  
tum Euxinum, interque Insulam Macram Montemque Bero-  
sum, apparuerunt, nihil aliud esse censeo, quàm concursum ali-  
quot Collium, Montium & Vallium. Quin & nigricans il-  
lud & umbrosum, quod conspicitur infra Montem Dalangver,  
& omne id quoad colorem simile, existimo profectum à refle-  
xione densarum sylvarum, si nimirum nonnullæ ibidem adsunt,  
vel à reflexione quamplurimorum collium; quæ certè umbra  
non tam facilè discernitur, ac quæ ab immensis jugis Mon-  
tium oritur.

*Pontus Eu-  
xinus qualis  
sit substantia?*

Confinium verò lucis & umbræ, hîc argumento est cum  
aliis, Pontum Euxinum esse valde amplum, & æqualem plani-  
tiem, inque eâ parte Mari nostro nihil absimilem: in quo ta-  
men sparsim perquam multæ comparent Insulæ, Montes &  
Scopuli.

*Cur quadam  
Macula de  
die in diem  
coarctari vi-  
deantur, ma-  
jori lumine  
repleantur,  
atq; ægrius  
cognoscantur?*

Denique, in conformi specie Lunæ, Montes Sogdiani, Coi-  
bacarani & Dalangueri, vel eorum convalles, maximè jam  
emicant; quia Sol eas partes nondum ex alto loco illuminat,  
& ideo tantummodo circa montium culmina, convalles terminat:  
postea



postea verò, in singulos dies fiunt angustiores, quia Sol pedetentim Selenitis ascendit, sublimiorque fertur, hinc majus lumen hisce partibus adfert.

## CAPUT XVII.

## DE LUNAE JUVENIS PHASI.

**S**Elenographiæ Studiosus, qui motum librationis disci Lunæ, bene intellexerit, probeque perpenderit, primâ statim fronte, ex phaseos hujus inscriptione colliget, qualisnam ejus esse possit facies; quantum, & quodnam latus versus, Maculæ Lunares se se libnaverint num interstitium, Peripheriam inter & Paludem, sit dilatatum, vel compressum, Lacusque hyperborei, sive vicini, sive remoti à limbo extiterint? & hujusmodi alia. Quæ omnia, ex solâ inscriptione & titulo, uti diximus, percipiuntur; cum primis si vera longitudo & latitudo, simul & locus Lunæ respectu Apogæi, vel Perigæi fuerit annotatus: quemadmodum plerumque in figurarum frontispicio à me factum: quæ autem fortè, brevitatis gratiâ, interdum omiſsa fuere, illa in admonitionibus vix intactu reliquimus.

*Phasium tituli, & inscriptiones, quibus rebus interserviant?*

Quæ inscriptiones perquam etiam sunt utiles, si scire volueris, quando similis phasis hujus, vel alterius alicujus figuræ de novo sperandâ, quæ, tam quoad motum libratorium, quàm confinium prorsus sit eadem. Quâ gratiâ etiam necesse est, ut Ephemerides diligenter pervolvās & perquiras, quonam tempore similis phasis, omnia scilicet habens requisita, in titulo expressa, sit reditura; non solum quidem, quando Luna ætate, sed & in motu longitudinis, latitudinis & Anomalie solutæ similis futura? Quæ si omnia circa phasin certam iterum contingant (quod tamen rarò sperandum) indubitatè affirmare poteris, illâ in Ephemeridibus, expressâ die, prorsus in omnibus parem apparituram phasin.

Quamvis verò etiam Apogæum vel Perigæum Lunæ, tum temporis adhuc aliquantulum inveniatur à priori diversum; ni-

hilo



hilo tamen minùs futura Lunæ facies, idcirco non multùm erit abfimilis; quia videlicet motus Apogæi huc parùm facit; (ut suo tempore & loco dicetur) dummodo enim phasin ætate, longitudine & latitudine parem reperias, simulque supra horizontem conspicuam, certè nullum est dubium, quin eadem Lunæ facies se se denuo repræsentet. Posito verò nullam planè aliam phasin, in Ephemeridibus reperiri posse, quàm, quæ solummodo quâ longitudinem priori respondet (qualis ferè conspicitur quotannis, si aura fuerit defæcata) & hæc, inquam, parùm erit diversa, nisi quòd supra Mare hyperboreum, circa Montes hyperboreos, Paludemque Amadocam, latior vel arctior apparuerit: prout latitudo respectu prioris phasis, cui respondere debet, aut major aut minor, Borealis sive Australis est futura. Sin verò nec in longitudine aliquam parem reperire detur, profectò frustrà erit, simillimam exspectare phasin, illo tamen excepto casu, qui se se offerre potest in ejuscemodi signis, quæ pari gaudent declinatione: E. g. In Ariete & Librà, motus librationis est idem (si nimirum, nec latitudo, nec Nodi attendantur) sic quoque in Tauro & Virgine, Geminis & Leone &c. Ex quibus quidem satis superque apparet, quàm maximè sint necessariae Inscriptiones, phasibus adjunctæ.

*Circà quadraturas spatia diurna illuminationis, admodum velociter crescunt, & decrescunt.*

Porro, quod attinet præsentem Lunæ faciem, hæc quoque ex illarum crescentium est numero, quæ intus sunt curvatæ, vel concavæ; quamvis omnium sit ultima: proxima sequens, est Quadraturæ facies, in quâ sectio luminis & umbræ, jam in rectam descendit lineam: mirumque profectò, spatio viginti quatuor horarum (sicuti ex octavâ phasi præcedente, tot tantum horis ante decimam figuram, nempe Quadram, observatâ, deprehenditur) sectionem illam tam subito esse variatam. At semper id accidit. Quemadmodum enim circa Quadraturas spatia diurna illuminationis celeriter crescunt, atque decrescunt: sic & velociter admodum sectiones tum temporis mutantur, atque variantur.

Cæterum, sicuti hæc phasis proximè antecedenti figuræ omnino ferè opponitur, quoad motum librationis: ita rursus, à septimâ in ordine, parùm aut nihil differt; nisi respectu ætatibus



*Placidus Luna Iuvenis.*  
*Observata in 22 Gradu T in Distant. intermed. inter Limit. B. et V.*

*GEDA NY.*  
*Annus Christi 1644 Die 5 Novemb. hora 6 à meride num.*  
*à Coniunctione vers 1 Diei 7 Curr.*



9.

*Autor Sculpsit*







tis & confinii. Limbus enim Lunæ occidentalis, indicat prope modum verum terminum minimæ librationis, in Lunæ latere Zephyrum respiciente: ita ut lacus hyperborei, limbo valde vicini, quasi in ipsâ Peripheriâ, spectentur, vix ac ne vix quidem dignosci queant. Quænam autem præterea, ex ejusmodi maximè libratâ Peripheriâ oriantur? jam suprâ passim dicta sunt.

Confinium autem parùm quidem admodum differt à duobus præcedentibus, respectu distantiae, interim tamen ulteriùs Lunam intersecat, quoad Maculas; eamq; ob causam id confinii bene notandum, quòd loca Lunæ præcipua terminet, utpote, Montem Serrorum & Carpatem, quorum Valles omnino sunt umbrosæ: quando in horizonte quasi sunt constitutæ, ubi vertex tantùm Montium à Sole stringuntur. Secundo, confinium illud Montem Æmum, ex parte etiam Sinum Peronticum, Montem Horminium, Amaum, Antitaurum, Taurumque intersecat, qui omnes mirandæ sunt altitudinis; id quod, ex areolis clarè illuminatis procul à confinio distantibus, colligitur. Cum primis omnium Montium sunt maximi, qui Byzantium non procul à Ponto Euxino, circumvallant, inter hos putà, qui hac quidem vice in termino lucis conspiciuntur: nam cuspis extrema, unâ vigesimâ sextâ parte diametri, à sectione lucis videtur esse remota, cum tamen hæc

Phasis duobus diebus ante veram extiterit quadram.





## CAPUT XVIII.

DE QUADRATURIS IN GENERE, UT ET  
in specie de hisce tribus delineatio-  
nibus Lunæ Bisectæ.

**S**atis copiosè capite octavo, de motu Lunæ Librationis egimus, deque illius origine & proprietate; imprimis dicto, quòd motus ille maximam variationem in Quadraturis procreet, tam Macularum, quàm confinium: ita ut sectiones luminis & umbræ, modò propiùs Zephyrum, modò Subsolanum versùs, modò rectà per centrum transeant, indeq; hujuscemodi alia quamplurima. Quia verò de omnibus hisce, ac præsertim de progressionibus & retrogressionibus Sectionum, itemque Quadraturarum, itemque verò etiam aliarum phasium, nec non de particulari motu variationis cuspidum, eo tempore, ob tantam materiæ prolixitatem nondum satis pro rei necessitate tractare potuimus: idcirco hâc datâ optimâ occasione, aspectu scilicet Quadrarum trium harum occupati, illa fusiùs atque evidentiùs, exemplisque adeò additis dilucidabimus; ut nec non reliqua omnia, circa hanc materiam notanda, diligenter monebimus.

*Cur Sectiones Quadraturarum non omni tempore per centrū transeant?*

Ex primo autem intuitu figuræ decimæ præsentis, quæ primæ Quadraturæ est, luculenter patet, lineam luminosæ & umbrosæ partis, multum à centro Zephyrum versùs deviare, Lunæque partem illuminatam, terminare; quod cur fiat, fortasse mirum videtur: siquidem necesse est, ut quælibet Quadratura, sit dimidia pars hemisphærii Lunæ patentis; vel, quod idem, ut confinium ejus, jam dictum hemisphærium bifariam secet: nihilominus verò clarè hîc perspicitur, partem Lunæ illustratam, multò esse minorem, parte umbrosâ. Rursus in undecimâ figurâ, confinium centro est longè viciniùs: at in duodecimâ iterum jam lineam centralem quasi est transgressum, magisq; ortum versùs promotum videtur sic, ut pars luminosa longè major, obscurâ appareat. Admirabiles certæ hæ sunt apparen-  
tiæ,



tiæ, quæ circa Quadraturas occurrunt: idcirco convenit (cùm multum intersit, multaque inde oriantur) quò rectè explorentur, & densâ quâdam exemplorum copiâ demonstrantur, atq; stabiliantur, ne non scilicet constet, omnes has apparentias reiplâ in Lunâ existere, aliterque se se non habere. Id verò hâc vice quoad possum exequar.

Initiò, ex superioribus sparsim dictis, neminem patululùm gnarum Lectorem latere puto, quòd motus librationis, Paludem Mæotidem, ut & alia loca (Montes scilicet & Valles) Peripheriæ adjacentia, modò dilatet, modò maximè comprimat; prout jam exemplis phasium antecedentium, dilucidè fuit demonstratum. Extenduntur autem quàm maximè, uti perceptum, quando libratio omnium maxima in Lunâ Euroaustrum versùs existit; hoc est, Lunâ versante, quantum hætenus colligere licuit, in principio Cancrì: & iterum quàm maximè comprimuntur, Lunâ commorante in Capricorno. Hæc autem dilatatio & compressio Macularum, non tantum ad Paludem usq; Mæotidem, & reliqua loca limbo vicinissima, se se extendit; sed & ad omnes Maculas in genere, in Lunâ existentes: quæ tamen variatio non perpetuò fit modo eodem, nec in simili proportionem, verum semper, secundum aliam atq; aliam à limbo, seu centro Macularum distantiam. Magis scilicet appropinquant Maculæ occidentales centro, magisque elongantur à Peripheriâ, in Signis Ascendentibus: è contrario in quadrante orientali, Maculæ paulatim plus plusq; à centro removentur, viciniioresque, beneficio motus librationis, fiunt Peripheriæ: ita, ut eodem tempore, Maculæ occidentales magis dilatatæ, rursum orientales omnes & singulæ multum compressæ, necessariò spectentur. In Signis verò descendentibus contrarium accidit; quia orientales centro redduntur viciniiores, & occidentales Peripheriæ: fit itaque, ut illæ, tum temporis latiores, hæ verò compressiores, sicut facilè intelligitur, appareant.

Enimvero hinc visibile centrum disci Lunæ, nunquam ratione motus librationis, certæ Maculæ adstrictum, & immobile videtur; sed necessariò, per totum anni curriculum, continuo variari oportet. Quando autem Luna in Signis Ascenden-

*Quando maxima & minima Macularum dilatatio, & compressio, existat?*

*Dilatatio & compressio diversis temporibus est diversa*

*Visibile centrum disci Lunæ est mobile.*



*Et Sectiones  
Quadraturarum  
variantur.*

tibus versatur, tunc antrorsum, secundum seriem signorum, ab occasu ortum versus fertur : deinde, motu quasi converso, retrorsum, contra seriem Signorum, ab ortu in occasum, Lunâ scilicet versante in Signis descendantibus. Quâ ratione, & sectiones luminis & umbræ variantur Quadraturarum, atque reliquarum phasium; quæ planè hunc centri motum, de quo certè non est, cur quispiam dubitet, concomitantur.

*Quæritur,  
cur confinia  
Quadraturarum,  
non semper  
transcant per  
Iconismorum  
centra?*

Sed hîc quædam occurrit quæstio, ad quam utique est necesse, ut respondeamus. Quare nimirum non omni tempore lineæ luminis & umbræ quadraturarum, per verum transcant Lunæ centrum; cum tamen sic fieri meritò deberet : quippe quod pars illustrata, nec minor, nec major, parte obscuratâ esse possit, aliàs enim revera nulla esset quadratura : & tamen ex figurâ decimâ elucet, confinium nondum esse centrum assequutum, sed longissimè adhuc abesse. Ego verò primò, minimè diffiteor, ingruente quadraturâ, partem illuminatam, semper esse æqualem parti umbrosæ; nisi in re minimâ, de quâ suo loco plenius dicetur. Secundò, perpetuò etiam sectionem illam ita per centrum ferri certum est. Quod verò in quadraturarum delineationibus hisce, id non semper contingat, nec à me observatum fuerit; certè incuriæ aut indiligentiæ nostræ neutiquam adscribendum : verum istud sic prægnantibus multis de causis, atque adeò majoris ad spectatorem redundantis utilitatis gratiâ, aliter ob oculos ponere visum. Namque fieri omnino potuisset, ut quadraturæ confinium omni tempore per centrum duxissem, ita, ut Lunam nunquam non in nostris Iconismis, in duas partes æquales divisisset; si solummodo possibile fuisset, tam majores Maculas, ut, Pontum Euxinum, Mare Mediterraneum, Mare Eoum, quàm, reliquas circa medium extantes, in omnibus & singulis phasibus, perpetuò sive comprimere, sive dilatare, secundum scilicet genuinam proportionem, ex motu librationis ortam : quemadmodum item in Maculis ad Peripheriam sitis, utique nullo non tempore observatum. Verum enimvero res ista planè est impossibilis : siquidem sive contractio, sive productio majorum Macularum circa medium se offerentium, tam est exigua, ut vix ac ne vix per-



percipi possit; si non in sectionibus luminosæ & umbrosæ partis, tempore veræ quadraturæ.

Præterea verò, etiamsi isthæc factu fuissent possibilia omnia, adeò ea nos non juvissent, ut obstaculo fuissent. Primò namq; , nunquam constantem aliquam figuram ac delineationem generalem, & primariam phasium construere, exhibere, atque retinere; nec secundò ullo modo ita apertè ac perspicuè variationes linearum, motumque librationis circa Lunæ medium demonstrare potuissemus; sed contrà magna confusio, atque perturbatio figurarum hinc extitisset, ex quâ, vix me ipsum extricasset: &, quod magis, nullis etiam rebus usui talia fuissent; quia differentia adeò exigua, ut vix in Maculis circa centrum constitutis, animadvertatur.

Quibus quidem prout fieri debuit consideratis, statim principio, certam atque constantem delineationem aliquam primariam, sive generalem construximus, putà secundum faciem Lunæ, in Ariete & Librà, libratione videlicet intermediâ, quoad Maculas centrales conspicuam. Quâ in delineatione, postquam vera & debita proportio Macularum, ab omni parte à me fuit explorata, semper delineationem illam haud mutata, quoad majores Maculas, dilatationemque illarum, invariabilem retinui. Motum verò centri in hac figurâ, ut & in reliquis omnibus, ita constitui, ut omnimodè, quocumque tempore, veram Lunæ Peripheriam, ratione librationis, accuratè describere, oculisque subicere possem: quod aliàs factu fuisset impossibile, si Maculas circa centrum semper de loco movissem, illasque minimè fixas esse voluissem. Insuper, si motum centri, æque latum constituissem, ut maxima & minima variatio sectionum quadraturarum invenitur, (quemadmodum ex figurâ & decimâ & duodecimâ apparet) motumq; per signa ita distribuisset: nunquam certè vel unicam phasim correctam delineasset, nedum talem certitudinem motus librationis, per omnia observationibus ipsis consentientem, tibi spectandam exhibuissem, uti quidem factum vides. Namque si centrum etiam Lunæ, in ipsâ hujus decimæ figure sectione collocasset, exque illo limbum descripsissem; profectò Libratio, Paludem

*Qualem figuram generalem Autor initio cõstruxerit?*



Mæotidem Lacusque hyperboreos inter & Peripheriam, non ut jam conspicitur, ac illo tempore reipsâ in Cœlo exstitit, spectaretur, sed duplo ferè major, quàm reverâ esse deberet. Hinc potissimum oritur, quòd, cùm corpus Lunæ sit sphæricum; phases verò in plano sit necesse ut exhibeantur: idcirco hujusmodi inire modum minimè convenit. Nam eò utique maxime respiciendum, quò phases, illarumque motus sic repræsententur, ut quàm fieri poterit exactè observationibus respondeant. Ad quod assequendum, nullum certè aliud medium se se nobis obtulit, quàm quo semper in phasium delineatione usi sumus.

Atq; sic habes præcipuam è rationibus, quare Sectiones Quadraturarum non omni tempore per verum centrum figurarum delineatarum ferantur? & cur certa quædam adumbrata quadratura, modò minor, modò major alterâ appareat? cùm tamen semper ad se invicem sint æquales, tam respectu luminis, quàm obscuratæ partis.

*Sectiones  
Quadratura-  
rum certos  
habent ter-  
minos,*

Verùm ut hanc materiam ulteriùs persequar, sciendum: quemadmodum motus Librationis, circa Peripheriam, certos respicit terminos, quod ex duobus Pleniluniorum majorum limbis horizontalibus, Cancrì & Capricorni deprehenditur; sic quoque Sectiones quadraturarum peculiare certosque limites possident: quo in interstitio, respectu scilicet Macularum, suas progressiones, secundum Signorum ordinem, ab ortu occasum versùs, itemque rursus suas retrogressiones, contra signorum sequelam, absolvunt. Quod quidem spatium, cum illo ad Peripheriam, præsertim circa Paludem conspicuo, ratione latitudinis, minimè convenit; sed quater propemodum majus apparet altero: cùm tamen utraque hæc revera inter se sint æqualia, ut prolixè cap. octavo pag. 247. demonstratum. Nam eo in loco meminì, hanc apparentiam inde oriri, quòd intervallum ad Peripheriam longè obliquius à nobis spectetur, quàm illud, circa medium; hinc necessariò & compressius apparet, licet, quod dictum, ambo sint æqualia: propè enim extremitates, minores sunt æqualium Peripheriarum projecturæ.

Qui duo quadraturarum termini, semel quidem quotannis con-



conspiciuntur, dummodo tempore veræ quadraturæ istius phasios concedatur aspectus : occidentalis, Lunâ existente bisectâ, circa initium Cancrî, verno nimirum tempore : orientalis, Lunâ existente bifidâ, circa initium Capricornî, tempore Autumnali, prout ex decimâ & duodecimâ figurâ videre est, quæ circiter illud ipsum tempus, sunt delineatæ.

*Quando termini extremi Quadraturarum appareant.*

Primæ quadraturæ, 13. Aprilis Anno 1644. observatæ, confinium, Pontum propemodum stringit Euxinum, transgrediturque Montes, Catenæ Mundi nomine insignitos, postmodum Propontidem, prope Insulam Besbicam, Montem Didymum & sic consequenter, sicut ex figurâ patet. Propius, Zephyrum versus, hæc sectio inclinare nequit, id quod inferius permultis observationibus demonstrabitur; adeo, ut hæc omnium sit extima, quæ unquam in phasibus Lunæ dimidiatis deprehendatur : quam melioris distinctionis gratiâ, impofterum Sectionem Vernalem, sive Quadraturam Vernalem, appellabo : quippe ejusmodi, nullo alio tempore, quàm verno, circa Æquinoctium, huc usque conspecta.

*Termini quibusdam observationibus stabiliantur.*

In duodecimâ figurâ Lunæ dimidiatæ, confinium offertur, quod omnium ferè maximè ortum versus se se extendit, tametsi adhuc paululum ulteriùs Subsolanum versus procedere possit : namque hæc quadratura, non in ipso principio Capricornî; sed in 13. jam gradu ejusdem Signi; adhæc horâ septimâ (quodque maximum) ante veram quadraturam est observata, ut paulò post, ex sectionibus quadraturarum liquidius constabit. At vera sectio extima orientalium, per Lacum nigrum majorem circiter, Insulam videlicet Lesbiam, Montemque Sinai trajicitur; quam, in sequentibus, Autumnalem, seu Quadraturam Autumnalem nominabo, cum nunquam nisi tempore Autumnali, hætenus nobis obviam venerit. Cujus generis sectio, à me observata Anno 1644. die 9. Septemb. horâ 9. à meridie numeratâ; à conjunctione verò 16. diei 9. currentis, primâ ante veram quadraturam, Lunâ versante in 23. Sagittarii, circiter nempe initium Capricornî, inque latitudinis Borealis 5. gradu, limitemque boreum.

Inter hæc autem duos extremos terminos, omnes quadraturæ



*In certo interstitio Sectiones Quadraturarum perpetuò suas reciprocationes peragunt.*

turæ earumque sectiones, quæ unquam in Cœlo apparent, conspiciuntur. In priori semestri à Vere usque ad Autumnum, sectiones antrosum, secundum signorum seriem, promoventur, ab occasu in ortum; prout singulis mensibus Quadræ, in aliis atque aliis Zodiaci Signis consequentibus deprehenduntur: postmodum, ab Autumno iterum hæ sectiones recurrunt in antecedentia, ab ortu in occasum, singulisque mensibus sextâ parte ulterius promoventur, vel retrorsum feruntur (si illas sectiones tempore veræ quadraturæ observare contingit) usque rursus ad tempus vernum, quando quadratura in Cancro denovo oritur.

Quod si verò ipso Quadraturæ articulo, eas videndi non detur copia (sicut plerumque fit, quando Quadratus de die incidit, sic ut demum sextâ, septimâ, vel etiam octavâ horâ, ante, vel post verum aspectum cernatur) tunc nec sectiones accuratè, & strictè terminos suos observare possunt; eò, ut modò remotiores, modò propiores videantur: quippe Sectionum illuminationis spatia, circa quadram, quàm citissimè variantur.


*Sectiones Quadraturarum Menstruæ, schemate exprimentur.*

Hæc ut facilius percipiantur, figuram quandam, partem nempe delineationis primariæ, situm, formam, proportionemque Macularum, simplicibus lineis quàm diligentissimè exprimentis subjiciam, quâ mediante, non solum Sectio Vernalis, & Autumnalis Quadraturarum, Lunâ commorante in Cancro & Capricorno, respectu Macularum; sed & spatia illa intermedia ostendentur: nec non quomodo Sectiones alio atque alio anni tempore, in diversis Eclipticæ Signis, variantur. Verùm memineris necesse esse, ut omnes hæ Sectiones circa limites contingant; aliàs paululum, aut hanc aut alteram plagam versus, se se inclinant: sicut mox fusiùs hac de re dicetur. Linea extrema omnium A occidentalis, monstrat speciem confinii, tempore veræ primæ Quadraturæ, Lunâ existente in Cancro; qualis facies, quemadmodum ex Lunationibus, aliisque permultis observationibus, superioribus annis habitis, clarè patebit, hæcenus semper circa Æquinoctium Vernale à nobis fuit observata. Altera B, ostendit circiter locum sectionis, quo nempe pervenire possit, si vera Lunæ

Qua-



Quadra, circa Leonem, seu Geminos existat. Tertia C, si quando circa initium Virginis, vel Tauri accidat. Quarta & media D, speciem sectionis quadraturæ Æstivalis & Brumalis offert, in Librâ vel Ariete existentis. Quinta linea exhibet locum confinii circiter, quando Quadra in Scorpione, vel Piscibus observatur. Simile exemplum à me observatum Anno 1644. die 10. Augusti, horâ 7. à merid. num. à conjunct. verò 1. diei 9. currentis, primâque statim horâ post veram Quadraturam, Lunâ commorante in 19. grad. Scorpîi, in 5. latitud. Borealis grad. circa limitem Boreum. Sexta, quando quadratura in Sagittario, & Aquario occurrit. Denique ultima est Sectio Autumnalis, quadrâ in Capricorno existente. Ejusmodi sectionem, reliquas ut taceam, ipsemet oculis conspexi, Anno 1644. die 9. Septemb. à merid. num. ut paulò antè retuli. Sicque in semestri spatio priori, à Vere usque ad Autumnum, ut modò dicebam, antrorsum secundum Signorum sequelam procedunt, in posteriori, eodem omnino motu retrorsum feruntur.



lis offert, in Librâ vel Ariete existentis. Quinta linea exhibet locum confinii circiter, quando Quadra in Scorpione, vel Piscibus observatur. Simile exemplum à me observatum Anno 1644. die 10. Augusti, horâ 7. à merid. num. à conjunct. verò 1. diei 9. currentis, primâque statim horâ post veram Quadraturam, Lunâ commorante in 19. grad. Scorpîi, in 5. latitud. Borealis grad. circa limitem Boreum. Sexta, quando quadratura in Sagittario, & Aquario occurrit. Denique ultima est Sectio Autumnalis, quadrâ in Capricorno existente. Ejusmodi sectionem, reliquas ut taceam, ipsemet oculis conspexi, Anno 1644. die 9. Septemb. à merid. num. ut paulò antè retuli. Sicque in semestri spatio priori, à Vere usque ad Autumnum, ut modò dicebam, antrorsum secundum Signorum sequelam procedunt, in posteriori,

eodem omnino motu retrorsum feruntur.

Quadraturarum Lunæ decrefcentium planè eadem quidem est constitutio, quoad reciprocationes, nisi quòd Sectio, exempli gratiâ A, Lunâ in Cancro versante, non tempore vernali, sed autumnali spectetur; sic, ut contrario modo, ab Autumno usque ad vernum tempus, semper in Signis descendantibus, ab occasu in ortum, secundum ordinem Signorum, promoveantur :



tur : quo fit, ut singulis mensibus quadraturæ compressiores, strictioresque videantur. Postmodum, à Vere usque ad Autumnum procedunt iterum in antecedentia (cùm in Signis scilicet ascendentibus versantur) singulisque mensibus latiores, majoresque respectu Macularum apparent.

*Sectiones  
Quadratura-  
rum observa-  
tionibus cor-  
roborantur.*

Hæc ita esse, observationibus comprobabo; primò quidem Sectionem Vernalem & Autumnalem, decimâ, trigessimâ, duodecimâ & trigessimâ secundâ; quarum quidem observationum multò adhuc plures, cùm de Lunationibus agetur, proponam. Reliqua puncta intermedia optimè etiam respondere, undecimæ & trigessimæ primæ phasi, non minùs illis, ex modò dictis Lunationibus depromptis, animadvertes. Noli autem turbari,

*Quibus de  
causis, Se-  
ctiones illæ  
aut promo-  
veantur, aut  
retardentur.*

Benevole Lector, si primâ fronte sectiones quædam tuo iudicio, quodammodo vacillantes videantur : est enim maxima hujus rei ratio (ut paulò antè retuli) quòd quadraturæ non perpetuò in Signorum principiis nascantur, admodumque raro, verum temporis momentum harum phasium observari possit. Etenim plerumque evenit, quòd horis aliquod, antè, vel post, fuerint observatæ atque delineatæ; quod sanè rei hujus multum interest : nam quatuor horæ, tantam circiter differentiam invehunt, quantum est interstitium inter duo puncta interjacens; & octo vel novem horæ, duplo majorem. Quamvis enim e. g. quadra crescens in Leone accideret, post horam autem octavam primùm observaretur; tunc certè, illius sectio luminis & umbræ, non in B, five puncto Leonis tibi appareret, sed in D puncto Arietis : quoniam tantum quidem luminis, phasi, in tot horis, accrescere maximè potest. Hocque inde demonstro. Cùm viginti quatuor horarum spatium, sectiones quadraturarum, simile interstitium conficiant, quantum duæ illæ lineæ extremæ A & G, hoc est Cancri & Capricorni comprehendunt, Lunationibus id corroborantibus. Quod si igitur hoc spatii in sex partes dividatur æquales, ut hîc factum, certò deprehendes quatuor horas uni spatio competere. Ex quibus jam nullo negotio colligere possumus, quantum nimirum sectiones hæ quadraturarum differre possint, à punctis exhibitis; si quando illæ phases, non tempore veræ quadraturæ, sed



sed aliquot horis tardiùs, vel citiùs fuerint observatæ: hoc est, quantum retrorsum, vel antrorsum versùs appareant.

Quæ si igitur ut & reliqua omnia, quæ sectiones vel promoveri vel retardare valent, in quadraturarum examine, probè observentur; nullus dubito, quin sectiones Lunæ dimidiatæ, quàm optimè, cum priori librationis divisione conveniant: licet forsitan in primo limine fluctuantes videantur.

Huc usque autem breviter de progressionibus & retrogressionibus sectionum, ex motu simplici, librationis longitudinis ortis, dictum esto. Verùm pauca adhuc restant monenda: motum nempe semestrem sectionum, tam quadraturarum, quàm reliquarum omnium phasium, non continuè, per sex illa signa, esse æqualem, & sibi omni tempore similem: quamvis in priore diagrammate, in sex omnino æquales partes fuerit divisus. Namque motus iste, strictè motum Solis & Lunæ observat, &, ratione luminarium, situs Apogæi vel Perigæi, ubi vel tardiora vel velociora existunt, pariter sectiones, hoc vel illud assequuntur punctum. Spatia verò, secundum talem proportionem, non esse distincta, ratio est: primò, quòd res hæc factu fuerit impossibilis: secundò, quòd in rebus ejusmodi minutissimis meo judicio, planè supervacaneum sit; siquidem multa alia impedimenta indies occurrunt, quæ majorem procreare possunt differentiam, quàm quæ ex motu anomalix solutæ proficiuntur: utpote; primò, si non omni tempore, verum tempus, vel potius visibile quadraturarum attendatur; secundò, cum Luna plus quàm dimidiâ sui parte, à Sole illuminatur, & quidem adhuc inæqualiter, prout Luminaria vel Apogæa, vel Perigæa, exstiterint, de quibus suo tempore fusiùs; tertio, quia & motus Lunæ latitudinis hæc puncta notabiliter variat, & quidem simili prorsus modo, qui in centri motu deprehensus est. Quæ cum ita sint, idcirco minimè utique esse necessarium duco, in totum hoc negotium accuratiùs inquirere; verùm sufficere videtur, ut variationes Menstruæ quadraturarum, in sex tantummodo partes æquales dividantur.

Atque equidem jam rationes istas, aliquâ ex parte, expositum ivimus; quare nimirum lineæ quadraturarum Menstruæ

*Motus Sectionū Quadraturarum semestris sive annuus, non perpetuo est æqualis.*

*Quare spatia sectionum Menstruæ, non secundum inæqualitates competentes, fuerint annotata.*



*Lineæ Quadraturarum Menstruæ, ut & aliarum phasium, non continuè moventur in lineis parallelis.*

modò magis modò minùs varientur? sed omnino meminisse etiam debemus, quomodo, quando, & in quantum scilicet motus Latitudinis Lunæ, has reciprocationes variare possit? In figurâ quidem præcedente, lineæ menstruæ per omnia signa, perpendiculariter incedunt; interea tamen, non est, quod tibi persvadeas, ac si in perpetuum hoc modo progressio & retrogressio continuetur; sed sciendum, has lineas admodum frequenter haud parùm mutari atque variari, tamque in parte Peripheriæ superiori, quàm inferiori, licet, circa medium, prope modum distantia æquales appareant: hoc est, quòd non semper in lineis ferantur parallelis; verùm sæpissimè, statò tempore, modò occasum versùs, cuspide superiori, & inferiori ortum versùs, modò cuspide superiori ortum versùs, & inferiori occasum versùs. Hinc verò evenit, quòd sectio luminis & umbræ, respectu Macularum, nunc sic, nunc aliter se se repræsentet: jamque confinium, Maculam certam in parte Lunæ superiori, vel inferiori ferè stringat, jam satis iterum longè ab illâ distet: etiamsi circa centrum sectionis progressio, ex motu longitudinis orta, planè sit una eademque.

*Quâ de causâ variatio cuspidum oritur?*

*Variationem cuspidum ritè determinare, artis est.*

Hicque motus, qui cuspides, modo antè dicto, dimidiatarum, & aliarum etiam omnium phasium (quod bene notetur) tam mirificè variat atque distorquet, non proficiscitur, ut paulò antè dicebam, ex motu longitudinis Lunæ; sed revera ex motu latitudinis, & ex situ vario Lunæ, respectu Nodorum & Limitum. Quæ ut dictu sint facilia: attamen variationem sectionum quadraturarum, ut & maximam & minimam variationem in gradibus, ex motu Latitudinis descendentem, investigare, explorare, atque ritè determinare, certè artis & laboris est; præsertim cum particula illa sit admodum exigua & in observatione ægrè notabilis. Et verò (si vera citra jactantiam edicere licet) primus ego sum qui hoc negotium explicare aggredior.

Cæterum, nullâ aliâ viâ feliciùs hæc confieri possunt omnia, quàm attentis ipsis quadraturis; siquidem ex aliarum phasium sectionibus, res non æque accuratè succedit. Interim verò hanc ad rem inquirendam, non sufficiunt quatuor, quinque vel sex observationes; sed multò plurimis opus est, quæ sint per signa omnia,



omnia, gradus, casusque, tam longitudinis quàm latitudinis habitæ. Quales autem admodum difficulter comparantur; quòd ejusmodi observationes in illis minutissimis, rectè animo complecti atque notare, cùm difficile sit, tum valde lubricum: quia in superiori Lunæ Peripheriæ parte, pariter & in inferiori, rarò puncta quædam notabilia, se se offerunt: & adhæc observationes ejusmodi, non modicum temporis spatium; sed continuam, & multorum annorum accuratam attentionem sibi deposcunt, si aliàs aliquid certi hac viâ determinari debeat.

Quantum autem, pro hoc tempore, ex meis observationibus, quarum perquàm multas in promptu habeo, conicere possum; hæ lineæ ad quinque circiter gradus, in Peripheriâ Lunæ numeratos, variant, tum in parte superiori, tum inferiori: modò supra prorsum anteriora versùs magis magisque secundum ordinem Signorum promoventur, modò retrorsum contra seriem signorum feruntur, quod tam in crescentibus, quàm decrescentibus evenit, prout Luna, vel in Limitibus, Nodisque, Austrino vel Boreo, fuerit constituta: ita ut ratione diversorum Lunæ situum & Latitudinum, præter illos priores motus Librationis Longitudinis & Latitudinis (quorum capite octavo facta est mentio) adhuc tertius oriatur, quem melioris distinctionis gratiâ in sequentibus, *Motum Librationis Cuspidum, sive Librationem, sive variationem Cuspidum horizontalem* appellabimus.

*Quanta sit  
variatio cu-  
spidum?*

Quò verò faciliùs motum hunc aliquis percipiat, quæ jam diximus, diversis exemplis observationibusque quadraturarum, diversis scilicet temporibus, ac in vario situ, respectu Nodorum Limitumque, habitis, dilucidabimus. Primumque has quadraturarum Sectiones, ut paulò antè faciebam, in certam referam figuram, utpote, quo eo facto, confestim deprehendes, quomodo hæc cuspidum variatio procedat? nec non verò sic facilè demonstrari poterit, modò dictam variationem non esse quinque gradibus majorem, in superiori seu inferiori parte Peripheriæ, hoc est: quòd non supra quinque gradus, unam vel alteram partem versùs, inclinet.

In adjuncto quidem schemate, primariæ scilicet delineationis parte, diversæ lineæ conspiciuntur, quarum aliæ erga se invi-




cem sunt parallelæ, reliquæ verò inclinatæ; interim tamén omnes sunt quadraturarum sectiones, quæ diversis temporibus, atque in diverso situ Lunæ, respectu Limitum & Nodorum,

summâ diligentia à nobis sunt observatæ: qualem scilicet situm & constitutionem obtinuere, ratione Macularum. Quatuor illæ lineæ parallelæ, nempe A, B, C, D, sectiones sunt dimidiatarum phasium, circa & prope Nodum Boreum constitutarum; F & G circa Limitem Boreum; E & L, circa Nodum Austrinum; & I, K, atq; H, circa Limitem Austrinum.

Ex quibus sectionibus, quilibet jam haud difficulter colliget, præsertim is, qui illas diligenter & accuratè considerabit, quomodo, quo loco, & tempore, hæc quadraturarum confinia se se mutant? Maxima verò variatio, sive inclinatio, in Nodo utroque deprehenditur, sic, ut antedictæ sectiones, Quadrâ existente circa Nodum Austrinum, iterumque

circa Nodum Boreum, nunquam parallelæ existant; sed perpetuò certum inclinationis angulum, grad. si ad invicem conferantur, constituent. E contrario omnes lineæ luminosæ & umbrosæ partis Bisectarum phasium, tum circa Limitem Austrinū, tum circa Boreum existentes, non solum perpendiculariter, respectu antecedentium, sunt erectæ; sed & continuè sunt parallelæ: quemadmodum



In quoniam  
loco maxima  
sectionū exi-  
stat inclina-  
tio?



dum id universæ, & singulæ observationes circa limites habitæ, ac in figurâ præcedente annotatæ evidenter comprobant : reliquæ verò circa Nodos observatæ, diversam ostendunt inclinationem; quod imprimis ex lineâ D circa Nodum Boreum, & lineâ E circa Nodum Austrinum observatâ, videre licet. Quod autem hic angulus quatuor non excedat gradus, ex eo evenit, quòd sectio E non prorsus in ipso Nodo Austrino, si-ve puncto intersectionis, sed propemodum duobus gradibus ulterius sit delineata. Reliquarum sectionum, nempe D, C, B, & A, inclinationem ita planè se habere, ut paulò suprà referebam, potissimum confirmat, quòd omnes hac in parte ad unam consentiant; quarum adhuc plures suo tempore, & loco producentur. Nec non verò res hæc ex aliarum phasium omnium confiniis evadet manifestior, si, quod fieri haud ægrè potest, considerabuntur diligentius. Verò certè verius est, me has sectiones, non ad placitum meum, nec ex anticipatâ meâ persuasione, constituisse; verum sic illas ego annotavi, uti observationes mihi dictitavêre. Quæ mihi ipsi res videtur perfectò & mira, quòd in ejusmodi subtili negotio, tam accuratè & exquisitè consentiant omnia.

Ut autem prædictæ hæ observationes sectionum quadratarum, eò majorem mereantur fidem, faciliusq; cum illis phasium dimidiatarum confiniis in Lunationibus commemoratis conferri, atque similes ab aliis ex ipso Cælo depromi possint : ideo & hac occasione determinabo, & ipsum temporis momentum harum observationum, ut & in quonam longitudinis & latitudinis gradu, hæ quadraturæ fuerint observatæ.

1. B. Quadratura decrescens observata in 10. grad. Virgini-  
nis propè Nodum Boreum & Apogæum. Anno 1643. die 3.  
Decembris, horâ 5. à mediâ nocte, ab Oppositione verò 12.  
diei 8. curr. 3. ante veram Quadraturam.

*Diverse ob-  
servationes  
Sectionum  
Quadratu-  
rarum.*

2. D. Quadratura decrescens, observata in 12. grad. Libræ,  
habens latitud. 2. grad. Sept. non procul à Nodo Boreo. Anno  
1644. die 2. Januarii, horâ 6. à med. nocte; ab oppositione ve-  
rò 23. diei 8. curr. tempore veræ quadraturæ.

3. K. Quadratura crescens; observata in 1. gradu Cancri,  
simulq;



simulq; in ipso Limite Austrino, nempe in 5. latit. grad. & 12. minuto. Anno 1644. die 15. Martii, horâ 7. à merid. numer. à Conjunctione verò completo die septimo, horâ septimâ post veram quadraturam.

4. I. Quadratura crescens; observata in 23. grad. Cancri, circa Limitem Austrinum, in 4. latitudinis grad. Anno 1644. die 13. Apr. hor. 9. à merid. num. à Conjunct. 17. diei 7. curr.

5. C. Quadratura crescens; observata in 26. grad. Leonis, circa Nodum Boreum, tantum 1. grad. 30. min. latitud. Merid. habente. Anno 1644. die 13. Maji, horâ 8. à merid. num. à Conjunction. 8. diei 8. curr. 5½ post veram quadraturam.

6. G. Quadratura crescens observata in 23. grad. Sagittarii circa Limitem Boreum. Anno 1644. die 9. Septemb. horâ 9. à merid. num. à Conjunct. 16. die 9. curr. 1. ante veram quadraturam.

7. F. Quadratura crescens, observata in 13. grad. Capricorni, circa Limitem Boreum. Anno 1644. die 8. Oct. hor. 7. à merid. num. à Conj. 21. d. 8. curr. 7. ante veram quadraturam.

Huic similima, adhuc alia crescens observata, in 19. Scorpii circa Limitem Boreum. Anno 1644. die 10. Augusti, horâ 7. à merid. num. à Conjunct. verò 1. diei 9. curr. 1. statim post veram quadraturam.

8. E. Quadratura crescens; observata in 28. grad. Capricorni latitudinem habens Septent. 2. grad. 20. min. non procul à Nodo Austrino, Anno 1645. die 19. Aprilis, horâ 4. matut. 3. ante veram quadraturam.


9. A. Quadratura crescens; observata in 12. grad. Leonis, uno duntaxat gradu Austrum versùs distans à Nodo Boreo. Anno 1645. die 2. Maji, horâ 8. à merid. num. à Conjunct. 18. diei 7. curr. 2. ante veram quadraturam.

10. H. Quadratura decrescens, observata in 22. grad. Geminorum, in latitud. 4½ Austr. circa eundem nimirum Limitem. An. 1645. d. 13. Sept. hor. 2. à med. noct. 4½ post veram quadr.

11. L. Quadratura crescens, observata in 5. Aquarii gradu, & primo latit. Sept. non procul à Nodo Austrino. Anno 1645. die 27. Octob. horâ 9. vespertinâ, tempore veræ quadraturæ.

Quæ







*Luna Bifida Crescens.*  
*Observata in 7° Gradu II circa limit. A.*

GEDANI.

*Anno Christi 1644, Die 15<sup>a</sup> Martii, hora 7<sup>a</sup> a merid. numer. a*  
*Coniunct. vero Die completo 7<sup>a</sup>, hora nimirum 7, post veram □ram.*





Quæ modò adductæ quadraturæ, in antecedente diagrammate, rectis lineis sunt delineatæ; quarum plures etiam exhibuissem, sed evitandæ confusionis gratiâ id consultò intermisi: namque reliquas, quæ adhuc in promptu sunt, differamus in id temporis, cum delineationes Lunationum in medium proferentur.

Quò verò motus hic Librationis, & Inclinationis Cuspidum Lunæ, clarior evadat, materiam hanc, quæ valde est intricata atque obscura, per præsentem figuram & observationem, adhuc magis perspicuam reddere conabimur. Supponamus enim, sectionem aliquam quadraturæ crescentis esse observatam, quæ Lunæ Peripheriam superiorem circa 25. gradum, inferiùs autem grad. 205. tangeret, Lunâ nimirum existente circa Limitem Austrinum, ut in hac phasi evenit: dico itaque, etiamsi diverso tempore, similis sectio in longitudine ratione variationis Menstruæ rediret, Luna verò existeret circa Nodum Boreum: tunc sectionem ad quinque circiter gradus variaturam, sic quidem, ut supra, 22. Peripheriæ gradum, infra verò 200. circiter grad. sit sectura. Quòd si verò Luna circa Nodum Austrinum tum temporis versaretur, quamvis sectio prope inferiorem scilicet Lunæ Limbum, easdem pertransiret Maculas (exempli gratiâ, circa modò dictum 200. grad.) tum nihilo tamen minùs hæc sectio in superiori limbo, iterum haud parùm variaretur, respectu antecedentis sectionis: siquidem in ejusmodi Lunæ situ, magis plagam orientalem versùs  $2\frac{1}{2}$  grad. inclinaret, sicuti circa Nodum Boreum ulteriùs occasum versùs accidit: adeò, ut eò tempore in limbo superiori 28. circiter gradum assequeretur, licet in inferiori parte, sicut referebam, eundem adhuc 200. gradum obtineret; differentia itaque ad 5. gradus, & paulò ulteriùs, se se extendit. Similis planè variatio, & in inferiori Peripheriâ justo tempore deprehenditur (si fixum scilicet punctum lineæ illuminationis superiùs retinetur) sic ut motus cuspidum variationis, æque ibidem 5. grad. variari possit. Hac tamen differentiâ, Luna si existeret in Nodo Boreo, sectio in inferiori parte non occasum (ut in priori casu, ubi fixum illud punctum infra statuebatur) sed ortum versùs tenderet: rursum

*Motus Inclinationis Cuspidum fusiùs declaratur.*



Lunâ versante circa Nodum Austrinum, hæc prædicta sectio non ortum, sed occasum versùs se se inclinaret; id quod ex schemate præcedente clarè elucet.

Quænam autem hujus rei potior sit ratio, & quomodo eveniat, quòd confinium luminis & umbræ, respectu Macularum alium perpetuò referat aspectum circa Limites, quàm circa Nodum Boreum, ac demum planè alium circa Nodum Austrinum? Præterea: cur pariter in Lunæ quadraturis, existente scilicet eâ in gradu circiter nonagesimo, non semper iidem gradus Lunæ Peripheriæ culminent; verùm sectiones luminosæ & umbrosæ partis, in superiori limbo, Lunâ versante in Nodo Boreo, ulteriùs Eurum, & circa Nodum Austrinum Zephyrum versùs, inclinent, quàm circa limites? graphicè jam declarabo.


Primò autem, ex superioribus satis innotuit, orbitam Lunæ nunquam Eclipticæ esse parallelam, verùm continuè in certis oppositis punctis, nempe Nodis, eam interfecare; unde Ecliptica cum Lunæ orbitâ, & angulum semper constituunt, qui gradus quinque plus minùs æquat (angulus enim hic variat, sicuti ex motu Lunæ palàm est) ita, ut una pars dimidia orbitæ Lunæ supra Eclipticam, Aquilonem, altera verò Austrum versùs tendant; quemadmodum in adjectâ figurâ apparet: in quâ quidem linea horizonti parallela, Eclipticam refert, A, locum Solis; linea curvata D B C orbitam Lunæ; quæ lineæ se invicem lege quâdam certâ interfecant, in punctis D & C: in C versatur Nodus Boreus, in D Nodus Austrinus, & in B hujus limes.

Quando igitur Luna circa Limitem versatur (e. g. in B) animadvertimus lineam, vel, ut rectiùs loquar, sectionem luminis & umbræ, quæ à puncto culminantis e ad f per centrum rectâ descendit, certam respectu Macularum Lunæ, faciem repræsentare, sic quidem, ut hæc orbitam Lunæ perpendiculariter, sive ad angulos rectos interfecet. Hoc perpendiculare simul monstrat, Lunâ existente in Limitibus, veram & genuinam sectionem luminosæ & umbrosæ partis, scilicet quadraturarum, eo quidem modo, ut linea e f, orbitam Lunæ ad angulos



gulos normales interfecans, & sectio illuminationis, tum temporis, aut in unam eandemq; coincidant lineam, aut minimum parallelæ semper conspiciantur: quippe orbita Lunæ circa Limites, ratione exiguæ admodum curvitatæ, propemodum Eclipticæ est parallela.

Quando verò Luna circa Nodum Boreum versatur, ut hîc in C, ubi orbita Lunæ Eclipticam sub certo angulo interfecat, ibi linea perpendicularis orbitæ Lunæ e f, cum confinio lu-



cis h g, non in unam coincidit lineam; sed necessario pariter angulum certum constituit: hinc e f, in limbo superiori, Subsolanum versus, contra h g sectio illuminationis in eodem jam dicto loco numerata, ratione Macularum Zephyrum versus inclinatur, prout linea illuminationis A h, & A g, ex Sole A prodeuntes luculenter ostendunt. Itaque fit, ut omnes sectiones quadraturarum (nec non omnes & singulae, reliquarum phasium, quibus id aequae competit) circa Nodum Boreum, respectu sectionum circa limites apparentium, in limbo superiori ulterius occasum, & Pontum Euxinum, vel Lacus hyperboreos versus ferantur, atque promoveantur: in inferiori limbo rursus magis magisque ortum versus: quemadmodum omnes ad unam observationes fidem faciunt, nec non ex schemate antecedente, in qua diversae quadraturarum sectiones offerebantur, manifestè colligere datur.

Secus autem, cum sæpius memoratâ lineâ perpendiculari est comparatum, Luna videlicet si circa Nodum Austrinum moratur, tam respectu nostri quàm Solis; illa enim, ut prope D



apparet, in Peripheriâ superiori, occasum versùs inclinât, cùm antea in Nodo Boreo, ad ortum tenderet : sectio veræ quadraturæ h g, ibidem supra, magis ad ortum à Ponto Euxino tendit, cùm contrarium in priori situ deprehenderetur : quod pariter lineæ A h, & A g, circa Nodum Austrinum testantur. Ex quibus luce clarius constat, Lunam necessariò, in ejusmodi diversis stationibus, ex latitudine suâ ortis, perpetuò faciem sectionesque, tam quadraturarum, quàm reliquarum phasium omnium, aliter atque aliter inclinare, atque variare : adeò, ut quendam motum Librationis cuspidum hinc generari oporteat. Inde verò quoque Maculæ, respectu Nonagesimi, modò sic modò aliter ratione inclinationis spectantur, ac si Luna hanc vel alteram partem versùs, statò tempore librata esset ; sicuti etiam revera in Lunâ accidit, experienciâ teste. Inprimis hæc differentia, sive libratio, ex latitudine profecta, in Pleniluniis admodum est conspicua circa Nonagesimum ; de quibus paulò post, quando de Pleniluniis ipsis dicetur, plura percipies.

*Libratio cuspidum habet & suas inæqualitates.*

Cæterum, & hæc quoque Libratio cuspidum, non singulis mensibus semper est eadem ac constans ; sed insuper alii inæqualitati minori est subjecta, eaque inæqualitas eo modo, ut angulus Eclipticæ & Orbitæ Lunæ, variatur. Eamq; ob causam, & hæc Libratio, simul cum hoc angulo, jam crescit, jam decrescit ; nisi quod tamen hæc inæqualitas & differentia, fateor, valde sit exigua (ad aliquot namque tantum minuta se se extendit) ut vix ac ne vix in hisce observationibus deprehendi possit.

Atque his, quæ generatim de progressionibus & retrogressionibus Sectionum Menstruis & Annuis, tam quadraturarum, quàm aliarum omnium phasium, quæ ex motu Longitudinis proficiscuntur ; nec non, quæ de variationibus cuspidum quadraturarum, aliarumq; phasium ex motu Latitudinis orientibus dicta sunt, tandem aliquando concludamus.

*Tres præcedentes quadraturæ maxime sunt notabiles.*

Nisi quod insuper conducere non parum videatur, ut circa ipsum finem capitis hujusce, commune faciamus, quò tres pariter delineatæ quadraturæ, phasis nempe 10. 11. & 12. præsertim sequentes ob causas bene notentur. 1. Propter diversam



*Plasio Luna Dimidiata Crescentis.  
Observata in 13 Gradu ☿.*

*G E D A N I.*

*Anno Christi 1644, Die 8 Octob. hora 7 à merid. num.  
à Coniunctione vero 21, Diei 8 Curr. 7 ante veram ☐.*









ſam lineæ illuminationis progreſſionem & retrogreſſionem, variationemque cuſpidum : prima namque & ſecunda quadratura, decima nempe & undecima phaſis, in Cancro, & quidem circa Limitem Auſtrinum; tertia verò, duodecima ſcilicet phaſis, in Capricorno, circa Limitem Boreum eſt obſervata. 2. Propter diverſos Librationis terminos, circa Lunæ Limbum ſuperiorem, & inferiorem conſpicuos. Quia enim 10. & 11. in Cancro, & adhæc in maximâ Latitudine Auſtrali, exiſtunt; ideo & interſtitium inter Paludem Mæotidem Lacumque hyperboreum ſuperiorem, & Peripheriam maximè conſpicitur amplum : quare & ex hac ratione, modò dicti Lacus & Palus, ut apparet, maximè ſunt dilatati. At in figurâ duodecimâ vi- des, quomodo hæc ſpatia maximè ſint compreſſa, atque coar- ctata, non minùs eadem Palus Lacusque; quippe Luna in Ca- pricornio & Limite Boreo, tum temporis verſabatur : cujus certè generis quadratura rarenter admodum conſpicitur.

Ex quibus denuo Motus ille, terminique ejus maximæ & minimæ Librationis, in principio Cancrî & Capricorni extan- tes, ſtabiliuntur. De cætero, non ſolùm reliquis omnibus meis innumeris obſervationibus; ſed & multis aliis à Petro Gaſſen- do, viro eruditionis præſtantia clariffimo, amico noſtro pluri- mùm colendo, & Iſmaele Bullialdo ingenii excellentis acerrimi- que judicii Viro, peractis, ( quarum hic meminit in Astro- nomiâ Philolaicâ lib. II. cap. 13.) apertè & indubitatè demon- ſtrare poſſumus. Quia verò hoc loco id exequi nimis quàm longum foret, cùm præter opinionem jam prolixiores fuimus; idcirco plura hîc dicere non attinet : ſed hæ obſervationes ſuo loco & tempore, quando de diverſis Luna- tionum Periodis dicetur, re- ſervabuntur.

*Motus Libra- tionis, termi- niq; ejus, non ſolùm meis, ſed & aliorû obſervationi- bus confir- mantur.*





## CAPUT XIX.

DE LUNAE PLUSQUAM BIFIDAE  
PHASI.

*Nonnunquā  
quadratura  
hanc phasin  
magnitudine  
adequant.*

**P**Ræfens figura in ordine decima tertia, omnium est prima, quæ incipit esse gibbosa : quamvis & quadratura certo tempore dari possit, quæ æque sit magna, cujusq; terminus luminosæ & obscuræ partis, ferè per easdem transeat Maculas; nisi quòd confinium tum temporis, circa phasin hanc dimidiatam, omnino sit rectum, & minimè incurvatum. Quod colligere licet ex Longitudinis motu Librationis disci, diversisque quadraturis, quæ scilicet in Capricorno sunt observatæ; cum primis verò ex duodecimâ, & ex trigessimâ secundâ phasi, figurâq; præcedentis capitis, in quâ termini sectionum quadraturarum sunt consignati. Quia verò hæc phasis in Cancro, signo scilicet opposito adumbrata fuit, idcirco & sectio primùm die post quadraturam primâ, eo usque in Lunam se se extendere potuit.

Porro quidem, res variæ notatu dignæ in hac phasi animadvertendæ : 1. Vertices & areolæ in parte superiori extra confinium admodum conspicuæ, fastigia sunt Montium, Lacum nigrum majorem circumcingentium. Duæ illæ cuspides clariores in ipso termino lucis, tertiæque extra illam in parte tenebricosâ, Insulæ sunt Balearides. Semilunula infra illas emergens, pars est Montium, qui Insulam Corsicam coronant.

*Quinam Mō-  
tes, alius sint  
excelliores?*

Dehinc, manifestissimè etiam ex hac figurâ deprehenditur, quinam Montes aliis sunt altiores, etiamsi omni ex parte lumine jam Solis perfundantur. Hoc enim conjicitur ex umbrâ, quam Montes illi in subjacentem de se spargunt Vallem; sicuti jam suprâ capite 8. hac de re facta est mentio. Nam, quò in Vallibus umbra nigricantior apparet, in æquali quidem distantia ab illuminationis lineâ; eò quoque Montes reliquis sunt sublimiores. Altiora enim corpora opaca, majorem nigrioremque de se spargunt umbram, quàm depressiora; secundùm  
illud




*Placis Luna: plusquam Bifida.  
Observata in 14<sup>o</sup> Gradu B. circa puncta media remotioris.*

*G E D A N T.*

*Anno Christi 1644 Die 16 Martii hora 9 à merid. numer. à  
Conjunctione vero 2. Diei 9 Curr.*









illud Theorema Opticum : *Umbra multiplicata obscurior est.* Francisc. Aguil. lib. v. prop. 63. pag. 426. Uti enim lumen alterius luminis accessione augefcit, ita & umbra, accedente aliâ umbrâ, obscurior evadit.

Hincque evidentiffimè colligitur, Montes, inter alios Phœnicem, Cragum, Cadmum, Antilobanum, altitudine Sipylum, Maficytum & Libanum multum antecellere : præfens namq; figura testatur, umbram illarum Vallium harum umbrâ esse obscuriorem; cum tamen hæ viciniore sint, lineæ luminosæ & umbrosæ partis, atque illæ.

Cæterum, & hoc notatu atque confideratu dignum hîc occurrît, quantò minores Montes Dalangveri, Coibacarani & Uxii, seu potiùs illarum Vallium circumferentiæ, in hac phafi appareant, quàm in præcedente decimâ, undecimâ, & duodecimâ; & quod de die in diem magis magisque quoad ejus figuram, tantum decrescant, quantum ipsi Lunę quotidie luminis accrescat, usq; dum circa Plenilunium ferè prorsus evanescant : quemadmodum crescentes omnes Lunę phases id confirmant. Ratio hujus Phænomeni satis superque jam capite octavo indicatâ : quo Lectorem ablego.

*Vallium circumferentia quoad apparen-  
tiam videtur cresce-  
re, atq; decrescere.*

Postremò svasor sum Astrophilis, ut curam in conquiritum optimum Telescopium impendant, eoque comparato, hanc Lunæ phasin lustrent, & diligenter attendant; tum præfertim ob magnam varietatem, quàm hîc deprehendent præ aliis Phasibus, tum ob incredibilem delectationem, quam inde percipient. Quandoquidem in tali Lunæ constitutione & apparitione, maxima pars sublimiorum Montium & Vallium, visibile Lunæ hemisphærium occupantium, in maximè conspicuâ, gratissimâ, meliori que formâ repræsentabitur; id quod in adultiori phasi frustra expectabis.

*Hæc phasis digna, ut Telescopio consideretur.*





## CAPUT XX.

DE LUNAE GIBBEROSAE CRE-  
SCENTIS PHASI.

**S**ullo unquam tempore, confinium luminosæ & obscuræ partis, æquabile ac minimè asperum atque anfractuosum extitit; certè in hac phasi omnino ejusmodi cernitur: cùm sectio Mare Mediterraneum circa Insulam Majoricam, Siciliam, Zacynthum, Cretamque interfecat; tunc enim longissima conspicitur linea, quæ unquam per Mare quoddam Lunare transire potest. Ideoque quoniam illo in loco, ferè tota per aquas, aut, si mavelis, per spatiosissimam quandam planitiem tendit, necessariò & rectissima, & planissima apparet. Areolæ verò minores extra sectionem emicantes, vertices sunt quorundam Montium atque Insularum. Jam magnus ille clarèque illustratus circulus, in mediâ circiter parte lineæ illuminationis, est Mons Ætna Siciliæ; cujus Vallis hoc tempore maximè est obscura, ut unquam fieri obscurior possit: quippe, cui Sol (propriè loquendo) primùm oritur, sic ut fastigia tantummodo horum Montium lumine suo perstringere possit.

*Cur Insula  
Sicilia in hac  
phasi nigri-  
cantior appa-  
reat, more so-  
lito?*

Ipsa item Insula Siciliæ, admodum in hac phasi apparet nigricans; nec adeò magna differentia, inter hanc prædictam Insulam, & Mare Mediterraneum quoad colorem, modò deprehenditur. Quæritur ergò meritò, unde hoc oriatur; jure enim hæc Insula, haud parùm lucidior se se repræsentare deberet, quia pars est Lunæ continentis? respondetur verò quod id ita sit: nam terra Lunæ, tanquam corpus magis opacum, radiis Solaribus magis resistere valet, & idcirco etiam illos fortiùs reflectere (ut in præcedentibus dictum) clariorque apparere potest. Quòd autem hîc secus eveniat, id innumeris diversissimis mireque inclinatis Montibus adscribendum, qui partim in viciniâ hujus Insulæ, partim etiam in illa ipsâ hinc inde affatim conspiciuntur; quorum procul dubio adhuc plures ibidem extant: verùm cùm sint humiliores, propterea minimè illorum conceditur



*Plafis Luna Gibbosa Crescentis .  
Observata in 19° Gradu V, non procul Perigæo et V.*

*G E D A N I .*

*Anno Christi 1643, Die 19 Decemb. hora 10 à merid. num .  
à Coniunctione verò 15, Diei 9 Currentis .*









ditur aspectus. Hi autem Montes, quoniam in hac Lunæ constitutione, confinio admodum sunt vicini, eam ob causam & maximam, longissimam obscurissimamque hoc tempore de se spargunt umbram; ut de hisce innumeris variè inclinatis sitisq; Montibus, ubique locorum in Sicilia, umbra quasi continua procreetur : adeoque ut fieri propemodum aliter haud possit, quàm quòd Insula hæc obscuram, ac nigricantem faciem nobis spectandam exhibeat.

Replices autem : si hæc, quæ jam retulisti, solido quodam fundamento nituntur, necessum est, ut hæc Insula indies, Luna crescente, clarior lucidiorque evadat : quia umbra etiam decrescit rariorque existit, prout Sol ibidem altius elevatur : atque hîc iterum affirmo, sic equidem cum hac re esse comparatum; &, quod aliter fieri nequeat, id fidis observationibus tam Lunæ crescentis, quàm decrescientis commonstrabo. Nam quemadmodum Luna grandescente, Insula Sicilia indies fit clarior atque lucidior, sic è contrario Luna senescente quotidie paulatim obscurior, nigriorque evadit : quod reipsa deprehendes, si phases subsequentes 15. 16. 17. 18. & 19. diligenter expendaris. In Plenilunio quidem & paulò post, omni tempore erit clarissima; quamprimùm autem Luna notabiliter decrescit, sicut in phasi fit vigesimâ sextâ, tunc simul incipit pedetentim obumbrari, ita, ut indies in phasibus ordine sequentibus fiat umbrosior, usque ad 34. & 35. phasin; quo tempore de novo obscurissima apparet : quoniam tunc in ipso ferè confinio iterum est constituta.

*Insula, Sicilia, modò obscurior, modò luminosior apparet. Cujus Phænomeni ratio investigatur.*

Quòd verò linea sectionis, infra Siciliam, non planè æquabilis, aut lævigata spectetur, cùm tamen adhuc per aquam sive planitiem transeat, inde oritur; quia hæc linea, rectà per Insulam Cretam, Montemque Sepher fertur, quò fit, ut, necessario anfractuosa esse, oporteat.

*Nonnunquam linea Mare interfecans quodammodo aspera, atq; inequalis existit.*

Denique & hoc notandum, Paludem Amadocam non procul à Lacu hyperboreo superiori, in ipsâ ferè Lunæ Peripheriâ extare : ratio est, quòd Luna, id temporis, circa medium Arietis, Nodumque Austrinum, fuerit observata : aliàs enim existente Luna in Cancro, satis hic Lacus à Limbo remotus con-



spicitur : in Capricorno verò, præsertim circa Limitem Boreum, parum, aut nihil propemodum, de eo cernitur. Præterea in hac phasi, tantummodo Lacus minor occidentalis se nobis offert, alter major hac vice in Peripheriâ latet : in Cancro verò se se ambo clarè, atque distinctè semper præsentant.

## CAPUT XXI.

### DE LUNAE IN ORBEM INSINUATÆ PHASI.



**T**rigonum Lunæ, nullo alio tempore, accidere posse, quàm, cùm Luna quatuor integris signis à Sole est remota, hoc est, 120. gradibus distat; quod illos quoque minimè fugit, qui vel à limine Astronomiam salutarunt. Ejusmodi Trigonum hæc phasis exhibet. Non est autem, quòd existimes, sectiones luminosæ & umbrosæ partis, pari modo, continuè, per easdem semper Maculas ferri : quemadmodum hic Lunæ aspectus, perpetuò in certâ quadam accidit distantia; pariterque ut in hac phasi videre est, in quâ confinium per Insulam Ficariam, Montes Ærios, Insulam Maltam, Insulas Didymas, incedit; sed, quòd illud non rarò, modò propiùs Zephyrum, modò longiùs Subsolanum versùs: respectu Macularum, adinstar sectionum quadraturarum, promoveatur; quæ reciprocatio, æq; ex motu Lunæ Librationis, suam ducit originem.

*Et Trigonorum Sectiones ordinere-ciprocantur.*

*De extremis Trigonorum Terminis.*

Duos autem illos extremos terminos sectionum Trigonocarum, inter quos omnes ac singulæ lineæ illuminationis, per totum annum, tempore Trigoni reciprocantur, præcedens decima quarta, & subsequens decima sexta phasis nobis commonstrat. Quando enim Luna in Capricorno versatur, hoc est, quando Palus Mæotica limbo est vicinissima, tunc Trigoni sectio similis est sectioni 14. phaseos, in quâ illud confinium propè Insulam Sardiniam, Montem Ætnam, Insulamque Cretam ingreditur. Si Luna verò tempore veri Trigoni observetur in Cancro, quando Palus Mæotis contrà quàm longissimè à Peripheriâ abest, tunc ferè æqualis apparet sectio ei, quæ in

sequen-



*Placis Lune in orbem insinuata.*  
*Observata in 5 Gradu S, tam circa maxim. libat. qm. limit. R.*  
*G E D A N G.*  
*Anno Christi 1644 Die 17 Februarii hora 7 à meridi. num.*  
*à Coniunctione vērō 10<sup>a</sup> Diei 10 Curr.*









sequenti decimâ sextâ phasi habetur, perque Sinum Apollinis, Insulam Cercinnam, Mare Ægyptiacum, Sinum Sirbonis &c. trajicitur.

Jam si observationem, paulò antè, vel post verum Trigonum Aspectum, instituas; tum nec sectiones hos terminos tam strictè attendere possunt; sed aut unam alteramve partem versùs, magis magisque, pro ratione temporis, promoventur: cujus exemplum & nunc sub oculis versatur. Hæc namque phasis, septem vel octo horis tardiùs, quàm fieri debuisset, respectu Trigoni, est observata: quapropter & sectio ejus jam verum terminum transgressa conspicitur. Etenim, cum Luna illo tempore omnino in Cancro extiterit; utique & illius confinium meritò per Montem Ætnam, Insulam Cretam permeare debuit: quod autem secùs accidit, ratio est, ut modò dicebam, Lunam octo scilicet horis tardiùs esse animadvertam. Interea tamen de his Trigonorum Terminis securus esto; siquidem ex innumeris meis observationibus, id certo certius mihi innotuit, rem aliter se se non habere: sicuti idem Lunationes sequentes, hoc abundè satis demonstrabunt. Interea tamen & æque similis quædam (quamvis exigua) variatio, sive inæqualitas, circa hos terminos, ac circa quadraturas, se se detegit: quia verò planè ejusdem cum superiori deprehenditur naturæ; idcirco supervacaneum duco, pluribus hanc inæqualitatem persequi.

*Trigonorum  
Termini, qui-  
busdam inæ-  
qualitatibus  
implicantur.*

Perspectis itaque perceptisque his Trigonorum Terminis, spatioque interjacente, in sex partes æquales diviso, secundum Signorum ordinem Ascendentium, & Descendentium, veluti supra in quadraturis instituebatur, in figurâ scilicet pag. 329. insertâ; nullo quoque negotio in posterum universas & singulas Trigonorum sectiones, per totum anni curriculum conspicuas, aut quovis alio tempore unquam futuras, indubitanter certeque prædicere, determinare, ac secundum Maculas, accuratissimè sectionem illam certo tempori respondentem, delineare possumus. Cumprimis autem, multò adhuc accuratiùs, hoc negotium succedet, si motum Librationis cuspidum & hac in parte diligenter attenderis.



Postremò autem & hoc notandum, quòd, in hac phasi, & Mons Ætna, & Insula Creta, & Mons Sinai, quando adeò vicini lineæ illuminationi existunt, aspectui multò jucundiores gratioresque sint, quàm unquam fieri aliàs possint, præprimis autem Ætna adinstar pretiosissimi unionis rutilat: quapropter phasis hæc omnino meretur, ut diligenter à rerum Cœlestium Scrutatoribus consideretur, atque examinetur.

## CAPUT XXII.

### DE LUNAE INCURVATAE CRESCENTIS PHASI.

*De Maculis  
Marium Lu-  
narium secun-  
dariis.*



um Aquarum ac Marium Lunæ, utpote, Mediterranei, Caspii, Ponti Euxini, Propontidis colorem probè atque accuratè examinamus, atque perpendimus (quorum semper obscurior est, quàm Insularum atque Continentium) animadvertimus colorem Aquarum Lunarium esse diversum, & minimè æquabilem; quod non solùm hac præsentè, sed & omnibus reliquis figuris comprobatur: quam diversitatem colorum, quovis tempore, in omnibus meis observationibus, pro virili, accuratissimeque attendi. Hæ autem Maculæ aquarum secundariæ, (ita illas appellare lubet) nunquam variantur, vel mutantur; sed perpetuò quoad apparentiam, eandem figuram formamve retinent; quod phænomenon certè insolens mirumque videtur, adeò, ut vix abs re sit futurum penitiùs illud introspicere, & genuinam ejus causam, quantum licebit investigare.

*Unde Macu-  
le istæ orian-  
tur?*

Enimvero altè animo meo infidet hæc opinio, quòd, quemadmodum Maria nostra terrestria, non prorsus sunt nuda & inania; verùm sparsim multis innumeris Insulis Rupibusque à DEO Optimo Maximo locupletata: sic & Maria Lunaria, ratione ejusdem materiæ, non minùs variis Insulis, Montibus, Rupibusque possint esse referta; quarum rerum omnium quotidie pars haud exigua, optimo Telescopio distinctè ac perspicuè apprehendi potest. Interim tamen fortassis adhuc multò

plu-



*Pecus Lunæ incurvata Crescentis.  
Observata in 7 Gradu V, circa Perig<sup>m</sup>. et 8.*

*GEDANI.*

*Anno Christi 1643 Die 21 Novemb. hora 7 à merid. num.  
à Coniunctione vèro 3½ Diei 11 Curr.*









plures eæque innumeræ Insulæ; sed minutiores, vixque perceptibiles, ibidem in illis Maribus extare possunt: quæ propter immensam distantiam, oculi imbecillitatem, ac Telescopii imperfectionem, visumque nostrum maximâ ex parte eludunt, subterfugiuntque; ita, ut vix ac ne vix quidem talia perfectè dignoscere possimus. Ac ne fortè hoc cuipiam non tantùm valde mirabile, sed & prorsus absurdum videatur, cogitet rogo; numquid etiam nobis in Lunâ existentibus Maldiviarum Insularum Indiæ Orientalis, sive Insularum Græciæ concederetur aspectus, sic ut non solùm eas perfectè discernere, sed & numerare liceret? certè non dubito, quin omnes mecum consentiant, rem hanc planè esse impossibilem, nec adeò distinctam in oculo nostro humano visionem existere unquam posse. Quæ cum ita sint, profectò non video, quare non simile quiddam in Maribus Lunaribus occurrere possit, quod æque difficulter visu à nobis comprehendatur. Fortassis verò & ibidem sparsim sive Maldiviæ, sive aliarum minimarum multarum ingens turba extat Insularum, quæ, propter modò allatas rationes, haud omnino distingvi à nobis possunt. Quamobrem aliter fieri nequit, quàm ut ejusmodi Marium loca, nobis aliquantò dilutiora, atque paululùm luminosiora appareant: quia aqua ibidem terræ, hoc est Insulis, permista videtur. In illis autem, aquæ vel Maris partibus, ubi nec Insulæ, Paludes, Rupes, vel aliud quiddam animadvertitur, sed sola aqua, necessario & loca illa nigricantiora, & æquabiliora reliquis spectantur; sicuti in hac phasi, ut & in reliquis omnibus, Maculæ scilicet secundariæ se exhibent. Quod si præterea quibusdam in locis Arundineta, Fruticeta, & ejusmodi alia genera aquaticorum fruticum dentur, ut quidem credibile, maximeque etiam possibile; cum & in nostris Maribus affatim talia reperiantur: non absolum utique erit, ab ejusmodi cum variis, tum longè diversissimis rebus, diversam radiorum Solarium reflexionem procreari: ut sive hic, sive ille locus aut umbrosior aut lucidior, ratione distinctæ opacitatis, non possit non visu percipi.

Montes, vel potius Valles, Ætnæ & Sinai, quod porrò attinet, hæ in adjunctâ decimâ sextâ phasi, jam non adeò um-



brarum plenæ, ut in præcedente 15, inprimis 14, deprehenduntur : quippe confinium umbrosæ partis, tantò spatio magis magisque ab illis removetur, quanto Sol illo loco altior redditur : quamobrem indies umbra, tam in his, quàm in aliis Vallibus decurtatur comprimiturque, quoad omnino evanescat; quando scilicet Sol illis quasi verticalis existit; veluti tempore Plenilunii conspicitur, quo Valles profundissimæ, & antea umbris obscurissimæ, lumine undique perfusæ & lucidissime apparent; quod omnes phases sequentes manifestè testantur.

*De longiusculis Apennini Maculis.*

Demum ex longiusculis nigerrimis Maculis, in Monte Apennino conspicuis, colligere licet, ibidem profundissimas Valles, cavernas, foveasque extare; maximè autem apertè præcedentes phases id commonstrant, præsertim decima tertia, ubi cavernæ illæ adhuc longè nigriores spectantur, quæ in subsequentibus figuris, indies, ad Plenilunium usque, ratione umbræ decrescunt, majorique paulatim lumine perfunduntur, more aliarum Vallium. In hoc autem hic Apenninus non parùm discrepat, ab aliis Montibus Vallibusque, quòd non simili ratione decrescat, ut quidem crescit. Exempli gratiâ: Lunâ crescente, indies plus acquirit luminis; eamque igitur ob causam, Lunâ decrescente, de die in diem magis magisque obscurari deberet, instar reliquorum Montium Valliumque; secus autem apparere in hoc Apennino, palàm est : post oppositionem enim, æque clarè ac reliqui Montes à Sole illuminatur, imò tempore ultimæ quadraturæ, ferè adhuc clarior conspicitur. Præcipua autem ratio hujus Phænomeni hæc est; quòd omnium altissimæ cuspides Montium, in latere occidentali sitæ sint, quæ, dum Luna crescit, notabilem de se spargunt umbram ortum versùs, in circumjacentes Montes Vallesque : reliqui verò vertex Montium orientales, cum sint depressiores, paulatimque in altum assurgant, ideo debilem planè procreant umbram;

contrà verò longè luminosiores apparent


post, quàm ante Lunæ  
oppositionem.

CAPUT



## CAPUT XXIII.

DE LUNAE GIBBEROSAE CRE-  
SCENTIS PHASI.

uemadmodum materia Globi Terreni, ex quâ partim Montes, Valles, partim planities sunt composi-  
tæ, non prorsus constat ex partibus homogeneis ejusdem na-  
turæ & qualitatis; sic pariter cum Lunæ sive Antichthonos ma-  
teriâ opacâ (quam nulli profectò rei convenientius ac nostræ  
terræ conferre possumus) comparatum est. Etenim, Montes,  
Valles, planitiesque Lunares, ratione materiæ maximè inter se  
differunt; modò enim hic locus petrosus, modò alius arenosus  
existit; quorum iterum alia atq; alia sunt diversi generis, quæ  
partim ex sabulo livescente, partim rubicundo &c. constant.  
Quæ ut ne videantur sive somnia dormientis, sive vigilantis  
figmenta, verùm rationi planè consentanea; idcirco hoc in ca-  
pite atque sub præsentis figuræ intuitu (quemadmodum id val-  
de opportunè, & commodè fieri potest) illa ita demonstrare  
mecum constitui, ut non possis non mihi astipulari. At enim  
(fateor) mihimet ipsi ego valde audaculus videor, dum tantæ  
molis opus aggredior, cùm de remotis adeò rebus, tum supe-  
riori tempore inauditis ediffertaturus, eoque ipso quintam es-  
sentiam cœlestem Peripateticorum quasi prorsus diffaturus.  
Verùm enimvero, cùm observationibus haud vacillantibus,  
ocularique experienciâ, in tam arduo negotio me bene esse ful-  
tum non nesciam, quin feliciter hoc meum successurum sit pro-  
positum, nullus dubito.

Primò, quòd diversi generis loca petrosa rupesque passim  
inter Montes Lunares occurrant, jam ex parte cap. 8. retuli :  
quo loco dicebam, rationi non repugnare, omnes ejusmodi  
Valles, quæ omnino nihil quoad formam figuramve variant;  
sed à primâ illuminationis die, Lunâ nimirum crescente, indies  
nequaquam decrescunt, sive coarctantur, Rupes Montesque  
esse petrosos : quippe Montes arenosi, non æque præruptè in  
altum

*Luna, uti  
Terra nostra,  
prorsus ex  
partibus he-  
terogeneis cō-  
stat.*



altum assurgere possunt, sed magis sunt clivosi, & circa verticem magis magisque in acuminatum assurgunt apicem: quamobrem & illorum Valles, infra, & circa Montium pedes, arctiores sunt, quàm circa cacumina; sic, ut ex necessitate quotidie in phasibus Lunæ crescentibus decrescere, sicuti in decrescantibus crescere illas oporteat.

*Aliaratio.*

Dehinc, adhuc alia superest ratio, quæ me pariter commovet ad credendum, ejusmodi rupes locaque saxosa, in superficie Lunæ extare posse. Isti enim Valles Montesque, qui licet non sint excelsiores reliquis, nihilo tamen minùs, claritate splendoreque tempore Plenilunii multum reliquos antecellant, ut inter alios M. Ætna, Montes Insulæ Cretæ, M. Sinai, Montes Insulæ Besbicæ &c. hos inquam saxæ sunt naturæ, aptioresque propter illam opacitatem majorem soliditatemque, ad melius fortiusque reflectendos radios Solares: unde omnino majus ac valentius procreatur lumen. Posito autem, Montes Lunares ex unâ tantum materiâ, scilicet sabulo, seu luto constare; tunc certè impossibile foret, ut illorum reflexio radiorum Solarium, tam variâ atque diversâ daretur; sed omnes cum Vallibus illis, Montes Lunares, æque luminosi semper spectarentur, & nulli supra alios claritate excellerent. Cum verò reflexio adeò variâ, & diversâ animadvertatur; utique sequitur, Valles Montesque ex diversissimâ, instar Globi nostri Terreni compositos esse materiâ. Dico itaque denuo loca illa præ reliquis luminosiora atque splendidiora, esse petrosa: nam corpora solidiora, lumen & radios Solares fortius reflectunt, quàm minùs dura; ideoque & clariora his apparent: quod in Catoptriciis abundè demonstratum.

*Prima ob-  
jectio.*

Quod si autem mihi objicias, & alias dari posse rationes, quare Vallis una præ alterâ splendidior appareat? idque fieri scilicet quia una præ alterâ existit profundior; ita ut quò sunt altiores, eò major varietas reflexionis à circumstantibus variè inclinatis Montibus oriatur; & idcirco necessariò ejusmodi Valles etiam clariorem referant speciem, quemadmodum prædictæ, Ætnæ, Cretæ, Sinai &c.? Quæ ut non inficias eo, cum planè se se ita habeant, ita etiam largior omnia, sed dextrè ta-  
men



*Phaen Luna Gibberosa Crescentis.  
Observata in 13 Gradu N.*

*GEDACHI.*

*Anno Christi 1644 Die 19<sup>a</sup> Februarii, hora 10 à merid. nim.  
à Coniunctione vero 13, Dies 12 Curr.*









men intellecta : interim significes rogo, cur non omnes Valles profunditate similes, non æque etiam claræ, tempore Plenilunii spectentur ? utpote, Insula major Caspii, Mons Serorum, Mons Carpates & alii : hos autem cum prioribus omnino ejusdem esse altitudinis, ex illorum primâ & ultimâ apparitione, quando nimirum confinium luminis & umbræ, illis maximè vicinum existit, facile demonstrare possumus. Hic igitur nihil superest quod respondeamus, quàm hoc, Valles illas ex parte obscuriores, partim & paludosas, & nemorosas, & frutecosas esse posse; quod si concedatur, necessariò inde fit, non posse non istas se se nobis obscuriores exhibere. His adde, loca luminosiora & Montes albicantes gypseos forsitan esse, qui pariter clarius fortiusque nobis communicarent lumen, reliquis nigricantiori materiâ constantibus. Non abnuo quæ intulisti, rationi minimè adversari; ipsemetque statuo, hujus generis Montes diversos, in Lunâ reperiri posse : quæ si ita sint, idem quod prius sequitur, varios diversissimosque, respectu materiæ, Montes Vallesque in Lunâ extare.

Insuper in superficie Lunæ, adhuc alius Mons primùm in hac phasi ortus, reperitur, scilicet Porphyrites in Mari Eoo, supra Insulam Cercinnam; qui apertè confirmat, alios ratione materiæ aliis Montibus esse prorsus diversissimos. Et hunc Porphyritem, aut ex terrâ rubicundâ, instar Porphyritis Ægypti (secundùm quem, Lunarem denominavimus) aut, quod mihi magis videtur consonum, ex materiâ nitrolâ, vel sulphureâ constare nullus dubito : imo pro persuaso habeo, quòd ignem alat perpetuum, atque adeò ex numero sit ignivomorum, quales apud nos sunt M. Ætna, Hecla, Vesuvius & alii.

Adq; hoc statuendum, certè non exigua levisq; me impellit ratio. Nam, postquam nullo non tempore, in omnibus Lunæ vicissitudinibus, manifestè atque luculenter conspexerim, Montem Porphyritem se se perpetuò, quoad colorem atque splendorem, planè aliter ac reliquos omnes, in patente Lunæ hemisphærio ullibi extantes, repræsentare; croceumque, sive subflavum colorem, seu aureum sive igneum, præ se ferre; qui color ipsi quasi naturalis & perpetuus; (siquidem à primo sta-

*Mons Porphyrites certo arguit, diversissimos ratione materiæ in superficie Lunæ extare Montes.*

*Quibus variationibus Autor potissimū fuerit commotus, ejusmodi fovere opinionem.*



tim illuminationis die, ad ultimum usque, hac in parte non variatur) sicuti id omnibus bono Telescopio instructis, quovis tempore experiri licet. Hanc igitur ob causam nolens volens statuere sum coactus, hunc Porphyritem, aut ex rupe rubrâ, aut sabulo, sive terrâ rubicundâ constare, aut prorsus ardere, sive perpetuo igne exundare : etenim si terrenis rebus æquiparari debent, ut fieri aliter mentis nostræ dextrè informandi causâ non potest; nullæ certæ res aliæ occurrunt, cum quibus convenientius comparari queunt.

*Nec aberrationi visus, nec Tubi illusioni, hoc phenomenon adscribendū.*

Proinde igitur, cum hæc apparentia nullo modo hallucinationi visus, nec fallaciæ Telescopii adscribi possit; (siquidem ut mihi res hæc in obtutum venit, ita ab omnibus, qui experimentum ejus facere non detrectabunt, citra exceptionem temporis, deprehendetur, animadversuris, magnam esse differentiam inter Porphyritem, reliquosque Montes Lunares, sive unum, sive plures Tubos, eosque ex quovis segmento præparatos, adhibeant) omnino sequitur, certos Montes Lunares, ex vario diversoque saxo, sabulo, sive luto compositos esse, ne dicam, nonnullos esse Ignivomos, quemadmodum de Porphyrite modo accepimus; cui plures similes ibidem latere valde mihi fit credibile (in quorum numero & ille Mons recensendus, cujus capite 13. sub finem mentionem fecimus) hujusmodi naturæ ac qualitatis extare : quos quia sunt minores declivioresque, tam accuratè atque distinctè intueri minimè conceditur.

*Porphyrites, quânam constet figurâ?*

Cæterum, & hoc maximè notabile, quòd hic Porphyrites, nunquam non planè aliam, ratione formæ & figuræ, referat speciem, quàm omnes reliqui Montes Lunares. Circa medium quandoquidem constat quasi corpore rotundo, de quo Austrum versùs, cornu quoddam curvatum excurrit : sursum Aquilonem versùs, similiter quidam apex curvatus conspicitur; sed à corpore medio omnino avulsus : adeò, ut mediante illo interstitio, ceu pars Maris, dilucidè conspici possit. Præterea invenitur & alius Mons, Pyramis videlicet nominatus, propè Montem Argentarium, juxta promontorium Lunæ Maris Mediterranei, qui peregrinam pariter præ se fert formam figuramve, nec Pyramidi est absimilis, unde & nomen sortitus.

Qui-



*Pecis Luna Adulta.  
Observata in 8 Gradu S.*

*G E D A N I.*

*Anno Christi 1644 Die 21 Januarii, hora 11 à merid. num.  
à Coniunctione Solis 13 Diei 13 Curr.*









Quibus tamen tribus modò dictis Montibus quoad faciem, nulli, in citeriori parte Lunæ, ut ut diligenter per singulas etiam phases in id inquiras, animadvertuntur pares.

## CAPUT XXIV.

## DE LUNAE ADULTAE PHASI.

**I**ota Insula Cercinna, in appositâ phasi, *De Insulâ  
Cercinnâ, &  
ejus colore.* jam haud parùm luminosior videtur, quàm in præcedente decimâ septimâ; ratioque facilè petitur ex illis, quæ capite 20. de simili apparentiâ Insulæ Siciliæ, dicta sunt. Nam, cùm in Insulâ Cercinnâ similiter innumeri Montium tractus, scopulorumque series affatim reperiantur, uti ex radiis illis luminosis deprehenditur; pariter etiam accidit, quando confinium umbrosæ partis, in viciniâ illius Insulæ versatur, ut, ob illos innumeros Montes, umbras eo tempore longissimas densissimasque de se spargentes, nigricantior spectetur: medium verò hujus, Insulæ, cùm sit paludosum (Monte tamen erecto conspicuum) idcirco & aliquantulùm umbrosius apparet.

Mare verò illud Syrticum, infra jam nominatam Insulam Cercinnam situm, cùm majori pallore sit suffusum, quàm reliquum Mare, & adhæc sparsim areolis clarioribus refertum: unde haud difficulter colligitur, vadosum quasi existere, vel, ut propriè dicam, hinc inde scopulis abundare. In hoc Mare flexuosæ quædam lineæ ingrediuntur, perinde ac si essent Fluvii permagni sinuosi, hoc loco se se in Mare exonerantes. Porro, quoniam Nilus interveniente diversorum brachiorum serie, pariter in nostrum Syrticum Mare, quod æque est vadosum, intrat; idcirco & illos Lunares fluvios, nomine Nili appellare placuit. Loca autem illa quæ præterlabitur alluitque, videntur esse Paludosa, & minimè sicca, prout ex colore certò præsumitur: quam etiam ob causam, eò adhuc meliùs, Nilus ille cum nostro terrestri convenit. Scis enim, hunc nostrum non rarenter exundare in illa loca finitima; hincque fortassis & Selenitis, similis, ratione coloris, circumjacentium Nili locorum

*De Mari Syrtico, Nilusque Lunari.*



erit aspectus: hoc tamen cum discrimine, quòd nostri Nili inundatio nonnunquam Selenitis evanescere videbitur: Paludes contra circa Nilum Lunarem existentes semper nobis eandem referunt speciem.

Motum librationis quod attinet, tam hujus quàm sequentis Phaseos; ille in maximâ occidentaliori variatione deprehenditur, ubi nimirum interstitium Paludem Mæotidem inter & Peripheriam, omnium maximè conspicitur dilatatum: siquidem hæ duæ phasēs, non solum in Cancro, uti ex inscriptione patet, sed & circa limitem Austrinum observatæ.

## CAPUT XXV.

### DE LUNAE AD OPPOSITIONEM VERGENTIS PHASI.

**I**osteaquam igitur Luna oppositioni admodum appropinquaverit, maxima se se circa Montes Vallesque exserit metamorphosis. Nam quæ Valles antehac omnium erant nigerrimæ, tempore scilicet primæ apparitionis, illæ nunc clariores luminosioresque, quàm unquam alio tempore (cùm ipsis Sol quasi verticalis extat, sic ut rectâ lumine illas perfundere possit) spectantur: Vallis nempe Ætna, Inf. Creta, Vallis Sinai, Inf. Besbicus, Vallis Sipyli, Didymi Maficyti &c. Verùm tamen non omnes Valles circa oppositionem æque clarę existunt: ratio est, quam jam suprâ capite 23. retuli: quòd nimirum in fundo non pariter omnes complanatæ, pariter ac scabrosæ sint. Accedit & hoc, quòd in illis nigricantioribus Vallibus, forsitan vastissimæ paludes, arundineta, fruticeta, nemoraque &c. extent, quæ cùm maximam partem radiorum Solarium absorbeant, ita ut minimè omnes à superficie ejus minùs opacâ, ad nos reflecti possint: ita fit, ut obscuritas quædam exinde oriatur.

*De Insula  
Rhodi colore,  
formâq; peregrinâ.*

Nigricantes autem Maculæ, quæ hoc tempore, præter Maria apparent, Lacus sunt Paludes atque stagna, ut ex Tabulâ Selenographicâ adhuc clariùs conspicitur. Quas inter reliquas


Macu-



*Pecis Luna ad Oppositionem Vergentis.  
Observata in 2<sup>o</sup> Gradu ♎.*

*GEDANI.*

*Anno Christi 1644. Die 22 Januarius hora 11 à merid. num.  
à Coniunctione videlicet 14 Diei 14 Curæ.*









Maculas, Insulas, Valles Montesque, certa reperitur Insula, Rhodus nominata, quæ maximâ ex parte plana, atque æqualis, ac nullis Montibus est circumdata : hæcque speciem refert mirabilem, quàm sæpenumero haud parùm sum admiratus, dum nimirum hæc modò dicta Insula, à parte superiori sive Septentrionali, prorsus obscura nigraque apparet. Quod si verò id à parte ejus dextrâ, seu sinistrâ, accideret, Montibusque esset circumvestita, nihil foret admirabile : jam autem, cum ibidem nulli omnino videantur Montes, quemadmodum istud superiores observationes luculentissimè id attestantur; adhæc in verâ etiam id contingat oppositione, quòd à parte nempe superiori planè sit obscurata : fateor sanè, aliquid certi hac de re statuere, causamque genuinam, atque sufficientem hujus phænomeni investigare, esse admodum difficile.

Id extra omnem quidem dubitationis aleam positum est, Insulam hanc Rhodum, in vastissimâ palude esse sitam, quæ propemodum figuram Rhombi refert, ut ex omnibus phasisbus videre licet, partem autem obscuram illius Insulæ inter paludes referre non possum, alioquin non posset esse sic nigra; sed similem cum circumjacente palude repræsentaret colorem : ideoque colligere aliter non possum, quàm partem illam dimidiam nigricantem illius Insulæ, aut esse nemorosam, aut aquosam. Si alius adsit, qui rationem magis convenientem invenire possit, profectò, tum mihi, tum omnibus Scientiæ cupidis, rem faciet gratissimam.

Radii autem albicantes, sive luminosi, qui circa Plenilunium in Oceanis Lunaribus, Insulis, continenti que sparsim se se offerunt, nihil sunt aliud, ut jam antea referebam, quàm scopulorum series, præaltorumque Montium tractus, qui hoc tempore, ferè similem habent aspectum, ac nostri Montes excelsiores, æternâ nivi obsessi. Montium Lunarium verò clariorum tractus, præsertim ex Monte Sinai orientium, pariter esse nivosos, vix credibile : cum enim nullæ ibidem pluviae deprehendantur, sed continuè Cœlum extet sudum, ( si ita loqui liceat ) facilè etiam colligere datur, nullas prorsus nives, in Lunâ generari posse : quòd autem aliis luminosiores spectentur,

*De radiis albicantibus circa Plenilunium conspicuis.*

*In Lunâ nulle datur pluvia nec nives.*



fortassis ab illorum materiâ, colore, asperitate, & situ convenientiori, proficiscitur.

## CAPUT XXVI.

### DE PLENILUNIIS, ALIISQUE REBUS SCITU DIGNISSIMIS.



*Pleniluniorum aspectus  
semper variatur.*

**H**Aud ægrè animo assequi licet, non omnia Plenilunia, quotannis singulisque Mensibus, unam omnino eandemque nobis exhibere faciem; ratione scilicet varii diversique motus Librationis disci, tam ex motu Lunæ longitudinis, quàm latitudinis descendents. Nam, quemadmodum omnes quadraturæ, imò & phasēs, ob hanc potissimum causam, mirum in modum variantur, librantur, distorquenturque; sic pariter & Plenilunia immutantur. Modò enim interstitium inter Paludem Mæotidem, vel Maræotidem, limbumque Lunæ; modò ejus pars, sive Septentrionalis, sive Australis strictior, aliquando verò etiam latior conspicitur. Quæ præsertim ratio, me impulit, ut duos hoc loco in gratiam Astrosophorum exhiberem Plenilunii Iconismos, quorum prior, faciem Lunæ in Capricorno, circaque limitem Boreum existentis præsentat (nullo enim alio tempore hætenus, quàm æstivo circa Solstitium accidit; eapropter & illud Plenilunium Æstivum appellavi) posterior effigiem Lunæ in Cancro, circa limitem Austrinum versantis refert; quæ quia semper circiter Solstitium Hybernium huc usque fuit deprehensa: idcirco inde Plenilunium Hybernium dicitur. Ex quibus quidem duobus Iconismis, quilibet maximam & minimam librationem, ad Peripheriam animadvertendam, ejusque terminos, nullo negotio deprehendet.

*De primo  
Plenilunio in  
Capricorno  
observato.*

Prima autem hîc ostensa Lunæ facies, ut ex titulo ejus apparet, est illa, quæ circa Capricornum, & Limitem Septentrionalem fuit observata; circa Capricornum inquam, quod bene notetur. Hæc enim observatio, Anno Æræ Christianæ 1644. die 19. Julii, horâ 10. vespertinâ, in ultimo gradu Capricorni

ter-



Plenilunium AAvum.  
 Observatum.  
 GEDANI.  
 In Quadrante Orientali, circa 7, et Limit Bor.



20.

Autor Sculpit.







tertioque latitudinis Septentrionalis, est suscepta; quo scilicet tempore Luna jam terminum minimæ librationis erat transgressa, quoniam ad initium Aquarii jam pervenerat: eamque ob causam, & interstitium illud inter Paludem Mæotidem, limbumque Lunæ aliquatenus latius animadvertebatur, quam si id Plenilunii, in ipso primo gradu Capricorni omnino; adhuc in maximâ latitudine Boreali, delineatum esset: tum enim Lacus uterque hyperboreus, non adeò foret à limbo remotus, ut quidem in hac delineatione deprehenditur; sed in ipsâ quasi peripheriâ spectaretur.

Quod verò in hoc ipso Plenilunio Maculæ tam valde videantur inclinatæ Subsolanum versùs, ita ut Pontus Euxinus more solito elevatior appareat; hinc oritur: quia hæc observatio in quadranti Orientali, Nonagesimo in occidentali existente, habita fuit. Quæris autem, quare Plenilunium illud non exhibuerim in tali formâ, in quali videlicet circa Nonagesimum fuerit constitutum? scias itaq; quòd jam antea quatuor figuræ circa Nonagesimum existentes, nimirum O, P, Q, R, hoc modo fuerint repræsentatæ; quapropter & Lunam aliter propiùs scilicet horizonti constitutam tibi offerre placuit.

*De inclinatione hujus Plenilunii.*

Neque inconvenienter hoc loco quæritur, postquam intellectum, constitutionem Macularum, sive totam disci inclinationem, in quadrante orientali, aliter spectari, quàm in occidentali; an non ergo perpetuò facies Lunæ, sive situs Macularum, respectu perpendicularis nonagesimi gradus, sit prorsus eadem; nec non inclinatio Lunæ orientis, in quovis signo, graduque Eclipticæ constitutæ, ac insuper cum inclinatione occidentis omni tempore, minimè sit diversa?

Primò autem, quòd Lunæ constitutionem in Nonagesimo attinet, facilè conjicere potes, si illa, quæ passim multoties, imprimis capite 18. circa quadraturas de illarum Sectionibus dicta fuerunt, probè perpenderis; impossibile esse, illam quovis tempore non variari: eo insuper attento, quòd Sectiones quadraturarum, vel quod idem, perpendicula nonagesimi, in diverso latitudinis situ, perpetuò mutantur. Quando verò Luna in utroque Limite versatur, perpendiculum ejus incedit, secundum

*Inclinatio  
Lunæ, & in  
Nonagesimo  
variatur.*



dum figuram cap. 18. pag. 329. insertam : circa Nodum Ascendentem verò, magis occasum versùs, in superiori nempe peripheriâ inclinât : circa Nodum descendentem magis magisque per aliquot gradus ortum versùs. Hincque evenit, ut discus Lunæ, unâ cum Maculis, modò sic modò aliter, in Nonagesimo conspiciatur. Quæ in quantum variatio excurrat, ex capite jam dicto pariter deprehenditur : adeò, ut omnino Maculæ, ad lineam à Polo Eclipticæ per centrum Lunæ ductum, minimè constantem; sed in quavis latitudinis variatione, variabilem dispositionem obtineant, teste ipsâ experientiâ: ut ut Severinus Longomontanus aliam foverit opinionem, quàm lib. I. Theoricorum pag. 192. Astronomiæ Danicæ expressit.

*In Quadrante Orientali & Occidentali major est Luna Inclinatione.*

Variatur itaque hæc inclinatio Lunæ aliquantulum in gradu nonagesimo, verum Inclinationes orientis occidentisque longè majori mutationi sunt subjectæ. In circulo quidem Nonagesimo, tantum ex diverso latitudinis situ descendunt; in ortu verò atque occasu, non solum ex diversâ latitudine, sed & longitudine proficiscuntur. Hæc autem, si rectè intelligi debeant, necesse est, ut scias, lineam illam, quæ perpendiculariter per centrum, & orbitam Lunæ fertur, per se (non verò respectu nostri, in quo multum differentiæ est situm) semper esse immobilem, ut supra memini : & idcirco Luna, sive sit in ortu, Nonagesimo, seu occasu, nihilominus semper viam Lunarem, ad angulos interfecat rectos : indeque faciliè præsumendum, Lunam in ortu longè aliter, quàm in occasu, & sic iterum vice versâ inclinari, prout angulus orbitæ Lunæ & horizontis fuerit acutior, sive obtusior.

Porro etiam compertum habemus, hunc angulum admodum variari, eodem planè modo, ut angulus orientis & occidentis, cui affinitate est conjunctus : nisi quòd angulus orbitæ Lunæ & horizontis, majori adhuc variationi sit obnoxius, quàm Angulus Orientis, seu Occidentis. Quia enim orbita Lunæ Eclipticam in duobus punctis oppositis interfecat, sic ut pars ejus dimidia, magis Boream versùs altiusque, altera magis Austrum versùs, atque decliviùs extendatur : hocque modo angulus orbitæ & horizontis, jam major, jam minor, evadit




I.  
Inclinatio Dantiscana,  
Luna circa initium  $\pi$ , et  $\delta$  existentis.

In nonagesimo.



In ortu.

In occasu.




In nonagesimo.



In ortu.

In occasu.



In nonagesimo.



In ortu.

In occasu.




Fig. S.

Aut. Sculps.

Inter p. 300 et p. 301 hujus Figure S. mentionem facit; 301. rgr. miseranda erit.







dit, respectu anguli Eclipticæ & horizontis, præsertim extra Nodos : circa Nodum Austrinum, hic angulus quinque gradibus & aliquot minutis, minor est in ortu, quàm ipse angulus orientis : in occasu verò, tot gradibus aliquotque minutis major angulo occidentis. Circa Nodum Boreum autem, angulus hîc orbitæ Lunæ & horizontis, in ortu omni tempore quinque grad. & septendecim circiter minut. major existit, angulo orientis : atque rursus in occasu, tantò minor : secundum quem, & omnes Inclinationes Lunæ disci variantur. Quò autem Lector scientiæ cupidus, hæc, quæ jam dicta sunt, eò meliùs percipiat, ipsemetque etiam quasdam Inclinationes & constitutiones Lunæ, tam in ortu, & nonagesimo, quàm occasu oculis lustrare possit; placuit in certis quibusdam casibus, diversas Lunæ Inclinationes in figuram scilicet S referre præsentem.

Juxta numerum 1, tres conspiciuntur Lunæ facies, quomodo inclinat in ortu, nonagesimo & occasu, Lunâ nimirum existente in primo gradu Libræ, atque in ipso Nodo Ascendente. Sub numero 2. in eâdem situatione, disci constitutio sive Inclinationo conspicitur, cum nempe Luna in primo gradu Arietis versatur, Nodoque itidem Boreo. Prope num. 3. quando Luna in primo gradu Cancrî seu Capricorni, pariterque in Nodo Boreo commoratur. Quâ ratione autem has Inclinationes delineaverim, jam indicabo. Primò, necesse est, exploratum ut habeamus punctum illud verticale, vel perpendiculum Nonagesimi e scilicet seu e g : hoc quippe ut percepisti, ad aliquot paucos circiter gradus, respectu nostri & Eclipticæ aliquantulum variatur, atque libratur. Secundò, ad constitutionem Lunæ orientis, requiritur etiam, ut sit cognitus angulus orbitæ Lunæ & horizontis; qui si non ex certâ ad hoc negotium adornatâ Tabulâ excerpti poterit, oportet illum, speciatim computare. Quâ verò viâ id aggrediendum, peritis obvium est; at reliqui in rebus Astronomicis parùm exercitati, id ex libris sphæricorum assequi possunt, quò illos ablegamus.

Explorato igitur hoc angulo, in figurâ præsentem ad num. 1. & quidem in ortu, c a b notato, simul quoque innotescit complementum ejus ad quadrantem sive 90. gradus, nimirum

Z z

a b g.

*Diversæ Inclinationes  
Lunæ Dantischemate exhibentur.*

*Indicatur ratio delineandi Inclinationes.*



a b g. Dico itaq; præterea, angulum e a f angulo b a g, tanquam suo verticali prorsus esse æqualem : nam *anguli ad verticem inter se sunt æquales*, per Theor. 8. proposi. 15. I. Euclid. Quæ cum ita sint, propterea simpliciter tantummodo opus, anguli complementum orbitæ & horizontis, ad sinistram nempe in ortu, ab f incipiendo, sursum versus constituere : sic ut à puncto verticali e, ad f usque, non plures neque pauciores gradus quàm à dicto complemento comprehendantur. In quo casu hîc Dantisçi, quando Luna in primo gradu Libræ & Leonis versatur, invenitur angulus orbitæ & horizontis orientalis 64. gradus, & insuper aliquot minuta (qui nullo negotio innotescit, Lunâ existente circa Nodos, ex Tabulâ nempe orientis, & quidem ex simplici additione, vel subtractione, anguli orbitæ & Eclipticæ, anguli que orientis vel occidentis, quorum prior semper quinque circiter æquatur gradibus) complementum igitur ejus ad quadrantem provenit 26. gradus. Huic æqualem, ab f usque e designo; quo factò, vera confestim Lunæ inclinatio est repræsentata.

Ad Inclinationem Lunæ occidentis inveniendam, eodem planè modo proceditur, excepto, quòd in hoc casu, non angulo orientis orbitæ & horizontis utimur, sed occidentis, à quo quinque illi gradus subtrahuntur : hic angulus occidentis, si ad orientis angulum conferatur, ferè perpetuò ei est inæqualis, ad instar angulorum orientis vel occidentis, horizontis & Eclipticæ. In figurâ quidem appositâ Lunæ occidentis ad Num. 1. Angulus orbitæ & horizontis c a b invenitur hîc Dantisçi circiter 12. graduum : à quo si subtrahas 5. restabunt 7. cujus complementum ad 90. gradus, scilicet b a g fit 83. grad. cui planè angulus e a f, tanquam verticalis est æqualis. Quod si igitur complementum illud anguli horizontis & orbitæ, occidentis, scilicet 83. gradus, ab f usque e, ad dextram constituatur, desideratam illicò habebis Inclinationem.

Quem item modum sub Num. 2. & 3. cum Luna in primo gradu Arietis, Cancrî & Capricorni versatur, sequuti sumus. Ex quibus delineationibus satis superque videre est, cum hac disci Inclinatione, omnino aliter esse comparatum in




ortu aliter iterum in occasu; non minùs verò in Librà, Ariete, Cancro, vel Capricorno, semper existere diversimodam. Interim non solum in his tribus duntaxat stationibus variantur; sed & in quovis gradu minutoque longitudinis; eoque magis vel minùs, ratione motus, Cuspidum Lunæ.


In gratiam autem Astrosophorum, hoc quoque loco Inclinationes Dantiscanas, tam Lunæ orientis, quàm occidentis, in omnibus Signorum principiis constitutas (Lunâ scilicet versante circa Nodum Boreum) atque planè eo quem diximus, modo, delineatas apponere placet. Ex quibus utique, singulari cum animi voluptate, percipies, mirabilem Lunæ variationem & inclinationem, nec non, quomodo successivè alius atq; alius peripheriæ gradus, verticalis existat. Hincque haud difficulter colligitur, perpendicularum Nonagesimi, perpetuò se se in Quadrante orientali ad circulum usque Nonagesimum, plus plusque erigere: in Quadrante verò occidentali magis magisque inclinare horizontem versùs; ob variationem scilicet anguli verticalis orbitæque Lunæ horariam.

*Inclinationes  
Lunæ Dantis-  
cane in prin-  
cipiis Signo-  
rum, tam in  
ortu quàm  
occasu exhi-  
bentur.*

*Constitutio seu Inclinatorio Lunæ Orientis, circa principia  
Signorum, Nodumque Boreum, in horizonte Gedanensi.*



*Constitutio seu Inclinatorio Lunæ Occidentis, circa principia  
Signorum, Nodumque Boreum, in horizonte Gedanensi.*



*Auton Sculpsit.*

Expetisne autem quoque ad quamvis datam horam, minutamque, disci inclinationem Lunæ constituere? necesse est



*Ad quamcunq; datam horam, invenire Inclinationem.*

igitur ut primum angulum circuli verticalis & orbitæ Lunæ ad datum tempus, aut ex peculiari Tabulâ, aut ex calculo trigonometrico, exploratum habeas: tuncque viâ prædictâ complementum ejus constitue, in Quadrante orientali ad sinistram, ab f usque e, ita habebis veram inclinationem ad illud ipsum præfinitum tempus.

*Inclinatio ex diversissimis oritur causis; unde admodum est varia.*

Ex quibus omnibus, quæ modò diximus, satis superque liquet, Inclinationes Lunæ, non solum ex motu longitudinis atque latitudinis; sed etiam ex diverso situ Lunæ, respectu Nonagesimi & horizontis variari. Neque his adhuc absolvuntur; siquidem Inclinationes Lunæ in diversis horizontibus, diversissimæ existunt: hoc est, pro diversitate Poli Elevationis, adhuc præter illam priorem variationem, magis magisque alterantur. Cæterum, quantò locorum elevatio Poli est depressior, tantò hæc inclinatio evadit major (hoc est, tantò punctum nimirum verticale Nonagesimi magis horizontem versus, tam in ortu quàm occasu, inclinat) ac rursus, quantò Elevatio Poli in quodam loco sublimior datur, tantò hæc inclinatio ibidem est minor.

*Inclinationes rectè determinare, non parùm habet momenti.*

Ex quibus denuo clarè patet, tam diversam esse Inclinationem, ut vix possibile, ob continuam variationem longitudinis, latitudinis, altitudinis Lunæ, Poli que elevationis, has sæpiùs memoratas inclinationes determinare. Veruntamen haud parùm conducere, ut quilibet, in horizonte quocunq; degens, inclinationem Lunæ per omnes suprâ dictos casus, beneficio alicujus præfigurati Plenilunii, haud magno labore, & quidem ex tempore, sibi oculis subjicere posset: quippe non tantum in Eclipsibus, sed & in reliquis omnibus Lunæ observationibus, magno certè res hæc foret adminiculo; quemadmodum inferiùs suo loco demonstrabitur.


*Plenilunii versatilis ope, universas Lunæ Inclinationes quocunq; loco & tempore, representare, docetur.*

Hocque feliciter, sine ullo laboris & temporis multi dispendio succedere posse, si motus librationis non attendatur, præfente Plenilunio Brumali versatili, in eam gratiam adornato, jam jam commonstrabo. Antequam autem eò pervenire possimus, summopere opus est, ut tibi Tabulam Angulorum circuli verticalis orbitæq; Lunarum, ad tuam Poli Elevationem supputes, ad



Plenilunium Beumale.  
Observatum.

G E D A N E.  
Circa initium Canceri, et Limit. Auct.  
Punctum C. Nonagesim.





Cl  
72



ad singulos videlicet gradus longitudinis & altitudinis : id quod si tibi nimium molestum esse videatur, sufficit huic negotio, ad decem duntaxat gradus longitudinis, & ad singulas semihoras, sive horarum quadrantes, illam computare. Quàm verò magni est laboris ejusmodi conficere Tabulam, tamque magnum rursum adfert commodum, tamque gratior nobis, cùm illâ opus habemus, accidit. Hujus enim si non datur copia, multò certè molestius est, ad quamlibet inclinationem primùm supputare angulum. Tabulâ itaque probè confectâ, quære hujus beneficio, addatum tempus locumq; Lunę, angulum circuli verticalis & orbitæ Lunæ, ad quem eruendum, duplici parte proportionali opus erit : quo factò, in extremo diviso circulo ab A sursum, C punctum nonagesimum versùs, tot dinumera gradus, quot anguli complementum comprehendit ; si nimirum Inclinationem Lunæ orientalis desideres : postmodùm, cùm hæc figura ita sit præparata, ut circumagi possit, sinistrorsum eam obverte, quoad de tribus superioribus punctis unum (quæ inter 30. & 40. gradum conspiciuntur) ultimum dinumeratum gradum anguli complementi tangat. Rogitas autem, quodnam punctum horum trium hîc debeat attendi ? respondeo : si Luna in Nodo Austrino commoretur, necesse est, ut omnium orientalius ad 37. gradum situm, apprehendas ; medium, si circa Limites versatur ; atque illud occidentale ad 31. gradum conspicuum, quando Luna circa Nodum Boreum existit. Quod si scire etiam expetis situm inclinationis Lunæ in quadrante orientali ; dinumera tot gradus à B, C versùs, ut priùs factum, quot anguli complementum verticalis orbitęq; Lunę possidet ; tunc dextrorsum Zephyrum versùs hunc Plenilunii Iconismum circumvolve, usque dum iterùm unum, ex illis tribus superioribus punctis, quod tum temporis necesse habes, ad ultimum dinumeratum gradum constituatur ; quibus peractis, genuinam temporis dato locoque Lunæ respondentem inclinationem planè tenes : ex quâ illicò percipies, quinam gradus peripheriæ illo tempore in nonagesimo extet, nec verò minùs quænam loca, Valles Montesq; cum puncto nonagesimi C, centroq; Lunæ in unâ rectâ sint constituti, quod quidem ad-



miniculo talis fili serici accuratè examinari poterit. Cui verò bono commodoque hoc esse possit, suo reservabitur loco dicendum.

Postquam igitur nunc satis, ut arbitror, de variatione inclinationis Lunaris diximus, non absolum erit, ad reliqua, quaestionesque aliquas ad Plenilunium spectantes accedere. Primò enim quaeritur: an Sol quovis tempore, praesertim Plenilunii, mediam exactè partem Lunæ illuminet? negatur. Quamquam minimè diffiteor, *si sphaera luminosa sphaera opaca aequalis fuerit, quòd media quoque pars opaca à mediâ luminosâ illustretur*, per proposit. 45. lib. v. Optic. Aguilon.; vel, ut loquitur Alhasen lib. de Crepusc. N. 2. & Vitell. lib. 2. proposit. 26. atque Aristarchus Samius in lib. de Magnitud. & intervallis, Solis & Lunæ: *Si sphaericum luminosum illuminet opacum aequale: hemisphaerium illuminabit.* Posteaquam verò Sol orbe Lunari longè est major, ideoque & majorem medietate partem illustrat, vi propositionis 46. lib. v. Optic. Aguilonii: *Si sphaera luminosa major fuerit opaca, à minore parte luminosæ major pars illustrabitur*, vel ut utar verbis Alhas. lib. de Crepusc. N. 3.: *Si sphaericum luminosum illuminet opacum minus: plus hemisphaerio illuminabit.* Quod non minùs à Vitellione lib. 27. & Aristarch. Sam. lib. de Magnit. & intervall. Solis & Lunæ corroboratur. Oportet igitur terminum illuminationis esse circulum, minorem tamen eo, qui in sphaerico Lunæ corpore maximus describitur. Hic verò circulus illuminationis non perpetuò est ejusdem magnitudinis; sed paululùm variat, ratione Solis à Lunâ distantiae: quantò autem fuerit major, tantò minor pars illa illuminata de corpore opaco existit. Cùm itaque hic circulus, tempore Plenilunii sit omnium maximus; sequitur lege quadam certâ, partem Lunæ plenæ illuminatam, esse omnium minimam. Hæc autem verba, propriè loquendo, æquivalent illis, quæ jam proferam: Lunam nunquam minùs illustrari, quàm cùm est plena. Quod vulgus vix unquam sibi persvadebit; hac enim in opinione hæret: Lunam in Plenilunio maximè Solis fulgore perfundi. Verùm toto sic aberratur Cœlo; ignorato, quòd corpus opacum sphaericum, à luminoso sphaerico majori & remotiori, minùs; à propinquiore verò,

An quovis tempore totum prorsus hemisphaerium Lunæ à Sole illuminetur?

Luna nunquam minùs, quàm cùm est plena, illuminatur.



verò, licet æquali, plus illuminetur : quod abundè satis Optici, præsertim Franciscus Aguilonius lib. v. prop. 48. Optic. demonstravit, his verbis : *Sphaeroides luminosum majus è propinquo, ampliore partem opaci irradiat, quàm è remoto.* Hoc æque corroborat Vitell. lib. 2. prop. 23. Cùm igitur Luna orbe plena, semper sit quàm maximè à Sole remota (quando nimirum terra interponitur) quàm ante vel post oppositionem, inprimis tempore conjunctionis, quo differentia ferè 120. semidiam. æstimatur; sequitur ergo, ut modò referebam, Lunam nunquam minùs, quàm, cùm est plena, illuminari : eapropter & circulus illuminationis, id temporis omnium est minimus. Quanta autem revera sit pars Lunæ illuminata, circulo maximo seu minimo existente, Astronomi viâ diversâ docent, cognitâ videlicet distantia utriusq; Sideris datisq; diametris, investigare; inter reliquos Erasmus Reinholdus, in Commentario super Theorias Peurbachii fol. 165. partem illam ad circulum usque illuminationis determinat, quòd nimirum sit grad. 189.45. min. sic ut Luna 9. grad. supra partem dimidiam illuminetur. Acutissimus verò Kepplerus in Astronomiâ Opticâ cap. 6. n. 3. pag. 231. hoc non solum in dubium vocat; sed & partem circuli illuminati, longè esse minorem apertè demonstrat, quòd nimirum sit grad. solummodo 180. min. 31. sec. 20. quando nova, atque in Apogæo versatur; umbrosa verò pars, nempe residua, grad. 179. min. 28. sec. 40; at Lunâ in perigæo versante, posse arcum illuminatum esse grad. 180. min. 28. sec. 12.

*Quanta sit  
pars illumi-  
nata Lunæ?*

Interea tamen totam hanc à Sole illustratam partem, hemisphærio majorem in Plenilunio non conspiciamus, quoniam scilicet corporis illuminati Lunar, diameter visibilis major existit, quàm spatium illud, inter utrumque oculum nostrum (tum enim circulus visionis hemisphærio est minor) secundum propos. 70. iv. Vitell : *Linea connectens centra amborum visuum, si diametro sphaerae convexae minor fuerit; minus hemisphærio est, quod videtur.* Ratione verò distantiae inter oculos nostros, & corpus illuminatum, circulus visionis decrescit, ita ut majorem partem, de parte Lunæ illuminatâ tum temporis spectare liceat. Hæc autem ita esse Aguilonius confirmat, prop. 44. lib. v. Optic. his

ver-



Quò minùs  
Luna à Sole  
illuminatur,  
eò plus de eà  
cernitur.

verbis : *Externum signum luminosum, majorem partem sphaera remotioris irradiat quàm propinquioris.* Hincque colligitur, quòd de Lunâ in Apogæo plus spectetur, licet à Sole minùs illustretur : in Perigæo autem plus illustretur, & minùs cernatur. Maxima verò pars quæ unquam in Apogæo à nobis videtur, semper ut jam suprâ memini, hemisphærio est minor, sicuti pars à Sole illuminata, semper hemisphærio major existit. Circuli autem visionis & illuminationis, qui inde oriuntur, æque distant à peripheriâ circuli majoris, & sub ipsum verissimæ oppositionis momentum, distat uterque circulus undique circiter 30. minutis. Quamdiu igitur circulus visionis, circulum illuminationis nondum tangit, tam diu Luna accuratè prorsusque plena rotundaque apparet.

Quam diu  
perfectū Ple-  
nilunium du-  
rare possit?

Unde Vitellio quidem atque Reinholdus concluderunt, Lunam plenam & per duas integras horas invariata ratione decrementi persistere posse, priusquam videatur decrescere; quemadmodum id Kepplerus refert, loco jam suprâ citato. Verùm huic sententiæ ibidem pag. 237. omnino refragatur Autor modò dictus, inquiens : *nunquam nec visum esse,*

Keppleri hac  
de re opinio.

*nec videri posse ullum perfectum Plenilunium; tantum abest, ut unum Plenilunium duas horas duret.* Porro cùm autem sint maximè notabilia atque longè ingeniosissima, quæ de his omnibus is ipse in sequentibus profert; idcirco ipsiusmet verba hoc loco adjiciam : *Etenim, quia semidiameter umbræ æquat duas semis Lunæ semidiametros, additâ unâ Lunæ semidiametro; ut contra Lunæ ☾ umbræ spatium justum expers umbræ admittant, conficiuntur circiter 64. aut 66. scrupula: totidem necesse est, Lunam abesse à Solis opposito, seu in longum, seu in latum; nisi umbram delibare velit. At tanto spatio distans ab oppositione, jam fit intersectio circularum illuminationis ☾ visionis: quia hi in distantia Lunæ ☾ oppositi loci Solis 30. scrupulorum se mutuo tangunt. Aut igitur nequit impleri Luna ob latitudinem Boream vel Austrinam, aut si potest impleri, articulos peragrans oppositionis, priusquam impleatur, deficere incipit, umbram terræ subiens. Nisi fortè distantia in Boream parallaxis Austrina, vel contrâ, subveniat.*

Hæc autem quàm acutè tam verè profectò sunt dicta, quam paulò obscuriùs. Sensus verò genuinus hic est : quando luminarium oppositio circa Nodos accidit, tunc Luna suo centro perquam vicina est Eclipticæ, in quâ tum temporis simul centrum umbræ terrenæ versatur, cujus diameter circiter 64. vel 65. min. existit. At Luna non citiùs plena rotundaque

peni-



penitus spectatur, quàm donec 30. tantùm minut. prim. à puncto opposito Solis, vel centro umbræ est remota, ubi duo illi circuli visionis & illuminationis se mutuo ampliùs interfecare desistunt: priusquam autem eadem trigessimum minutum à puncto opposito Solis attingit, necessum est ut jam umbram stringat; ejus namque diameter ad 66. minut. prim. se se extendit: sic ut citiùs ad umbram appellat, quàm lumen suum totale acquirat. Rursum, post oppositionem, antequam ex umbrâ egreditur, iterum decrescere incipit: semidiameter enim umbræ 36. minutis major est, quàm distantia à puncto Solis opposito, ad terminum usque intersectionis duorum istorum circulorum visionis & illuminationis. Quod si verò Luna tempore oppositionis majorem latitudinem habeat, aut Borealem aut Australem semidiametro umbræ, sic ut umbram sine attactu, vel à parte superiori, vel inferiori, præterire possit; nihilominus & eo tempore minimè foret undique plena: siquidem latitudo tunc multò foret major, quàm illa prædicta distantia 30. minutorum: in quo interstitio, Luna solummodo accurate plena rotundaque apparet. Quò autem major foret latitudo, eò plus limbus superior, vel inferior decrevisse videretur. Ita, ut revera propriè loquendo, Luna, sive sit circa Nodos, limites, sive distantiam inter mediam, perpetuò citiùs decrescat, priusquam justè plena evadat. Impossibile itaque, ut ullo tempore plenariè rotundum verumque Plenilunium, ut ut etiam sit exigua pars illa deficiens, dari possit.

*Nullotempore perfectum Plenilunium conspicitur.*

Hocque præclarissimus Kepplerus, felicissimi ingenii ope ex certis indubitatisque rationibus sic colligere potuit, persuasus, partem illam Lunæ Plenæ deficientem adeò esse tenuem, ut planè conspici non possit. Sed ego ei (pace tanti Viri) adverfor: quippe qui ex observationibus, atque oculari experientia longè aliud didici: quodque licet pars illa nempe deficiens admodum sit exilis, ut facilè colligitur, nihilominus tamen omni tempore in Lunâ Soli opposita satis sit conspicua; non quidem nudis oculis, sed adminiculo longi atque perfecti Telescopii. Vix autem memini, me ullo tempore, discum Lunæ, ab omni parte lumine repletum, accurateque rotundum Plenilunium

*Num pars illa Plenilunii deficiens oculis deprehendi queat?*



animadvertisse ac observasse, ut non ab unâ vel alterâ parte, sive superiori sive inferiori, (quamvis interdum pars esset valde exigua) particula quædam luminis adhuc desideraretur: unde nonnunquam insignis scabrities, in ipso etiam oppositionis articulo se offerebat. Lunâ quidem versante prope caudam, vel caput Draconis, plerumque in orientali vel occidentali parte aliquid deficiebat: circaque Limitem Boreum, limbus Australis haud parùm erat scabrosus: in limite autem Austrino, contrâ peripheriâ Borealis minimè erat plena, & ab inæqualitate penitus libera: quò verò major vel minor dabatur latitudo, eò pars deficiens major minorve deprehendebatur. Ejusmodi exempla, atque observationes quàm plurimas hoc loco possem producere; ne autem Benevolum Lectorem multis morer, tantùm aliquot exhibebo: cùm capite sexto jam partim quarundam facta fuerit mentio.

*Observatio  
prima.*

1. Anno Æræ Christianæ 1644. die 21. Aprilis, horâ 11. vespertinâ, quartâ ante veram oppositionem; Luna non solum in limbo orientali nondum prorsus lumine erat completa; sed simul à parte inferiori Australi jam notabiliter erat aspera. Ratio hujus rei hæc est, quòd tum temporis latitudinem Septentrionalem  $3\frac{1}{2}$  grad. obtinuerit.

*Observatio  
secunda.*

2. Anno 1645. die 5. Septembris, horâ 10. vespertinâ, 4. ante veram oppositionem, limbo iterum orientali admodum existente scabroso, pars superior & inferior satis rotunda lævisque spectabatur: quia latitudo Australis tantùm circiter  $1\frac{1}{2}$  gradum adæquabat.

*Observatio  
tertia.*

3. Anno 1645. die 5. Octobris, horâ octavâ vespertinâ, sextâ post verum Plenilunium, non tantùm Luna in latere occidentali; sed & in peripheriâ Boreali supra Mare hyperboreum, haud parùm decreverat. Hoc autem tum inprimis maximeque erat animadversione, atque admiratione dignum; quòd, tametsi Luna in limbo occidentali jam satis tuberosa lacunosaque esset, tamen hoc non obstante, verticem notabilem atque maximè conspicuum alicujus excelsissimi Montis, in ipsâ peripheriâ orientali offerebat. Ex quibus clarè patet, quòd in ipso limbo manifestè Montes & Valles, beneficio alicujus præclari Tubi,



bi, animadvertere licet; quemadmodum jam antea capite sexto à nobis fuit demonstratum. Partem autem superiorem peripheriæ non mediocriter extitisse anfractuofam, exinde ortum traxit, quòd latitudo Lunæ Australis, eo tempore graduum fuit 4½.

4. Anno 1645. die 8. Junii, horâ 12. ante verissimum oppositionis momentum, pars illa Euroaustralis à Lacu Maræotide usque ad Montes Dalangueros vehementer erat aspera atque inæqualis, ac minimè undique plena, & rotundata. Horâ 12. post veram oppositionem, die nimirum 9. Junii, jam ipsa peripheria Notozephyrum versùs, à Lacu Meridionali usque ad Paludem Mæotidem, itidem admodum erat inæqualis & sinuosa; præter hanc autem asperitatem, totus Lunæ ambitus extremus æquabili quodam tractu spectabatur: adeo ut hæc asperitas, parsque deficiens à limbi parte Euroaustrali, per Austrum Notozephyrum versùs, se se promoverit. Unde utique conficitur, tempore veræ oppositionis, maximam Lunæ inæqualitatem in ipso Limbo Lunæ inferiori Australi fuisse conspicuam: Luna enim tum temporis versabatur circa Limitem Boreum, ut ita haud aliter quam sic fieri potuerit.

*Observatio  
quarta.*

5. Anno 1646. die 29. Aprilis, horâ nonâ vespertinâ ipso Plenilunii articulo, Limbus Lunæ ferè undique erat rotundatus, nisi quòd solummodo in parte Lunæ mage Australi notabiliter scabrosus, atque flexuosus existeret; quæ asperitas ad 90. circiter gradus se se extendebat: ratio est, quòd Luna eo tempore latitudinem quinque graduum acquisiverat, limitemque Borealem affecuta fuerat.

*Observatio  
quinta.*

Ex quibus certè observationibus apertè elucet, quando Plenilunium accidit circa Nodos, Lunam, aut in limbo orientali, aut occidentali, non prorsus esse plenam; sed omnino scabrosam atque asperam apparere. Existente verò Plenilunio in limite Boreo, tunc à parte Australi, scilicet inferiori, ejusmodi inæqualitas animadvertitur. At si circa limitem Austrinum illud observetur, rursus in parte superiori Boreali, pars quædam deficiens limbi deprehenditur: quæ scabrities jam major jam minor existit, ratione scilicet Lunæ majoris vel minoris latitudinis.


*Pro diversa  
Pleniluniorum  
latitudine,  
modò hæc,  
modò alia  
pars limbi  
scabrosa de-  
prehenditur.*



dinis. Nunc autem hac de materiâ nihil ampliùs supereſt dicere, quàm ut hæc, quæ modò dixi, ſchemate declaremus, ut cuilibet Selenographi & tironi, genuina hujus rei ratio non menti tantùm pateat, ſed & ipsis oculis ſubjiciatur.

*Quod ſchemate declaratur.*

Igitur in præſente diagrammate linea A d c eſto Ecliptica, c Sol, d Terra, vel locus viſionis; A, Luna in Eclipticâ ſcilicet circa Nodos conſtituta; B, Luna in limite Boreo exi-



stens; C verò in limite Austrino: omnes lineæ à Sole ad Lunam tendentes, c e nempe & c f, ſunt lineæ illuminationis; e f baſis pyramidis illuminationis. Lineæ ab oculo noſtro d, ad Lunam uſque properantes, lineæ ſunt viſionis, g h baſis pyramidis viſionis: pars illa à lineis illuminationis comprehenſa, tantùm à Sole illuminatur; & quæ à lineis viſionis continetur, à nobis tantummodo cernitur. Apud A, Lunâ exiſtente circa Nodos, baſes pyramidis in unam coincidunt lineam, quam ob cauſam eo tempore nihil quicquam de Lunæ hemiſphærio tenebricoſo ſpectatur: & idcirco peripheria ejus illo ipſo tempore accuratè lævis, atq; rotundata neceſſariò apparet. Circa limites verò, baſes pyramidum illuminationis & viſionis ſe mutuò interſecant; ſic ut aliter eſſe non poſſit, quàm ut nobis aliqua particula de obſcurato hemiſphærio latente objiciatur: quamobrem eo tempore Plenilunii, peripheria non penitus plana atque rotunda, ſed ex parte tuberoſa aſperaque, reſpectu oculi apparet. Circa limitem Boreum de eſt particula que-

dam



dam de parte inferiori, nempe Australi : sicuti in parte inilluminatâ f h hîc videre licet. In limite Austrino jam limbus superior non videtur planè lumine impletus; quemadmodum pars tenebricosa e, g. apertè notat; quod erat demonstrandum.

Inde verò haud vulgaris oritur quæstio, quam breviter ante conclusionem hujus capitis enodabo : an nimirum asperitas illa, atque pars deficiens peripheriæ, tam in uno, quàm altero limite, ejusdem semper magnitudinis à nobis spectetur? Respondeo, quòd non. Hoc autem nonnullis mirum videbitur. Cùm enim Luna tum in limite Boreo, tum Austrino, æquali distantia ab Eclipticâ removeatur, excepto eo, quod in illâ statione tanto spatio supra Eclipticam, quantò in hac infra existat; cur non etiam pars deficiens peripheriæ Australis circa limitem Boreum, alteri parti peripheriæ Borealis circa limitem Austrinum omnino æquetur? Quòd autem id secus eveniat, ex parallaxi altitudinis proficiscitur. Nam, uti percepimus capite septimo, ratione hujus parallaxeos Luna ad integrum circiter gradum perpetuò deprimitur : sic ut Lunâ versante in ipso limite Boreo, integro gradu humilior appareat; hincque visibilis distantia ab Eclipticâ tantò etiam redditur minor. In limite verò Austrino pariter per integrum gradum, ex vero illius loco deprimitur; unde distantia ab Eclipticâ tantò fit major, quantò in casu priori facta erat minor. Differentia itaque duos adæquat gradus, quòd nimirum Australis distantia ab Eclipticâ, sive latitudo, major apparet : quapropter & pars deficiens Plenilunii, circa limitem Australem, ex necessitate se se nobis major exhibet, quàm circa limitem Septentrionalem. Præterea & hoc inde sequitur, quòd Luna circa Nodos constituta, nunquam, quoad peripheriam superiorem, prorsus plena rotundaque spectetur; siquidem per integrum gradum respectu nostri, ut etiam antè inculcatum, eo tempore fit declivior. Quando verò Luna in latitudine Boreali unius gradus deprehenditur, tum parallaxeos beneficio exactè in Eclipticam locatur, quo tempore, cùm superior, tum inferior ejus limbus, undique æquabilis,

plenus, rotundusque

apparet.

A a a 3

CA-

*Num in utroq; limite, semper eadē Plenilunii asperitas deprehendatur.*



## CAPUT XXVII.

DE LUNAE AB OPPOSITIONE RE-  
CENTIS PHASI.

*Non statim  
primâ die de-  
crescere Lu-  
nam, alî sta-  
tuerunt.*

**M**ulti quidem è Clarissimis Viris, ut Franciscus Aguilonius, Josephus Blancanus, & alii, hac in opinione fuerunt; non statim primâ die decrescere Lunam; sed decrementum Plenilunii exacti, vix altero, imo nonnisi tertio post oppositionem die, posse deprehendi: sicuti ille pag. 410. 414. 415. lib. v. Optic. hic verò pag. 72. circa finem cap. 3. lib. 9. disertè scribit: idque inde ratiocinando colligunt, quòd nimirum statuant, latitudinem inter circulos illuminationis, & visionis utriusve lineas terminantes esse permagnam; unde omnino Luna tam diu luminis plenitudinem retinere potest, usque dum hi duo circuli se mutuò interfecent.

Hanc autem existimationem non solùm hac phasi manifestè refutare possumus, cùm in 30. horarum spatio post oppositionem notabiliter decreverit; sed & ex illis capite præcedente circa finem prolatis itidem contrarium patet. Nam uti diximus, atq; à Kepplero etiam est abundè demonstratum, latitudo inter circulos illuminationis & visionis, non superat 30. minuta; quare Luna lumine plena, vel peripheria ejus undique rotunda ac æqualiter terminata, minimè per duas horas, nedum per biduum aut triduum, durare potest. Imò ex capite priori liquidò constat, vix ullum unquam perfectum Plenilunium videri posse, in quo ambitus circularis ejus, ab uno vel altero latere non præcisus imminutusve esse deprehendatur: verùm de his satis.

*In quâ parte  
limbi Luna  
decrecere in-  
cipiat?*

Jam circa phasin hancce, ubi primùm Luna decrescere incipit, utique percontatio talis ponetur: utrùm Luna perpetuò in latere dextro lumen amittat, nec ne? Quæ quidem interrogatio primâ fronte videri potest supervacanea: quia omnes & singulæ phases Lunæ decrescentis confirmant, decrementum ejus omni tempore ab occasu incipere, veluti incrementum sem-



*Plafis Luna, ab Oppositione recentis.  
 Observata, in 21<sup>o</sup> gradu II, circa limit. A.*

*C. E. D. A. N. I.*

*Anno Christi 1643, Die 26 Novemb. hora 11 à merid. num. ab  
 Oppositione vero 6, Diu 2 Current.*









semper ab ortu desinit. Nihilo tamen minùs, contrarium ut probeam annitar : primum nimirum Lunæ decrementum non semper in occidentaliori parte, verùm modò in parte limbi Boream, modò Corum, modò Zephyrum, modò Notozephyrum, modò etiam Austrum versùs initium capere. Cujus quidem rei argumenta atque probationes, maximâ ex parte, in capite præcedente continentur; cùm verò aliam planè ob causam ibidem productæ, aliisque rebus applicatæ fuerint, necessarium erit, illas aliquatenus repetere.

Atque istis, quæ capite superiori diximus ac demonstravimus, nullum unquam verum omnino & undique rotundum Plenilunium dari posse, Lunamque citiùs decrescere, quàm undique lumine impleri, concessis, videtur hæc quæstio proposita prorsus per se quasi corruere. Nam, quia incrementi Lunæ nullus ferè finis, idcirco & nullum decrementi, rectè loquendo initium dari potest. Si verò umbram terrenam tempore Plenilunii, Lunâ circa Nodos versante, removeamus, perinde ac si ibidem in loco suo non existeret; tunc Luna, in tali casu, non solum omni ex parte plena fieri potest, sed & per temporis aliquod spatium (ut ut etiam sit exiguum) pleno undique lumine, ambituque extremo æquabili permanere, & postmodum demum decrementi facere initium : quo tempore (quod bene notandum) quando nimirum Luna est circa Nodos, ultimum peripheriæ illuminatum punctum, quo completur, planè in oriente existet, & per consequens etiam primum decrementi, punctum, sive ejus initium, perfectè in occasu.

Quum autem Luna prope limitem versatur Austrinum tunc, propriè loquendo, ut paulò antè referebam, nec finis, neque initium Lunæ crescentis vel decrescientis, animadvertitur; quamprimum namque Luna oppositionis puncto appropinquat, pars illa obumbrata scabrosa peripheriæ, se se paulatim Arctapeliotem versùs promovet; postmodum tempore veræ oppositionis in Septentrionem, & deinde mox Corum, denique sensim Zephyrum versùs pergit : sic ut pars illa residua obscura Lunæ crescentis, dum continuo cursu, se se per Lunæ partem superiorem extendit, in partem deficientem Lunæ decrescientis trans-

mute-



mutetur. Itaque sanè initium Lunæ decrescantis, in limite Australi, nequaquam incipit in occasu, sed potiùs in parte limbi, quæ Arctapeliotem, vel etiam Boream versùs, spectat.

Quando verò Luna, tempore Plenilunii, circa limitem Boreum commoratur, tunc pars Lunæ crescentis deficiens orientalis, primùm in Euroaustrum, deinde per Austrum in Notozephyrum, & denique rectà in occasum tendit; quemadmodum ex superioribus citatis observationibus, capitis præcedentis, præsertim ex quartâ, Anno 1645. die 8. Junii observatâ, clarè ac apertè perspicitur: sic, ut denuo eo ipso tempore decrementi, initium Lunæ decrescantis, in Euroaustro, vel Austro observetur, & neutiquam perpetuo in occasu; quod erat probandum.

## CAPUT XXVIII.

### DE LUNAE DECRESCENTIS PHASI.



De Vallium  
umbrâ.


**H**is in phasibus decrescantibus, cum primis in adjunctâ optimè ac perspicuè conspicitur, quomodo in Vallibus, Montium umbræ in partem obversam se se contulerint, respectu umbrarum Lunę crescentis: id enim temporis in parte Vallium occidentali, nunc verò in orientali spectantur. Adhæc in omnibus ante oppositionem phasibus, umbra quotidie paulatim contrahitur, breviorque redditur: quam ob causam Valles illæ pedetentim tunc luminosiores existunt. Post oppositionem verò, Luna cùm decrescit, umbra indies crescit, longiorque evadit: ideoque & Valles, paulatim umbrosiores videntur: quippe confinium obscuræ & illuminatæ partis, singulis momentis illis magis magisque appropinquat. Hocq; manifestum est in Insulâ majori, Maris Caspii; estque enim illa certè multò obscurior hodie quàm fuit die proximè præcedente: & sic cum omnibus lacunosis, ac tuberosis partibus est comparatum.

Confiniumque hujus faciei Lunæ, jam satis denticulatum anfractuosumque spectandum se exhibet; & in parte umbrosâ, areolæ quoque clariores quàm plurimæ se se offerunt, præ-

fer-



*Præcis Luna Dorecentis.*  
*Observata in 4<sup>to</sup> Gradu 28, tam circa puncta intermedia, qm. lim. A.*  
*G E D A N G.*  
*Anno Christi 1643, Die 27 Novemb. hora 11 à merid. numerata,*  
*ab Oppositione vero 6, Diei 3 Current.*









fertim circa paludem Mæotidem, quæ infallibili argumento sunt, celsissimos innumeros Montes circa limbum occidentalem extare. Supra Lacum verò hyperboreum superiorem, vastissimus sinus in Lunam admodum extensus cernitur; hicq; perpetuò in ejusmodi Lunæ constitutione, quando videlicet in signis illa versatur Solstitialibus Æstivis, conspicitur: at in Hybernis nullo modo deprehenditur, cum eo tempore pars Lunæ superior, valde sit coarctata: unde etiam evenit, ut hic sinus in ipsammet peripheriam transferatur.

Motum librationis disci quod attinet, facile colligere datur, cum Luna prope initium Cancræ, & limitem Austrinum existat, quòd & interstitium inter Paludem Mæotidem & peripheriam amplissimum, & maximè sit dilatatum; è contrario interstitium inter lacum Maræotidem atq; limbum illo ipso tempore, nunquam esse possit strictius: quemadmodum non solum hæc effigies Lunæ, sed & Plenilunium Brumale, Phasis 21. 24. & 30. Lunæ Bisectæ in primo gradu Cancræ observata confirmant. Tametsi verò illud prædictum spatium valde spectetur eo tempore tenue, nihilo tamen minùs, stagnum Miris nunquam à Lunæ limbo occultatur, verum semper manet conspicuum, quemcunque Luna etiam occupet locum Eclipticæ, dummodo à Sole illustretur.

*De motu Librationis hujus phæcos.*

Denique & hoc animadvertendum; cum hæc phasis in Cancro accidit, seu, cum interstitium Mæotidis est maximè amplum, quòd confinium lucis & umbræ, duos tum minimùm requirat dies, priusquam ad ora paludis Mæotidis, vel Montes circumjacentes pervenire possit, ut clarè hîc patet: contrà, quando similis Lunæ facies circa Capricornum contingit, in uno certè die eo usque dictus terminus lucis, ut facile est intelligere, promovetur: interstitium enim tunc strictius est, quàm, cum in Cancro versatur. Sed in reliquis signis intermediis, quòd à Capricorno magis removetur, eo plus requirit temporis confinium, ad littus Paludis Mæotidis assequendum.

## CAPUT XXIX.

DE LUNAE GIBBEROSAE DECRE-  
SCENTIS PHASI.

Uemadmodum à primâ Quadraturâ usque ad oppositionem, sectiones luminosæ & umbrosæ partis, indies magis magisque curvatæ gibberosæque fiunt continuè : simili modo rursum post oppositionem, ad ultimam quadraturam usque, indies obtusiores, rectioresque paulatim spectantur : id quod dilucidè omnino tam in antecedentibus, quam consequentibus apparet Iconismis. Inprimis autem meretur, hujus figuræ confinium ut diligenter observetur, propter res alicujus momenti, maximè circa istud conspicuas, præsertim Paludem Mæotidem, quæ à continenti quasi videtur esse abrupta : imò, attento hoc phænomeno, ferè dubitandi datur occasio, num etiam Palus Mæotis aquis comparari possit propter illas duas admodum profundas lacunas, quæ se se in eâ conspiciendas præbent : quod certè in aquis planitiem referentibus nunquam fieri potest ? Quocirca summopere est necessarium, ut hac de re plenius agatur, & disquiratur ; utrùm scilicet phænomenon hocce quædam Valles sive concavitates efficiant, nec ne ? Ego quidem me non levibus duci argumentis mihi videor, quod alia subsit rei hujus ratio. Nam primò ex phasibus corniculatis, præsertim tertiâ, satis superque innotuit, quòd Palus Mæotis, circumcirca, cum primis in latere orientali, innumeris Montibus celsissimis sit septa, qui omnitempere obscuram atque densissimam (cùm scilicet confinium ad ejus littora appropinquat) de se spargunt in partem contrariam umbram ; quo fit, ut pars illa Paludis, in quam hæc umbra cadit, undique tenebricosa appareat, perinde ac si esset pars ipsa Lunæ obscura, vel Valles quædam præaltæ : hincque porrò prope terminum lucis hæc umbra longior videtur, quàm in distantia remotiori. Quòd autem non ubique umbra æque latè diffusa cernitur, fortassis ex diversâ Montium Alanorum altitudine proficiscitur.

*Quare Palus  
Mæotis in hac  
Phasi, quasi  
abrupta à  
continenti vi-  
deatur?*

Inter-



*Phasis Luna Gibbosa Decrescentis.  
Observata in 20 Gradu E.*

*GEDA NY.*

*Annus Christi 1643 Die 29 Novemb. hora 1<sup>a</sup> à media nocte num.  
ab Oppositione vers 7 Diei & Current.*







Interdum autem in tali Lunæ constitutione, in superficie paludis parvulæ nigricantiores Maculæ se se offerunt; itemque pars confinii paludem determinans, haud æquabili quodam tractu conspicitur, sicuti Anno 1644. die 17. Decemb. horâ primâ antemeridianâ factum: quæ apparentia pariter ex modò dicto fundamento oritur. Dum enim diversi Montium Alanorum vertices, superficiem paludis aliter atq; aliter obumbrant, fieri potest, ut non solùm modò dicta superficies, Maculis hinc inde conspersa, sed & confinium ex parte anfractuosum, & inæquale videatur. Sed areola illa clarè illuminata, quæ adhuc in termino paludis conspicitur, Insula est Alopecia; extra quam, prorsus nulla in totâ palude deprehenditur.

*Quanam sit ratio, quòd Macula nonnunquam in ipsâ superficie Paludis appareant?*

Jam magnus ille semicirculus supra hanc paludem conspicuus, est Vallis Montium Riphæorum; in quâ certa cuspis altissimi Montis se se detegit. Quin & variæ nigriores Maculæ sectioni lucis imminentes haud obscurè confirmant, superficiem lunarem undique versum tumoribus ac lacunis esse conspersam.

De cætero in hac phasi, nihil ampliùs occurrit notatu dignum, nisi quod à 18. usque ad hanc ipsam Lunæ faciem, nunquam non duæ minores Maculæ in Valle luminosâ Ætnâ spectentur: quæ certo indicio sunt, aut loca paludosa, aut nemorosa ibidem extare, quæ alio tempore minimè in obtutum veniunt; contrà verò, tunc punctum quoddam satis clarè illustratum, in medio istius Vallis se se conspiciendum exhibet;

quemadmodum Iconismi omnes ad  
unum id testantur.



## CAPUT XXX.

## DE LUNAE INCURVATAE DECRESCENTIS PHASI.

**I**N præcedentibus Lunæ Iconismis, post oppositionem hætenus delineatis, nulla propemodum notabilis mutatio, quoad Montes & Valles fuit deprehensa: at in præsentē, ubi Luna magis decrescit, confiniumque longius in eam extenditur, Valles respectu umbræ, admodum mutatae magisque conspicuæ, quàm circa oppositionem, se se offerunt. Rursum pars Lunæ livescens, circumdans Montem Sinai, aliàs desertum Zin dicta, à primâ statim die illuminationis, in omnibus à decimâ quintâ nimirum phasi computatis huc usq; , semper unam eandemque nigricantem refert faciem: cùm tamen oræ finitimæ semper modis diversis mutantur, ac varientur. Quænam hujus rei sit ratio, & qualia sint loca, mox mox ex sequentibus figuris patebit: quod nempe locus sit tuberosus, atque lacunosus, undique Montibus atque concavitatibus refertus. Idque manifestè testantur, inprimis tres illæ quadraturæ decrescētes, trigesimâ scilicet phasis, trigesima prima & secunda: quod Mons nimirum Sinai, ab aliis Montibus depressioribus sit planè circumdatus. Ejusmodi autem loca præ aliis perpetuò nigricantiora apparere, hinc fortassis oritur, quòd ibidem paludes atq; nemora (vel hujus generis aliud quidpiam) extent, quæ ad reflectendos Solis radios minùs sunt idonea, quàm alia loca superficie opaciori constantia. Qualia adhuc in Lunâ quàm plurimâ dantur alia, è quorum numero non infimum locum tenet pars illa, quæ Montem Horminium cingit: pariter namq; illa semper obscurior, perinde ac desertum Zin conspicitur. Inter omnia autem reliqua loca, præ aquis liventia, & præ continenti nigricantia, principalis est, qui Monte Apennino, M. Argentario ac Mari Mediterraneo clauditur, Montibusque Ligustino & Montuniæ insignibus est præditus. Hicque locus non ex innumeris collibus tumoribusque, adin-

star

*De partibus  
quibusdam  
livescētibz:*



*Orbis Lunæ Incurvato Decrescentis.  
Observata in 13° Gradu X, circa Nonagesimum et 8.*

*G E D A N I.*

*Anno Christi 1644, Die 23 Julii, hora 2 a media nocte num.  
ab Oppositione vero 8, Diei 4 Curr.*



25.

*Autor Sculpsit.*





star deserti Zin, constat, sed valde est paludosus; id quod ex eo præsumitur: cum respectu coloris sit immutabilis, reliquæ verò partes, desertum scilicet Zin, & pars livescens, quæ Montem Horminium ambit, sæpenumero colorem, formam, figuramve transmutent.

## CAPUT XXXI.

DE LUNAE IN ORBEM INSINUATAE  
DECRESCENTIS PHASI.

**M**Ore Veterum, Phases istas in aspectu Trigonico observatas, pariter & in Orbem insinuatas appellavi; in quarum numero & præsens habenda: cum quatuor duntaxat horis ante verum aspectum fuerit delineata. Insuper, quemadmodum sectiones Trigonorum Lunæ crescentis, uti cap. 21. dictum, certos suos terminos limitesque observant, inter quos omnes illorum sectiones reciprocantur; sic quoque est comparatum, cum confiniis Trigonice Lunæ decrescantis. Extremus omnium terminus, centro Lunæ vicinissimus, conspicitur, quando Trigonus in Capricorno versatur; tunc enim hæc sectio, à parte superiori incipiendo, per Montes Sarmaticos, inter Montem Carpatem & Peuce, prope Promontorium Hippolai transit, hincque per Insulam Cyaneam, Apoloniam minorem, plagam orientalem Montis Moschi versùs, per Montes Uxios & Dalangueros fertur, tempore nimirum veri aspectus: quod si verò aliquot horis post vel antè observaretur, minimè terminis hæc sectio responderet. Adhæc & motus cuspidum, statò tempore differentiam & variationem quàm in superiori, quàm inferiori peripheriæ parte infert; quam tamen hoc loco, ut ratio temporis habeatur, non attendimus.

*De Trigonis  
& illorū se-  
ctionum ter-  
minis.*

Alter terminus extimus oppositus Trigonorum, quando à centro omnium maximè remotus & limbo est vicinus, existit circa initium Cancræ; quo tempore Montes Macrocmnios, Sinum Cercinitem, M. Berosum, Paludem Bycem, Insulam Aëam, Mont. Caucasum, M. Coibacaranos & Dalangueros

transgreditur. Quod si autem, in alio atque alio Signo, hic Trigonus observetur, tum & illius sectio hujus vel illius termini vicinior, vel remotior conspicitur: sicuti in hoc confinio clarissimè elucet. Quia enim hic Trigonus circa initium Arietis accidit, idcirco & hujus sectio illis duobus terminis neutiquam respondet: interim tamen jure viâ intermediâ incederet. Quòd autem aliquantulum occidentalior hîc appareat; ex eo proficiscitur, quòd, quatuor integris horis citiùs, priusquam verus aspectus contigerit, Luna fuerit observata.

Cæterum, circa hoc confinium luminis & umbræ, id maximè est notatu dignum; cur videlicet duæ illę cuspides illuminatæ partis, non verum observent perpendiculum, uti quidem necessariò deberet? inscriptio enim clarè indicat, hanc ipsam phasin, circa Nonagesimum esse adumbratam. Quòd autem hîc Luna aliam ratione inclinationis referat faciem, nullo ex alio fundamento, Benevole Lector, oritur; nisi, quòd dum sculperetur, casu paululum de loco sit mota, indeque vitiosam inclinationem acquisiverit: quò minùs verò id malè interpretari possis, idcirco te lubens de hoc admonere volui.

Præterea Insulam Macram non instar reliquarum Vallium, in ipso confinio existentium, prorsus umbrosam nigricantemq; verum aliquantò livescentiorem, luminosioresque spectari; hinc, ut facilè colligitur, evenit, quòd, dum pars ejus orientalis Pontum Euxinum versùs, non adeò præaltis Montibus est stipata, ut quidem pars ejus occidentalis, umbra inde multò densissima, ac nigerrima procreatur.

Infra etiam Insulam Macram, in littore Ponti Euxini, per multæ luminosæ areolæ, ac semilunulæ videntur, quæ evidenti sunt argumento, illo in loco, innumeras miræ altitudinis rupes, Montesque esse fitos.






*Placidus Luna in orbem inaequato D. crescentis.  
 Observata in 29° Gradu H. circa Nonag<sup>m</sup>. Perig<sup>m</sup>. & 8.*

*GEDANK*

*Anno Christi 1644. Die 24 Julii, hora 3 à media noct. num.  
 ab Oppositione vers 9, Diei 5 Curr.*







## CAPUT XXXII.

DE LUNAE GIBBOSAE DECRE-  
SCENTIS PHASI.

**D**imetientem Lunæ visibilem, in Apogæo, loco remotissimo, omni tempore minimam, & rursus in Perigæo, loco vicinissimo, maximam à nobis spectari, omnibus rerum Cœlestium Studiosis, ex capite septimo satis superque innotuit. Verum hanc diametrorum differentiam Lunæ visibilibus, ex istâ variâ distantia ortam, in hisce Iconismis Lunari-  
bus minimè observavimus, nec operæ pretium duximus, diametrum respectu apparentiæ, perpetuò variare: eo attento, quòd hoc pacto delineatio, & explicatio Iconismorum magis magisque confunderetur. Quam quidem ob causam, in phasium figuris multò potius, certam diametrum visibilem constitui, quam & in posterum semper retinui; nec turbari me passus sum, Lunam circa horizontem tam ortivum quàm occiduam, quoad diametrum, multò majorem apparere, quàm in situ elevatiori, vel alto Cœlo: cum sit apparentia, seu hallucinatio duntaxat visus. Unde autem hæc oriatur, & quænam hujus rei vera sit ratio, meretur, hac datâ occasione, ut fusiùs dicatur?

*De apparenti  
Lunæ diamet-  
tro.*

Duæ quidem in primis rationes occurrunt. Prima est, quoniam circa horizontem perpetuò densiores dantur vapores, quàm in situ excelsiori. Proinde, si Luna per ejusmodi crassiores exhalationes aspicitur, necessariò nobis videtur major, quàm per rariores observata. Radii namque ex medio rariore venientes, in medio densiori franguntur, & quidem ad perpendicularum; quo fit, ut angulus visionis major reddatur: hincque etiam Luna major apparet, vi illius Optici axiomatis Capite 2. citati. Quo autem hi vapores densiores, eò refractionis & anguli dilatatio evadit amplior: & proinde itaque, quia circa horizontes in situ depressiori Lunæ, quàm elevatiori vapores crassiores & densiores sunt; idcirco omnino necesse est, ut diameter ejus, in ejusmodi vario situ jam major, jam minor appareat.

Altera ratio est, quòd hujus diversæ apparentiæ diametro-

rum



*Pro diversis  
gradibus lu-  
cis, pupilla vel  
coarctatur,  
vel comprimitur.*

rum Lunæ, à pupillâ nostrâ procreentur. Quod tamen si rectè intelligi debet, primum scire oportet, pupillam, sive foramen pupillæ à DEO Omnipotente, non semper ad unam eandemque retinendi magnitudinem esse creatam; sed ita comparatam, ut nullo labore, modò se se comprimere, modò dilatare possit; dilatata quidem, oculo in medio clariori, comprimere verò, eodè in medio obscuriori constituto. Namq; nisi diversi lucis grad. non nihil formam magnitudinemq; pupillæ certa quâdam proportionè variarent, ut, scilicet vel multum vel parum lucis in oculum, cum primis in tunicam retinam intromittatur, retina illa vitiū facilè contraheret, visusq; ipse conturbaretur: ut aliquando id accidit, luce nimis forti, vel vehementi imprudenter admissâ.

*Pro pupilla  
latitudine, &  
Luna modò  
major, modò  
minor apparet.*


Hoc verò nonnullis mirum videbitur, præsertim illis, qui nunquam id observarunt, atque diversam oculi dilatationem conspexere: verum enimvero id nullo negotio quilibet hominum suimet oculi experimento discere potest; si nimirum pupillæ suæ rationem, primò, quidem in loco quodam tenebricoso, postmodum autem in lucidiori constitutus diligenter consideraverit. Quò igitur major pupilla, eò plures radii in oculum transferuntur, & sic per consequens etiam quodlibet objectum necesse, ut majus appareat, quàm cum foramen pupillæ magis compressum, atque minus existit. Propterea igitur, quia, circa horizontes, ratione crassiorum vaporum, Luna quodammodo hebetata conspicitur; hinc necessariò evenit, pupillam, interveniente debiliore imbecilliori que lumine dilatari, ita ut discus Lunæ visibilis in tunicâ retinâ major formetur, quàm elevatione Lunâ, circa meridiem, extra crassiores densioresque vapores, constitutâ: quo tempore vividiori clariori que lumine est prædita, per quod pupilla plus plusque constringitur, sic ut non possit non esse, Lunam inde majorem apparere. Qui autem in hanc sententiam specialia plura desiderat, legat, si velit, primam & secundam Epistolam de apparente magnitudine Solis humilis & sublimis, Ingeniosissimi Petri Gassendi: quâ occasione, & planè alium proponit modum diametrum Lunæ multò correctiorem, scilicet per umbram investigandi: ibidemque pariter demonstrat, umbram Lunæ nocturno tempore minorem atque graciliorem esse, quàm deinceps



*Placis Luna Gibbosa Decedentis.*  
*Observata in 17 Gradu M. prop<sup>o</sup> 8<sup>o</sup> et Arg<sup>o</sup>.*

*GEDAHT.*

*Anno 1643, Die 31 Decemb. hora 3 a media noct. numer. ab*  
*Oppositione verò 20<sup>a</sup>, Diei 6 Curr.*







ceps in aurorâ, atque, per auroram, iterum majorem & latior-  
rem, quàm postmodum, Sole multùm elato, cùm tamen con-  
trarium potiùs animadverti deberet : unde autem id eveniat  
itidem ibi ab ipso affatim explicatur. Inter cætera verò sic in-  
quit (quod observatu dignum) *tametsi Luna minor interdum ad oculum*  
*quàm per noctem appareat, apparere tamen adhuc majorem, quàm reverâ sit*  
*octavâ ferè diametri parte : ut comprobatum habeo, per expositum organum,*  
*quod perinde ac oculus, non est tot fallaciis obnoxium.* Epist. 1. pag. 8.

Faciem Lunæ ipsam quod attinet, dignum utique est, ut ab  
Astrophilis ipsis, beneficio exquisitè fabrefacti Tubi observe-  
tur, articulatimque consideretur; quippe circiter hoc tempus,  
diesque mox subsequentes, res quamplurimæ, maximaque va-  
riatio in Lunâ deprehenditur, tam quoad Montes & Valles,  
quàm confinia lucis & umbræ. Inprimis hoc valde notabile,  
quòd sectio in hac adjectâ figurâ Pontum Euxinum non æqua-  
liter, sive æquabili tractu terminet, ut quidem jure deberet,  
cùm hic locus oceanum, seu aquam, vel si mavelis planitiem,  
repræsentet : quod ego huc usq; non habui quò referrem aliò,  
nisi ad loca diversa paludosa in Ponto Euxino, & quædam va-  
dosa, prætereaque ad Insulas quàm plurimas hinc inde extan-  
tes, quæ talem exiguam asperitatem in confinio procreare sa-  
nè non nequeunt.

At maxima termini lucis scabrositas quæ Pontum infra Eu-  
xinum animadvertitur, nimirum illæ valde remotæ cuspides,  
à Monte Moscho originem trahunt; qui certè ob miram alti-  
tudinem, ut ex illis clarè illuminatis areolis, in parte umbrosâ  
existentibus apparet, inter reliquos Lunares vix est postremus.

## CAPUT XXXIII.

### DE LUNAE GIBBAE DECRESCEN- TIS PHASI.

**S**Æpenumero profectò accidit, ut similes  
sectiones, ratione Macularum tractus, in diversis phasibus, di-  
versoque tempore, tam Lunæ crescentis, quàm decrescentis ob-

*Hæc figura  
est quasi com-  
plementum  
nonæ.*

serventur. Simile quidem exemplum oculis modò obversatur, cujus confinium propemodum ab omni parte, confinio nonæ phaseos crescentis est æquale; perindeque, ac si modò dicta nona, hujus præsentis complementum sit ad integrum hemisphærium: illa die septimo, post Luminarium Synodum, hæc verò tot diebus post veram oppositionem est adumbrata. Jam hujus sectio luminosæ & umbrosæ partis, dividit Montem Serrorum, M. Carpatem, (quod visu admodum est jucundum) Pontumque Euxinum, prope Sinum Peronticum, Promontoriumque Archerusiam, & quidem in lineâ rectâ, pertransit; illius nonæ scilicet phaseos confinium, æqualiter ita terminatur: hoc tamen discrimine, quò Montes Carpates & Serrorum in hoc Iconismo, paululùm majores appareant, quàm in illo nono. Ratio est, Lunam tunc temporis in Capricorno non procul à limite Boreo extitisse, ut evenerit, quò illi occidentales, Septentrionalesque Montes, peripheriæ viciniore facti fuerint: & hinc paulò minores strictioresque spectentur. At in hac figurâ longiùs à limbo distant, & contrà viciniùs centro sunt constituti: Luna namque hic in Leone, atque circa Nodum Boreum observata, quapropter & majores apparere necesse est.

Adhæc, sectio in hac phasi paululùm obtusior videtur, quàm in illâ; ratio autem est eadem: quò nimirum hujus confinium per motum librationis disci (quippe Luna in Leone) centro viciniùs fuit constitutum, quàm illius, cùm in Capricorno versaretur.

*De Maculis  
nigricantio-  
ribus Ponti  
Euxini.*

Maculæ autem illæ nigricantiores in littóre orientali Ponti Euxini, speciem quidem Vallium concavitarumque referunt, quemadmodum in phasi 24. in Palude Mæotide deprehendimus: verùm nullæ ibidem extant lacunæ; sed umbra solummodo est nigerrima, quæ à sublimibus Montibus (catena Mundi appellatis) plagam Ponti orientalem circundantibus, in hoc Mare spargitur; hincque evenit, ut diversa loca, in quibus umbra terminatur, nigriora atque obscuriora appareant.





*Phasis Lunæ Gibbæ Decrecentis.*  
*Observata in 27. Gradu ♏ tam circa Apog<sup>m</sup>. qm. ☉.*

*G. E. D. A. N. I.*

*Anno Christi 1643, Die 2 Decemb. hora 4 à med. noct. num.*  
*ab Oppositione vero 11. Diei 7 Current.*





*Placis Lunæ ad Quadraturam properantis.  
Observata in 29 gradu M. prope Argol. & δδ.*

*G E D A R G.*

*Anno Christi 1644. Die 1 Januarii, hora 3 a med. noct. num. ab  
Oppositione vero 20, Diei 7 Curr.*







## CAPUT XXXIV.

DE LUNAE AD QUADRATURAM PRO-  
PERANTIS PHASI.

**P**Ræsens Lunæ facies, parùm aut ferè nihil *Quid sibi ve-  
limt duæ illæ  
cavernæ, in  
sectione lucis  
conspicua?* differt à præcedente, tum, quoad locum Eclipticæ, in quo ob-  
servata ac delineata, tum quoad motum librationis; nisi quòd  
sectio propiùs ad centrum accedat. Hæc enim phasis aliquot  
horis ætate est major, quam ob causam, nec duo illi Montes  
Serrorum & Carpates, ampliùs in hujus figuræ confinio con-  
spiciuntur; verùm eo in loco, nunc tantùm duæ spatiosissimæ  
cavernæ supersunt, perinde ac si Montes prædicti radicitùs es-  
sent evulsi, imò vix crediderim, ibidem unquam extitisse, nisi  
illos priùs conspexissem.

Itidem Maculæ illæ obscuriores in parte orientali Ponti Eu-  
xini conspicuæ, etiamnum nigricantiores, amplioresque appa-  
rent; id quod evidentissimè illa, quæ capite 33. sunt prolata cor-  
roborant; nimirum esse eas nihil aliud, nisi umbram ab illis  
Montibus sublimiter erectis, productam.

Inter reliqua verò confinia phasium delineatarum Lunæ  
decrescens, illis quadraturarum exceptis, hoc omnium minùs  
est curvatum, ad lineamq; rectam sese conformat; cùm ante ve-  
ram quadraturam, non adeò diu fuerit delineatum: quamvis  
Luna sæpiissime tantùm temporis minimè sibi deposcat, ad li-  
neam usque rectam, hoc est, ad quadraturam perveniendi, uti  
ex phasi Lunæ Bisectæ constat, quæ quinque circiter horis hac  
sectione est junior, quæque quodammodo adhuc gibba depre-  
henditur. Hoc autem ex diversis oritur causis, prout Luna  
tarda, seu velox, in signis Solstitialibus Æstivis, vel Hybernis  
commoratur, motusque librationis fuerit comparatus, de quo  
jam antea diximus. Jam Propontidem infra Pontum Euxinum,  
adeò esse asperum atq; scabrosum, hinc oritur: quia ibidem pri-  
mùm littus incipit illuminari; quod, cùm undiq; Sinubus atque  
promontoriis sit refertum, utiq; fieri aliter non potest, quam ut  
ejusmodi apparentia spectetur,

Insula Besbica, hîc ultimùm se se' conspiciendam præbet; verùm multùm contractior, quàm cùm Luna orbe pleno col-  
lucescit : contrà hoc loco est nigricantior, quàm ullo tempore  
fieri possit. Plerumque etiam reliquæ universæ Valles circa  
confinia existentes, minores arctioresq; paululùm conspiciun-  
tur, quàm in oppositione; eò quòd circa sectiones luminis &  
umbræ, solùm Vallium fundi quasi videantur; circa verò Ple-  
nilunia, Valles unà cum circumjacentibus Montibus cernun-  
tur, qui pariter ac illæ, æquè clarè à Sole illuminantur.

## CAPUT XXXV.

### DE QUADRATURIS ULTIMIS.



Quare Sectiones Quadraturarum tam Lu-  
næ crescentis, quàm decrescientis, in delineatis Iconismis, non  
perpetuò per verum transeant centrum ejus, nec in iisdem Lu-  
næ faciebus semper pars illuminata parti obscuræ, sive hæc illi,  
sit magnitudine æqualis, id suprâ capite decimo octavo de qua-  
draturis Lunæ crescentis initio fuit à me enodatum; simulque  
est additum, quòd, propriè loquendo, si Luna per se considere-  
tur, sectiones quadraturarum continuè per centrum ejus trans-  
eant, Lunam bisecent, nulloque tempore pars ejus illustrata,  
alteri obscuræ, vel hanc illi, quoad magnitudinem, & latitudi-  
nem sit inæqualis, quàm propemodum parte admodum exi-  
guâ. Ex quibus hoc imprimis oritur : quòd Luna nunquam  
planè bisecetur, si rem accuratè expendas. Quanta autem pars  
ejus illustrata, seu obscura reverà sit, & num omni tempore  
prorsus eadem nec ne? id in præsentè capite investigare, &  
explicare constituimus.

*Luna nun-  
quam prorsus  
bisecatur.*

Initio; apparentem Lunæ splendorem in quadrato aspectu  
semicirculo majorem esse, maximâ ex parte colligitur ex capi-  
te 26. ubi circa Plenilunia probatum fuit, cùm Sol, tanquam  
corpus illuminans, major sit Lunâ corpore illuminato, quòd  
ideo & pars ejus illustrata, hemisphærio sit major. Hocque  
non solùm tempore Plenilunii accidit; sed & nunquam non


alio



*Plafis Lunæ Dificta Decreſcentis.*  
*Obſervata in 1 Gradu ☉.*

*G E D A N I.*

*Anno Chriſti 1644 Die 23 Septemb. hora 3 à med. noct. num.*  
*ab Oppoſitione vero 15. Diei 7 Curr. Temp. nim. veræ ☐.*







alio tempore, quam etiamcunq̃ue Luna nobis referat faciem : sic quoq̃ue evenit, partem illustratam, tempore veræ quadraturæ (quia circulus illuminationis tunc pariter medium, vel maximum circulum transcendit) in Lunâ Bifidâ, aliquantò majorem existere parte obscuratâ; illamq̃ue lineam rectam in quadraturis conspicuam, non omnino per centrum ferri. Verùm hunc partis illuminatæ excessum supra quadrantem, non admodum esse notabilem, sed valde exiguum, hinc probari potest, quòd (ut pariter Kepplerus comprobat in parte Astron. Opticâ cap. 6. n. 8. pag. 246.) tantummodo 15. sit secundorum; interim tamen non omni tempore manet idem, verùm variat in omnibus ferè quadraturis, secundùm Lunam in Apogæo vel Perigæo existentem. In perigæo pars illa est omnium maxima, in apogæo omnium minima, vi illius Theor. Optici: *Sphæroides luminosum majus è propinquo ampliorem partem opaci irradiat, quàm è remoto.*

Ex iis igitur, quæ jam proposuimus, partem videlicet illuminatam quadraturarum majorem esse parte umbrosâ, sequitur sanè & hoc; confinium quadraturarum Lunæ crescentis, ad centrum sive terminum sectionis, citiùs & prius pervenire posse, quàm vera contingat quadratura. Rursum in Ultimis quadraturis, primùm post veram quadraturam, confinium luminosæ & umbrosæ partis, usq̃ue ad centrum se se promovet. Idq̃; ratione temporis quidem, paulùm adfert momenti; (diximus enim differentiam illuminatæ & umbrosæ partis, propemòdum esse exiguam, atq̃ue vix notabilem) interea tamen reverâ aliqua hîc datur discrepantia, qualicunq̃ue illa sit proportionis ratione.

*Nonnunquã certis de causis sectiones quadraturarum vel promoveantur, vel retardantur.*

Porro autem demonstrant Optici, quòd quemadmodum sectio Lunæ falcatæ, vel gibbæ, est elliptica; sic dimidiatæ, necessariò quidem recta apparere debeat; idq̃ue ex verbis hisce Vitellionis lib. iv. prop. 76. clarè deprehenditur : *Basî pyramidis visionis sphære interfecante basim pyramidis illuminationis, ita, ut ipsorum axes angulum rectum contineant : communis earum sectio est quarta superficiei sphæricæ : videtur autem in majori distantia plana superficies unâ rectâ lineâ & semicirculo contenta.* Persuadet autem sibi Kepplerus lineam hanc non omnino esse rectam; observasse se namq̃; ait Anno 1602.

*Linea Quadraturæ terminans est recta.*



die 21. Decemb. cornu Lunæ superius paululùm inferiori acutius. Sed cùm ista ejus observatio absq; perspicillo fuerit perfecta, idcirco planè existimo, hallucinationem fuisse visus; siquidem ad ejusmodi res minutissimas discernendas, nudus oculus nullatenus sufficit.

*Possibile, ut cornu alterutrum modò acutius, modò obtusius existat.*

Quando verò Lunam consideramus, tanquam corpus montosum, & Vallibus collibusque undiquaque stipatum, tunc non solum hoc vel illud cornu, modò acutius, modò obtusius, sed & tota linea sectionis Lunæ Bisectæ diversa spectatur: propter diversam scilicet asperitatem illam, quàm ex omnibus quadraturis exploratam habemus. Quòd verò plerumque cornua inferiora acutiora appareant: eò accidere, quippe quòd ibi plures altioresque dentur Montes; idque tribus hisce Lunæ dimidiatæ phasibus egregiè palàm facientibus. Quam tamen differentiam, nonnisi oculo probè armato minimè deprehendes: ut hinc rectè mihi videar colligere, Kepplerum hoc phænomeni, haud unquam accuratè animadvertisse.

*Queritur, an pars illuminata visibilis quadraturæ, major sit quartâ Lunæ parte?*

Postquam autem probatum fuit, partem illuminatam visibilem quadraturarum, paululùm esse majorem parte umbrosâ, jure insuper hîc quæritur; an etiam necessariò sequatur, partem illam illuminatam majorem semper esse quartâ parte corporis Lunaris? Et videtur hoc quidem primâ fronte ita fieri debere: Sol enim plus quàm hemisphærium Lunæ illustrat. Quod si hoc verò rectæ rationis trutinâ examinetur, atque accuratè perpendatur; statim elucescet, partem illuminatam quadraturæ, necquicquam majorem, neque minorem, quartâ parte corporis Lunæ, unquam dari posse. Non quidem inficias eo, circulum illuminationis, circulum maximum transcendere; contrà verò, ut jam suprâ demonstravimus, circulus visionis hemisphærio est minor, tantò scilicet, quantò illuminationis est major: idcirco quantò de illo latere, ubi basis illuminationis confinium constituens versatur, plus cernitur; tantò de altero latere iterum minùs (ubi nimirum circulus visionis quadraturam semicirculo finit) conspicias. Sic ut demum tutò statuere liceat, partem quadraturarum illustratam, nullo tempore, vel majorem, vel minorem quartâ parte superficiei sphæricæ Lunæ, existe-



Ultima Quadratura Lunæ.  
 Observata in 10 gradu M. prope B et Arg<sup>m</sup>.

G E D A N G.

Anno Christi 1643. Die 3 Decemb. hora 5 a med. noct. numer.  
 ab Oppositione vera 12. Diei 8 Curr. 3 ant<sup>a</sup> veram Quad<sup>m</sup>.







existere posse. At pars obscura Lunæ Bisectæ perpetuò est minor, parte illuminatâ; ut & minor quartâ parte superficiei Lunæ sphaericæ. Circulus namque visionis in latere obscurato; itidem est hemisphærio minor; circulus autem illuminationis, cum supra partem dimidiam in obscuratâ terminetur, ideo & lege quadam certâ minor omnino constitui debet.

*Pars Luna dimidiata umbrosa nobis obversa, semper existit minor parte illuminatâ.*

Insuper autem adhuc alia circa has quadraturas occurrit quæstio; cuius nimirum phaseos momentum facilius cognoscatur? respondeo, quod Lunæ dimidiatæ: aliquot enim horarum spatio multum mutatam ejus phasin deprehendimus, sic ut circa quadraturam, sectio ejus modò curvata, modò recta, modò iterum gibba appareat, cum prope centrum contingant: quò verò longiùs à centro, peripheriæque viciniùs accidunt, eò tardiùs variantur. Nam, etsi arcus diurni illuminationis quotidie in superficie Lunæ sunt æquales; nihilo tamen minùs circa centrum apparent majores, quàm prope peripheriam; quia tunc rectiùs ibidem visui objiciuntur, ad limbum verò obliquiùs spectantur. Unde necessariò conficitur, quod sectiones illuminationis circa quadraturas citiùs velociusque, quàm alio unquam tempore reliquarum phasium, mutantur, atque cognoscantur.

*Cujus phaseos momentum facilius cognoscatur?*

Explicatis verò quæstiunculis hisce, ad tres sequentes quadraturas hîc delineatas transeamus. Primam quod attinet, Anno Æræ Christianæ 1644. die 23. Septemb. horâ 3. matutinâ adumbratam, trigesimam scilicet in ordine, ea notatu atque consideratu certè est digna. Est enim illa, quæ vix multorum Mensium absolutis periodis in obtutum venit; cum non solum tempore veræ quadraturæ, verum etiam in ipso primo gradu Cancrî, limiteq; Austrino observata fuerit: quo tempore confinium omnium occidentalius, quod unquam in Lunâ apparet, respectu Macularum, motusque librationis disci animadvertitur; pariter & maximum interstitium inter Mare hyperboreum limbumque Lunæ, ut & minimum, inter Paludem Maræotidem limbumque repræsentatur. Quæ sectio minimam partem aquarum pertransit, & tantum per Mare hyperboreum atque Propontidem, (in quo scilicet Propontide semilunula

*Phasis 30.*

con-



conspicitur, quæ pars est Insulæ Besbicæ) hincque confinium hoc admodum sinuosum atque flexuosum spectatur, figurâ ipsâ comprobante. Quin etiam in hac phasi Montes insigniores, in optimâ & maximè conspicuâ formâ, deprehenduntur: quippe valde vicini existunt lineæ luminosæ & umbrosæ partis, imò partim in ipso confinio, Antilibanus scilicet, Olympus & Didymus conspiciuntur. Hic autem ultimus jure nomine illo græco à me fuit appellatus, quod idem significat ac geminus, quandoquidem non tantum ad pedem Montis Sipyli est situs, sed & huic quoad figuram, situm atque magnitudinem, prorsus æqualis, perinde ac si Gemini essent; quarum certè Vallium pares, vix in totâ Lunâ ullibi reperiēs.

*Phasis 31.*

Altera quadratura Lunæ decrescētis, in ordine nempe trigesima prima, diverso planè tempore, diversoque in Eclipticæ loco observata; quapropter & diversam omnino refert faciem. Sectio ulterius Subsolanum versùs viciniorque centro animadvertitur: interstitium ad Paludem Maræotidem limbumque multò est latius: Luna enim in decimo gradu Virginis, propè Nodum Boreum, tribus horis ante quadraturam adumbrata, qualem phasim dimidiatam bis quotannis, quâ sectionem motumque librationis deprehendes. Tu verò adhuc sic forsitan cogitabis: quid audio, nonne quadratura decrescens, pariter tantum quotannis semel in Virgine reperitur, sicuti & duntaxat semel in Cancro vel Capricorno? Hoc equidem non disputo; verum quemadmodum Lunâ existente in Cancro, confinium in extimo termino occidentali versatur, atque in Capricorno, in extimo termino orientali, sic quoque maximè differunt. Contrà in Ariete & Librâ, differentia ratione interstitii nulla (præsertim quando Nodi in his signis versantur, sicuti in his proximis annis præterlapsis, atque etiam in hoc casu contigit) animadvertitur. Nihil itaque refert, num Arietem vel Libram Luna occupet; confinium namque easdem transgreditur Maculas, cum in his locis Signiferi idem sit motus librationis. Proinde, quia ejusmodi similis constitutio bis quotannis accidit; aliter utique fieri non potest, quàm quòd duæ ab omni parte æquales quadraturæ in conspectum veniant.

Secundò, faciamus esse quòd Luna occupet Geminos, Cancrum



Placis Lune Dividua Decrescentis.  
 Observata in 28 F. in punctis intermed. non procul V.

G E D A H I.

Anno Christi 1645, Die 19 Aprilis, hora 4 à med. nocte numer.  
 ab Oppositione veri 10, Dies 9 Curr. 3 ante veram □.







crum vel Leonem; tu verò quadraturam non ipso tempore veri ipsius aspectus observare possis, ut sæpiùs fit, sed primùm quartâ vel quintâ horâ elaplâ: tunc rursus deprehendes in Lunâ ferè similitimam luminis sectionem, ac si in Ariete vel Librâ esset constituta. Porro quod si Luna in Sagittario, Capricorno vel Aquario commoretur, ejusque quadratura primùm die sequenti manè incidat, tum denuo confinium, respectu Macularum, propemodum erit unum idemque: sectiones enim istæ, uti jam suprâ dictum, celeriter admodum se se variant. Ex quo sanè fundamento affirmare licet, ejusmodi quadraturas, hujus figuræ 31. haudquaquam dissimiles, quotannis quamplurimas, contingere posse.

Similiter, cum Quadræ Lunæ crescentis, est comparatum. Qualem namque speciem in Ariete, vel Librâ præ se ferunt, ratione confinii, talem equidem & in aliis signis, si tardiùs vel citiùs aliquot horis, respectu veri aspectus, delineentur, referre possunt. Hoc tantùm interest, si Luna in Cancro versetur, necesse est, ut tardiùs, si verò in Capricorno, citiùs aliquot horis, observatio sit peragenda; sic namque termini luminosæ & obscuræ partis, prorsus æquales extabunt.

Pòst, inter Montem Apenninum, Ligustinum atque Montuniatem, duæ amplissimæ cavernæ spectantur, quæ magnam partem Apennini quasi avellunt; sic, ut tres notabiles cuspides circa finem ejusdem Montis sint conspicuæ: quod phænomenon clarè demonstrat, & hunc Apenninum Valles habere præaltas: tametsi alio tempore existimes, hunc Apenninum, continuâ serie extensam esse rupem; cum plerumque umbrarum penè sit expers, valdeque claro gaudeat lumine.

Sed Maculæ nigricantiores, in latere occidentali istius Montis conspicuæ, non nisi umbræ sunt, à verticibus erectorum Montium Apennini, procreatæ.

Cæterùm, & hæc apposita quadratura, figura scilicet 32. ut diligenter expendatur operæ præmium est. Exhibet enim talem sectionem, qualem videre rarò nobis obtingit: quippe Luna non tantùm in Capricorno, sed & circa Nodum descendentem observatur. Ex cujus delineatione, tum extimus termi-

*Phasis 32.*

nus orientalis confinium quadraturarum, tum motus cuspidum, sive confinii inclinatio, Lunâ existente in Nodo Austri-  
no, fit planè conspicuus : ita ut ex hac, & 30. phasi, duo illi ex-  
tremi termini sectionum quadraturarum, optimè innotescant,  
inter quos per totum anni curriculum reciprocationes quadra-  
turarum, variatione cuspidum exceptâ, peraguntur.

*Mons Apen-  
ninus prope-  
modum o-  
mnium in lu-  
nâ est altissi-  
mus.*

Sectio hic partim est flexuosa, partim etiam plana; quia  
per Mare Mediterraneum ex parte protenditur. Quibus-  
dam autem in locis, præclaræ admodum cuspides, in partem  
tenebricosam se se extendentes animadvertuntur; pars nimi-  
rum Apennini, & superiùs ad Lacum nigrum pars Alpium,  
luculenter ostendentes, inter reliquos Montes Lunares, non  
esse dictos è postremis. Imò ex hac quidem apparentiâ, hic  
Apenninus ferè omnium maximus jure æstimabitur : nam in  
omnibus Iconismis Lunaribus à me delineatis nullus ullibi  
Mons apparet, qui longiùs distet à parte illustratâ. Quâ gra-  
tiâ simul animadvertendum, quòd hic Apenninus in quadra-  
turis decrefcentibus, tanto distet spatio ab obscuratâ parte,  
quanto ejus umbra à confinio abesse, videatur;  
prout ex figurâ duodecimâ haud ob-  
scurè patet.






*Plasus Lunæ à Quadratura Recentis.  
Observata in 20 Gradu  $\lambda$  non procul Apog. &  $\delta$ .*

*G E D A N I.*

*Anno Christi 1643, Die 4 Novemb. hora 5 à med. noct. numer.  
ab Oppositione verò 23, Diel 8 Curr.*







## CAPUT XXXVI.

DE LUNAE à QUADRATURÀ RE-  
CENTIS PHASI.

Uemadmodum hæc phasis omnium decre-  
scentium est primâ, quæ curvescit; ita & de novo primùm  
in hac phasi lumen illud secundarium, in parte à Sole aver-  
sa scilicet, Lunæ obscuratâ (de quo fusè in capite duodecimo hu-  
jus Selenographiæ egimus) se se prodit; verùm id adeò existit  
debile, ut vix ac ne vix percipi possit: subsequētib; tamen  
diebus, indies crescit clariorque evadit, sicuti in phasibus cre-  
scentibus, ad primam quadraturam usque, de die in diem de-  
crescit, existitque debilius.

*Lumen se-  
cundarium  
in hac phasi  
iterum con-  
spicitur.*

Quæ sectionis linea, licet sit curvata, attamen in parte lim-  
bi Australiori, vix eousque est promota, quàm præcedens se-  
ctio quadraturæ; in parte limbi verò Boreali haudquaquam  
eò adhuc pervenit, sed declinat magis Zephyrum versùs. Lu-  
na namque tum temporis in Leone, circa Nodum Austrinum;  
hic verò circa Nodum Boreum visa. Præterea, parùm aliquid  
notatu dignum hic occurrit, nisi quòd adhuc satis longa cuspis,  
Montis Apennini, in parte Lunæ obscurâ conspiciatur, & quòd  
infra Mare Mediterraneum, ad ejusdem confinium, semicircu-  
lus diversi coloris, seminiger nempe, ac semialbicans se se præ-  
sentet: quæ apparentia, quantum pro hoc tempore colligo, à  
sublimium Montium Taboris fastigiis, umbram spargentibus,  
suam ducit originem.

Hac ipsa die, Mons Sacer Sinum circundans Sirbonis, ad  
Mare Mediterraneum, clarè incipit illuminari, perinde ac si ni-  
ve undique esset tectus: similemque referunt speciem Alpes,  
atque Atlas minor, qui suprâ, Mare Mediterraneum, inprimis

Sinum Apollinis circumdant; claritate verò

Montem Sacrum longè an-  
tecellunt.

## CAPUT XXXVII.

DE LUNAE PLUSQUAM LUNATAE  
PHASI.

*Mons Por-  
phyrites mu-  
tar quidem  
formam, sed  
non colorem.*

**P**Ari modo ut Luna indies ad Solem, aut paulatim propius accedit, aut ab eo recedit; ita non solum etiam ejus phases, sicuti facile colligitur, sed & ejus Maculæ, quotidie magis magisque variantur: hincque evenit, ut hac die res diversæ appareant, quæ præcedente minimè conspiciebantur. Exempli gratiâ; Mons Porphyrites qui peculiarem semper colorem, uti suprâ narratum, refert, à primâ illuminationis die hucusque semper formam figuramque suam immutatam conservavit, jam verò planè variatus conspicitur: unum namque cornu superius amisit, quòd plerumque primâ, vel secundâ statim post ultimam quadraturam die, fieri deprehenditur, sic ut cornu prædictum tunc nusquam appareat.

Deinde in universis Phasibus, tam Lunæ crescentis quàm decrecentis, Sinum Apollinis clarè admodum illustrato circulo, sive maximè luminosis Montibus circumvestitum, conspeximus; at in hac trigesimâ quartâ, jam pars inferior dimidia, illius circuli luminosi, penitus obscura facta est, nisi quòd de parte superiori adhuc aliquantulum resplenduerit; sicuti ex schemate patet. Sic quoque à 16. phasi hucusque, amplissimus lateque extensus Mons Sepher, albicans atque clarissimus, adinstar splendidissimorum quorundam radiorum conspicuus fuit: sed in figurâ adjectâ, quædam tantum illius pars, eaque, more solito multò obscurior, spectanda sistitur.

*De quibusdâ  
Maculis colo-  
rem non mu-  
tantibus.*

Rursum autem ibi diversa reperiuntur loca (aquis sive Maribus etiam non attentis) quæ perpetuò eandem præ se ferunt formam coloremque, à primâ illuminationis die ad ultimam usque: utpote sunt, loca paludosa, arundineta, atque fruticeta, quæ omni tempore colorem, ut modò dicebam, conservant: idque pariter & ex hac figurâ fit satis manifestum, & ex illis præsertim duabus Paludibus ad Sinum Apollinis, Insulamque

Erro-



*Phasis Luna plusquam Lunata Decrescentis.  
Observata in 2 Gradu M. tam circa Angl. quam S.*

*G D A N I.*

*Anno Christi 1643 Die 5 Novemb hora 5½ à med. noct. numer. ab  
Oppositione versò 23½ Diei 9 Curr.*







Erroris in Mari Mediterraneo fitis : nec verò tantum ex istis duabus, quæ nunquam non nec obscuriores, nec clariores visæ; sed & ex quibuscunque aliis, quæ simul in Ponto Euxino, Marique Mediterraneo, simul in Mari Eoo spectantur, propemodumque nihil, tam in crescentibus, quam decrecentibus Lunæ phasibus, se se variant; quod aliàs, tum in Montibus & Vallibus, tum planitie secus apparet: dum partes hæ omnes, de die in diem, imò singulis horis, nonnunquam, modò quoad colorem modò quoad formam figuramve, ut omnes testantur Iconismi, mutantur.

Ex his igitur, quæ diximus, in hunc ferè modum vix frivole argumentari licet; quæcunque Maculæ Lunares livescentiores, Maribus atq; aquis conspiciuntur, sunt verò paululum obscuriores continenti; in superq; colorem, formã, figuramve, prorsus in nullâ phasi variant; sed perpetuò stabilem constantemq; conservant, illæ possunt esse Paludes, vel aliæ id genus res: atqui Mare hyperboreum aliquantò lumine vividiori est præditum, quàm reliqua Maria, præterea obscurius continente, & incommutabile: sequitur ergò, & hoc Mare, esse Paludes, aut tale quidpiam, haud absimile. Reperiuntur & alibi quidem ejusmodi Maculæ, quoad colores, sed non perennant: verum, aut obscuriores, aut luminosiores existunt, imò interdum & penitus evanescunt, sic ut ejusmodi Maculæ nec Paludibus nec

arudinetis ullo modo comparari possint.



## CAPUT XXXVIII.

## DE LUNAE LUNATAE DECRESCENTIS PHASI.

**A**pposita hæc trigesima quinta facies Lunæ decrescantis, est decimæ quartæ Lunæ crescentis complementum ad hemisphærium, qualis certè inter reliquas vix reperiuntur, quæ casu ita se se nobis obtulissent; non solum enim ratione motus librationis (quia hæc in Librà, illa in Ariete observata) verum etiam quoad confinium omnino sunt pares. Namque quemadmodum illud maximâ ex parte planum, & parum admodum flexuosum, ita & hoc quod vides confinium, pariter se habet: quippe utrumque in uno eodemque loco Maris Mediterranei terminatur: vixque credo plures sectiones in Lunâ conspici posse, quæ vel planiores, vel æquabiliori tractu appareant. Præterea in utraque delineatione transgreditur hæc sectio Montem Ætnam, illumque quasi bisecat: hoc tamen discrimine, quod in hac phasi, nequicquam de Monte Ætnâ in parte umbrosâ videatur; in illa verò, pars propemodum Montium dimidia, instar candidissimi semicirculi, extra partem Lunæ illustratam, se se objiciat. Hincque concluditur, Montes orientales Ætnæ, excelsiores esse, occidentalioribus; quia illi longius à confinio distantes illuminantur.

*An Phases  
decrescantes,  
crescentibus  
claritate sint  
pares?*

Porro, quod hæc figura quoad colorem, Insulæ scilicet Sici-  
liæ, Phasi decimæ quartæ planè sit similis, non aliunde oritur,  
quàm quod illa ipsa Insula, in utraque phasi, pari distantia à  
termino lucis umbræque removetur; idcirco & simili obscuri-  
tate utrobiq; gaudet. Unde autem hæc obscuratio procreetur,  
jam capite vigesimo videor mihi sic satis exposuisse.


Non autem hic intermittere possum, quin hac occasione  
quæstiunculam quandam in medium proferam, quæ omnibus  
Selenographiæ Studiosis, ut judico, haud ingrata accidet: an  
nimirum phases Lunæ decrescantis curvatæ (quando videlicet  
ratione digitorum sunt æquales, & simili aurâ defæcata obser-



*Præcis Luna Linatæ Decrescentis.  
Observata in 4 Gradu  $\approx$  circa Apog<sup>m</sup>. et Ø.*

*G E D A R G.*

*Anno Christi 1643, Die 5 Decemb. hora 6½ a med. noct. num.  
ab Oppositione vris 13, Diei 10 Curr.*







vantur) nobis semper æque claræ ac luminosæ appareant? negatur: differentia enim hac in parte non exigua deprehenditur. Sed hæc quæstio quodammodo ex illâ dependet, quæ capite 13. hujus Selenographiæ de lumine secundario proponebatur. Nam hoc de lumine ibi affirmabatur, id in phasibus senescentibus multò clarius existere posse, quàm in crescentibus: partim, quòd in parte Lunæ occidentali plus terræ, quàm aquæ detur; partim, quòd hic noster Globus terrenus, à quo reflexio ad Lunam usque projicitur, tum temporis majorem partem continentis, Lunæ obvertat: hincque adeò evenit, lumen secundarium in phasibus falcatis ante conjunctionem, quàm post illam, omnino majus, clarius atque fortius apparere posse.

Ex quo fundamento similiter concludo; Lumen primarium phasium senescentium, multò esse debilius quàm crescentium. Radios quidem Solares operatione esse diversos, à nostris terrestribus, hac vice nolo affirmare; sed lumen illius suppono esse æquabile: quamvis, si rectæ rationis trutinâ omnia ponderentur, & differentia quoque radiorum, sive luminis hîc aliqua sanè deprehendi posset: eo nimirum attento tempore, cum Maculæ Solares, Facularumque ingens tractus, in ipso Solis disco hærent. Tunc equidem radii permulti Solares de Lunâ deducerentur, sic ut hoc respectu, meo judicio, Luna necessariò existeret debilior. Verùm enimvero hanc luminis differentiam, ut modò dicebam, impræsentiarum non attendam; sed hoc unicum tantum monebo: quòd Lunæ pars orientalis, oceanis ac Maribus undique magis sit referta, quàm occidentalis; ea propter & radios Solares non ita fortiter reflectere valent, quàm Montes Vallesque, ut antea jam satis superque demonstratum. Ex quo sanè fit, quòd phasès decrescèntes, vel lumen illarum primarium, minimè ita clarum splendidumque ullo tempore apparet. Atqui Senescentes plus aquæ possidere, manifestissimè ex phasi appositâ elucet, quæ maximâ ex parte, aquis atque oceanis abundat. Rursum, si phasin Lunæ crescentis, quoad digitos æqualem consideremus, sive sit in Cancro, sive Capricorno observata, (exempli gratiâ, octavam vel nonam pha-

*In Phasibus  
senescentibus  
lumen pri-  
mariū mul-  
tò est debi-  
lius, quàm in  
crescentibus.*



phasin ) mox utique elucet, maximam ejus partem continente, Montibus & Vallibus constare, sicuti præsentem hancce Maribus, atque oceanis benè refertam esse videmus. Ideoque lumen phasium senescentium primum perpetuò debilius, obscuriusque, quàm crescentium spectatur: non aliter ac lumen secundarium in illis vividius fortiusque, quàm in his,prehenditur.

*Ratio, cur lumen secundarium Lunæ, in phasibus senescentibus, perpetuò clarius deprehendatur?*

Quâ opportunitate adhuc aliam indicabo rationem, quare lumen secundarium in senescentibus, omni tempore fortius clariusque esse possit, quàm in crescentibus; quod nimirum pupilla nostra, hac in re non parùm adferat momenti: namque ut perceptum capite 32. modò illa se se dilatare, modò comprimere valet, respectu mediï videlicet clarioris, vel obscurioris, in quo est occupata. Etenim, cùm lumen primum phaseos Lunæ, paulò obscurius sit, quàm crescentis; utique sequitur, ratione debilioris luminis, pupillam magis ac magis necessario dilatari, quàm quum phasin crescentis Lunæ aliquantò luminosiorē suspiciamus. Evenit itaque, ut, quantò major pupilla existit, eò plures radii luminis secundarii ad tunicam retinam transferantur. Proinde, cùm in observationibus Lunæ decre-scentis, pupilla sit amplior, idcirco non solum plures radii per pupillam illam ampliorem in oculum intrant, sed & per consequens, lumen secundarium clarius fortiusq; nobis apparet. Et hoc est, quod demonstratum dare constituimus.

## CAPUT XXXIX.

### DE LUNAE CORNUTAE DECRESCENTIS PHASI.

*De Insulâ Cercinnâ.*



**D**Osteaquam (quod bene animadvertes) hæc sectio luminosæ & umbrosæ partis, Insulæ Cercinnæ vicinior extitit, quàm in phasi præcedente, propterea etiam illa Insula, in hac figurâ quâ colorem, est obscurior. Similem verò hîc propemodum speciem refert, ac si palus esset; interim tamen nulla est, sed in medio tantum locus quidam paludosus repe-



*Plano Luna Cornuta Decrescentis.*  
*Observata in 8 Gradu M. circa Apogaeum & Limit. Bos.*  
 GEDANK.  
*Anno Christi 1644. Die 24 Decemb. hora 7 à med. noct. num.*  
*ab Oppositione vers 33. Diei 33 Curr.*







reperitur, ex quo longa Montium series, brachiaque diversa, tam in Mare Mediterraneum, quàm Eoum excurrunt, quæ in reliquis Iconismis instar albicantium radiorum, se se objiciunt; jam verò quodammodo ob diversam umbram nigriores spectantur, sicut & tota illa Insula, unà cum illo præclaro Monte, in medio illius loci paludosi conspicuo.

Mons Porphyrites, uti percepimus, jam in phasi 34. cornu superius amiserat, de quo & huc usque nihil apparet; in parte verò reliquâ hujus Montis, antrum quoddam, sive concavitas quædam haud exigua animadvertitur, quæ in reliquis omnibus Lunæ faciebus minimè conspecta: hincque præsumitur, non solum hanc unicam esse rupem; sed quòd Montium potius sit continua series, Vallem aliquam talem constituentium.

Sed præterea, hæc Lunæ cornutæ facies, huic rei inprimis deservit, quòd hujus beneficio, loca permulta Montes Vallesque (quod aliàs ex nullis aliis conceditur) inde cognosci possint: illique nimirum Montes, qui infra Mare Eoum, Sinum Sirbonis & in Ægypto Lunari siti sunt: inter cæteros Mons Eos, M. Casius, M. Troicus, M. Ajax, M. Cataractes &c.

Dux autem illæ nigerrimæ Maculæ, quæ in ipsâ superiori parte confinii, prope Mare hyperboreum conspiciuntur, partes sunt Maris Mediterranei, ac comprimis Sinus Apollinis. Quòd autem in hac phasi, sinus ille prædictus quasi adhæreat Mari hyperboreo, deinde & hoc Mare adeò vicinum sit limbo, sic ut interstitium inter Peripheriam & Mare modò dictum, admodum strictum appareat: hinc oritur, quòd Luna circa limitem Boreum sit adumbrata. At in phasi proximâ & antecedente, in quâ illud ipsum interstitium multò latius videbatur, Luna circa Nodum ascendentem commorabatur, ita, ut omnino amplius esse oporteat, sicuti ex motu librationis fit manifestum.

Inprimis verò, circà hanc Lunæ faciem, maximè notatu, animadversioneque non indignum occurrit, quòd ejus periphēria, quæ plerumque æquabili tractu aliàs apparet, hîc, ad cuspidem, nempe Australem, (uti apparet) satis tuberoso ac sinuoso ambitu terminata spectetur; cujus generis phænomen-

*Hujus phæ-  
seos periphe-  
ria, ex parte,  
scabrosa ap-  
paret.*

na perrarò certè observavimus. Sed hoc eam habet causam, quòd Luna tum temporis in maximâ latitudine Boreali extiterit; unde talis apparentia à parte limbi inferiori necessario evenit, quemadmodum jam suprâ cap. 26. monuimus. Atque hoc verò iterum elucet, in ipsâ quoque Lunæ peripheriâ, Montes Vallesque affatim extare.

## CAPUT XL.

### DE LUNAE CORNIGENAE DECRESCENTIS PHASI.


*De Monte Porphyrice.* **J**AM sæpius indicavimus, Montem Porphyritem, ratione aspectus in phasibus prioribus, semper unam eandemque retulisse faciem; nunc autem tandem, cum ejus instat occasus, est inconstans, deque die in diem mutat figuram. Primùm in phasi 34. cornu superius evanescebat; secundò, in figurâ 36. in medio concavitas quædam animadvertebatur; jam in præsentē & cornu inferius evanuit, Lacunaque est multò amplior. A parte sinistrâ, tantùm adhuc aliqui Montes conspiciuntur, in formâ luminosi semicirculi, ad dextram verò nulli adsunt: Vallisq; penitus est obscurata. Ex quibus colligere licet, Montes ad sinistram sitos, altiores esse existentibus ad dextram: qui lucem Solis quasi impediunt, quò minùs ratione altitudinis ad reliquos oppositos depressiores, pervenire possit; & itaque utique necesse est, ut hanc ob causam lux prætervolet. Quando verò Montes illam plagam versùs, in quo Sol conspicitur, depressiores sunt, tunc lumen Solis ad Montes oppositos rectà tendit, sic ut eo tempore Montes Soli obversi, omni ex parte clari atque luminosi deprehendantur. Hujus generis Valles, quæ de uno latere sublimioribus Montibus clausæ sunt, quàm de altero, præter prædictas, adhuc quamplurimæ in Lunâ inveniuntur; ut ex phasibus Lunæ crescentis videre licet, præsertim ex figurâ decimâ, Monte nimirum Armeniæ, M. Carpatis, M. Serrorum, qui à parte sinistrâ altiores sunt: Mons verò Ida rursùm à parte dextrâ excelsior.

Quò



*Placid Luna Cornigona Decrescentis.*  
*Observata in 26 Gradu M. propo d & Apog<sup>m</sup>.*  
*GEDA R G.*

*Anno Christi 1643, Die 7 Novemb. hora 7 à med. nocte num. ab*  
*Oppositioni vero 2, Diei 12 Curr.*



37.

*Autor Sculpit.*






Quò igitur longiùs à confinio lucis & umbræ, talis lucidissimus Solem versùs spectatur semicirculus, eò depressiores sunt Montes oppositi obscuriores : quò verò propiùs confinio tale quid conspicitur, eò sunt altiores. Propterea rectè concluditur, Montes in latere dextro Porphyritis sublimiores esse, occidentalioribus Montis Audi; cùm hi longiùs, quàm isti, à sectione umbræ distent.

Occurrit insuper in phasi appositâ, & alia apparentia, quæ aliquibus sine dubio hunc scrupulum ingeret; cur videlicet Montes, Climax, Casius atque Eos, in hac icone, quasi majores, quàm in præcedente, sint depicti? Ratio autem hæc est, quòd hîc viciniore confinio extiterint; quare & omnino majores apparere necesse sit. Sol enim declivior, illis in locis, Valles tantùm circa Montium vertices, terminat : in præcedente verò phasi, ubi Sol sublimior erat, ibi simul profundius radios in Valles evibrabat, sic ut eæ compressiores ibidem appareant, quàm cùm circa vertices Montium illuminantur. Sed de iis hoc loco non attinet plura dicere.

Cæterùm, in ipso termino lucis, conspicitur adhuc pars Sinus Sirbonis, partem obscuram versùs, lineâ rectâ instar aquæ terminata; alteram verò partem luminosam introrsum versùs, sectione circuli clarè illustratâ, quæ Montem repræsentat Sacrum. Circa quem hoc imprimis consideratione dignum videtur, quòd iste nempe Mons, umbram haud exiguam in modò dictum Sinum, sive superficiem hujus aquæ spargat : uti Macule illæ nigri-cantiores ad sectionem circuli claram conspicuæ, manifestè indicant. Quæ apparentia, ex nullâ equidem aliâ phasi tam distinctè, quàm ex hac, deprehendi potest.

## CAPUT XLI.

### DE LUNAE FALCATAE DECRESCENTIS PHASI.

uò igitur hæc phasis vehementer decreverit, provectâq; admodum ætate extiterit, ac insuper sectio luminosæ & umbrosæ partis jam tandem per Mare Eoum transeat : non adeò multa notatu digna hîc occurrunt. Nam quæcunq;



quæstiones de phasibus corniculatis crescentibus, proponuntur, pariter & de his Senescentibus affirmantur, vel negantur; tum, quod lumen Lunæ secundarium, tum adventitium ejusque luminis autionem, atque diminutionem concernit. Idcirco nolo te Lector Benevole, temporis præsertim redimendi gratiâ, diutius morari, nisi quod hæc paucula solummodo addam. Primò; scias, quòd tres illos Sinus in confinio extantes, Valles Montis Baronisi, M. Porphyritis, atque Thambis constituent. Secundò, quòd ad cuspides egregiæ claræque illuminatæ areolæ conspiciantur; quæ in phasibus lumine auctioribus, tam distinctè nunquam animadvertuntur: verùm quò Luna conjunctioni propinquior, cornuaque ejus acutiora videntur, eò globuli isti magis magisque emicant; exceptis duobus, ante vel post lunarium Synodum, diebus, quo tempore, sicuti ex primâ & ultimâ phasi fit perspicuum, non æque clari apparent.

Paludem Maræotidem quod attinet, & hîc aliquantulum mutata spectatur: ab utroque enim latere sublimiorum Montium fastigia illam circundantia (postquam ad terminum lucis propius advenit) se se conspicienda præbent; cùm antea tantum à latere dextro fuerint animadversa. Hæc verò apparentia, ut modò dicebam, in nullâ aliâ phasi cernitur, nisi in ultimâ ante conjunctionem die, ac in phasi ad oppositionem vergente, ubi omnino similem palus illa refert faciem.

Denique & hoc probè notetur, me in observatione hujus phaseos, adminiculo excellentissimi Tubi Maculas Lunæ majores, Maria scilicet, in parte Lunæ tenebrosâ mediocriter discernere potuisse, quod in prioribus Lunæ faciebus nullo poterat fieri modo; unde autem hîc licuerit, satis superque ex illis, quæ capite 38. dicta sunt, colligi permittitur.






*Phasis Luna Falcata Decrescentis.*  
*Observata in 8 Gradu  $\approx$  non postul Apog<sup>i</sup>: et 88.*

*G. E. D. A. N. T.*

*Luna Christi 1643. Die 8 Novemb. hora 6 $\frac{1}{2}$  à med. noct. num.*  
*ab Oppositione vix  $\frac{1}{2}$  Diei 13 Current.*







## CAPUT XLII.

## DE LUNAE CORNICULATAE DECRESCENTIS PHASI.



Apite decimo quarto, circa phasin Lunæ Lunatæ, de inclinationibus cornuum Lunæ diximus; cornua nempe non planè modo eodem indies inclinari, atque variari: partim ratione diversæ Lunæ à Sole distantiae, partim, quòd Luna non semper eadem omni horâ observetur, partim quòd etiam continuè locum respectu Eclipticæ mutet. Hinc quòd phases Nonagesimo viciniore delineantur, eò, ratione cornuum sunt erectiores. Apparet enim in phasibus corniculatis Lunæ crescentibus, itidemque ex decrescendentibus, inprimis illis quatuor postremis, cornua superiora indies à perpendiculo plus plusque recessisse. Non est autem, quòd quisquam sibi imaginetur, inclinationem cornuum tempore quocunq̃ue (licet phasis tum respectu digitorum, tum ætatis prorsus fuerit æqualis) perpetuò fore eandem; minimè certè, nisi casu eveniat, ut hæc ipsa phasis, denuo in illo ipso gradu ac minuto, longitudinis latitudinisque reperiatur. Quæ si verò in alio signo aliâque latitudine deprehendatur, tunc inclinatio, veluti angulus orbitæ Lunæ & horizontis, maximè variatur; modoque major, modò minor evadit, hoc est, modò magis, modò minùs à perpendiculo declinat: sic ut illico magna variatio inclinationis oriri possit; licet Luna in ipso eodem loco, respectu Nonagesimi, ut suprà referebam, observetur.

*De inclinationibus cornuum Lunæ.*

Hac igitur occasione, jure quæritur; cùm ex diversis rationibus; ejusmodi diversissima quotidiana, imò horaria, inclinatio Lunæ cornuum existat; num etiam hujus inclinationis differentiam, quoad gradus, indicare possimus; in quantum videlicet cornua à puncto verticali statò tempore declinent? Respondemus: maximè; ut jam jam res fiet manifestior; quanquam fortassis aliis hæc res planè impossibilis videbitur; propter magnas scilicet variasq̃ mutationes, quæ sub quâlibet diversâ elevatione Poli, magis magisq̃ eveniunt.

*Num hujus inclinationis differentiam quovis tempore, ritè determinare possimus?*



Sed ad hoc rectè expediendum magnis ambagibus opus foret, nisi ea in auxilium mihi venirent, quæ capite 26. circa Plenilunia de Macularum inclinationibus dicta fuere. Proinde, cum simile quiddam tam in cornuum quàm Macularum inclinationibus (pariter namque, modoque planè eodem, tanquam in uno corpore moventur) accadat : idcirco, & nullo negotio, imprimis adminiculo Plenilunii versatilis, hoc tentare demonstrareque possumus, quod volumus.

Igitur te tantum mi Lector, ad caput dictum ablego, ut illa ibi imprimis diligenter perlegantur animoque expendantur quæcunque de Macularum inclinationibus disseruimus : invenies ibidem inter alia; quomodo, beneficio Plenilunii versatilis, ad quemlibet Lunæ locum, datamque horam, sub quacunque elevatione Poli, & mediante tabulâ Anguli verticalis & Orbitæ Lunæ, inclinationem Macularum constituere, oculisque subjicere valeas.

*Quâ via inclinatio cornuum investigetur?*

Hac itaque prorsus ratione proceditur, si inclinationem Lunæ, ad certum datumque tempus locumque Lunæ desideras; ac si inclinatio Macularum investigari debeat. Deinde lineam duc rectam per certum punctum, istorum scilicet trium, ad peripheriam Plenilunii versatilis existentium (quo tunc temporis usus fueris) centrumque Lunæ; quo facto, ex inclinatione hujus lineæ, & illicò etiam cornuum Lunæ Inclinationem cognoscēs. Nam inter utramque nulla omnino est differentia; nisi quòd in phasibus corniculatis, cornua lineam istam planè non attingant : veruntamen cuspis utraque æqualiter ab illâ modò dictâ lineâ distabit.

Postremò denique paulò attentior quilibet Lector (etiam me tacente) hoc quoque facile animadvertit, ex antè dictis colligens, quòd planè necesse sit, ut anguli verticalis & orbitæ Lunæ complementum, in quadrante occidentali constituatur, si quis cornuum inclinationem Phasium crescentium desideret : contrà si inclinatio cornuum Phasium decrescientium quæras, ut angulum istum in quadrantem orientalem transferatur, attinet : sic enim omnino habebis ad quodvis tempus, desideratam phaseos cujusvis futuræ inclinationem, idque sub quâvis datâ elevatione, in quocunque etiam loco Eclipticæ, Luna, tam respectu longitudinis, quàm latitudinis, versetur.


CAPUT



*Placus Lunae Corniculatae Decrescentis.*  
*Observata in 20 Gradibus.*

*GEDAAG.*

*Anno Christi 1643, Die 9 Novemb. hora 6½ à med. noct. num.*  
*ab Oppositione vero ½ Diei 14 Current.*



39.

*Autor. Schenck.*





## CAPUT XLIII.

DE ULTIMÂ IN CONJUNCTIONEM  
PROPENDENTE PHASI.

**I**N Pleniluniorum præsentia capite 26. diversi generis quædam, eaque vix, ut arbitror, injucunda fuere excussa; inprimis autem duo hæc, ut reliqua taceam: Lunam nempe nunquam minùs illuminari, quàm cum est plena: & nunquam nec visum esse, nec videri posse, ullum perfectum Plenilunium, undique quidem levigatâ Peripheriâ terminatum. Quæ tamen duo, minimè Plenilunia tantùm; verùm etiam Novilunia, si rectè applicentur, concernunt. Primum quod attinet; sicuti Luna nunquam minore lumine perfunditur, quàm in oppositione; ita nunquam majori illustratur lumine, quàm in conjunctione: quia eo tempore, Solis corpori videlicet luminoso majori, maximè est propinqua, præsertim, si in Apogæo fuerit constituta; rationes capite 26. satis fusè explicavimus, quò Lectorem ablego.

*Luna nunquã  
majori illu-  
minatur lu-  
mine, quàm  
in conjunctio-  
ne.*

Alterum quòd spectat: ut nullum unquam prorsus perfectum & undique rotundum, quoad Peripheriam datur Plenilunium; sic pariter & nullum omnino perfectum Novilunium reperitur: propter easdem causas, quas capite modò citato in medium protulimus. Quando namque Luna eo usque tantùm à Sole distat (in quocunq; etiam sit latere) ut partem Solis minimè tegat; tunc necessariò certa pars ejus luminosa, nobis objicitur (quia tum circuli illuminationis & visionis se se interfecant) & quidem particula de parte inferiori, Lunâ existente in Septentrione: de parte autem superiori, quando existit Australis, ante scilicet conjunctionem in latere orientali; post conjunctionem verò de parte occidentali, prout tempore Plenilunii illa limbi asperitas procreatur, de quo vide suo loco.

*Nullum un-  
quam perfe-  
ctum inveni-  
tur Novilu-  
nium.*

Est autem præsens hæc phasis ex illarum numero, cujusmodi permultis vix certè unquam est visa; cum peradmodum rarò conspiciendam se præbeat, ut phasis prima ac novissima:

*Hæc phasis  
rarò admo-  
dum conspi-  
citur, & qua-  
re?*

siqui-



liquidem tria pariter, necesse est ut hîc concurrant, si nobis in obtutum venire debeat. Et quidem primò requiritur ut phasis hujuscemodi in signis descendantibus, ac præsertim verò in Librà se offerat : secundò, ut habeat latitudinem Borealem, sitq; , ut capite nono diximus, cita veloxque. Cùm itaque & circa hanc phasin, duo ejusmodi requisita se se exhibent, hinc evenit, ut eam adeò tardè ante conjunctionem conspexerim, quæque tum erat satis adhuc elevata; sic ut minimè dubitarem, me & sequente ipsâ conjunctionis die, illam distinctè fore conspecturum : quod procul dubio & factum fuisset, nisi Templi alicujus nostri fastigium, Lunæ aspectum mihi omnino eripuisset. Luna, ut ex inscriptione patet, occupabat gradum secundum Scorpii, initiumque quarti gradus latitudinis Borealis : distabat duntaxat 15. grad. 40. min. à Sole in longitudine, atque observabatur ante conjunctionem horâ trigesimâ secundâ.

Anno 1645. die 17. Novemb. similem omnino phasin ultimam senescentem vidi, Lunâ solummodo duodecim gradibus à Sole remotâ, 27. horis ante circiter conjunctionem. Luna namque in 13. gradu Scorpii versabatur, in maximâ scilicet latitudine Boreali : cujusmodi exempla perrarò certè spectantur; tum ratione aëris nubilosi, tum quod tantummodo semel quotannis talis phasis contingere possit : imò sæpenumero evenit, ut vix multorum annorum elapso spatio, illam observare liceat.

Cæterum, hanc phasin adhuc tenuiorem esse primâ, hinc oritur, quòd vicinior propemodum 8. horis, seu 4. circiter gradibus longitudinis, ipso observationis articulo extiterit : ita, ut necessariò aliter apparere haud potuerit. Ideoque, cùm graciior esset, inde & nulla insignis asperitas in ipso confinio spectabatur : quamvis ex parte nihilominus certò visâ fuisset scabrosa, si Lunam id temporis prælongo Telescopio contemplatus fuisssem; sed, quo tunc utebar, mediocris tantummodo erat longitudinis. Cornua autem perquam erant acuta, sic ut volupe esset illa aspicere. Cornu quidem inferius haud parùm existerbat obscurius superiore; quò autem hujus apparentiæ ratio referenda sit, certè hac vice non habeo dicere : umbra namque erat dilutissima, sic ut minimè distinctè, ac dilucidè discerni, atque dignosci posset.


CAPUT



*Luna Senex in Coniunctionem propendens.  
Observata in 2 Gradu M. Die ultima ante Coniunct<sup>am</sup>.*

*G E D A N G.*

*Anno Christi 1643. Die 10 Novemb. hora 7 à med. noct. num.  
ab Oppositione vixi 1, Diei 15 Curz.*








## CAPUT XLIV.

DE UTILITATÆ EX FIGURÂ PRIMARIÂ  
Phasium & Lunationum redundante; deque  
observationis modo Sectionum diurnarum; & denique quo-  
modo viâ haud vulgari, ex ejusmodi continuatis Lunatio-  
num observationibus, motus Librationis Disci  
investigari possit?

um in diversis præcedentibus capitibus,  
quantum sufficiat, ut arbitror, tam de Pleniluniis, & Quadratu-  
ris, quàm universis & singulis reliquis phasibus, nihil reticen-  
tes quæutrinque scitu, atq; observatu digna de his fuerint, egeri-  
mus: utiq; in consequentibus, inprimis de motu Librationis Di-  
sci (de quo jam capite 8. mentionem fecimus) dicere proposi-  
tum nobis est. Non eum quidem in finem, ac si ibidem non suf-  
ficienter satis eo de fuerit dictum; sed eam potiùs ob causam,  
ut motum illum, plus plusque aliis diversis observationibus ad-  
ditis stabilire, atque confirmare possimus. Estq; illud perquam  
necessarium, ut ea, quæ hætenus nondum satis sunt comperta,  
penitus ex fundamento demonstrantur. Idque maximè equi-  
dem ex variarum phasium iconismis fieri potest. Postquam  
autem hætenus phases, nec diebus attentis Mensibusque singu-  
lis ordine se excipientibus adumbrare licuit; vix exinde tam  
perspicuè, ut velim libenter quotidianum Lunæ incrementum  
decrementumq; fortassis perspicere datum: quod ut existimo,  
ex sequentibus meliùs patefiet.

Quâ gratiâ quidem, ut omnia succederent feliciùs, novum *Quomodo ob-*  
planè huc usque minimè cognitum inventum, in mentem ve- *servationes*  
nit, dum integram videlicet Lunationem, in unicam coarcta- *Lunationum*  
mus figuram: unde ipsimet accuratè probeque deprehendi- *instituantur?*  
mus, quomodo non solum Librationis motus, indies se se va-  
riaverit; sed & quâ ratione sectiones Lunæ diurnæ illuminatio-  
nis, continuè mutatæ, singulisque Mensibus variatæ fuerint;  
cumprimis autem exinde quadraturarum quoque Metamor-  
phoses (veluti jam suprâ indicavimus) earumque causas, hoc  
F f f modo

modo satis superque cognovimus. Initiò itaque hanc primariam Phasium Lunationumque figuram T construximus, (prout capite 8. intimatum) quæ prorsus eandem, quam magna illa Tabula Selenographica Phasium generalis, faciem refert; nisi quòd in hoc iconismo, omnium Macularum, tum majorum, tum minorum, figuræ & species, simplicibus subtilissimisque lineis fuerint delineatæ. Circa medium item centri motum, per puncta ibidem annotata, in omnibus signorum principiis, indicavimus. Certam quidem peripheriam, sive limbum figuræ non circumscripsimus: idque eò, ne non universis omnino observationibus (periphèria namque ex motu libratorio existit mobilis) tam phasium, quàm Lunationum, accommoda esset. In quâ primariâ hac Lunæ facie, & situs & proportio Macularum, pro viribus simul est observata atque exhibita, non verò tantùm Marium, Sinuum & Promontoriorum; sed & reliquarum omnium Macularum, Insularum scilicet Montium, Valliumque: utpote, ex quarum proportionatâ commensuratione, propemodum tota dependet Selenographia. Atque nisi hæc figura probè esset correctâ, mendarum expers, ex illâ vix ulla sperari posset utilitas. At, constitutionem & situm Macularum accuratissimè hîc fuisse delineatam, dicto capite octavo, sufficienter meo judicio patefecimus.

*Figura Pri-  
maria est  
maximè uti-  
lis.*

Est autem primò, primarius hic Lunæ typus, ad quamcunq; phasin delineandam perquam utilis; quam delineationem hoc modo instituere poteris. Prius enim cape Scalæ longitudinem, in figurâ adjunctâ obviam, quâ tanquam radio (si quidem antè innotuerit longitudo atque latitudo ipsius Lunaris phaseos, quam observare sive adumbrare, tum temporis tibi proposueris) ex certo puncto, sive centro, secundùm longitudinem & latitudinem inventam, describes circulum, sive peripheriam: atque ita simul habebis atque videbis, non solùm latitudinem interstitii Paludis Mæotidis, Maræotidisque, sed & latitudinem partium Borealium atque Australium, veramque disci Librationem. Postmodum verò duntaxat opus erit, ut confinium ducas, per illas ipsas Maculas, in Lunæ sectione conspicuas: deinde itemque Valles Montesque eâdem ratione ad faciem



ciem Lunę ut obumbres; ita planè totam phasin quamcunq; perficies. Quod certè haud magno negotio fieri poterit; cùm jam antea Macularum distantia proportioque, in figurâ hac primaria, laboris sublevandi gratiâ leniter fuerit delineata. Verùm enimvero absq; figuræ hujusce adminiculo, phasin aliquam paulò accuratiùs adumbrare, idque si præsertim minùs exercitatus conari velit, hic labor hoc opus est, quod omnes qui rei huic manum admoverint, benè fatebuntur.

Neque non verò secundò, poterit quoque ad diversas alias observationes, archetypus hicce T feliciter applicari. Exempli gratiâ: ad Fixarum atque Planetarum occultationes à Lunâ descendentes, & cumprimis ad Eclipses Lunares: quamquam hæ tamen nihilo minùs, imò æque bene & accuratè, quid? quod & commodiùs, per alteram figuram Pleniluniorum generalem, hîc in latere averso schematis præcedentis T exhibitam, instituuntur. Et differentia quidem utramq; inter figuram istam nulla alia intercedit, nisi quòd prior omnes in Lunâ existentes Maculas, perque phases paulatim conspicuas, præsentet; hæc verò posterior, faciem Lunæ, Maculasque ejus sic tantùm referat, veluti tempore oppositionis illas conspiciamus, & ut in Plenilunio cùm majori P, tum minori O, adumbratas vides. Hincq; quoniam tempore Eclipses hacce adminiculante figurâ, Maculæ Lunares ab Astrophilis minùs peritis commodiùs inter se dignoscuntur; idcirco hæc tamen præ altera illis fortean arridebit Pleniluniorum generalis figura: sed eo de infra adhuc fusiùs dicemus, cum locus nobis iterum offeret opportunus; nunc solummodo monstrabimus quomodo figuræ phasium generalis beneficio, sectiones Lunæ diurnæ illuminationis, totaque pariter Lunatio observari debeat: utpote ex quâ observatione, permagnum (sicuti ex sequentibus fiet perspicuum) ad nos redundare potest emolumentum.

Observationes autem illæ Lunationum sic, suscipi debent. Primò, necesse est, ut in promptu sit exemplar, figuræ illius primariæ, quam vidisti: ideoque aut delineare aliquam talem te oportet, secundùm figuram (quam sub finem nostræ Selenographiæ invenies) huic operi planè destinatam, aut si deli-

*Ratio insti-  
tuendi obser-  
vationes Lu-  
nationum.*



neationis talis laborem subterfugas (qui sanè non nisi magno tædio, temporisque non pauci impendio absolvitur, ut haud difficulter indicare possem, nisi tempori parcens, id lubenter prætermitterem) poteris, si placet, tot Icones hujus figuræ primariæ, aut à me ipso, aut à Bibliopolis Selenographiam vendentibus, quot opus habueris, nempe 50. 100. pauciores pluresve, tantillo quo veneunt tibi comparare pretio. Quæ quidem Icones quantopere tibi sint inservituræ, ut de redempto temporis spatio nihil dicam, imposterum percipies. Attende autem diligenter ne exemplaribus secundâ vice ab aliis æri incisis, decipiaris: impossibile namque, ut secundum hanc meam impressam, alia sculpatur æque correctâ figura, propter papyri nempe dilatationem, constrictionemque: cavendo scilicet ne loco archetyporum meorum, qui primariam à memet ipso, quoad fieri potuit æri incisam, accuratè exhibent figuram, pseudotypi tibi supponantur.

Quando verò talem ad manus habes Iconismum; Lunationemque, exempli gratiâ Lunæ crescentis, observare satagis, quære initio ex Ephemeridibus longitudinem & latitudinem Lunæ, tempore Novilunii; deinde ex centro motui respondente, radio (quem scalæ longitudo mensurat) duc Lunæ peripheriam, & ita unâ eademque opera habebis motum librationis qui tempore Conjunctionis est animadvertendus. Posthæc autem eundem Lunæ motum, qualis est tempore quadraturæ, investiga; quibus inventis, limbum quadraturæ competentem, eo quem diximus modo describe: postremo fac scias, Lunæ, cum plena est longitudinem & latitudinem, & cum hujus tum illius beneficio Lunarem depinge peripheriam. Sic enim trium istorum auxilio circulorum, nullo negotio cognosces; an motus ille libratorius crescat, an decre scat; sectiones item num ascendant an descendant; ut & non minùs se dabit, an observationes diurnæ librationis, inprimis circa quadraturam & Plenilunium, hisce delineatis sectionibus, interstitiisque descriptis optimè congruant?

Ad quamlibet quidem sectionem, peculiari peripheriâ opus est; cum librationis centrique motus, perpetuò varietur: atq;  
 sic,



fic, quot sectiones describuntur, tot jure ducendi essent limbi. At tum hæ peripheriæ admodum confunderentur. Quamobrem consuevi, tantum tres illos supra dictos limbos adumbrare. Nisi quod nihilominus tamen sectiones in parte superiori, vel inferiori, aut longiores, aut breviores in Lunationum figuris, secundum genuinam illarum effigiem, duxerimus; idq; in sequentibus observationibus, est in propatulo.

Tribus autem istis limbis rectè constitutis, de die in diem, annuente Cœli serenitate, Lunam observa diligenter, & quolibet viginti quatuor horarum spatio elapso, si id fieri poterit, sectionem luminis & umbræ describe, secundum genuinum Lunę confinium: quas & accuratè facillimoq; negotio assequeris, si prius probè rectèque universas ac singulas Lunæ cognoveris Maculas, hasque tibi firmiter imaginatus fueris. Cæteroqui nisi hæc exercitatione multâ, crebrâq; inspectione tibi familiaria reddideris, nihil non impossibile tibi hîc videbitur. Quare cui animus est tales instituere observationes, necesse, ut faciem Lunæ Plenæ, Tabulamque Selenographicam Phasium generalem, omnino habeat perspectam, locorumque Lunæ omnium nomina memoriter teneat, aliàs frustraneus erit labor atque conatus. Sectiones item oportet, ut singulis diebus usq; ad Plenilunium continuentur. Quod quidem si feceris, totam habebis Lunationem in unicam figuram ad amussim conjectam. Atq; inde quidem non solum percipies miram Lunę reciprocationem; sed etiam admirandam sectionum vicissitudinem: adeo ut perquam raro, Lunatio Lunationi prorsus sit ab omni parte similis; quod ex ipso motu Lunæ haud difficulter colligitur. Apparebit verò quoque indies, ex ejusmodi observationum periodis, quomodo Valles Lunares, modò nigriores, modò luminosiores, modò majores, modò minores evadant? ut & insuper, quomodo subitanea illa confinium mutatio, ratione asperitatis se se habeat, & hujusmodi alia quamplurima, de quibus impostero pluribus dicetur.

Enimvero nec mihi dubium est, ex accuratis continuisque Lunationum observationibus, (si in diversis regionibus à Vi-

*Quid ex Lunationum observationibus sperandum?*



cillorum instituantur atque continuentur) cum tempore majora, quàm adhuc intelligimus, vel nobis imaginamur, inventum, atque detectum iri. Nisi quidem & ipse hunc observandi modum statim initiò arripuissem, singulisq; diebus, ac Cœlo maximè sereno, per aliquot annos continuassem; profectò non tantùm figuram primariam, reliquasque phases omnes haud eousq; perduxissem; verùm nec motum librationis disci, tam longitudinis quàm latitudinis, nec motum cuspidum, quadraturarum, aliarumque phasium; multò verò minùs inclinationem Macularum, Lunæque cornuum, eousque pervestigassem; ut taceam cætera quamplurima mihi hætenus incognita, quæ hujus contentionis assiduæ beneficio demùm, maximâ cum voluptate, ne dicam utilitate perdidici, atque perspexi.

Utinam tantùm in regionibus hisce Septentrionalibus, Cœlum semper haberemus propitium, longè certè facilius, minoreque cum labore, hæ Lunationum observationes peragerentur. Quia verò, præsertim tempore Autumnali atque Brumali, plures nubilosi, quàm sereni, ac defæcati dies se se hîc offerunt; ideoque multùm tunc faceffitur negotii, si Lunationem totam, cum omnibus singulisque diurnis sectionibus absolvere, atque representare studemus. Nonnunquam quatuor vel plures Lunationes, cùm Lunæ crescentis, tum decrescientis incipiuntur, de quibus vix unica ad finem perducitur. Jam unâ die sectionem delineare conceditur, mox secundâ vel tertiâ die, id, ratione nubilosi aëris, prohibetur. Cujusmodi Lunationes imperfectas, observavi certè permultas, quas huc referre minimè duxi pretium operæ. Illas verò solummodò exhibebo, in quibus minimum major pars est deducta: quippe quòd ex his major capiatur etiam utilitas. Quod si verò in Ægypto, ubi ferè continua affulget Cœli serenitas, observationes hæ susciperentur; utique plures omnino in unius anni spatio Lunationes, quàm in his regionibus intra quatuor, seu quinque annos acquirerentur; quid? quod & majora atque multò certiora investigare daretur. Cæterùm crebra etiam observationum perturbatio homines nimis quàm reddit tædiosos. Fit namque sæ-

pissi-



piſſimè, quando ſperamus notabilem aliquam quadraturam, ſive aliam quamcunq; imminere phaſin, ut repente præter ſpem Cœlum nubibus undiq;e prorſus obveletur; ſic ut hac ratione totius anni pereat ſpes : dum nonnullæ ſemel in anno tantum exiſtunt phaſes. Sed, hæc quidem hætenus : nunc ad obſervationes, quas ex Cœlo ipſemet depromſi, tranſeo; quâ occasione omnia illa, quæ vel per ſe obſcura, vel ſuprà nondum ſatis enodata, explicabo; præprimis autem motum librationis diſci, motumq;e progreſſionum, & retrogreſſionum quadraturarum, magis magisque ſtabiliam.

## CAPUT LXV.

## LUNATIO LUNAE CRESCENTIS

obſervatâ,

GEDANI,

Anno Chriſti 1644. Menſe Aprili.



**C**onjunctio Luminarium in ſchemate ſequenti V incidit in 18. grad. Arietis; quo tempore latitudo Lunæ inveniebatur 2. grad. 41. min. die nimirum 7. Aprilis, horâ 4. min. 20. matutinâ.

*Lunatio cre-  
ſcens I.*

- A. Obſervatâ in 13. grad. Tauri, & 4. grad. 17. min. latit. Austral. non procul à Perigæo & limite A. Die 8. Aprilis, horâ 8. à meridie numeratâ; 8. conj. verò 16. diei 2. curr.
- B. Obſervatâ in 28. grad. Tauri & 4. grad. 57. min. latit. Auſt. non procul à Perigæo; die 9. Aprilis horâ 8. à merid. num. 8 conjunct. verò 16. diei 3. curr.
- C. Obſervatâ in 12. grad. Geminorum in 5. grad. 8. min. latitudinis Auſtrinæ circa nempe limitem : die 10. Aprilis horâ 8. à merid. num. à conjunct. verò 16. diei 4. curr.
- D. Obſervatâ in 26. grad. Geminorum, in 5. grad. 4. min. lat. Auſt : die 11. Ap. h. 9. à mer. num. à conj. verò 17. d. 5. cur.
- E. Obſervatâ in 10. gr. Cancrî, in 4. gr. 43. min. latit. Auſt. non procul à li. m Auſt. in diſtantiâ intermediâ; die 12. Apr. ho. 9. à mer. num. à conj. verò 17. diei 6. curr.

F. Pri-

- F. Prima quadratura, aliàs Vernalis à me dicta, observata in 23. grad. Cancrì, in 4. grad. 7. min. latitud. Aust. circa puncta intermedia & limitem; die 13. Apr. hor. 9. à mer. num. à conj. verò 7. diei 7. curr. hor. nimirum 2. ante ver. quad.
- G. Observata in 6. gr. Leon. & 3. gr. 19. min. lat. Aust. Die 14. Apr. horâ 9. à merid. num. à conj. verò 17. diei 9. curr.
- H. Observata in 18 gr. Leonis, & 2 gr. 27 min. lat. Austr. Die 15 April. h. 9 à mer. num. à conj. verò 17, diei 9 curr.
- I. Observata in 30. grad. Leonis, in 1. gr. 26. min. lat. Aust. non procul à Nodo Boreo : die 16. Aprilis horâ 9. à mer. num. à conjunct. verò 17. diei 10. currentis.
- K. Observata in 12. grad. Virg. in 0. grad. 23. min. lat. Aust. circa N. B : d. 17. Ap. h. 9. à mer. à conj. verò 17. d. 11. curr.
- L. Observata in 24. grad. Virg. & 0. grad. 41. min. lat. Aust: die 18. Apr. hor. 9. à mer. num. à conj. verò 18. diei 12. curr.
- M. Observata in 6. grad. Libræ, in 1. grad. 44. min. latit. Bor: die 19. Apr. horâ 9. à mer. num. à conj. verò 17. diei 13. curr.
- N. Observata in 18. gr. Libræ, & 2. gr. 41. min. lat. Bor. circa Apog; d. 20. Ap. h. 10. à mer. num. à conj. verò 18. d. 14. cur: Plenilunium observatum in 30. gradu Libræ, in 3: gradu 33. min. latit. Sept. non procul ab Apogæo; die 21. Aprilis horâ 11. à merid. num. à conjunct. verò 19. diei 15. curr. 4. ante veram opposit: quæ extitit in 3. grad. Scorpìi in 3. grad: 43. min. latit. Boreal. Die 22. Aprilis horâ 3. min. 41. matutinâ.

1. Circa has sectiones illuminationis, hoc imprimis bene notetur, quòd statim à Novilunio, interstitium dextrum ad Paludem Mæotidem, & peripheriam indies creverit, usque ad diem scilicet Aprilis 12. sectionemq; E. Et Luna tunc in 10. gradu Cancrì, circa limitem Austrinum versabatur. Decrevit autem postmodum spatium illud de die in diem, arctiusq; extitit. At interstitium ad Paludem Maræotidem, sinistram versùs, tanto spatium ad Plenilunium usque crevit; quo tempore, spatium dextrum multò erat compressius, ut & regio hyperborea : quippe Luna circa initium Scorpìi commorabatur.

Plenilunium  
non undiq; e-  
rat rotundũ.


2. Plenilunium, à parte Australiori peripheriæ non planè equabili, sed satis aspero atq; scabroso tractu nobis apparebat: ratio hæc est; quòd Luna tum latitudinem 4 gr. possidebat.

3. Quo-



*Lunatio Crescens.*


1.



*Fig V.*

*Aut. Sculp.*

*Lunatio Crescens.*  
2.



*Fig. W.*

*Aut. d.*



3. Quoniam quadratura hujus primæ Lunationis, non modò in Cancro, sed & circa limitem Austrinum fuit observata; ideoque & sectio admodum occasum versùs tendit, ita ut nunquam, quoad Maculas, videri possit occidentalior. Quapropter & probè hæc sectio attendatur, ut & omnes phasēs, in quibus interstitium librationis ad Paludem Mæotidem, æque latum, atque in hac, conspicitur. Scire enim te cupio, Benevole Lector, te tale equidem amplum spatium, in nullis phasibus Lunæ crescentibus, nedum quadraturis, in 14. vel 15. annorum spatio deprehensurum; in quibus Luna videlicet simul in Cancro, simulque in limite Austrino, extabit: verùm ab anno ineunte 1660. usque ad 1663. denuo spatium illud, Lunâ versante in Cancro, æque omnino amplum spectabitur: rursum ab anno 1664. iterum paulatim successu temporis, decreset, quod & Anno 1647. 48. & 49. eveniet. Hincque certissimum, quòd in his proximis annis, in nullis phasibus, Lunâ existente in Cancro, tale dilatatum interstitium, inter paludem Mæotidem limbumque, conspicietur, quale quidem limbus Lunæ horizontalis in Cancro, in magnis meis Pleniluniorum iconismis, & aliis nonnullis phasibus commonstrat. Quam tamen ob rem, non est certè quòd adeò mireris: siquidem Luna in Cancro constituta, ante annum 1660. nunquam iterum limitem Austrinum occupabit. Quod cum primis hanc ob causam benè notetur, ne imposterus quando hoc spatium paululum arctiùs videbitur, meæ id incuriæ imputes.


*Quadratura  
hæc admodū  
notabilis.*

## CAPUT LXVI.

### LUNATIO LUNAE CRESCENTIS OBSERVATA, GEDANI,

*Anno Christi 1644. Mense Majo.*



Uminarium Conjunctio, in schemate  accidit in 1 grad. 29 min. Tauri, & 3 grad. 38 min. latit. Aust: die 6 Maij, horâ 0 min. 29, post meridiem.

*Lunatio cres-  
cens II.*

G g g

A. Ob-

- A. Observata in 18 grad. Cancrī, 4 grad. 8 min. latitud. Aust. in punctis intermediis; die 10 Maij, horâ 9 à merid. num. à conjunctione verò 9, diei 5 currentis.
- B. Observata in 3 grad. Leonis, & 3 grad. 32 min. latitud. Aust. in mediâ distantia: die 11 Maij, horâ 10 à merid. num. à conjunctione verò 10, diei 6 currentis.
- C. Observata in 15 grad. Leonis, in 2 grad. 30 min. latitud. Austr: die 12 Maij, horâ 9 à meridie num. à conjunctione verò 9, die 7 currentis.
- D. Quadratura observata in 26 gradu Leonis, & 1 grad. 43 min. latitud. Austr. non procul à Nodo Boreo; die 13 Maij, horâ 8 à meridie num. à conjunctione 8, diei 8 curr.
- E. Observata in 9 grad. Virginis, & 0 grad. 33 min. latitudinis Austrinæ circa Nodum nimirum Boreum: die 14 Maij, horâ 9 à merid. num. à conjunct. 9, die 9. currentis.
- F. Observata in 21 grad. Virginis, in 0 grad. 36 min. latitud. Septent. die 15 Maij, horâ 10 à mer. num. & à conjunctione 10, diei 10 curren. Die 16 Cœlum non erat sudum.
- H. Observata in 15 grad. Libræ, & 2 grad. 32 min. latitud. Borealis circa Apogæum: die 17 Maij, horâ 10 à meridie numerata, à conjunctione item 10, die 12 currentis.
- I. Observata in 27 grad. Libræ, & 3 grad. 24 min. latitudinis Bor. circa Apog. die 18 Maij, horâ 11 à meridie & conjunctione numeratâ. Die 13 currentis.
- K. Observata in 8 grad. Scorpii, & 4 grad. 5 min. lat. Aust: die 19 Maij, horâ 11 à merid. & à conj. num. diei 14 curr. Oppositio Luminarium contigit in 1 grad. Sagittarii, & 4 grad. 51 min. latitudinis Borealis: die 21. Maij, horâ 6.36 m. vespertinâ.

1. Animadvertendum hîc, interstitium, Paludem Mæotidem inter limbumque, ad sectionem A omnium esse amplissimum. Similiter pars illa Boream versûs valde videtur spatiosa; ut linea tenuior semicircularis clarè indicat: quippe Luna tum temporis iterum in Cancro, itemque in maximâ ferè latitudine Austrinâ deprehendebatur: deinde autem statim spatium illud magis magisque est coarctatum. Tempore quadra-

turæ



turæ ita decreverat, ut lacus major occidentalis parùm admodum esset conspicuus.

2. Confinium quadraturæ quod attinet, jam ulteriùs ortùm versùs promotum conspicitur; aliasque planè Maculas, quàm in Lunatione præcedente, interfecat: quia namq; circa initium Virginis, ac insuper 5 horis post veram oppositionem, illud observatum est. Quò igitur ulteriùs quadraturarum sectiones in partem Lunæ orientalem se se ingerunt, eò magis Maculæ in quadrante scilicet occidentali comprimuntur; ac rursus in orientali dilatantur. Quando verò sectio quadraturæ omnium cernitur occidentalissima, ut in præcedente diagrammate V, in quadraturâ nempe Vernali, (quæ nullo non tempore hætenus in Cancro est conspecta) tunc Maculæ in quadrante occidentali, quàm unquam possunt maximè, dilatantur; contrà Maculæ orientales, eò plus constringuntur. Contrarium accidit circa quadraturam Autumnalem, in Capricorno existentem, cujus sectio perpetuò omnium est orientalissima, & tum Maculæ in quadrante orientali tantò magis dilatantur, quantò in quadrante occidentali comprimuntur. Hincque evenit, quòd, licet in his delineationibus, modò quadraturæ majores, modò minores appareant, nihilominus tamen semper æque sint reverâ magnæ, ita, ut quartam scilicet Lunæ partem omnino repræsentent: exceptâ particulâ quâdam minimâ, de quâ satis suprâ diximus.

3. Præterea verò & hoc notatu dignissimum; quòd tum sectio hujus quadraturæ, tum & confinium illius, quæ anno 1644 die 15 Martii tota à me delineata, casu tantùm quodam per easdem prorsus transiverit Maculas: hoc tantùm discrimine, quòd interstitium dextrum, ut & superius, die 15 Martii, haud parùm erat amplius, quàm in hac 13 Maij observatâ. Ratio evidens est, quia nempe Luna in primo gradu Cancrî, atque circa limitem Austrinum tunc temporis subsistebat.

4. Sectio E, similem planè refert phasin, quàm quæ 16 Martii à me fuit adumbrata; nec ulla alia inter has duas apparuit differentia, quàm quòd in hac adjectâ, spatium occidentale Mæotidis paulò arctius, ob motum disci librationis, extiterit.

5. F verò propemodum ab omni parte, simul quoad confi-

nium, simul quoad motum librationis, phasi Lunæ gibbosæ crescenti, decimæ quartæ scilicet in ordine, omnino apparet æqualis. Unde colligitur, ejusmodi similes phases, non rarò utique evenire posse.

6. A quadraturâ usque ad Plenilunium, Mæotidis interstitium, ut & Boreale, quotidie decrevit, arctiusque extitit; quemadmodum hic quadraturæ limbus, clarè commonstrat.

## CAPUT XLVII.

### LUNATIO LUNAE CRESCENTIS OBSERVATA, GEDANI,

*Anno Christi 1644. Mense Julio,*

*Lunatio crescens III.*

**L**uninarium conjunctio figuræ X incidit in grad. 12 Cancrî; latitudo Lunæ erat 4 grad. 8 min Austr. Die 4 Julii horâ 5 min. 26 vespertinâ.


- A. Observata in 1 grad. Virginis, & 0 grad. 49 min. latit. merid. non procul à Nodo Boreo; die 7 Julii, horâ 9½ à merid. num. à conjunctione verò 17, diei 4 currentis.
- B. Observata in 13 grad. Virginis, in 0 grad. 17 min. latit. Sept. circa Nodum ascendentem: die 8 Julii, horâ 9½ à merid. num. à conjunctione verò 17, diei 5 currentis.
- C. Observata in 24 grad. Virginis, & 1 grad. 26 min. latit. Borealis, die 9 Julii, horâ 8½ à meridie num. à conjunctione verò 16, diei 6 currentis.
- D. Observata in 7 grad. Libræ, in 2 grad. 26 min. latitud. Septent. circa Apogæum, die 10 Julii, horâ 9½ à merid. num. à conjunctione verò 17, die 7 currentis.
- E. Quadratura Lunæ observata in 19 grad. Libræ, & 3 gr. 17 min. latitud. Septent. circa Apogæum: die 11 Julii, horâ 9 à meridie num. à conjunctione verò 16½, diei 8 curr.
- F. Observata in 1 grad. Scorpîi, & 4 grad. latitud. Septen. non procul ab Apog: die 12 Julii, horâ 9 à meridie num. à conjunctione verò 16½, diei 9 currentis.

G. Ob.



*Lunatio Crescens.*

3.




*fig* X.

*Aut. Sc.*

*Lunatio Decerecens.*

1.



*Fig. Y.*

*Ant. Sc.*



G. Observata in 12 grad. Scorpii, & 5 grad. 2 minut. latit. Sept. die 13 Julii, horâ 9 à meridie num. à conjunctione verò 16½, diei 10 currentis.

H. Observata in 24 grad. Scorpii, & 5 grad. 10 min. latitud. circa limitem nimirum Boreum : die 14 Julii, horâ 9 à meridie num. à conjunctione verò 16½, diei 11 currentis.

I. Observata in 7 grad. Sagittarii & 5 grad. 7 min. latitud. Borealis, die 15 Julii, horâ 9 à mer. num. à conjunct. verò 16½, diei 12 currentis.

K. Observata in 19 grad. Sagittarii & 5 grad. 0 min. latitud. Borealis die 16 Julii, horâ 9 à mer. num. à conjunct. verò 16½, die 13 currentis.

Die 17 & 18 Julii Cœlum erat nubilosum.

Luminarium oppositio contigit in 28 gradu Capricorni, in 3 grad. 20 min. latitudinis Borealis: die 19 Julii, horâ 5 min. 26 vespertinâ; atque observata horâ 10 vespertinâ. Interstitium inter Paludem Mæotidem admodum erat tenue, ut & uterq; Lacus hyperboreus, qui ferè visum eludebat, prout hoc quoque ex oppositionis peripheriâ, Lunationis Xprehenditur.

1. Ex hac periodo denuo apertè ac perspicuè apparet, quâ ratione motus librationis disci augeatur, atque minuatur, & quo id fiat tempore; quòd scilicet in Capricorno interstitium dextrum sit omnium strictissimum, veluti sinistrum amplissimum : at verò in Cancro contrarium omnino conspicitur.

2. Statim à conjunctione ( quia Luna existebat in Cancro ) interstitium in hac Lunatione indies decrevit ad oppositionem usque : unde colligere datur, Lunam propter motum Librationis continuè retrorsum, contra signorum sequelam esse actam; quòd aliàs certè nunquam fieri poterit, nisi conjunctio pariter in Cancro, atque oppositio in Capricorno deprehendatur. Id quod hac tamen cum exceptione assevero, si imposterum quidem Luna terminos Librationis, in his modò dictis signis, perpetuo conservabit, motumque suum eo, qui hactenus in proximè elapsis annis est observatus, modo continuabit, nullas autem alias, præsertim cum Nodorum retrocessione (quòd tamen do esse minimè impossibile) passa fuerit

inæqualitates, de quibus tamen omnibus tractu diuturnioris temporis, per finiles continuatas Lunationum observationes, fieri poterimus certiores.

## CAPUT XLVIII.

### LUNATIO LUNAE DECRESCEN- TIS OBSERVATA,

GEDANI,

Anno Christi 1644. Mense Julio.

*Lunatio de-  
crescens I.*

**L**uminarium oppositio schematis Y extitit, in 28 grad. Capricorni, & 3 grad. 20 min. latitudinis Borealis, die 19 Julii, horâ 5 min. 56 vespertinâ.

A. Observata in 13 grad. Aquarii, & 2 gr. 6 min. latit. Bor. circa puncta intermedia : die 20 Julii, horâ 10 à meridie num. ab oppositione verò 4, diei 2 currentis.

B. Observata in 27 grad. Aquarii & 0 grad. 51 min. latitudinis Borealis, non procul à Nodo Austrino : die 21 Julii, horâ 11 à merid. num. ab opposi. verò 5, diei 3 currentis.

C. Observata in 12 grad. Piscium, in 0 grad. 41 min. latit. circa Nodum nimirum Austrinum : die 23 Julii, horâ 1 à med. nocte, ab oppositione verò 7, diei 4 currentis.

D. Observata in 28 grad. Piscium, & 1 grad. 51 min. latit. Merid : die 24 Julii, horâ 3 à med. nocte num. ab oppositione verò 9, diei 5 currentis.

E. Observata in 12 grad. Arietis, & 2 grad. 58 min. latitud. Aust. prope Perigæum; die 25 Julii, horâ 2 à med. nocte num. ab oppositione verò 8, diei 6 currentis.

F. Observata in 26 grad. Arietis, & 3 grad. 57 min. latitud. Aust. circa Perigæum : die 26 Julii, ho. 2 à med. nocte num. ab oppositione verò 8, diei 7 currentis.

G. Observata in 10 grad. Tauri, & 4 grad. 35 min. latitu. Merid; die 27 Julii, horâ 2 à med. nocte num. ab oppositione verò 8, diei 8 currentis.

H. Observata in 25 grad. Tauri, & 5 grad. 2 min. latitudi-  
nis



nis Austr. die 28 Julii, horâ 3 à med. nocte num: ab oppositione verò 9, diei 9 currentis.

I. Observata in 9 gradu Geminorum, & 5 grad. 9 minut. latit. circa limitem nempe Austrinum; die 29 Julii, horâ 3 à med. nocte num. ab oppositione verò 9, diei 10 currentis.

K. Observata in 23 grad. Geminorum, & 4 grad. 58 minut. latitudinis Austrinæ, in punctis intermediis; die 30 Julii, horâ 4 à med. nocte num. ab opposit. verò 10, diei 11 curr.

Luminarium conjunctio incidit in grad. 12 Leonis, & grad. 2 min. 22 latit. Merid. desc: die 2 Augusti, horâ 4 min. 24 post meridiem.

1. Hoc loco illud velim attendas; Lunam, secundum seriem signorum, ab oppositione ad sectionem usque K se se circumvoluisse: quia in signis ascendentibus permansit. Unde interstitium, sinistram versùs, Paludem Mareotidem inter limbumq;, semper decrevit, arctiusque extitit: sic ut oppositum interstitium Mæotidis indies paulatim crescere oportuerit.

2. Nullam omnino rectam quadraturæ sectionem, in hac Lunatione, dari, est perspicuum: id quod exinde verò oritur, quòd tempore veræ quadraturæ, nullam phasin observare potuerim. Quippe quadratura ipsa de die, & quidem circa meridiem accidebat: ita ut sectionem F tantummodo ante, & sectionem G, post ipsam quadraturam delineare licuerit: quapropter necessariò utraque sectio curvata apparuit. Quod si tibi autem imagineris lineam quandam rectam inter F & G; tunc illico hinc deprehendes, quomodo hæc quadraturæ sectio, Maculas transiverit.

3. Universæ & singulæ illuminationis sectiones, in quibuscunque Lunationum figuris, summâ quidem diligentia sunt delineatæ, per illas ipsas Maculas, in Lunâ apparentes: & tamen diurna illuminationis interstitia, modò latiora, modò compressiora videntur. Ratio est; quòd cum Luna in perpetuo motu libratorio versetur, exinde & Macularum continua existat compressio, vel dilatatio. Etenim, quoniam hanc subitaneam mutationem Macularum, in unicam referre figuram est impossibile (quemadmodum id facilè peritiores intelligunt) utique ne-

cessè

cessè est, ut ejusmodi apparentia, atque exigua differentia, interstitiorum diurnorum, illuminationis interdum appareat. Hoc tamen quod diximus, interstitia tantum diurna peripheriæ viciniora concernit; in reliquis enim quadraturæ, centroq; vicinioribus, nil quicquam infert differentiæ.

4. Mirari certè satis haud possumus, quòd tam mirum in modum hi tres limbi conjunctionis, quadraturæ & oppositionis se se mutant, atque variant. Jam enim suprà, Boream versus, conjunctionis limbus est omnium extimus, jam quadraturæ, jam oppositionis; quod equidem ex motu Librationis disci, centrique Lunæ solummodo proficiscitur. Hincque non tantum singulis mensibus quadraturarum sectiones mutantur; sed & aliarum omnium Phasium: adeò ut perrarò (sicuti ex Lunationum periodis manifestè fit perspicuum) phasis phasi, ab omni parte, omnino sit de facie similis, atque æqualis.

## CAPUT XLIX.

### LUNATIO LUNAE CRESCENTIS OBSERVATA,

G E D A N I,

*Anno Christi 1644. Mense Septembri.*

*Lunatio crescens IV.*

**L**uminarium conjunctio in schemate Z, accidit in 10 grad. Virginis, circa Nodum Boreum; die 1. Septemb. horâ 6. 10 min. matutinâ.

A. Observata in 28 grad. Scorpii, & 5 grad. 12 min latitud. Borealis, die 7. Septemb. horâ 8½ à meridie num. à conjunctione verò 14½, diei 7 currentis.

B. Observata in 10 grad. Sagittarii, & 5 grad. 14 min. latit. Boreal. circa nempe limitem Boreum; die 8 Sept. horâ 8 à meridie num. à conjunctione verò 14, diei 8 currentis.

C. Luna bifida, observata in 23 gr. Sagittarii, & 5 gr. 3 min. lat. Sept. circa puncta intermedia; die 9 Septemb. horâ 9. à meridie num. à conjunctione verò 15, diei 9 currentis.


Die 10 Septem. propter Cœli inclementiam, observandi non data est occasio.

D. Tri-



*Lunatio Creccens.*

4.



*fig. Z.*

*Aut. Sc.*

*Lunatio Decreccens.*

2.



*fig. AA.*

*Aut. Sc.*



D. Trigonus Lunæ observatus in 17 grad. Capricorni, & 4 grad. 1 min. latit. Borealis, circa mediam distantiam; die 11 Septemb. horâ 8 à merid. num. à conjunct. verò 14, diei 11 curr. horâ tertiâ, antequam verus accideret aspectus.

E. Observata in 1 grad. Aquarii, & 3 grad. 7 min. latitud. Borealis; die 12 Septemb. horâ 8 à meridie num. à conjunctione 14, diei 12 currentis.

Luminarium oppositio, incidit in 24 gr. Piscium, & 1 gr. 30 min. latit. Sept. die 16 Sept. horâ 0 min. 15 post merid.

Cùm quidem Luna, in Lunatione Z, tantùm in signis Solstitialibus hybernis permanferit; idcirco & interstitium Mæotidis parùm aut nihil se se variavit, non minùs & hi tres limbi, conjunctionis videlicet, quadraturæ & oppositionis. Spatium autem quadraturæ, omnium fuit arctissimum: siquidem quadra, circa initium Capricorni contigit. Eapropter eadem notatu perquàm est digna: præsertim, quia terminus extremus orientalis progressionum, & retrogressionum quadraturarum (qualis nempe sit) ex hac sectione conspicitur: cujus generis certè quadraturam, vix unicam tantummodo in anno, circa æquinoctium nempe Autumnale deprehendes; hac tamen expressâ conditione, si Cœlum fuerit sudum, atque quadratura circa vesperam acciderit.

Cæterùm hoc confinium C, est ut propriè dicam, terminus oppositus sectionum quadraturarum, si ad quadram, quæ scilicet in Cancro, circa Æquinoctium extitit (qualem in primo Lunationis diagrammate delineavimus) referatur.

## CAPUT L.

### LUNATIO LUNAE DECRESCEN-

TIS OBSERVATA,

GEDANI,

Anno Christi 1644. Mense Septembri.

**L**uminarium Oppositio in diagrammate Lunatio decrescens II.

A A, contigit in 24 grad. Piscium, & 1 grad. 30 lat. Bor.  
d. 16 Sept. horâ 0 min. 51 post mer. H h h A. Ob-

- A. Observata in 14 Arietis, 3 grad. 13 min. latit. Aust. circa Perigæum. Die 17 Septembris, horâ 11 à meridie num. ab oppositione verò 10, diei 2 currentis.
- B. Observata in 19 grad. Arietis, 4 grad. 17 min. lat. Aust. circa Perigæum; die 18 Septemb. horâ 11 à meridie num. ab oppositione verò 10, diei 3 currentis.
- C. Observata in 15 gr. Tauri, & 4 gr. 52 lat. Mer. d. 20 Sep. horâ 1 à med. noct. num. ab opposit. verò 12, diei 4 curren.
- D. Observata in 30 grad. Tauri, & 5 gr. 11 min. lat. circa limitem nimirum Austrinum, die 21 Septembris, horâ 1 à mediâ nocte num. ab oppositione verò 12, diei 5 currentis.
- E. Observata in 15 gradu Geminorum, & 5 gr. 11 min. latit. Austr. descen. die 22 Septemb. horâ 2 à mediâ nocte num. ab oppositione verò 13, diei 6 currentis.
- F. Quadratura ultima Autumnalis, observata in 29 gr. Geminorum, & 4 gr. 48 min. lat. mer. die 23 Sept. horâ 3 à mediâ nocte, ab oppositione 14, diei 7 currentis.
- G. Observata in 13. gr. Cancrî, & 4 gr. 13 min. lat. Merid. in mediâ distantîâ; die 24 Sept. horâ 3 à mediâ nocte, ab oppositione 14, diei 8 currentis.
- H. Observata in 27 gradu Cancrî, & 3 grad. 20 min. latitudinis Merid. die 25 Septemb. horâ 5 à mediâ nocte, ab oppositione verò 16, diei 9 currentis.

Luminarium conjunctio extitit in 8 grad. Libræ, & 2 gr. 45 min. lat. Bor. die 30 Sept. horâ 10 min. 29 vespertinâ.

Annotetur verò hîc. 1. Quòd duo solummodo limbi, hanc Lunationem circumvestiant; limbus videlicet conjunctionis & oppositionis, iiq; unum omnino eundemq; casu constituent circulum. Etenim quia in 24 gr. Piscium & 8 gr. Libræ, adhæc in simili ferè latit. Bor. (differentia namque unius gradus latitudinis, nihil propemodum infert) motus librationis centriq; idem prorsus est. Ab oppositione usque ad quadraturam, interstitium Maræotidis ad sinistram semper crevit, ampliusque extitit; post quadraturam verò, rursus paulatim decrevit.

2. Hæc sectio quadraturæ ultimæ, nihil planè differt à quadraturâ primæ Lunationis; cum hæc, æque ac illa, circa initium

Can-



Cancrī, limitēque Austrinum fuerit observata: Ex quā sanē plus plusque ultimus terminus occidentalis progressionum quadraturarum corroboratur. Quale equidem confinium nunquam non conspicies, quando Luna similem longitudinem latitudinēque habebit. De cætero, quia & hæc quadratura, illi, primę scilicet Lunationis, planē ab omni parte respondet; hinc quoque patet, sectiones in quadrante occidentali, ferē omnino esse ratione Macularum æquales. Interea tamen illæ duæ sectiones peripheriæ viciniores, non prorsus quidem similes esse videntur: idque ex eo oritur, quod conjunctio primæ Lunationis Lunæ crescentis, atque hæc oppositio Lunationis decrescētis, non planē eodem tempore, horāque contigerint.

3. Circa primam sectionem A, hoc animadvertatur, quod omnino fuerit possibile, illam ipsam sectionem in 24 horarum spatio ad Paludem Mæotidem usque, pervenisse: Luna namque circa Arietem commorabatur, ubi interstitium illud, non admodum erat amplum; adhæc verò circa Perigæum existerat, sic ut esset planē velox: & hinc planē sectio illa in tam brevi temporis spatio, eo usque appropinquare potuit. Ex quo sequitur, sectiones ad partem peripheriæ occidentalioris, nonnunquam uno die ulteriùs, quàm alio tempore duobus, promoveri: ulteriùs quidem uno die, quando oppositio seu conjunctio in Capricorno, atque in Perigæo accidit: quum verò oppositio seu conjunctio in Cancro existit circa Apogæum, tunc sectiones vix bidui ad Paludem Mæotidem pervenire possunt: quamquam motus librationis (Luna versante in Capricorno) qui eo tempore secundum seriem signorum progreditur, sectiones aliquantulum retardat: rursus paululum iterum sectiones promoventur, Lunā degente in Cancro; quia motus modò dictus librationis, contra signorum ordinem fertur: cum tamen res hæc vix sit perceptibilis; itidemque circa peripheriam existat; idcirco parum quidem id facere potest, vel ad accelerandas, vel retardandas sectiones.

## CAPUT LI.

LUNATIO LUNAE CRESCEN-  
TIS OBSERVATA,

GEDANI,

*Anno Christi 1645. Mense Februario & Martio.*

## Conjunctio Luminarium in schemate B B

*Lunatio cre-  
scens V.*

incidit in 20 grad. Piscium, & 0 grad. 49 min. lat: Aust. die 26 Februarij, horâ 9 min. 50 matutinâ.

A. Observata in 12 grad. Arietis, & 3 grad. 38 min. latitud. Austrinæ circa Apogæum; die 28 Februarij, horâ 7 à meridie num. à conjunctione 10, diei 3 currentis.

B. Observata in 27 grad. Arietis, 4 grad. 26 min. latitudinis Austrinæ, prope Apogæum: die 1 Martij, horâ 7 à meridie, à conjunctione 10, diei 4 currentis.

C. Observata in 12 grad. Tauri, in 5 grad. 0 min. latitudinis Austrinæ, circa Apogæum: die 2 Martii, horâ 7 à meridie, à conjunctione 10, diei 5 currentis.

D. Observata in 26 grad. Tauri, in 5 grad. 14 min. lat. circa limitem scilicet Austrinum; die 3 Martij, horâ 7 à meridie, à conjunctione 10, diei 6 currentis.

E. Observata in 10 grad. Geminorum, & 5 grad. 6 minut. latitud. Austrinæ desc. die 4 Martii, horâ 8 à meridie, à conjunctione 11, die 7 currentis.

Propter aërem continuè turbidum, phases sequentes, minimè observare potuimus.


F. Observata in 22 grad. Cancrî, & 3 grad. 5 min. latitudinis Austr. circa puncta intermedia: die 7 Martii, horâ 9 vespertinâ, à conjunctione 12, diei 10 currentis.

G. Observata in 19 grad. Leonis, & 0 grad. 55 min. latit. Austr. non procul à Nodo Austrino: die 9 Martii, horâ 9 à meridie, à conjunctione 12, diei 12 currentis.

Oppositio Luminarium extitit in 10 gr. Virginis, & 1 gr. 0 min. lat. Boreal. die 12 Mar. h. 11 46 mi. à mer. num.



*Lunatio Crescens.*  
5.



*fig. B.B.*

*Aut. Sc.*

Lunatio Crecceno.  
6.




fig. CC.

Aut. Sc.



En notanda: 1. Uterque limbus conjunctionis & oppositionis, denuo propemodum unum eundemque constituit circum. Motus namque librationis, qui ex motu Lunæ longitudinis proficiscitur, ferè est idem: latitudo quidem paululum variat; hincque limbi etiam hi conjunctionis, & oppositionis inter se aliquid differunt.

2. A conjunctione usque ad sectionem E, interstitium indies crevit, ampliusque factum; Luna quippe in signis ascendentibus tunc commorabatur: post quadraturam verò, in tali proportionem decrevit, arctiusque extitit, ut perpetuò fieri assolet in signis descendentibus.

## CAPUT LII.

### LUNATIO LUNAE CRESCENTIS OBSERVATA, GEDANI,

*Anno Christi 1645. Mense Martio & Aprili.*

#### LUMINARIUM conjunctio in diagrammate

*Lunatio crescens VI.*

C C accidit in 8 gr. Arietis, & 3 grad. 17 min. lat. Austr. non procul ab Apogæo; die 27 Martii horâ 8 min. 42 vesp.

A. Observata in 7 grad. Geminorum, in 5 grad. 10 min. lat. Austr. circa Limitem & Apogæum: die 31 Martii, horâ 8 à meridie, à conjunctione 23, diei 4 currentis.

B. Observata in 6 gradu Cancri, in 4 grad. 3 min. Austr. latitudinis desc. Die 2 Aprilis, horâ 8 à meridie, à conjunctione 23, diei 6 currentis.

C. Observata in 20 gradu Cancri, in 3 grad. 9 min. latitud. Austr. die 3 Aprilis, horâ 9 à meridie, 9 post veram quadraturam, à conjunctione verò die completo septimo.

D. Observata in 2 gr. Leonis, in 2 gr. 13 min. latit. Austr. die 4 Aprilis, horâ 6½ à mer. à conj. 22, diei 8 currentis.

E. Observata in 16 gr. Leonis, in 1 grad. 2 min. Austr. latit. in mediâ remotione. Die 5 Aprilis horâ 8½ à meridie, die completo nimirum nono.



F. Observata in 12 grad. Virginis, & 0 grad. 8 min. Boreal. latit. circa Nodum Boreum. Die 7 Martij, horâ 10 à meridie, à conjunctione verò 1, diei 11 currentis

Oppositio Luminarium contigit in 16 gr. Libræ, in 3 gr. 48 min. latitud. Borealis. Die 10 Apr. horâ 6 vespertinâ,

Animadvertenda 1. Tres illi limbi Lunationem C C terminantes, tum quoad situm, tum quoad librationis motum, illis tribus peripheriis primæ Lunationis, propemodum sunt æquales : in quâ extimus circulus ad quadraturam, intermedius ad conjunctionem, atque tertius ad oppositionem spectat. A conjunctione ad quadram usque, tam hujus Lunationis, quàm illius primæ, interstitium Mæotidis de die in diem crevit, postea verò iterum ad Plenilunium usque decrevit : ratio est, quòd utriusque Lunationis conjunctio, quadratura & oppositio, & in iisdem propemodum signis, & ferè eodem anni tempore, observatæ fuerint.

2. Inter has sectiones, nulla iterum recta linea, sive perfecta quadra occurrit : hinc evenit, sectionem C, 8 horis post veram quadraturam delineatam esse.

3. Quòd interstitium diurnum illuminationis, inter D & E latius appareat, quàm illud inter C & D, causa hæc est ; quòd à C usque ad D, tantum in tempore 21 ; à D verò usq; ad E, horæ 26 elapsæ sint. Ideoque nisi sectiones, singulis diebus eadem præcisè horâ observentur, impossibile erit, ut omni tempore interstitia diurna, omnibus etiam aliis obstaculis remotis, proportionaliter crescere, vel decrescere possint.

## CAPUT LIII.

### LUNATIO LUNAE CRESCENTIS OBSERVATA, GEDANI,

*Anno Christi 1645. Mense Aprili & Majo.*



**L**uminarium Conjunctio, in figurâ D D extitit in 6 gr. Tauri, in 4 gr. 42 min. lat. Aust. circa litem & Perig. die 26 April. hor. 2 min. 20 matut. A. Ob-



- A. Observata in 1 grad. Geminorum, & 5 grad. latitudinis Austrinæ circiter, non procul à Perigæo. Die 27 Aprilis, horâ 8 à meridie, à conjunctione 18, diei 2 currentis.
- B. Observata in 1 grad. Cancri, & 4 grad. 1 min. lat. Aust. Die 29 Ap. horâ 9 à mer. num. à conj. verò 19, diei 4 cur.
- C. Observata in 16 gr. Cancri, & 3 gr. 8 min. lat. Austr. Die 30 Ap. horâ 9½, à mer. num. à conj. verò 20, d. 5 curr.
- D. Observata in 29 gr. Cancri, & 2 grad. 13 latit. Aust. die 1 Maij, horâ 8 à mer. num. à conj. verò 18, diei 6 currentis.
- E. Quadratura observata in 13 gr. Leonis, & 1 grad. 4 min. latit. Aust. die 2 Maij, horâ 9 à meridie num. à conj. verò 19, diei 7 currentis, tempore videlicet veræ quadraturæ.
- F. Observata in 26 grad. Leonis, & 0 grad. 3 min. lat. Borealis, circa Nodum ascend. & puncta intermedia. Die 3 Maij, horâ 9½ à meridie, à conjunct. 20, diei 8 currentis.
- G. Observata in 8 grad. Virginis, in 1 grad. 9 min. lat. Borealis die 4 Maij, horâ 8½ à meridie numerata, à conjunctione verò 19, diei 9 currentis.
- H. Observata in 21 gr. Virginis, & 2 gr. 10 min. lat. Bor. die 5 Maij, horâ 9 à mer. num. à conjunct. verò 19, diei 10 curr.
- I. Observata in 3 gr. Libræ, & 3 gr. 4 min. lat. Boreal. die 6 Maij, horâ 9 à mer. num. à conj. verò 19, diei 11 currentis.
- K. Observata in 28 grad. Libræ, & 4 grad. 23 min. latitud. Borealis, circa Apogæum. Die 8 Maij, horâ 9 à meridie num. à conjunctione verò 19, diei 13 currentis.

Luminarium oppositio incidit in 20 grad. Scorpii, & 5 grad. latitudinis Borealis circa limitem & Apogæum. Die 10 Maij, horâ 8 vespertinâ.

Observabis 1. Circa phasin B & C, interstitium inter Paludem Mæotidem atque Peripheriam omnium fuisse amplissimum; paulò post decrevisse indies, usque ad oppositionem.

2. Sectio quadraturæ similem ferè refert speciem, atq; quadræ sectio Lunationis primæ, nisi quòd illa paululùm adhuc videatur orientior. Præterea, si utramque sectionem accuratè consideraveris, probè animadverteres, hanc sectionem, in parte scilicet superiori, aliquanto ulteriùs ad occasum atque in inferiori



ri, magis ad ortum inclinare. Id inde evenit, quòd hæc præfens, propè Nodum Boreum, illa verò circà limitem Austrinum fuerit observata. Hincque clarè deprehenditur, beneficio harum Lunationum, & inclinationes cuspidum, præsertim quadraturarum, optimè explorari posse: si nimirum diligenter tantum accurateq; singulis Mensibus, nunquam cessante operâ, sectiones delineentur.

## CAPUT LIV.

### LUNATIO LUNAE CRESCENTIS OBSERVATA, GEDANI,

*Anno Christi 1645. Mense Decembri.*

*Lunatio crescens VIII.*

### Luminarium conjunctio in diagrammate

E E contigit in 27 grad. Sagittarii, & 3 grad. 31 latitudinis Borealis. Die 18 Decembris horâ 5 min. 32 matutinâ.

A. Observata in 9 grad. Aquarii, in 0 grad. 10 min. latitud. Borealis, circa Nodum Austrinum: die 21 Decemb. horâ 5 à meridie, à conjunctione 12, diei 4 currentis.

B. Observata in 4 grad. Piscium & 2 grad. 2 min. latitudinis Austrinæ: Die 23 Decembris, horâ 5 à meridie num. à conjunctione verò 13, diei 6 currentis.

C. Observata in 17 grad. Piscium, 2 grad. 59 min. latitudinis Austrinæ in punctis intermediis: die 24 Decembris horâ 5 à meridie, à conjunctione 12, diei 7 currentis.

D. Quadratura observata in 1 gr. Arietis, in 3 grad. 52 min. latitudinis Austrinæ, die 25 Decembris, horâ 7 vespertinâ à meridie, à conjunctione verò 14, diei 8 currentis, 1 post veram quadraturam.


E. Observata in 13 grad. Arietis, in 4 grad. 35 min. latitudinis Austrinæ. Die 26 Decembris horâ 6 à meridie num. à conjunctione verò 13, diei 9 currentis.

F. Observata in 28 grad. Arietis, 5 grad. 2 min. Austr. latitudinis, die 27 Decembris, horâ 8 à meridie num. à conjunct. 15, diei 10 currentis.

G. Ob-




*Lunatis Cræcens.*  
8.



*fig. EE.*

*Lunatio Creccens.*

7.



*fig. DD.*

*Aut. Sc.*



G. Observata in 13 grad. Tauri, circa Limitem Austrinum; die 28 Decembris horâ 10 à meridie num. à conjunctione verò 17, diei 11 currentis.

H. Observata in 26 grad. Tauri, in 4 grad. 58 min. Austr. latitud. die 29 Decembris, horâ 7 à meridie num. à conjunctione verò 14, diei 12 currentis.

I. Observata in 10 grad. Geminorum, in 4 grad. 26 min. latitudinis Austr. circa Perigæum : die 30 Decembris horâ 7 à meridie num. à conjunctione verò 14, diei 13 currentis.

K. Observata in 27 grad. Geminorum, in 3 grad. 31 min. latit. Austr. die 31 Decemb. horâ 9 à meridie num. à conjunctione 16, diei 14 curr. 23 ante veram quadraturam.

Plenilunium observatum in 11 grad. Cancrî, 2 grad. 27 min. latitudinis Austr. die 1 Januarii Anno 1646, horâ 8 vespertinâ, tempore nimirum veræ oppositionis.

Attende 1. Hanc Lunationis periodum, inprimis eam ob causam maximè esse notabilem, quòd ejus conjunctio circa ipsum principium Capricorni, haud exiguam habeat latitudinem Borealem; quadratura in primo gradu Arietis; atque oppositio circa initium Cancrî, in latitudine Austrinâ, fuerit deprehensa : quare & hi tres limbi, in æquali ferè distantia ab invicem remoti conspiciuntur. Duo extremi, quàm unquam possunt maximè distant. Limbus conjunctionis, indicat terminum minimæ librationis, in latere dextro; & in sinistro, terminum maximæ librationis; simulque faciem nobis offert Plenilunii Æstivi. Limbus oppositionis, propemodum terminum maximæ librationis commonstrat, in latere dextro, atque in sinistro, minimæ librationis; pariter & faciem Plenilunii Brumalis hætenus conspicui nobis exhibet.

2. Motus librationis disci, à conjunctione usq; ad oppositionem (quia Luna in signis descendentibus commoratur) omni tempore secundum ordinem signorum, est progressus : exinde & interstitium Mæotidis, indies magis magisque fuit dilatatum.

3. Peripheria Plenilunii, tempore veræ oppositionis, de parte superiori, Boream versus, non æquabili quodam tractu, sed quodammodo flexuoso apparebat; atque primâ statim vel se-

*Notatu digna.*



cundâ post ipsum Plenilunium horâ, non occasum, ad Paludem Mæotidem, verùm Corum versùs, circa Paludem Amadocam, decrescere incipiebat. Id autem potissimùm eam ob rem evenit, quòd nimirum tunc habuerit latitudinem Australem  $2\frac{1}{2}$  graduum; ex quâ necessariò talis oritur apparentia, ut capite 26 de Pleniluniis satis superque ostendimus.

Ex his igitur Lunationum observationibus, ut & omnium reliquarum phasium iconismis, abundè satis, inter alia probatum, atque demonstratum arbitror, non solum motum quendam librationis disci in Lunâ reperiri; sed & hunc, ex nullo alio fundamento oriri, quàm ex ipso motu longitudinis, latitudinis, atque Lunæ Nodorum: quare & singulis Mensibus, quemadmodum totum tanto intervallo percurrit Zodiacum, ita & motum illum librationis ex parte absolvit. Nam accedit, & hoc, quòd dum Luna circa initium Cancrì præsertim propè limitem Austrinum existit, spatium inter Paludem Mæotidem limbumque occidentalem, omnium semper sit amplissimum; & modò dicta Palus, ab ipso limbo remotissima; atque Macula ex adverso, (Palus aliàs Maræotis à me nominata) limbo tunc sit maximè vicina. Contrarium autem accidere observavi Luna in Capricorno, atque limite Boreali versante: Palus quippe Mæotidis tum limbo Lunæ est vicinissima, Lacus verò Maræotidis remotissimus: in reliquis autem signis respectu hujus diversi positus, hæ Maculæ, modò longiùs modò propiùs à limbo Lunæ abesse conspiciuntur. Quæ quidem, ut judico, de hac materiâ sufficerent: veruntamen, ut quilibet Siderum scrutator harum rerum eò reddatur certior, proposui hunc librationis motum, aliorum quoque Præclarissimorum Virorum observationibus corroborare, præsertim illorum, quæ à summæ eruditionis Viro, Ismaele Bullialdo, magnoque illo fide Gallicano Petro Gassendo nobis sunt proditæ. Harum autem Bullialdus mentionem facit, in Astronomiâ Philolaicâ cap. 13. pag. 179. 180. 181. lib. III: quibus periodum librationis, quartamque inæqualitatem investigare omnibus viribus tentavit. Esset quidem animus, omnes & singulas quinquaginta observationes oculis subjicere, argumentorumque loco illis



uti : sed, ne te Benevole Lector nimis diu morer, idcirco præcipuas tantum huc referam, quæ omnium apertius indicant, quando Palus Mæotis (Bullialdo, seu Gassendo Mare Caspium appellata) maximè à limbo Lunæ occidentaliori distiterit, & quando iterum ei fuerit vicinissima : vel quando Lacus Maræotis (ipsis Macula orientalis dictus) fuerit quàm maximè à limbo orientali remotus, vel ei propinquus : quanquam & omnes reliquæ observationes, si longitudes latitudesque Lunæ diligenter considerentur, mihi quàm optimè astipulantur; ut quilibet observationes illas examinaturus, re ipsa experietur.

1. *Prima Observatio habita fuit à Petro Gassendo, Anno 1636. die 23. Septemb. quo tempore Macula orientalis (id est, Lacus Maræotis) visa fuit prope limbum ortivum. Quod ita necessario fieri oportuit. Luna namq; tunc in 25 grad. Cancri subsistebat, ubi interstitium Maræotidis semper arctissimum à nobis fuit visum.* Observationibus P. Gassendi, revolutione & Termini librationis Lunæ stabiluntur.

2. *Die 8. Octobris sic adnotat. Interstitium lucis inter Maculam caspiam (id est Paludem Mæotidem) & limbum occiduum Lunæ ita fuit attenuatum, ut strictius nunquam viderim. Hoc pariter hinc evenit, quòd Luna in Capricorno extiterit, quo tempore, interstitium Paludis Mæotidis solet esse tenuissimum.* Observatio 2.

3. *Die 20. Mane, Maculam orientalem vicinam valde limbo observatam esse scribit: nec mirum, cum Luna fuerit in 20 gradu circiter Cancri.* Observatio 3.

4. *In duabus sequentibus observationibus, ait, à 9 Novembris, usque ad 11. interstitium inter limbum & Caspiam visum sensibilibiter increvisse. Quod equidem mihi favit maximè: Luna enim tum versabatur in signis Ascendentibus; die 9 Novemb. erat in Ariete, & undecimo in Tauro, ita ut necessario interstitium creverit.* Observatio 4.

5. *Die 19. Mane Macula orientalis limbo vicinissima. Die 20. eadem vicinissima. Die 21. tantillum remotior. Quia die 19 circa ultimum gradum Leonis extitit: die verò 21, jam in 25 gradu Virginis.* Observatio 5.

6. *Die 5. Decemb. Caspia ora proxima. Die 10. Caspia sensibilibiter remotior. Nam in primo loco observata fuit in Piscibus, in secundo autem in 25 gradu circiter Tauri, in quibus signis usque ad Cancrum, interstitium Caspiæ vel Pal. Mæotidis, uti notum, semper crescit. Reliquæ P. Gassendi observationes, optimè etiam* Observatio 6.



consentiunt, si illas diligenter ad motum longitudinis, latitudinisque Lunæ examinaveris; exceptis duabus vel tribus, quæ paululùm vacillare mihi videntur; præsertim quæ habita fuit, Anno 1638. die 20. Decembris; fortassis enim, pro Maculâ orientali, Caspia fuit annotata.

Jam verò me ad observationes Bullialdi conferam; inter quas certè nulla reperitur, quæ vel in minimis mihi contrariatur; sed omnes ad amussim cum meis observationibus, motuq; meo libratorio conveniunt: uti quibuscunq; earum examineribus clarissimè patebit.

Observationes  
Bullialdi.  
Observatio 7

7. Eodem enim annotante *An. 1643. die 2. Junii, Maculæ Caspiæ limbus, aberat à limbo Lunæ occiduo, minori quintâ parte latitudinis ipsius Maculæ intervallo. Opposita ☿ ad ortum sita Macula, distabat à limbo orientali, totâ suâ longitudine, ☿ etiam tantillo majori interstitio. Solis ☿ Lunæ oppositio fuerat eo die duabus horis ante meridiem.* Quibus verbis exprimit, Maculam caspiam (Paludem Mæotidem) limbo occiduo fuisse vicinissimam & Maculam orientalem (Lacum Maræotidem) à limbo orientali remotissimam. Quæ quidem observatio perquàm bene mecum consentit: Luna enim tum temporis in 17. grad. circiter Sagittarii, non procul à Capricorno situm habuit, & quidem circa limitem Borealem: in quâ constitutione, eadem semper talem nobis exhibet faciem; sicuti ex meis iconismis, præsertim ex limbo horizontali Capricorni, in quibusdam Pleniluniis descripto, patet.

Observatio 8

8. *Die Junii 3. horâ undecimâ, usq; ad Maculæ Caspiæ limbum occiduum decreverat Luna. Macula orientalis in eodem situ, ac pridie apparuit. Gemma inferior, quæ ☿ turris rotundæ, albæ atq; lucidæ speciem exhibet (Mons scilicet Sinai) unde Montium longa series utrinq; producitur, in superficie corporis Lunaris, valde alta erat in disco Lunæ.* Profectò, sic esse debuit; quia Luna in Capricorno, & limite Boreali fuit observata: in quo situ, hæ omnes apparentiæ, se se nobis semper offerunt.

Observatio 9

9. *Septembris die 18. horâ 7. 30. min. Limbus Maculæ Caspiæ stringebat ferè limbum occiduum Lunæ, nec antea magis propiores videram; non erat intervallum majus sextâ parte latitudinis Maculæ, admodum penes latitudinem contractæ, imò vix adæquabat sextam latitudinis illius partem.* Quòd in hac observatione aspectus Lunæ planè similis fuerit duobus antecedentibus, facile colligitur ex eo, quòd Luna pariter circa Sagittarium, limitemq; Boreum fuerit constituta.

10. Die



10. Die 1. Octobris, *Macula orientalis propior facta erat, & coarctata magis* *Observat. 10.*  
(quàm die 27. & 30. Septemb.) *neq̃ antea tam proximam limbo vi-*  
*deram.* Ratio est, quòd priùs fuerit in Ariete & Tauro, post-  
modum autem ad Geminos, limitemque Austrinum pervene-  
rit: hinc quotidie *Macula orientalis* vicinior margini, ar-  
ctiorque visa.

11. Oct. d. 24. *limbus Caspiæ recesserat à limbo Lunæ occiduo, septem unciis la-* *Observat. 11.*  
*titudinis: Macula oblonga* (id est, lacus occidentalis minor) *apparuit*  
*inter limbos caspiæ & Lunæ.* Nam: cùm Luna fuerit in Ariete pro-  
pe Nodum Austrinum, interstitium illud nec majus nec mi-  
nus apparere, neque in illo, non nisi unica duarum Macularum  
oblonga conspici potuit; phasibus quamplurimis id compro-  
bantibus.

12. Die 26. Octobris hor. 7. vesp̃eri; *Caspiæ limbus distitit à limbo occiduo,* *Observat. 12.*  
*dodrante latitudinis Maculæ, & ipsa latissima apparuit: visæ sunt insuper duæ*  
*Maculæ oblongæ, inter Caspiæ & Lunæ margines.* *Macula orientalis distabat à*  
*limbo orientali Lunæ (cujus rotunditas nondum perfectè completa erat, etsi,*  
*quod deerat, ferè insensibile foret) paulò plus latitudine suâ, vel saltem inter-*  
*vallo æquali.* Tempore hujus observationis, Luna scilicet ad ini-  
tium Tauri circiter pervenerat: quapropter non solum inter-  
vallum illud magis extensum apparuit, sed & ambæ jam Ma-  
culæ oblongæ inter caspiam (Paludem Mæotidem) limbumq̃;  
Lunæ fuerunt animadversæ.

13. Novembris die 16. vesp̃eri, *Caspiæ ora occidua, distitit ab occiduo Lunæ* *Observat. 13.*  
*marginè, quadrante latitudinis Maculæ.* Ita ut hanc Maculam limbo  
Lunæ vicinissimam fuisse, facilè colligatur. Luna enim circa  
ultimum gradum Capricorni, limitemque Boreum versaba-  
tur. In sequentibus autem observationibus, quæ die 16. 18.  
20. 21. 22. & 30. Novemb. habitæ fuerunt, *Macula caspia à*  
*limbo Lunæ occiduo, quotidie fuit facta remotior: quippe Lu-*  
*na in signis ascendentibus tunc ferebatur.*

14. Decembris 23. hor. 8. *fuit remotissima Caspia à limbo.* *Nec mirum; Observat. 14.*  
cùm observata fuerit in 15. grad. Geminorum, & præterea  
circa limitem Austrinum.

15. Anno 1644. Januarii 18. *fuit caspia remotissima.* *Volvebatur Observat. 15.*  
enim Luna, circa initium Geminorum, limitemq̃; Austrinum.

16. Februarii 12. *visa est Caspia remotissima.* Luna namque illo tem-



pore circa Taurum erat constituta, non procul à limite Austrino : idcirco interstitium inter Caspiæ ac Lunæ limbos satis fuit amplum; sed nihilominus, aliquantulum arctius fuisse, quàm in antecedente, vel subsequente observatione, penitus mihi persvadeo.

*Observat. 173* 17. Martii 13. *vidi caspiam, ait à limbo remotissimam.* Luna enim erat in 5. circiter gradu Geminorum, limiteque Austrino : quo tempore, tanquam circa puncta Solstitialia Æstiva, Macula prædicta, semper maximè à peripheriâ Lunæ occiduâ, remota conspicitur.

Ex his autem, ut & reliquis omnibus observationibus Ismaelis Bullialdi, ac P. Gassendi, plus quàm satis apparet, maximam, Maculæ Caspiæ, vel Paludis Mæotidis à limbo remotionem, & minimam, Maculæ orientalis vel lacus Maræotidis, circà initium Cancri, limitemque Austrinum se se nobis conspiciendam obtulisse. E contrario verò in principio Capricorni & latitudine maximâ Septentrionali, Paludem Mæotidem, semper fuisse limbo Lunæ vicinissimam, lacumque Maræotidem remotissimum: prout ex omnibus nostris phasium observationibus, ex ipso Cœlo petitis, liquidò demonstravimus. Utrùm verò, modo illo jam dicto, constanter perpetuoque maxima & minima libratio in Cancro, & Capricorno perseveret; an tractu diuturnioris temporis Luna adhuc inæqualitates quasdam patiatur, vel utrùm secus se res habeat? certò sanè in præsens affirmare nequeo, hoc autem maximè possum, quòd hucusque, observationum mearum tempore, nihil aliter deprehenderim, quàm quòd continuè in illis signis, Cancro scilicet & Capricorno, limites librationis fuerint animadverti. Quamobrem totus sum in eâ opinione, limbos quidem maximæ & minimæ librationis, in Lunâ, respectu Macularum, nunquam variaturos; motum tamen maximæ & minimæ librationis, sive limites non perpetuò in iisdem signis permanseuros; sed cum tempore, secundum Nodorum retrocessionem, ex Cancro & Capricorno pedetentim exituros. Quod autem cum in tam brevi temporis spatio, paucorum videlicet annorum (veluti intelligentes rerum cœlestium existimatores faciliè concedent) minimè à nobis deprehendi potuerit; idcirco summè erit ne-



necessarium, ut omnes & singuli cœlestis fornicis indefessi scrutatores, & maximâ quidem cum diligentia, tum constantiâ adhibita, deinceps etiam attendant, num videlicet ejusmodi librationis motus, per omnia in Lunâ cum progressu temporis, persistat, nec ne; ut & ille continuis multorum annorum observationibus, naturæ legibus consentaneis, & indubitatis astringatur: id quod haud dubiè non infeliciter assequantur, si viam superiùs indicatam, per continuas Lunationum periodos tritam, fideliter sequantur. Igitur eos etiam perquàm humanissimè admonitos, & obtestatos velim, ut in hanc rem, quàm possunt maximè incumbant, & nihil intentatum relinquunt, quod plenè investigando huic Lunæ librationis motui deservire non nequeat. Me quod attinet, non patiar ita somnum mihi esse charum, ut tantæ rei indagatio non sit charior. Unde etiam, quæ impofterum sum animadversurus, me cum Mathematicis cultoribus libenter esse communicaturum, quasi stipulatò & sanctè polliceor.

## CAPUT LV.

EX PHASIUM NUDO ASPECTU, LOCUM  
Lunæ circiter verum, distantiam luminarium,  
Lunæque ætatem explorare: nec non adminiculo figuræ phasium  
primariæ, genuinam quantitatem, atq; proportionem diametrorum stellarum, novâ quâdam ratione  
investigare.

**N**emo certè inficias ire potest, artes Mathematicas, præsertim autem Astronomiam, Geographiam, remque nauticam, generi humano per esse scitu necessariam; propterea quod nullus unquam in toto orbe terrarum, cujuscunque etiam sit conditionis, reperiatur, qui non ex hac illâve Matheseos parte, insignem sperare possit utilitatem. Consequitur verò proinde evidenter, omnes illas scientias & artes, quæ modò dictam Mathesin juvant, ornant, provehuntque, non solum esse utilissimas, sed mereri, ut magni illas faciamus. Cum itaque Selenographia, tum Astronomiæ & Geographiæ, tum Rei nauticæ, auxiliatrices porrigat manus, uti ex sequen-  
tibus



*Selenographia Mathematicarum scientiarum non est possum.*

tibus egregiè fiet manifestum; non, opinor, certè hallucinabor, si illam Mathematicarum artium gemmulam nuncupavero. Neque aliud mihi persuadere possum, quàm quod Selenographia, cum maximè Astrophilis, præ gemmâ aliquâ charior sit futura, dum iis penè innumeras, easdemque admodum varias Lunæ phases, cum admirandis illarum vicissitudinibus, quasi coràm spectandas exhibet: quâ ratione simul ad diversissimas (quibus nihil esse potest jucundius) meditationesque contemplationes, tam Physicas, quàm Mathematicas; hoc est, ad perscrutandas res nimis quàm multas in naturæ theatro abstrusas, quasi manu ducuntur. Denique verò etiam omnium nostrum mens, ex objectâ tam stupendorum operum divinorum, quæ hîc visuntur, specie, plus plusque excitabitur, ut ab eâ opifex creatorque ipse, à quo omnia in humani generis emolumentum, atque oblectationem sunt condita (cujus officii nos præsertim Christianos decet esse memores, quibus id in Scripturâ Sacrà est clarè præscriptum) tantò magis suspiciatur, laudetur atque celebretur.

*Selenographia, ad res in naturâ abstrusissimas, nobis pandit fores.*

*Selenographia ope Astronomiam excolimus.*

Ne autem Lectorem quasi in limine, hîc nimis morer; brevibus, at non obscurè, commonstratum ibo illicò; quî ad Astronomiam universam, (illam inquam scientiarum Reginam, à quâ ut Geographia, ita sigillatim res nautica, quid? quod & reliquæ partes artesque Mathematicæ universitatis lucem multam accipiunt) excolendam, hoc est, & corrigendam, atque perpoliendam permultum faciat Selenographia? Nam ut nullus dubitare potest aut debet, quin Astronomiam (qualem jam habemus) nobis pepererint corporum observationes coelestium: ita manet, omni tempore per easdem observationes esse augendam, atque ejusdem professores (si alicubi in eâ tradenda erraverint) comiter revocandos esse in viam. Uti etiam sanè non aliter comparatum est, non minùs cum Astronomiâ, quàm cum reliquis scientiis humanis, quòd hæ omnes cum illâ multum imperfectionis habeant; dum & ingenio, & ætate deficiamus miseri mortales, ut nihil absoluti à nobis & undique perfecti, etiamsi conemur animosiùs, efficere queamus. Ac credo soli sibi hoc DEUS vindicare vult, quòd ejus opera à se efficta,



cta, & perspecta debeant esse bona, hoc est perfecta : nobis autem illud reliquit, ut in illorum contemplatione, & investigatione atque initiatione, multò autem maximè in sui laudatione, quoad possumus, occupemur omnes ordine, omniq̃ tempore. Itemq̃ue ergò in Astronomiâ multa adhuc supersunt, tam in Systematibus, quàm circa syderum motus, quæ nondum satis explorata habemus; ut planè non desit, quod indefesso studio fidereorum scrutatorum sit eruendum, & in lucem proferendum. Unde sanè profectò assiduus continuusq̃ue siderum observationibus vacare nos oportet, ac præsertim Eclipsium, tum Solarium, Lunariumq̃ue, quàm reliquorum Planetarum atque stellarum : quò enim hæ accuratius instituentur, eò certiores, simulq̃ue Astronomicæ, simul res omnes inde pendent reddentur. Scias autem hoc velim pro certo, observationes ejusmodi universas & singulas, longè feliciori successu imposterum, hujus Selenographiæ ope, quàm quidem hætenus factum, nos aggressuros; sic, ut iis mediantibus, non solum Lunæ motum, ejusq̃ue varias inæqualitates (quæ Astronomis nullo non tempore multum negotii facescivère) sed & longitudes locorum, quibus tota Geographia, resq̃ue nautica innititur, magis exquisitè, accurateq̃ue investigare in proclivi sit futurum.

*Astronomia  
nondum ad  
perfectiōnis  
culmen est  
reducta.*

*Selenogra-  
phia benefi-  
cio, observa-  
tiones Ecli-  
psium impste-  
rum longe ac-  
curatius in-  
stitui possunt.*

Priusquam autem ad observationum harumq̃ue, earumq̃ue amussitate, & sine mendarum periculo, instituendarum modum aperiendum accingamur; placet Astrophilis rationem præscribere, quâ per motum Lunæ libratorium; à nobis Selenographico huic labori intentis, inventum, adq̃; certas Astronomicas leges reductum, perductumq̃ue, multa alia summè necessaria, mente suâ assequantur, ad quæ huc usq̃ue pertingere non fuit datum. Sic majores nostri statuere, quòd ex simplici Lunæ adspectu, nullo planè modo, ejus longitudo, atq̃ue latitudo (licet ex parte tantum, nec adeò accuratè id fieri debeat) si haud alio utaris adminiculo, (exempli gratiâ : Ephemeridibus, Calendariis, Globis cœlestibus, vel stellis fixis, quibus Luna adstat) deprehendi, atq̃ue explorari possit. Jam verò facilimo id negotio, satis accuratè fieri posse, explorato tandem

*Motus libra-  
tionis perquā  
utilis:*

*Ex nudo Lu-  
na aspectu,  
longitudinē  
ac latitudi-  
nem ejus in-  
dagare.*



librationis, atque cuspidum Lunæ motu, primariâque phasium figurâ constructâ, clarè perspicies.

Quemadmodum enim ex iis, quæ suprâ hinc inde dicta sunt, satis superque patet, quomodo ex datâ longitudine & latitudine Lunæ, motus librationis ejus, ad certum aliquod tempus, indagari possit : ita quoque è contrario, dato librationis motu, longitudo atque latitudo Lunæ, non adeò quidem exacto, sed laxiore tamen modo cognoscitur.

*Quomodo  
motus libra-  
tionis addi-  
scatur?*

*In quonam  
signo Luna  
extet judi-  
care.*

Atque initio quidem, motus jam dictus, ex intervallo, quod inter paludem Mæotidis & Maræotidis, nec non ex Borealis Australisque parte, Telescopii ope observatâ, hoc modo deprehenditur. Observa enim, sis diligenter, an interstitium ad paludem Mæotidem, in phasibus Lunæ crescentibus, adeò sit amplum, ut duæ illæ oblongiusculæ, Maculæ occidentales, optimè sint conspicuæ? namque hoc si interstitium ita appareat, evidens est argumentum, Lunam versari in Cancro. Quod si autem idem valde sit coarctatum, rectè omnino concluditur, Lunam commorari circa Capricornum. Viso autem illo spatio nec admodum amplo, nec admodum compresso, indicium est, Lunam circa Arietem, aut Libram existere. Insuper, cùm neminem facilè lateat, quem Mensem agamus, per se etiam liquet, in quo signo Sol versetur : ut non impeditum sit, inde etiam conjectare, num Luna vel Arietem, vel Libram occupet? quamvis utroque in signo illo, interstitium illud Mæotidis, æquali constet latitudine. Ex quibus itaque laxiori modo (nam examissim id fieri non posse, ultrò largior) cognosces, quando Luna in punctis versetur cardinalibus. Nunc verò item docebimus, quomodo Luna simul in reliquis signis consistens, investigari non nequeat.

Eoque primùm, Lunam Tubospicilli ope instructus, cùm probè intuitus fueris, figuræ phasium primariæ, in gratiam observationum constructæ, capitique 44. insertæ, inscribe ejus limbum, liberâ manu, per easdem Maculas, in facie Lunæ conspicuas, interstitiumque ad veram ejus imaginem constitue : quo facto, radio figuræ primario, investiga Lunæ centrum, peripheriæ latitudinisque interstitii correspondens : tunc enim  
simul



simul innotescet, quo in circiter signo Luna, quoad longitudinem, latitudinisque gradum, tum temporis versetur, modò tamen & Lunæ partem Australem, Borealemque diligenter fueris contemplatus.

Secundò verò, ex quadraturis Pleniluniisque hæc Lunæ latitudo longè accuratiùs cognoscitur. In quadraturis quidem, ex sectione luminis & umbræ, si hanc ope figuræ primariæ delineaveris, sectionibusque figuræ capitis decimi octavi, ad paginam 334. insertæ comparaveris. Ubi tamen accuratâ admodum consideratione, atq; distinctione opus, quomodo nempe Lunæ sectio inclinet ad reliquas ibidem repræsentatas sectiones; num parallela sit illis, circa limitem observatis, vel circa Nodum Boreum, vel Austrinum descriptis? ex quibus quidem postmodum certò colligitur, an Luna circa limites, vel Nodos existat? itemque ex inclinatione sectionis luminis & umbræ, majori vel minori, etiam latitudinis differentia innotescit. Sed minimè taceo, quòd ad ejusmodi observationes benè administrandas, diligentissimus, atque exercitatissimus requiratur observator, qui tam Lunæ faciem, quàm motum ejus librationis, penitus perspectum habet; aliàs certè omnis labor erit frustraneus.

*Ex lucis umbræq; confiniis, optimè latitudo Lunæ investigatur.*

Jam tertio; in Pleniluniis omnium optimè Lunæ latitudo ex peripheriæ asperitate addiscitur, tempore nimirum veræ oppositionis. Quum enim peripheria Lunæ tum temporis æquali planè tractu undique appareat, certo est argumento, Lunam circa Nodos, sive Eclipticam, versari: Lunæ autem peripheriâ Australiori, ab inferiori videlicet parte, existente asperâ, atque anf. actuosâ tum maximam possidere latitudinem Borealem significatur: sin verò peripheria Borealis, pars nimirum superior, videatur satis tuberosa, atque lacunosa, liquidum esto, Lunam circa limitem commorari Austrinum. Ex quâ quoq; peripheriæ majori ac minori asperitate, & latitudinis circiter gradus innotescit; de quo tamen jam satis fusè capite 26. diximus, quorsum te Lector cupide pedem tuum referre volumus.

*Quâ viâ Lunæ latitudo, Plenilunii tempore, exploratur?*

Cum itaque ex simplici phasium intuitu, locus Lunæ propè verus æstimari possit; sic pariter eodem modo distantia Lu-



*Ex phasibus,  
Lunæ à Sole  
distantiam  
inquirere.*

næ à Sole cognoscitur. Etenim, sicut jam suprà memini, dato loco Solis, beneficio Mensium semper cognito, locoque Lunæ, ex motu librationis invento, datur quoque propemodum colligere, Lunæ à Sole distantiam, ex simplici videlicet phasium aspectu.

Cognitis verò longitudine atque latitudine Lunæ, tunc quævis futura phasium facies, ratione motus librationis, quovis tempore poterit prædici: partis nimirum Lunæ Septentrionalis vel Australis, respectu amplitudinis, qualisnam poterit esse constitutio? numque spatium Mæotidis, vel Maræotidis eo tempore amplum, vel arctum sit appariturum? perspectum non minùs item evadet, quomodo quadraturarum facies erunt comparatæ, inprimisque illarum sectiones, an huc vel illuc inclinabunt? quid? quòd & hujuscemodi alia permulta inde præcognoscere licebit; de quibus verò in superioribus jam satis est dictum.

*Num ex pha-  
sium quanti-  
tate Lunæ æ-  
tatem consi-  
dere liceat?*

Cæterum, hîc quæritur, num etiam Lunæ ætatem ex phasium magnitudine, & quantitate investigare possimus? negari quidem haud poterit, Lunam multis diversissimis mirisque motibus, præ reliquis Planetis omnibus, esse subjectam; id quod sufficienter ex capite septimo hujus Selenographiæ palàm est. Hincque variæ illæ inæqualitates, variationesque Mensis Synodici oriuntur. Luna enim ex motu vario jam dicto, modò velox, modò tarda conspicitur, sic ut perrarò, Mensis Mensi, videlicet Synodico, omnino æqualis existat: ita ut phases cujuslibet lunationis perpetuò varientur, observationibus Lunationum phasiumque clarè id attestantibus. Videbitur igitur alicui fortè prorsus impossibile, ex quantitate phasium, ætatem Lunæ crescentis, vel decrescents exquisitè posse æstimari; accedente etiam hoc, quòd spatia diurna illuminationis, quoad visum, planè inæqualia appareant; quæ, quò peripheriæ sunt viciniora, & à centro remotiora, eò arctiora spectantur: quò verò à limbo remotiora, centroque viciniora, eò ampliora, æstimantur. Insuper verò, ob motum Lunæ librationis, qui utiq; idem est varius, spatia illa diurna illuminationis, phasiumque sectiones, adhuc magis magisque respectu Macularum, modò pro-



promoveantur, modò retardantur, mirumq; in modum variantur atque distorquentur. Hoc tamen ego non obstante liquidum aliquem modum facile detegam, per quem non longe à vero (etsi enim aliquando paululum aberrabitur, nihilominus in unâ aut alterâ tantum horâ, propter putâ dilatationem & compressionem Macularum, id futurum) colligere poteris, ad quadraturam usque, sive sit in phasibus crescentibus, sive decrescentibus, quænam scilicet sit Lunæ ætas à conjunctione, vel quot dies elapsi sint post oppositionem? quando verò quadraturæ fuerint præterlapsæ, cognosces, quot dies horæque circiter restabunt ad Plenilunium in lunatione nimirum crescente; in decrescente autem, quot dies adhuc erunt residui, ad Synodum usque luminarium? ita ut ex cujuscunque phaseos aspectu, id, quod modò diximus, omnino investigare liceat.

Quando igitur hæc scrutari, & quidem absque ullâ aliâ longitudinis, atque latitudinis Lunæ præcognitione animus est, tunc phasin illam præsentem diligenter Telescopio simul adhibito considera; (sed necesse profectò, ut Maculæ tibi Lunares, motusq; ejus librationis, sicuti jam sæpius dixi, admodum sint familiares) adhuc verò contemplare item accuratè interstitium, in phasibus nimirum Lunæ crescentis, inter limbum occidentalem, Paludemque Mæotidem conspicuum, non minùs Regionis hyperboreæ latitudinem; ut scilicet postea possis in iconis delineationis primariæ, secundùm motum libratorium inventum, limbum describere, phasique competentem: quod utique haud difficulter ab exercitato perficietur. Limbo itaq; phaseos sic descripto, cujus ætatem explorare lubet, summâ opera duc confinium lucis & umbræ; postmodum amplitudinem phaseos circa medium, ejusque maximam latitudinem circino investiga, per scalam nempe, sive mensuram phasium, eamque primariis delineationibus appositam, inque 100. particulas distributam. Et sic Latitudine etiam inventâ, quære in tabulâ subjectâ, qui ei respondeat numerum. Quem si exactè invenies, confestim sanè ex latere sinistro hujus tabellæ, quot dies Luna fuerit nata, à conjunctione numeratâ perspicies. Si autem latitudo phaseos ex scalâ proposita, non præcisè in hac

*Modus, ætatem phasium explorandi, detegitur.*



tabellâ reperiatur, tunc parte proportionali opus erit, quâ acquisitâ deprehendes, quot horis ætate erit mage confecta Luna. Etsi (quod libenter do) ad unam alteramve horam interdum phasēs non sic detur astringere. Et hic est modus ætatem Lunæ ante quadraturam primam investigandi; post Lunam verò dimidiatam, similiter quidem in limbi confiniūq; descriptione proceditur; sed loco partis Lunæ illuminatæ, quære beneficio scalæ, latitudinem partis obscuræ & non illuminatæ, quâ, tabellam ad postmodum, quærendo numerum in latere dextro ipsi competentem; utpote ex quo statim dies ætatis in sinistro cognoscuntur: dies autem quos invenies, non numerabis à conjunctione, sed scias, dies esse ad oppositionem restantes. Tum in phasibus Lunæ decreſcentibus usque ad quadraturam ultimam, iterum latitudinem partis Lunæ obscuræ, sive deficientis, sive complementi phaseos inquire; qui dies subsidio latitudinis reperti indicabunt, planè ætatem Lunæ ab oppositione. Rursum post ultimam Lunæ bisectionem, parte illuminatâ phaseos, dies ad conjunctionem restantes investigantur.

TABELLA LUNÆ ÆTATIS.

*Dies Lunæ ætatis, aut à conjunctione, aut ad oppositionem; vel etiam ab ☿ ad ☾ numerata*  
DIES.

*Phasium quantitas, in particulis, quarum radius Luna disci, 100. æquat, expressa.*  
PART.

1.	4.
2.	11.
3.	21.
4.	35.
5.	53.
6.	76.
7.	96.
8.	114.

Unde Autor  
hos deprom-  
serit nume-  
ros.

Si autem percipere fatagis, Benevole Lector, unde hos deduxerim numeros, sive phasium quantitatem, in particulis centesimis expressam; scias me illos ex multifariis phasium observationibus, Lunationumq; Periodis eruisse, atq; composuisse.

De cætero, si hæc operatio à sedulo multumque exercitato Selenographiæ Studioſo instituetur, certè

& in ipsis horis interdum calculus consentiet. Et ut possint exempla se offerre, ubi à vero aberratum sit scopo; rarentius id tamen fiet: nunquam verò hallucinatio ista duodecim excedet horas. Quâ, opinor, viâ commonſtratâ contenti esse in præsens



sens tempus esse possumus : attento, quòd primò omnium hæc à nobis modò signata fuerit. Quanquam methodum hanc ætatis Lunaræ accuratiùs cognoscendæ, continuatis tantùm diligenter Lunationum observationibus, imposterum posse accuratiorem reddi, nullus sanè dubito; & fortassis ipse ego, quamprimùm duntaxat à reliquis occupationibus meis otii tantillum nactus fuero, multò certiorẽ Lunæ ætatem investigandi, regulam construam, constructamque cum orbe boni causâ publici communicabo. Etenim non sum utique nescius, quâ in parte correctione aliquâ hîc adhuc sit opus, & rei huic non adeò difficulter subveniri non nequeat; sed hoc alii reservandum erit tempori. Jam, sis, tabellâ utere concessâ.

Porro, recensitis quibusdam Selenographiæ utilitatibus, planè singularis adhuc aliqua, hîc erit publicanda : quomodo videlicet, adminiculo figuræ primariæ phasium generalis, illiusque Macularum ad Lunæ diametrum veræ proportionis, supra quam dici potest facillimè atque accuratè, genuina diametrorum quantitas & proportio, tam Planetarum, quàm omnium aliarum stellarum, explorari possit? Ad quas quidem dimetiendas diametros, Astronomi hætenus, nulli labori pepercerunt; attamen meo judicio, multum certè à vero scopo, determinatione suâ aberrarunt : sic ut existimem, diametros stellarum longè majores, quàm revera sint, æstimasse, imò tertiâ parte majores exhibuisse. Quod ne temerè dixisse videar, ecce ipsam meram veritatem, ex sequenti demonstratione liquidissimè elucescentem.

Initiò enim, quis mihi negatum ibit, si præsertim illa, quæ de observatione stellarum fixarum, capite III. dicta fuêre, benè perceperit, & rerum omnium periculum ipse fecerit; nos Telescopiorum nimirum ope, multò accuratiùs correctiùsque stellarum diametros, quàm nudo visu dimetiri posse : eo attento, quòd visus noster, nullo alio adminiculo adjutus, facilè luminis radiorum adventitio, decipi possit; adeò, ut stellas semper majores, quàm revera sunt, judicet. Atenimvero tubus, cum lumen superfluum, radiosque spurios, stellis, maximâ ex parte detrahat, corpora illorum planè rotundata, crinibusque prorsus

*Nova certissimâq<sub>3</sub>, diametros stellarum dimetiendi ratio.*

*Stellarum diametri multò minores sunt, quàm veteres unquam putarunt.*

*Accuratiùs armato, quàm nudo, oculo investigantur stellarum diametri.*



*Per Maculas  
Lunares o-  
mnium opti-  
mè stellarum  
diametri de-  
finiuntur.*

fus orbata, exhibet : sequitur utique ut diximus, Telescopium ad mensurandas stellarum diametros, quàm maximè esse convenientissimum. Interim tamen solus Tubus huic rei nondum equidem sufficit; sed omnino necesse est, ut alio quodam adminiculo, corpore videlicet aliquo cœlesti insimul utamur, cujus diameter nobis longè sit notior, quàm aliarum stellarum, quarum diameter est determinanda. Namq; sic indubitato stellæ dimetientem, quam inquirimus cum illius corporis, comparare, certamque proportionem inter illas diametros instituere poterimus. Jam nullum unquam meâ sententiâ nobis dabis corpus cœleste, ad has quidem observationes instituendas magis idoneum, quàm corpus Lunare, cum ejusdem Maculis, Montibus nempe & Vallibus, Insulis Scopulisque in eo detectis. Nam, cum multæ diversissimæ, ratione magnitudinis Maculæ, in Lunâ inveniantur, quæ partim majores, partim minores, in variâ proportionem reliquis existant : utique, unam vel alteram Maculam, quovis tempore, in superficie Lunæ patenti, inter tot infinitas, reperiri posse, quæ aut huic Planetæ, aut illi stellæ fixæ, quoad diametrum æquiparetur, nullum certè dubium est.

Quod si verò objicias, diametrum Lunæ visibilem, nondum satis esse cognitam, atque exploratam? respondeo quòd utcunq; se habeat magnitudo diametri Lunariorum, in eo, quod ad hanc rem facit, nihil adeò esse situm. Hoc enim non potest impedire, quin nihilominus possit vera proportio inter Lunæ, stellæq; alicujus dimetientem inveniri : ut potius, confirmatâ deinceps Lunæ diametro, diameter stellæ alterius quæsitæ planè rectissimè se se sit habitura. Quamvis enim insuper Lunæ dimetiens, uno alterove minuto major, vel minor statuatur, attamen parùm admodum nostro negotio id obstat; quippe quòd sic in quibusdam duntaxat minutis secundis, levis aliqua differentia animadvertetur, cujus gratiâ tantò minùs nos esse hoc tempore admodum sollicitos attinet, quantò minùs nos inter & veteres, ratione stellarum diametrorum, vel quàm minuta prima conveniat.

Sed jam ipsum modum, diametros stellarum visibiles ex-  
plo-



plorandi monstrabo. Primò, Telescopii cujusdam eximii ope, observa diligenter diametrum alicujus stellæ (hoc autem fieri oportet, Lunâ versantē in viciniâ) illiusque quantitatem probe tibi imaginare; tumque extemplò percurrita Lunam universam, ejusque Maculas, num aliqua harum adsit, quæ huic stellæ in magnitudine (quarum certè Macularum haud exiguus reperietur numerus) comparari possit, quæ observatio aliquoties deinde, majoris certitudinis gratiâ reiteretur. Quo scilicet modo Anno Æræ Christianæ 1646. die 22. Aprilis, horâ mediâ octavâ vespertinâ, proportionem diametrorum Jovis, Veneris & Lunæ investigavi. Jovis diameter tum temporis æquabatur uni, trium Montium Moscho in Lunâ, ad Sinum Atheniensem Ponti Euxini sito. Venus verò, tertiâ ferè parte; eodem tempore, quoad diametrum existebat Jove major, sic, ut, accuratâ inspectione adhibitâ, magnitudinem quasi Montis Didymi, vel Sipyli præ se ferret. Quo quidem à me percepto, accuratè admodum perpendi figuram phasium primariam; quoties nimirum Macularum inventarum diameter, ab hac Lunari comprehenderetur. Inveni itaque diametrum Montis Dydimi esse  $\frac{1}{22}$  partem Lunæ dimetientis, & diametrum Montis Moschi  $\frac{1}{29}$  circiter partem. Proinde, constitutâ diametro Lunæ visibili pro tempore 30. minorum circiter; sequitur necessariò diametrum Jovis 1. min. 2. secundis non fuisse majorem: Veneris verò diametrum 1. min. 22. secund. tantùm æquasse. Ex quibus utique vides Venerem multò esse minorem, licet in Perigæo extiterit, quàm tribus minutis primis, ut quidem Veteres Astronomi aestimarunt. In mediâ remotione, imprimis in Apogæo, longè verò adhuc minor reperitur. Bene enim memini, Anno 1644. cùm Venus, circa suam quadraturam esset matutina, quòd non excederet Montem Ætnam, cujus diameter ad Lunæ diametrum, se habet ut 1. ad 39. Provenit itaq; inde, quòd data Lunæ diametro 30. min. diameter Veneris tantùm sit 46. sec. Hincque etiam si in Apogæo observandi ejus diametrum daretur occasio, longè adhuc minorem inventum iri facilè colligitur.

*Ipsæ, stellarum  
diametros in-  
vestigandi  
modus propo-  
nitur.*

*Jovis & Ve-  
neris diame-  
ter quanta sit?*

*Quanta Ve-  
neris diame-  
ter sit in me-  
diâ elonga-  
tione a Terrâ?*



Cognitis primam Planetarum diametris. Fixarum quoque dimetientes nullo negotio determinantur.

Quâquidem methodo, non solùm Planetarum omnium; sed & ipsarum stellarum fixarum diametros investigari posse, nulum certè apud me est dubium. Proinde minimè absonum erit, ut primùm omnium Planetarum, atque Fixarum primæ magnitudinis, diametri explorentur, quò inter eas ad invicem comparatio quædam institui possit, quantò scilicet ratione reliquarum, num dimidiâ, tertiâ vel quartâ parte &c. sint majores vel minores? Id quod eò feliciter succedet, si modus ille novus à me primò ostensus, per foramina nimirum minora convexis lentibus applicata, Fixis, Marti, Veneri Mercurioque lumen detrahendi adventitium, adhibeatur.

Quibus qui delectatur contemplationibus, hoc modo, quo diximus, illas feliciter instituere poterit. Ad quas quidem observationes mecum certatim suscipiendas, & præcipuarum stellarum diametros explorandas, omnes & singulos Astronomiæ Cultores, quàm humanissimè invito, ut hoc pacto unus alterum excitet; & ita omnes simul omnem moveamus lapidem, omniaque subsidia nobis comparemus, quibus aliquando ad veram diametrorum stellarum proportionem pervenire liceat. Id enim sanè profectò & Reipublicæ universæ literariæ, & præsertim divinæ nostræ artis Astronomicæ permagni interest. Quo ipso in negotio, nî fallor ipse ego jam multò ulteriùs gradum protulissem, si aliis Selenographicis observationibus hactenus non fuisset noctuque diuque detentus: qui tamen imposterum nihil intentatum eapropter relinquam, simul ac tantùm Selenographiam hancce nostram, ad finem exoptatum perduxero, & si (quod precor) DEUS omnium nostrarum arbiter rerum, sanitatemque vitamque clementissimè concesserit.





## CAPUT LVI.

OBSERVATIONES ECLIPSIUM LUNARIUM,  
atque stellarum occultationes, correctè ut fie-  
ri quàm maximè potest, instituere; cùm verò inprimis initia,  
fines, phasèsque reliquas, tum veram phasium quantitatem, ra-  
diumq; umbrę terrenę nova methodo, viâq; planè infallibili deter-  
minare: nec non Longitudines, hætenus planè incomperto modo  
investigare, Globumq; Lunarem artificiosè  
construere.

UT observationes Eclipsium Lunarium, ab  
omnibus in universum spectatoribus exquisitè instituan-  
tur, tamque principium finisque singularum phasium, quàm  
illarum vera quantitas, præsertim autem umbra terrena accu-  
ratè determinetur, animus est impræsentiarum methodum eò  
facientem, atque eam haud vulgarem palàm facere. Nam &  
hujus rei infallibilis scientia, summopere requiritur; cùm tota  
Astronomia, Geographia, resque Nautica, veluti jam sæpius  
diximus, iis rebus innitantur, & unicè fulciantur. Etenim, ut  
ut veteres observationibus Eclipsium Lunarium operam dede-  
rint assiduam, negare tamen nihil vereor; illos ullam sanè ac-  
curatam Eclipsium quantitatem, aut legitimam initii finisque  
determinationem, unquam nobis exhibuisse: imò, reliquorum  
omnium quempiam, qui ejusmodi observationes huc usque,  
absq; Tubi adminiculo instituit, aliquid certi annotare potuisse;  
quod vel ad longitudes locorum inveniendas, vel ad Tabu-  
las Geographicas corrigendas, multò minùs ad motum Lunæ  
examinandum, aliquid solidi contulisset: id quod ex sequenti-  
bus satis superque fiet manifestum.

Primò enim, ex Eclipsium continuis Lunæ observationibus,  
certo certius edocti sumus, quòd earum initium nudo visu ob-  
servatum, omni tempore citiùs ingruere videatur, quàm si ocu-  
lo armato cernatur: quodque Eclipses, absque Tubo observa-  
tæ, tardiùs finem facere appareant, quàm si Telescopio admoto  
eas inspicias, sic, ut differentia illa ad semidigitum, imò inter-

*A Veteribus  
Eclipsium ob-  
servationes  
minùs emen-  
datè admini-  
strari potuere*

*Luna, nudo  
visui citiùs  
obscurari;  
cōtrà tardiùs  
lumen recu-  
perare, vide-  
tur.*



*Penumbra  
quedam, tē-  
pore Eclipsiū,  
veram præce-  
dit umbram.*

dum ad ipsum integrum digitum, se se extendere non nequeat. Scias enim velim densissimam illam veram, atque obscurissimam umbram, non statim in momento se se in Lunamingere; sed pedetentim ab initio eam occupare. Estque circa Eclipseos principium, umbra instar fumi admodum diluta tenuisve, quæ paulatim tractu temporis densior evadit, usque dum in nigerrimam tandem terminetur. Fieri itaque procul dubio potest, ut is, qui observationes absque Tubi adminiculo instituit, aut hanc penumbram, aut intermediam umbræ quandam particulam, pro vero umbræ Eclipseosque initio, apprehendat. Unde impossibile (quoniam observatores non omnes & singuli, initium finemque annotando, viâ planè eadem incedunt, Tubisque utuntur) ut observationes in ipsis minutis convenire possint.

*Nudo oculo  
Eclipsis omni  
tempore mi-  
nor, quàm est,  
apparet.*

Secundò; apparet quoque Eclipsis, semper oculo inermi minor, quàm revera Telescopio armato, existit: quemadmodum sedulus quilibet rerum cœlestium spectator, re ipsa experietur. Contrà pars luminis ab Eclipsi libera, nudo oculo, perpetuò major quàm est, se se objicit. Itaque, pari modo, qui in phasibus corniculatis & falcatis animadvertitur, de quo, ut autumo, capite undecimo superiori, jam satis dictum. Præterea accedit & hoc, quòd cuilibet observatori, nudâ oculorum acie, Eclipsin Lunæ, ejusque phasin, spectanti, illa aut aliquantulum major, aut minor, quàm alteri videatur; prout huic observatori pupilla amplior vel arctior, quàm alteri à naturâ est concessa: sive ratione etiam medii obscurioris, vel clarioris, in quo contemplator Eclipseos tum fuerit constitutus. In illo autem pupilla dilatatur, in hoc constringitur, ut suo item diximus loco. Hincque rarenter admodum (nisi casu quodam eveniat) observatores in Eclipsium determinandâ quantitate, inter se conveniunt: modò enim hic, exempli gratiâ, Eclipsin partialem septem æstimat digitos, modò alter septem cum dimidio, modò tertius, octo digitos eam planè exæquasse affirmat; tametsi omnes illi sub uno eodemque Meridiano fuerint. In cujus rei fidem exempla quamplurima, in medium possem proferre, nisi temporis haberetur ratio: interim tamen unum atque

*Pro diversâ  
pupilla dila-  
tatione, modò  
major, modò  
minor eadem  
Eclipsis spe-  
ctatur.*

*Rarò diversi  
observatores  
eam ean-  
demq; Ecli-  
pseos quanti-  
tatem deter-  
minant.*



atque alterum hîc attexam; cuius Kepplerus in Astronomiæ part. Opticâ, capit. XI. Probl. 6. mentionem facit: *Mæstlinus* Id quod exē-  
plis probatur. Anno 1572. 25. Junii, defectum maximum æstimavit præcisè semissem diametri. At Gemma Frisius scribit Lovanii defecisse 8. digitos, lib. 2. Cosmocritics. 2. Anno 1601. 29. Nov. vel 9. Decemb. bona quidem pars (inquit Kepplerus) de Lunæ corpore superfuit, quanta verò esset, discerni non potuit à quopiam cum fiducia. Ambrosius Rhodius, Tychoni aliquandiu à calculo, æstimavit defectum 10. digitorum Witebergæ. 3. Anno 1603. 8. 18. Novemb. contendebant (inquit item Kepplerus) alioplus quartâ parte in defectu esse, mihi minùs aliquid hoc abesse censebatur: Etamen obumbrata circumferentiæ pars conspicua fuit. Ex quibus sanè omni luce clariùs patet, quàm lubrica, & fluxa sit Eclipsium quantitatis determinatio, quæ nudis acquiritur oculis. Attamen multùm certè refert, genuinam Eclipsium annotare quantitatem: quemadmodum & Kepplerus, in Astron. part. Opt. eodem modo citato capite, mihi hac in parte his verbis astipulatur: *Magni interest Astronomiæ partiales defectus rectè annotari*: pergitque ibidem circa finem ejusdem Problematis, dicens: *Cupio Astronomos operam dare, ut certiores aliqui modi hujus observationis constituentur. Nam ab hac unâ re dependet id, quod in Astronomiâ vulgò maximi fit, dimensio altitudinis & corporis Solaris. Etenim, si sit parallaxis Solis maxima 3. scrupulorum, & in æstimatione defectus Lunaristertiâ parte digiti aberretur, actum est de 600. semidiamentris terræ; sin maxima Solis Parallaxis sit 2, aberrabimus 1700. semidiamentris terræ, omissione unius, scrupuli in defectu Lunari; ut videre est in fronte nostræ Parallaëticæ: hæc illæ. Concludimus itaque audacter, ex iis, quæ suprâ attulimus, iterum ut antea; omnium plane Eclipsium à quocunq; observatarum sine subsidio Telescopii peractarum fidem vacillare, nihilque certi ex iis hauriri posse, ut ut quàm accuratissimè videantur observatæ.* Astronomia multum interest, Eclipses rectè annotari.

Quæ cum ita sint, erit profectò summoperè necessarium, omnem adhibere diligentiam, omnibusque viribus contendere, ut huic negotio succuratur, imposterumque omnes præsertim Eclipsium observationes absque omni prorsus aberrandi periculo instituantur. Quod si verò id fieri à nobis poterit, certè tale aliquid nos esse assequutos deprehendemus, quod inprimis ad longitudines multò magis exquisitè, quàm potuit fieri hætenus, determinandas, maximopere conducet. Dummodo illa, quæ de observationibus rectè instituendis, jam

Accuratè Eclipses absq; Periscopillo observare, est impossibile.



jam à nobis proferentur, minimè neglecta fuerint omnia.

*Quanam cir-  
ca Eclipsium  
observationes  
attendi de-  
beant, ut ma-  
jori certitu-  
dine instituā-  
tur.*

Primò enim, operæ pretium est, ut omnes & singuli observatores, quibuscunq̃ue est animus, observationes Eclipsium Lunarium adornare, sibi de Telescopiis prospiciant: nullamq̃; omnino observationem, iis destituti aggrediantur.

Secundò, ut universi, non diversâ, sed unâ eâdem omnino ratione, atq̃ue operâ, ad contemplationes suscipiendas, se accingant.

Tertiò, ut perpetuò id fiat, ope primariæ alicujus figuræ, omnes in Plenilunii facie Maculas, legitimâ proportionem referentis, & huic operi seorsim destinatæ.

Quartò, ut observatores prius faciem Lunæ Maculasq̃ue ejus, ratione situs, nec non nominetenus, optimè noverint; aliàs difficile, ne dicam impossibile erit, exquisitam absolvere observationem:

Quintò, ut omnes & singuli, verum tempus cujuslibet phæos, per altitudines stellarum Fixarum, mediantibus entymetricis instrumentis haud mediocris magnitudinis captas, automaticis non prorsus neglectis, accuratissimè investigent.

In quam sententiam, aliquantò etiam fusiùs mentem meam explicabo: quomodo videlicet, Telescopiorum adminiculo, hæ observationes quàm accuratissimè sint instituendæ?

*Eclipsium  
observationes  
accuratè in-  
stituendi ra-  
tio.*

*Duorum pri-  
mariorū ico-  
nis minorū dif-  
ferentia.*

Primò, necesse eò est, ut exemplar quoddam figuræ primariæ Lunationum, sive phasium, ejusdem generis, capite 44. exhibitum tibi sit in promptu; vel, quod ferè præstat, ad Eclipsium Lunarium observationes, exemplar archetypi Pleniluniorum, in eodem modò citato capite conspicuum. Inter quas duas quidem delineationes, nulla alia occurrit differentia, nisi quòd posterior, Lunæ faciem, Maculasq̃ue ejus, sic planè præsentet, quemadmodum tempore oppositionis se se nobis obji- ciunt; in priori verò primariâ delineatione Lunationum, Montes convallesq̃ue non aliter, quàm ut quotidie per phases apparent, exhibentur. Præstat utiq̃ue igitur iconismo Pleniluniorum, ob faciem magis similem, ad Plenilunia Ecliptica uti. Observatori tamen exercitato perinde est, utro utatur; cùm proportio utriusq̃; schematis omnino sit eadem. Quâ autem



viâ hujus generis primarias phases, absq; omni etiam delineationis labore tibi comparare possis, jam suprà capite 44. indicavimus.

Secundò verò, in illâ ipsâ figurâ, verum Lunæ limbum secundùm longitudinem latitudinemq;e, tempore Plenilunii datam describe, id quod pariter in præcedentibus jam aliquoties docuimus. Si tamen aliud etiam placuerit, poteris etiam ingruente Eclipsi, vel paulò ante eam, ex ipsa Lunæ facie, illiusq; interstitiorum, tam Mæotidis & Maræotidis, quàm partis Australioris & Septentrionalioris, amplitudine, peripheriam Lunæ competentem delineare. Quando autem hic conatus in exercitato vix succedet, ut priori quilibet insistant modo, sva-  
deo & auctor sum. Deinde item necessarium est, ut ejusmodi delineationes vero limbo circumscriptas, aliquot ad manus habeas, quò alterâ phasium lineis undiq;e maculatâ, altera, confusionis evitandæ gratiâ, adsit.

Tertiò; Tubo haud vulgari instructus, initium Eclipseos attende diligenter. Diligenter ajo. Nam nescire te nolim, quòd in observatione & delineatione, cùm initii, tum finis, facilè à vero scopo deflectere queas. Ratio est, quòd, priusquam vera umbra ingruat, penumbra, sive umbra quædam dilutissima, uti diximus, nunquam non præcedat. Quam item annotare non minùs placet, servato tamen discrimine, inter hanc & veram illam umbram mox subsequuturam. Ad primum itaq;e umbræ aspectum, accuratè summâq;e industriâ in primariâ tuâ figurâ, umbræ appulsum, atq;e ingressum in Lunam notabis; quam nempelimbi in partem, tum quoad Maculas, tum in quem circiter gradum se se infinet; simul quoq;e eodem momento, socii cujusdam observatoris operâ, altitudinem alicujus stellæ fixæ per quadrantem, vel aliud quoddam affabrè elaboratum instrumentum huic negotio accommodatum, indagabis: quemadmodum sanè nec abs re erit, automata minuta prima & secunda temporis indicantia, habere in promptu, quò Cœlo nubeculis obvelato, stellisq;e fixis se se nonnunquam subducentibus, tempus nihilominus scire non nequeas: nam ea, licet vero tempori, eo momento non exactè respondeant, poterunt ta-

*Initium &  
finem Ecli-  
pseos rectè  
annotare, est  
res valde lu-  
brica.*



*Inclinationes  
annotare, cir-  
ca Eclipsium  
phasas maxi-  
mopere est  
neceſſe.*

men per quasdam altitudines priùs observatas, vel orto Sole, secundùm sciatericum lineæ meridianæ applicatum, feliciter corrigi. Dum igitur umbræ primum aspectum, ejusque tempus modo utroque jam dicto annotas, oportet etiam unâ operâ inclinationem principii Eclipsios consignare: hoc est; quantò nimirum illud distet à puncto verticali Zenith, vel Nadir? Has enim inclinationes, rectè scire permagni interest; quæ (inquit Kepplerus Astron. part. Optic. cap. x. probl. 14. pag. 360.) *sicertissimè observentur maximarum rerum in motu Lunæ nobis argumenta præbent, & compendioso serviunt.* Item pag. 391. capite x. probl. 26. *Magni interest Astronomiæ & Geographiæ, inclinationes phasum exactè observari & annotari.* Quomodo verò eæ haud difficulter viâque planè compendiariâ, eaque hætenus incompertâ annotentur, atq; observentur, jam jam indicabimus.

Quartò; initiò Eclipsios præterlapso, cùm phasis jam aliqua Lunæ fit conspicua, tum denuò illam in figurâ primariâ designare oportet, hoc quidem modo: observa studiosè admotò Tubospicillo, ad quas Maculas, Promontoria, Sinus atque Insulas, arcus umbræ terrenæ terminetur; quo animadverso, eodem prorsus modo, arcum istum in iconisimum transfer, simul altitudinem alicujus Fixæ, tempusque ab automatis petitum, & non minùs ejus inclinationem consigna. Quæ certè cuncta atque singula, circa quamlibet phasin delineandam, summâ curâ atque diligentia necessariò debent attendi. Adhæc, quò plures phases delineantur, eò major ex istâ observatione speranda erit utilitas, majoremq; merebitur apud eruditos fidem, præsertim, si omnes phases inter se optimè consentiant, adque normam veritatis respondeant. Si verò omnes phases non in unam referre poteris figuram, accipe alteram, tertiam, imò tot, quot opus est. Instante autem Eclipsi totali, pariter, ab initio recuperationis luminis, usque ad ejus finem, quemadmodum ab ejus initio, ad totalem obscurationem factam, procedendum; nullâq; penitus finas effugere phasin, sed, si id temporis ratio permittit, ad singulam quartam partem cujusvis digiti, ejus lucis umbræq; terminum depinge. Quamvis verò rarò sic ordine omnes assequamur; cùm nos sæpiſsimè aëris turbida tempestas



& nubeculæ Lunam prætervolantes impediunt, ita ut paucioribus plerumque oporteat esse contentum.

Porro inclinationes phasium quod attinet, has Mathematici, interque cæteros Mæstlinus, Tycho, Kepplerus diverso modo annotare, atque investigare conati sunt; sicut ex hujus Astronomiæ part. Optic. cap. x. probl. 14. & sequentibus videre licet: partim quadrante exiguæ magnitudinis adhibito, partim etiam in suas partes distributo circulo. Nonnunquam ad cornua umbræ attendebant, sive quando præcisè in vertice, sive in imâ Lunaris parte, sive ab alterutro latere spectabantur, hoc est, cum cornua aut præcisè sursum supina, aut deorsum prona vergebant, aut ad perpendicularum erecta stabant, vel denique quando cornua Lunæ cum certis fixis, unam eandemque lineam rectam constituebant. Qui inclinationes investigandi modi, ut observatoribus, licet exercitatis, non parùm facessunt negotii, sic admodum etiam deprehenduntur vacillantes: id quod observationes passim satis superque testantur. Enimvero, ut ut sollicitè in id intenderint, nunquam tamen certi esse potuerunt, rem se acu tetigisse; siquidem nudo planè visu, (quod profectò valde lubricum) inclinationes venati sunt, attestante id Præclarissimi & attentissimi Siderum Observatoris, Schickardi, in descriptione observationis Lunæ laborantis Anno 1631. die 29. Octobris habitæ, cujus mentionem ipse facit in responsione ad Epistolam Gassendi, de Mercurio sub Sole viso. Eam igitur ob causam, novam prorsus Astrophilis communicaborationem, cujus ope accuratissimè, & quidem ex tempore, nulloque negotio, non tamen citra Telescopium, figuram primariam, Pleniluniumque versatile, capite 26. exhibitum, inclinationes comparantur.

1. Eodem temporis puncto, cum phasin aliquam, ejusque arcum notaveris, denuò faciem Lunæ generoso Tubo oculis applicato contemplare; animadverso videlicet an duæ aliquæ Maculæ à se invicem haud nimium remotæ, in eadem perpendiculari lineâ inveniantur? (admodum enim distantes, Telescopium inprimis 5. vel 6. pedes longum, simul non capit, quod ideo huic negotio minimè conducit) quarum certè quovis tem-

*De phasium inclinationibus.*

*Quomodo hætenus inclinationes investigate fuerint?*

*Quomodo viâ planè aliâ certâque inclinationes acquirantur?*



pore nonnullæ reperientur. Si tamen se non offerant Montes quidam insignes, non deerunt (sat scio) Promontoria, Sinus, Lacus, Insulæ, vel scopuli præ aliis lucidissimi quos animadvertere liceat. Exempli gratiâ; quærendum, an Lacus videlicet hyperboreus superior, Insulæque Besbica, in lineâ occurrant perpendiculari; seu verò etiam Insula Besbica cum Insulâ Sinai; vel Mons Serrorum Insulæque Besbica, vel Lacus niger major atque Mons Ætna, vel jam dictus Lacus, cum Insulâ Corfica, vel Lacus niger minor & Insula Besbica, vel Mons Ætna, Monsque Sinai, vel Lacus niger major cum Insulâ Besbica, vel denique Mons Ætna, Insulæque Rhodus, vel hujuscemodi alia loca, quorum in Lunâ numerus ferè datur infinitus? quæris verò, quâ ratione id tam distinctè & accuratè explorari possit, numque certæ aliquæ duæ Maculæ, in eadem lineâ rectâ sint constitutæ? scias itaque, experientiâ me didicisse, quòd ab observatoribus contemplationum cœlestium Telescopio administrandarum assyvetis, Macularumque Lunarium probè gnaris atque peritis, id certè nullo negotio, & quidem simplici tantum aspectu, fieri possit. Quæ si autem cuiquam impossibilia videantur, circa finem hujus capitis, ubi de longitudinibus locorum quædam insuper proferre statuimus, adhuc alium nulli non comprehensibilem, quanquam non vulgarem, nec hæcenus ullo tempore cognitum modum patefaciemus. Interea, ne ab instituto nimium digrediamur, in observatione nostrâ Eclipseos pergemus, & reliqua animadversione digna restantia persequemur.

2. Proinde Maculas istas duas in eâdem perpendiculari lineâ deprehensas, fac annotes diligenter, ad illam ipsam putâ phasin, tunc temporis adumbratam. Præterea verò, quot phasēs occasio permittet delineare, tot etiam par Macularum in lineâ perpendiculari constitutarum, explorare, atque cuilibet phasi suas competentes adjungere, nec non altitudinem alicujus stellæ fixæ, respondensque tempus, addere est necesse. Nam, ex hac perpendiculari lineâ, postmodum facili negotio, Plenilunii versatilis beneficio, verum limbi Lunæ punctum, vel ejus gradum investigabis. Tandemque ex hoc gradu limbi



bi verticali, iterum ipsam inclinationem cornuum à perpendiculo, tum cornu superioris inclinationem, à puncto lineæ verticalis superiori vel inferiori, tum cornu inferioris, ab utriusque jam dicto puncto distantiam, pro lubitu, adinvenies.

3. Gradus verò limbi Lunæ verticalis hoc modo exploratur. Primum, in Plenilunii versatili figurâ, filum C extende, punctum verticale versùs; si nimirum duæ illæ Maculæ in eâdem perpendiculari inventæ, centro Lunaris disci superiores fuerint: sin autem centro inferiores, filum extende punctum C oppositum, nempe Nadir, vel gradum nonagesimum inferiorem versùs: quo factò, circumrota figuram Plenilunii, usque dum hæ duæ Maculæ cum filo extenso, lineam prorsus constituent parallelam; quod nudo oculo facilè dijudicare vales, vel si mavis, circino id cognosces. Figurâ itaque debito modo sic constitutâ, simul habebis veram faciei Lunæ, Macularumque ejus inclinationem, quam eo tempore, quo phasis illa, cum duæ hæ Maculæ in lineâ perpendiculari observabantur, Luna exhibebat. Deinde nota exquisitè gradum filo subjacentem. Quod si enim filum C versùs est extensum, tunc ille ipse subjacens, ut modò diximus, verus & competens est Lunæ gradus verticalis; contrà, si Maculæ illæ duæ priores centro inferiores fuerint, sic ut filum, punctum C oppositum, Nadir scilicet, versùs exporrigi oportuerit, eo inquam in casu, gradus filo subjacens, non est vera Lunæ inclinatio à puncto verticali Zenith, sed est gradus oppositus hujus inclinationis: sin verò à puncto Nadir illam numerare mavelis, tunc, quem quæris, habes. Simili ratione cum omnibus Maculis sub eâdem perpendiculari se se offerentibus, tempore observatarum phasium, quarum inclinationem desideras, procedendum.

4. Arcum abscinde à chartâ, omnino similem arcui umbræ, seu phasium segmentis in figurâ primariâ paulò antè ad certas Maculas annotatis. Animadvertendum autem est, quòd omnium & singularum phasium, seu umbræ arcuum curvaturam prorsus oporteat esse eandem, si aliàs rectè, & accuratè sectiones fuerint delineatæ: sin verò nonnullæ à reliquis discrepent, ut fieri interdum facilè poterit, tunc illarum insiste vesti-



giis, quæ numero vincunt, & inter se curvaturâ planè consentiunt. Cæterùm, arcum à chartâ ad umbræ sectiones quàm accuratissimè abscissum, transfer in Plenilunium versatile, illumq; ad Macularum normam sic dirige & constitue, ut priùs situm faciemq; primùm phaseos observatæ Eclipseos omnino referat : postea gradum verticalem limbi hujus phaseos congruum, paulò antè inventum siste ad C punctum, nimirum Zenith; sed sedulam tamen interim des operam, ne arcus chartaceus, figuræ huic versatili impositus, à loco vel tantillum dimoveatur. Quod si feceris, non solùm dilucidè & apertè phaseos inclinationem, sive umbræ cornuum à vertice numeratam, oculis subjectam habebis; sed & illam in gradibus distinctè in peripheriâ Lunæ determinare nullo negotio poteris; non minùs, dicturus circa quem limbi gradum, utrumq; cornu eo ipso tempore observatæ phaseos fuerit constitutum : quæ quidem omnia & singula, huic phasi postmodum diligentissimè debent adscribi. Quod iter, & cum cæteris phasibus, durante Eclipsei observatis, nec non cum ipso initio & fine, ineundum; si omnes earum inclinationes, & in gradibus accuratè investigare, simulq; verum cornuum situm cujuscunq; phaseos, ad certos limbi gradus referre, ut & gradum verticalem, quem phases observationis tempore obtinuerunt, indicare satagas. Deniq; isthoc pacto, nulli non astra cognoscendi cupido, non tantùm ipsas phases Eclipseos, ope Plenilunii versatilis, verùm etiam earum inclinationes omni tempore, quando placuerit, sub aspectum ponere, & quasi ad vivum repræsentare, haud magno licebit labore.

5. Quibus rebus omnibus sic inventis, inclinationes in ordinem, cum observatis phasibus, temporeq; annotatò, atq; altitudinibus (ex quibus etiam verum tempus elicitur) redigantur. Hic fortè autem inquires, candide Lector, quorsum, in istis rebus minimis spectat, hæc nimia curiositas; videris mihi, quasi nodum in scirpo quærere? at ego respondeo tibi modò, iisdem planè verbis, quæ Doctissimus V Vilhelmus Schickardus in responsione ad Epistolam, de Mercurio in Sole, Gassen di pag. 37. protulit : *quæ si cuiquam in minutioribus circumstantiis videntur*

*In observationis negotio non possumus nimis esse curiosi.*



*tur nimis scrupulosâ, sciat, nihil diligentie hîc posse nimium esse, in tam subtili negotio, quibus non Astronomiæ tantum, sed & Geographiæ pars magna innitatur; idq; potissimum prodesse curiositatem, ut phasium duarum consensus, alicujus tertiæ dissensum prodat & emendet. Illis autem, qui simpliciter tantum principia & fines notant, nunquam gratis credo; nisi addant quoq; intermedia: cùm sciam, quàm proclive sit in extremitatibus labi.*

6. Nunc verò item maximam quoque Eclipses obscuracionem, itemque phasium veram quantitatem, in digitis & digitorum particulis quàm exquisitissimè determinare libeat; quæ certè facillimo negotio acquiruntur, si nimirum quantitatem cujuscunq; phaseos, ratione descriptorum umbræ arcuum, ex figurâ illâ primariâ, diligentissimè circino depromptam, ad scalam istam digitorum Eclipticorum infra positam, tantum examinaveris, tunc confestim id, quod quæritur, patebit.

*Quantitatem Eclipsium ritè investigare.*

7. Ex quibus insuper, in figurâ illâ primariâ descriptis, atq; ritè observatis arcubus, pariter accuratè, & quàm citissimè semidiametrum umbræ terrene investigabis; quam equidem veteres, ut ut omnem adhibuerint operam, nullo modo tamen assequi potuerunt. Initio enim omnes arcus phasium, sedulo circini ope examinentur, num scilicet omnium curvatura planè sit unius ejusdemque circuli sectio? id quod si ita se habere inventum fuerit, certo est indicio, omnes phases supra quàm dici potest accuratè, esse observatas depictasque: sin verò differentia quædam phasium deprehendatur, tunc illum elige arcum, cui potiores astipulantur: postmodum ex hoc segmento circuli, ejusque centro explorato, ipsum circulum, cujus est segmentum, per problem. 3. proposit. 25. libr. III. Euclidis, describatur; vel, si lubet mechanicè, notatis videlicet in illo segmento tribus punctis; velut Clavius ibidem in ejusdem propositionis Scholio pluribus docet. Quo invento sectionis, sive ejus circuli centro, statim & radius umbræ innotescit. Tandem cùm Lunæ diameter, ex figurâ illâ primariâ jam quoq; sit nota, licebit ipsam quoq; proportionem semidiametrorum Lunæ & umbræ, haud difficulter, in minutis, beneficio alicujus scalæ, atque regulæ de tribus, determinare: quemadmodum mox exemplo res evadet clarior. Sed videtur equidem, uni phaseos segmento non prorsus esse

*Semidiametrum Umbræ terrene exquisitè determinare.*



fidendum; & propterea cum reliquis arcubus quoque eâdem pergendum viâ; ne non videlicet ex reliquorum consensu, eò magis certa elucescat veritas.


Optandum igitur esset, ut præclarum atque notabile quoddam exemplum, Astrophilorum oculis, melioris intellectus gratiâ, subjicere possem: verum (nescio quo fato) proximè elapsis aliquot annis, Eclipses, in nostro horizonte, aëris inclementia nobis hoc modo annotandas denegavit; ita ut penitus nullam, præter unicam his diebus primùm animadversam, ex voto observare, atque delineare integrum fuerit. Ingruente quidem Eclipsi Lunæ Anno 1646. Mense Januario, Cœli serenitas quasi annuere non minùs videbatur: sed, præter spem, densissimæ nubes, fumusque nigerri- mus, in viciniâ meæ speculæ Astronomicæ, eo ipso tempore subitò exoriens, penè omni ex parte observationi obstiterunt, quò minùs Lunam Telescopio accuratè intueri liceret. Hinc- que accidit, ut initium obscurationis istius, uno minuto fortè seriùs animadverterimus, qualem qualem etiam adhibuerimus diligentiam: neq; insuper plures quàm duas phases delineavimus, easq; adhuc de Cœlo quasi clanculùm tantùm abstulimus: gra- dum phasium verò verticalem, illarumque inclinationes nul- lo pacto, ob causam modò dictam, legitimè annotare licuit. Animus quidem erat, Cœlum si affulsisset sudum, & mini- ma quædam circa hanc Eclipsin designare; sed ex voto meo observatio non successit. Interim nullus despero, DEUM, qui & Optimus & Maximus est, vitamque sanitatemque con- cessurum, ut eodem favente, felicius, in Astronomiæ augmen- tum, ejuscemodi observationes multò plures à nobis admini- strari possint.

*Exemplum  
Eclipses Lu-  
naris.  
Anno 1646.  
observata.*

Interea tamen illam ipsam Eclipses observationem, ut da- tum, cum delineatione duarum phasium, hîc apponam. Um- bra tempore initii circa A, Montem scilicet Audum Maris Eoi, paulò supra Paludem Maræotidem, se se in Lunam inge- rebat. Arcus B & C, phases exhibent observatas; ex quibus semidiametrum umbræ 46. min. 30. sec. fuisse, datâ scilicet Lu- næ diametro 34. min. certò colligitur; prout scilicet ex tabellâ subjectâ, hujus observationis clarè patet. Obser-









*Fig. FF.*

*Semidiameter Luna.*



*Digiti Ecliptici.*



*Aut. Sc.*



## Observatio Eclipses Lunar, ad diem 31. Jan.

An. Chr. 1646. ft. n. mane, ante ortum Solis,

GEDANI instituta.

<i>Phases Luna deficientis Te- lescopiodepre- hensa.</i>	<i>Altitudo Lu- cidæ Lyrae, ad ortum.</i>	<i>Tempora in- desupputa- ta.</i>	<i>Gradus Lim- bi Verticalis Luna.</i>	<i>Inclinationes Cornuum.</i>	<i>Semidiamet- er umbræ, da- ta semid. ☽ 17. min.</i>
Nihil adhuc pea umbræ	0. 1	Ho. /.	0. 1.	Grad. /.	Min. //.
Nihil.	30. 3.	3. 26. 0			
Nihil.	33. 26.	3. 51. 20	50. 0.		
Nihil.	37. 10.	4. 18. 32			
Nihil.	40. 30.	4. 42. 0.			
Initium.	46. 8.	5. 11. 4.			
4. Digit.	47. 57.	5. 33. 36			
4½ Digit.	49. 0.	5. 40. 48.			
	<i>Altit. Stelle in pectore Cygni ad ortum.</i>				
11. Digit.	19. 0.	6. 12. 52.			
	39. 55.	6. 19. 20.			

Initium obscuracionis circa 118. grad. limbi  
Montemq. Andum deprehendebatur.

46. 30.

46. 30.

Reliquarum phasium, ut & finis to-  
talis obscuracionis aspectum, nubes  
fumusq. in vicinâ exortus,  
nobis eripuerunt.

Cui simile aliud, in gratiam eorum, qui cœlestibus hisce spectaculis capiuntur Eclipses Lunar, quod nuperrimè item ex animi sententiâ observare nobis contigit, addamus exemplum; ne non videlicet omnes & singuli, eò meliùs mentem nostram, circa superiùs dicta percipiant, atque in posterum, si ita visum fuerit, eò faciliùs ipsimet ejuscemodi observationes pari modo suscipere possint. Initio verò omnes phases quas-  
cunq. animadvertere, ob intercurrentes subinde nubeculas li-  
cuit, annotatis simul altitudinibus, nec non subjectis animad-  
versionibus quibusdam maximè notatu dignis, ordine præ-  
mittam. Deinde etiam schema quoddam, figuram nempe F  
F f \* addam, prout scilicet phases omnes, secundum Maculas,  
ipso observationis tempore, delineatæ fuere: ut quilibet suis-  
met oculis deprehendat, quomodo sectiones, hoc vel illo tem-  
pore, se se in Lunari facie extenderint, & per quasnam Macu-  
las transiverint? Numeri autem, sectionibus in eodem dia-  
grammate adjuncti, phases serietenus à se invicem discernunt,  
ut eò promptius cum altitudinibus, animadversionibusque con-  
ferri non nequeant. Atque virgulæ quidem ad limbum supe-  
riorem annotatæ, punctum Lunæ verticale, eo ipso tempore  
ibidem adscripto indicant; sic, ut ex istis punctis verticalibus,  
nulli non, sive inclinatio Lunæ, sive Macularum ejus, facillimo  
negotio pateat.

Observatio  
Eclipses Lu-  
nae, An. 1647  
ab Autore sus-  
cepta.

Ob-

## Observatio Eclipsæ Lunæ, instituta

GEDANI,

Anno à nato Christo 1647. die 20. Jan. st. n. vesp.

Phases Lunæ Tu- bospicillo observata.	Altitudines.	Tempora			Tempus secundum ho- rologium per alt. correctū.	Quenam Macula sub eâdem lineâ perpendiculari sue- runt observata; & quinam gradus limbi extiterit verticalis?
		Gr. min.	Hor.	p. m.	Hor. p. m.	
	jovis.	24. 54.	7	12	56.	
	Procyonis.	24. 45.	7	28	40.	
	Sirii.	13. 25.	7	56	59.	
	Procyonis	30. 47.	8	17	43.	
Nihil penumbrae.	Procyonis	30. 58.	8	19	19.	Mons Carpates & Mons Ætna per- pendiculariter erant erecti. Hinc 342. grad. limbi extitisse verticalem, certum est.
Nihil.	Procyonis	33. 5.	8	36	39.	
Nihil adhuc.	Procyonis	33. 42.	8	40	48.	
Penumb. dilutissimæ vestigiū	jovis	41. 9.	9	7	28.	
Penumbra paulò crassior.	jovis	41. 46.	9	12	12.	
Penumbra valdè notabilis.	jovis	42. 24.	9	17	40.	Lacus hyperboreus inferior & In- sul. Besbica: sic ut 345. grad. fue- rit verticalis.
Initium	jovis	42. 40.	9	19	12.	
1. $\frac{7}{8}$ Digit.	Procyonis	37. 22.	9	24	36.	
2. $1\frac{1}{2}$ Dig. & paulò plus	Procyonis	37. 44.	9	29	17.	
3. $2\frac{1}{4}$ Digit.	jovis	44. 37.	9	34	51.	Sinum Sagaricum Ponti Euxini, Insulamq. Besbicam, in lineâ per- pendiculari deprehendimus; unde innotescit, quòd 352. gr. Lunæ culminaverit.
4. $2\frac{1}{2}$ Digit.	jovis	44. 55.	9	37	23.	
5. 3. Digit.	Procyonis	38. 48.	9	44	7.	
6. $3\frac{3}{8}$ Digit.	Procyonis	39. 19.	9	52	11.	Lacus hyperboreus superior & In- sula Besbica. Ergò 3. grad. extitis verticalis.
7. $3\frac{3}{4}$ Digit.						
8. 4. Digit. ferè.						
9. $4\frac{1}{4}$ Digit.	jovis	48. 0.	10	6	45.	
10. $4\frac{3}{8}$ Digit.	jovis	48. 9.	10	8	11.	
11. $4\frac{1}{2}$ Di. & paulò plus.	Cord. Leonis	32. 55.	10	10	31.	
12. $4\frac{3}{4}$ Digit.	jovis	49. 4.	10	17	0.	
13. 5. Digit.	jovis	49. 24.	10	20	22.	
14. 5. D. & paulò minus	jovis	50. 14.	10	29	5.	
15. $4\frac{1}{2}$ Digit.	jovis	50. 41.	10	34	2.	
16. $4\frac{1}{4}$ vel par. amplius.					10 45 0.	
17. $3\frac{3}{4}$ ferè digit.					10 49 30	
18. $3\frac{1}{4}$ vel par. ampl.					10 57 0.	
19. $3\frac{1}{4}$ Digit. ferè	jovis	52. 58.	11	2	59.	Lacus niger major & Byzantium; hoc est 9. grad. tum temporis culminabat.
20. $2\frac{3}{4}$ Digit.					11 3 55.	
21. $2\frac{1}{2}$ Digit.					11 10 2.	
22. 2. Digit.					11 13 40	
23. $1\frac{1}{2}$ paul. ampl.					11 16 0.	
24. $1\frac{3}{8}$ Digit.					11 19 15	
25. $1\frac{1}{8}$ Dig. ferè	Cord. Leon.	41. 22.	11	20	53.	
26. $\frac{5}{8}$ Digit.					11 22 20	
Finis.					11 24 45.	
Densa penumbra	Cord. Leon.	42. 5.	11	27	44.	Latus sinistrum lacus nigri majoris, & M. Ætna. Itaq. 16. grad. lim- bi culminabat.
Penumbra dilutior	Cord. Leon.	42. 19.	11	30	3.	
Penumbra dilutissima.					11 33 16.	
Finis penumbrae.					11 35 48.	
					11 38 40.	




*Per quas Maculas transiverint  
umbræ sectiones.*

Init. Initium contigit circa 170. grad. limbi.

- 1 Per Montem Acabe, Lacum Meridionalem, ejusq. Montem.
- 2 Per M. Ajacem, Pal. Arabia; interq. M. Lionem, Annaq.
- 3 Per Sinum Sirbonis, I. Didymas, M. Horeb, prope M. Sinai.
- 4 Per M. Cataracten I. Letoam, perq. partem M. Sinai Austral.
- 5 Per part. infer. Pal. Maraot, Mare mortuum, M. Dalangvero,
- 6 Per Pal. Maraotidem Inf. Carpathon, Taurumq.
- 7 Per sup. p. P. Maraot, infra Rhod, per I. Cypr. per Lib. M. Coib.
- 8 Per Pal. Maraotid. I. Melam, supra Rhodum & M. Armen.
- 9 Per P. Maraotid. M. Phænicem, M. Cragum, atq. M. Sogdian
- 10 Per inf. p. P. Maraotid. per tum. Celen. int. M. Sog. & P. Arcefi
- 11 Infra P. Maraotid. M. Masicytum & Paludem Arcefam.
- 12 Inf. P. Mara. sup. M. Athon, inf. M. Sip. Didymūq. pr. S. ext. Pō.
- 13 Per I. Lemnam, M. Sipylum, Didym. M. Moschum & S. ex. Pō.
- 14 Per Mare Syrticū, M. Athon, M. Didym. M. Tanconē & Pet. Sog.
- 15 Per M. Cataract. I. Melam, I. Lesbiam, M. Masicytū M. Tanc.
- 16 Per M. Acaben, I. Cret. I. Rhod. M. Cragū, M. Cad. atq. Pet. Sog.
- 17 Per M. Pharan M. Nitria ad Mare Pamp. supra Pet. Sogdianā
- 18 Per M. Troicum, M. Tabor, infra Tanconem.
- 19 Per M. Hory, M. Libanum, inf. Tanconem & supra Pet. Sogdian.
- 20 Per M. Anna, M. Sinai, L. Thospidem, Petram Sogdianam.
- 21 Per M. Seir, Taurum, infra Petram Sogdianam.
- 22 Per M. Seir, M. Calchastam M. Sogdianum.
- 23 Per Desertum Raphidim, M. Caucasum & Nerofum.
- 24 Per M. Coibacaranos, M. Paropamisum & Montem Nerofū
- 25 Per M. Techisandam M. Dalangveros infra M. Nerofum.
- 26 Infra Dalangveros.
- Fin. Finis obtigit circa 247. grad. limbi.

*Animadversiones quædam, circa  
hanc Eclipsin notatu digna.*

Paulò antè initium Eclipses, clarè admodum omnes 4. circumjoviales, tres scilicet Jovi ad sinistram, & quartum ad dextram ejus, conspeximus, hoc circiter posita.




- Init. Caput Eclipses à parte inferi & quidem dext. versùs 5. scilicet grad. à puncto Nadir, obscurari. A line à verò nonagesimi perpendiculari ortū versùs 38. cir. grad. obumbrari incepit
- 1 Umbra Sinum Sirbonis stringebat.
- 3 Mons Sinai tegi incipiebat.
- 4 Mons Sinai planè reclus.
- 5 Umbra circa partem inferiorem Paludem Maraotidis terminabatur. Itemq. cuspis dextra disitit à puncto Nadir 60. grad. alera verò 40. grad. circiter ortum versùs.
- 6 60. grad. alera verò 40. grad. circiter ortum versùs.
- 7 Cuspis dextra distabat à puncto Nadir 73. gr. & sinistra 45. gr.
- 8
- 9
- 10
- 11
- 12 Umbra ad Sinum extremum P. Euxini usq. pervenerat.
- 13 Maxima cū observabatur obscuratio, umbra Inf. Lemnam transgrediebatur: Cuspis dextra tum elongabatur à puncto Nadir 90. grad. & sinistra ortum versùs 48. grad.
- 14
- 15
- 16 } Cuspis dextra planè in occasu, hoc est 90. grad. à puncto Nadir remota erat.
- 17 } Nadir remota erat.
- 18 }
- 19
- 20 Mons Sinai iterum illustrari incipiebat.
- 21 Altera cuspidè in puncto Nadir, altera planè in occidente umbra terminabatur, sic ut phasis id temporis 4. partem periph. occuparet.
- 22 Cuspis dextra omnino sub lineâ normali, qua lineam perpendiculararem intersectabat animadversa: sinistra verò 5. grad. à puncto Nadir ortum versùs erat remota.
- 23
- 24
- 25
- 26
- Fin. Finis extitit à puncto Nadir dextram versùs 45. grad. circ. à lineâ verò perpendiculari nonagesimi tantum 38. circiter grad.

Sed ut paulò etiam curiosiori eò magis satisfiat Lectori, ecce, cujusvis digiti phasin, in peculiare retuli schema, uti in adjuncto diagrammate F F f\* videre est. Quamvis autem longè sint minora illa diagrammata, quàm ea esse aliquis optet, attamen Maculæ principales, quæ præ cæteris eminent, quoad fieri potuit, summâ diligentia ibidem sunt adumbratæ; ita ut non solum, meo judicio, cujusvis digiti sectionem, sive phasin, satis probè animadvertere; sed & quod magis ipsam Lunæ inclinationem, quæ circa quamlibet phasin fuit advertenda, accuratè admodum dijudicare possis, præsertim verò annotatis illis se se invicem interfecantibus lineis duabus, quæ nunquam non angulum inclinationis constituunt. Linea enim a b, demonstrat lineam perpendicularem, Luna in Nonagesimo, circaque Nodum Boreum constituta; altera verò c d, lineam indicat, quovis tempore, ex puncto Lunæ verticali, per centrum ejus perpendiculariter descendentem: hincque valde velociter hæc variatur, at illa a b, intra dies aliquot vix parùm admodum de loco suo dimovetur: sic ut statim, primo intuitu, ex angulo isto, quem duæ illæ lineæ constituunt, inclinationem, seu distantiam lineæ perpendiculis Nonagesimi à lineâ verticali Lunæ, nemo non, nescire non possit. De quibus quidem, ut te, Lector amice, priusquam observationem ipsammet oculis tuis sisterem, quasi in antecessum admonere æquum duxi. Tandem verò sub finem figuræ F F f\* etiam Jovis transitum à nobis observatum adjiciam; idque eo præsertim fine ut velocem Macularum Lunarium inclinationem, (cùm eadem nocte, tam hic Jovis transcursus, quàm Eclipsis Lunæ acciderit) eò deprehendas meliùs: quicquid autem præterea de istâ Jovis observatione animadversum à nobis fuit, impofterum suo loco, imprimis ubi de occultationibus stellarum, ex instituti nostri lege agemus, pluribus edisseretur.


Quo etiam Eclipseos sic à nobis præfiguratæ exemplo accepto, quilibet, ut arbitror, rerum Mathematicarum non planè omnino rudis, non poterit non intelligere, quâ nimirum ratione, observationes hujus generis, institui, phasésque secundùm Maculas ritè delineari, cùm semidiameter umbræ, tum ipsa Ecli-



*Eclipsis Luna Partialis, observata*  
*GEDANI,*  
*Anno era Christiana 1647, Die 20 Januarii vespere.*




*Places Eclipsos Crescentes.*



*Places Eclipsos Decrecentes.*



*Fig. FF f\*.*



*Autor Sculptor*





Eclipsium quantitas rectè determinari debeant. Quod si vero cuipiam hic noster modus, phases quascunq̃ue in unicam figuram referre primariam, nimium laborem atq̃ue operam requirere videatur, adeò ut rem istam hac viâ aggredi vix audeat; ei haud gravabor, etiam aliam eamq̃ue longè faciliorem præscribere rationem, quâ scilicet & minùs exercitati hoc in negotio quemcunq̃; Eclipsium digitum, imò non tantùm ipsos digitos & semidigitos, sed & eorum quadrantes, accuratè admodum, nulloq̃ue negotio discernere non nequeant.

*Alius præscribitur phasēs quascunq̃; dijudicandi modus.*

Primò quidem, ex phasium, sive Plenilunii archetypi centro, sex circuli æqualis distantiae ducantur, sic, ut diameter Lunæ, in duodecim partes æquales, seu tot digitos dividatur: dein, in quolibet spatio, iterum tres subtiliores concentrici describantur, ne non simul isthac ratione quadrantes digitorum indicentur, eoq̃ue planè modo, quem cap. v. pag. 106. circa observationes Eclipsium Solarium tenendum esse docuimus. Postmodum verò eâ phasium, sive Plenilunii figurâ sic adornatâ, attendes diligenter, Eclipseos tempore, quando umbra, circulos hosce, sive potius Maculas illis subjacentes stringat: id enim si probè notaveris, minimè insuper altitudinibus fixarum neglectis, non solùm quâ digitos, verùm etiam quâ digitorum quadrantes, ut modò diximus, quàm unquam fieri poterit rectè determinabis quascunq̃ue phases, utcunq̃ue umbræ sectiones minimè delineatum iveris. Interim tamen præstat, opinor, ut non minùs operam des, quò & ipsas umbræ sectiones, prout per Maculas protenduntur, adumbrare queas: quemadmodum in hac ipsâ Eclipseos observatione, à nobis istud utiq̃ue factum vides. Etenim, si isthoc pacto phases quamplurimas depingas, quanquam non semper sive integros, sive semidigitos æquant; nihilominus tamen, adminiculo aliqujus scalæ, atq̃ue regulæ de tribus, ex his delineatis phasibus, postea æque bene verum tempus, tam digitorum, quàm partium eorundem, elicies: sicuti & id ipsum circa minores Eclipsium figuras, phasesq̃ue, haud magno eam in rem impenso labore, optimè nobis successit.

Hac igitur ratione observationes Eclipsium Lunarium, ma-



*Si viâ com-  
monstratâ E-  
clipsû obser-  
vationes ag-  
grediemur,  
certè haud  
parùm mo-  
menti inde  
ad rem Ma-  
thematicam  
redundabit.*

gno utique cum fructu instituentur. Imò si rectè attendan-  
tur omnia, non solum ad Astronomiam; sed & ad universam  
Geographiam, præsertim respectu longitudinis, plus quàm ha-  
ctenus unquam utilitatis sperare ausi sumus, inde profectò ma-  
nabit, & inprimis quidem si tantùm omnes & singuli observa-  
tores, Tuborum Opticorum, figuræque primariæ, sive cujus-  
dam correcti, & ad accuratam proportionem redacti Plenilu-  
nii ope, observationes administraverint; itemq; evitandæ con-  
fusionis gratiâ, Macularum nomina minimè variaverint, ac u-  
num eundemque observandi modum retinuerint. Hoc enim  
si fecerint, susceptum negotium cum DEO feliciter transige-  
tur, & Bonum Astronomicum multis modis promovebitur.  
De cætero, est sanè res notatu dignissima, quòd impofterum  
non uni tantùm Eclipseos initio, quasi adhærere & invigilare  
opus sit; sed, quòd semper circa quamlibet phasin, aliud atque  
aliud initium habere possimus observandum, imò tot, quot no-  
bis placuerint. Dum enim umbra continuè ulteriùs se se in Lu-  
nam promovet, sensimque progrediens illam obscurat; fieri  
certè aliter non poterit, quàm ut peripheria umbræ, modò hanc  
modò aliam Maculam, Montem scilicet, vel convallem, Sinum,  
Promontorium, Lacum vel Insulam omni tempore stringat:  
sic ut circa quoslibet maximè notabilium Macularum appulsus,  
nova semper initia Eclipseos nobis notanda subministrentur:  
quæ si nunquam non, præsertim simul ab universis & singulis  
Astronomis, diversisq; in regionibus, unius ejusdemque figuræ  
primariæ beneficio attendantur, atq; observentur, haud parum  
profectò ad longitudes investigandas accedet momenti.

*Quenam in-  
super circa  
Eclipsium ob-  
servaciones  
sint animad-  
vertenda?*

Reliquum autem est, priusquam ad alia transeamus, ut A-  
strophilum de certis quibusdam rebus, circa observationes in  
genere maximè attendendis, adhæc admoneamus. Primò,  
ne contemplator has observationes, ope nimis brevis Perspi-  
cilli, cujus videlicet longitudo tantùm unius sit pedis, instituat:  
quia ejusmodi Tubus, Maculas Lunares non satis clarè & di-  
stinctè sub aspectum ponit. Secundò neque Telescopio nimis  
longo, octo scilicet decem vel ampliùs pedum, utatur: hic enim  
objecta nimio plus auget, atque perrarò claritate excellit: id-

circo



circo etiam ægrè admodum hujus beneficio arcus umbræ describuntur, ac Macularum perpendiculares situs cognoscuntur; (quos tamen scire ad inclinationes eruendas, permagni interest) eò quòd ejusmodi Tubus, particulam Lunæ nobis plus æquo exiguam, uno intuitu exhibeat. Est optimum autem Tubospicillum, quod nunquam non ad hujus generis observationes adhiberi poterit, crede, illud, quod quinq; vel summum sex pedes, longitudine non excedit, imprimis si præstantiâ polleat, id quod experientiâ didicimus. Tertiò, convenit etiam, ut cuilibet observatori, Eclipseos tempore, non solum Plenilunium versatile, inclinationes exhibendi ergo, præsto sit; sed & Tabula illa magna Selenographica, Macularum omnium nomina exhibens: quò tirones, quibus nomina modò dicta nondum satis innotuerunt (in annotatione scilicet arcuum umbræ, ejusque ad varias Maculas appulsuum, tum Macularum hoc vel illo tempore in perpendiculo constitutarum) illa in memoriam sibi illicò revocent, singulaque observata chartæ eò felicius mandare non nequeant. Etenim cuncta Macularum nomina, omninò memoriter tenere, est profectò artis laborisque haud vulgaris. Sed de his satis.

Cæterum, ostendere nunc item placet, quomodo perquam accuratè, tum figuræ primariæ phasium, tum Pleniluniorum ope, capite 44. adumbratæ, occultationes stellarum, vel Planetarum à Lunâ descendentes, institui atque peragi possint? cum omnes imprimis hujusmodi observationes à veteribus habitæ, nullo planè fundamento solido innitantur; ita, ut admodum fluctuent. Qui suâ tantum conjecturâ aliquâ sunt assequuti: ut ex eorum relatu nihil aliud accipere posteritas potuerit, quam quòd hæc vel illa stella, à Lunâ, hoc vel illo tempore, fuerit tecta. Veram autem lineam viæ translunaris illi sanè nullatenus determinare potuerunt, multò verò minùs ab iis fuit animadversum, ad quam Maculam, vel quem limbi gradum primus stellæ fuerit ingressus vel egressus; nec quousque hanc vel alteram partem versùs, stellæ à centro inceserint; sive quinam gradus, & qualis inclinatio, tam tempore initii occultationis, quam emerfionis extiterit? & hujusmodi alia quamplurima:

*Quomodo  
occultationes  
stellarum rite  
sint observanda?*



quæ, ut diximus certè viâ infallibili investigare, ut ut summis sunt annexi viribus, nullo tamen modo potuerunt. Quamvis verò alii nonnunquam talia annotare sunt conati: attamen plerumque conjecturâ suâ fuere decepti: sicuti id variis exemplis, nisi temporis haberetur ratio, faciliè demonstrari posset.

1. Eclipses autem stellarum vel Planetarum, ut ad rem ipsam accedamus, quæ à Lunâ originem trahunt, hoc modo sunt observandæ. In Iconismum, Lurationum vel Pleniluniorum, primarium, (eliges tamen ex his duobus eo tempore Lunæ convenientiorem) quemadmodum docuimus circa Eclipses Lunares, describe initio, secundum veram Lunæ longitudinem latitudinemque ejus limbum; quo facto, ingruente occultationis tempore, diligenter admodum Telescopii ope ad Lunam attende, num mox instet momentum appulsus, sive occultationis? simulque observa accuratè, cum stella spatio unius, vel alterius digiti, sive aliquot etiam minutorum adhuc à Lunæ limbo orientali abest; ad quam scilicet limbo Maculam viciniorem, primus stellæ attactus, sive ingressus ( id quod certè ab omnibus & singulis faciliè deprehendetur ) expectandus. Deinde autem notabis, & aliam Maculam Lunæ centro propinquiorem, quæ, puta, lineam rectam, cum stellâ occultandâ, & illâ priore Maculâ limbo viciniore (ad quam stella primùm appellere videtur) constituit. Postmodum per has duas Maculas, beneficio alicujus regulæ, duc lineam rectam; vel minimùm aliquam, ab uno latere limbi (in figurâ nempe primariâ) usque ad alterum tibi imaginare: unde illicò apparebit, quâ parte limbi oppositi, stellæ exitus, sive ejus emersio, erit animadvertenda.

2. Eodem item momento, cum Luna limbo suo, stellam simul stringit, simul occultat, tempus correctum, sive adminiculo accurati alicujus horologii, sive per altitudinem alicujus stellæ fixæ, investigabis; sicut quoque Maculam illam Lunarem, ad quam primus fit appulsus, sedulo annotabis; non minùs, quænam Maculæ lineam perpendicularem constituent: utpote ex quibus datis postea, Plenilunii scilicet versatilis ope, ( sicuti & jam suprâ circa Eclipses Lunares docuimus ) tum gradus limbi verticalis, tum gradus primi appulsus innotescit.

3. Te-



3. Tectâ stellâ, convenit planè huic negotio, ut majoris certitudinis gratiâ quarundam altitudines stellarum aliquoties observentur. Deinceps autem instante videlicet emerfionis tempore, summâ cum diligentîâ Tubospicillum adhibens, ad stellæ egressum denuò attende, quâ videlicet parte limbi ea erumpat, & quo temporis articulo id accadat; quod certè accuratiùs nullo unquam deprehenditur modo, quàm si iterum altitudinem alicujus fixæ, nec non gradum Lunæ verticalem, beneficio duarum Macularum in perpendiculo deprehensarum, investigates. Quibus quidem omnibus probè animadversis, lineam depinge rectam, per punctum occultationis & emerfionis deductam, per quam statim elucebit vera translunaris via; utrùm nimirum Luna centro suo supra, an verò infra stellam incesse-rit, & quot minutis, ratione diametri Lunarîs, à centro Lunæ stella distiterit?

*Viam inda-  
gare translu-  
narem.*

4. Quod si etiam scire non nolles, qualem angulum orbitâ Lunæ cum Eclipticâ, eo tempore constituerit? hac viâ progredere. Primò, Ephemeridum adminiculo inquires, num Luna id temporis, aut circa limites, aut circa quem Nodum versetur? & tum eo explorato, erige Plenilunium versatile, secundùm animadversum Lunæ situm, hoc scilicet modo: ex illis tribus punctis superioribus, circa peripheriam illius Plenilunii versatilis annotatis, hisque signis  $\gamma$ , L,  $\omega$ , distinctis, certum quoddam elige, loco Lunæ respondens, idque ad punctum superius verticale C, figuram circumgyrando, transfer. Exinde autem accuratè admodum, beneficio scilicet alicujus regulæ, observabis, quâ parte, respectu Macularum, linea perpendicularis ex puncto C, per centrum transiens, Lunam dividat: cui lineæ perpendiculari, quoad Maculas, in figurâ tuâ primariâ, in quâ viam translunarem descripsisti, duc aliam, ab omni parte prorsus æqualem: per punctum iterum contactus lineæ perpendicularis, atque viæ translunaris, aliam describe lineam, ad angulos normales, in modò dictam perpendicularem incidentem, quæ Eclipticæ erit omnino parallela. Tum ex utriusque hujus lineæ, viæ scilicet translunaris, atque parallelæ Eclipticæ interfectione, vel angulo, quem utraqûe constituit,

*Angulum Or-  
bitæ Lunæ &  
Eclipticæ, ex  
observatione  
rectè deter-  
minare.*

trans-



transportorii, five semicirculi cujusdam in gradibus divisi ad-  
miniculo, explorabis veram quantitatem Anguli orbitæ Luna-  
ris & Eclipticæ, qui nempe erat investigandus. Sed ut hæc  
etiam evadant clariora, duas haud vulgares, atque notatu di-  
gnissimas observationes Eclipsæ Palilicii à Lunâ occultationes,  
nec non rarissimam aliquam observationem Jovis à Lunâ tecti,  
(qualis profectò vix nî fallor hætenus unquam à Mathemati-  
cis debitæ fuit animadversa) unâ cum observationum schema-  
tismis eo tempore adhibitis, Selenographiæ Studiosis haud gra-  
vatè exhibebo.

### Observatio Prima

## Eclipsæ Palilicii, instituta

*Anno Æræ Christianæ 1644. die 15. Novemb. mane*


G E D A N I.

*Palilicii Ecli-  
psæ, ab Au-  
tore, summâ  
diligentiâ,  
observata.*

**I**nitium occultationis Palilicii accidebat  
secundùm horologium correctum (altitudines enim tum tem-  
poris capiendi non dabatur occasio) horâ 3. matut. minut. 5.  
Occultabatur à Lunâ circa 96. gradum limbi, nempe orienta-  
lis, ad Montem Alabastrinum Maris Eoi, quo tempore gra-  
dus Lunæ 75. limbi verticalis existeret. Emergebathor. 4. min. 5½  
gradum 317. limbi occidentalis, Montemq; Alaunum, paulu-  
lùm supra Paludem Mæotidem; quo temporis articulo gradus  
limbi Lunæ 78. erat verticalis. Horâ 4. min. 10½ post emersionem,  
Palilicium, tanto spatio à limbo removebatur, quanto scilicet  
lata erat Palus Mæotis, parte nimirum duodecimâ circiter dia-  
metri Lunaræ. Horâ 4. min. 38. Palilicii à limbo Lunæ occi-  
dentali distantia æquabatur semidiametro Lunari; quam di-  
stantiam accuratè ex aperturâ Tubi colligebam. Linea itine-  
ris Palilicii ad Maculas translata, incedebat per Montem Ala-  
bastrinum, Insulam Corsicam, Lacum Trasimenum, Montem  
Berofum, M. Riphæum, Montemq; Alaunum; sic ut initium  
Eclipsæ, five prima occultatio, circa 96. gradum limbi, finis  
verò seu stellæ emersio, circa 315. gradum fuerit animadversa:  
quemadmodum ex diagrammatis præsentis lineâ A B clarè de-



*Observationes Eclipsium Palilicii.*







deprehenditur. Limbus, secundum longitudinem & latitudinem Lunæ, est descriptus; eratque id temporis circa initium Geminorum, limitemque Austrinum. Linea F G per centrum transiens, est perpendicularis Nonagesimi, Lunâ existente in limite Austrino. Linea K L punctis notata, est parallela Eclipticæ, lineamque F G ad angulos secat normales; cum A B verò certum constituit angulum, ex quo latitudo Lunæ, seu angulus orbitæ & Eclipticæ colligitur. Circa medium Eclipseos, sive veram conjunctionem, Palilicium  $6\frac{1}{4}$  min. tantummodo à centro Lunæ distabat; ita, ut Luna centro suo infra stellam se se subduceret, Palilicium verò chordam Boream  $141.$  gradus subtendentem descripserit: schematismo id clarè attestante.

**Altera Observatio Eclipseos Palilicii, pariter hic Dantisçi peracta, Anno 1645. die 8. Octobris st. n. Lunâ existente gibbâ; quæ itidem in appposito repræsentatur diagrammate.**



**Q**Uum Luna Palilicio appropinquaret ad distantiam 15. minutorum ante scilicet conjunctionem, Jovis altitudo (nam fixæ alicujus, ob aërem nubilosum, altitudinem capere non licebat) quadrante ex Orichalco, confecto, accuratè deprehensa est in Plagâ oriēt.

Principium obscurati Palilicii incidebat in altitudinem Jovis.

Durante Eclipsei, altitudo Saturni in Plagâ occidentali capta.

Emergente rursus Palilicio, ex umbrâ Lunæ, altitudo humeri lucidi Orionis, in plagâ orientali inveniebatur.

Igitur ex initio obscurationis Palilicii hor. 1. 43. min. & fine hor. 2. min. 57. colligitur, medium tecti Palilicii Gedani accidisse

Et totam durationem perstitisse

Postquam autem Palilicium (vel potius Lu-

O o o

Altitudo		Tempus		Observatio Eclipseos Pa- lilii i secun- da.
Grad.	min.	Hor.	supp. à med. nocte.	
36	25.	1	27	
38	48.	1	43	
43	50.	2	$3\frac{1}{2}$	
38	45.	2	57	
		2	20	
		1	14	
				na

na Palilicium) ad 15. minuta Lunam erat prætergressum, respectu confinii luminis & umbræ, humerus lucidus Orionis ab horizonte fuit elevatus.

Grad.	min.	Hor.	
40	3.	3	14 $\frac{1}{2}$

Quanquam autem à limbo Lunæ vero occidentali, modò dicta stella tantùm adhuc 9. min. erat remota : (Lunam namque eo ipso tempore ad limbum occidentalem jam 6. min. decreverat, sicuti ex sectione apppositi schematis apparet) quia tamen nondum satis exactè hæc minuta confecta videbantur, ideoq; paulò post altitudo Procyonis in plagâ orientali, quadrante capta est.

29	38.	3	21
----	-----	---	----

Alterâ vice altitudo Procyonis fuit

29	57.	3	24
----	-----	---	----

Et hoc ferè fuit tempus, quo Luna pervenit ad 90. Eclipticæ gradum, horâ nimirum

3	30
---	----

Palilicium ingressum est corpus umbrosum Lunæ, circa 118. gradum limbi orient. circa Montem Audum, per Montem Neptunum, Montem Mysium, Promontorium Chadisiam, Montem Herculis; contrâ egressum est, penes gradum 292; ita ut ferè centralis, hæc conjunctio Palilicii & Lunæ fuerit: pertransiit enim proximè infra centrum Lunæ, ad unicum tantùm minutum primum, descripsitq; in hac observatione chordam Austrinam 174. gradus subtendentem; nec multum abfuit, quin totam transitu diametrum designaverit, prout ex lineâ C D dilucidè patet. Circa quam ultimam Palilicii Eclipses observationem, hoc imprimis notandum occurrit, quòd nulla prorsus differentia, inter limbum hujus observationis, & antecedentis, fuerit animadversa; id quod tamen casu evenit: nam Luna cùm hoc, tum illo tempore, ferè eandem longitudinem & latitudinem habuit: quare cùm centrum fuerit idem, & limbum eundem fuisse oportet.

Et tantùm quidem est, quantum de utriusque Eclipses Palilicii observatione hîc annotare habuimus, ac cum omnibus lubentissimo animo communicare non noluimus. Superest, ut ea etiam, quæ circa illam insignem, atque longè exoptatissimam



nam Jovis Eclipsin nuper animadvertere, in eandem rem simul nobiscum intento amico nostro plurimum colendo, Præclarissimo D. Laurentio Eichstadio, nobis contigit, sic quorum maximè interest, non nescire faciamus. Utinam autem Cœlum nobis tum fuisset magis propitium, ut omnia & singula, quæcunq̃ue notatu summopere fuissent digna, ex animi sententiâ, deprehendere licuisset : sed res paulò aliter, quàm volebamus, cecidit. Principio quidem, Lunâ exoriente, Cœlum admodum affulgebat sudum; verùm paulò ante occultationis initium, exinsperatò undiq̃ue facies Cœli ita fuit omnino tectâ, ut sive Lunæ, sive ullius stellæ fixæ, neutiquam concederetur aspectus : hincq̃ue omnem ferè spem, hoc in observationis negotio, aliquid solidi perficiendi, perdidimus. Ex improvviso tamen, horam circiter nonam, cum dimidiâ, nubes prope Lunam, ex parte sunt dissipatæ, ut nobis in Cœlo oculos defixissimos habentibus, Luna sic satis clarè iterum appareret : at ubi interim Jupiter noster ? nusquam certè conspiciendus, ut ut ille Telescopii ope, studiosè quærebatur, planè ac si nunquam in illo amplissimo stellarum theatro extitisset. Unde sanè nihil aliud, quàm Jovem à Lunâ omnino tectum, absconditumq̃ue esse, conjicere fas erat. Quamobrem diligentissimè constantissimeq̃ue limbum Lunarem, præsertim occidentalem, ubi illius exitus sperabatur, contemplati sumus; ne non minimùm Jovis emerfionem, cum ejus occultationis initium, inclementia Cœli nobis denegasset, accuratè animadverteremus : id quod & feliciter hîc Dantis horâ scilicet 8. min. 39. sec. 30. nobis obtigit.

Profiliebat itaq̃; demum expectatus Jupiter ex umbrâ Lunæ, circa Petram Sogdianam, ad Sinum inferiorem Maris Caspii sitam; quo ipso momento, diligenter item attendi, cum quibus Maculis in facie Lunæ maximè conspicuis, ipse Jupiter emergens, in eâdem rectâ incederet lineâ : deprehendi autem id non solùm fieri, cum Petrâ Sogdianâ, sed & Freto Pontico, Monteque Ætnâ. Ideoque per istas Maculas, in figurâ quâdam primariâ, eo fine destinatâ, lineam duximus rectam; quæ illico simul initium occultationis accuratè nobis commonstrabat : quòd nimirum reverâ contigerit circa 100. limbi gra-

*Eclipsis Jovis  
ab Aut. re ob-  
servata.*

*Circa Pe-  
tram Sogdia-  
nam Jupiter  
emerfit.*



*Per quasnam  
Jupiter trās-  
iverit Macu-  
las?*

dum, circaque Montem Pentadactylum, in Mari Eoo situm : sic ut Jovis via translunaris incesserit, per prædictum M. Pentadactylum, M. Ætnam, inter M. Mysium & Olympum, per superiorem trium Montium Moschi, Fretum Ponticum, M. Caucasum, M. Tanconem, Petramque Sogdianam, juxta quam iterum exitus Jovis animadversus, ad 275. grad. scilicet limbi. Constat ergo, Jovis lineam itineris, subtenfam fuisse 175. graduum, attentâ videlicet parte inferiori, sive Australi; superiori verò, sive Boreali, 185. graduum. Non minùs verò etiam inde fit manifestum, conjunctionem hancce Jovis & Lunæ, fermè centram extitisse; quippe quòd tantum 40. sec. sub Lunæ centro, Jupiter se subduxerit: idque quod ex schemate subsequente, perquam dilucidè videre est.

*Conjunctio  
Jovis & Lu-  
næ propemo-  
dum fuit cen-  
tralis.*

Cæterum te scire quoque velim Lector, quòd hæc occultatio Jovis, non ipso tempore Plenilunii; sed secundâ demum circiter die ab oppositione acciderit: unde Lunæ discus minimè undique apparebat plenus, verum penè ad integrum decreverat digitum, ad plagam videlicet occidentalem: veluti ex sectione istâ luminis & umbræ A A, tum à nobis delineatâ, est in propatulo. Igitur facilè adhæc intelligis, primam Jovis emersionem, non ad ipsum confinium A A, sed 2. min. 15. sec. ulterius occasum versùs (tantò enim intervallo, tum confinium lucis, à vero Lunæ limbo, eo in loco, erat remotum) factum visamque esse.

*Quam pla-  
gam versùs,  
tum ingres-  
sus, tum egres-  
sus Jovis, ob-  
servatus fue-  
rit?*

Deniq; cum adjecta figura G G g \*, sive facies Lunæ, eandem prorsus præ se ferat inclinationem, quam eo ipso tempore emersionis, Luna obtinuit; inde utique cuilibet patet, initium ingressus, si Lunæ Cœlique constitutionem rectè consideres, contigisse circa Vulturum, in distantia 57. graduum à puncto Nadir; emersionem verò, circa Corum, in tot itidem graduum remotione, sed à puncto Zenith. Considerato autem perpendiculo nonagesimi, initium accidit, circa 69. gradum, à puncto superiori jam dicti perpendiculi distantem; finis verò occultationis, circa 69. gradum, ab inferiori puncto ejusdem perpendiculi remotum.

Postremò, quandoque denuò optima, per id temporis se se nobis



No. 1647, D. 21 Jan

No. 1646, D. 24 Dec.

GEDAN.

Anno 1646, Die 24 Decemb. A. n. Vesp.  
Septentrio.

Septentrio.





Fig. GGg\*.

Digiti Ediptici.



Author Sec. 15.





nobis offerebat occasio, veram proportionem diametri Jovis, secundum Maculas Lunares, examinandi; ideò quoque summis viribus sum annixus, ut certæ alicui Maculæ Jovem iterum æquarem. Lunâ itaque probè perlustratâ, inveni, eum cum nullâ omnino alia comparari posse Maculâ, quàm Monte Ætnâ; quanquam, cum rem strictiùs attenderem, vix Jupiter adhuc Ætnæ æquabatur: interim tamen diameter ejus paulò major, quàm Vallis Sinai, & minor tamen ut jam retuli, quàm vallis Ætnæ, deprehendebatur. Id quod itidem circa superiorem Eclipses observationem, Anno 1647. die 20. Januarii, animadvertimus. Ex quibus utique, haud magno labore, vera diametri Jovis quantitas, cognitâ videlicet proportionem vallis Ætnæ, & diametri Lunæ, investigatur: quæ proportio sanè se habet ut 1. ad 34. Jam, si diametrum Lunæ perigææ præsupponas esse 34. minutorum; sequitur sine contradictione Jovis diametrum tantum unico æquari minuto primo: quod perfectò optimè, cum observatione suprâ pag. 449. insertâ consentit. Si verò diametrum Lunæ perigæam minorem, cum Eximio P. Gassendo, 31 duntaxat minut. & 6. sec. statuas, diameter Jovis, vix certè 54. minut. 40. sec. constabit. Sed de his sufficiat. Nunc observationem ipsam occultati Jovis, ejusq; typum, cum in majori, tum minori formâ, adjungamus.

*Diameter Jovis quanta fuerit deprehensa?*

## Observatio Jovis à Lunâ tecti, instituta

GEDANI An. 1646. die

24. Dec. st. n. vesp.

	Altitudines.		Tempus		Tempus	
	Grad.	min.	supput.	per alt. corr.		
			Hor. / "	Hor. / "		
					8 39 30	Initium emersionis. Quo tempore M. Serrorum & Inf. Corsica, sub eadem lineâ deprehendebantur perpendiculari. Hincq; 340. grad. limbi culminasse constat.
1					8 50 0.	Jupiter tanto elongabatur intervallo, à confinio luminis & umbra, quâto M. Æt. à Sin. Salmidesso; hoc est. 6½ min.
2					8 53 0.	Distantia Jovis à confinio, erat aequalis distantia Insul. Besbica à M. Riphæis; hoc est 8. circiter minutis.
	Hum. Dex. Or.	34 50	8 58 20			
3					9 6 0.	Distantia Jovis à limbo lucido, æquabatur distantia M. Ætnæ à confinio occident. hoc est 17. min.
4	Pedis sinist. Or.	24 30	9 13 44			Distantia Jovis erat tanta, quanta distantia M. Porphyritis à M. Riphæis; tum temporis in ipso confinio sitis, id est 22. circiter minutorum.

O o o 3

Hum

5	Hum. luc. dext.	38	33	9	38	31
6	Limbi ☿ super.	29	52	10	4	42
	Limbi ♀ super.	30	44	10	10	52
	Jovis	31	50	10	16	14
	Martis	29	10	10	17	45
	Jovis	32	18	10	19	35
	Jovis	32	42	10	21	39
	Jovis	33	0	10	24	31
	Canis min.	32	10	10	27	56
	Canis min.	32	47	10	33	42
	Canis min.	33	7	10	36	50

*Jupiter tanto spatio à confinio, quanto abesse videbatur confinium lucide & obscura partis, ab ei appposito limbo orientali; hoc est 31. min.*

*Jupiter à confinio 40. circiter min. removebatur.*

De cætero autem, si scire quispiam etiam cupiat, quodnam planè occultationis Jovis fuerit auspiciū, licet mihi ipsi ob causam supra dictam, id animadvertere oculis non licuerit, nihilominus tamen id mysterii facilè omnibus propalabo.

*Initium occultationis*

*Jovis Regiomonti observatum.*

Sed quomodo inquires, videtur enim id quasi impossibile? minime certè. Nam, quod id feliciter fieri possit, efficit Doctissimi M. Alberti Linemanni, amici nostri haud vulgaris, observatio, Regiomonti in Borussia nostrâ feliciter suscepta, cui, nescio quâ meliori fortunâ, initium illud Jovis occultationis, præ nobis observare obtigit, quod, sicuti ex literis ejus humanis percepi, incidit ibidem, cum Humerus sinister & præcedens Orionis altus esset 29. grad. 31. min. hoc est, hor. 7. 53. min. 3. sec. Quo de tempore, si differentiam Meridianorum 7. min. 30. sec. inter Dantiscum & Regiomontum, quamplurimis fide dignissimis observationibus multoties stabilitam, subduxeris, remanebit verum principium ingressus hîc, scilicet Dantis- ci, hor. 7. 45. min. 33. sec: egressus verò à nobis deprehen- sus horâ 8. 39. min. 30. sec. Ex quibus utique fit, quòd mo- ra obscurationis Jovis ad 54. propemodum minuta temporis se se extenderit: id quod hoc loco tacere, & silentio suppri- mere planè nefas duximus. Restat autem, ut nos ad transi- tum Jovis Anno 1647. die 21. Januar. (eâ scilicet ipsâ nocte, quâ Eclipsis Lunæ superior ingruerat) animadversum, confe- ramus; cum non minùs annotari sanè mereatur, quò simul ob- servationum cœlestium tironibus pateat, quâ viâ hunc obser- vaverim transitum, simulque omnes de Tabularum nostrarum perfectione, eò tutiores esse possimus. Cujus transitus typus, tam in figurâ F F f\*, quàm in antecedente G G g\*, omnium oculis subjicitur.

*Transitus Jo- vis Dantis- ci observatus.*

Tran-



## Transitus Jovis, observatus

G E D A N I,

Anno Christi 1647. die 21. Januar. mane st. n.

	Altitud.	Tempus		
	Arcturi. Gr. min.	Hor.	supputatum. / //	
1	36 53.	2 6 49		Distantia Jovis à limbo ☽, deprehendebatur 40. circiter minutorum.
2	33 29.	2 18 21.		Distantia ♃ à limbo ☽, aequabatur diametro ☽, seu 34. minutis.
	39 48.	2 33 0.		Montē Carpatem & Byzantium, sub eadem lineâ perpendiculari animadvertimus : hincq; constat. 35. grad. limbi culminasse.
3	44 - 48.	2 33 45.		Mars cum centro Luna in perpendiculo observatus.
		3 6 15.		Jupiter à limbo ☽, non removebatur majori interstitio, quàm M. Ætna à limbo ☽ infer. hoc est 21. circiter min. Tumq; Jupiter cum M. Porphyritis atq; Ætna, rectam omnino constituebat lineam. Id quod circa tales stellarum transitus summa- pere dignum est observatu. Hoc enim si rectè attendatur, profectò nunquam non certus esse poteris, à quâ parte limbi distantia sit numeranda ? contrâ, si id neglexe- ris, in cassum laborabis.
4	46 16.	3 18 7.		Jupiter distat à limbo Luna, tanto scilicet intervallo, quanto Insula Besbica, à M. Porphyrite, hoc est 15. min. In rectâ verò lineâ deprehensus Jupiter cum Inf. Cor- sicâ atq; Insul. Besbicâ.
5		3 45 0.		Distantia ♃ paulò major, quàm intervallum inter Mare Mediter. & limb. Orient. Luna, circa Inf. Cercinnam animadversa. Quo simultempore ♃ recta incedebat cum Lacu nigro majori, itemq; Inf. Besbicâ.
6		3 57 0.		Luna cum ultimò observaretur, summum à Jove 7. min. elongabatur. Postmodum Lunam minimè ampliùs observare nobis concessum, cum Cælum un- diq; nubibus densissimis obumbraretur.

Ex quibus utique observationibus, ut & iis, quæ passim à nobis dicta sunt, satis superque (præsertim illis, qui rem altiùs perpendunt) colligere haud obscurè licet, quòd isthac ratione hujuscemodi observationes, multò certè accuratius, quàm quidem olim, possint administrari; ita, ut sanè nullus dubitem, si ab omnibus & universis rerum cœlestium Spectatoribus, pari modo & attentione suscipiantur, quin in magnum reipublicæ literariæ emolumentum vergant; imò, non solum Lunæ motum, quàm accuratissimè examinandi corrigendique, sed & ex initio & fine stellarum occultatarum, longitudes locorum inve-  
stigandi, uti jam superiùs monuimus, exoptatissima detur occasio.

Fateor equidem, rerum Astronomicarum peritos, Virosque alios præstantissimos, nullo non tempore, omnes ingenii nervos viresque unicè in id intendisse, ut vario modo locorum longi-  
tudes explorarent : verùm quot quot hucusque inventi fue-  
rint adhuc modi, nullus profectò tamen me judice est antefe-  
rendus ei, qui per Eclipses atque stellarum occultationes (eâ

Mathemati-  
ci magnopere  
allaborarunt  
viâ diversâ  
longitudes  
investigare.

*Quantum  
hactenus fuit  
compertum,  
omniū opti-  
mè per Ecli-  
psas & occul-  
tationes stel-  
larum inda-  
gantur.*

expressâ lege, si exquisitè admodum ab omnibus, cumprimis viâ prædictâ, suscipiantur) peragitur. Interim hoc unicum tantummodo optandum esset, ut ejusmodi observationes frequentius, quàm quidem hactenus accidit, suscipiantur & conferantur! quamobrem quidem summoperè erit necessarium, ut summis annitainur viribus, quò adhuc alia insuper ratio venandi atque determinandi longitudes (per quam quotidie, ubivis locorum, quandocunq̃ue placuerit, id fieri possit) detegatur. Atque sanè de eo nullum est dubium, temporis progressu, hunc modum ab industriis gnavisq̃; ingeniis magis magisque excultum, & ad suam perfectionem iri redactum.

*Luna ad lon-  
gitudes in-  
quirèdas ma-  
ximè est uti-  
lis.*

Equidem certo certius esse potest, Lunam præ reliquis omnibus stellis, ob ejus velocissimum motum, huic negotio maximè esse accommodatam, adeò ut adhuc infallibilis medium quoddam sit, quàm per Maculas Solares, vel Joviales, si tantum viâ eo rectâ deducere incederemus: ad quam ut perveniamus, ope hujus Selenographiæ, diversos insuper modos nuperimè à me excogitados, longitudes explorandi, omnibus rerum Mathematicarum peritis exhibebo; non quidem, ac si hæc insiderit animo meo sententia, à me nuncupandos modos, esse planè illos ipsos, per quos id unicè oporteat possitque perquam certissimè explorari; minimè; sed, quòd forte, ut penitus mihi persvadeo, ejusmodi sint, qui minimùm non minoris habendi, si non cæteris hactenus excogitatis, atque orbi literario hucusque cognitis (exceptis iis tamen modis, qui per Eclipses occultationesque stellarum instituuntur) sint anteferendi; & quidem ita comparati, ut temporis tractu, atque Astronomorum penitiori investigatione, certiores perfectioresque reddi non nequeant. Quod ut faciant præstantissimi quique artifices, in id, ut pro virili allaborent, omnes ac singulos, propter communem rei Mathematicæ commodum, etiam atque etiam admonitos rogatosque velim; spe certissimâ fretus, adhuc multò majora certioraque à quopiam alio, quàm quæ jam jam palàm faciam, detectū iri posse: quippe qui nec postremo Matheseos vero cultori, Siderumq̃; scrutatori dextro, me nunquam anteponam.

Prima autem ratio, opinione nostrâ, longitudes inveniendi  
haud



haud ita absurdè institui poterit, Lunæ inclinationem, sive gradum limbi verticalem, investigando. Luna namque à primo exortu, usque ad occasum, inclinationem, sive gradum verticalem, continuè variat; nec minùs angulum circuli verticalis orbitæque suæ; & quidem non adeò multo tempore satis velociter: quare fieri utique poterit, exactè scilicet invento verticali gradu, altitudineque alicujus fixæ exploratâ (præsertim, si id à diversis observatoribus attendatur) ut isthoc pacto longitudo locorum investigetur feliciter:

*Nova ratio, longitudines scrutandi, deditur.*

Quæras autem forsan, quomodo gradus iste Lunæ verticalis, ex inclinatione mobilis, quocunque tempore, exploretur? scias, id fieri apprimè posse, cognitâ duarum insignium Macularum (sive id sint Montes, Insulæ, Promontoria, Sinus, Lacus, sive Paludes, perinde est) Tubospicilli beneficio, perpendiculari lineâ; hoc est, si probè attendatur, quando duæ certæ Maculæ, ad perpendicularum examinatæ, prorsus erectæ stent: quo explorato, atque auxilio quidem versatilis Plenilunii, sicuti jam paulò antè, circa observationes Lunarium Eclipsium, significavimus, haud magno negotio gradus ille limbi verticalis innotescit. Quod si regeras, lubricum admodum esse, nudâ oculorum acie, nullo alio adminiculo adhibito, id, quod quæritur, explorare, ut periti, planè omni ex parte certi, de re istâ esse possint? fateor igitur ego, minùs inexercitatum observatorem, hîc facilè isthac viâ ineuntem, impingere; ut contrâ, veteranum aliquem observatorem minimè item à verâ aberrare posse viâ, omnino mihi dandum est. Nihilo tamen secius, ne non cuilibet, ratione infallibili hujus vel illius Maculæ, situm perpendicularem (qui saltem aliqualem faciei Lunaris cognitionem habet) dimetiri liceat; modum, candido Lectori, recens à me inventum aperiam, quique itidem ad phasium inclinationes, Eclipses tempore animadvertendas, valdè commodè adhiberi poterit.

*Quomodo gradus Lunæ verticalis investigetur?*


Initio scire velim, me perpendicularum quoddam Perspicilli vitro concavo applicare, cujus beneficio duarum Macularum situm perpendiculis discernitur. Simplex quidem filum ne-  
tquam sufficit; cum id oculo admoto satis dignosci nullatenus possit;

*Alia infallibilis ratio, Macularum situm perpendicularem, sive gradum Lunæ verticalē, quovis tēpore indagandi.*



possit; multò verò minùs ejus ope lineam perpendicularem duarum Macularum licet examinare: verùm necesse est, ut aliud quiddam sit in promptu, peculiare scilicet instrumentum, quod concavo Tubi vitro, tanquam oculo viciniore, aptetur; & ita quidem, ut nobis continuè lineam perpendicularem, absq; omni remorâ, aberrandiq; periculo, in quâcunq; Telescopii elevatione, sive directione, indicare queat. Quamvis id verò, paratu valdè difficile primâ fronte videatur; attamen facilè parabile est, sicuti haud grave erit, modum construendi illud, in sequentibus, cupido Lectori palàm facere.

1. Cura fieri annulum æreum seu ex orichalco a, hujus circiter latitudinis altitudinisq; prout in subjectâ figurâ vides, ut



*Fabrica cu-  
jusdam in-  
strumēti, per  
quod longitu-  
dines Ecli-  
psesq; modo  
haud vulga-  
ri, annotari  
possunt.*

commodè Tubo, eo videlicet in loco, ubi lens concavo hæret, aptari, trochleisque illis tribus c, firmari possit. Utrique lateri hujus annuli, duæ vaginulæ b jungantur, ut in iis duo brachiola d, efflagitante necessitate, immitti, ac pro lubitu sursum deorsum moveri, longiusque evaginari, trochleisq; iterum illis duabus b, sine ullâ difficultate, ad motis roborari non nequeant.

2. Alius



2. Alius insuper orbiculus *f* fabricetur, qui duos habeat polos *m*, circa quos, brachiolis illis *d* sustentus, liberè, nulloq; negotio, in orbem circumvolvi queat.

3. Qui orbiculus *f*, ex quatuor partibus construatur, in quo lamella *q*, *n*, *p*, *q*, semicircularis, ope cujusdam perpendiculari *l*, quàm facillimè circumduci, & ad quemcunq; Tubi positum, perpendiculariter erigi possit; quod haud difficulter sic fieri poterit: lamella orbicularis *h*, formâ planè *f* simillimâ, cingulo exiguæ latitudinis circumdetur; cui orbiculo *h*, postmodum annulus *k* affigatur, super quem, lamella altera orbicularis *f*, imponi, firmiterq; includi, spatio intus manente quodam libero, possit.

4. Lamella *p* semicircularis tenuissima, (vel, quod certis de causis præstat, illam ita fabricabis, ut semicirculum nonnihil, velut hîc vides, excedat) per centrum *n*, habens aciculam loco axis pertranseuntem, illi priori orbiculo adornato, intusq; quasi excavato, inferatur; ita quidem, ut istæ aciculæ per centra *i* & *g*, orbiculorum *h* & *f* prorsus transeant: isthoc enim modo, liberè in gyrum, lamella illa semicircularis *p*, (dummodo spatium intra quod moveri debet, satis sit amplum, foraminaq; in quibus Poli illi inclusi, itidem satis lævigata) circumducetur.

5. His sic concinnè apparatis, perpendiculum aliquod *l* haud exigui ponderis, beneficio istius uncinulæ *o*, lamellæ plusquam semicirculari circumvolubili appendatur; quod ut facile & quàm citissimè succedat, utroq; in extremo, duo parva foramina *q*, lamellæ inferi jubeas.

6. Appenso perpendiculo, totoq; instrumento ad Tubo-  
spicillum, trium trochlearum ope, firmato, duos inprimis motus, huic instrumento proprios animadvertes; primò, motum beneficio axis *m*, horizonti parallelum, secundò, motum ope aciculæ *n* quendam verticalem, seu perpendicularem: hincq; adminiculantibus his motibus, latus rectum *r r* lamellæ *p*, ad quemcunq; Tubi positum, sive elevationem, perpetuò perpendiculum repræsentabit.

7. Oculo itaq; huic instrumento, quod firmiter est Te-



lescopio annexum, admoto, liberumque motum perpendiculari circumvolubili lamellæ relicto, faciem Lunæ, Maculasque ejus contemplare diligenter; dein attende, quænam Maculæ ad normam hujus lamellæ lateris  $r\ r$ , (quod accuratè distincteque admodum, oculo huic armato dijudicare permittitur) in lineâ perpendiculari, omnino appareant erectæ. Eodem momento temporis, cum duas Maculas sic fitas esse deprehendis, altitudo simul alicujus stellæ fixæ, operâ alterius observetur, quæ diligenter, cum nominibus illis Macularum perpendiculariter erectarum, annotetur.

8. Cum verò Lunâ in perpetuâ inclinatione, ab ortu ad occasum usque, ob motum diurnum deprehendatur; hinc evenit, ut continuè aliæ, atque aliæ diversæ Maculæ, sub perpendiculari lineâ se se objiciant: convenit igitur, unâ observatione non esse contentum, sed plurimas ejusmodi Maculas, cum competenti altitudine, summâ curâ acquirere; eum quidem in finem, ut si alteri observatori, sub aliâ diversâ loci latitudine, priores Maculas sic constitutas deprehendere non licuisset, tunc unam tamen atque alteram saltem postremarum annotare integrum procul dubio fuit.

*Paradoxa.*

9. Circa quas observationes, duæ res diversæ admiratione maximè dignæ occurrunt: primò, quòd, quamvis lamella supra dicta circumvolubilis, dimidiam partem pupillæ tegat, nihil prorsus tamen visui id noceat, nec quicquam detrimenti adferat. Secundò, quod semper illam partem objecti visu apprehendamus, quæ à lamellâ tegitur; & contrâ illam partem minimè videamus, quæ patet. Exempli gratiâ, si lamella illa à dextris pendeat, Lunam dum spectamus, tunc certè non sinistram, ut quidem jure deberet, medietatem ejus cernimus, sed dextram, scilicet illam tectam. Unde verò hæc apparentia ducat originem, & quid id fiat? videbitur fortè aliquibus, præsertim rerum Opticarum ignaris, res esse magni momenti, genuinam nimirum rationem primâ statim fronte hujus paradoxii determinare. Adeant igitur, si velint, Opticos, qui inter cætera miraphænomena, & hoc illis planius reddent; quandoquidem instituti mei ratio, id hujus loci pluribus pertractare, ac demonstrare



strare non permittit : nam nos nunc ea, quæ circa nostram observationem longitudinum attendi debent, ulteriùs persequemur

10. Quod si autem impofterum Mathematici, hanc longitudes investigandi rationem à nobis explicatam, tanti æstima-  
maverint, ut hujus ope istud aggredi visum sit; tunc hoc in-  
primis summè erit necessarium, ut omnes observatores, sibi  
priùs Tabulam Angulorum verticalis & orbitæ Lunæ, ad  
quemcunq; Eclipticæ gradum, & quidem ad illum ipsum ho-  
rizontem, in quo observationes institui debeant, constructum  
eant; eò, quò neminem lateat, beneficio hujus tabellæ, quonam  
tempore tales observationes sint suscipiendæ? id quod sanè fit  
tempore maximè opportuno, quando scilicet angulus antedi-  
ctus, quàm velocissimè se se variat; contrà Maculæ Solares nul-  
lo alio tempore meliùs, quàm eo observantur, cùm angulus ver-  
ticalis & Eclipticæ parùm admodum mutatur. Angulus enim  
orbitæ Lunæ & verticalis, hac horâ plus, aliâ minùs, ut Astro-  
sophis innotuit, variatur. Illo igitur tempore, ubi majori &  
velociori variationi angulus iste est obnoxius, accuratiùs lon-  
gitudes investigare opportunum erit.

*Ad longitu-  
dines inveni-  
endas necesse  
est, ut con-  
struatur Ta-  
bula Angulo-  
rum vertica-  
lis, & orbitæ  
Lunæ.*

11. Necesse quoque est, ut Astronomi certos constituent  
inter se dies, fanciantque, in quibus ejusmodi observationes, sin-  
gulis mensibus, Cœlo sereno instituere, atque omni tempore  
continuare non nolint; ne alter hoc die, alter alio hunc la-  
borem aggrediatur; quod si fieret, operam certè omnem per-  
derent. Etenim singulis diebus, Cœlo annuente, observatio-  
nibus invigilare, opus foret profectò tædiosissimum: optandum  
igitur tantum est, sicuti modò diximus, ut certi dies ad obser-  
vationes celebrandas decernantur. Exempli gratiâ, si rerum  
gnaris ita videbitur, non absolum erit, ut arbitror; primò,  
tempore crescentis Quadraturæ; deinde ultimâ ante, & primâ  
post oppositionem die, ut & tempore Quadraturæ decrescen-  
tis observationibus vacare. De quo, si inter omnes conveni-  
ret, tunc certè perrarò alicujus observatoris labor foret frustra-  
neus: quin inde, brevi temporis intervallo, & in Astrono-  
miam, & in Geographiam, magnam sanè utilitatem redunda-  
re posse, certum est.

*Certi dies ad  
observationes  
suscipiendas  
constituantur.*

*Quonam tẽ-  
pore magis  
conveniat, ob-  
servationibus  
operam na-  
vare?*



*Quænam Ma-  
culæ, circa lon-  
gitudinum  
observanda-  
rum negotiū,  
inprimis at-  
tendi debeant?*

12. Cui negotio non parùm quoque adferet momenti, si certæ Maculæ Lunares essent præscriptæ atque electæ, quæ, præter cæteras, observari deberent, ut ne aliter iterum has, aliter alias attenderet. Meo autem judicio, sequentes, propter situm commodissimum, atque majorem eminentiam, valdè his observationibus erunt accommodatæ, utpote : 1. Lacus niger major, & Mons Ætna. 2. Mons Ætna, Insulæque Creta. 3. Mons Ætna, cum Monte Sinai. 4. Lacus niger major, cum Insulâ Corficâ vel Vulcaniâ. 5. Lacus niger major, cum Insulâ Besbicâ. 6. Mons Serrorum, itidem cum Insulâ Besbicâ vel Bizantio, vel Insulâ Cyaneâ, vel Insulâ Apolloniâ; atque aliæ his similes Maculæ valde conspicuæ, quas nobis ipsa observatio ultrò deteget.

*Quomodo ra-  
tio longitu-  
dines investi-  
gandi, modò  
explicata, ex-  
aminari pos-  
sit?*

13. Cùm itaq; hoc modo, in diversis regionibus, observationes accuratè fuerint administratæ, continuè reiteratæ, atq; cum aliorū observationibus collatæ, mox utiq; elucescet, num longitudo ex illis derivata, semper sibi similis prodeat. nam id si fiat, certo est indicio, modum observandi esse certissimum, observationesq; pariter quàm diligentissimè esse peractas; sic, ut de earum certitudine nullatenus sit dubitandum. Insuper verò adhuc alia superest ratio, superiorem modum examinandi; quo non neglecto, haud difficulter omnis error, si quidam irrepfit, facilè deprehendetur: si nimirum duos inter bene exercitatos observatores, qui modum huncce periclitari vellent, conveniret, in duabus longè distitis regionibus, & Meridianis, quorum differentia, ex animadversis Eclipsibus, jam optimè perspecta esset, hac jam traditâ viâ, discrimen longitudinis explorare & cognoscere, an posteriores observationes, per Lunæ Maculas acquisitæ, prioribus per Eclipses deprehensis, omnino respondeant: quod si enim planè nullam differentiam deprehenderent, infallibile esset argumentum, rationem nostram Orbi literario in præsens commendatam, esse certissimam; sin verò tamen differentia quædam animadverteretur, (quod vix spero, modò observationes tantum dextrè accurateque, prout negotii gravitas hoc flagitat, administrentur) necessarium erit, ut operam demus, quò modum istum novis inventionibus cer-



certiorem, tutioremque reddere possimus. Nihil verò addubito, quin hac viâ minimùm locorum, longè ab invicem distantium, longitudes, optimè investigare liceat : nam de cætero, utrum æque bene locorum viciniorum, atque remotorum differentiam, quoad longitudinem explorare detur, nec ne? id experientiâ nos docebit. Iterum autem atque iterum circa hanc praxin notandum erit, quòd, nisi hujuscemodi observationes à sedulis & diligentissimis contemplatoribus, omnia etiam minima attendentibus, & perfectissimæ notæ Telescopio instructis peragantur, impossibile sit futurum, ut propositam, (quod & in Ecclipsibus animadvertere est) attingamus metam.

14. Ex quibus quidem, quæ breviter dicta sunt, cuilibet, ut judico, patebit, quomodo longitudes à diversis observatoribus, in statione diversâ, explorari non nequeant? nunc pariter optandum esset, ut omnibus & singulis ubivis locorum degentibus, ex unico statim Macularum Lunæ aspectu, nullo non tempore, id indagare commodum esset; sic enim certè, non solùm Astronomiæ, & Geographiæ, sed & imprimis rei Nauticæ, maximè foret consultum; dum scilicet Nautæ, oceanum illum magnum navigantes, quâcunq; nocte serenâ, id ex Lunæ facie, certò petere possent, quod aliàs magno labore tantùm & conjecturâ assequuntur. Quod inventi, ut nos hætenus fugit, & inmensam promittit utilitatem; sic certè meretur, ut quilibet omnem moveat lapidem, quò eo demum aliquando gaudeamus. Et quamvis non confestim primo conatu rem acu tetigerimus, nihilominus tamen, quòd studium atque operam nostram hoc in negotium, publicamque salutem conferre, pro nostrâ tenuitate, non detrectaverimus, laudem utique sanè merebimur. In magnis & voluisse sat est. Quod cum & meo subinde obversetur animo; idcirco, in quantum ingenii mei imbecillæ vires se se extendunt, huic studio subveniam.

Primò autem hoc negotii minimè malè, meo judicio, successurum spero, si priùs adhuc alia Tabula construatur, nimis Ex unicâ statione, quovis tempore atq; loco, longitudes, bene scio Macularum, indagare. rum inclinationis disci, seu Macularum Lunæ, ad singulos gradus cujuslibet signi, & ad quamcunq; diei horam; ut & non minùs si possibile, ad semihoras, & horarum quadrantes, & ad hori-



horizontem quidem Uraniburgicum; ne non scilicet tabulæ illius beneficio, cognitoque vero Lunæ loco, & die horâque datâ, veram istius temporis inclinationem Lunæ Uraniburgicam explorare possimus. Non enim te præterire potest, mi Lector, Lunam ob motum diurnum, continuè se se aliter atq; aliter, sicuti jam sæpius inculcatum, inclinare; & ita quidem, ut in quolibet diverso horizonte, aliam atque aliam inclinationem, sive faciem nobis exhibeat. Hincque Luna, hac horâ, in nostro horizonte, sic inclinatur, aliter verò in alio; adeò ut perpetua differentia animadvertatur. Ut autem mentem meam plenius explicem; scias, me per inclinationem Lunæ intelligere gradum istum limbi Lunæ, qui certo tempore existit verticalis: hic, inquam, gradus verticalis Lunæ limbi, omni tempore respondens, ad horizontem nimirum Uraniburgicum supputetur, atque in debitum locum ejusdem Tabulæ construendæ referatur: quomodo verò beneficio Plenilunii versatilis, hic dictus gradus verticalis investigetur, capite 26. docuimus, quò lectorem remitto.

Secundò, Tabulâ hac ita accuratè constructâ, recteque adornatâ, porrò observatio nostra sic instituetur: nocte aliquâ serenâ, horâ itidem quâcunque volueris (præstat tamen id fieri circa Lunarem exortum, vel occasum, ob velociorem scilicet inclinationis mutationem) Lunam studiosè considerabis, hoc est, attendes diligenter, ope adhæc Telescopii instrumento perpendiculari aptati, quando duæ aliquæ insignes Maculæ, lineam omnino perpendicularem constituent, simulq; eo ipso momento, altitudinem alicujus fixæ investigabis, ex quâ, ut & altitudine Poli, tempus, observationis beneficio calculi Trigonometrici, accuratè colliges. Quibus quidem perspectis, quære insuper adminiculantibus Maculis duabus animadversis in Plenilunio versatili, prout accepisti cap. 26, gradum Lunæ limbi, qui id temporis fuerit verticalis. Deinde, ex Ephemeridibus, si id ex Tabulis perpetui motus, temporis scilicet redimendi gratiâ, supputare nolueris, itidem inquire verum Lunæ locum, tum, quâ longitudinem, tum quâ latitudinem. Quo etiam cognito, accede hoc vero loco Lunæ, ad Tabulam illam inclinationis, &

ita



ita parte proportionali, si opus, minimè neglectâ, quære, quânam horâ, ille ipse inclinationis, seu verticalis limbi gradus Uraniburgi reperiatur? quod si, exempli gratiâ, invenias contigisse horâ duodecimâ; tu verò beneficio Macularum id accidisse horâ decimâ animadvertas; certum erit indicium, differentiam Meridiani istius loci, in quo observationem peregeris, duarum esse horarum, & quidem tot horis Meridiano Uraniburgico orientaliorem, cum Maculæ citiùs ad perpendicularum venerint, quàm Uraniburgi; quando verò id tardius accidisse deprehendes, tunc locum istum altero esse occidentaliorem, rectè omnino judicas. Quâ utique ratione, quilibet hominum, isque solus, nullis aliis observationibus adhibitis, Tubo Optico, instrumento perpendiculari armato, per Maculas Lunares, quâcunque nocte serenâ (Lunâ quidem lumine sufficienti splendente) horâque quâcunque voluerit, longitudes non poterit non indagare; eâ tamen expressâ conditione, si observationes exquisitè ab observatore exercitato, Tabulamque inclinationis ad Meridianum Uraniburgicum possidente, administrentur. Videbitur quidem Lectori, talem construere Tabulam esse artis laborisque haud exigui; sed ut ut sit, nihilominus tamen optimè confici poterit, imò meretur, ut perficiatur, dummodo modus antè dictus longitudes investigandi, Mathematicis arriserit. Et quanquam amplissima evadet Tabula, ratione scilicet diversæ Lunæ latitudinis, retrocessionisque Nodorum; attamen diligentia constantiaque; & hic labor ab indefessis nimirum rerum Astronomicarum Calculatoribus facilè superabitur. Quis enim nescit, æque difficilia opera superiori tempore esse confecta, qualia sunt verè gigantea illa, utpote inter cætera annorum multorum diversæ Ephemerides, Tabulæ perpetuæ; ut taceam, opus illud Palatinum, Canonem illum magnum Logarithmorum Flacci, & alia, quæ si omnia & singula recenseri deberent, tempus certè & charta penè deficeret? quidni ergo ejusmodi quoque construeretur Tabula; præsertim si in commodum emolumentumque rei literariæ, totiusque orbis vergere non nequeat. Quod si verò præter spem nullus prodierit, qui hunc laborem aggredi audeat, tunc certè & meam



operam hac in parte, dummodo DEUS vitam sanitatemque concesserit, spontè polliceor: penitus persuasus multò levius istud fore onus, quàm hoc ipsum Selenographicum, quod cum Numine mihi sumfi.

*Alter modus  
longitudines  
inveniendi.*

Sequitur enimvero, ut alium quoque modum investigandi longitudes explicemus; qui licet, meâ opinione, priori aliquantò sit inferior, nihilominus ostensum dabo, quòd differentia Meridianorum in locis præsertim remotis, non minùs per hunc, ac per superiorem, explorari queat. Hunc verò, nobis suppeditabit inclinatio cornuum Lunarium bene attenda. Et enim, cùm & hæc in phasibus crescentibus, magis magisque continuè horizontem versùs declinent; contrà in phasibus decreascentibus, plus plusque se se erigant: utique sperandum & hac viâ aliquid certi determinari posse; modò accuratè admodum, ut quidem debent, cornuum inclinationes observentur; namq; in hoc totius rei cardo vertitur. Quomodo verò hæc inclinationis determinatio institui debeat, jam jam edisseram. Primò enim, id satis feliciter fieri poterit, meâ sententiâ, adminiculo cujusdam Astrolabii pendentis, si ejus regula exactè, ad inclinationem utriusque cornu dirigatur: vel secundò, quod ferè idem, ope semicirculi tripodi affixi, cujus diameter, vel ejus linea, quando rectè ad cornua inclinatur; tunc illico, ex appenso perpendiculo, apparebit, quanta sit inclinatio in gradibus & minutis, cornu scilicet superioris à puncto Lunæ verticali. Quæ inclinatio cornuum, si unâ die aliquoties observetur (præsertim eo tempore, quo inclinatio omnium maximè existit variabilis) cum altitudine fixæ alicujus, ad verum scilicet tempus eruendum; atque item aliis in Regionibus, ab observatoribus diversis; non hæreo, quin sanè haud minus aliquid certi hac in parte elici possit. Imò & unicus observator, hac inclinatione aliquoties probè riteque animadversâ, atque, adminiculo Plenilunii versatilis, inquisito gradu Lunæ limbi, circa id temporis verticali, temporeque rectè ex altitudine alicujus fixæ annotato, ex illâ ad horizontem Uraniburgicum construendâ Tabulâ inclinationis Macularum Lunarium, longitudinem cujuslibet loci pariter hac ratione proditum ibit.

Ad



Ad quas observationes viâ modò dictâ instituendas, itidem magnoperè erit opus, ut rerum Astronomicarum periti, certos dies, quibus hæc peragenda sint, præscribant, constituentq;. Ut mea verò fert opinio, illi sunt maximè eligendi dies; qui scilicet primam apparitionem sequuntur, usque ad primam quadraturam, & iterum à quadrâ ultimâ, ad ultimam apparitionem usque se ordine excipientes. Quæ quidem investigatio inclinationis cornuum, penè subtiliùs, Perispicillo, instrumento illo perpendiculari armato, explorabitur; eoque magis, si huic instrumento, semicirculum quendam, in gradus divisum adjeceris; quò lamellâ perpendiculari circumvolubili ad inclinationem cornuum directâ, perpendiculum ei appensum, gradus minutaque indigitare simul queat.

Reliquum autem est, ut brevibus etiam tertium modum, longitudes scrutandi, expediam; quem, si ita videbitur, hac viâ aggredieris. Inspice Lunam crescentem Telescopio adhibito, tempore quocunq; volueris, cum primis confinium ejus luminis atque umbræ diligenter contemplare; quando scilicet hujus, vel illius insignis Montis vertex, primum à Sole illuminatur; simul verò illud momentum temporis ex altitudine, vel si aliter fieri nequit, ex automate quodam correcto annotabis: è contrario si Luna decrescens observabitur, attendendum, quando hic vel ille Mons penitus obumbratur; quod equidem multò certius, ut judico, fieri poterit, quàm primam cuspidum Montium illuminationem certò dijudicare. Cogita enim ipse, quàm facilè error haud exiguus, atque confusio permagna, eo ipso, dum aliam planè quàm volueris, illuminatam cuspidem apprehendis, oriri possit. In phasibus verò decrescen-  
 bus tale quid minimè metuendum, dum videlicet id ipsum ante oculos versatur, cujus ultimam apparitionem attendere animus est. Accedit & hoc, quòd quotiescunq; visum fuerit, hoc ultimum aggredi liceat; ad prius verò per crescentes phas-  
 es exequendum, nonnunquam multam noctem impendere opus sit; quod profectò nulli non observatori, ut ut sit laborum vigiliarumque patiens, nimis foret molestum. Præterea autem notandum, ut non minùs, ad hanc explorandi longitudes ra-

*Tertius mo-  
 dus, longitu-  
 dines loco-  
 rum investi-  
 gandi, detegi-  
 tur.*



tionem, à Mathematicis certæ Maculæ denominentur, ad quas unicè omnes spectatores, certo constituto tempore, oculos dirigant. Conduceret itaque omnino, ut non multæ, sed paucissimæ, è reliquarum numero videlicet maximè eminentes, ad hoc negotium destinentur : quo ad tum obvias, nemo non alacrius & promptius adjiciat oculum. Enimverò si nullæ certæ Maculæ essent denominatæ, sed promiscuè attenderentur omnes, fieri posset, ut modò hic illam, modò ille aliam apprehenderet; ex quo postmodum Astronomiæ & Geographiæ minimè consultum iretur. Quam ob rem inter cæteras valdè conspicuas, has putem Maculas, ob commodiorem situm, esse eligendas : 1. Inf. majorem Caspii. 2. Montes Macrocmnios. 3. Montem Serrorum atque Carpates. 4. Insul. Besbicam. 5. Montem Sipylum atque Didymum. 6. Montem Sinai. 7. Lacum nigrum majorem. 8. Montem Ætnam. 9. Insul. Cretam. 10. Montem Porphyritem. Hæ namq; si ad hoc opus destinentur, sancianturque, fermè quotidie observatio circa quamlibet phasin foret expectanda. Et tantùm dicere breviter volumus, de tribus illis diversis rationibus, quæ nostræ occurrere menti, longitudes locorum, per Lunæ Maculas investigandi. Potuissent quidem certè fusiùs pertractari omnia, si præsertim fundamentum, ordinemque construendæ, quam diximus Tabulæ, tradere voluissemus; nec non verò pleniorum instrumentorum descriptionem, utpote : Astrolabii penduli, semicirculi, superiori organo perpendiculari armati: verùm, brevitati cum studeamus, tempusque penè instet, ut speciali huic Selenographiæ in universum finis imponatur, in alium locum hæc rejiciantur. Tum quoque opinor, nobis priùs peritiorum de his, quæ jam exposuimus, expectandum esse judicium. Qui si, quæ prolata sunt, tanti esse putaverint, ut optent ea pleniori commentario illustrari, peculiare aliquoddam opusculum in eam sententiam, & libenter, & primâ quidem occasione, esse me conscripturum cum DEO, ingenuè promitto.

*De Globo Lunari  
artificiali  
conficiendo.*

Denique tamen priusquam receptui canamus, pauca adhuc adjicienda sunt, de conficiendo Globo Lunari; qui ut spero, non solum Astrophilis hinc inprimis gratus accidet, quod in



eo omnes & singulæ Maculæ Lunares distinctè animadverti possint, nominaque simul memoriæ mandandi optimum sit medium; sed quòd & omni etiam tempore, cujuscunq; diei phaseos nativa facies, nec non motus librationis, unicuiq; quàm optimè clareque sub oculos poni eo se non nequeat: quomodo videlicet Luna, circa certum axem, ex parte libretur, ac inclinatio quovis tempore se se habeat; in summâ Globo isto, Plenilunii loco versatilis commodè uti licebit. Et hæc quidem omnia ad observationes Lunæ Eclipsium, stellarumque occultationes, partim etiam ad longitudes locorum investigandas, non minùs utilissimum, quàm accommodatissimum nobis esse videtur.

I. Cujus circa fabricam globi artificialis inter cætera hæc veniunt animadvertenda. 1. Quòd Maculæ Lunares, in hoc globo, eo planè modo occurrant expressæ, quo in Tabulâ Selenographica phasium generali R, illas adumbratas vides. 2. Singulisq; Maculis nomina competentia addantur: 3. Pariter etiam hic globus, annulo orichalcico in suos gradus diviso, ad instar Meridiani globi cœlestis, vel terrestris, circundetur. In hoc tamen, scias, hic annulus ab illo globo cœlesti differt, quòd non Meridianum, sed potius horizontem repræsentet: unde meo arbitrato limbus Lunæ horizontalis jure appellabitur. In quo circulo æque ac in reliquis globis artificialibus fieri solet, Poli figantur necesse est, circa quos minor circellus, indice munitus, inque certas particulas divisus applicetur; quò scilicet ejus beneficio, ad quodvis datum tempus, libratio Lunæ exhiberi queat.

*Ejus fabrica.*

II. Præter eum autem nullo alio horizonte opus hîc habemus; nisi quòd adhuc alius quidam annulus æreus, in gradus distributus fieri curetur, qui priorem limbum horizontalem planè cingat. Sed minimè est necesse, ut arctè admodum priori annectatur; quin potius attinet, ut aliquantò sit major, tantò scilicet, ut index in minori circello, limbo horizontali applicato, liberè circumduci possit.

III. Limbus orichalcicus posterior, eò inserviet, ut globus unà cum altero limbo, eum circumdante, circelloque ad Polum affixo, sursum deorsum, absque omni impedimento



moveri queat, idque ad Lunaris limbi gradum verticalem, & inclinationes ejus, dato certo tempore, & in quolibet quidem horizonte erigendasque repræsentandasque. Quanquam ferè idem præstat prædictus ille annulus major, quod in versatili Plenilunio extimus circulus. Ut verò eò melius hic globus officio suo faciat satis, requiritur, ut fulcro quodam firmiter sustentetur.

IV. Minor ille circellus cum indice, cujus jam suprà facta est mentio, non eò adhibetur, ut nobis, horas vel horarum quadrantes, ut in aliis fieri solet, commonstret; sed, quò signa cœlestia, certas in partes divisa, in eum transferantur; nec non horum beneficio, cognito vero loco Lunæ, omni tempori respondens, motus librationis, ita ut modò diximus, exhibeatur: simili planè ratione, sicuti antea, ope primariæ Plenilunii figuræ, ex istis diversis annotatis centris, limbum Lunæ describere docuimus.

V. Globo huicce Lunari, simul Meridianus, seu circulus verticalis quidam mobilis, applicetur, ad instar videlicet quadrantis globi cœlestis terrestrisque. Etsi eâ causâ hic ab illo non nihil differat, quod ille sit semicirculus, hic verò quadrans; itemque ille in puncto Zenith & Nadir affigatur: & hoc quidem eo fit fine, ut omnis generis phasæ, eaqueque, temporis cujuscunque, hoc est, sive præteritæ, sive futuræ, oculis omnibus sujiciantur; sicut & Maculæ quæcunque, vel hoc vel alio tempore, in confinio existentes nominetenus indicentur; itemque quænam clarè illuminatæ cuspidēs, ad hanc vel illam confinii partem, in Lunæ parte obscuratâ, hoc vel illo tempore, futuræ sint conspicuæ; vel, quo in loco sectiones luminosæ & umbrosæ partis, hæc vel illa cuspis illuminari prorsus desistat; ne dicam de rebus hujus generis quamplurimis aliis. Ad ultimum verò hoc præ cæteris, tanquam maximè singulare, in globo isto Lunari, animadvertes, quòd alterum hemisphærium Maculis penè nudatum appareat: idque accidit, quia videlicet maximam partem Lunaris hemisphærii à nobis aversi, minimè spectare possumus. Quare hemisphærium illud vacuum (ut revera est) erit terra Lunæ incognita. Ne verò pars illa dimidia, omnino maneat inanis, lice.



licebit, si ita videtur, annotationibus præceptisque quibusdam eam complere. Et profectò, nisi, & tempore egeremus, & illud, quo vela hujus Selenographiæ sunt contrahenda, jam appetere videretur, globum aliquem materiale, unà cum hoc ipso opere, cumque formâ jam indicatâ accuratè constructum, superadditâ etiam cum pleniori tum planiori expositione, nihil orbi exhibere gravarer. Quod cum autem in præsens, ob diversos, quibus destinemur, labores, fieri haud poterit, & id ipsum, & quædam alia, multò specialiora, quæ hoc loco tangere non fuit commodum, in commodiorem aliquam reservabimus occasionem. Jam vale, cum mei, tum maximè rerum cœlestium, studiosè Lector, & quem addo typum globi Lunaris intuetor, sis, æquo lumine.



FINIS SELENOGRAPHIÆ.

THE HISTORY OF THE  
ROYAL SOCIETY OF LONDON  
FROM THE YEAR 1660 TO 1703  
IN TWO VOLUMES  
BY JOHN WALLIS, ESQ.  
OF THE SOCIETY  
LONDON: Printed by J. Streater, at the Sign of the Sun in St. Dunstons Church, in the Strand, 1705.



Fig. 1. A large retort or vessel used in the experiments of the Royal Society.



# SELENOGRAPHIÆ

APPENDIX;

*ET*

HELIOGRAPHICAS

ALIQUOT ANNORUM

OBSERVATIONES,

*ET*

ORBIS JOVIALIS

*POSITUM, MOTUMQUE*

*EXHIBENS.*






**S**ELENOGRAPHIA ITAQUE, CUM DEO, PENITUS ad umbilicum perductâ, superest, amice Lector, ut observationes quoq<sup>3</sup> Macularum Solarium, nec non Jovialium, prout suprâ, capite quinto, spem fecimus, appendicis loco, in medium proferamus; ut ita quilibet, isq<sup>3</sup> scientiæ studeæ cupidus, ex oculari talium observationum inspectione, ac demonstratione, omnia & singula, quæcunq<sup>3</sup>, in prædicto capite, de Macularum ortu & occasu, cum Astronomico, tum Physico, illarumq<sup>3</sup> diversis generibus, & ut vario, constantiâ tamen mirabili motu, aliisq<sup>3</sup> huc pertinentibus rebus, prolata fuerint, eò melius faciliusq<sup>3</sup> percipiat; tandem aliquando nobiscum statuens, (haud obstante Peripateticorum inveterato dogmate) generationem ac corruptionem, augmentationem ac diminutionem, & quidem nonnunquam sanè admirabiliter magnam, in ipsis Cæli visceribus existere: quemadmodum id ex observatis hætenus observandisq<sup>3</sup> nunquam non periodis Macularum, Facularumq<sup>3</sup> Solarium, Solis luce clariùs elucebit. Ut hinc nobis etiam verosimile fiat, ipsos in rebus Mathematicis planè hospites, dummodo aliquâ ex parte, ad nostras hæce observationes, oculum mentemq<sup>3</sup> adjecerint, in sententiam nostram concessuros; nisi cum Philosopho, solius inducti nominis autoritate, & nescio quo dicterio, malint (parùm quidem, opinor, philosophicè) errare, quàm verum amplecti, & rectè sentire. Nudas verò & simplices observationes, hîc tantum apponere haud consultum esse duximus: quippe, quòd sic inde haud multum utilitatis ad Lectorem redundaret; dum Geometricis demonstrationibus essent similes, nullis adjectis literarum notis. Quare operæ nulli parcentes, annotationes quasdam, quamquam breves tantum succinctasq<sup>3</sup>, quoad fieri potuit, sed intellectui satis luminis præbituras, cuilibet Macularium Solarium iconi addidimus: ita ut à nobis quicquam jure desiderari vix posse ampliùs putemus. Id quod pariter, circa observationes Jovialium, nobis unicè fuit curæ. Primò namq<sup>3</sup> in quibuslibet iconismis, positum, distantiam, magnitudinem, atq<sup>3</sup> proportionem stellarum, tum ad se invicem, tum ad Jovem designatam, conspicias. Secundo, in facie oppositâ, leges, quæ maximè circa quamcunq<sup>3</sup> observationem notatu digna occurrunt: Unde quidem & motus horum quatuor Planetarum, Jovisq<sup>3</sup> comitum, magis magisq<sup>3</sup> stabilietur, & Mathematicum Doctores, ex his aliisque similibus contemplationibus, tabulas perpetuas construendi, exoptatissima dabitur occasio; nec non verò, si fortè jam ejuscemodi à quibusdam compositæ fuerint, poterunt, si velint, optimè eas sub hanc incudem revocare, attento, num prorsus, & omni ex parte, cum veritatis consentiant normâ? namque si etiam differentia adhuc quædam deprehendatur, in proclivi erit eas emendare. Quod ut ex omnium voto, & ad commune commodum bene succedat (nostro hocce opere, nonnihil emolumenti ad incrementum studiorum Mathematicorum adferente) animitus à DEO precamur: ne non, ex singulari ejusdem Optimi Maximigratiâ, abstrusiora multò plura, eaque majoris momenti, & exploratissimæ veritatis, in nominis sui gloriam, operumq<sup>3</sup> suorum pleniorum cognitionem, cum tempore, nobis innotescant, inque lucem protabantur.



# Animadversiones super I. Macularum Solarium periodo.

1.  Nno à nato Christo, 1642. die 26. Octob. in Sole nihil Macularum apparuit.

2. Die 27. Octobris cœlum non favit.

*Insignis Macula nimbo coronata cœparuit.*

3. Die 28. Octob. magnam, oblongam, densam, pulcherrimamq; Maculam a, halone haud vulgari undique cinctam, animadverti; præter hanc autem unicam nihil prorsus in Sole deprehensum.

4. Die 29. & 30. Oct. ob aëris turbulentiam, Maculam istam notabilem, die præcedente conspectam observare non licuit.

5. Die 31. Octobris, alterâ vice, Maculam suprà dictam, sed in formâ ampliori, duobusque nucleis densissimis præditam, nobis videre obtigit.

6. Die 1. Nov. illa ipsa Macula, tum quâ figuram, tum splendorem magnitudinemque nihil planè se immutaverat.

7. Die 2. Novembris, nullus Sol affulsit.

8. Die 3. Nov. non solum ulterius occasum versus in Solis disco progressa erat; sed & magis magisque ad Aquilon. deflectebat.

9. Die 4. Novembris, nihil quicquam adhuc mutata visa fuit.

10. Die 5. Nov. Cœli inclementia observationi fuit impedimento.

11. Die 6. Nov. paululum oblongior videbatur; tum, & circa ortum tres novæ minores spectabantur, quæ in sequens schema reservantur.

12. Die 7. Novembris, aër fuit turbidus.

13. Die 8. Novemb. exitum hujus insignis Maculæ perquam libenter observassem, sed frustra fuit, quia jam exiverat, sic ut nec vestigium amplius de eâ apparuerit in Peripheriâ. Cursum quod attinet Maculæ, quantum colligere licet, fuit 12. tantummodo dierum. Præterea, ex hoc motu satis superque liquet, viam hujus Maculæ fuisse concavam, Aquilonem Borealem, & convexam Austrum occidentalem versum.

*Macula 12. confecit in Sole dies.*

*Quâ viâ incesserit?*


Ani-



# GEDANI.

Anno aera Christiana, 1642.

Cuzcu. Macula, à 28 Oct. ad 6 Novemb.



II.

GEDANI.

Anno xra Christiana, 1642.  
Eclipses Macularum, à 6 ad 17 Novemb.



NOVEMBRIS.

D.	Hor.	Ang.
6.	11	16 m. 65° 52.
8.	10	30 m. 59 46.
9.	10	30 m. 60 5.
11.	9	48 m. 55 13.
12.	1	42 u. 88 25.
13.	10	51 m. 64 48.
14.	12	8. 103 48.
15.	11	52. 74 10.
16.	12	0. 73 42.
17.	11	+2. 78 15.

fig. II.

Aut. S. u. l. r. s.



## Animadversiones super II. Macularum Solarium periodo.

1. Die 5. No. Cœlum nubibus erat obductum.

2. D. 6. No. unica tantum Macula c. umbris nebulisq; coronata spectabatur: at horâ 11. 16. min. adhuc duæ minores & debiliores se se offerebant, quas illo ipso tempore primum in Solis disco natas fuisse, apud me certum est.

3. Die 7. No. ob aëris inclementiam, nihil annotare potuimus.

4. Die 8. Nov. quatuor, cum multò illustriore comitatu facularum umbrarumque circa horizontem orientalem existentium, apparuerunt. Omnium postrema Macula erat maxima; reliquarum verò trium intermedia recens exorta, admodum rara debilisque videbatur.

5. Die 9. Nov. ex 4. Maculis die antecedente observatis, maxima tantummodo adhuc erat superstes, reliquæ planè extinctæ; &, quamvis Cœlum serenum esset, nihilominus tamen nec ullum quidem indicium earum animadversum. Unde equidem satis elucet, Maculas hasce Solem non fuisse subingressas; sed in medio ejus disco natas dissipatasq;. Faculæ autem & umbræ, penè eundem, quem die octavâ, circa horizontem tenebant locum.

*Macule interdum in disco Solis generantur & corrumpuntur.*

6. Die 10. Novembr. Cœlum fuit nubilosum.

7. Die 11. Novemb. Macula b, tenuis debilisque deprehendebatur: Faculæ verò atque umbræ jam nullæ aderant.

8. Die 12. Nov. ex unâ tenui atq; rarâ duas majores & densiores procreatas, summâ cum admiratione, animadverti.

*Ex unicâ Maculâ duæ fuerunt procreata.*

9. Die 13. ambæ jam dictæ erant æquales.

10. Die 14. eedem satis adhuc erant conspicuæ.

11. Die 15. minores illæ duæ Maculæ debiliores visæ sunt.

12. Die 16. antecedens ex istarum duarum numero, adeò erat attenuata, ut vix ac ne vix cerneretur.

13. Die 17. Nov. unica tantummodo, circa horizontem, undiq; umbris faculisq; circumdata apparuit. Solem hæ Maculæ diebus 13. peragrarunt, in curvilineâ ad Austrum convexâ.

*Cursus Macule per d. 13.*

14. Die 18. Novemb. nihil penitus in Sole deprehensum.

*Sol ab omni Maculâ planè purus illustratus.*

## Animadversiones super III. Macula- rum Solarium periodo.

1. **D**ie 22. Maij, sex Maculas in Sole conspeximus, quarum posterior a, ratione magnitudinis densissimiq; nuclei, maximè erat notabilis: tres verò reliquæ c, in parte Solis occidentaliori cùm minores, tum debiliores, spectabantur:

*Ex tribus  
Maculis s.  
natæ sunt.*

2. Die 23. Maij Macula a, rotundior, nimbo cincta videbatur. Ex illis autem tribus c jam quinque erant generatæ. At duæ debilissimæ b planè jam erant dissipatæ.

3. Die 24. Maij aliquid observandi non dabatur occasio.

*Contra s.  
Macula in u-  
nam coalue-  
runt.*

4. Die 25. iterum quatuor, sed formam figuramve omnino aliam præ se ferentes, conspeximus, Maculas. a paucillùm creverat: quinque verò illæ c, in unam & quidem debilissimam erant redactæ.

5. Die 26. præter reliquas in Sole conspicuas, nova denuò Macula e, sed tenuis ac admodum rara, circa horizontem ortivum, se se nobis obtulit animadvertenda.

6. Die 27. Cœlum erat nubilosum.

*Macula duarum  
dierum.*

7. Die 28. Maij, nihil ampliùs de Maculâ istâ minori e, noviter exortâ apparebat; ut & reliquæ non parùm, quâ splendorem molemq; erant attenuatæ.

8. Die 29. Maij, duæ tantummodo a scilicet & b adhuc aderant; cæteræ prorsus evanuerant.

9. Die 30. ejusdem, Macula b, ob raritatem corporis vix incurrebat visum; altera vero a, satis adhuc densa existerat.

10. Die 31. Maij, Macula tantùm a circa occasum adhuc versabatur, b namque ex Solis orbitâ jam exiverat.

*Circa occasum,  
Macularum  
cursus ad re-  
ctam lineam  
accedit.*

11. Cursus harum Macularum circa egressum ad rectilineum accedit; idque ex schematis præsentis inspectione attentiori, cuilibet videre datur.

## Animadversiones super IV. Macula- rum Solarium periodo.

1. **A** 9. Junij usque ad 17. ejusdem, nihil observare licuit.


2. Die



# GEDANI.

Anno æræ Christianæ, 1643.

Curfus Macularum, à 22 Maj ad 31 eiusdem



## MAII.

D.	Hor.	Ang.
22.	8	54. m. 67 36.
23.	8	50. m. 64 34.
25.	9.	40. m. 72 59.
26.	8	52. m. 63 57.
28.	9	24. m. 67 52.
29.	8	22. m. 63 6.
30.	8	7. m. 61 26.
31.	9	42. m. 68 45.

A. Oriens.

B. Occidens.

Fig KK.

Aut. Sculp.

IV.

GEDANI.

Anno æræ Christianæ, 1643.

Cueſus Macularum, à 18. ad 23 Junij.



fig. LL.

Autos Sculpsit.



2. Die 18. duas in Solis disco Maculas deprehendimus. Illa *Macula magna, intensa atq; præclaro nucleo prædita.* b admodum magna & densa erat, inq; ipsâ Eclipticâ versabatur, maximo ei proprii itineris spatium jam penè confectum: altera verò a, circa horizontem ortivum, supra Eclipticam, admodum existerat debilis, dilutaq;.

3. Die 19. Junii, Maculas a & b non solum ratione magnitudinis, formæq; variatas; sed & insuper novam aliam c, satis magnam densam atq; conspicuam, tribus raris minoribus stipatam, in Solis meditullio jam primum natam summâ cum admiratione, deprehendimus. Præterea verò & ingens umbrarum facularumq; cohors e, circa limbum orientalem apparuit. *In Solis meditullio 4. Macula exorta.*

4. Die 20. Macula b figuram denuo mutaverat, a verò nihil quicquam: at c mirum in modum se se variaverat. Die enim antecedente unica duntaxat magna, jam duæ autem mole insignes, densissimæq; spectabantur. Faculæ item & umbræ multò latius se se extendentes, eidem ferè loco insidebant.

5. Die 21. Macula major b, absq; comitibus, ad occasum vergebat. Maculæ c quotidie aliam atq; aliam schemate attestante monstrabant faciem. Modò enim majores ac densiores, modò minores debilioresq; modò plures, modò pauciores videbantur; sic, ut die 23. in unam dilutissimam iterum omnes fuerint redactæ. Atq; Umbræ quidem & Faculæ penitus erant dissipatæ; loco verò earum tres novæ Maculæ d, quæ antea nondum erant conspectæ, infra Eclipticam, Aust. versùs prodierunt. *Macula formam figuramve indies mutantes.*

6. Die 22. major illa b occidentalis, Solem jam planè præterierat. Macula autem a, decrecendo cursum persequabatur. Sed Maculæ d numero & magnitudine auctæ erant.

7. Die 23. Maculæ illæ qualem positum formamq; obtinuerint, ex adjecto diagrammate, palàm est.

8. Die 24. h. 7. vesp. Maculas accuratè observandi non dabatur quidem occasio, sed illas tantum videndi. a id temporis jam planè in nihilum abiiverat, priusquam horizontem attigisset: c itidem amplius non cernebatur. Insuper, duæ illæ Maculæ d, tum magnitudine æquales, tum longius ab invicè remotæ cernebantur. Cæterum & duæ novæ in Solis disco recenter natæ, supra Eclipticam, ad Aquilonem vergentes comparuerunt, de quibus die antecedente, licet Cælo maximè annuente, ne vestigium quidem fuit animadvertum. Hincq; lege quâdam certâ sequitur, Maculas hæc, Solem non fuisse ingressas; sed in eo omnino generatas. De quibus autem, ut & de Maculis d peculiare schema sequens MM à nobis exhibebitur. Viam quod spectat Macularum a, b, & c, illa, uti ex apposito vides iconismo, intus fuit curvata, Corum scilicet versùs, prout simili anni tempore nunquam non fieri solet. *Macula a in orbe Solis extincta.* *Aliæ iterum ex inopinato ibidem natæ.* *Curvitas & inclinatio itineris.*

Ani-



## Animadversiones super V. Macularum Solarium Periodo.

**I. DE** Macularum d exortu, atque progressu, à die 21. Junii ad 24. ejusdem satis, ut arbitror, circa Macularum antecedentium descriptionem diximus; videamus itaque, qualisnam, in diebus consequentibus, cum haram d, tum illarum f, fuerit constitutio?

*Macula non solum quoad formam, sed & numerum variata.*

*Macula in plures distracta.*

2. Die 25. Junii, duæ illæ Maculæ die 24. à me observatæ, in 6. erant resolutæ; quarum etiam aliquot sic satis erant conspicuæ, idq; ad literam f videre est. Maculæ verò d, & majores, & remotiores ab invicem, quàm die 23. conspectæ sunt.

*Macula admodum rara ac sparsa.*

3. Die 26. Maculas f, quæ figuram, magnitudinem, numerumque mirificè variasse animadvertimus. Et una quidem illarum, quæ alteri adhærebat, satis quidem magna; sed admodum rara ac sparsa, instar debilis nebulæ diluta comparuit, ita ut passim Solem splendentem per illam clarè deprehenderem. Australes d itidem numero auctæ erant.

4. Die 27. nullus Sol affulsit.

*Aliquot Macule in unam debilem redacta.*

5. Die 28. Maculæ f, non quidem numero, sed mole videbantur increvisse. Ex quinque autem Maculis e, una tantum adhuc erat residua. Australes reliquas quoque in duas debiliores, minoresque denegaverant.

*Macula in Faculas accensa.*

6. Die 29. Junii Maculæ f adhuc in plures se se dilataverant. Inferiores verò d, in umbras Faculasque tenuissimas defecerant, in quarum medio Macula debilissima, quæ tamen visum ferè eludebat, extitit.

7. Die 30. Jun. observationi obstitit Cœli inclementia.

*Macula f numero decredebant.*

8. Die 1. Julij, ex Maculis f, quinque tantummodo conspeximus. At Faculæ prorsus erant extinctæ.

9. D. 2. Jul. de Maculis f non nisi 3. adhuc erant conspicuæ.

*Mora sub Sole 9. dierum.*

10. Unica duntaxat Macularum f circa horizontem apparuit; reliquæ tum exiverant, tum evanuerant. Quæ Maculæ f, dies duntaxat 9. in Sole commoratae sunt; quandoquidem die 23. Junij, nequicquam de illis fuit animadversum.

11. Die



V.

GEDANI.

Anno æræ Christianæ, 1643.

Curfus Macularum, à 25 Junij, ad 3 Julij.




fig. MM.

Aut. Sc.

VI.

GEDANI.

Anno era Christiana, 1643.

Curfus Macularum, à 7 Julii, ad 18 eiusdem.




fig. NN.

Aut. Sculps.



11. Die 4. Julij horâ 4. 30. min. nil Macularum in Solis disco vidimus, nec 5. & 6. die quicquam, Cœlo licet serenissimo, deprehendimus.

*Sol Macularum vacuum deprehenditur.*

## Animadversiones super VI. Macularum Solarium periodo.

1. **D**ie 7. Julii, horâ 6. 10. vesp. denuo Macula a nigerrima valdequē conspicua, circa horizontem ortivum comparuit; simulque tres debilissimæ Australes b & c, in quadrante Solis occidentali extiterunt, quæ neque Solem more consveto ingressæ, neque antea unquam à nobis conspectæ erant.

*Macula duorum dierum.*

2. Die 8 Jul. m., Maculam a, umbræ & Faculę concomitabantur: de quibus tamen, die proximè præcedente ne vestigium quidem aderat. Atque ex b & c illis minoribus, una tantum adhuc erat adspectabilis; reliquæ funditus erant abolitæ. Post meridiem verò horâ 5. 5. min. Facularum alia erat constitutio; itemque sub Maculâ a, parvula quædam deprehensa.

3. Die 9. debilissima Macula b, in Faculas, cumque iis planè demum abivit. At reliquæ Faculæ orientales, huc usque semper fuerunt animadversæ, sed tamen indies aliam atque aliam habentes formam figuramque.

*Macula decrescens sub ipsâ Eclipticâ animadversa*

4. 14. Julij, Macula a Eclipticam strinabat; deque die in diem decrevit, usque ad exitum. Insuper parvula illa majoris comes, hac die ultimùm visa; nam postea nusquam amplius apparuit.

*Facula surgentes, circa Macula, tum exortum tum occasum ex-tere.*

5. Die 17. iterum nova d Solem intraverat; cujus cursum in schemate sequente habebis. Simul verò quoque circa alteram Maculam a, Faculę fulgentissimæ prodierunt, quæ ad exitum illius Maculæ a, fulgorem conservarunt: Macula verò ipsa paulatim ita decrevit, ut circa occasum die scilicet 19, penè visum effugeret.

*Cursus 14. ferme dierum.*

6. Quæ Macula a ab horizonte ad horizontem duravit dies ferè 14. Motus præterea ejus fuit curvilineus, concavusque Septentrionem Occidentalem versus; inque isto quadrante, Polus ejus arcticus id temporis ascendit.

7. Cæterum notanda hîc habes; 1. hanc Maculam a, ex numero fuisse reducum, atque illam ipsam extitisse b in imagine IV. expressam, quæ nimirum die 22. Junij, mane, Solis discum effugerat. Id quod certè locus, tempus motus, & parallelus idem sva- det. Namque Solem eo in loco omnino secundâ vice intravit, ubi & illum ingredi jure debuit. Videtur quidem hæc Macula in ortu Eclipticæ propinquior fuisse, quàm in priori ingressu; verùm id necessariò ex cursu ejus, Poli-que annui promotione sequitur: utpote quòd Polus iste jam in Septentrione occidentali versatur, & magis magisque ab occidente, punctum Zenith versus, elevatur: unde omnino cursus secundus Maculæ hujus, in ortu magis deprimitur, & in occasu plus plusque elevatur. 2. Macula hæc quoque, alterâ vice patens Solis hemisphærium, die 6. Julij intravit: ut hinc clarè fiat manifestum quòd 14. circiter dies, in latente hemisphærio consumserit; quale temporis intervallum, ad hoc iter faciendum, planè utique requiritur. Adhæc Maculam istam tanto tempore perdurare potuisse, facilè credibile est; cum augescendo prius exiverit Solem, & postea decrescendo iterum eum intraverit. 3. Argumento nobis etiam potest esse, eandem denuo rediisse: eò quòd se iterum in debitâ formâ magnitudineque, cum parvulâ quâdam comite, uti in priori exitu factum, exhibuerit.

*Macula re-dux est omni- bus circum-stantiis.*

8. Cursum ejus quod attinet, iste fuit curvilineus, & quidem convexus. Austrum orientale versus, uti in mensibus Junio, Julio, & Augusto semper animadvertimus. Com- morata est insuper hæc Macula alterâ vice in patente Solis hemisphærio, dies ultra 17, in latente verò, sicut jam diximus 14; adeò ut totum Solem circumcurrendo 27. d. ab- sumserit. Ex quibus rationibus plus quàm satis elucet, quòd Macula a, quam in præ- sente schemate O O delineatam dedimus, omnino redux fuerit: id quod & de Maculâ d, in imagine sequente, ferè affirmari poterit.

*Macula to- tum Solem circumcundo dies consum- sit 27.*



## Animadversiones super VII Macularum Solarium periodo.

1. **D**ie 17. Julij mane, unica tantummodo Macula d apparuit; circa vesperam verò adhuc alia minor debiliorque, Eclipticam versùs, cum umbrarum Facularumq; ingente tractu, deprehendebatur.

2. Die 18. tres in Sole conspectæ sunt, d scilicet f & e, inq; eâdem rectâ lineâ incedentes; quarum Australior e in Solis disco primùm erat nata: nam die antecedente nihil quicquam de illâ fuit animadversum, & tamen omnium trium maxima nunc videbatur.

3. Die 20. Maculæ d & e, mole erant auctæ, magisq; disjunctæ, quàm die 18; f verò adhuc duas minores Maculas pepererat; itemque simul debilissima aliqua nova h cernebatur, ex quâ die 21. sequente, duæ multò densiores sunt procreatæ. Quæ quidem sex Maculæ, hâc ipsâ 20. scilicet die, comitatum mirificum Facularum umbrarumque post se trahebant, dum ille tertiam Solaris diametri partem longitudine, latitudine autem nonam dictæ diametri partem æquabat; quod certè notatu dignissimum, inprimis, quòd, die subsequente, ad unam omnes illæ iterum planè in nihilum abiverint.

*Facula admodum spectabilis.*

*Amplitudo Facula.*

*Macula e ad medium crevit, deinde iterum imminuta.*

4. Macula d indies decrevit, usque dum die 25. planè evanesceret. e Macula contrà ad medium circiter crevit, postmodum sensim iterum est attenuata; prout in schemate assignatum habes. Maculæ f die 24. ultimùm in Sole visæ sunt.

5. Die 22. ex tribus Maculis h, tantùm duæ, sed tamen majores densioresque spectabantur, quæ iterum die 25. in quatuor minores fuerunt distractæ: deinceps, die scilicet 26. & 27. duæ solummodo se se offerebant umbris undique cinctæ: at die 28. hæ Maculæ & umbræ prorsus profligatæ videbantur.

6. Die 26. denuo Faculæ fulgentes, circa Maculam e exortæ sunt, quæ die subsequente multò ampliores luculentioresq; factæ sunt (quippe quod id plerumq; prope horizontem fieri soleat) rariores verò & magis dispersæ, quò centro viciniore existunt, apparent.

7. Maculas d & f pariter fuisse reduces, parùm abest, quin ex tempore & motu affirmem. Quoniam tamen circumstantiæ omnes, id nondū satis confirmant; rem hanc tibi, Benev. Lector, dijudicandā relinquo.

Ani-



VII.

GEDANI.

Anno aera Christiana, 1643.  
 Curfus Macularum, à 17 Iulii, ad 27 eiusdem.




fig. 00.

Aut. Sc.

# VIII.

## GEDANI.

Anno aera Christianæ, 1643.

Curſus Macularum, à 30 Julii, ad 15 Auguſti.

### JVLII.

D. Hor. .<sup>o</sup>. Ang.  
30. 7 31. m. 37 48.

31. 7 33. m. 37 36.

### AVGVSTI.

1. 7 32. m. 37 21.

2. 9 49. m. 46 21.

3. 7 59. m. 37 48.

4. 7 41. m. 37 0.

5. 7 49. m. 37 3.

### AVGVSTI.

D. Hor. .<sup>o</sup>. Ang.  
6. 7 45. m. 36 44.

7. 7 54. m. 36 51.

8. 6 30. m. 35 38.

9. 6 59. m. 35 23.

10. 7 10. m. 35 19.

12. 6 38. m. 34 46.

13. 7 31. m. 34 8.




fig. P P.

Aut. Sculp.



## Animadversiones super VIII. Macularum Solarium periodo.

1. **D**ie 28. & 29. Julij, nulla sanè Macula in Sole conspecta. Die verò 30. unica Macula a in parte Australi Solis observata est, quæ ad medium quidem crevit, sed deinceps iterum paulatim decrevit.

2. Die 3. Julii adhuc alia valde parvula, debilis recensque nata Maculam a sequebatur, quæ, cum majore, nimbo coronabatur, ut & die subsequente; neque ulla alia id temporis deprehendebatur differentia, quàm quòd tres minores majorem a concomitabantur, quæ omnes ad diem 8. scilicet Julij nunquam non erant conspicuæ.

3. Die 8. tres illæ modò dictæ minimæ, in unam iterum coaluerunt; Macula verò a, multùm etiam quâ magnitudinem splendoremque se immutaverat.

4. Die 9. Julij omnes minores defecerant in Faculas, præter illam majorem a, quæ ad occasum usque perquam satis perstitit spectabilis. Simul verò, tum suprâ Eclipticam Boream versus novam b, quamvis exiguam circa horizontem ortivum, inter fulgentes Faculas, deprehendi.

*Macula in  
Faculas ac-  
cense.*

5. Die 10. Faculæ b aliquantò debiliores extiterunt; Macula verò a ultimùm fuit animadversa.

6. Die 12. denuo nova Macula c Solem intravit, cujus cursum sequens exhibebit schema: quâ autem ipsâ die, Macula b borealis multùm decreverat.

7. Die 13. exiguam quandam, debilemque d in Sole generatam circa partem occidentalem conspeximus, quæ utique in Solis disco antea nunquam fuit visa. Sed cum bidui spatio durasset, die 14. jam ita erat attenuata, ut visum ferè eluderet, Faculæ tamen, quæ illam cingebant, sic satis erant conspicuæ. Die 15. nil nisi Facula luculentissima d conspecta. Itemque b, in nihilum omnino erat redacta.

8. Circa hanc Macularum periodum, in primis notanda habes, quòd Macula a, dies 13 circiter, sub Sole inceserit; præterea quòd maximè regularem cursum obtinuerit: motus enim diurnus, in eadem distantia à cen-

*Macula per-  
stitit in Sole  
dies 13. cir-  
citer.*

tro, vel peripheriâ semper sibi similis & æqualis existit. Deniq; motus annuus hujus Maculæ, sensim ad Eclipticam accedit, curvitas augefcit, & Polus arcticus ascendit.

## Animadversiones super IX. Macularum Solarium periodo.

**D**ie 12. Augusti, iterum nova Macula c absq; Faculis, in latitudine Australi orta est, quam scilicet Maculam c diebus sequentibus, 13. nimirum & 14, Faculæ haud vulgares concomitabantur.

*Ex Faculis  
lucidissimis,  
spatio aliquot  
horarum elapso,  
diversæ  
Maculae sunt  
generatae.  
Mira Macu-  
larum muta-  
tio.*

2. Die 14. in plagâ quoq; Bor. novæ spectabiles Faculæ e emerferunt, de quibus die sequente illustris & oblonga quædam Facula, cum aliis debilioribus, sex novas debiles Maculas ex illis procreatas, cingentibus, spectabatur.

3. Die 16. parùm notatu dignum, de Faculis pridie visis erat residuum: Maculæ verò in monstrosam vastitatem atq; multitudinem, & stupendum quidem in modum excreverant. Eæque in progressu, & numerum & figuram & habitum, itemque nigredinem & densitatem, atque magnitudinem quoque vehementer admodum variarunt; quod clarè ex appposito patet schemate. Australem c quod attinet, sensim ad medium crevit, deinde similiter, tum quoad magnitudinem, quàm splendorem, decrevit.

*Dua Maculae,  
cum centro  
Solis, in ead-  
em rectâ li-  
nea, conspe-  
ctæ.*

4. Die 17. Maculæ e Septentrionales magis magisque ab invicem recedebant; quas tum & multò sanè majores ac densiores, quàm pridieprehendimus.

5. Die 18. denuo formas situmque mutaverant. Ubi insuper notandum, quòd hoc ipso tempore, Maculæ e & c cum centro Solis, lineam planè rectam constituerint.

*Rarè Facula  
Maculas præ-  
cedunt.*

6. Die 21 Macula major e decrescens, inter latè patentes umbras & Faculas visa est. Tres verò minores subsequentes, adeò erant debiles, ut vix cernerentur. Hicq; iterum observandum occurrit, quòd Faculæ Maculas antecesserint, umbræ autem solum illas subsequutæ fuerint; id quod certè rarò contingit.

*Macula re-  
cens exorta,  
in Faculas  
rursus abiit.*

7 Die 22. Faculæ pridie animadversæ, minimè iterum conspici poterant, propter nubeculas scilicet Solem continuè obvelantes. Duæ autem novæ Maculæ f & g, interea observatæ sunt, noviter in Sole exortæ, & antea nunquam deprehensæ, eæque satis densæ & conspicuæ; quæque quâ magnitudinem Maculis c erant æquales. Macula f die 23. statim decrescerebat, ita ut die 24. in Faculas abiisse videretur; quo etiam die penitissimè evanuit, priusquam ad horizontem pervenisset: confecitque tres tantum in Sole dies.

*Quamvis  
Macula si-  
mul genera-  
tur, non sunt  
tamen ejus-  
dem duratio-  
nis.*

8. Die 23. ex pridianis recens natis, tantummodo adhuc una f erat superstes, altera g omnino iterum extincta, sic ut nec tenue sui indicium reliquerit. Quæritur ergo hîc meritò: cur hæc dissipata Macula. ut & altera f, non tam diu in Sole duraverit, quàm illa c, cum tamen æque magna densa ac spissa, quâ materiam, pridie sit observata; c tamen durante, & alterâ g in nihilum planè redactâ? quæ res profectò admiratione digna est!

*Cursus dierum  
12½.*

9. Consideres autem velim, Faculas e, de die in diem notabiliter fuisse variatas. Deinde, quòd cursus apparens Maculæ c, dierum plus minùs 12½ fuerit: at Maculæ e, tantum dies 10. in patente hemisphærio Solis consumserunt

*Nihil Macu-  
larum, nec Fa-  
cularum, in  
Sole depre-  
hensum.*

10. Die 25 nihil quicquam ampliùs de Macula e fuit visum; sed solummodo debilis Facula circa occasum erat residua. Die verò 26. iterum nova dilutissima, & debilissima Facula circa ortum apparuit, quæ etiam die 27. & 28. adhuc resplendebat. Verùm die 29. 30. & 31. August. ut & 1. Septemb. Sol ab omni Maculâ Faculæque purus omnino lustratus fuit; sic ut primùm die 2. Septembr. circa horizontem ortivum, Faculam quandam iterum conspexerimus, cujus totum cursum in subsequente imagine delineavimus

Ani-



IX.

GEDANI.

Anno era Christiana, 1643.  
Curfus Macularum à 12 Augusti, ad 24 eiusdem.




fig. 88.

X.

# GEDANI.

Anno aera Christiana, 1643.

Curfus Maculorum, à 2 Septembris, ad 26 eisdem.

## SEPTEMBRIS.

D. Hor. i.	Ang.	D. Hor. i.	Ang.
2. 4	10. u. 78 19.	11. 2	10. u. 89 5.
3. 7	58. m. 34 16.	12. 1	38. u. 84 17.
4. 8	18. m. 35 32.	13. 12	41. u. 74 29.
5. 8	23. m. 35 45.	14. 9	16. m. 40 23.
7. 9	16. m. 41 13.	15. 8	13. m. 35 15.
10. 8	9. m. 34 54.	16. 7	57. m. 34 12.




fig. R R.

Aut. Sculp.



## Animadversiones super X. Macularum Solarium Periodo.

1. Die 2. Septemb: nova Facula a circa ortum exiliit; sed hanc præter nihil planè animadversum. Die autem 3. duæ planè exiguæ Maculæ b, circa horizontem occiduum, umbrâ quâdam dilutissimâ stipatæ, emerferunt, quæ die 4, vix aliquod vestigium post se reliquerant.

*Macula circa occasum orta,*

2. Die 5. inter Faculas umbrasque a, duæ recens natæ Maculæ observatæ sunt, de quibus die antegresso, vix una debilissima cernebatur. At die 7. iterum tantum unam Maculam, Faculæ a cingebant.

*Umbra Macularum semen.*

3. Die 6. 8. & 9. Septemb. non favit Cœli serenitas.

4. Die 10. non solum denuo geminæ inter ampliores Faculas; sed & nova haud vulgaris Macula c, cum Faculis satis fulgentibus, supra Eclipticam, & Boream versus, apparuit, quam die 8. Cœlum cum esset nubilum, Solem ingressam esse, planè existimo.

5. Die 11. Septem. Maculæ a funditus erant dispulsæ; Faculæ autem, ad diem 14. usque duraverunt, quo simul Solem egressæ sunt. Hic autem imprimis probè notetur, Faculas hæc totum Solis discum motu perquam regulari peragrassæ, quod alias rarò contingit. Nam plerumque circa medium, aut evanescent, aut minimum visui se subtrahunt. Sed ex observationibus hisce planè fit manifestum, Faculas istas a, plus minus dies 13. in Sole fuisse moratas. Adhæc verò Polum arcticum quasi culminasse, Faculasque motum descripsisse ad æquilibrium autumnale, quia in ortu atque occasu, æqualiter ab Eclipticâ remotas fuisse, abundè ex adjuncto diagrammate liquet.

*Et Facula interdum in patente Solis hemisphærio totum absolvunt cursum.*

*Facularum mora, sub Sole, fuit dierum circiter 13.*

6. Macula c in vigore ad medium usque; permanfit: circa centrum quidem oblonga duobus nucleis prædita apparuit; quæ autem postmodum sensim iterum attenuata, ita ut post 18. Septemb. amplius non fuerit animadversa: hincque dies 10. circiter tantum in Sole moram fecisse, certum est. Motus insuper ejus, respectu Eclipticæ, rursus fuit inclinatus: Polus namque Arcticus à puncto Zenith hic ortum versus descendere incepit.

*Polus Arcticus descendit.*

7. Die 12. denuò nova exigua Macula d, plusquam satis tamen conspicua, in medio penè Solis disco genita est, atque infra quidem Eclipticam Austrum versus apparuit, quæ die 15. penitissimè evanuit. De quâ illud imprimis verissimè affirmare habeo: quòd Solem nec intraverit, nec exiit; sed in gremio quasi ejus progenita, rursusque denata sit.

*Macula d in gremio Solis nata, ibidèq; exspiravit.*

8. Die 14. recens Macula e in ortu prodiit, cujus totum curriculum, augmentum atque decrementum sequenti imagine adumbrare decrevimus.

## Animadversiones super XI. Macularum Solarium periodo.

1. **M**acula e, quæ nobis d. 14. in conspectum venit, in plures, successu temporis, fuit divisa; quæ die 19. in unam iterum coaluere: deinceps autem indies paulatim decrescendo in Faculas, die videlicet 23. Septemb. degeneravit. Die 25. nonnisi Faculæ, cum notabili quâdam umbrâ fuere deprehensæ.

*Umbra admodum notabilis.*

*Macula funicum tantum vixit diem.*

2. Die 26. non solum adhuc vestigium umbrarum illarum erat residuum; sed & nova Maculâ f, in medio fermè Solis disco generata est, quæ rursus die 27. penitus fuit dissipata.

3. Maculæ e iter quod spectat, id priori c planè videtur esse parallelum.

*Sol Macularum expers.*

4. Die 28. adversa fuit observationi Cœli inclementia. Die verò 29. 30. Sept. ut & 1. 2. & 3. Octob. nil Macularum in Sole apparuit. Die iterum 4. Octob. ob aëris turbulentiam, nihil observare licuit.

5. Die 5. & 6. splendidissimam, supra Eclipticam, animadverti Faculam g. Die 7. Octob. aliæ itemq; Faculæ h, quamvis debiliores, observatæ sunt. At die 8. 9. & 10. nihil penitus in Sole, propter Cœli intemperiem, vidimus.

6. Die 11. Octob. duæ denuo Maculæ tenues atque exiguæ i, circa centrum Solis natæ sunt: simul quoque circa horizontem occiduum nova quoque Facula a affulsit.

7. Die 12. 13. & 14. Cœlum erat nubilosum.

8. Die 15. Octob. iterum duæ Maculæ l, in plagâ Solis occidentali, visæ sunt, quæ die 11. non amplius spectabantur. Quantum verò conjicere possum, hæ Maculæ l, ex Faculâ g, originem duxerunt.

9. Die 16. modò dictæ Maculæ, mole erant auctæ, debilissimamque aliam minorem Maculam procrearant.

10. Die 17. & 18. Cœlum turbidum observationi fuit obstaculo.

Ani-



XI.

GEDANI.

Anno æra Christiana, 1543.

Cuefus Macularum, à 14 Septemb. ad 11 Octob.

SEPTEMBRIS.

D. Hor. i.	Ang.	D. Hor. i.	Ang.
14. 9	6. m. 40 23.	21. 9	24. m. 41 55.
15. 8	13. m. 33 15.	22. 7	44. m. 33 41.
16. 7	57. m. 34 12.	23. 11	29. m. 61 0.
17. 10	20. m. 49 23.	24. 10	4. m. 51 5.
18. 9	30. m. 43 23.	25. 11	18. m. 59 5.
19. 3	51. u. 81 49.	26. 8	4. m. 35 12.
20. 9	35. m. 45 29.		




fig. S S.

Aut. Sc.

# XII.

## GEDANI.

Anno dñe Christiana, 1643.  
*Curfus Macularum, à 19 Octob. ad 31 eiusdem.*

### OCTOBRLS.

D. Hor. 1.	Ang.	D. Hor. 1.	Ang.
19. 10	20. m. 55 16.	26. 1	9. u. 80 5.
20. 8	58. m. 43 24.	28. 10	55. m. 60 21.
21. 11	34. m. 64 51.	29. 9	15. m. 47 24.
22. 12	50. u. 77 5.	30. 10	23. m. 56 18.
23. 10	24. m. 54 41.	31. 9	1. m. 46 21.
25. 12	25. u. 72 48.		



fig. TT.

Autor Sculp.



## Animadversiones super XII. Macularum Solarium periodo.

1. **P**ostquam igitur die 19. Octobr. sudum affulserat Cœlum, duæ de novo Maculæ a conspectæ sunt, *Macula inconstantes.* quæ die 20. magis sunt dilatatæ; vigesimo deinde primo, in tres propagines diductæ. Sic verò paulatim postea decreverunt; tandemque 25. penitus sunt sublatae.

2. Die 21. rursus duæ Maculæ b, recens, circa centrum Solis, natæ extiterunt, quæ postmodum die 23. in unam debilissimam umbramque tenuissimam fuerunt redactæ & tandem die 25. planè obierunt. Quales, & his similes permultæ aliæ Maculæ, infallibile nobis subministrant argumentum, Maculas prope Solem generari, iterumque corrumpi.

3. Eo ipso die, nimirum 25. cum Maculæ a atque b nusquam apparerent, tres aliæ pulcherrimæ densæ maximeque conspicuæ c in lineâ eâdem rectâ, inque plagâ orientali, supra Eclipticam, visæ sunt; quas certè pridie minimè conspexeram. Num autem vel in Sole fuerint genitæ, vel illum se se intulerint, dubium est.

4. Die 26. tres pridie conspectæ c magnitudine æquales, mole distantiaque quidem creverant; contra verò intermedia multum densitate decreverat. Omnium intensior deprehendebatur antecedens.

5. Die 27. Cœlum nubibus erat obductum.

6. Die 28. intermediam c penitus deprehendimus deletam, duæ autem reliquæ majori adhuc intervallo separabantur. Prior erat densior, posterior verò admodum existerat debilis, ita ut die 29. vix indicium aliquod superesset: rursus umbræ latè patentes, eo tempore cum altera c, deprehendebantur. *Macula quævis sint ejusdem opacitatis, non tamen æq. diu persistunt.*

7. Die 30. diffusa illa pridie umbra, valde se coarctarat: minor enim, quàm Macula ipsa, videbatur.

8. Die 31. Macula c Facularum quasi satellitium post se duces, ultimùm visa est, splendore verò & mole admodum diminuta. Motus hujus Maculæ c ut & reliquarum a, deprehenditur curvilineus, convexus scilicet Eclipticam versùs, concavus autem ad Zenith: itemque Polus Arcticus in quadrante orientali descendit. *Polus arcticus descendit.*

Ani-



## Animadversiones super XIII. Macularum Solarium periodo.

1. **D**ie 5. 9. & 20. Novembr. quamvis Coelum admodum extiterit serenum, Sol tamen purus ab omni Maculâ fuit conspectus.

*Diversa Macula, in ipso Solis patente hemisphario nata, ac ibidem dissipata.*

2. Nova tandem Mac. k, d. 10. in medio Solis disco orta (de quâ nec vestigium d. præcedente apparuerat) prodiit, quæ autem propter diæ. sequentiû obscuritatem, deinceps minime est observata.

3. Die 24. Novemb. iterum quinque Maculæ recentes d, e, g, penè rectam constituentes lineam, prope horizontem ortivum, conspectæ sunt; quarum australiores g, satis erant debiles; intermedia verò trium majorum e, omnium deprehendebatur densissima & maximè opaca.

4. Die 25. Maculæ illæ universæ satis superque creverant, d & e, tamen reliquis erant intensiores. Præterea quoque alia nova f, cum adhærentibus umbris, in ipso Solis meditullio fuit animadversa, de quibus die præcedente, nequicquam sanè visum. Quæ item evidenti sunt argumento, (id quod jam sæpiùs dictum) non omnes Maculas Solem intrare; sed & nonnullas statò tempore ibidem procreari.

*Insignis Macula halone cincta.*

5. Die 26. nihil observatum: die verò 27. Maculæ d & c mirum in modum, mole, densitate, nucleisque auctæ, atq; halone splendido coronatæ, spectabantur. Ex quatuor autem illis g debilioribus, jam 7. erant natæ. Insuper & duæ Maculæ exiles h, se se offerebant videndæ.

6. Die 28. nihil ampliùs de pridie notatis h fuit animadversum. At reliquæ d, e, g adhuc paulatim crescere videbantur. Sequentibus diebus ob continuam Cœli intemperiem nihil prorsus, ad diem 3. Decemb. usque fuit observatum, quâ scilicet die, unica tantum adhuc illarum d, cum quâdam debilissimâ Maculâ Faculâque erat superstes; reliquæ verò omnes, aut jam exiverant, aut penitus expiraverant.

7. Ex fragmento itineris Macularum d, e, & g, luculenter videre est, motum earum fuisse initio quadantenus curvilineum, concavumque, Austrum versùs; verum circa exitum omnino rectilineum; Maculâ d id præsertim comprobante. Qualis equidem cursus, nullo alio quàm hoc tempore, Menseque Junio, deprehenditur.

Ani-



# XIII.

## GEDANI.

Anno æræ Christianæ, 1643.  
Curſus Macularum, à 24 Nov. ad 3 Dec.

### NOVEMBRIS.

D. Hor. 1. Ang.

24. 10 0. m. 61 13.

25. 10 36. m. 64 58.

27. 11 21. m. 74 5.

28. 9 53. m. 61 54.

### DECEMBRIS.

3. 10 25. m. 67 49.



fig. VV.

Autore Sculpſit.

XIV.

GEDANI.

Anno aera Christianae, 1643.  
 Curfus Macularum, à 25 Dec. ad 25 Jan. An. 1644.

DECEMBRIS.

D. Ho. 1. Arg.

25. 11 33. m. 88. 1.

26. 10 0. m. 75. 4.

29. 9 55. m. 75. 44.

30. 11 26. m. 88. 52.

31. 9 53. m. 76. 19.

IANVARII.

22. 9 43. m. 83. 53.

23. 9 20. m. 81. 27.

24. 10 0. m. 86. 41.

25. 10 21. m. 89. 16.



fig. WW.

P. St. Sculps.



## Animadversiones super XIV. Macularum Solarium Periodo.

1. **I**Nquietudo aëris obstitit, quò minùs maculam hanc egregiam, magnam intensamq; c, quam in imagine VV VV adumbratam vides, ante diem 25. Dec. observare potuerimus. Quæ quidem formam figuramq; ad exitum usq; cōstanter conservabat, nisi quòd circa occas. paululùm oblongior esse videretur; id autem à minori visionis angulo proficiscitur.

*Macula admodum constans.*

2. An. 1644. d. 1. 11. & 13. Jan. Sol ab omni Maculâ omnino nudatus apparuit. Verùm d. 22. duæ iterum Maculæ b, sed debiles, emerfere: de quibus inferior, die sequente visum ferè fallebat:

*Macula minime stabiles*

3. Die 24. duæ pridie observatæ b, planè disparuerant, ita ut nihil quicquam reliquum esset: contrà verò aliæ tres in quadrante orientali, antea nunquam visæ substitutæ sunt, eâ primùm nocte genitæ; quarum duæ & die subsequente observatæ sunt.

4. Vestigium Maculæ b fuit iterum curvilineum, Austrum versùs concavum, & ad Septentrionem convexum, ut in schemate assignatum habes.

*Cursus curvilineus.*

## Animadversiones super XV. Macularum Solarium periodo.

1. **D**ie 16. Febr. mihi denuo observationes instituenti, duæ Maculæ apparuerunt; b illa oblonga, horizonti adhuc inhærebat, sic ut primùm in conspectum veniret; alteram autem a, jam aliquot dies perdurasse certum erat.

*Macula in ipso horizonte visa.*

2. D. 17. pridie visa b, cum umbrâ suâ satis notabili, in duas Maculas erat transformata: a verò penè eandem, ad 20. usque retinebat faciem.

3. Die 18. b Mac. crescens, duas novas recenter procreatas secum ducebat. Simul verò quoq; novæ Bor. e & d densitate insignes, nobis obviam veniebant, quæ tamen die præcedente nusquã adhuc conspiciebantur: hincq; fit manifestum, hasce Maculas in hemisphærio Solis patente fuisse primùm condensatas.

*Admiranda Macularum mutatio.*

4. Die 19. Cœlum non favit. At die 20. b mirificè creverat,

T t t

ob-

obscuriorq; , ob duos nucleos spissè admodum compactos, videbatur. Itemq; d unico præclaro nucleo insignis haud parùm ratione magnitudinis, intensique coloris transmutata. Duæ verò e, in tenuissimam umbram, quatuorq; Maculas commigraverunt. Porro c in tres divisas reperi, non minùs verò & a, quanquam hoc discrimine, quòd hæ ultimæ, magno interstitio ab invicem dimoverentur.

*Multi, & quidem haud ignobiles Maculae, simul in Solis disco observatae.*

5. Die 21. ex pridie observatis tribus Maculis a, unica duntaxat adhuc erat residua, eaq; dilutissima: deinde verò omnes illæ tres Maculae, comites scilicet b, planè penitusq; abierant in nihilum: nisi quòd dicta b, eandem prorsus præ se adhuc ferret magnitudinem, splendoremq; Macula d, nihil omnino diminuta, sed ex parte debilior fuit deprehensa. Cujus certè generis Maculas, & magnas & valdè observabiles, quales b, d, atque e fuère, perraro utique in Solis disco observare simul licet; ut de iisdem hac die visis, oppido valde mihi sim gratulatus.

6. Die 22. Februarij Cœlum existebat undique nubilum.

7. Die verò 23: Maculae d & b non solum situm; sed & formam, magnitudinemq; , sicuti videre est, mutaverunt; e verò planè in umbras abiit.

8. Die 26: Maculas d & b horizonti occiduo appropinquantes, ultimùm observandi data nobis est occasio; quo tempore tamen adhuc perquam densæ, & spectabiles, ratione nucleorum, fuerunt deprehensæ.

9. Die 4. & 5. Martij, nulla omnino Macula in Sole inspecta: at verò 24: ejusdem, tres iterum haud vulgares, circa limbum occidentalem (quæ tamen in præsentì figurâ XV. confusionis scilicet evitandæ gratiâ, lubenter omissæ) animadvertimus.

*Chordarum nulla ad Eclipticam inclinatio.*

10. Annotabis hîc; Maculam b, eclipticam bis hac viâ transiisse; cursumq; Macularum harumce adhuc Austrum versùs fuisse concavum, itemq; Polum ejus ferè culminasse: hincq; chordæ, sicuti in æquilibrio, fieri nunquam non solet, ab Eclipticâ ferè æquidistant:

Ani-



XV.

GEDANI.

Anno a<sup>ra</sup> Christiana, 1644.  
Curvus Macularum, à 16 Febr. ad 26 eiusdem.





fig. XX.

XVI.

GEDANI.

Anno aere Christiano 1644.

Circus Aequalarum, à 25 Mart. ad 4 Aprilis.





## Animadversiones super XVI. Macularum Solarium periodo.

1. **D**ie 25. Martij hor. 7. min. 30 Facula lucidissima a, penes horizontem orientalem affulsit; quæ iterum hor. 10. min. 11. aliquantulum quâ magnitudinem quâ claritatem quasi diminuta apparuit: contrâ verò in ejus medio parvula quædam Macula, duarum vel trium horarum spatio exorta (quod bene notetur) conspecta est.

*Ex Faculâ:  
trium hora-  
rum spatio,  
Macula pro-  
creata.*

2. Die 26. ex Faculâ pridianâ atque unicâ illâ tenui Maculâ, quinque aliæ, non minùs tenuissimæ, quàm minutissimæ, nullis planè Faculis adhærentibus, visæ sunt.

3. Die 28. Maculæ a admodum creverunt; simul verò & duæ novæ b, valdè fluidæ & debiles, circa Solis centrum, noviter procreatæ, apparuerunt: de quibus pridie nihil quicquam certè, quanquam Cœlum undique sudum existebat, deprehensum; nec diutiùs, unâ die, in Sole moram fecere: siquidem die subsequente, iterum planè in nihilum erant redactæ.

4. Die 29. ut & ad exitum usque, paulatim decrescebant.

5. Die 3. Ap. unicam tantum tenuissimam Maculam, Faculis umbrisq; stipatam, (quæ tamen maximam partem Maculam præibant) conspeximus. Die verò 4. ultimum in Sole animadverta: hinc; certum, Maculam hancce a, horizontem occiduum non attigisse: sed in hemisphærio Solis patente, omnino exspirasse.

6. Pol. Aust. viæ transfolaris hujus Maculæ, ortum versùs magis magisq; ascendit; alter verò oppositus occas. versùs descendit.

*Polus Austri-  
nus ascendit.*

## Animadversiones super XVII. Macularum Solarium Periodo.

1. **D**ie 3. Aprilis, priusquam Macula a Figuræ antecedentis, Solem prorsus excederet, iterum alia nova densissima c, circa horizontem ortivum, cum Faculis atque umbris haud vulgaribus, in scenam se attulit.

2. Die 4. Macula c inter fulgentes illas Faculas satis superq; emicuit: quæ postmodum sensim ad Solis circiter centrum, mole crevit; deinde verò, rursus decrevit.

T t t 2

3. Die



*Quando Macula à Faculis umbrisq; cingitur circa ortum, ple- rumq; id et- jam circa oc- casum con- tigit.*

*Cursus 13. dierum.*

*Motus Macu- larum est cō- stantissimus.*

3. Die 13. & 14. ea ipsa Macula admodum imminuta videba- tur : præterea Faculæ, quæ die secundâ post ejus exortum, Ma- culam deseruerant, iterum die secundâ, ante ejus excessum, eam concomitabantur: hoc tamen discrimine à me attento, quòd Fa- culæ umbræque, in occasu nonnihil dilutiores apparuerint.

4. Macula verò hæc, 13. circiter d. in Sole commorata, si verū ejus ortum, occasumq; accuratè consideres. Cujus quidem iter, ut ex schemate satis luculenter patet, adhuc convexum Septentrio- nem vers. & concavū, Aust. vers. deprehenditur: nisi quòd in hoc solummodo, à prioribus Macularum cursibus, discrepet, quòd vi- delicet in occidente plus plusq; deorsum, in oriente verò sursum, tendat: ob quam etiam causam, inferior Polus magis magisq; ad ortum inclinat. Ex quibus autem omnibus, Macularum motum planè esse regularem, atq; omni tempore constantissimum, ni- mis quàm apertè innotescit. Quamvis verò Maculæ hæc neuti- quam perennent, motus tamen ejus est uniformis, sic ut in iis- dem similibus Mensibus, semper eadem motuum curvitas, atq; chordarum ad Eclipticam inclinatio, notetur. Ne autem Peripa- tetici sibi persvadeant, nos ipsis fumum & fucum vendere, roga- mus, ne graventur, observationes Celeberrimi Christophori Scheineri, summâ certè diligentia, ex ipso Cœli vultu deprom- tas, tum Romæ, tum alibi, ut & ab aliis, hoc in negotio bene ex- ercitatis, peractas pervolvere: non dubito profectò, quin mo- tuum Macularum miram constantiam, atq; summam omnium annorum similitudinem, tandem aliquando agnoscant; earumq; Macularum & ortus & occasus, & generationes & corruptio- nes sanè admirabiles, quæ & sæpissimè in ipso Solis meditullio existunt, percipiant. Quod si verò quispiam adhuc de fide no- strâ (quod tamen vix speramus) in exhibendis observationibus, vel tantillum dubitet, illi pollicemur nos & ipsa autographa, quæ in omnem eventum reservamus, monstraturos. Cæterum san- ctè affirmare possumus, nos in delineandis, atq; æri incidendis observationibus nostris, omnem quam potuimus adhibuisse ope- ram, ne in re minimâ, vel ab ipsis autographis alieni quicquam exhiberemus: quâ etiam de causâ, omnes & singulas ipsâ ma- nu nostrâ, non jactantiæ, sed fidei causâ, nos in æreas trans- tulisse tabulas publicè profiteamur.

Ani-



XVII.

GEDANI.

Anno aed Christiano 1644.  
Cursus Macularum, à 3 April. ad 14 eiusd.

APRILIS.

D.	Hor.	1.	Ang.
3.	10	1. m. 91	57.
4.	7	49. m. 79	18.
5.	11	14. m. 103	52.
8.	7	15. m. 77	24.
9.	4	12. u. 53	41.
10.	4	10. u. 34	7.
11.	10	28. m. 94	55.
12.	8	21. m. 79	46.
13.	8	18. m. 79	19.
14.	7	40. m. 77	2.





fig. ZZ.

Aut. Sculp.

XVIII.

GEDANI.

Anno æra Christiana, 1644.  
Cuecus Macularum, ab 8 April. ad 18 eiusdem.



APRILIS.

D.	H.	m.	s.	Inq.
8.	7	15.	m.	77 24.
9.	4	12.	u.	33 41.
10.	4	10.	u.	34 7.
11.	10	23.	m.	94 6.
12.	8	21.	m.	72 46.
13.	8	18.	m.	79 19.
14.	7	40.	m.	77 2.
15.	8	7.	m.	78 7.
17.	7	18.	m.	75 34.
18.	7	7.	m.	75 2.



## Animadversiones super XVIII. Macula-

rum Solarium periodo.

1. **D**ie 6. & 7. Aprilis Cœli intemperies mihi observanti fuit obstaculo.

2. Die autem 8. duæ novæ Maculæ d & e apparuerunt, quarum superior d, ut densior, ita nimbo seu halone cinctâ fuit.

3. Die 9. pridie conspecta e, inferior ac debilior Macula, in tres erat diffusa; die verò 10. in quatuor.

4. Die 11. April. Maculæ mirabiliter se variaverant omnes: quandoquidem die 10. vesperi tantum sex conspexeramus; tum ipsæ quatuordecim videbantur. Ex Maculâ enim d, duæ novæ; itemq; sub Eclipticâ quinque minores g; nec non supra Eclipticam, duæ longiusculæ f, erant procreatæ. Adhæc Facularum umbrarumque (quas tamen universas & singulas in hanc imaginem A A A referre, confusionis evitandæ causâ, nolimus, sed rejecimus in sequentem) tam circa ortum, quàm occasum, ingens cohors deprehendebatur: adeò ut Solem ferè nunquam ita Maculis, Faculis umbrisque perfusum, ac pene obrutum conspexerimus.

*Sol multis  
sanè Maculis,  
Faculis atq;  
umbris refer-  
tus.*

5. Die 12. 13. 14. & 15. Macula d pauxillum creverat: quatuor autem inferiores e, in unam coaluerant; reliquæ Maculæ g, non numero quidem, sed mole erant auctæ: quemadmodum ex subsequente schemate B B B, cui eas reservavimus, est in propatulo. At Maculæ f, indies diminuebantur, sic ut die 15. in unam tenuissimam abiverint.

6. Die 17. Maculæ d & e, Faculis umbrisque varii generis cingebantur.

7. Die 18. Faculæ luculentiores, Maculæ autem paulò minores videbantur. Cæterum, non procul à Solis centro, in quadrante occidentali, vestigium aliquod novæ cujusdam Maculæ, clarè satis apparuit, quod nec die præcedente, nec subsequente, amplius conspectum.

8. Curvitas horum itinerum quasi decrescit: rectiùs enim paululùm procedit, quàm in fig. antecedentibus. Moram verò quod attinet Macularum d & e; illa extitit dierum circiter 13.

*Curvitas iti-  
neris decre-  
scit.  
Cursus fuit  
dierum tre-  
decim.*

## Animadversiones super XIX Macularum Solarium periodo.

1. **M**aculæ g, cum Facularum umbrarumq; comitatu, die 11. Solem sunt ingressæ; verùm, die 12. omni planè comitatu fuère destitutæ.

*Macula augentur, & à se mutuo discedunt.* 2. Die 12. 13. & 14. Maculæ istæ non solùm magnitudine, sed & numero atque distantia creverunt; postmodum verò decrescere sunt visæ, non tamen quâ splendorem vel densitatem.

3. Die 18. tres duntaxat adhuc erant residuæ, reliquæ aut coaluerant, aut planè evanuerant, vel, quod magis credibile, in Faculas luculentissimas abierant; quas autem, ob loci penuriam, hîc apponere nolimus.

4. Die 19. propemodum adhuc eundem situm pridianæ Maculæ obtinuerunt; die verò 20. sub eâdem rectâ perpendiculari, in ipsâ fermè peripheriâ, se se obtulerunt, sed ita diminutæ extitère, ut vix ac ne vix conspici possent.

*Notatu digna.* 5. Animadvertendum in præsens, quòd hæ Maculæ quasi in parte Boreali quidem supra Eclipticam exortæ fuerint, sed infra Eclipticam in parte Solis Australi iterum occiderint. Curvitas insuper, atque inclinatio harum Macularum, accedit omninò ad antecedentium curvitatem: idque eò, quia uno eodemque tempore, cursum in Sole perfecerunt.

*Macula secundaria.* 6. Die 21, & 22. nihil prorsus Macularum, præter secundarias aliquas, per totum Solis discum diffusas deprehendimus.

7. Die 24. 25. 26. & 27. Sol adhuc penitus ab omni Maculâ purus fuit lustratus. Die verò 28. admodum obscura Macula circa ortum animadversa.

*Undecim dierum spatium nequicquam in Sole extitit.* 8. Die 29. 30. & 31. Aprilis ut & 1. Maij, nullæ profectò adhuc Maculæ, vel Faculæ in conspectum venerunt: idque annotari meretur, quòd intra ipsarum undecim dierum spatium, ut ut aura extiterit valde defæcata, nihil notabile in Sole obviam venerit.



XIX.

GEDANI.

Anno aera Christiana, 1644.  
 Curfus Tacularum, à 11 April. ad 20 eiusd.

APRILIS.


D. Hor. i. Ang.			
11.	10	23. m. 94	6.
12.	8	21. m. 79	46.
13.	8	18. m. 79	19.
14.	7	40. m. 77	2.
15.	8	7. m. 78	7.
17.	7	18 m. 75	34.
18.	7	7. m. 75	2.
19.	7	40. m. 75	45.
20.	8	24. m. 77	48.



XX.

GEDANI.

Anno era Christiana 1644.  
Curfus Macularum à 3 Maii ad 16 eiusdem.



MAII.

D.	H.	Ang.
3.	7	21.m.70 47.
4.	6	55.m.70 5.
6.	9	25.m.77 31.
7.	8	15.m.71 17.
8.	7	23.m.69 0.
10.	8	26.m.70 38.
11.	8	49.m.71 53.
12.	9	55.m.78 49.
13.	7	45.m.67 44.
14.	7	54.m.67 23.
15.	7	53.m.66 57.
16.	6	45.m.68 40.

A. Orens.

B Occidens.

fig. CCC.

Antoni Scutiger



## Animadversiones super XX. Macularum Solarium periodo.

I. **N**unc tandem, 3. videlicet Maij, mane Facula nova a, juxta horizon-tem ortivum, Boream versùs, se se detexit, quæ, tempore pomeridiano, faciem penè eandem retulit, nisi quòd materia etiam quædam Macularum fuerit animadversa.

2. Die 4. ex Faculis a, pridie visis, 5. Maculæ erant natæ, quæ die antecedente, vix aliquod sui vestigium præbebant. Præter has verò adhuc aliæ duæ oblongiusculæ nigerri-*Ex Faculis, Macule den-*  
*fissima pro-*  
*diere.*  
mæ, densissimæq; Maculæ d & e, Austrum versùs, primùm Solis discum ingressæ, spectabantur. Ex quibus utique luculenter videre est, quòd in multò brevissimo tem-  
poris, 13 scilicet vel 14. horarum, intervallo, mira sanè possit dari Macularum gene-  
ratio, atque corruptio.

3. Die 5. nullus omnino Sol affulsit; die verò 6. omnes Maculæ, præsertim superio-  
res, ex Faculis ortæ, mirum in modum creverant.

4. Die 7. magis magisq; tum quà magnitudinem, tum quà nucleos, erant auctæ: in-  
terque Maculas b & a, dilutissimam umbram notavimus; itemque verò & novam lu-  
cidissimam Faculam, ad ortum, Aquilonem versùs, conspeximus.

*Macula quo-*  
*tidie se se va-*  
*riantes.*

5. Die 8. Maij, formam figuramve omnes denuò mutaverant.

6. Die 9. Cœli serenitas observationibus minimè annuebat. Die autem 10. magnam  
omnino macularum metamorphosin oculis animadvertere licuit, tam ratione magni-  
tudinis, quàm figuræ; d inprimis enim non solùm multò major, haloneq; splendidis-  
simo coronata deprehensa, sed & nucleum in ejus meditullio densissimum, nigerri-  
mumque nec non duas maculas, ex superiori umbrâ recenter procreatas, exhibuit:  
quæcertè ampliorem, atque magis egregiam Maculâ videlicet d, vix memini, me, lon-  
go elapso temporis spatio, observasse.

*Notabilis ad-*  
*modum Ma-*  
*cularum me-*  
*tamorphosis.*

*Macula val-*  
*dè insignis.*

7. Die 11. 12. & 13. Maij, macula Australis d, constanter suo in statu perman-  
sit, sic ut, cum cæteris asseclis suis eandem semper formam, splendorem, densitatemque præ-  
se ferret. At maculæ a, die 13. multò compressiores videbantur, præsertim cum illo  
ipso tempore in ipso horizon. versarentur: contrà latè patentes Faculas umbrasq; secû-  
ducebant; de quibus die seq. nullæ (tenuissimis quibusdam exceptis) erant superstites.

8. Die 14. & 15. nulla utique apparuit, præter istam d insignem maculam, quæ ta-  
men Faculis umbrisque stipata sensim gracilescerat.

9. Quæ die 16. videbatur macula oblonga, quam vis horizonti valdè extiterit vicina,  
nihilò tamen minùs densissima, & maximè conspicua erat.

10. Notabis, inprimis maculam hancce d, in quadrante orientali indies crevisse, va-  
riabilemque extitisse; in quadrante verò occidentali, quoad figuram, magnitudinem,  
densitatemque, fuisse constantissimam; sic ut Solem crescendo subingressâ atq; egressâ  
fuerit: unde mihi quasi certò colligere dabatur, illam ipsam maculam, omni dubio pro-  
cul, fore reducem: cum id utiq; ob materiæ densitatem, ejusque magnitudinem, atq;  
vastitatem fieri bene posset. Num autem, justo tempore, redierit, nec ne, sequentes te-  
stabuntur observationes. Interim te quoq; mi Lector, accipere hîc velim, maculam  
d, horâ 10. eadem die, horizonti planè infixam fuisse, ut & horâ secundâ pomeridianâ,  
ita tamen ut visum penè falleret. Certum itaque est, modò dictam Maculam, 8. hor. &  
amplius, horizonti inhærendo consumsisse: totum verò Solis patens hemisphærium  
percurrendo, si rectè calculum ineas, minimùm dies 12. & 20. hor. Insuper autem cur-  
sus ejus, in quadrante orientali, fuit adhuc quidem curvilineus; in occidentali verò  
quadrante, rectam omnino constituit lineam.

*Notanda.*

*Unde conje-*  
*ctare licuerit*  
*Maculam d*  
*fore reducẽ.*

*Macula in*  
*ipso horizon-*  
*te visa.*

*Macula 8. h.*  
*& amplius*  
*horizonti in-*  
*herendo, con-*  
*fecit.*

11. Alterius Maculæ iter a quod spectat, fermè similiter ad Eclipticam inclinarum  
animadvertimus. At motus ejus in quadrante orientali, multò certè fuit concitator,  
quàm Maculæ d, ipso attestante schemate. Tribus enim prioribus dieb. ferè tantum  
in Sole peregit spatium, quantum altera d, in 4. circiter dieb.; id quod annotari probè  
meretur. Hincque etiam in Sole minimè tam diu substitit, quàm illa altera major d, :  
cum vix 12. dies sit totum consideres curriculum, in Solis disco, commorata fuerit.

*Borealium*  
*Macularum*  
*curfus, fuit*  
*multò concit-*  
*ator, quàm*  
*Australium.*

Ani-



## Animadversiones super XXI. Macularum Solarium periodo.

1. **D**ie 14 Maij Sol fuit macularum vacuus.

*Admirabilis  
Macularum  
generatio  
atq; augmē-  
tatio.*

2. Die 15. præter Faculam, nihil quicquam in Solis discoprehendimus. At die 16. ex pridianâ Faculâ, jam aliquot Maculæ a & b haud vulgares procreatæ sunt.

4. Aëris inquietudo obstitit, quò minùs, ante 22. Maij, Maculas illas priores observare potuerim; quo etiam demum tempore, non solum mole auctæ, sed & inprimis antecedens b, ob densitatem, nucleum, halonemque insignem, quo cingebatur, valdè erat notabilis; itemq; propemodum similem, atq; Macula ista major d, in præcedente Figurâ, exhibebat faciem.

5. Die 23. Macula b, eâdem fermè magnitudine, ac formâ conspecta: reliquæ verò intermediæ a admodum raræ fuerunt deprehensæ; interim tamen positum indies mirificè mutaverunt.

6. Die 24. Maculæ illæ modò dictæ a, rariores adhuc spectabantur, atque b aliquantulum etiam decreverat.

7. Die 25. & 26. subsequentes minores adeò erant attenuatæ, ut visum ferè effugerent.

*Macula quædam in Faculas degenerare.*

8. Die 27. jam prorsus evanuerant, in ejusque autem locum, Faculæ quamplurimæ umbris intermixtæ erant substitutæ.

*Macula in ipso horis occiduo animadversa.*

9. Die 28. Macula b, admodum gracilis circa occasum, ut fieri ob angulum visionis obliquiorem solet, itidemque umbris Faculisque stipata comparuit. At horâ 4. pomerid. in ipso Lunæ limbo visa; unde 12. circiter horas in horizonte occiduo consumsisse, certum est.

*Cursus propemodum rectilineus.*


Duratio autem ejus, à tempore generationis, fuit dierum 13. circiter. Atque Cursus, quantum colligere licet, penè rectilineus extitit; qualis certè nullo non tempore circa Junij initium observatus. Postremò, nova Macula f circa horizontem ortivum Boream versùs, Faculis umbrisq; cincta, denuò oculis nostris se objecit, cujus periodum in subsequente habebis iconismo.



XXI.

GEDANI.

Anno aera Christiana 1644.  
Curfus Macularum, à 16 Mai, ad 28 eiusdem.




XXII.

GEDANI.

Anno ære Christianæ 1644.  
Circus Macularum, à 28 Maii, ad 7 Junii.

MAIL.

D. Hæ. 1.	Aug.
28. 6	17. m. 61 0.
30. 6	38. m. 60 36.
31. 6	38. m. 89 82.



IVNII.

D. Hæ. 1.	Aug.
1. 6	33. m. 89 27.
3. 6	39. m. 38 31.
4. 6	26. m. 38 30.
8. 6	37. m. 37 38.
6. 7	20. m. 36 36.
7. 7	42. m. 36 46.

A. Oriens.

B Occidens.

Fig. EEE.

Aug. 8.



## Animadversiones super XXII. Macula- rum Solarium periodo.

1. **M**aculam f die 28. recens exortam, adhuc major Facularum umbrarumq; comitatus, die videlicet 30 Maij, subsequuta est. Ipsumque corpus istius Maculæ satis quidem densum, conspicuumque, expers tamen omnino nucleorum, deprehensum.

*Macula absq; nucleo.*

2. D. 31. Maij ad 1 Jun. Macula f quotidie attenuata, usq; dum die 3 & 4 in quatuor fuerit distincta; die verò 5 cum ultimùm viderentur, iterum in unam tenuissimam caluerunt. Eodemq; simul tempore, ad ortum, sub ipsâ fermè Eclipticâ, nova Macula e, Faculis concomitata, denuò in obtutum venit; quam in numerum reducum referendam, ac illam ipsam magnam egregiamq; Maculam d, in imagine XX expressam, esse, evidentissimè ex sequentibus colligo rationibus. Primò, quòd Solem, alterâ vice, elapsis scilicet 27. diebus, & quidem circa eandem ferè peripheriæ partem, denuò subingressa fuerit. Secundò, quòd formâ insuper planè eâdem, putâ, rotundatâ, haloneque pariter circumdatâ, sicut in priori cursu, in imagine videlicet XX. apparuerit.

*Macula, quæ modò in plures se se dilataverat, in unam iterum coaluit.*

*Macula, Solis hemispheriû patens, secundâ vice subingressa.*

3. Macula hæc redux e, tum mole, tum densitate ad 5 usque diem Maij crevit, postmodum verò iterum sensim decrevit. Sed notes, velim, magnitudinem priorem in hoc casu non acquisivisse.

4. Die 6 & 7 non vestigium quidem, de tenuissimâ Maculâ, die 5 visâ, animadversum; sic ut penitus fuerit extincta, priusquam ad horizontem occiduum pervenerit: e verò satis adhuc extitit conspicua. At in diebus subsequenter, ob tristem Cœli faciem, hujus Maculæ e, ulteriorem progressum, atq; mutationem, minimè annotare potuimus. Atq; hæc quidem Macula, inde in primis admodum fuit notabilis; primò, quòd Solem, formâ valdè conspicuâ præditâ, bis pertransiverit; primâ videlicet vice, crescendo, altera, autem decrescendo. Secundò, quòd iter ejus in utroque cursu propemodum rectilineum, ipsa omni que tempore insigni halone cincta fuerit; id quod certè rarissimè conspicitur.

*Animadversionda.*

## Animadversiones super XXIII. Macularum Solarium periodo.

1. **D**ie 13. Junij, cùm iterum Sol clarè nobis affulisset, Maculam a conspeximus; quam sanè non minùs reducem esse, ac illam antecedentem e, penitus nobis persuademus: eamque nominetenus esse Maculam b, in schemate XXI. adumbratam, & die 28 circa occasum animadversam, ex omnibus profectò circumstantiis, cùm situ, tum reversionis tempore, certò conjicere datur. Decrevit autem hac alterâ vice quotidie, sic ut, die 22 Junij, ultimò in Sole sit deprehensa. *Macula re-*  
*dux.* *Curvus curvi-*  
*lineus.* Cursus autem ejus, quemadmodum ex tribus illis observationibus clarè elucet, jam ex parte iterum curvilineus extitit, concavus scilicet Aquilonem versùs.

2. Die 24 nil nisi Faculæ debiles, tam in ortu, quàm in occasu, conspectæ; quæ verò in hanc imaginem, ob chartæ angustiam, minimè sunt insertæ.

3. Die 25, 26, & 27, Cœlum continuè fuit nubilum: at die 28, rursum serenitas Cœli annuit, quo tempore novam procreatam c, quam Faculæ lucidissimæ concomitabantur, vidimus: quæ ad 4 usque, ut mole aucta, ita deinceps paulatim diminuta fuit; 9 autem Julij ultimùm in Sole animadversa: ita ut dies 13 circiter ibidem commorata fuerit. *Macula in-*  
*cessit sub So-*  
*le, dies quasi*  
*13.*

4. Die 30. Junij, denuò recentes Maculæ d & b prodierunt; quibus ut simul Facularum ingens tractus adstabat, illum tamen adumbrare, hac vice minimè duximus pretium operæ. Cæterùm non nescire te velim, mi Lector, Maculam b, ratione nuclei atque materiæ densitatis, valde fuisse spectabilem, itemque crevisse, ad 5. usque Julij, quodie & minor quædam Macula, noviter primùm conflata, majori adhæsit; verùm non ampliùs unâ die illam animadvertere nobis contigit: contrà major b, decrevit quidem de die in diem, nihilo tamen minùs satis clarè omni tempore se se conspiciendam dedit. Atenim verò Macula d, horizontem occiduum haud attigit; sed in disco Solis, die videlicet 8. Jul. planè fuit dissipata.

5. Die 3. Julij, tres de novo tenuissimæ Maculæ e, valdeque exiles, circa Solis propemodum medium, natæ sunt; quæ postmodum, successu temporis & quâ formam, & quâ numerum, perquam sunt variatæ; id quod ex diagrammate adjuncto satis superque palàm est: in quadrante verò occidentali, numero iterum, mole, atque densitate paulatim diminutæ sunt; adeò ut, circa exitum, unica tantùm, Faculis tamen nimis quàm fulgentissimis coronata, visu perciperetur.

Ani-




XXIII.

## GEDANI

Anno era Christiana, 1644.  
 Curfus Macularum, à 13 Junii, ad 30 Julii.

## IUNII.

D. Hor. 1. Ang.	
13. 8	17. m. 55 9.
17. 6	6. m. 53 9.
22. 6	18. m. 53 3.
24. 6	48. m. 50 25.
28. 6	25. m. 48 0.
29. 6	56. m. 47 20.
30. 7	48. m. 47 23.



## IULII.

D. Hor. 1. Ang.	
2. 6	46. m. 46 15.
3. 7	38. m. 45 48.
4. 7	13. m. 45 16.
5. 7	46. m. 46 17.
7. 6	43. m. 44 23.
8. 6	39. m. 44 23.
9. 7	30. m. 43 45.
10. 6	33. m. 43 25.

A. Oriens.

B. Occidens.

fig. FFF.

Aut. Sculp.

XXIV

GEDANI.

Anno aera Christiana, 1644.  
Cursus Macularum, à 7 ad 12 Julii.

IVLII.

D. Hor. . . . . Ang.  
7. 6 43. m. 44 23.  
8. 6 39. m. 44 23.  
9. 7 10. m. 43 48.  
10. 6 58. m. 43 25.  
11. 6 42. m. 43 2.  
12. 7 53. m. 43 11.

Ecliptica.

A B



A. Oriens.

B. Occidens.

fig. GGG.

Aut. Sc.



## Animadversiones super XXIV Macularum Solarium periodo.

1. **D**ie 7. Julij, circa Solis centrum, Austrum versùs, tenues aliquot Maculæ f, generatæ sunt: id quod certò inde constat, quòd pridie nimirum, nihil omnino in Sole, ut ut sedulò eum perlustrarem, conspectum fuerit. Quæ quidem omnes Maculæ quotidie paulatim creverunt, schemate id attestante. Præterea verò nihil notatu dignum, circa hanc Macularum periodum, occurrit, nisi, quòd cursus earum, simili planè modo, ut antecedentium, fuerit inclinatus, curvatusque.

*In Solis medio Macula aliquot exorta.*

2. A Die 14. ad 21. Julii, nihil planè Macularum, Facularumque in Sole fuit animadversum. Die verò 22. Facula horizonti ortivo infidebat.

3. Die 23. & 24. præter Faculas, atque umbras secundarias, in patente Solis hemisphærio nihil, crede, deprehendimus. Die autem 25. unica tantùm Facula affulsit.

*Macula secundaria.*

## Animadversiones super XXV. Macularum Solarium Periodo.

1. **J**am verò tandem, die 26. Julij, duæ Maculæ g, nimirum & h oriebantur: superior minor h diminuebatur quotidie ad medium usque itineris, ubi penitus in nihilum redacta, sic ut nec indicium aliquod sui reliquum esset. Altera verò inferior g, ad medium crevit; postmodum autem sensim decrescendo, cum Faculis perquam lucidis in Sole esse desiit.

*Macula, circa Solis centrum, omnino defecit.*

2. Die 3. Augusti Maculam g, Faculæ insignes præibant, quod certè valde rarum est contingens. Nam hæ plerumque Maculas sequuntur. Quo ipso tempore, circa ortum, nova Facula i conspecta, quæ, die subsequente, in duas valde tenuissimas Maculas abiit.

3. *Curfus Maculæ g*, adhuc extitit curvilineus, & quidem concavus, Boream versùs : quia Polus ejus Septentrionalis in quadrante occidentali, commorabatur.

*Curfus appa-  
rens fuit die-  
rum plus mi-  
nus 12.*

4. Tempus itinerarium *Maculæ g*, si benè expendatur, non multùm ultra dies 12. excessit.

*Quanto tem-  
poris spatio  
Sol Macula-  
rum planè  
vacuus exti-  
terit?*

5. Die 5. & 6. Aug. pluvix continuæ, Solis aspectum nobis negarunt. Die verò 7. rursùm quidem observationi vacavimus; sed nec minima quidem, sive *Macula*, sive *Facula*, obviam nobis venit. Itemque verò die 8. 9. & 10. nihil penitus *Macularum* apparuit. Die iterum 11. & 12. aër fuit turbidus.

6. Die 14. 15. 16. 18. 19. & 20. Sol adhuc faciem exhibuit omni ex parte mundam. Quid autem sequentibus 5. dieb. factum fuerit, ob Cœli inclementiam, minimè observare concessum est.

7. Die 26. denuo quidem *Maculæ*, à nobis animadversæ; sed, ratione nubecularum Solem occupantium, nihil omnino annotare nobis licuit.

## Animadversiones super XXVI. *Macula- rum Solarium* periodo.

1. **D**ie 27. Aug. unicam *Maculam a*, in medio propemodum Solis disco deprehendimus; utrùm verò Solem fuerit ingressa, vel primùm in ejus gremio nata sit, certò affirmare sanè nequeo : cùm dies antecedentes nubilosi extiterint. Eandem quoque ob causam, non nisi bis tantùm hanc *Maculam a* videre nobis obtigit.

2. Die 2. Sept. iterum duæ novæ *Maculæ b*, in conspectum venerunt; quæ, cùm ad occasum vergerent, tum, quâ formam, tum quâ numerum, indies sunt mutatæ; sic ut circa egressum, solùm duæ exiguæ, umbris *Faculisque* lucidissimis circumvallatæ se obtulerint.

3. Die 10. & 11. Sept. *Faculæ* latè patentes *c*, ortum versùs, infra *Eclipticam* spectabantur; quæ die 12. rursùm penitus erant dissipatæ, neque, ante 18. vestigium aliquod *Macularum Facularumque* comparuit. Posthac, ad 25. usque, Sol denuo purus omnino fuit observatus.

4. Die



XXV.

GEDANI.

Anno ære Christianæ, 1644.  
Curfus Macularum, à 26 Iulii, ad 4 Augusti.

IULII.

D. H. . i. . Ang.  
26. 7 38. m. 38 22.  
27. 7 38. m. 38 6.  
28. 6 40. m. 37 49.  
29. 7 10. m. 37 33.  
30. 7 7. m. 27 13.



XXVI.

GEDANI.

Anno aera Christiana, 1644.  
 Quaevis Macularum, à 27 Augusti. ad 8 Oct.

AVGVSTI.

D. Hor. . 1. Aug.  
 27. 7 26. m. 33 39.  
 28. 7 23. m. 33 9.

SEPTEMBRIS.

2. 7 43. m. 33 31.  
 8. 7 39. m. 33 35.  
 9. 7 33. m. 32 50.  
 10. 7 49. m. 33 47.  
 11. 7 33. m. 32 50.  
 30. 8 33. m. 38 5.





4. Die 30. Sept. demum insignis Macula d, tribus densissimis nucleis maximè conspicua apparuit; decrevit tamen mirum in modum, die 2. videlicet Octob. adeò ut ex illâ magnâ densissimâ, parvula tantum, atque multum tenuissima id temporis fuerit residua; prout id in subjectâ designatione, velut in speculo videtur. Adhæc autem, & Austrum versùs, Maculam admodum tenuem e, recenter exortam vidimus, quæ, die subsequente, iterum denata, inque Faculas fulgentissimas accensa.

5. Die 6. de Maculâ d, nihil quicquam spectabatur.

6. Die 8. Octobr: rursus debilissimam aliquam, atque exiguum f, recens in Solis sinu procreatam,prehendimus; de quâ hoc præsertim asseverare habeo, quòd se se, circa ortum, in Solis discum non intulerit, & quòd die statim subsequente, iterum fuit in nihilum redacta.

*Macula summum biduana.*

7. Ad diem usq; 5 Nov. ob aërem nimis turbulentum, nihil annotatum, neq; animadversum: sic & die 14, 25, 28, 29, 30, 2 Decemb. 3, 4, 5, 6, 11, 16, 21, ut & 5 Januar. An. 1645, 6, 13, & 24, Sol planè ab omnibus Maculis defæcatus extitit. Estq; sanè res admirabilis, quòd in tam longo temporis intervallo nequicquam prodierit: utrùm verò in diebus intermediis, in quibus, ob tristem Cœli vultum, nobis observare minimè obtigit, aliquid in Sole emerferit nec ne, profectò me clam est: interim tamen id scire magnopere interest. Quamobrem contemplatores phænomenorum cœlestium quoscunq; etiam atq; etiam rogatos velim, siquidem tum temporis vigiles in Solem direxerint oculos, ut nos de his certiores reddant. Etenim, si illis item suprâ dictis intermediis diebus, quicquam oculis animadvertere negatum; tunc certè, absq; hæsitatione, pronunciare licebit, Solem per tres integros menses, mundum purumq; , ab omni Maculâ Faculâq; esse spectatum; id quòd observari maximè omnino meretur: eò præsertim, cum id ipsum, quantum sciam, nunquam adhuc à quopiam fuerit prehensum. Quibus hæc etiam Macularum concludemus observationes, cum de iis satis prolixè, ut arbitror, superioribus quibusdam capitibus dixerimus; conferemus autem nos ad Jovialium contemplationes, ut non minùs ea, quæ ibidem probè animadvertenda occurrunt, tibi, Lector candide, plana faciamus omnia.



# OBSERVATIONES QUÆDAM Circulatorum Jovis, quæ eorundem, cùm cir- cumcurfationes, tum mutationes, & ad se invicem, tum ad Jovem consideratorum, accuratè exhibent; institutæ, Anno Salutis 1642. 1643. 1644.

G E D A N I.

1. **A**Nno à Christo nato, 1642. die 13. Augusti  
horâ 11. stylo Gregoriano, tres Satellites circa Jovem, ope cu-  
jusdam exactissimi Telescopii, deprehendi. Orientalior Bo-  
ream versùs tendens, omnium erat maximus; alter verò reli-  
quorum minimus, cum Jove & orientiori, rectam constitue-  
bat lineam; quorum inter se, ut & ad Jovem, talis erat constitu-  
tio: a b, 14 min. a c, 5 min. & c d, 30 sec:

2. Die 14. Augusti, horâ 10 min. 30 iterum tres stellulæ ap-  
parebant. Orientalis major à rectâ lineâ, per reliquas protra-  
ctâ, modicùm in Aquilonem deflectebat: occidentiores exi-  
guæ erant magnitudinis; elongabantur à se invicem, ut & à  
Jove, hunc in modum: a b, 5 min. b c, 6 min. & a d, 11 min.

3. Horâ 11 min. 15 situm locumque satis notabiliter muta-  
verant, omnesque majores atque splendidiore deprehende-  
bantur; quarum dispositio talis erat, a b, 7 minut. b c, 7 min.  
& a d, 14 minut.

4. Die 15 Augusti, horâ 10 min. 25 denuo tres duntaxat  
stellulas Jovem cingentes conspeximus; duas quidem magni-  
tudine æquales, in occasu, tertiam reliquarum maximam in or-  
tu, & quidem in hoc ordine, atque distantia: a b, 3 min. b c,  
3 minut. a d, 11 minut.

5. Eadem die, horâ 10 min. 35 earundem stellarum interca-  
pedines variatas, isthoc pacto deprehendimus: a b, 2 minut.  
20 sec. b c, 2 min. 20 sec. a d, 11 min.

6. Horâ 1 post med. noct. die nimirum 16 Augusti, occi-  
dentaliores multùm, tum quâ magnitudinem, tum quâ splen-  
dorem, erant attenuatæ; situmque itidem haud parùm muta-  
verant; ut vides: a b, 2 min. b c, 1 min. 30 sec. & a d 10 min.

*Jovis comi-  
tes modò ma-  
jores, modò  
etiam splen-  
didiore, ap-  
parent.*



# Circumioyialium

Observatio

Observatio.

d  
\*  
\*



!

e  
\*

d



b  
\*

d

2.

b

c



\*

\*

e

d c b

16.



\*

\*

\*

d

3.

b

c



\*

\*

e

d c b

17.



\*

\*

\*

d

4.

b

c



\*

\*

e

d c b

18.



\*

\*

\*

d

5.

b

c



\*

\*

e

d c b

19.



\*

\*

\*

d

6.

b

c



\*

\*

e

d c b

20.



\*

\*

\*

d

7.

b

c



\*

\*

e

c b

21.



\*

\*

d

8.

b

c



\*

\*

d

c

22.



\*

\*

b

\*

c

b

9.



\*

\*

d

c

23.



\*

\*

b

\*

d

10.

b

c



\*

\*

e

e

24.



\*

b

\*

c

\*

d

\*

e

d

11.

b

c



\*

\*

e

d

25.



\*

b

\*

c

\*

e

d

12.

b

c



\*

\*

e

fixa.

d

26.



\*

\*

\*

\*

e

d

13.

b

c



\*

\*

e

fixa.

d

e

27.



\*

\*

\*

b

\*

e

d

14.

b

c



\*

\*

d

c

28.



\*

\*

\*

Aut Sculps.

fig. KKK





7. Horâ 1 min. 11 post med. noct. illæ ad dextram incedentes, adeò erant imminutæ, ut vix ac ne vix cernerentur.

8. Horâ 1. 30 min. duæ illæ exiguæ magis magisque sibi invicem appropinquabant, sic ut b c tantùm 40 secund. removerentur; alter verò d, à Jove circiter 9 min.

9. Die 16 Augusti, horâ 10 min. 45 duo tantummodo circumjoviales, Eoum versùs, erant conspicui, reliqui nusquam apparebant; longinquior à Jove erat maximus; qui ab altero minori b, planè ut hic à Jove tribus minutis removebatur. Horâ 11, min. 15 utramque distantiam, quantum animadvertere licuit, nihil prorsus immutaverant.

10. Die 17 Augusti horâ 10 min. 45 orientalem stellulam d, reliquarum minimam, Boream versùs inclinantem, hac viceprehendimus; contrà verò longiùs à Jove, 9 videlicet minut. distabat: occidentales b c, 4 tantùm min. à se invicem, tanto nempe interstitio, quanto vicinior à Jove. dirimebantur.

11. Die 18 Augusti, horâ 10 min. 25 demum omnes quatuor, quod hucusque nondum est concessum, splendidissimas lucidissimasque, summâ cum delectatione conspeximus: occidentalium stellula extrema erat maxima, vicinior verò minima: per omnes, ut & centrum Jovis, rectâ incedebat lineâ. Præterea in remotione hunc servabant ordinem, atque proportionem: a b, erat 4 min; b c, 2 min. 30 sec; nec major deprehendebatur distantia a d; d e verò 9 min.

12. Horâ 11, min. 10 eadem die, orientalis vicinior, situm neutiquam mutaverat; sed reliquæ magis magisque à Jove, ut & à se invicem, recedebant; distantia orientalium detegebatur tum temporis 11 min. b & Jovis, 6 min; b & c verò 3 minut. Horâ 11 min. 30 omnes ferè ejusdem magnitudinis, præter illam Jovi viciniorem d; priùs reliquarum minimam, quæ jam maxima spectabatur.

13. Die 19 Augusti, horâ 10 min. 25 denuo mihi observanti, quatuor stellæ apparuerunt, non autem omnes in unâ eademque rectâ: proxima namque d, à Jove 1 min. 30 sec. distans, Aquilonem versùs tendebat: orientalis longinquior, reliquarum erat maxima: elongabatur à Jove circiter 14 minut:

*Joviales etiam suas habent latitudines.*

nut : at occidentalis b, tantùm 3 minut. & ab alterâ c, 1 min. 30 secund.

14. Eadem die, horâ 10 min. 45, tres viciniore non modicum mutatae videbantur, plus plusque iter Jovem versùs faciebant : d à Jove 2 min. b ab ipso 2 min. 30 sec; c autem à b, unico tantummodo minuto distabat.

15. Hor. 11 min. 15 occidentaliore b c, vix 50 sec. à se invicem aberant; d verò paulatim à Jove discedebat, schemate attestante.

*Omnes in Oriente conspecti.*

16. Die 20. Augusti, horâ 10. min. 20, omnes quatuor in Oriente micabant; quorum extremus erat maximus; reliquorum trium minorum intermedius, paululùm Aquilam versùs elevabatur : vicinior b, omnium minimus deprehendebatur, qui à Jove, tum & reliqui, à se invicem, non ampliùs unico minuto & dimidio dirimebantur; e verò à d, 12 min.

17. Horâ 10. min. 40, viciniore situm ex parte mutaverant, sic ut superior c ad d, b verò ad Jovem sensim tenderet; quemadmodum ex distantiiis luculenter apparet. a b, 1 min. b c, 1 min. 30. sec. c d, 1 min.

18. Horâ 10, min. 55 extrema, quantum dijudicare potuimus, locum retinebat fermè eundem : at reliquæ hunc ordinem constituebant : a b, 50 sec. b c, 1 min. 30 sec. c d, 50 sec.

19. Horâ 11, min. 6 tres propinquiore, multùm quoad magnitudinem decreverant, inprimis b visum penè eludebat. c & b motu ferebantur contrario; id quod hinc manifestè colligere datur, quòd tam c & d, quàm b & a, in hac observatione, adhuc viciniore extiterint. Nam distantia a b tantùm deprehendebatur 40 sec. b c, 1 min. 30 sec, & c d pariter 40 sec.

20. Horâ 11, min. 30, minima illa b, magnâ cum velocitate ad Jovem tendebat, ejusque limbo quasi jam adhærebat. Duæ reliquæ c & d ad conjunctionem se accingebant, interstitio 30 tantùm minutorum aberant, & b à Jove adhuc minori spatio 20 scilicet secund. hinc distantia c b, ad duo integra minuta extendebatur.

*Conjunctio  
minutis digna*

21. Horâ 11, minut. 40, exigua illa b, planè à Jove tegebatur, quæ horâ 10, min. 20, satis longè ab eo aberat, quod quidem spe-



spectaculum, ut visu erat jucundissimum, ita observatu pariter dignissimum. Reliquæ duæ c & b, 20 sec. duntaxat distabant, ita ut ferè altera alteram tangeret.

22. Die 21 Augusti, horâ 10 min. 10 tres stellulas cum jove in rectâ lineâ, secundum Zodiaci ductum, ut fieri solet, fitas deprehendimus : occidentalis minima à jove 3 min. erat remota, c verò à jove 7 min. & ab alterâ d 5 min. Horâ 10, min. 35 coordinatio stellarum fermè nihil à priori differebat.

23. Die 22 Augusti, horâ 9 min. 40, eandem propemodum faciem tres illi circumjoviales, ac pridie, referebant, id quod ex servato ordine luculenter patet. a b, 3 min. a c, 8 minut. & c d, 4 minut.

Die 23, & sequentibus, ob Cœlum continuè nubilosum, nihil prorsus observavimus.

24. Die 29 Augusti horâ 10 min. 57, quatuor quidem iterum stellæ, circa jovem aderant, sed duæ, c nempe & d (sicuti ex subsequens observationibus videre licuit) ex numero erant fixarum. Vicinior jovi b, visum penè effugiebat.

Die 31 Augusti, ut & 1 Septemb. nubilosa fuit tempestas.

25. Die 2 Septemb. horâ 10 minut. 0 in ortu fixam iterum, cum jove & suis affeclis, ferè in eâdem rectâ constitutam deprehendimus. Reliquarum trium orientior, latitudinem satis notabilem Borealem possidebat; occidentales verò nullam. Dist. a b erat 1 min. 30 sec. ut & b c, & a d tanta. Horâ 10 min. 48 ordinem nihil adhuc mutaverant.

26. Die 3 Septembris, horâ 8 minut. 45 omnes in ortu conspectæ; extremam fixam illam e, adhuc majori intervallo à jove elongatam esse, nimirum 19 minut. deprehendimus : Jupiter enim cursum suum retrogradum persequabatur. Jovialium d, Boream versùs deflectebat; interstitia omnium trium fermè erant æqualia, 2 scilicet min. Horâ 10 minut. 24 in eâdem adhuc erant constitutione, nisi quòd d paulò longiùs à jove discessisset.

27. Die 4 Septembr. horâ 9 minut. 50 omnes quatuor apparentes, eandem servabant rectam; nihilominus tamen sinisterima e, non ex numero jovialium, sed fixarum existit; id

X x x

quod

quod ex ejus à jove nimiâ distantia, tum quod perpetuò eandem fervaret situm, satis superque deprehendimus. Reliquarum ordo erat ejusmodi: a b distantiam æstimavimus 1 minut. a c, 5 minut. c d 3 minut. & a e circiter 30 minut.

28. Die 6 Septemb. horâ 10 min. 40, tres in ortu ejusdem ferè magnitudinis apparebant: longinquior d à c 7 min. elongabatur, c verò à b, 1 min. & b à jove 2 minut.

29. Die 7 Sept. horâ 9 min. 52, quatuor, cum centro jovis rectam constituentes lineam, conspectæ sunt. Occidentalis b, visum penè effugiebat, propter corporis parvitatem: constitutionem erga se invicem, ut & ad jovem, hanc tenebant. a b, 30 secund; b c, 2 min. 30 secund; a d, 2 min. 30 sec. d e, 6 minut.

30. Die 8 Septem. horâ 8 min. 43 iterum binæ ab ortu, binæ pariter ab occasu, jovi adstabant; quarum orientior Austrum versùs vergebat. Ordo atque distantie illarum, tum ex iconismo, quàm ex appositis numeris, rectè percipiuntur. a b, 4 min. 30 sec; b c, 4 min. 0 sec; a d, 1 min. 30 sec; d e, 5 min. 30 sec.

31. Horâ 9 min. 43 hoc modo distantie erant mutatae; a b, 4 min; d c, 3 min; a d, 2 min; & d e, 5 minut.

32. Die 9 Septemb. horâ 8 min. 33 tres tantummodo magnitudine æquales, in eadem rectâ ad ungvem dispositas deprehendimus; itemq; & fixam e Corum versùs 26 min. existentem. Duarum vicinior b à jove 2 min. 30 sec. & à c iterum 3 min. 30 sec. d verò à Jove 3 min. elongabatur.

33. Die 10 Septemb. hor. 8 min. 30 talis fuit Astrorum positus; b à Jove 1 min. c verò 2 min. 30 secund. distitit, ab alterâ orientali d tantùm 2 min.

34. Die 11 Septem. hor. 8 min. 50, præter illam fixam 24 min. à Jove remotam, tres conspectæ, hac in dispositione: b ab erat à c, 3 min. 30 secund. à Jove 2 min. 30 secund. & d ab illo 4 min. 30 secund.

35. Horâ 10 minut. 18, & quartam, valde tamen exiguum, ex umbrâ Jovis primùm emergentem, in plagâ occidentali observavimus; altera sequens c, Aquilonem versùs deflectebat.



# Circumisovalium

Observatio

29.  
e d a b c  
\* \* (Z) \* \*

30.  
c d a b c  
\* \* ( ) \* \*

31.  
e d a b c  
\* \* ( ) \* \*

32. \*  
fixa. e

d a b c  
\* ( ) \* \*

33.  
d c a b  
\* \* ( ) \*

34. \*  
fixa. e

d a b c  
\* ( ) \* \*

35.  
e a b c d  
\* ( ) \* \*

36.  
e a b c d  
\* ( ) \* \*

37.  
\*

e d a b e  
\* \* ( ) \* \*

38.  
e d a b c  
\* \* ( ) \* \*

fixa. \* 39.  
\* e

d a b c  
\* ( ) \* \*

Aut. Sc.

Observatio

40.  
a b c d  
(Z) \* \* \*

fixa. \* 41.

e a b c d  
\* ( ) \* \* \*

fixa.

42.  
a b c d e  
( ) \* \* \*

43.  
a b c d e  
( ) \* \* \*

44.  
a b c d e  
( ) \* \* \*

45.  
a b c d e  
( ) \* \* \*

c d a b c  
\* \* ( ) \* \*

47.  
e d a b c  
\* \* ( ) \* \*

c a b  
\* ( ) \*

e d c a b  
\* \* \* ( ) \*

e d c a b  
\* \* \* ( ) \*

e d c a b  
\* \* \* ( ) \*

e d c a b  
\* \* \* ( ) \*

e d c a b  
\* \* \* ( ) \*

e d c a b  
\* \* \* ( ) \*

fig. LII.





36. Horâ 10 min. 58 recens orta b, tanto interstitio à Jove, quanto ab alterâ c, unius circiter minuti, aberat, magis magisque ad occasum, stellulam d scilicet versùs tendebat. Orientalis e, à Jove 5 min. distabat.

37. Die 12. Septemb. horâ 8 min. 29, Jupiter retrogradus, ad conjunctionem Stellæ sequentis in primo fluxu aquæ venerat; ubi tum temporis in utroque latere duos habebat satellites, omnes omninò rectam constituentes lineam, erantque magnitudine ferè pares. Quorum intercapedines hîc habes : a b, 3 min.; d c, 4 min.; a d, 1 min. 30 sec. d e, 3 min.

38. Horâ 9, min. 56, ordo stellarum hic erat : a b, 3 minut. 30 sec. b c, 5 min. a d, 1 min. 30 sec. & d e, 5 minut.

Die 13 Septemb. ob nubium interpositionem, nihil quicquam animadvertimus.

39. Die 14 Septembr. horâ 8, minut. 41, conjunctio Jovis, & supra dictæ stellæ, jam erat præterita; infra quam fixam adhuc aliam incognitam, sed multò minorem, eximii perspicilli ope, notavimus. Circa Jovem quidem tres comites tantùm erant præsentés, ( quarta fortassis adhuc in umbrâ delitescibat ) hac in configuratione. Distantia a b erat 2 minut. 30 sec. b c, 9 min. a d, 3 min.

40. Die 15 Septemb. horâ 8 minut. 15 denuo tres tantùm ab occasu, quarum intermedia erat Australior, spectabantur, & quidem in tali ab invicem elongatione. a b, 2 min. 30 sec. b e, item tot min. & c d, 4 minut.

41. Die 16 Sep. horâ 8 minut. 5, tres quidem iterum in occidente cernebantur, sed prorsus aliam tenentes figuram, quemadmodum ex illarum distantiiis hîc annotatis clarè patet : a b, 1 min. 30 sec. b c, 4 min. c d, 2 min. 30 sec.

42. Horâ 8 minut. 45 eâdem die, circumjovialibus probè consideratis, mutationem circa illos haud exiguam animadvertimus. Cùm enim in priore observatione tantummodo tres Jovi adstarent, jam quatuor distinctè admodum conspeximus; sic ut certum sit, b viciniorem illam minimam stellam, prius sub alterâ c planè latuisse; à quâ illa noviter conspecta non amplius 20 sec. removebatur : reliquæ situm ferè priorem, ut apparet, observantes.



43. Horâ 9 min. 30 viciniore b c, plus plusque ab invicem discedebant; adeò ut b minima, festinante gradu, ad Jovem pergeret. In hac observatione deprehendimus illarum distantiam 30 secund.

44. Horâ 10 minut. 5, adeò erat attenuata, ut vix ac ne vix cerneretur; à Jove non amplius 20 secund. distabat, ab alterâ verò c, 50 secund.

45. Horâ 10 min. 40, minima illa b, à Jove planè abscondebatur; reliquæ parùm admodum situm immutaverant.

*Jovialis ab ipso Jove re-  
ctus.*

46. Die 17 Septemb. hor. 8 min. 43 omnes quatuor in rectâ lineâ incedebant. b, quæ tantùm 30 sec. à Jove aberat, reliquarum erat minima. c occidentalior, distans à b, 4 minut. fatis erat conspicua, ut & reliquæ orientales, quæ à se invicem 2 min elongabantur, d verò à Jove 2 min. 30 secund.

47. Horâ 9 min. 28 b à jove distabat tantùm 15 sec. b à c, 4 min. d à jove 2 min. 30 sec. d verò à e, 2 min. Horâ 9 minut. 46, minima illa b, jam amplius non animadversa, non tam propter corporis parvitatem, quàm quòd à jove penitus esset tenebris obvelata.

*Eclipsis Jo-  
vialis.*

48. Die 18 Septembr. horâ 8 min. 48, duas tantùm observavimus stellas, lucidiorem in oriente, alteram in occidente; illa à jove 5 min. hæc verò 2 min. 30 sec. removebatur.

49. Die 19 Sept. horâ 8 min 24, omnes quatuor, eandem præ se ferebant magnitudinem. Media orientalium, Boream paululùm versùs attollebatur, alioqui paribus ferè interstitiis mutuo separabantur, 2 scilicet minut. At occidentalis 4 min. 30 sec. à jove distabat.

50. Horâ 9 min. 20, situs comitum jovis haud multùm erat à priori diversus; nisi quòd d e, & a d paululùm sibi invicem appropinquaverint.

51. Die 20 Septemb. horâ 9 minut. 11 omnes numero quatuor erant splendidissimæ; secunda à jove d, Austrum versùs deflectebat, reliquæ lineam accuratè rectam cum jove describebant: tum ad jovem, tum ad se consideratae hunc servabant ordinem, a b elongabatur id temporis 1 minut. a c 1 min. 30 sec. c d, 1 min. 30 sec. & d e, 3 min. 30 sec.



52. Horâ 10 min. 10, b minimam multò jovi viciniorem deprehendimus, sic ut 30 sec. duntaxat distaret.

53. Horâ 10 min 25, occidentalis illa b, jam limbo jovis arcetè adhærebat; vix enim 20 sec. ab eo erat remota. Reliquarum interstitia d c, & c a, 2 min. e & d verò 4 min. notavimus.

54. Horâ 10 min. 44, occidentalis illa exigua, umbram jovis incurrens, planè evanescebat, ita ut postmodum nullibi reperiretur. *Jupiter Jovianalem texit.*

55. Die 21 Septemb. horâ 8 min. 25 trium in eâdem rectâ constitutarum, occidentalis b videbatur minima; aberat à jove 1 min. 30 sec; c verò 3 min. 30 sec. & ab alterâ d, 6 min. 30 sec. Eo ipso tempore, simul duæ fixæ huc usque nondum visæ Notozephyrum versùs, in conspectum venerunt; quarum superior visum penè eludebat. *Stella fixæ hætenus incognita.*

56. Horâ 9 min. 43 stella illa occidentalis jam unico minuto à jove longiùs discesserat.

57. Die 22. Septemb. horâ 8 min. 15 tres satellites hunc servantes ordinem, jovem circumdederant: b à jove removebatur 3 min. d 11 min. b verò à c 3 min. 30 secund.

58. Die 23 Septemb. horâ 8 min. 20, de quatuor satellitibus, tres spectabantur in occasu, quorum viciniore admodum erant exigui, reliqui autem satis magni atque lucidissimi. e orientalis ad extremum tendens terminum, elongabatur à rege 12 circiter min. alter d 7 min. minores verò b & c pari intervallo tam à se invicem, quàm à jove, 1 scilicet minut. dirimebantur. Fixæ videbantur paululùm jovi appropinquari.

59. Horâ 9 min. 4, duos illos minores b & c multò viciniore, sic ut non amplius 30 sec. distarent, conspeximus.

60. Horâ 9 min. 17, c aliqualem obtinens latitudinem borealem, veloci cursu, tum alteram stellam b, tum jovem versùs, pergebat.

61. Horâ 9 min. 30 ex interstitio b & c, 10 scilicet secund, manifestè deprehenditur, illas se se ferè attigisse. *Dua Joviales se mutuo tangunt.*

62. Horâ 9 min. 41 altera alteram stringebat.

63. Horâ 9 min. 56 hæ duæ b & c ad ipsam conjunctionem venerant, unamque quasi stellulam omnino constituebant; *Altera alteram omnino texit.*



spectaculo certè jucundissimo, quale hactenus mihi observari, nunquam obtigerat.

64. Die 24 Septemb. horâ 8 min. 5, iterum quatuor stellulæ jovem concomitabantur, hoc in ordine : b à jove 2 minut. 30 sec. distabat; c 2 min; d verò à c, 2 min. 30 sec. & ab e, 5 min. 30 secund.

65. Horâ 9 min. 2, b à jove removebatur 1 min. 50 sec. c verò erat quasi stationaria. d a c elongabatur 2 min. & ab extimo e, 5 min. Horâ 9 min. 34, occidentalis adhuc propius ad jovem venerat, ita ut tantummodo  $1\frac{1}{2}$  min. distaret.

66. Die 25 Septemb. horâ circiter 10, ob Cœlum nubilosum, non nisi hanc unicam stellulam, ortum versùs 5 minutis à jove distantem observare potuimus.

76. Die 26 Septemb. horâ 8 min. 19, tres comites circa jovem conspecti sunt in eâdem rectâ, & quidem in tali distantia: d à jove  $7\frac{1}{2}$  min; c,  $2\frac{1}{2}$  min; b, 5 min. distabat. Præter has verò stellas, simul etiam 7 fixæ in eo planè ordine, ut in adjecto schemate vides, nobis offerebantur.

68 Die 27 Septembris horâ 8 min. 9, duæ exiguæ b & c in occidente, unico tantum minuto distantes, quarum remotior Austrum versùs deflectebat, animadvertimus. Orientalis d à jove 6 circiter minutis remota omnium erat, ut die præcedente, maxima.

69. Horâ 9 min. 37, jam quatuor micabant, e nunc primùm ex umbrâ jovis se se extricaverat; eratque adeò exilis, ut vix ac ne vix cerneretur; distantia ejus animadvertebatur circiter 30 sec. b & c duplo remotiores spectabantur, quàm in observatione priori: Australior videbatur esse retrograda, contra s, s; altera verò b directâ s, s, s, jovem versùs.

*Jovialis à  
conjunctione  
veniens.*

70. Die 28 Septembris horâ 7 vespert. ordo stellarum jovialium, ut & fixarum fuit talis: b à jove distatit 8 min. c 1 min. 30 secund. d à c 3 min. Fixa verò e propemodum 20 minut; & f 30 minut.

71. Horâ 8 min. 43, reliquarum minima magis magisque ad jovem properabat, vix 40 secundis ab eo elongabatur.



# Circumiozialium

Observatio


d	c	55 a	b	
*	*	(7)	*	
fixa. *				
d	c	56 a	b	
*	*	( )	*	
d		57 a	b	c
*		( )	*	*
fixa. *				
e		58 a	b c	d
*		( )	**	*
*				
e		59 a	b c	d
*		( )	**	*
e		60 a	b c	d
*		( )	**	*
e		61 a	b c	d
*		( )	**	*
e		62 a	b c	d
*		( )	**	*
e		63 a	b	d
*		( )	*	*
e	d	64 a		
*	*	( )	*	*
e	d	65 a	b	
*	*	( )	*	*
b		66 a		
*		( )		

figMMM.

Observatio

d	c	67 a	b	*
*	*	(7)	*	*
e fixa. *				
f fixa. *				
d		68 a	b c	
*		( )	**	
e f * *				
d		69 a	b c	
*		( )	**	
70				
d	c	a	b	
*	*	( )	*	
e * *				
d	c	71 a	b	
*	*	( )	*	
72				
		a	b c d	
		( )	* * *	
e f * *				
73				
		a	b c d	
		( )	* * *	
74				
		a	b c d	
		( )	* * *	

Aut. Sculp.





72. Die 29 Septemb. hor. 10 min. 25, tres in eâdem omnino rectâ apparuerunt, quarum duę remotiores admodum erant splendidæ; tertia verò non item. b & c, pari distantia 2½ scilicet minorum à se invicem, ut & à Jove removebantur: at d à c, 3½ min. distabat.

73. Die 30 Septemb. hor. 7 min. 49 vesper. tres iterum, in eâdem lineâ rectâ, secundum Zodiaci ductum, spectabantur: vicinior omnium videbatur minima. Distantiam d c deprehendimus 4 min. b c, 3 min. & a b 2½ minut.

74. Horâ 9 min. 7 constitutio jovialium fuit ferè eadem, nisi quòd b paululùm vicinior animadverteretur.

Die 1 Octobris, ob nubium interpositionem nihil observare licuit.

75. Die 2 Octob. horâ 7 min. 27, quatuor Jovi aderant. Orientalis e ab alterâ d, 1 minuto distans, Aquilonem versùs inclinabat; d verò, à Jove 2 min. remota, cum reliquis occidentilibus, lineam planè constituebat rectam. Distantia b & Jovis erat 2½ min. c autem 11 min. Fixas quod attinet, illæ configurationem, tam cum Jove quàm ejus comitibus, omnino eam in diagrammate delineatam, tenebant. F trium fixarum major, aliàs nominatur duarum antecedens in primo fluxu aquæ, sextæ magnitudinis in Aquario; reliquæ erant planè novæ hætenus incognitæ.

76. Hor. 8 min. 37 orientalis e veloci cursu ortum versùs properabat, sic, ut tum temporis à d 2½ min. distaret: reliquæ penè eandem adhuc distantiam inter se observabant.

77. Die 8 Octobr. horâ 7 min. 50, omnes iterum eodem in positu deprehensæ. b à Jove erat 4 min. elongata; c, 7 min. d, 2½ minut. e verò 6½ minut.

78. Horâ 9 min. 8 orientalem d, omnium minimam spectavimus. Situm quod attinet, ferè eundem omnes adhuc tenebant, nisi quòd b c paululùm facta erat b propinquior.

79. Die 4 Octob. hor. 9 min. 25 in occidente duę adeò animadvertabantur vicinæ, ut se mutuò fermè tangerent; non enim ultra 15 sec. à se ipsis videbantur remotæ; à Jove 2 min. diremtæ erant, altera verò d 5 minut. Fixæ quotidie Jovi plus plusq;

*Duæ stellulæ  
admodum ar-  
cte jungébā-  
tur.*

plusq; appropinquabant; cujus rei ratio hæc est, quòd jupiter id temporis retrogradus extitit.

Die 5, 6, 7, ob Cœli intemperiem, nihil annotare potuimus.

80. Die 8 Octobr. hor. 7 min. 45 tres videbantur: orientior non quidem adeò magna, sed tamen satis erat conspicua; distabat à Jove 12 min. circiter. Occidentalis deprehendebatur maxima, distantia 4 minutorum, c erat à Jove remota 3 min. Fixæ verò ortum versùs 11 min.

Die 9, 10, & 11 Octobr. Cœlum iterum non favit.

81. Die 12 Octob. hor. 6 min. 41 tres ejusdem magnitudinis in oriente se offerebant; duæ proximæ paribus interstitiis à se invicem, ut & à Jove unico nimirum minuto dirimebantur; at d, 20 secundis apparebat remotior.

Die 13 Octob. ut & 14, ob nubium interpositionem nihil observare licuit.

82. Die 15 Octob. horâ 7 min. 45, omnes, quæ Jovi adstant satis superque erant conspicuæ; nihilominus tamen media b occasum versùs distans 4 min. omnium erat maxima; orientalis d, 2½ min. à Jove remota, minima deprehendebatur.

Die 16 & 17 Octob. aër admodum fuit turbulentus.

83. Die 18 Octob. horâ 7 minut. 43 duæ satis videbantur splendidæ; tertia autem vix visum incurrebat. b à Jove distitit 2 min. c, 11 min. & d, 7 min.

84. Horâ 8 min. 3, eâdem die, jam quatuor secundùm Eclipticæ ductum apparebant: vicinior b, primùm tum temporis ex radiis Jovis emerferat, elongabatur duntaxat 30 secundis.

Die 19 Octobris, ad observandum minimè idonea erat tempestas.

85. Die 20 Octob. horâ 9 min. 41, tres exiguæ, hac ratione dispositæ occasum versùs visæ sunt. Prior b removebatur à Principe 1½ min. c, 3½ min. & d, 5 minutis. Stellæ verò fixæ 30 circiter minut.

86. Die 21 Oct. horâ 7 min. 48, stellulæ situm, ut ex appositâ figurâ palàm est, mutaverant, b à Jove remota erat 4½ min. c 8 min. & d 1½ min. Cæterùm in hac observatione, tres novæ fixæ incognitæ boream versùs, inspectæ sunt.

*Novæ Fixæ  
observatæ.*

87 Die



# Circumioyialium

Obcervatio

75.  
e d a b c  
\* \* (7) \* \*

g f  
\* \*

\*

76.  
e d a b c  
\* \* ( ) \* \*

77.  
e d a b c  
\* \* ( ) \* \*

78.  
e d a b c  
\* \* ( ) \* \*

79.  
d a b  
\* ( ) \* \*

e  
\* \*

\*

80.  
d c a b  
\* \* ( ) \*  
e  
\* \*

81.  
b c b a  
\* \* \* ( )

82.  
d a b c  
\* ( ) \* \*

83.  
a a b c  
\* ( ) \* \*

84.  
e a b c d  
\* ( ) \* \*

Obcervatio

85.  
a b c d  
(7) \* \* \*

e

\*

\*

\*

86.

fixe \*

d a b c  
\* ( ) \* \*

87.  
c a b  
\* ( ) \*

c b 88.  
\* \* ( )

d c b 89.  
\* \* ( ) \*

d c a b 90.  
\* \* ( ) \*

e d c b 91.  
\* \* \* ( )

e d c b 92.  
\* \* \* ( )

e d c b 93.  
\* \* \* ( )

e d b 94.  
\* \* ( )

e a b 95.  
\* ( )

d a b c 96.  
\* ( ) \*

Aut Sc.

fig NNN.





87. Die 22 Octobr. horâ 8 minut. 32 duæ tantum per nubeculas apparebant; orientalis à Iove 2 minut. occidentalis verò 6 min. distabat: num plures eo tempore adfuerint nec ne, certò affirmare nequeo.

88. Die 23 Octobr. horâ 7 minut. 24, iterum duæ stellulæ solùm, & quidem ab oriente, ejusdem ferè magnitudinis cernebantur; b cùm à Iove, tum ab alterâ c, pari distantia, nempe 4 min. elongabatur.

89. Die 24 Octobr. horâ 7 min. 46, tres, in eâdem omnino rectâ, secundum Eclipticæ ductum, deprehendimus; quarum longinquior  $6\frac{1}{2}$  min. remota omnium maxima, vicinior verò  $1\frac{1}{2}$  min. à Iove distans, minima apparuit. Occidentalis b distatit  $3\frac{1}{2}$  minut.

90. Die 25 Octobris horâ 7 minut. 55, duæ orientales, fatis amplo interstitio ab invicem removebantur; occidentales verò adeò erant vicinæ, ut vix ullum, inter utramque animadverteretur spatium, nisi quòd superior, paululùm remotiùs, à Iove distare videretur. Extremus d 11 min. circiter aberat; c, 6 min. & duæ illæ occidentales 2 tantum min.

91. Die 26 Octobris horâ 5 minut. 40, omnes quatuor in ortu erant constitutæ: e à Iove elongabatur 13 min, d, 5 min. 40 sec. c, 5 min. b, 3 min.

92. Eâdem die, hor. 6 min. 26, tres viciniore paribus interstitiis ab invicem; unico scilicet minuto, divulsæ erant.

93. Horâ 7 minut. 48, omnes tres d, c, b, conjunctim Iovem versùs properabant, sic ut tum temporis b ab a,  $2\frac{1}{2}$  minut; c à b, 30 sec; d à c, 1 min. distaret.

94. Horâ 8 minut. 45, duæ viciniore, omnino ad conjunctionem propensæ, non quidem se mutuò tegebant, sed ferè tangebant. Interstitium illarum, quantum colligere licebat, erat duntaxat 10 secundorum. Cujus generis spectaculum, quo nihil pulchrius, admodum certè rarò observatur.

95. Die 27 Oct. horâ 7 min. 50, Saturnus jovialis omnium extimus, non quidem vicinior Iovi, sed minor, quàm pridie spectabatur. Ab occidente, iterum duæ 3 min. à Iove remotæ adeò arcè copulabantur, ac si planè unam eandemque constituerent oblongam stellulam.

*Jucundum  
admodum spec-  
taculum.*

*Arctissima  
Jovialium  
conjunctio.*

Y y y

96. Ho-



96. Horâ 8 minut. 55 eâdem die, jam b & c 30 sec. ab invicem distiterunt.

Die 28 Octob. aëris inclementia observationi obstitit.

97. Die 29 Octob. horâ 7 min. 32, distantia a b observabatur  $1\frac{1}{2}$  min. b c,  $6\frac{1}{2}$  min. a d, 3 min.

98. Die 30 Octob. horâ 9, præter duas exiguas, ob nubecularum interpositionem, nullæ apparebant.

99. Die 31 Octob. horâ 7 min. 32, tres lineam rectam constituentes, circa Jovem, hoc ordine conspeximus: b à Jove 3 min; c, 8 min; & d, 7 min. removebatur.

Die 1 & 2 Novemb. Cælum pluviosum, observationibus operam dare, prohibuit.

100. Die 3 Novembris horâ 7 min. 10, omnes quatuor eandem penè præ se ferebant magnitudinem; tres Jovi propinquiores æqualiter etiam propemodum ab invicem, 2 scilicet minutis, ut & à Jove removebantur, nisi quòd b, 30 sec. c esset propior. Extimus 13 min. distare videbatur.

Die 4, 5, 6, 7, Novemb. aura minimè fuit defæcata.

101. Die 8 Novembris horâ 5 minut. 30, intermedia c omnium minima, pauxillum aquilonem versùs attollebatur, distabatque à Jove tanto intervallo, quanto b, 4 videlicet minutis: at d à c tantummodo 3 min. erat sejuncta.

102. Die 9 Novembr. horâ 6 vesper. omnes orientales existebant; altera ab extremâ latitudinem possidebat Australem; duæ viciniore mirum in modum erant attenuatæ; à se invicem, ut & à Jove æquali interstitio videbantur remotæ: d verò à c,  $2\frac{1}{2}$  min. & d ab e, 4 min. elongabantur.

*Omnes stellula in oriente conspecta.*

Die 10 & 11 Novembris Jupiter sui aspectum nobis prorsus denegavit.

103. Die 12 Novembris horâ 5 minut. 30, tres satis splendidas deprehendimus; quarta autem visum penè fallebat. Ordo verò illarum hic erat: e à Jove 12 minimùm minut. aberat; d, 8 min. c, 3 min. at b aliquot tantùm secund.

104. Die 13 Novemb. horâ 6 min. 45, in lineâ rectâ omnes Jovem stipabant, & quidem in remotione hunc tenebant

situm:



# Circumioivialium

Observatio

d 97. b c  
\* (7) \*

c 98. b  
\* ( ) \*

d 99. b  
\* ( ) \*

e 100. b c d  
\* ( ) \*

d 101. b  
\* ( ) \*

102.  
\* ( ) \*

103. b c d  
\* ( ) \*

d 104. b  
\* ( ) \*

a 105. b  
\* ( ) \*

c 106. b  
\* ( ) \*

d 107. b  
\* ( ) \*

d 108. b c  
\* ( ) \*

fixa 109.

e d a b c  
\* ( ) \*

Observatio

fixa 110. b  
e d c a  
\* (7) \*

e 111. b c  
fixa d a  
\* ( ) \*

e d 112. b c  
\* ( ) \*

fixa 113. b c d  
e a  
\* ( ) \*

e 114. b c d  
\* ( ) \*

d 115. b c  
\* ( ) \*

fixa

d 116. b  
\* ( ) \*

117.  
e d a b c  
\* ( ) \*

d 118. b c  
\* ( ) \*

d 119. b c  
\* ( ) \*

d 120. b c  
\* ( ) \*

121. b  
\* ( ) Aut. Sc. \*

fig. 000.





fitum : b à Jove 3 min. discessisse videbatur ; c, 2 min. d, 5 min. & e, 11 minut.

105. Die 14 Novemb. horâ 5 min. 26, tres Iupiter habebat satellites. Orientalis remotior, tanto intervallo à c, quanto c à Iove, nempe 4 min. distabat, Austrumque versùs paululum vergebat. Occidentalis verò illa minimus tantùm  $1\frac{1}{2}$  min. erat remotus.

106. Die 15 Novemb. horâ 5 min. 20, duæ solummodo apparebant, c in distantia 6 min. & b, 5 min.

107. Die 16 Novembr. hor. 6 min. 22 Iupiter deprehendebatur cum duabus fixis (quæ tamen in schemate non sunt delineatæ) in conjunctione. Iovialium coordinatio erat talis. c à Iove distitit 3 min, ab alterâ verò 4 min. b iterum à Iove etiam tanto interstitio.

108. Die 17 Novemb. horâ 7 min. 10, b à Iove removebatur 2 min. c, 9 min & d, 4 minut.

109. Anno C. 1643, die 2 Octobr. horâ 10 tres joviales circa Iovem, ut & quatuor fixæ, eò planè ordine, quemadmodum in schemate videre est, conspectæ sunt. Occidentalis d à Iove 3 min. distabat; b omnium minimus 1 min; & c, 9 min:

Anno à natæ  
Chr. 1643.

110. Die 3 Octobr. hor. 10 min. 5 à latere Iovis dextro duæ stellulæ, à sinistro verò unica duntaxat deprehensa, & quidem tali distantia : a b erat 8 minut. a c,  $2\frac{1}{2}$  min: c d, 3 minut. d e, 8 minut.

Die 4 Octobr. nulla aura affulsit opportuna:

111. Die 5 Octobr. horâ 9 min. 25, jam duæ iterum ab occasu, & unica ab ortu, Iovem concomitabantur; quarta enim e, ex numero erat fixarum, quod & sequentes observationes apertè comprobarunt. Occidentior, quæ die præcedente tantùm 8 min. jam 10 min. removebatur; b verò 1 min. d, 5 & e fixa illa 16 min. distabat.

112. Die 6 Octobr. hor. 9 min. 15, quatuor clarè affulgebant circumjoviales, & quidem ab utroq; latere duo; itemque & octo fixæ planè hætenus incognitæ, quatuor scilicet à dextrâ, & tot à sinistrâ, quas tamen in diagrammate, ob chartæ angustiam, non apposuius. Comitum Iovis distantia hæc deprehen-



debatur; a b, 2 minut; b c 11 minut; a d,  $2\frac{1}{2}$  minut. & d e totidem.

113. Die 7 Octobr. hor. 9 min. 15 tres joviales occasum versùs conspeximus; prior d borealior, distitit à mediâ c, unico duntaxat minuto; media c à b, 5 min. & b à Jove 3 min.

114. Die 8 Octobr. horâ 9 min. 33, quatuor stellulæ erant conspicuæ; b omnium minima Aquilam versùs deflectebat; reliquæ eandem constituebant lineam rectam. d à Jove elongabatur  $8\frac{1}{2}$  min. c, 5 min. b  $4\frac{1}{2}$  min. & e orientalis  $3\frac{1}{2}$  minut.

Die 9 Octobr. nihil observatum.

*Conjunctio  
Jovis & ali-  
cujus fixæ.*

115. Die 10 Octobr. horâ 9 min. 14 tres in oriente deprehendebantur; b vicinior habens latitudinem Australem à Jove erat remota  $4\frac{1}{2}$  min., altera c  $6\frac{1}{2}$  min. d verò  $8\frac{1}{2}$  min. Præter has item, sex fixæ se se offerebant; major, quarti vel quinti honoris, cum Jove in conjunctione observabatur.

116 Die 11 Octob. horâ 10 min 22 omnes conspicuæ eandem præ se ferebant splendorem, atq; magnitudinem. b, ab erat a Jove 4 min. c 8 min. & d  $10\frac{1}{2}$  min.

Die 12, 13 & 14 cùm Cœlum undique nubibus esset obvelatum, nullas suscipere licuit observationes.

117. Die 15 Octobr. horâ 9 min. 10, quatuor in ejusmodi à Jove positu vidimus; b à Jove 5 min. removebatur; b à c 3 min. tanto scilicet spatio, quanto d à Jove deprehendebatur; orientior e distabat 7 min. Cæterum & fixas aliquod circa Jovem, tum supra, tum infra eum conspeximus, prout quoque in apposito schemate illorum ordinem delineatum dedimus.

118. Die 16 Octobr. horâ 6 min. 30 duarum occidentalium remotior, ad Boream inclinabat, distans ab alterâ b 50 tantum sec; hæc iterum à Jove 4 min; d verò 5 min.

119. Eâdem die, horâ 7 min. 30, orientalis videbatur unico minuto remotior; at occidentales, magis magisque sibi appropinquabant.

120. Horâ iterum 10, duæ illæ vicinissimæ, quæ sub lineâ perpendiculari spectabantur, mutuò se penè tangebant. Ab alterâ parte orientali, jam quarta sed adeò exilis ut vix cerne- retur, prodierat: omnes autem reliquæ à se invicem, ut illa  
à Jo-



à Jove, æqualibus interstitiis, 3 scilicet minut. removebantur.

121. Die 20 Octobr. horâ 8 min. 36, duæ solummodo stellularum, Jovem intercipientes, apparuerunt. Occidentalis major distitit 12 min; altera verò 7 min.

122. Die 22 Octobr. horâ 8, omnes quatuor in lineâ rectâ, secundum Zodiaci ductum, erant extensæ: remotior d 13 min. à Iove aberat; c  $7\frac{1}{2}$  min. b,  $4\frac{1}{2}$  min. & e,  $2\frac{1}{2}$  min. Præterea & tres fixæ satis ab invicem elongatæ, ut vides, spectabantur.

123. Die 24 Octob. horâ 10, tres tantummodo lineam constituebant rectam; alter enim à Iove ortum versus, ad Boream vergebat. Ordo præterea, quem inter se servabant, hic erat: occidentalis maximus b remotus à Iove spectabatur 7 min. c 3 min, d  $4\frac{1}{2}$  min. & e  $6\frac{1}{2}$  min.

124. 29 Octobr. horâ 8 min 2, orientalis stella minima distans à Iove  $2\frac{1}{2}$  min. paululum in Aquilonem elevabatur, reliquæ cum centro Iovis rectâ incedebant. e remotissima, distabat 14 circiter min. b,  $4\frac{1}{2}$  min. & c,  $3\frac{1}{2}$  min.

125. Die 31 Octobr. horâ 8 min. 24, omnes 4 Mediceæ eandem præ se ferentes magnitudinem, in plagâ orientali, hunc in modum se se aspiciendas præbebant. Vicinior borealis à Iove elongabatur  $1\frac{1}{2}$  min. tanto scilicet intervallo, quanto c iterum ab illâ; d 5 min. & extrema 10 min. Adhæc quoque diversæ stellæ fixæ Iovem tum circumdabant: id quod ex delineatione clarè patet.

126. Die 1 Novemb. horâ 7 min. 20 vesp. tres observatæ hoc in positu: b distitit  $2\frac{1}{2}$ ; d, 6 min. & e à c unico minuto.

127. Eâdem die hor. 9 min. 45, ingens deprehendebatur Medicearum mutatio. Non solum enim numero erant auctæ, sed & quoad situm, maximè spectabantur diversæ. In utroq; quidem latere arctissima conjunctio duarum se se offerebat. Occidentales distantes à Iove 2. min. ferè se mutuò tangebant; vix namq; 10 sec. quantum accuratâ inspectione colligere licebat, removebantur. Orientales verò 6 min. à Iove remotæ, à se invicem autem tantum 30 sec. distabant. Id quod ut mihi valde jucundum fuit spectare: ita haud frequenter sic oculos pascere datur. Num verò altera occidentalium sub tempus prioris observationis, ab

*Notabilis observatio.*



alterâ fuerit oblecta, vel modò primùm ex umbrâ Iovis emer-  
ferit, pro certo affirmare nequeo.

128. Die 2 Novemb. horâ 9 min 30, jam longè alium refe-  
rebant situm; siquidem tres utique in oriente, & unica dunta-  
xat in occidente erant conspicua. Præterea verò occidentalis  
b à Jove 4 min. aberat; e 10 min, c & d verò, cùm à se invi-  
cem, tum à Jove pari interstitio, unius scilicet minuti, disjunge-  
bantur. Cæterum notandum, quòd, hoc ipso tempore, circa  
Jovem, sex fixæ diversæ magnitudinis observatæ sint; quas ta-  
men in præsens diagramma referre supervacaneum esse duxi,  
cùm illas ipsas jam cap. iv. pag. 64 delineatas dederim.

129. Die 3 Novemb. horâ 9, tantum tres jovi adstabant,  
media distans à jove  $1\frac{1}{2}$  min. in Austrum deflectebat; duæ au-  
tem extremæ, in rectâ lineâ principi apparituram faciebant: d  
distabat 4 min. & b  $2\frac{1}{2}$  min.

130. Die 7 Novemb. horâ 7 occidentalis b in longissimâ  
distantiâ à Iove 14 circiter minutorum reperiebatur; c verò 3  
min. & d  $5\frac{1}{2}$  min.

131. Die 9 Novembr. horâ 10 min. 5, stellulæ in occiden-  
te, quanto b à Iove, tanto etiam interstitio. 5 scilicet minuto-  
rum ab invicem dirimebatur: orientalis verò propinquior, tan-  
tùm 2 min. & longinquior 11, abesse videbatur.

132. Die 10 Novembr. horâ 9 min. 15, b minimus Iovi ad  
sinistram arcetè admodum adhærebat, sic ut non amplius 30  
sec. ab eo distaret; maxima autem c,  $5\frac{1}{2}$  min. remota spectaba-  
tur. In altero latere, duæ 1 minut. elongatæ  $1\frac{1}{2}$  minut. à Iove  
discesserant.

133. Die 11 Novemb. horâ 6 min. 15 vesp. ab utroque latere,  
unica duntaxat stella Iovem sequebatur, b distabat  $3\frac{1}{2}$  minut.  
& c 5 minut.

134. Die 3 Decemb. horâ  $7\frac{1}{2}$  vesp. tantæ jovialium animad-  
vertebantur distantia: a e, 14 min; a b, 1 min. b c, 40 secund.  
& c d, 7 minut.

135. Die 4 Decemb. horâ 7 min. 20, occidentales pari inter-  
vallo, tum à se invicem, tum à Iove remotæ  $4\frac{1}{2}$  min, videlicet  
conspiciebantur: at orientalis paululùm propinquior, quàm die  
præcedente, 2 scilicet min. Iovi erat facta.

136. Die



136. Die 11 Decem. horâ 7 min. 18, Jovis margini orientali minutissima quædam arcuè inhærebat: in occasu tres Iovem concomitabantur, quarum d 13½ min. elongabatur; sequens c 8 min. & b 4 min.

*Jupiter stellam margine stringebat.*

137. Die 13 Decembr. horâ 7 min. 15 denuo Jovis limbo occidentali parvula quædam ferè erat contigua; c verò satis longè 10 nimirum min. removebatur: in oriente d à Jove 3 min. & e, 5 distabat.

138. Die 25 Decemb. horâ 6 vesp. omnes quatuor ejusdem penè magnitudinis, in eâdem omnino rectâ, observabantur: b à Jove 5 min. c, 8 min. d, 12 min. & e, 4 min. aberat.

139. Die 30 Decemb. horâ 4 min. 45 pomerid. omnes quidam iterum aderant, sed quoad splendorem, atque magnitudinem valde erant attenuatæ. Ordo, quem tenebant, hic erat: b à Jove 6 min. c, 2 min. e, 4½ & e ab alterâ d, 20 sec. incedebat.

140. Anno 1644. die 2 Novemb. horâ 10 coordinatio stellarum hæc erat: occidentalis distabat à Jove 6 min. c, 3½ minut. d, 7 min. e verò 16 minut.

*Anno à nato Chr. 1644.*

141. Die 13 Novemb. horâ 9, min. 25, e orientalis à Jove removebatur 1½ min; b, 3½ min. c verò & d, 6 min. distantes, adeò sibi invicem erant vicinæ, ut ferè nullum daretur interstitium.

142. Die 14 Novembr. horâ 11, tres in oriente deprehendebantur, quarum vicinior minima, boream versùs deflectebat, elongabaturque tantùm 30 sec. à Jove; sequens à b, ut & à remotiori 3½ min. aberat.

143. Die 19 Novembr. horâ 9 min. 45, tardissimus jovialium, penè in remotissimâ elongatione à Jove spectabatur; siquidem ab eo 14 min. removebatur. In occidente b c, 4 min. remotè à Jove, erant vicinissimæ. d iterum ab his distare videbatur 6 min.

*Saturnus Jovialium in distantia penè longissima observatus.*

144. Die 22 Novembr. horâ 9 min. 45, duæ tantùm in orientali plagâ, in conspectum veniebant: exterior c distabat 10½ min. b adeò erat exigua, ut ferè visum fugeret, à Jove non ampliùs 1½ min. aberat.

145. Die 23 Novembr. horâ 10, ab utroque latere duæ obser-



servatæ: occidentales quidem, sub lineâ perpendiculari sunt deprehensæ, non ultra 15 vel 20 secund. distantes; reliquæ duæ orientales satis spatiosè ab invicem elongabantur, nimirum 9 min. Vicinior admodum erat exilis.

146. Die 26 Novemb. horâ 8, eâdem rectâ lineâ, omnes quatuor incedebant: duæ viciniore, tum à se invicem, tum à Iove, pari intervallo, 2 scilicet min. separabantur; at d, 10 min. & e, 16 circ. min. à principe removebantur.

147. Die 30 Novemb. horâ 10, tres duntaxat animadvertimus; hac scilicet in statione, atque distantia: a d, erat 11 min. a b, 3 min. & b c, 4 min.

148. Die 3 Decemb. horâ 7½, tres, quoad splendorem, atque magnitudinem maximè erant conspicuæ. Orientalis in maximum remotione 17 ferè min. spectabatur. Occidentalis verò propinquior 4½ minut. remotior 12 min. abesse à Iove spectabatur.

149. Horâ 9 min. 45, eâdem die quatuor cernebantur; sed b primum ex umbrâ Iovis se evolverat.

150. Die 12 Decembr. horâ 8, quatuor Jovem sequebantur, hoc videlicet ordine; e à Iove erat remota 3 min. b borealis 2½ min. c, 5 min. & d, 15 minut.

151. Die 20 Decembr. horâ 10 min. 15, denuo omnes quatuor in oriente se se offerebant, d Aquilonem versùs inclinabat; reliquæ verò rectam constituebant. b à Iove elongabatur tum temporis 2½ minut. atque c, 5 minut. d autem, 9 minut. & e, 16 circiter minut.

Tandem igitur cùm Solarium Macularum, tum Jovialium observationibus nostris, sub omnium aspectum positis, ne verbum quidem superaddere; sed Selenographiæ hujus appendici quoque terminum figere penitus decreveramus. Verùm, cùm pronuper exinsperatò, exemplum aliquod arctiorum jovialium conjunctionum (quale, hisce in oris, nonnisi post multas certè annorum periodos reversurum est spectaculum, adeoque vix ulli mortalium, qui nunc vitâ fruimur, contemplari dabitur) animadvertere atque necessariâ diligentia annotare nobis licuerit; pretium operæ esse duximus, ut ejus contemplationis Lectorem scientiæ fideriæ cupidum, inprimis vero Mathematicos,



ticos, Astronomiæ penitiùs gnaros (quibus maximè rei hujus dignitas, atque utilitas perspecta est) coronidis summæ loco, participes faceremus. Maximè verò inde ad eam operam sumus impulsì, quòd isthæc observatio, methodo illi, quam circa stellarum occultationes, & transitus tenendam esse, suprà docuimus, multum luminis sit allatura, eaque omnia, quæ fortè alicui adhuc aliquantò obscuriora ibidem videntur, vel à me dicta sunt, præter opinionem, minùs perspicuè, multò planiora reddet.

Sed ut paucis tamen nos expediamus, ecce tibi illicò ipsam observationem conjunctionis Iovis & Lunæ: quæ certè tantò magis annotari meretur, quantò rariùs unquam eò modo obvia est: cùm tempore veræ primæ quadraturæ, sive circa phasim Lunæ bisectæ, contigerit: nec non verò etiam rationem universam, in observationis opere à nobis sedulò adhibitam. Primò quidem, non solùm altitudines quarundam stellarum, genuini scilicet temporis eliciendi causâ, investigavimus; sed & diversas Iovis à cuspide Lunæ superiori, vel ejus à limbo elongationes, secundùm normam infallibilem, Macularum, puta, quarundam Lunarium distantias, accuratè annotavimus. Quasque elongationes omnes & singulas, etiam in ipsis minutis (utpote quod, cognitâ tantùm Lunari diametro, nimis quàm faciliè præstare in proclivi est) determinavimus; minimè neglectis quoque illis, sive Maculis Lunaribus, cum quibus Iupiter, quovis observationis momento, rectam omnino constituebat lineam, sive istis etiam Maculis, quæ tum sub eâdem lineâ perpendiculari se se offerebant; quarum videlicet ope, gradus Lunæ verticalis, atque cuspidum inclinatio rectè semper innotescit. Idque in universum non nescire maximè utique nostrum refert. Nam hinc totum planè hujus negotii fundamentum, ac certitudo unicè dependet: dum his probè animadversis, errores, qui hætenus circa ejusmodi observationes nonnunquam fuere commissi, nullo sanè labore cognoscuntur ac deteguntur. Atque ita demum omnia, quæ oportuit curâ, annotata, ordine in tabellam, more nostro, coniecimus; superaddito ipsius transitus, sive conjunctionis typo.

*Observatio  
conjunctionis  
Jovis & Lu-  
næ.*

*Typus transi-  
tus Jovialis.*




# APPENDIX TRANSITUS JOVIS, GEDANI,

*Anno Æræ Christianæ 1647. Die 12. April. st. n. vesp.  
observatus.*

Observatio.	Altitudines Arcturi Quadrante capte.	Tempus supputatum.	Quanam Maculæ	Distantia Jovis à cuspide Cum quibus Maculis	
	o /	Hor. / //	sub eâdem lineâ perpendiculi fuerint observatæ; quinam gradus verticalis, & quanta inclinatio cuspidum exstiterit?	Luna superiori; cum per Macularum Lunaribus, Jupiter, quovis tempore, observatus, lineam omnino constituerit rectam.	
1.	39 40	9 15 40			
2.	40 5	9 19 16	Byzantium & M. Æmus. Unde elucet 40. Luna gr. fuisse verticalis: sic ut 8 gr.	Distantia 45. circiter minut. deprehendebatur.	
3.	41 5	9 26 12	cuspidis scilicet superior distiterit, occasum versus.		
4.		9 38 10		Distantia 40. circiter erat minut.	
5.		9 59 0	Mons Ligustinus & I. Besbica; quo tempore 47. gr. exstitit verticalis: cuspidis vero superior elongabatur à puncto Zenith 15. gradibus.	Distantia 36. circiter minut. animadvertens.	Jupiter, Inf. Besbica, & Mons Herculis eandem constituiebant rectam lineam.
6.	45 58	10 4 25		Distant. æquabatur diametro ☾, hoc est, secundum Keplerum 32. min. 42. sec.	Jupiter, Insula Besbica & Insula major Caspii.
7.	48 5	10 22 23		Jupiter tanto intervallo à cuspide Lune superiori, quanto dista cuspidis ab Insula Cypro removebatur. hoc est 22. minut.	Jupiter, Mons Argentarius & Inf. Major Caspii.
8.	49 40	10 37 7		Distant. erat æqualis distantia inter cuspidem sup. & M. Sipylum, h. e. 18. min.	Jupiter, M. Ligustinus & I. Apollonia major: quo tempore simul ☿ cum ☾ & cusp. ☾ sup. omnino in rectâ lineâ erat situs. Distantia vero ☿ & ☾ per radium minorem deprehensa 2. grad. 17. min. circiter.
9.	51 0.	10 50 20		Distant. jam minor diametro Lunari, ut Besbica scilicet à cuspide super. hoc est, 13 minut. æstimabatur.	Jupiter, M. Ligustinus & Byzantium.
10.	52 3	11 1 24	M. Serrorum & I. Apollonia major. culminabat itaq; 53. gr. Luna: at cuspidis 21. gr. à puncto Zenith distabat.	Distant. non excedebat intervallum inter Inf. Besbicam & Montem Serrorum, hoc est 12 min. 30. sec.	Jupiter, Insula Apollonia major & Mons Æmus.
11.	52 20	11 4 49		Jupit. non ampliori interstitio elongabatur à cusp. ☾ sup. quam hæc dista cuspidis abesse videbatur à M. Argent. h. e. 8 m. 30 sec.	Jupiter, Inf. Cyanea, & M. Æmus.
12.	52 43	11 9 19		Distant. inter M. Æmum & cusp. ☾ sup. planè æquabatur distantia Jovem inter & eandem cuspidem. h. e. 8. circiter minut.	
13.		11 11 5		Dist. Jovis à cusp. erat similis distant. M. Carpatidis & I. Besb. h. e. 6 min. 30. sec.	Jupiter, Mons Serrorum & Apollonia major.
14.	53 10	11 14 50		Tempore scilicet veræ conj. Jupit. tanto certe intervallo distat à cusp. sup. ☾, quanto M. Serr. abest à M. Argent. h. e. 6. min.	Jupiter, Inf. Cyanea, & M. Serrorum.
15.		11 21 30		Dist. ☿ à cusp. ☾ sup. iterum accedebat ad dist. inter Inf. Besb. & M. Carp. h. e. 7 m.	Jupiter M. Serrorum & Insula Besbica.
16.	Altitudo Lyræ.	11 23 30		Dist. ☿ à cusp. ☾ sup. non deprehendebatur major distantia inter I. Besb. & M. Serrorum, h. e. 8. min. vel parum amplius.	Jupiter, M. Carpatidis & M. Sipylum.
17.	34 25	11 30 9		Jupit. tanto removebatur spatio à limbo ☾, quanto abesse videtur Insula Apollonia à M. Serrorum, hoc est, 9. minut.	Jupiter, Mons Serrorum & Mons Argentarius.
18.	36 0	11 41 39		Jupit. non majori interstitio elongabatur à ☾ limbo, quam I. Besb. à cusp. ☾ sup. distare deprehenditur. h. e. 13. minut.	Jupiter, Mons Carpatidis & Mons Argentarius.
19.	38 33	11 59 55	I. Apoll. major & M. Carp. sub eâdem perpendiculi lineâ reperiebantur; sic ut certum sit 55. gr. exstitisse verticalis, & cusp. 23. gr. abfuisse à puncto verticali siue Zenith.	Distant. inter Jovem Lunæq; limbum, erat denuò æqualis distantia, inter cuspidem ejus sup. & Montem Sipylum, hoc est 18. minut.	Jupiter, Mons Æmus & Mons Argentarius.



*Transitus Iovis,  
G E D A N I,  
Anno à nato Christo, 1647. Die 12 April.  
observatus.*



*fig. 888.*

*Autor Sculpsit.*





Eoque sine præterea planè novam, eamque minorem Lunæ effigiem, nec hucusque à nobis exhibitam, nec à quopiam tentatam, profectò haud sine (si fas est dicere) insigni labore delineatum ivimus: quippe quòd sic omnes Jovis à Lunâ distantias, unicâ complecti pagellâ commodum fuerit, quod alioquin, usurpatâ majori Lunæ facie, fuisset prorsus impossibile. Adhæc tamen Maculæ, earumque proportionès, in hac figurâ, eadem omnino diligentia, ac in reliquis quibuscunque factum est majoribus, sunt adumbratæ; ita ut nullam planè Maculam, quantumlibet minimam, (de difficultate operis, tu, me tacente, Lector, judicabis) reliquam fecerimus. Advertas autem velim, quòd lineæ punctim à Lunæ limbo, ad quemvis Jovis situm sese vertentes, commonstrant, cum quibus Maculis, quâvis statione, Jupiter in eadem visus fuerit lineâ: numeri verò, iisdem lineis appositi, observationis ordinem significant; ne non sic ipsa tabula, cum schemate adjecto, conferri negotio nullo queat.

*Autor, quare novam planè effigiem lunarem adumbraverit?*

Sed & hoc animadvertendum hîc habes, quòd is ipse typus, eam prorsus inclinationem præ se ferat, quam, tempore veræ conjunctionis, ipsa Luna (dum scilicet eandem rectam lineam, cum confinio luminis & umbræ constituebat, nec ultra 6 minutis à cuspide elongabatur) revera exhibuit; neglecto, quòd inclinatio, sub observationis principium, minor, & circa ejus finem, major fuerit deprehensa: at verò tamen hac vice lentè admodum Lunæ inclinatio se variabat, idque eapropter, quia angulus occidentis parùm variabilis extitit.

*Inclinatio typi.*

Cæterùm, denuò iterum in majorem fidem eorum, quæ capite 55. fol. 439. & capite 56. fol. 477. de Planetarum diametris dicta sunt, Jovis dimetientem, Macularum ope, quàm accuratissimè fieri potuit, observavimus. Deprehendimus itaque illam, haud majorem Monte Crago, in Asiâ minori; non procul à Montibus Sipylo Didymoque sito: cujus quidem Montis Cragi diameter, vix  $\frac{1}{34}$  partem, accuratâ expensione, totius Lunæ dimetientis, æquat. Hincque datâ Lunæ diametro, secundùm Severinum Longomontanum 33. minut. 58. secund. diameter Jovis vix unico constat minuto: secundùm verò Keplerum, datâ diametro 32 min. 42. secund. tantùm  $57\frac{1}{2}$  secund. At secundùm Gassendi proportionem, diametri Lunariorum 31. mi-

*Autor denuò Jovis diametrum visibilem metitur.*

*Quanta fuerit deprehensa?*



*Diameter  
Jovis longè  
minor, quam  
unquam pu-  
tarunt.*

nut. 6. sec. tantum 55. sec. Iove scilicet circa Apogæum versante, ejus dimetientem constare dicendum. Unde jam satis superq; fit manifestum, diametrum Iovis visibilem longè sanè minorem, quàm hactenus omnes antecessores nostri putarunt, reperiri.

*Joviales, tē-  
pore transi-  
tus, clarè af-  
fulgebant.*

Et jam ultimò autem notandum occurrit, quòd, licet Luna lumine satis aucta, Jovique admodum vicina modò extiterit; nihilominus joviales perquàm clarè se se conspiciendos præbuerint. Initiò quidem non nisi duo oculos feriebant; circa medium verò observationis, tertius quoque, reliquorum mini-

*Jovialium  
ordo.*

mus, ex umbrâ Jovis primùm emergens, non minùs occurrebat: at omnes illi tres occidentem versùs micabant: extremo ad sex diametros Jovis à Principe suo remoto, intermedio ad unam diametrum, & vicinissimo, ad semidiametrum vel aliquantò magis: quemadmodum omnia ista modò dicta, in adjuncto schemate, circa Jovem (qui itidem suam veram secundùm Maculas hîc refert magnitudinem) sunt in præpatulo. Hæc itaque fuere, quæ quàm brevissimè hoc loco adhuc proferre, & de paulò minùs solito isto Jovis occurso publicare volumus. Cùm autem, mi Lector, jam nihil omnino restare videatur, quod ad præsens faciat institutum, de observationum harumcestrarum, cùm Selenographicarum, tum reliquarum omnium, tabulâ manum tollimus; hoc nobis de benevolentia & bonæ mentis tuæ indole certò polliciti, futurum, ut æque intentos admoturus sis operi nostro oculos, atq; nos in Cœlum nunquam non defixos hactenus habuimus, ut hæc nobis innotescerent, quæ tecum ingenuè communicavimus: quo cognito, animi nobis profectò addentur, ut, cum DEO & die, plura hujus generis, maximo studio, privatim venemur, & optimo animo publici faciamus juris.

F I N I S.

NON NOBIS, SED NOMINI TUO,  
DOMINE, GLORIA.

TU NOS CREASTI, TU OMNIA.



# INDEX RERUM

549

## HOC OPERE COMPRE- HENSARUM.

A.	pag.	A.	pag.
<b>A</b> ër quò remotior, eò purior. 196		Aspectuum divisio. 184	
Aër modò crassior, modò tenuior evadit. 196		Asperitas quomodo cognoscatur? 138	
Aëris tres sunt regiones. 196		Astra, sensitivâ animâ esse prædita. 155	
Ætas posterior sèper aliquid novi apportat. 41		Astronomia nondum ad perfectionis culmen pervenit. 441	
Ætatem Lunæ num ex phasium quantitate conjicere liceat? 444		Aura ætherea quid sit? 156	
Ætatem phasium explorandi modus. 445		Autor stellas quamplurimas Telescopio detexit. 34	
Alani montes Lunares admodû sunt excelsi 283		Autor stellas fixas rotundas deprehendit. 36	
Alhasen & Vitellio doctrinam de refractionibus tradiderunt. 2		Autor censuram Lobkowitzii, judicio Gasfendi oppositam, examinavit. 55	
Alphonfini terram in centro immobilem statuunt. 160		Autor Martem dimidiatum observavit. 67	
Alteratio in Sole major, quàm in terrâ. 92		Autor Macularum Solarium observationes instituit. 83	
Alterationis & corruptionis vestigia in Sole deprehenduntur. 77		Autor negat, superficiem Lunæ esse speculum planum. 127	
Angulus Eclipticæ & verticalis, quomodo investigandus? 103		Autor certis conditionibus promittit se festæ peripateticæ addictum fore. 142	
Angulum orbitæ Lunæ & Eclipticæ ex observatione determinare. 471		Autor, cur motum Lunæ non per orbitam Ellipticam explicaverit? 169	
Annus Lunaris determinatur. 295		Autor, quibus nominibus phases suas appellaverit? 181	
Antiqui varias de Lunâ foverunt opiniones 110		Autor, quibus rationibus ad delineandas Lunæ phases sit commotus? 206	
Antonii de Rheitâ s. superadditi joviales, num fuerint erroneæ? 49		Autor, quibus sit incitatus ad opus Selenographicum suscipiendum? 207	
Antonii de Rheitâ pseudojoviales. 52		Autor in principio de feliciori observationum progressu admodum dubitavit. 211	
Apenninus mons in Lunâ penè altissimus. 394		Autor motum librationis explorandum statuit. 213	
Apennini montis longiusculæ maculæ. 350		Autor qualem elegerit modum celandi? 219	
Apogæi motus. 171		Autor, priusquam incuriæ accusetur, necesse est ut prius omnia probè examinètur. 220	
Apfides quid sint? 170		Autori primò visum præclarissimorum Mathematicorum nomina Maculis Lunæ imponere. 224	
Areolæ quædam clariores, in obscuratâ Lunæ parte. 135		Autor, cur sententiam mutaverit? 224	
Areolæ lucidiores quid sint? 135		Autor Maculis Lunaribus nomina Geographica indidit. 225	
Aristoteles unde Cœli incorruptibilitatem collegerit? 93		Autor, quænam nomina locorum elegerit? 226	
Aristoteles galaxiam haud cognovit. 120		Autor omnes phases manu suâ æri incidit. 213	
Aristoteles fingit in Cœlosphæras reales. 155		Autor totas observavit Lurationes. 250	
Aristotelis auctoritatem, Peripatetici nimium attendunt. 139		Autor, qualem figuram generalem initio construxerit? 325	
Aristotelici, Lunam constare ex materiâ clariori ac incorruptibili, ajunt. 114		Autor, quare novam planè effigiem Lunarum adumbraverit? 547	
Aristotelici Lunam quintam esse essentiam statuunt. 114		Autor Jovis diametrum visibilem metitur. 547	
Aristotelici quomodo incorruptibilitatem probent? 118			
Aspectus quid sit? 183			
Aspectuum genera quotuplicia sint? 183			
Aspectuum distinctiones. 183			



B.		pag.		pag.
<b>B</b> ettinus nunquam montes in periphe- riâ conspexit.		142	Cornuum in Lunâ unde diversa existat in- clinatio?	309
Bettini & Agvilonii opinio, de montibus Lunaribus.		139	Corniculata Luna, præfente Sole, visa.	282
Bettini arguméta contra montes Lunares.		139	Corniculata Luna, citiùs de die, quàm de nocte spectatur.	282
Bettini argumenta refutantur.		140	Corpus opacum lumini refistit.	113
Bettini argumentum invertitur.		144	Corpus opacum umbram projicit.	113
Bisecta Luna crescens.		336	Corpus asperum, à lævi, quâ ratione co- gnoscatur?	133
Bisecta Luna decrescens.		388	Corpora sphærica, quò asperiora, eò uni- versaliùs de se spargunt lumen.	133
Bisectæ Lunæ pars obscura, minor parte il- luminatâ.		391	Corpora quò altiora, eò minor existit pa- ral/axis.	186
Biquintilis.		184	Creaturæ si dantur viventes in Lunâ, me- lior est ratio earum quæ colunt inferiùs Lunę hemisphæriû, quàm quæ superius.	294
Bullialdi observationibus libratio confir- matur.		436	CrySTALLUS montana, in Tubospicillis quid præstet?	9
C.			Cujus phaseos momentum faciliùs cogno- scatur?	391
<b>C</b> atalogus nominum, Lunæ locis indi- torum.		228	Cum tempore multa deteguntur.	121
Catoptrices principia.		30	Curvarum linearum variæ species.	312
Chordarum nulla ad Eclipticâ inclinatio.		514	Cursus macularum, dierum 13. 505. 516. 517	
Circumjovialium distantiam, ab ipso Jove, capiendi modus.		66	Cursus macularû ex parte rectilineus. 502. 520	
CircumSaturnales & circumMartiales fue- runt fixæ.		65	Curvitas & inclinatio itineris macularum. 503	
Circulus ut Ellipsis interdum apparet.		126	Cursus macularum dierum 14. 505	
Claramontii opinio, de maculis Lunaribus.		122	Cursus macularum Solarium dierum 12½. 508	
Claramontii opinio, de Lunæ lumine.		115	Cursus macularum curvilineus. 513. 522	
Clarus ille in Lunâ circulus, an sit reale ali- quod phænomenon?		305	Curvitas itineris macularum decrescit. 517	
Coelum esse corruptibile unde probetur?		91	Cuspides luminosæ quid sint?	265
Coelum an sit corruptibile?		153	Cuspidum illuminatarum maxima distan- tia, à lucis termino.	266
Coelum esse igneum.		154	Cuspidum variatio Lunæ unde oriatur?	332
Coelum, an sit mobile?		155	Cuspidum variationem rectè determinare, artificiosum est.	332
Coelum si sit durum, quid sequatur?		157	Cuspidum variatio quanta?	333
Coeli datâ fluiditate, omnia phænomena servantur.		157	Cuspidû variatio habet suas inæqualitates. 341	
Coeli motus triplex.		161	Cursus macularum plus minùs dierum 12. 524	
Coelum unicum, idque liquidum.		157	D.	
Coelestia corpora, harmonicè disposita.		109	<b>D</b> E I opera immensa & admiranda.	76
Color certum est argumentum opacitatis.		118	Decilis.	184
Cometarum situs, ex parallaxi, cognoscitur.		188	Demonstrationes Tuborum, quinam Au- tores tradiderint?	14
Concavi & convexi speculi differentia.		128	Densiores & rariores partes quid sint?	141
Confinium Lunarum lucis anfractuofum.		135	Densiores & rariores partes, non variant lu- minis aspectum.	141
Conjunctio quid sit?		183	Diameter Lunæ visibilis variatur.	202
Continens Lunæ, colorem minimè mutat.		258	Diameter Lunæ quanta?	203
Constans Solis macula.		513	Diameter Lunę in miliaribus determinata.	203
Copernicus instaurator Pythagoricæ hy- potheseos.		163	Diameter phasium, quantę magnitudinis assumta.	214
Cornua Lunæ, tum ortum, tum occasum respiciunt.		180	Dia-	
Cornua Lunæ, modò acutiora, modò ob- tusiora.		390		



	<i>pag.</i>		<i>pag.</i>
Diameter Lunæ apparens.	383	Ellipseos quantitatem, rarè observatores rectè determinant.	452
Diametri fixarum, quomodo possint observari?	28	Eclipses Solares, per machinam observare Helioscopicam.	105
Diameter Lunæ visibilis, num satis sit cognita?	448	Eclipses Solares, sæpissimè densissimas invexerunt tenebras.	115
Diametri stellarum minores, quàm veteres putarunt.	447	Eclipses Solis, in camerà obscuratà, nudis oculis inspectæ, apparent minores quàm revera sunt.	286
Diametri stellarum accuratiùs armato, quàm nudo oculo investigantur.	447	Eclipses rectè annotari, Astronomiæ multum interest.	453
Diametri stellarum optimè per maculas Lunares definiuntur.	448	Eclipses accuratè observare absq; perspicillo impossibile.	453
Diametros stellarum nova dimetiendi ratio.	447. 449	Eclipses Lunares observandi ratio.	454
Diaphanum omnium colorum est expers.	118	Eclipses rectè observare, est res magni momenti.	468
Dies certi ad observationes longitudinum constituendi.	485	Eclipsium Lunarium varius color.	116
Dierum & noctium, vicissitudinumque in Lunà ratio.	293	Eclipsium Lunarium color unde?	116
Differentia inter maximam & minimam librationem.	279	Eclipsium observationes minùs emendatè veteres administravere.	451
Differentia evidens, inter duas phases, æq; distantes ferè à Sole.	308	Eclipsium initia & fines rectè annotare, valdè est lubricum.	456
Differentia notabilis, inter phases hæctenus in ☾ & ☿ observatas.	315	Eclipsium Lunarium quantitatem rectè investigare.	461
Dilatatio & compressio macularum, diversis temporibus diversa.	323	Eclipsium phases alius dijudicandi modus.	467
Dimidiata Luna.	340	Eclipticæ, & Æquatoris variatio, si uterq; circulus ex Lunà conspiceretur.	295
Dimetiendi locorum Lunarium distantias ratio.	254	Eclipticam macularum Solarium inveniendi ratio.	104
Disciplinæ, artesque mechanicæ, hoc nostro seculo maximè crevère.	1	Elliptica phasium linea, quomodo intelligi debeat?	314
Distantiam Lunæ à Sole ex phasibus inquirere.	444	Eminentia ex umbris cognoscuntur.	138
Diurnus motus apparens, in Lunà nullus deprehenditur.	301	Epicycli Lunares.	173
Diurna spatia, circa quadraturas, velociter crescunt & decrescunt.	320	Epicyclorum & Eccentrici Lunæ proportio.	175
		Epicyclorum centrorum motus.	176
		Exempla rarissima visæ novissimæ & primæ Lunæ, die Synodici.	275

## E.

Eclipsis Solis observata Anno 1645.	106
Eclipsis terræ maxima, in Lunà quousq; se se extendat.	296
Eclipsis Solis, quando in Lunà fiat, & quanta?	297
Eclipsis Lunæ, semper nudo oculo minor, quàm est, apparet.	452
Eclipsis pro diversâ pupillæ dilatatione, modò major, modò minor spectatur.	452
Eclipsis Jovialis.	532
Eclipsis Lunæ observata Anno 1646.	462
Eclipsis Lunæ instituta Anno 1647.	463
Eclipseos Lunarum typus.	466
Eclipsis Palilicii Gedani observata.	472
Eclipsis Palilicii altera ibidem instituta.	473
Eclipseos Solaris schema.	106

## F.

Fabrica cujusdam instrumenti, per quod longitudes Eclipsesq;, modo haud vulgari, annotantur.	482
Fabricam facilioris cujusdam machine Helioscopicæ, Autor proponit.	100
Facies tabulæ generalis phasium.	262
Faculæ Solares quid sint?	84
Faculæ fulgentes.	505
Faculæ rarè maculas præcedunt.	503
Faculæ interdum in patente Solis hemisphærio totum absolvunt cursum.	509
Facula spectabilis, illiusque amplitudo.	506
Facularum Solarium affectiones.	87
Facu-	



	<i>pag.</i>		<i>pag.</i>
Facularum distinctio.	87	Hypotheseos Tychonicæ adumbratio.	163
Facularum admiranda magnitudo.	87	Hypotheseos Pythagoricæ descriptio.	163
Facularum mora dierum circiter 13.	129	Hypotheseos Copernicanæ ordo orbium.	164
Figura primaria maximè notabilis.	410	Hypotheseos Copernicanæ effigies.	168
Figuræ primariæ facies.	410	Hypothesium Astronomicarum inventio,	
Firmamentum ex quonam constet ele- mento?	154	ingeniosissimum quid.	158
Fixæ non omnes à Sole æqualiter remotæ.	166	Hypothesium diversæ inventiones.	158
Fixæ & aliqui Planetæ, cur scintillant?	38		
Fixæ, quare majores, quàm sunt, appareant.	38	I.	
Fixæ hætenus incognitæ.	533. 536	[Conismorum duorum primariorum dif- ferentia.	454
Fixarum & Solis distantia.	166	Illuminatio Lunæ.	180
Fixarum diametros determinare.	450	Imaginatio & conceptio humana admo- dum debilis.	120
Foramina tubi diversa, ad fixas rectè lu- strandas.	37	Inæqualitas & varietas phasium unde?	317
Foramine angustiori uti ad Mercurium ne- cesse est.	74	Inclinatio sectionum, in quonam loco sit maxima?	334
Fusa dissertatio de stellis Urban-octavianis.	58	Inclinatio Plenilunii Æstivi.	359
		Inclinatio Lunæ in nonagesimo variatur.	359
G.		Inclinatio Typi transitus Jovialis.	545
GALILÆUS stellas quamplurimas detexit	33	Inclinatio Lunæ, circa horizontè maxima.	360
Galilæus nonnisi fixas semper scintillan- tes Tubo conspexit.	36	Inclinatio admodum varia.	364
Galilæus, quid ope perspicilli detexerit?	205	Inclinatio cornuum Lunæ indies variatur.	405
Galilæus nondum nativam Lunæ faciem de- lineando affecutus est.	205	Inclinatio cornuum, num ritè determinari possit?	405
Gassendi observationibus, revolutio libra- tionis stabilitur.	435	Inclinatio cornuum, quâ viâ investigetur?	406
Geographia, absque nominibus, nemini perceptibilis.	223	Inclinationis motus cuspidum, fusiùs de- claratur.	337
Generationes & corruptiones, cur in Lu- nâ nullæ deprehendantur?	118	Inclinationem invenire ad quamcunque datam horam.	364
Generationem dari in Sole, probatur.	92	Inclinationes diversæ Lunares Dantiscanæ, schemate exhibentur.	361
Globi systematis Planetarii, ad semidiamet- rum firmamenti proportio.	166	Inclinationes delineandi ratio.	361
Globi Lunaris fabrica.	493	Inclinationes Lunæ Dantiscanæ, in princi- piis signorum adumbratæ.	363
Globi Lunaris typus.	495	Inclinationes rectè determinare labor est.	364
Globi terreni certa pars, cum Lunæ hemi- sphærio patente, optimè convenit.	225	Inclinationes quascunque Plenilunii ope versatilis representare.	364
Globum construere Lunarem.	492	Inclinationes phasium, tempore Eclipsæ.	457
Gradus limbi Lunæ verticalis, quomodo exploretur?	459. 481	Inclinationes harum phasium quomodo hætenus investigatæ fuerint?	457
		Inclinationes Eclipsium, quâ viâ acqui- rendæ?	457
H.		Inconstantes maculæ Solares.	511. 513
HELIOSCOPII usus & fabrica.	22	In Lunâ possunt esse res planè à nostris di- versæ.	119
Helioscopium ex quovis Telescopio construere.	23	In observationis negotio, non possumus ni- mis esse curiosi.	460
Horizonti asperitas, arguit locum esse montosum.	148	Instrumentum peculiare, ad Telescopia sustentanda.	40
Hyperboreus lacus variatur.	315	Instrumenti ejusdem structura.	40
Hyperboreum mare.	397	Insula Sicilia, modò obscurior, modò lumi- nosior apparet.	345
Hypothesis Keppleri, reliquarum haud po- strema.	169	Insula Cercinna.	355. 400
Hypotheseos Ptolemaicæ ordo spherarum	160		
Hypotheseos Ptolemaicæ Alphonsinæ deli- neatio.	161		



Insula Rhodus.	pag. 356
Insula Macra.	382
Inscriptiones & tituli phasium. cui bono?	319
Insulę ac valles Lunares, quare circa medium plerumque rotundę appareant?	259
Interstitium inter Saturni & stellarum fixarum spheram, minimę est vacuum.	166
Invisibilis esset Luna, si speculum esset sphericum.	130
Jovis facies.	44
Jovis circulatorum natura, & proprietas.	46
Jovis diameter quanta?	449. 547
Jovis Eclipsis.	475
Jovis & Lunę conjunctio, propemodum centralis.	476
Jovis ingressus & egressus, quam plagam versus fuerit notatus.	476
Jovis diameter, tempore Eclipses, quanta?	477
Jovis occultati observatio & typus.	477
Jovis initium occultati, Regiomonti observatum.	478
Jovis transitus Dantisici animadversus.	478
Joviales maculę, ab Autore detectę.	45
Joviales, quanto intervallo à Jove removeantur?	47
Joviales se mutuę tangunt.	533
Jovialis jovialem occultat.	533
Jovialis à conjunctione veniens.	534
Jovialis ab ipso Jove tectus.	532
Joviales habent suas latitudines.	527
Jovialium conjunctio notatu digna.	528
Joviales tempore transitus jovis clarę affulgebant.	548
Jovialium ordo tempore transitus jovis.	548
Jovialium conjunctiones & Eclipses.	46. 537. 540
Jovialium observationes.	45. 46
Jovialium orbite, Eclipticę sunt parallelę.	47
Jovialium motus periodicus est inæqualis.	47
Jovialium visibilis diameter variatur.	48
Jovialium Planetarum nunquam plures, quàm 4. conspecti.	48
Jupiter 4. exiguis Planetis circundatus.	45
Jupiter occultatus, quā parte emerferit?	475
Jupiter per quasnam transiverit maculas?	476
Jupiter jovialem texit.	533
Jupiter stellam margine stringit.	543
Jovis comites, modò majores, modò minores apparent.	526
Judęi primam phasin diligenter observarunt.	273

## K.

Keplerus nullum unquam dari posse perfectum Plenilunium, statuit.	368
---	-----

## L.

Latitudo Lunę ex lucis confinio investigatur.	443
Latitudinem, Plenilunii tempore, explorare.	443
Lens plano-convexa, quid præstet?	13
Lens plano-convexa breviorē reddit tubum, quàm utrinque cava.	13
Lens utrinque concava, concavo-planā est præstantior.	14
Lentes convexę & concavę, unde suam duxerint originem?	2
Lentes oculis admodum sunt utiles.	2
Lentes perpolire, insignis est opera.	3
Lentes conicę hactenus nondum elaboratę.	3
Lentes convexę, quid in Telescopiis, & cameris obscuratis præstent?	4
Lentes convexę atque concavę, quomodo elaborentur?	6
Lentes & globuli, necesse ut exquisito constant spherę segmento.	8
Lentes quęnam ad Telescopia sint eligendę?	9
Lentes perfectę sectionis, quā ratione discernantur?	9
Lentes, quomodo perfectę expoliri possint?	10
Lentes nimis excavatę, objecta per quām obscura reddunt.	13
Lentes convexę obtusiores, præstant acutioribus, in augendis rerum speciebus.	14
Lentes in Polemoscopio, breviorē exigunt distantiam, quàm in Telescopio.	27
Lentium varia forma.	3
Lentium differentia.	3. 4
Lentium usus.	3
Lentium comburentium differentia.	4
Lentium variam cognoscere figuram.	10
Lentium notę perfectę expolitarum.	10
Lentibus nimia politura est inutilis.	10
Lentibus convexis & concavis applicanda regula communis.	13
Levis est dicere quàm facere.	220
Libratio aliqua disci in Lunā deprehenditur.	112
Libratio fit circa polos proprios.	236
Libratio ex motu Lunę proprio oritur.	238
Libratio admodum intricata.	239
Libratio ratione latitudinis variatur.	239
Libratio varias gignit vicissitudines.	249
Libratio phaseos corniculatę.	284
Librationis periodus.	239
Librationis spatium, quantum?	245
Librationis interstitium verum, apparente majus.	246



	<i>pag.</i>		<i>pag.</i>
Librationis centra.	248	Luna an sit omnium rerum planè vacua?	119
Librationis motus stabilitur.	341	Luna nonnunquam partem satis magnam hemisphærii latentis nobis obvertit.	122
Linea veri & visi loci differentia.	186	Luna Solis lucem, ratione opacitatis sui corporis, per reflexionem nobis communicat.	123
Linea veri & visi loci parallaxin determinat.	188	Luna cur non formam speculi plani representet?	125
Linea mare interfecans Lunare, nonnunquam aspera.	345	Luna non est speculum concavum.	127
Lineæ visionis & obscurationis in Lunâ, quomodo à Sole & terrâ fluant?	291	Luna nec speculum est convexum.	128
Loca Lunæ clariora, valles sunt.	221	Luna si esset speculum sphericum, Solis imago, instar minutissimæ stellulæ appareret.	130
Longitudinem & latitudinem ex nudo Lunæ aspectu, indagare.	441	Luna, quânam superficie sit prædita?	131
Longitudines locorum optimè per Eclipses & occultationes indagantur.	480	Luna, quomodo lucem communicet?	131
Longitudines locorum investigare Mathematici magnoperè allaborarunt.	479	Luna, unde omnibus æqualiter luminosam se exhibeat?	132
Longitudines locorum scrutandi novatio.	481	Luna libratur.	145
Longitudines investigandi rationem examinare.	486	Luna, quali constet materiâ?	148
Longitudines locorum ex unicâ statione, per maculas indagare Lunares.	487	Luna Apogæa cur tarda?	176
Longitudines inveniendi alius modus.	490	Luna non prorsus circumvolvitur.	237
Longitudines investigandi tertia ratio.	491	Luna, modò dilatari, modò comprimi, quâ maculas ejus videtur.	238
Longitudines locorum investigandi, quânam sit omnium optimus modus?	301	Luna, primâ die, post coitum, visa.	273
Lumen Lunæ secundarium unde existat?	288	Luna cur non, primâ post interlunium die, conspiciatur?	274
Lumen Lunæ secundarium, post ultimam quadraturam, iterum redit.	291	Luna, quando die coitus spectari possit?	274
Lumen secundarium in Lunâ quando valentissimum?	292	Luna nova quando primum 3. & 4. die conspiciatur?	275
Lumen secundarium Lunæ, quando evanescat?	293	Luna prima quando delineata?	276
Lumen secundarium Lunæ, quando debilissimum?	292	Luna prope Solem in Cœli medio conspici potest.	283
Lumen Lunæ secundarium, cur non undique sui simile?	304	Luna corpus opacum, asperum atque crassum.	288
Lumen Lunæ secundarium, cur non omni anni tempore idem appareat?	306	Luna quantò crescit, tantò lumen secundarium decrescit.	289
Lumen secundarium, in quâ phasi iterum conspiciatur?	395	Luna ex partibus constat heterogeneis.	351
Lumen secundarium, in phasibus fenescentibus clarius.	400	Luna nunquam minùs, quàm cum est plena, illuminatur.	366
Luminis in Lunâ secundarii, vera causa.	298	Luna quò minùs à Sole illuminatur, eò plus de eâ cernitur.	368
Luna quomodo crescat & decrescat?	179	Luna quâ parte limbi decrescere incipiat?	374
Luna parallaxibus est involuta.	192	Luna, ratione pupillæ, modò major, modò minor, apparet.	384
Luna, ob librationis motum, non movetur loco.	236	Luna nunquam prorsus bifecatur.	388
Lumen in medio obscuriori clariùs elucescit.	116	Luna nunquam plus illuminatur, quàm in conjunctione.	407
Luna cœlestis disciplinæ prima magistra habita fuit.	110	Luna ultima rarò conspicitur.	407
Luna cur sit obscura, & nullo prorsus lumine proprio prædita?	114	Luna Senex.	408
Luna corpus opacissimum.	115	Luna crescens prima.	415
		Luna in quonam signo extet dijudicare?	442
		Luna citiùs obscurari, nudo visui videtur, contrà tardius lumen recuperare.	451
		Luna	



	<i>pag.</i>		<i>pag.</i>
Luna ad longitudes locorum indagandas maximè commoda.	480	Lunam partibus constare heterogeneis, unde probetur?	118
Lunæ locum cur DEUS terræ viciniorem assignaverit?	109	Lunam instar speculi radios reflectere, quis statuatur?	124
Lunæ faciem referre imaginem oceani, quinam statuerint?	110	Lunam primam quando iterum observandi dabitur occasio?	276
Lunæ Maculæ non sunt variabiles.	111	Lunam non primâ statim die decrescere, alii statuunt.	374
Lunæ maculæ non sunt simulacra specularia.	111	Lunares maculæ, fixum semper obtinent locum.	112
Lunæ Eclipsatæ rarissima exempla.	117	Lunares partes, quibus rebus comparantur?	134
Lunæ hemisphærium exquisitè diaphanum, patens verò mediodiaphanum tantum esse quisnam statuatur?	121	Lunares motus cognoscere, ad Selenographiam rectè intelligendam, valdè conducit.	164
Lunæ pars averfa iisdem constat partibus.	121	Lunares altitudinis parallaxes, quantæ?	192
Lunæ pars averfa, nequicquam proprii luminis particeps.	121	Lunatio crescens secunda,	417
Lunæ superficies planè est aspera atque scabrosa.	131	Lunatio crescens tertia.	420
Lunæ tuberosæ & lacunosæ partes, quid sint?	133	Lunatio decrescens prima,	422
Lunæ superficies, cur non prorsus sit lævigata?	135	Lunatio crescens quarta.	424
Lunæ pars libratoria, quanta?	145	Lunatio decrescens secunda:	425
Lunæ asperitas comparatur terræ.	148	Lunatio crescens quinta,	428
Lunæ partes obscuriores, nostris maribus comparantur.	149	Lunatio crescens sexta.	429
Lunæ maculæ majores, nostris sylvis equiparantur.	149	Lunatio crescens septima.	430
Lunæ clarior pars atque obscurior, quid sit?	151	Lunatio crescens octava.	432
Lunæ motus omnium intricatissimus.	168	Lunationum observationes Selenographiæ utiles.	251
Lunæ motus proprius explicatur.	173	Lunicolæ quomodo tempus commodè distribuere possint?	300
Lunæ pars illustrata, crescit & decrescit, pro majori vel minori elongatione Lunæ à Sole.	180	Lunicolæ, menstruas phases terræ animadvertunt.	293
Lunæ à terrâ distantia.	202	Lux & color corpora diaphana penetrant,	114
Lunæ soliditas, & circumferentia.	203		
Lunæ velocioris apparitionis tres conditiones.	276		
Lunæ corniculatæ causæ maturioris & tardioris apparitionis.	281		
Lunæ plenæ quanta sit pars illuminata?	367		
Lunam, mixturam aëris caliginosi & ignis carbonosi esse, quis statuerit?	111		
Lunam pumiceâ esse, Diogenes contendit.	111		
Lunam corpus esse igneum, menteque præditum.	111		
Lunam, Diogenes mobilem circa axes statuit.	112		
Lunam proprium lumen ab unâ parte habere, ab alterâ nullius prorsus luminis esse participem, idem Autor asserit.	112		
Lunam partim esse opacam, partim luminis transitum permittere, alii sentiunt.	115		
Lunam Eclipsatam, interdum penitus in Cœlo evanescere.	116		

## M.

Machina tornatilis ad lentium fabricam.	6
Machina Helioscopica Scheineriana.	98
Machinamentum tornatile ab Autore inventum, quibus aliis inserviat rebus?	8
Machinæ Helioscopicæ effigies.	98
Machinæ Helioscopicæ ejusdem fabrica.	99
Machinam Helioscopicam tractandi ratio.	101
Macula Solaris nimbo coronata.	84. 500. 502
Macula 12. confecit in Sole dies.	500
Macula biduana.	502. 505. 525
Macula magna præclaro nucleo prædita.	503
Macula in orbe Solis exstincta.	503. 512
Macula rara ac sparsa.	504
Macula sub ipsâ Eclipticâ visa.	505
Macula redux.	505. 519
Macula, totum Solem circumeundo, dies consumsit 27.	505
Macula primùm crevit, deinde iterum decrevit,	506



	<i>pag.</i>		<i>pag.</i>
Macula in gremio Solis nata, ibidemque extincta.	509	Maculæ aliquot in unam debilem redactæ.	504
Macula unius diei.	510	Maculæ in Faculas accensæ.	504. 507. 508. 520
Macula in ipso horizonte visa.	513. 519. 520	Maculæ numero decrescetes.	504
Macula valdè insignis.	519	Maculæ quamvis simul generentur, non sunt tamen ejusdem durationis.	508
Maculæ Solares interdum rutilescunt.	84	Maculæ circa occasum ortæ.	509
Maculæ Solares circa limbum tenuiores.	85	Maculæ quamvis sint ejusdem opacitatis, non tamen æque diu persistunt.	511
Maculæ in Solis disco generantur & cor- rumpuntur.	85. 501	Maculæ quamplurimæ in disco observatæ.	514
Maculæ reduces.	86	Maculæ ex Faculis, brevi temporis spa- tio exortæ.	515. 519
Maculæ, Faculis umbrisque cinguntur.	86	Maculæ augentur & à se mutuò discedunt.	518
Maculæ, interdum ex umbris nascuntur.	86	Maculæ quotidie se se variantes.	519
Maculæ Solares, sunt corpora realia.	88	Maculæ duæ ex unica fuerunt procreatæ.	501
Maculæ Solares multò sunt majores, quàm apparent.	88	Macula absque nucleo.	521
Maculæ exortæ circa Solis medium.	523	Macula variabilis.	521
Maculæ Solis secundariæ.	523	Macula redux.	521
Maculæ in certâ Solis parte generantur.	88	Macularum nuclei.	84
Maculæ Solares an sint stellæ?	95	Macularum rariorum affectio.	84
Maculæ diversis modis possunt notari.	96	Macularum nulla circa Polos generatio.	88
Maculæ unde generentur? aliorum opi- nio.	111	Macularum motus triplex.	89
Maculæ nonnullæ Lunares in continuâ va- riatione luminis & umbræ, versantur.	113	Macularum motus localis triplex.	89
Maculæ Lunares colorem mutant.	137	Macularum motus ratione ascensionis & descensionis Solis.	89
Maculæ Lunares, quare non sint partes ra- riores & densiores?	141	Macularum motus proprius.	89
Maculæ Lunæ majores, loca sunt compla- nata.	147	Macularum Solarium motus, plenior ex- plicatio.	89
Maculæ Lunares, in obscuratâ camerâ, non depinguntur.	208	Macularum motus specie inæqualis, reve- ra autem æqualis.	91
Maculæ Lunares quomodo adumbrentur?	208	Macularum Lunarium genuinam delineâ- re proportionem, artis est?	212
Maculæ Lunares, quænam in rectâ lineâ sint sitæ?	252. 225. 254	Macularum Lunarium proportio quomo- do investigetur?	252
Maculæ Lunares, circa limbum quasi com- primuntur.	259	Macularum Lunæ dilatatio & compressio quando maxima?	323
Maculæ quædâ indies coarctantur, majori lu- mine replètur, atq; ægrius cognoscuntur.	319	Macularum situm perpendicularem quo- vis tempore indagare.	481
Maculæ marium Lunarium secundariæ.	348	Macularum mira mutatio	508. 513
Maculæ istæ unde?	348	Macularum motus constantissimus.	516
Maculæ Lunares, quare nominibus sint in- signitæ?	222	Macularum quarundam cursus admodum velox.	519
Maculæ in ipsâ superficie paludis.	379	Maculas & Faculas non in aërea existere regione, probatur.	92
Maculæ nigricantiores Ponti Euxini.	386	Maculas Solares observandi methodus.	94
Maculæ quædam colorem non mutant.	396	Maculas Solares observandi præstantissima ratio.	97
Maculæ Lunares, quænam præ reliquis atten- dendæ, circa longitudines acquirendas?	486	Maculas Solares observandi omnium opti- mus modus, quis sit, per machinam Helioscopicam ab Autore inventam de- claratur.	98
Maculæ quatuor in Solis medietate exortæ.	503	Maculas Solis observatas delineandi mo- dus.	105
Maculæ Solares formam figuramve indies mutantes.	503	Maculas Lunares, absque Tubospicillis, nullus unquam rectè cognovit.	134
Maculæ in disco inopinatò natæ.	503		
Maculæ non solum formam, sed & nume- rum, variant.	504		
Maculæ in plures distractæ.	504		



	<i>pag.</i>
Mæotis palus, quare abrupta quasi videatur?	378
Mars, in quali formâ à Fontanâ fuerit observatus?	67
Martis descriptio.	66
Martis observationibus Telescopia usitata minimè inserviunt.	67
Martis corpus rotundum.	67
Mathematici hucusque stellas fixas crinitas adspexerunt.	35
Majoribus nostris feliciores sumus.	133
Marium sectiones, cur aliquando anfractuosa?	149
Maria, Paludes, montes vallesque differunt in Lunâ ratione coloris.	256
Maria, lacus & paludes, mutant aliquantulum colorem.	257
Mensis Synodicus & Periodicus.	172
Mensis Synodicus undè varietur?	178
Mensis Synodicus quid sit?	178
Mensis Synodici inæqualitas undè?	316
Menses, à Lunâ primùm visâ, veteres inchoarunt.	273
Mensium Synodicorum differentia.	178
Mercurii observationes.	74
Mercurii vicissitudines, cur hætenus observari haud potuerint?	74
Mercurii phases, majores, quàm sunt, apparent.	75
Mensuræ pedis Gedanensis, Rhyndlandici fortificationarii, & Pariensis Regii differentia.	12
Microscopii structura & usus.	23
Mira macularum metamorphosis.	519. 520
Motus stellarum fixarum.	33
Montes Vallesque in Lunâ dari, jam pridem statuere.	131
Montes & Valles in Lunâ extare.	137
Montes in ipso Lunæ limbo extare, demonstratur.	145. 146
Montes Lunæ in limbo, non ita dilucidè, circa confinia, apparent;	146
Montes, quò sunt altiores, eò citiùs illustrantur.	265
Montium Lunarium altitudines dimerendi ratio.	264. 267
Montium Lunarium altitudines alius supputandi modus.	268
Montium Lunarium maxima altitudo.	269
Montium Lunarium altitudines mechanice investigare.	269
Montium terrestrium altitudines.	270
Montibus terrenis mirandam alii assignant altitudinem.	271

Montium Lunę & terrę differentia.	<i>p</i> 48 272
Montium maximi tractus in Lunâ.	272
Montes Lunę in peripheriâ siti.	279
Montium in peripheriâ manifesta ratio.	280
Montes diversi, ratione materię, in Lunâ existunt.	353
Montes quò sunt altiores, eò obscurior longiorque oritur umbra.	113
Motus librationis explicatur.	235
Mora macularum dierum 13.	522
Motus librationis veteribus planè incognitus.	235
Motus Lunarisi proprii & libratorii differentia.	236
Motus centri disci explicatur.	241
Motus librationis scitu perquàm utilis.	441
Motus librationis quomodo addiscatur?	442
Mundus an sit finitus?	153
Mundus an finitus in spatio finito, vel infinito?	153
Mundus quâ constet figurâ?	153
Mundum esse animatum quis statuerit?	154
Mundum animal esse divinum, Plato asseveravit.	154
Mundi anima quid sit?	155
Murus scabrosus lumen universalius, speculo, reflectit,	132

**N.**

<b>N</b> avigantes loca elevationiora primùm conspiciunt.	150
Nilus Lunarisi.	355
Nives nullę, nec pluvię in Lunâ.	357
Noctis longitudo in Lunâ.	294
Non omne corpus, quod per reflexionem agit, est corpus politum.	131
Nodi Lunę.	170
Nomina varia longitudinis.	172
Notę utiles, de phasi Lunę falcate.	287
Notabile discrimen inter cognatas figuras unde?	317
Notabilia circa phasin Lunę corniculate.	283
Notabilis observatio Medicęarum	537. 541
Notatu digna circa Faculas.	516
Notatu digna circa maculas Solares.	518
Novi nihil temerè in Cœlo statuendum.	135
Novitates quasdam asseverare, unde coacti fuerimus?	135
Noviterrium Lunę.	290
Noviterrium in Lunâ quando?	293
Novilunium nullum unquam perfectum invenitur.	407

N.

<b>N</b> avigantes loca elevatiora primum con-	
spiciunt.	150
Nilus Lunaris.	355
Nives nullæ, nec pluvix in Lunâ.	357
Noctis longitudo in Lunâ.	294
Non omne corpus, quod per reflexionem	
agit, est corpus politum.	131
Nodi Lunæ.	170
Nomina varia longitudinis.	172
Notæ utiles, de phasi Lunæ falcatæ.	287
Notabile discrimen inter cognatas figuras	
unde?	317
Notabilia circa phasin Lunæ corniculatæ.	283
Notabilis observatio Medicæarum	537. 541
Notatu digna circa Faculas.	516
Notatu digna circa maculas Solares.	518
Novi nihil temerè in Cœlo statuendum.	135
Novitates quasdam asseverare, unde co-	
acti fuerimus?	135
Noviterrium Lunæ.	290
Noviterrium in Lunâ quando?	293
Novilunium nullum unquam perfectum	
invenitur.	407



## O.

<b>O</b> bjecta, five rerum visibilium species erigendi, quinam sit optimus modus?	6
Objecta, ratione anguli visionis, & majora & minora spectantur.	91
Obliquiora debilius illustrantur.	257
Observatio conjunctionis Jovis & Lunæ	545
Observationes veterum, multâ imperfectione, laborant.	31
Observator inexercitatus facilè decipitur.	53
Observationes Jovialium, quando instituendæ?	54
Observationes Saturni.	65
Observationes Jovis & Martis.	65
Observationum macularum Solarium requisita.	102
Observationes Lunares nullas accuratas conficere possumus, verâ Lunæ effigie destituti.	206
Observator phasium Lunarium qualis esse debeat?	210
Observationibus Selenographicis, singulis noctibus, invigilare oportet.	211
Observationes Lunationum quem usum præbeant?	413
Observationes Lunationum, quomodo instituantur?	409
Observationes Lunationum instituendi ratio.	411
Observationibus longitudinum, quonam tempore vacandum?	485
Observationes Selenographiæ, quomodo fuerint institutæ?	207
Observationes notabiles Pleniluniorum.	370
Occultationes stellarum, quomodo observandæ?	469
Oceani Lunares habent suas Insulas.	150
Ostilis.	174
Oculus membrum corporis haud postremum.	2
Omne spectaculum aptum est, ad reflectionem simulacri rei oppositæ.	127
Opinionis inveteratæ, magna vis est.	93
Opiniones variæ, de luce lumine ac Lunæ illuminatione.	123
Oppositio.	183
Oppositionis tempore, tam Sol, quàm Luna nonnunquam conspiciuntur.	197
Oppositionum Luminarium exempla, notatu digna.	198
Optices axiomata.	194

## P.

<b>P</b> arallaxis.	185
Parallaxis in remotissimis corporibus evanescit.	187
Parallaxis phænomena plùs justò attollit.	188
Parallaxis eò major, quò corpora decliviora.	188
Parallaxis in Perigæo minima.	188
Parallaxis altitudinis.	188
Parallaxis longitudinis.	189
Parallaxis latitudinis.	189
Parallaxis declinationis.	189
Parallaxis ascensionis rectæ.	189
Parallaxis distantia.	189
Parallaxis distantia, in vertice est omnium maxima.	192
Parallaxis Solis.	193
Parallaxium differentia.	188
Parallaxium Lunarium theoremata.	190
Paradoxa, circa quasdam observationes.	484
Partes quædam Lunæ livefcentes.	380
Papyrus humectata se se dilatat, siccata se se constringit.	214
Penumbra Eclipsium, veram præcedit umbram.	452
Perfectum Plenilunium, quàm diu duret?	368
Peripateticorum de Lunâ opinio.	112
Peripatetici observationibus Astronomicis (quod mirum) fidem non adhibent.	117
Peripatetici, ne aliis oculos invideant, rogantur.	118
Peripheria Lunæ ubi maximum librationis terminum commonstret?	318
Peripheria alicujus phaseos ex parte scabrosâ apparet.	401
Phasium vicissitudines unde oriantur?	179
Phasium nomina.	181
Phasium magna varietas.	215
Phases Lunares correctè delineare, est opus difficillimum.	209. 217
Phasium forma rotunda, ratione papyri constrictionis, existit ovalis.	214
Phasium generalis delineatio perquâ utilis.	216
Phasium delineatio, quomodo instituenda?	216
Phasium tabulæ generalis centra, quid denotent?	240
Phases admodum variantur.	249
Phasis prima ac novissima.	276
Phasis Lunæ corniculatæ crescentis.	282
Phasis Lunæ recentissima, quando die conjunctionis conspici possit?	283



	<i>pag.</i>		<i>pag.</i>
Phases, quò magis crescunt, eò luminis augmentum in iis magis decrescit.	285	Phasis Lunæ cornutæ decrescientis.	400
Phases recentiores, nudis oculis apparent ampliores.	285	Phasis Lunæ cornigeræ decrescientis.	402
Phasis Lunæ Falcatæ crescentis.	286	Phasis Lunæ Falcatæ decrescientis.	404
Phasis prima omnium maximè se se diffundit.	286	Phasis Lunæ corniculatæ decrescientis.	406
Phasis Lunæ in cornua curvata, quare majores solito appareant?	287	Phenomena, omnium optimè per hypothesein Pythagoricam, explicantur.	164
Phasium vicissitudo, major est apud Selenitas, quàm apud nos.	299	Philosophos non decet, ad DEI omnipotentiam statim confugere.	122
Phasis Lunæ cornigenæ crescentis.	302	Philosophari rectè de rebus mundanis, res sanè difficilis.	152
Phasis eadem in anno nunquam redit.	303	Planetæ qualem tubi foramen requirant.	37
Phaseos ejusdem anniversaria restitutio, unde dependeat?	303	Platonis sententia de Cœlo.	154
Phasium earundem reditus, quando expectandus?	304	Planetarum tempus revolutionis.	167
Phasis curvata crescens.	306	Planetis fibras quasdam inesse magneticas.	169
Phasis crescens & decrescens, ratione temporis & luminis variat.	307	Planetæ habent suas eccentricitates.	170
Phasis Lunæ Lunatæ crescentis.	310	Planetæ modò velociore, modò tardiores.	170
Phases, quare non omnes, quasi in nonagesimo sint repræsentatæ?	311	Plenilunii limbus, non semper undique plenus atque levigatus.	142
Phasium lineæ sunt Ellipticæ.	312	Plenilunia minimè plena.	143
Phasis Lunæ, quando exactè referat semicirculum, quando Ellipsin, & quando circulum?	313	Plenilunia, quâ parte extiterint minimè plena.	143
Phasis Lunæ plusquam Lunatæ crescentis.	314	Pleniluniorum observationes, notatu dignæ.	143. 114
Phases in Capricornu, observatu difficiles.	316	Plenilunii vera facies.	220
Phases Lunæ adolescentis.	320	Plenilunii genuina facies major.	222
Phasis Lunæ Juvenis.	342	Pleniterrium Lunæ.	290
Phasis plusquam bifida.	344	Pleniterrium in Lunâ, quando?	291
Phasis Gibberosa crescens.	346	Plenilunium Æstivum.	358
Phasis Lunæ in orbem insinuata crescens.	348	Pleniluniorum aspectus semper variatur.	358
Phasis Lunæ incurvata crescens.	352	Plenilunium Brumale.	362
Phasis Lunæ gibberosæ crescentis.	354	Plenilunium versatile.	362
Phasis Lunæ adultæ.	356	Plenilunium perfectum, nullo tempore conspicitur.	369
Phasis Lunæ ad oppositionem vergentis.	376	Plenilunii pars deficiens, num oculis deprehendi queat?	369
Phasis Lunæ gibberosæ decrescientis.	378	Pleniluniorum diversa pars limbi, ratione latitudinis, existit scabrosa.	371
Phasis Lunæ incurvatæ decrescientis.	380	Plenilunii asperitas, num in utroque limite æque notabilis?	373
Phasis Lunæ in orbem insinuatæ decrescientis.	382	Plenilunium non undique rotundum.	416
Phasis Lunæ gibberosæ decrescientis.	384	Polemoscopium quisnam invenerit?	24
Phasis Lunæ gibbæ decrescientis.	386	Polemoscopii usus.	25
Phasis ad Quadraturam properans.	387	Polemoscopii constructio.	26
Phasis Lunæ dividuæ.	392	Polemoscopium, absque lentibus, quid præstet?	28
Phasis Lunæ à Quadraturâ recens.	394	Polemoscopium, quomodo omnia prona & erecta exhibeat?	28
Phasis Lunæ plusquam Lunatæ decrescientis.	396	Polemoscopium, quâ ratione omnia superna præsentet?	28
Phasis Lunæ Lunatæ decrescientis.	398	Polemoscopium, omnium quoque rerum species invertit.	29
Phases decrescientes, an crescentibus sint claritate pares?	398	Polemoscopium virgis ambulatoriis includere.	29
Phases senescentes lumen habent debilius	399	Polemoscopii demonstratio.	30



	<i>pag.</i>		<i>pag.</i>
Poli Lunares, quàm Cœli partem respiciant?	237	Qualitates elementorum Aristoteles ex Cœlo removet.	155
Poli Lunæ mobiles.	237	Quænam utilitas ex cornuum Lunæ inspectione ad nos redundet?	310
Pontus Euxinus qualis sit substantiæ?	318	Quid circa delineandas maculas sit observandum?	102
Porphyrites mons, quasi igneus apparet?	353	Quid inde fieret Luna si esset speculum planum?	125
Porphyrites, quânam constet figurâ?	354	Quintilis.	184
Porphyrites mons, mutat quidem formam, sed non colorem.	402. 396	Quincunx.	184
Polus arcticus macularum Solarium descendit.	511. 519	Quinam refractiones Astronomiæ applicantur?	193
Polus Austrinus macularum ascendit.	515	Quid circa ordinem phasium Autor potissimum attenderit?	317
Præfagium status æerei, ex cornuum Lunæ inspectione.	284	Quinam montes Lunares aliis sint excelsiores?	342
Proprietas utrinque concavarum lentium.	13	Quinque maculæ in unam coaluerunt.	502
Prosthaphæresis Epicyclica.	177	Quinque Solares maculæ ex tribus natæ.	502
Proportio terram inter & Lunam.	203	Quo quid longius à speculo convexo abest, eò magis attenuatur.	129
Pupilla, ratione lucis, coarctatur & comprimitur.	384		
<b>Q.</b>			
Quadraturæ variationibus obnoxia.	249	<b>R.</b>	
Quadratus.	183	Radii paucissimi reflexi, à speculo convexo offeruntur.	130
Quadraturarum confinia, statò tempore, reciprocantur.	250	Radii albicantes, circa Plenilunium conspiciuntur.	357
Quadraturarum sectiones non omni tempore per centrum transeunt.	322. 324	Ratiocinatio sola interdum admodum fallibilis.	120
Quadratura Lunæ prima.	322	Recentiorum opinio, de montium altitudinibus.	271
Quadraturarum sectiones variantur.	324	Reflectio è mari debilior, quàm è terrâ:	150
Quadraturarum sectiones, certos habent terminos.	326	Reflexio eò est debilior, quò superficies magis est lævigata.	150
Quadraturarum termini stabiliuntur.	327	Reflexio aquæ debilis.	151
Quadraturarum sectiones in certo interstitio suas peragunt reciprocationes	328	Refractio corpora cœlestia ex vero loco removet.	156. 195
Quadraturarum sectiones menstruæ schemate exprimuntur.	328	Refractiones.	193
Quadraturarum sectiones, observationibus corroborantur.	330	Refractio corpora plus justò elevat.	194
Quadraturarum sectiones, quibus de causis retardentur aut promoveantur?	330	Refractionis linea diversimodè refringitur.	194
Quadraturarum sectionum motus semestris, non perpetuò est æqualis.	331	Refractionis anguli non semper æquales.	196
Quadraturarum lineæ menstruæ, non continuò moventur in lineis parallelis.	332	Refractionis linea, qualis sit figurâ?	196
Quadraturarum sectionum diversæ observationes.	335	Refractio astra sub horizonte latentia attollit.	197
Quadraturæ notabiles.	340	Refractiones in vertice nullæ.	198
Quadraturæ sectio est recta linea.	389	Refractio circa horizontem maxima.	198
Quadratura ultima.	390	Refractio cur circa verticem evanescat?	198
Quadraturarum pars illustrata, num haud illuminatæ sit æqualis.	390	Refractio, ut horizon, variabilis.	199
Quadratura notabilis.	417	Refractio dies reddit longiores.	199
Quando termini extremi Quadrarum conspecti sint?	327	Refractio Fixarum.	200
Quæstiones de maculis Solaribus.	96	Refractio Solis & Lunæ.	200
		Refractionum species.	200
		Regulæ de naturâ, differentiis, & productione refractionis radiorum.	19
		Rupes in Lunâ existere præsumitur.	264



## S.

pag.

Sacer mons incipit illuminari.	395
Saturnus quibusdam ovalis apparuit.	42
Saturnus quibusdam duobus globulis stipatus, visus.	42
Saturni globuli adhærentes, videntur duæ stellæ eum obeuntes	42
Saturnum nonnunquam planè rotundum autor conspexit.	42
Saturnus Jovialium in distantia ferè longissima deprehensus.	543
Saturni vera facies ab autore adumbrata.	43
Saturni effigies à Fontanà observata.	43
Saturni facies describitur.	43
Saturni facies, cur non eadem semper videatur?	44
Saturni brachiola, qualia sint corpora?	44
Scheineri labor circa delineandas maculas	217
Selenographia nulla hætenus adhuc prodit.	206
Selenographica tabula.	226
Selenographica tabula, instar Geographicae est constructa.	227
Selenographicae tabulae phasium generalis descriptio.	261
Selenitæ (sive sint sive non sint) habent sua Æquinoctia & Solstitia.	295
Selenitæ habent suas Eclipses terræ & Solis.	296
Selenitæ, in terrâ æq; maculas conspiciunt.	297
Selenitæ, unde integram revolutionem 12 horarum colligere queant?	300
Sectionum Quadraturarum menstrua spatia cur non secundum inæqualitates competentes, fuerint annotatæ?	331
Sectiones Quadraturarum inæqualitatibus subjectæ.	389
Selenographia scientiarum Mathematicarum non postrema.	440
Selenographia ad res abstrusas, nobis pandit fores.	440
Selenographiæ ope, Astronomiam excolimus.	440
Selenographiæ beneficio, Eclipses longè accuratius observantur.	441
Secundariæ maculæ Solares	518
Semidiametrum umbræ terrenæ exquisitè determinare.	461
Semen macularum, umbra.	529
Sensus apud quosdam vix fidem inveniunt.	117
Semisextus.	183
Sesquadrus.	184
Sextilis.	183
Solis encomium.	76

pag.

Sol ex primævâ luce factus est.	76
Sol verus & materialis ignis est.	77
Sol est sphæricus.	77
Sol ex partibus heterogeneis conflatus.	77
Solem corpus esse compactum, quis statuatur?	78
Solem esse aliquatenus lentum & spongiosum alii asserunt.	78
Sol, quomodo lumen in terram spargat?	78
Sol triplici modo radios ejaculatur.	79
Sol centrum mundi.	80
Sol circumgyratur.	80
Sol periodicum motum, quanto temporis spatio absolvat?	80
Solis Poli mobiles	81
Solis Poli quomodo moveantur?	81
Solis distantia à terrâ.	81
Solis magnitudo.	81
Solarium macularum præcipui scriptores?	82
Solarium macularum observatarum utilitas.	82
Solares maculæ quid sint?	83
Solarium macularum genera, quotuplicia sint?	84
Sol oriens, montes turesque prius illuminat.	136
Sol, centrum universi, circa axem movetur.	164
Sol, an totum hemisphærium Lunæ, quovis tempore illuminet?	366
Sol plusquam hemisphærium Lunæ illustrat.	390
Solis lux unde interdum debilior?	399
Sol ab omni maculâ planè purus lustratus.	51. 501. 505. 508. 510. 518. 524.
Specilli ope, species foris visibiles, in camera obscuratâ distinctè depinguntur.	5
Species admodum clarè, in camera obscuratâ, repræsentare.	5
Species visibiles, quomodo variis modis erigantur?	5
Speculorum genera diversa	124
Specula plana, in unum solummodo locum; convexa verò quaquaversum, reflexionem projiciunt.	129
Specula sphærica oppositarum rerum simulacra referunt minora.	129
Speculi convexi proprietas;	129
Sphæræ maximè velocissimum competere motum, naturæ contrariatur?	167
Stellas incognitas explorandi modus.	39
Stellæ Urban-octavianæ prius ab autore, quàm à quopiam alio, visæ.	49
Stellæ Urban-octavianæ, nū fuerint erroneæ?	50
Stellæ Urban-octavianæ, adhuc in pristino loco reperiuntur.	53



Stellarum colores unde?	pag. 118	Terra radios Solis in hemisphærium Lunæ	pag. 294
Stellę quomodo moveantur?	155	latens reflectere nequit	294
Stellę arcu admodum junctę.	535	Terrenę maculę non sunt perpetuę apparitionis.	298
Superficies scabrosa radios quaquaversum reflectit.	151	Terrenarum macularum inopinatę mutationes, apud Selenitas.	298
Superficies aquę lunaris, speculum repręsentat convexum.	151	Terrę macularum primus usus.	299
Syrcticum mare.	355	Terrenarum macularum usus secundus, est cognitio longitudinis.	301

## T.

Tabula angulorum, verticalis, & orbitę Lunę, adornanda, ad longitudes inveniendas.	485	Theoremata Catoptrica.	128
Tabula inclinationis disci Lunę, ad horizontem Uraniburgicum supputanda.	483	Theoria Lunę schemate explicatur.	174
Tabella Lunę etatis.	446	Trigonus.	184
Telescopia omni oculo serviunt.	11	Tridecilis.	184
Telescopiorum magna differentia, ratione claritatis.	11	Trigonorum sectiones, ordine reciprocantur.	346
Telescopii fabrica.	11	Trigonorum termini extremi.	346
Telescopia ratione longitudinis diversa construere.	12	Trigonorum termini, quibusdam inæqualitatibus implicantur.	347
Telescopii alicujus egregii fabrica.	13	Trigonorum sectionum termini.	381
Telescopium ex duplici lente convexâ, obiecta invertit.	15	Tuborum optidorum genera quatuor.	11
Telescopium ex duplici lente convexâ constructum.	15	Tubi papyracei, & ex lamellis ferreis parati, cur non ab autore probentur?	15. 16.
Telescopium, ex duabus convexis, & unâ concavâ paratum.	15	Tubi omnium optimi, ex ligno sicco.	16
Telescopium, ex tribus specillis convexis adornatum.	15	Tuborum foramina, quomodo debeant esse comparata?	17
Telescopii perfectissimi notę.	17	Tubospicillum egregium, totam Lunę faciem, unâ vice, non capit.	208
Telescopiorum valorem, viâ infallibili explorare.	18	Tycho Brahe instaurator Astronomię.	32
Telescopiorum inæqualitas refractionis, quibus signis dignoscenda?	21	Tychonici Systematis descriptio.	162
Telescopiorum virtutes, vario modo explorare.	21	Typus transitus Jovialis.	546
Telescopium quomodo sit adornandum, ut fixę radiis adventitiis exutę appareat?	36. 37		
Telescopiis R.P. Antonii de Rheitâ præstantioradari.	53		
Telescopii ope, quadragies Cælo propius admovemur.	134		
Telescopium radios Lunę adventitios adimit.	285		
Terra moyetur motu triplici.	164		
Terra, motu spirali, Eclipticam percurrit.	165		
Terra totam Lunę sphæram secum circumducit.	165		
Terrę montes, num Lunę montibus sint excelsiores?	272		
Terra, Solis lumen reflexum ad Lunam projicit.	290		

## V.

Valles quâ ratione illuminentur?	136
Valles quando maximè lucidissimę?	136
Valles Lunares crescere & decrescere videntur.	263
Valles quędam, cùm Lunares, tum terrestres, formâ rotundę.	260
Valles Lunares mensurare.	269
Vallium circumferentia videtur crescere & decrescere.	343
Vallis Ætnę & Sinai.	348
Vallium Umbra.	376
Venus, quando minor Jove spectata?	39
Veneris facies.	68
Veneris observationes diurnę.	69
Venus Perigęa nudis oculis spectata admodum apparet parva.	72
Venus quantò longius à Sole discedit, tantò lumen ejus crescit.	73
Venus quando maxima appareat?	73
Venus quò magis lumine crescit, eò magis magnitudine decrescit.	73
Venus ante Solis ortum major apparet.	73

Venus



	<i>pag.</i>		<i>pag.</i>
Venus cū sit lumine aucta, quid circa eam observandum.	73	Vitrum quibus rebus potissimū inferviat?	2
Veneris phases vespertinæ.	73	Veteres cur Lunam Antichtona crediderint?	297
Veneris diameter in mediâ elongatione quanta?	449	Vladislavianæ stellulæ & Urban-octavianæ sunt eædem.	64
Veteres in ordine spherarum, inter se non conveniunt.	159	Umbrae Solares.	84
Veteres spherę reales, in plures fuerunt distinctæ.	159	Umbra in Lunæ vallibus variabilis.	137
Veterum opinio, de montium altitudinibus.	270	Umbrae natura.	138
Veterum error, circa primum Lunæ exortum.	275	Umbra variatur, pro corporis opaci & luminosi situ.	138
Veterum opinio, de phasium figurâ.	312	Umbrosæ quędam partes in Lunâ.	318
Vesputius veterem & novam Lunam, unâ die spectavit.	375	Umbra in Sole admodum notabilis	510
Via lactea quid sit?	39	Vulgus, quæ non percipit, inter absurda numerat.	120
Viam indagare translunarem.	471		
Visibile centrum disci Lunæ est mobile.	323		

## Z.

Zodiacus macularum Solarium	88
Zodiaci latitudo.	170

## AD LECTOREM.

*De mendis relictis, ut benevolè tollantur.*

**E**T continuo observationum celestium opere, & tot figurarum sculpendarum gravissimo labore, &, qua hic leguntur, conscribendis, rescribendisq; nec non editis relegendis, atq; corrigendis (satisne hoc homini uni negotii?) occupatissimus, haud potui utiq; evitare, ut absq; mendis (sine quibus ulli auctori, etsi non aequè distento, librum publicare vix datur) opus hocce nostrum prodiret: qua tamen menda à me demum minis negotioso sum satis bene animadversa, hęcq; ordine eum indicata in finem, ut Te humanissime rogem, mi Lector, quò à Te emendentur, mihi nihil vitio vertente, quin excusatione potius favente: qui ut sum, ita ero, & boni publici, & honoris Tui nunquam non cupidissimus. Ista inquam sunt emendanda, hoc modo:

**P**Ag. 14.lin.12.pr.cavo-planâ, leg.cavo-plano.p.17.lin.31 post internarum, inferere, adhibeat.p.25.lin.16.pr.quæ,leg.qui.p.27.lin.8.pr.variæ,leg.varias.p.28.lin.5.pr.r,leg.u.p.30.lin.25.pr.d.g,leg.d.e:&lin.26.pr.e.f,l.c.f.p.33.lin.15.pr.intricarum,l.intricarum.p.34.lin.2.pr.vissus,leg.vissas.pag.36.lin.7.pr.orbicularas,l.orbiculares.p.37.lin.14.pr.convexi,l.convexæ.p.40.lin.11.dele quia.p.56.lin.22.pr.judicio,l.indicio.p.61.lin.10.pr.altiores,leg.altiorem.pag.63.lin.21.post spatium,inferere,12.circiter.p.64.lin.19.pr.propresæ,l.progresæ.p.79.lin.13.pr.sicuti,l.sunt.p.86.lin.19.pr.exeunte,l.orientali.p.92.lin.15.pr.αυτοφωα;l.αυτοφωα.p.100.lin.29.pr.nequies,leg.nequis.pag.125.lin.5.pro quas,lege quæ.p.129.lin.31.pr.lib,5,leg.6,p.134.lin.17.pr.infirmum,l.infimum.p.137.lin.10.pr.calorem,l.colorem.pa.139.lin.4.pr.idicabitur,l.judicabitur:&lin.155.pr.eaq;l.easq;pag.143.lin.2.pr.illuminatæ,l.illuminati.p.145.lin.28.pr.imminet,leg.immineat.p.151.lin.29.pro sparget,l.spargat.p.167.lin.20.pr.&l.ut.pag.169.lin.4.dele me.p.183.lin.28.pr.Syzigia,l.Syzygia.p.lin.2,185.pr.quæ,leg:inter quæ:&pr.obrinet,l.obtinet:&lin.29.pr.antes,l.verò.p.190.lin.10.pro ejus,l.eorum.p.194.l.23.pr.quod,l.quot.p.207.lin.14,post tempore,inferere ac ne.p.217.lin.3,pr.compendiori,leg.compendiosiori.&lin.penuit,post vereor,inferere dicere.p.218.lin.18.pr.subfedere,l.superfedere.p.219.lin.3,post operis,inferere,ini:&lin.4,pr.potuissem admittere,l.posse admitti.p.226.lin.9,pr.fuerint,l.fuerunt.p.227.lin.21.pr.moris,l.more.p.240.in marg.pr.generali,leg.generalis.p.248.lin.penult. pr. variatq;l,varietyq;pag.251.lin.28.pr.maculas,l.maculis.p.254.lin.17.pr.potuerim,l.potui:&lin.25,pr.obtinenua,l.obtinentium.p.255.lin.3,pro removebantur,l.removebantur.p.281.lin.29.pr.casam,l.casum.p.292.lin.4,pr.fit,l.fiat.p.299.l.23,pr.sit,leg.sint.pag.302.lin.15,pr.mendabitur,l.mendabuntur.p.306.lin.12,pr.hebitare,l.hebetare.p.308.lin.11,pr.tempus,l.tempore.p.319.lin.18.pr.intaçu,l.intacta.p.327.lin.ult.pr.hæc,l.hos.p.330.lin.18.pr.aliquod,l.aliquot.p.333.lin.29,pro deprehendes,leg.deprehendas.pag.341.lin.19,post stabiliuntur,l.Quem:&lin.26,pr.fuimus,l.fuerimus:item lin.28,pr.tem-pore,l.tempori.p.344.lin.17,pr.unquam,l.nunquam.p.352.lin.13,pr.hos,l.hi.p.354.lin.7,pr.informandi,l.informandæ.p.357.lin.31,pr.nivis,l.nive.p.372.lin.3,pr.cuilibet tironi,l.cujuslibet tironis.p.406.lin.32,pr.quæras,l.quærat:&lin.33,pr.transferatur,leg.transferas.p.309.lin.2,pr.Utilitatæ,l.Utilitate.pag.411.lin.26,post iterum,inferere se.p.435.lin.26,pr.favit,l.favet.p.441.lin.3,pr.iniciatione,leg.imitatione:&lin.11,pr.tum,l.tam.pag.457.lin.2,pr.contentum,l.contentos.pa.458.lin.30,pr.par,l.paria.p.460.lin.6,pr.limbi,l.limbo.p.476.lin.23,pr.factum,l.factam.p.480.lin.20,pr.insiderit,l.insederit.&lin.penult.pr.nunquam,l.unquam.pag.481.lin.23,dele minus.p.484.lin.1,pr.relieto,l.relinquendo.p.486.lin.3,pr.aliter,leg.alter.p.493.lin.11,pr.utilissimum,accommodatissimum;l.utilissima accommodatissima.&lin.12,pr.videtur,l.videntur.p.494.lin.23,pr.sujiciantur,l.subjiciantur:&lin.28,pr.sectiones,l.sectionis.p.499.lin.ult. pr.protahantur,l.protrahantur.p.504.lin.6,pr.haram,l.harum.p.505.in marg.pr.redux est,leg.redux ex.p.521.lin.5,pr.subsequuta,leg.subsequutus:&lin.10,pro caluerunt,l.coaluerunt.p.539.lin.6,pr.illa,l.ille.p.540.lin.24,pr.aliquod,l.aliquot.p.544.lin.ult. pr.fideriæ,l.fidereæ.p.551.lin.1,pr.Ellipseos,l.Eclipseos.p.559.lin.8,pr.phasis,l.phases.p.560.lin.30,pro reflectio,lege reflexio.


*Si qua adhuc sunt reliqua, corrigentur item, si opus: quanquam nonnulla, quæ correctione fortè alicui videbuntur digna, vix erunt talia, dummodo mens nostra rebus magis, quam verbis intenta attendatur. Vale.*

REV





*Figura Primaria Placium et Lunationum.*





*Fig. T.\*.*

*Aut. Sculp.*

*Semidiameter Lunæ.*

*Digiti Ecliptici.*





*Figura Pleniluniorum Generalis.*





*Fig. T.t.\*\**

*Semidiameter Lune.*

*Aut. Sculpt.*

*Digiti Ecliptici.*



Handwritten text at the top of the page, possibly a title or header.



Small handwritten text or signature located in the lower right corner of the page.

Two horizontal lines of handwritten text at the bottom of the page, possibly a footer or a concluding statement.













